





C. 44. d

PANIS EVANGELICI
FRAGMENTA
QVADRAGESIMALIA
TRIPARTITA,

Ex sanctissimo Dei Verbo copiosè & sedulo
collecta, Sanctorum Patrum, variorumque Auctorum
sententiis & conceptibus mirificè aucta;

ET OMNIBUS QUIDEM ANNIS
Dominicis; præcipuè tamen singulis Quadragesimæ
Dominicis & Feriis per binas ad minus, sapius denas aut septenas
Conciones fidei Populo distribuenda proponit

R. P. CLAUDIVS de LINGENDES, è Societate IESV, quem
ante paucos annos è sacro Suggestu dicentem Lutetia, totaque
propemodum Gallia suspexit.

TOMUS PRIMUS.

Cum Indice Materialium in omnes Anni Dominicas locupletissimo.

Colligit, quæ superaverunt, Fragmenta. Ioan. 6. in Dom. 4. Quadrages.

COLONIAE AGRIPPINAE

Apud WILHELMUM & FRANCISCUM METTERNICH, Bibliop.
An der hohe Schmelz. ANNO M. DC. LXXXVIII.

Cum Superiorum Permissu & Privilegio. 7



TYPOGRAPHVS
LECTORI BENEVOLO.


EXHIBEO tibi (LECTOR BENEVOLE) diu expetitas
R. P. C. DE LINGENDES è Societate IESU Conciones
in Quadragesimam: Spectatior fuit ille apud univer-
sos, quam ut ad ejus commendationem præfari
quidquam necesse sit. Insidet adhuc vigetque in omnium men-
tibus memoria & species hominis, quem ambierunt templa, è sa-
cro suggestu dicturum frequentarunt coetus celeberrimi, hone-
stissimique, Lutetia, totaque adeo propemodum Gallia suspexit.
Requirendum ex ipso fuisse unum duntaxat mihi videtur, ut
ante obitum voluisset foetus suos per otium recognoscere, non
conformandos quidem melius, cum prout tunc erant, summam
ab omnibus approbationem laudemque obtinuerint, at iis in-
spargendos facibus, quæ ab pronuntiantis ore ac zelo permirè
in auditorum animos incendia vibrabant. Quod præstare illum
seu religiosa meritis demissio, seu præmatura mors non sivit, id
modo nos pro nostro in tuum commodum studio supplemus.
Et quales manu suâ conscriptos Sermones seposuerat, edimus in
lucem, iisdem plane verbis, quibus latinè illos expressit Ut indi-
dem intelligas eum (ut plerisque usu-venit) non locutionis ver-
naculae flosculos, non fuciles acuminum argutias, non ratiunculæ
perlevis fucum, non ostentationem ingenii, ac ambitionem va-
nitatis,

LECTORI BENEVOLO.

nitatis, non aurium lenocinia & oblectationem sectatum fuisse; sed id spectasse unum, ut Christianè diceret ac fructuosè, ut mentes informaret veritatis notitià, ut ingenia convinceret validis ratiocinationibus, ut vegetis motibus affectibusq; voluntates auditorum accenderet. Quo in genere dicendi, præuadique exemplo, quantum ipse per Dei gratiam perfecit, testificandum uniuscujusque, à quo nonnunquam auditus studiosè fuerit, fidei & conscientiæ relinquo. Te verò, MI LECTOR, ita æquum fore judicem arbitror, ut Concionatoris tam egregii meritum, non ab hisce tantum Sermonibus, tametsi eximiis æstimes, ac definias; siquidem, deficiuntur vitæ & spiritû, quem ipsis animus authoris & ingenium, matura conformatio vultus & corporis, moderatio venusta gestuum, dicendi ardor ac zelus afflabant: fore nihilominus confido, ut legendis illis meditandisque, ubi eremquam tibi expeto fructus segetem, & quantocunque pretio mercandum animæ tuæ lucrum colligas, VALE.



AP.




APPROBATIO

Visitatoris & Vice-Provincialis Societatis

IESV per Provinciam Rheni Superiorem.

Ego infra-scriptus Societatis Iesu per Provinciam Rheni superiorem Visitator & Vice-præpositus Provincialis, potestate mihi ad id factâ ab Adm Reverendo Patre IOANNE PAULO OLIVA, Vicario Generali, concedo *Wilhelmo & Francisco Metternich*, Bibliopolis colonien-sibus facultatem, ut *Panis Evangelici Fragmenta Quadragesimalia R. P. Claudii de Lingendes*, Societatis nostræ Theologi, antehac à Patri-bus nostris lecta & approbata recudantur. In cuius rei fidem has literas manu propria subscriptas, & consueto officii sigillo muni-tas dedi.

JOANNES BERCHTOLDUS Soc. Iesu,
Visitator & Vice Provincialis per provin-
ciam Rheni superioris.



SYNOPSIS CONCIONVM

Quæ in hoc Tomo continentur.

IN FERIAM QUARTAM CINERUM,

- CONCIO I. **E**xplicat præcipuas gaudendi causas, quas ex adventu *Quadragesimæ* percipit Concionator. Pag. 1
- II. Exponit quasdam causas tristitiæ, quas subjicit Concionatori *Quadragesimæ* ingressus. 13
- III. Tres alias causas doloris ex eodem *Quadragesimæ* adventu prosequitur; tum ad omnes cujusque status homines orationem convertit. 25
- IV. Tractat Veritates Christianas de rectâ intentione. 36
- V. Agit de rectâ intentione contra vanam gloriam. 51
- VI. *Quæ* prima est de ceremoniâ Cinerum, exhibet materiam Sacramenti mortis, nempe quid Cineres significant. 64
- VII. *Quæ* secunda est de Ceremonia cinerum, explicat formam Sacramenti mortis, nempe ea verba, Memento homo quia pulvis es, &c. 79
- VIII. *Quæ* tertia est de ceremonia Cinerum, exponit ritum Sacramenti mortis; & cur cineres capiti imponantur. 90
- IX. *Quæ* quarta est de ceremonia Cinerum, duo de cineribus tractat; Cur benedicantur, & cur hæc ceremonia fiat initio *Quadragesimæ*. 102
- X. *Quæ* est de conversione hominis per penitentiam, ostendit ex quinque capitibus eam esse unum ex maximis facinoribus Dei. 114
- XI. Ostendit per penitentiam hominis converti Deum, & unde sit tanta vis in penitentiâ. 122
- IN

CONCIONVM.

IN FERIAM V. CINERUM.

- XII.** *Agis de voluntate Dei quoad salutem hominum; & proinde de subrogatione quorundam in locum aliorum.* 130
- XIII.** *Qua est prima de Fide, exponit causas ob quas Christus tanti fecit fidem Centurionis, deinde nobilitatem actus Fidei & difficultatem.* 242.
- XIV.** *Qua est secunda de Fide subijcit prerogativas actus Fidei.* 155
- XV.** *Qua est tertia de Fide, exponit cur Deus voluerit regere homines per Fidem* 166

IN FERIAM VI CINERUM.

- XVI.** *Qua est prima de dilectione inimicorum, aequitatem huius praecepti ostendit.* 178
- XVII.** *Qua est secunda de dilectione inimicorum, demonstrat perfectionem huius praecepti supra legem naturae & supra legem scriptam.* 195
- XVIII.** *Qua est tertia de eodem argumento, exponit huius praecepti perfectionem ex imitatione Sanctorum & similitudine Dei.* 205
- XIX. & XX.** *Qua est quarta de dilectione inimicorum, & in duas dividi potest, agit de lege mundi circa injurias, qua ultionem esse licitam mundani probant: & hac est prima pars.* 214
- Deinde qua est secunda, confutat rationes legis istius mundanae, & legem Christi confirmat contra ultionem.* 226
- XXI.** *Qua est quinta de dilectione inimicorum, continuat defensionem legis Christi circa injuriarum condonationem quam probat esse omnium optimam vindictam exemplo Davidis.* 237
- XXII.** *Qua est sexta de dilectione inimicorum, ostendit injuriarum condonationem non esse actum ignaviae sed fortitudinis, & longè majorem esse fortitudinem in patiendo quàm in aggrediendo, exemplo Machabaeorum.* 257
- XXIII.** *Qua est septima de dilectione inimicorum, probat melius famam consuli ignoscendo quàm se vindicando.* 274
- XXIV.** *Qua est octava de dilectione inimicorum, agit suae contra Duellum.* 283

IN DOMINICAM I. QUADRAGESIMÆ.

- XXV.** *Sex veritates sibi connexas, de tentationibus Daemonum, completitur.* 299
- XXVI.**

SYNOPSIS CONCIONUM:


XXVI. *Qua est secunda de tentationibus, dolos & artes Damonis in tentando aperit, ex ijs, quibus Christum aggressus est.* 312

IN FERIAM SECUNDAM, TERTIAM & sequentes, (adlibitum Concionatoris,) post Dominicam primam Quadragesimæ.

- XXVII. *Qua prima est de Iudicio Finali, quanta sit ejus gravitas, edisserit ex eo, quod Christus sit Iudex.* 325
- XXVIII. *Qua secunda est de Iudicio Finali, agit de prima qualitate Iudicis, qua est ejus Majestas.* 335
- XXIX. *Qua tertia est de Iudicio Finali, secundam qualisatem Iudicis palam ponit, scilicet ejus severitatem.* 348
- XXX. *Qua quarta est de Iudicio Finali, tractat locum de iracundia Iudicis, qua est tertia ejus qualitas.* 361
- XXXI. *Qua quinta est de Iudicio Finali tota est in prima actione judicij, qua est multiplex divisio & separatio bonorum à malis, qua tunc fiet* 372
- XXXII. *Qua sexta est de Iudicio Finali, versatur in secunda actione Iudicii, qua est interrogatio & discussio judicandorum.* 385
- XXXIII. *Qua septima est & ultima de Iudicio Finali, dicit de sententia pronuntiatione, ejusque executione: qua est tertia judicij actio & ejusdem consummatio.* 395



FERIA



FERIA QVARTA

CINERVM.

CONCIO I.

DE IEIUNIO

Cum Fejunatis nolite fieri sicut Hypocritæ tristes.
Matth. 6.



QUIEMADM ODOM Con
scientia & Zelus Gloriz
Dei, conjunctus, cum suæ
proprie contemptu, exigir
ab iis omnibus qui verbum
Dei pertractant, ut eligant
sermone potius utiles quã
curiosos, ac fructuosos magis, quam iucun-
dos: Ita tempus in quo versamur, luctus, la-
crymarum, & pœnitentiæ, adigunt me ad ser-
monis formam, quæ huic tempestati conve-
niens, & similis sit. Qui enim consentaneum
foret, videndo Ecclesiã universam in luctu,
Christianos omnes in pœnitentiæ statu, at-
q; insolentissimos quosq; continere se intra

modestiam, vobis à me induci curiositatem
in sermonibus, meisque in verbis ornatum?
an decorum esset locutionem illinere fugo
& pigmentis orationemque studiosius ela-
boratam afferre? ad suadendum vobis obte-
gere capita vestra cineribus, capillos com-
miscere pulvere, saccoque vos & cilicio in-
duere. Quid enim verò fieri solet hodie in
Ecclesiã? quænam in ea vox personat? quis
apparatus videtur? Edicuntur jeiunia, lachry-
mæ, ac pœnitentia. Templum omne personat
hisce verbis Ioelis Prophetæ cap. 2. *Converti-
mini ad me in toto corde vestro, in jeiunio & fletu,
& plâu, & scindite corda vestra, & nō vestimẽ-
ta vestra.* Ad quæ porro nō pertinet verba quæ

A

se-

le quoniam? *Canite tubā in Sion, sanctificate ieiunium, vocate cœtum, congregare populum, sanctificate Ecclesiam, coadunate senes, congregare parvulos & sugentes ubera: Egrediatursponsa de cubili suo, & sponsa de thalamo suo: inter vestibulum & altare plorabunt Sacerdotes Ministri Domini.* Ecquis minimè vocatur ad pœnitentiam, quandoquidem non excipiuntur senes, parvuli, & qui ubera etiam exugunt, nec adolescentiores puellæ, nec matrimonium novissimè altiticti, neque tota Sacerdotum sanctitas. Injicitur cinis in mortalium omnium capita, non parcendo coronæ Regum, Imperatorum diademati, & summorum pontificum tiaræ: vestitus omnes sunt lugubres ornamentis suis parietes exut; continguntur imagines & statux; luctuosa templorum facies omni apparatu nudata, auferunt nobis victum, dolorem ac pœnitentiam prædicat. Nimirum sancta quadragesimæ tempestas nihil aliud est nisi profunda meditatio vel potiùs repræsentatio passionis Domini Jesu Crucifixi: de qua sermo ille omnium optimus sit, qui minimè omnium curiosus neque exquisitus est. Cōcedite igitur, ut ad rēpus me accommodans, in hoc sermone nihil afferam curiositatis, at plurimum voluntatis & studij ad usus vestros, sicut & ipse magnum salutis vestræ desiderium à vobis postulo. Quod ad efficientiam fructumq; attinet, ego attendens id Apostoli 1. Cor. 9. *Neque qui plantat est aliquid, neque qui rigat, sed qui incrementum dat Deus*, nihil aut industriæ meæ, labori aut bonæ affectioni vestræ confidens, integrum illum expecto ab misericordia Dei, ad quam Beatissimæ Virginis interpositu recurro.

AVE MARIA.

Sentio me in ipso dicendi principio cœ-

atū anxiā animi mei fluctuationem vobis profiteri. Quod nempe dubitem, utrum hoc sanctæ Quadragesimæ ingressu gaudere ac oblectari debeam, aut affligi & dolere. Quaquidē dubitatione liberari nequeo, nisi apud vosmetipsos, qui alios huius controversiæ iudices habere non possim nisi vos, cū vestrum hic negotium agatur, ad vosq; res tota spectet. Cederet forsan aliquis. eum qui me sollicitat, animi æstus proficisci ab argumentorum differentia, quæ nobis hodie Ecclesia proponit. Quis enim homo, ita præfidens & obfirmatus est, si quid paululum sensus habeat, ut non terreatur modò, sed percellatur animo, sic tanquam tonitruī fulminisque ictu, terrificis hisce verbis. *prostratus? Memento homo quia pulvis es, & in pulverem revertaris.* Aliud verò Servatoris nostri præceptum mihi lætitiā imperat, eamque vult me impressam fronti præferre, usque adeo, ut me ipsum perfundam unguentis, si necessarium id fuerit, ad omnes mortaliæ nubeculas & vultu meo delendas. *cum ieiunatis nolite fieri sicut hypocritæ tristes. Tu autem cum ieiunas, unge caput tuum, & faciem tuam lava.*

Ea tamen difficultas non mihi peculiaris est, sed cum cæteris omnibus communis, neque admodum difficile est illa allevari, dicendo.

1. Minimè tristitiam absolute prohiberi à Servatore, sed hanc vanamq; mororis speciem, neque etiam dicitur, ne fitis tristes, ac *nolite fieri sicut hypocritæ tristes.* 2. Tum ab Ecclesia in cæremonia Cinerum, tum ab Servatore in Evangelio juberi nobis pœnitentiam ac proinde tristitiam: Non ideo quia pœnitentia nobis agenda est, sed ob pœnitentiæ causam, quæ peccata nostra sunt:

sunt: quamobrem, sicut usu poenitentiae latari debemus, sic oportet nos morere ab causa, quae nobis illius est; quandoquidem in culpam nostrarum dolore consistit, est quo sequitur, ut dolor læticiam in nobis procreet, ac debeamus utrumque simul copulare, quemadmodum Servator mundi nobis præcipit, ut jejunando lavemustaciem, caputque ad gaudii signum & testificationem ungamus: Quo sensu usurpo Apostoli sancti Pauli verba. 2. ad Corinth. cap. 7. *Nunc gaudeo, non quia contristati estis, sed quia contristati estis de poenitentia. Contristati enim estis secundum Deum, ut in nullo detrimentum patiamini ex nobis. Quae enim secundum Deum tristitia est, poenitentiam in salutem stabilem operatur: se. uli autem tristitia maiorem operatur.* Verum difficultas in quam incurro, meique animi anxietas propria mihi & peculiari est, me nequaquam ut privatum quem unum spectando, qui quidem instat cæterorum sustineam sensus aliis omnibus communes, at sicut hominem publicum propter munus officiumque mihi mandatum. Quia porro vos suppeditatis mihi causam utriusque sensus, ad tribunal vestrum me sisto, expectoque à vobis sententiam, quæ debeat me, aut læticia complere, aut adigere ad sanctum hocce Quadragesimæ tempus, in mœstitia atque animi afflictione raducendum. Exordior ab causis gaudii & oblectationis, quam accepturum me spero, nisi invidetis mihi vobisque meritis hoc læticitatis genus, atque ausim dicere, si quod æquum est, mihi præstatis.

1. Ecce finem vitæ licentioris, crapularum & belluationis. Atque ad id bene animo comprehendendum, ponere vobis ob oculos deformem mœtamque imaginem

maximæ Christianismi patris, superioribus proxime diebus licentiae, ac solutioris vitæ diebus reprobatis & execrabilibus, propterea quod consecrati sunt intemperantiae, ebrietati, luxui, & sensuum lenociniis: modestissimi quique, & continentissimi verecundiam abiciunt, ac moderationem: neque propemodum quicquam est, quin existimet libertatem dissoluti vitæ licitam diebus illis vel tolerabilem esse. Commodius eam vobis exhibere non possum quam figura Israëlitiçi populi ad Idololatriam aut vitulum aureum projecti, Exodi 32. *Surgentesque mane obtulerunt holocausta & hostias pacificas, & sedit populus manducare & bibere, & surrexerant ludere.* Itaque si præterita tempestas fuit vituli aurei exciratio, & idololatria, Nunc est vitulorum comminutio. *Arripensque, Moyses, vitulum quem fecerant, combussit, & contrivit usque ad pulverem, quem sparsit in aquam, & dedit ex eo potum filiis Israel:* Est etiam ultro facta à Levitis, qui ex Idololatriis ad viginetria millia intereinerunt: quibus ait Moyses. *Consecratis manus vestras hodie Domino, unusquisque in filio, & in fratre suo, ut detur vobis benedictio:* Si fuit ingens gulæ tempestas, & quasi vitiorum iactatio, iuxta illud Osee 4. *Maledictum, & mendacium, & homicidium, & furem, & adulterium inuiderunt, & sanguis sanguinem terigit.* Certè his diebus ex tanta vitiorum iactatione, temperantiae, atque omnis sanctitatis portum subimus: Unde Chrysost. homil. 1. in Genes. jejuniū appellat animarum nostrarum portum post tempestatem, ac procellam ebrietatis. Denique si antea fuit imperium, atque tyrannis Dæmonis, nunc est libertas, & liberatio, & servitus iustitiæ, ut loquitur Apostolus. Præterea enim finem accipiunt:

mutatio est vestis, & mensæ; mutatio morum, & consuetudinis, lachrimæ adhibentur pro risu, oratio pro ludo: solitudo pro congressu, concio pro chorea, abstinencia pro belluatione, jeiunium pro conviviis, modestia pro vestium lautitia, elemosinæ pro infanis sumpibus, continentia pro libertate, humilitas pro superbia. 3. Reg. cap. 21. *Nonne vidisti humilitatem Achab. coram me?* Quia igitur humiliatus est mei causa, non inducam malum in diebus ejus: Quia nimirum, ut ait Scriptura, cum audisset Achab sermones istos (Eliæ), scidis vestimenta sua, & operuit cilicio carnem suam, jejunavitque, & dormivit in sacco, & ambulavit demisso capite: Ita facta mortis comminatione per illa verba: *Memento homo quia pulvis es, & in pulverem reverteris*: Christianus populus vestem mutat, cinerem vertici imponit, jejunat, & humiliatur: Deus præ gaudio id suis prophetis annuntiat, ut ipsos quoque eo spectaculo oblectet. *Nonne vidisti humiliatum Achab coram me?* Quod si vel unius peccatoris pœnitentia universos Angelos oblectat: quanto magis ex his diebus putatis nos ingentem lætitiâ percipere, cum omnes peccatores videmus redigi ad pœnitentiam: Et hæc est hæc lætitiæ causa.

Sumo atque edisco alteram ab S. Joanne Chrysothomo in una ad Genesin homilia, ubi nominat Quadragesimam, Spiritale animarum ver, & fidissimam tranquillitatem animorum: Hoc est, Auditores sicut veris adventus exornat inauratque universi faciem, quæ infuscata fuerat & deformata hyemis asperitate, ita Christianismus revirescit, plerumque recipit splendorem in eunte Quadragesima. Jucundum quidem (inquit magnus ille vir) nautis est ver, jucundum quoque est agricolis, sed neque

nautis, neque agricolis ita jucundum est veris tempus, ut his qui philosophari volunt, jucundi sunt jejuniorum dies, spiritale animorum ver & fidissima tranquillitas animorum. Quod enim agricola in vere jucundum invenit, illud est, quod videat terram ornari vestisque floribus, frondescere arbores & totam pene naturam iterum quodammodo renasci: illud est quod naturas exhilarat, quod eo tempore Oceanus comprimit fluctus, tempestates sedat; navarchi leges admittit, & liberum navigio transitum præbet. Nobis autem (pergit Chrysoth.) jucundum est jejuniorum ver: quod tunc non undarum sed cogitationum & concupiscentiarum carnis fluctus ac turbines mitigantur, & coronæ nobis non florum sed spiritualium gratiarum parantur. Sic enim scriptum est: *ut ornamentum gratiæ accipias coronam*, Eccli. 32. Quia igitur nobis quietum & tranquillitatis tempus advenit, etiam nos deducamus in mare doctrinæ navigium, & dicendi vela pandamus; si tamen tranquillus & tutus est aurium vestrarum portus, in quo verbi Dei navis absque metu naufragii collocetur. Ex quibus sancti illius viri plane aureis verbis, colligo luculentam gaudii occasionem esse mihi, videre vos advenisse ad spirituale animæ ver: Nam quemadmodum naturali & consueto tempestarum vere, universa orbis facies mutatur, exiitque tanquam lugubri veste, ut hilaritatis toga mille distincta floribus tegatur, cælum amœnius apparet, sol luminosior, clarior luna, stellæ splendidiores, ær odoramentis perfusus, mare æquæ cæruleum complanatumque ac cælum, terra sexcentis picta coloribus, arbores animantelque denuo revocatæ ad vitam, natu-

natura omnis in bonum & integrum statum restituta; sic eo sanctæ Quadragesimæ tempore universa renovatur Ecclesia, merita revirescunt, virtutes efflorescunt, ad homines revertitur sanctitas: Quid dicam? sicut ver pulcherrima est universi facies, ita Quadragesimam longe optimam esse anni tempestivitatem. Chrysost. homil. 1. in Genes. Hæ enim feræ sunt, ubi animarum salus, ubi pax, & concordia est, ubi omnis huius vitæ apparatus abigitur: ubi clamor & tumultus, & coquorum discursus, & pecudum inactiones è medio tolluntur, quies verò omnis & tranquillitas, & charitas, & gaudium, & pax, & unitas, & innumera bona pro illis in usu sunt. Et S. Basil. homil. 1. de Ieiunio. Nullum animal deplorat mortem; nusquam sanguis, nusquam sententia ab inexorabili ventre adversus animantia pronuntiata: cessat machera coquorum, mensa contenta est sponte nascentibus: Sabbathum Judæis erat traditum, *us quiescat* (inquit) *jumentum tuum, & famulus tuus.* Sit Ieiunium famulis requies à perpetuis laboribus, qui tibi per totum annum interviant: dato respirationem coquo tuo, da otium menfarum apparitori, quiescat manus prociatoris, sit aliquando respiratio variorum bellariorum ac cupediarum architecto, conquiescat tandem ipsa domus ab infinitis tumultibus, à fumo, à nidore, ab his qui sursum, & deorsum cursitant, ac ventri velut imperiosæ dominæ ministrant. Hinc Chrysost. homil. 2. in Gen. comparat Quadragesimam civitati bene moratæ, & compositæ matronæ.

3. Tempus advenit pœnitentiæ & satisfactionis, nam rectè, dixit Tertull. lib. de Ieiuniis cap. 7. Semper inedia mœroris se-

quela est, sicut lætitia accessio saginæ. Basil. homil. 7. de Ieiunio. Pœnitentia sine Ieiunio otiosa & infrugifera est. Itaque mihi venit in mentem dicere cum Apostolo 2. Cor. 7. *Nunc gaudeo, non quia contristati estis, sed quia contristati estis ad pœnitentiam.* Nunc ego Angelorum tripudio gaudeo, non jam super uno peccatore pœnitentiam agente, sed super innumeris pœnitentibus: Quam enim mihi jucundum est videre superbum humiliatum, ebriosum sitire, gulosum esurire, luxuriosum continere, vagum quiescere, & in omnibus fere mutatos mores: sed hinc etiam existit communis orationibus lætitie seges, quod nunc sit pœnitentiæ tempus: Nam tantum abest ut hæc vox horrorem incutere debeat, ut nihil mirius, nihil blandius auribus nostris insonare possit. Vis videre? Cur Christi prædicatio vocata est Evangelium, nisi ab optimo nuncio? quis autem ille bonus nuncius nisi promissio reconciliationis, & prædicatio pœnitentiæ? cum enim audis adesse pœnitentiæ tempus, idem est ac si audires propitiationem adesse peccatorum, neque enim ulla sit remissio peccatorum sine pœnitentia: Ita scriptura, ut indicet Esau non esse receptum, ita loquitur. *Et non invenis pœnitentiæ locum, etiam si cum lacrymis requisisses eam:* Veniat in mentem insignis illius lætitie qua Judæi olim defundebantur adveniente anno Iupilai: quo quisque damna præterita reparabat, & redibat ad suam possessionem, uti scribitur Levitici 25. *Numerabi tibi septem, hebdomadas annorum, id est, septem septies, qui simul faciunt annos 49. & clanges buccina mense septimo, decima die mēsis, propitiationis tēpore in universa terra vestra, iustificabisq; annū quinquagesimū, & vocabū remissionem cunctis habitato-*

populus manducare, bibere, & surrexerunt ludere. Causa rebellionis in Deum & obli-
vionis ejusdem Deuteronom. 32. *Incrassatus est dilectus, & recalcitavit, incrassatus, im-
pinguatus, dilataus, dereliquit Deum factorem suum, & recessit à Deo salutari suo :* Causa fuit
reprobationis Elau, Chrysost. homil. 1. de
Jeiunio. Unam Elau jejunaſſet, & non
vendidisset primogenita : sed cibo minor
factus, naturæ privilegium pro lentibus
vendidit. Gulam autem jejuniu extinguit
: propterea idem gulam appellat mor-
bum, Quadragesimam autem, animarum
noſtrarum remedium : Et Tertull. c. 3. de
Jeiun. ita loquitur : Teneo igitur à primor-
dis homicidam gulam, tormentis atque
ſuppliciis inediæ puniendam : etiamſi Deus
nulla jeiunia præcepiſſet, ostendens tamen
unde ſit occiſus Adam, mihi reliquerat in-
telligenda remedia offenſæ, qui offenſam
demonſtrarat: quæ verba ſupra dictis omni-
bus applicare poſſunt.

Probatu 3. Ea eſt hujus ſæculi corru-
ptela, ut libido omnia teneat ac depopu-
letur, unde ſerè qui libidinem extinxerit,
communiſſimum malum ſuſtulerit : Id ve-
ro maxime efficit abſtinentia atque jeiuni-
um: nam ut ait Tertull. lib. de Jejun. cap. 1.
Monſtrum haberetur libido ſine gulâ, ſpe-
cta corpus, & una regio eſt : denique pro
diſpoſitione membrorum, ordo vitio-
rum : Nam appendices ejus, ſcilicet gulæ
(Cap. 17.) laſcivia atque luxuria, Baſil. ho-
mil. 1. de Jeiunio. An ignoraſ quod perin-
de atque in acie hinc atque inſtructâ
ad conſectum, qui alteri parti fert ſuppe-
tias, facit ut altera vincatur, ita qui carni
ſeſe adjungit, expugnat ſpiritum, & qui ſtat
à ſpiciu, carnem in ſervitutem redigit, hæc
enim ſibi invicem adverſantur, proinde ſi

cupis mentem reddere validam, fac car-
nem domes jeiunio. Unde Apoſtolus: *Cum
inſirmior, tunc potens ſum.* Rationem hujus
ſucceſſus indicat S. Chryſoſt. homil. 72. ad
populum Antioch. Quia cibus laſcivit caro,
& ſit petulans, propterea (inquit) cibo-
rum jeiunium ſuſceptum eſt, ut canis im-
perium coërceat, & equum nobis ſacilem
reddat.

4. Probatu. Quia jeiunium generale
eſt bonorum omnium inſtrumentum, &
opportunum ad omnia. Veteris legis radix
(ait Chryſoſt. homil. 1. de Jejun.) à jeiunio
capit, nam Moyſes poſt 40. dierum jeiuni-
um legis tabulas accepit, quas deinde
viſa populi intemperantiâ perſegregit, ab-
ſurdum eſſe cenſens, inquit idem Homil.
1. in Genef. ebrium, & prævaricatorem
populum leges à Domino conditas acci-
pere. Sed iterum ieiunat Moyſes, (inquit
ſerm. 1. de Jeiunio) qui non peccarat, &
ignoscitur peccatoribus peccatum, alia-
que dantur tabulæ: dicetes ieiunium eſſe
totius legis obſervationem : per gulæ vero
intemperantiâ leges omnes perſtringi:
Audi Baſil. homil. 1. de jeiunio. In ſummo
monte ieiunium, legem impetravit: In imo
vero montis luxus, & ingluvies ad idolo-
latram dementavit : ſedit enim populus
ut ederet ac biberet, & ſurrexit ad luden-
dum. Quod ſamulus 40. dies ieiunus aſſi-
due verſans cum Deo, deprecansque con-
fecerat, id unica remulencia reddidit irri-
tum inſtrugiferumque : Nam tabulas quas
ieiunium impetrarat, conſcriptas digito
Dei, ebrietas comminuit, dum propheta
iudicat indignum, ſi populus ebrius legem
acciperet à Deo. Pergamus ulterius: Tor-
dierum ieiunium, ait Chryſoſt. homil. 1. in
Genef. & magnus Elias egit, & fugata mor-
tis

dæmonia jeiuniis præliandum. Quid enim mitum sic eadem operatione, spiritus iniquus educitur, quā sanctus inducitur. Ex quibus satis intelligis jeiunium esse idoneum in manu Dei instrumentum, quo nobis bona omnia conferat. Eodem quoque modo, & nos ad omnia uti possumus. Quid fameliarius oratione? ad illam necessarius est alacris, & à terra subnexus animus; utrumque præstat jeiunium: Audi Chrysost. Homil. 1. in Genes. jeiunium, animæ nostræ alimentum est, ut sicut corporalis iste cibus impingat corpus, ita & jeiunium animam habiliorem efficit, & valentior, leves ei pennas producit, ut in sublime feratur, & quemadmodum leviores naves, maria velocius transeunt, contra multis oneribus gravatæ submerguntur, unde in tempestate exonerandæ sunt; Ita jeiunium quidem leviorē reddens mentem efficit, ut facilis huius vitæ pelagus transmittat. Eodem sensu dixit Tertull. cap. 6. aptiorem esse animum divinis rebus tractandis in Virgine adhuc salivā: rationem subdit. Quotusquisque enim meminerit religionis, occupatis memoriæ locis, impeditis sapientiæ membris; nemo ita ut decet, ita ut par est, ita ut utile est, recordabitur Dei in eo tempore quo ipsum sibi hominem excidere solemne est. Omnem disciplinam, victus aut occidit, aut vulnerat: è contra jeiunium ex Chrys. homil. 1. de leun. Angelorum imitatio est, contemptis præsentium, schola precum, alimonia animæ; frænum otis. Et mitigat concupiscentias, sciunt qui jeiunant; & mitigat volaplatem, sciunt qui tentantur; mollit furorem, compescit iram, sedat fluctus naturæ; excitat rationem, claram facit animam, allevat carnem, fugat fœdas intem-

perantias nocturnas; liberat ab ebrietate, &c. Quæ omnia orationem plurimum juvant.

Jam quid difficilius, quid excelsius Martirio illud autem leve efficit jeiunium, & nos ad illud præparat, 1. enim discimus ferre inediam. 2. materiam subducimus tormentis: Audi Tertull. cap. 12. carcer edificendus, fames ac sitis exercendæ, & tam inediæ, quam anxii victus tolerantia usurpanda, ut in carcerem talis introëat Christianus, qualis inde prodierit, non pœnam illic passurus, sed disciplinam, nec sæculi tormenta, sed sua officia, eoque fidentior processurus ad certamen è custodiâ, abusus nihil habens carnis, sic ut nec habeant tormenta materiam, cum solâ & aridâ sit cute loricated, & contra ungulas corneus, præmissio iam sanguinis succo, tanquam animæ impedimentis, properante iam & ipsa quæ iam sæpè jeiunans mortem de proximo norit. Denique tum ad præterita, tum ad præsentia, tum ad futura sese extendit jeiunii utilitas. Unde Chrysost. serm. 1. de ieiunio ira horrat. Jeiuna quia peccasti: ieiuna ut non pecces: ieiuna ut accipias, ieiuna ut & permaneant quæ accepisti. Atque ut intelligas hæc bona omnibus esse communia, ita loquitur Homil. 2. in Genes. Jeiunium est animarum nostratarum tranquillitas, senum decor, adolescentium pædagogus, continentium Magister: quod omnem ætatem & senium, quasi diademate quodam ornat. Nusquam hodie tumultus, vel clamor, vel carniū coctiones, vel coquorum discursus, sed omnia illa abierunt: & iinitatur hæc civitas honesta, quandam continentem, & sobriam matrē familias, An non igitur mihi magna lætitiæ occasio oborta est, cum ieiunii tempus ad-

B esse

esse sciam, ex quo in nos quasi è fonte, tot bona proficiuntur.

5. Causa est, Quod sit bonorum operum tempestivitas, omnium virtutum exercendarum, pietatis, orationis, modestiæ, temperantiæ, mansuetudinis, mortificationis & aliarum. Num. 1. ut dixit S. Chrysost. homil. 71. ad pop. Antioch. Jeiunantem decet esse correptum, mitem, humilem, præsentis vitæ gloriam despicientem; sicut cibos aspernatus est, sic & inanem gloriam floccipendat, oportet: alioquin ut ait Nyssen, orat. 1. de pauper, aman, Quid confert ieiunium corporis, nisi mens pura mundaque sit? Nihil enim profitur currum validum, ac strenuus quadrigis instructum esse, si auriga infaniam. Nulla erit bene fabricatæ navis utilis, si ebrius sit ipse gubernator. Jeiunium virtutis fundamentum est: quemadmodum autem navium carinæ, & fundamenta domus, licet ingentia subiicias, inutilia vanaque sunt, nisi reliquas item partes peritè & scienter exædificaveris, sic istius abstinentiæ nulum erit emolumentum, nisi aliæ iustitiæ partes accesserint.

2. Quia tempus est actionum misericordiz, consolari affictos, ægrotos, detentos in carcere, largius eleemosynas distribuere. Hinc enim ex parte jeiunamus, ut plus habeamus quod tribuamus: Nō enim ait Chrysost. serm. 1. de Jeiunio: negotia jeiunium est, ut lucrum faciamus non edendo, sed ut quod manducaturus eras, pauper pro te comedit, fiatque tibi duplex bonum, cum quod jeiunas, cum quod alius non esurit. Idem eleganter expressit Gregor. Nyss. orat. 1. de Paup. amanda. Quod ventri subtrahis, tribue esurienti, exquet

omnia iustus Dei timor, duas inter se con-

trarias affectiones, tuam videlicet, satietatem, & factis famem, modesti continentiæ tempera atque moderare, sic enim faciunt & medicati alios exinaniant, alios replent ut accessione, decessioneque uniuscuiusque sanitas conservetur.

3. Quia id ita fieri nemo insolitum putat, quoniam tempus id exigit: immò contrarium in admiratione est, & in aliquo scandalo: quæ res non levis est momenti: sublatum enim est bene agendi maximum atque difficillimum impedimentum; quid vulgus dicit, quid ab hominibus dicitur, quod plurimos soler retinere.

6. Causa est. Quod sit tempus concionum, verbi que divini, quod quidem efficit, ut Quadragesimam plurius æstimem eo ipso, quam ratione jeiunii: hoc enim unicum ferè remedium iam nobis relictum est, in tam corruptis, & profligatis moribus, quo si Deus nos privaret, nobiscum peius ageretur quam si pane corporeo nos privaret, juxta illud Prophetæ Amos cap. 8. *Et ecce dies veniunt dicit Dominus, & emittam famem in terram, non famem panis, neque sitim aquæ, sed audiendi verbi Domini. Et commovebuntur à mari usque ad mare, & ab Aquilone usque ad orientem, circumibunt quærentes verbum Domini, & non invenient. In illa die deficiunt Virgines pulchre, & adolescentes in siti: Quia ex B. Hieronymo, quando doctrina non fuerit in Ecclesiis, necesse est, perire pudicitiam, castitatem mori, omnes obire virtutes quia non comederunt Verbum Domini: unde ferè in Quadragesimâ omnia instaurantur in melius, verbo Dei peccatores percellente: Quàm multi auditis concionibus, à peccatis discesserunt, illisq; inveteratis quàm multi iniurias condonarunt, vanitatem sæculi agnoverit, alii vero diver-*

diversis motibus à Deo perculsi sunt: unde illigra viter sese opponunt gratiæ Dei, qui Conciones deferunt: aut non adeunt, cum Deus ordinario illo utatur instrumento, ut multa nobis persuadeat.

7. Causa est. Quia hoc unico tempore Christiani esse Christiani videntur; cum parùm admodum alio tempore Christianum inter atque Ethnicum quoad mores intersit. Per Quadragesimam ille præ se fert rerum omnium contemptum, modestiam, temperantiam, mansuetudinem, misericordiam, condonationem injuriarum, abstinenciam à pravis operibus, cinerem in capite, in humeris cilicium, austeriorem victum, jejunium, orationem, elemosynam, crebritatem confessionis melius quàm aliàs peractæ, sacram communionem cum apparatu multo, continentiam in matrimonio, temperationem à viris: amorem ludi, risus, choreæ, comestationis & convivii, mortificationem, absolutissimam cum Crucifixo similitudinem in demissione animi, humilitate, mansuetudine, abdicacione, patientiâ, toleratione, cruciatibus, flagellivis sibi, aceto, felle, in cruciatione manuum, ad licentiam actionum arcendam, pedum, ad abstinendum cussatione, seu evagatione per plateas & domos, in offensis patienter ferendis, in tacurnitate ad contemptum, atq; in illustriorum & heroicarum virtutum exercitatione.

Ecce. Audi o res, præcipuas lætitiæ meæ causas & gaudii, quæ afficior in hocce Quadragesimæ adventu. In aliud tempus refero dicentia quæ in eodem mihi trilitiz argumenta occurrunt. Satis est mihi nunc indicasse vobis causas, quæ vos incitent ad hoc jejunii curriculum non ægrè incundum, quandoquidem tantum emo-

lument vobis importat, quod scilicet arduum vobis & laboriosum videtur.

Cogitate r. quàm multi pauperes ubi vis gentium adaçti sint necessitate conditionis suæ ad jejunium longè arctius peccatorum vitæ tempus tenendum. Obedientiâ & submissione animi, præstare partem eorum quæ ipsi coacti faciunt, sed quo iij pignore, quonam præmio? Vos autem pro cælo æternâque gloriâ.

2. Attendite, ad recuperandam corporis valetudinem vos ultro toleraturos esse in ediam ab medici præscriptione, si vos diatæ operosiori astringeret, ubi laboratis febre, vobis vino interdicti, cibique gustus jucundissimis privari patimini. Quàm multi sunt, qui ad curandam hydropsin à potione omni plerosque dies abstinere, rebusq; siccis tantummodò vescuntur, quamvis intolerandâ sibi vexentur? Et jejunium vobis etiamnum intolerabile videbitur, tametsi animæ vestræ sanitatem continet, vobisque thesaurus meritorum existit. An non igitur est corpus animo præferre, mæti carnem, tempus æternitati?

Puratote teniò, quod ait Tertullianus lib. de Jeju. cap. 16. sed nec apud inferos jejunii admonitio cessavit, ubi in divitè quidem convivâ cruciantur, in paupere vero jejunia recreantur, habentia præceptores Moysen & Prophetas. Basil. homil. 1. de Jeju. Terreat te divitis exemplum, quem vita in deliciis acta tradidit incendio: non enim ob crimen injustitiæ, sed ob vitæ molliem extulsi est in camino ardente; proinde ut hæc incēdiū extingamus aqua opus est: & vide ne qui nūc aqua respuit, in posterū exemplo divitis illius, stilla aquæ concupiscas. Exinde vos judicator, an expedit magis eximere vos à jeju. in hacce vita cū divite

helluone, ac in alterâ famē æternâ sustinere, sitimq; rabiosam in flammis, & inferorū ardoribus; aut abstinere vos cum modico labore per dies aliquot, & convivati cum Abrahamo, in sinu gloriæ molliter recubantes, quandiu æternitas durabit. Præsertim cum sancta omnis Scriptura, Lex, Prophetæ, Evangelium & Apostoli ieiunium commendent, damnentque convivia quæ superflua sunt.

Ad postremum assumite cogitationem S. Chrysost. homil. 1. de Ieiun labor quidem nobis est in ieiunando: at nondum pro Iesu crucifixi sumus. Quare ieiunium pro cruce est: Maiora iple tulit: parva nos reddimus. Crucifixus est propter te, & sicut & bibit acetum cum felle. In fame educatio magnum ieiunium est. Si ieiunium nobis acerbum est atque instar crucis, agnoscamus quàm graviora pro nobis perleverit Christus, in cruce, ubi potio quæ ipsi porrecta est aceti & fellis, cruciatum illius adauxit. Enutriti se ad famem, quodnam maius ieiunium velis? At nondum tu quantum id fecisti? quid egisti unquam ieiunando, quod æquivaleret felli quod pro te gustavit. Et stas in labore, id incom-

modi laboriosè sustines, Dei sermonem audis non sine incommodo: nondum pendisti in Cruce: longè simè abes ab eo, quod tibi faciendum testaret, nempe ut penderes in cruce, dissensus esses in ea, clavisque transfixus. Ne sis ingratus erga Iesum.

Reticere volo mille causas, quas habes ieiunandi: urge vos acrius, & convincere pervelim solo grati animi incitamento. Fierine potest, ut intuentes Regem vestrum, Salvatorem vestrum, Deumque vestrum, acerbitate tanta se pro vestra salute tractantem, vos ipsi molliter tractare possitis, & delicatias, mensarūque lautitiam sectari, ut cum audieritis ieiunasse illum pro vobis, recusatis id pro ipso efficere? Ne plora, quòd ieiunas, sed plora quòd non semper ieiunas. Qui non compatitur Iesu, ignorat Iesum. Qui repellit ieiunium, ignorat crucem. Quæ ut non est mala, ita tu eam malam non suspiceris. Nolite illam respicere, quandoquidem semper eam sequitur glorificatio, quam in alterâ vita expectare debetis in cælo, quòd nos perducatur Pater, Filius, & Spiritus Sanctus Amen.



FERIA QVARTA, CINERUM. CONCIO SECUNDA, DE IEIUNIO.

*Cum jejunatis nolite fieri sicut Hypocrita tristes:
Matth. 6.*



U^m Sermonem alterum de Jejunio apud vos habiturus sum, id facere melius non possum quam utendo verbis quibus utitur Sanctus Basilius Magnus, inchoans secundam de Jejunio Homiliam, quæ sumpsit ex capite 40. Isaia, iuxta versionem Septuaginta. *Exhortamini Sacerdotes populum, loquimini ad aures Ierusalem.* In quibus verbis rectè Sanctus Doctor advertit, eam esse vim orationis, ut studiosis possit imperum intendere, & ignavis ac segnibus excitare promptitudinem: hanc ob causam (inquit) Duces, cum milites in acie statuunt, exhortatoriis orationibus ante conflictum uti solent, tantamque vim habet ea exhortatio, ut compluribus, etiam mortis contemptum frequenter afferat. Similiter qui athletis exercendis, puerisque ad eiusmodi

certamina instituendis præfati sunt, si quando in stadiis certaturos producunt, hortandi gratia, multa differunt de tolerandis necessariò laboribus, deque coronis, adeoque multis persuadent, ut dum victoriæ gloriam ambiunt, corpora sua contemnant. Proinde mihi quoque, qui Christi milites ad prælium cum invisibilibus hostibus gerendum in aciem digero, athletasque pietatis, ad iustitiæ coronas, per temperantiam instruo, opus est oratione exhortatoria. Quid verò dicam? Militibus atque athletic copiosior cibus necessarius est, ut firmiores atque obesoiores habeant lacertos: contra verò quibus non est colluctatio adversus cernem & sanguinem, sed adversus spirituales nequitias, hos oportet per sobrietatem, atque ieiunium ad certamen exerceri. Nam ut ait Sanctus Basilius, quemadmodum oleum oblinat athletam, ita ieiunium robur addit

B 3

ci,

ei, qui se ad pietatem exercet. Itaque quantum subtraxeris carni, tanto reddes animam habitudine spiritali nitidiorē. Quid quod ut idem asserit, nihil audent Dæmones contra ieiunium: unde Tentator non accessit ad Christum, nisi cum esuriit, & soluturus ieiunium videretur. Et Angeli custodes diligentius adsunt iis qui ieiunio purgatam habent animam: immo (inquit) in singulis Ecclesiis Angeli describunt, ac recensent ieiunantium capita. Quid quod in tanto ieiunantium numero turpe est non ieiunare. Neque enim, ut ait S. Basil ulla terra est ubi non sit auditum ieiunii edictum. Sed quoniam quæ in eam rem à nobis heri dicta sunt, integra adhuc, ut spero, in animis vestris perleverant, plura dicere superfedeo, ut communi omnium voto cœlestis auxilium per Virginem deposcamus.

AVE MARIA.

VIDEOR mihi vos intruere planè alter affectos ac heri, ad audiendum Dei verbum, ad id initium ieiunii mitigavit animos vestros, præparavitque ad excipiendam Evangelii sementem, ita ut alteram hanc Concionem exordiri possim iisdem verbis, quibus Sanctus Chrysostomus usus est inchoans secundam Homiliam in Genesim, quam ingressu in Quadragesimam, explicandam suscepit; Vestros ego hodie amabiles intruens vultus, ingenti voluprate impleor, quia video vestram spirituales hanc Congregationem, tam compositis ornatibus; moribus hic adesse, & immodico audiendi eloquia divina desiderio flagrare, contemptisque carnalibus epulis, ad spirituale convivium contendere, & re ipsa probare dictum Domini, quod dicit: *Non in solo pane vivit homo, sed in omni verbo quod procedit de ore Dei*, vidistis

dilecti ex ipsis præluisti, ieiunii virtutem propriam & potentiam, idcirco & ipse maiori hodie alacritate quàm antea sermonem aggredior.

Verum tamen convenienter iis, quæ vobis hesternâ die dicebam, incertus dubito, an hoc Quadragesimæ adventu latandum mihi sit, aut dolendum, debeamque totum mœrori me dedere. Heri vobis loquendo explicui præcipuas quæ inerant mihi gaudendi causas ineunte Quadragesima, quarum recens adhuc recordatio animis vestris inhæret, ita ut minime necesse sit easdem refricare dicendo. Reliquum est; ut vobis edisseram causas doloris, & tristitiæ, quas mihi subicit idem Quadragesimæ ingressus.

1. Ratio est. Quia cum in Quadragesima multa spectari possint, præcipuè tamen ieiunium quadraginta dierum, quod Christiani observant ad Christi Domini imitationem qui 40. dies integros ieiunavit, atque ideo ut offerant Deo dierum omnium decimas: est enim uti observavit S. Greg. Quadragesima, decima pars anni. A: qui alitero illud maxima ex parte à Christianis non observari. Ut autem id ostendatur ac probeatur.

Nota 1. Quid per tale ieiunium præcipiatur, nimirum quorundam ciborum abstinencia, tam secundum qualitatem quam secundum quantitatem: Item modus ieiunii, quoad unam comestionem, eamque secundum certam horam, idque spatio 40. dierum: ita tamen, ut singulis diebus Dominicus solvatur ieiunium, ratione plurium comestionum, non verò in ciborum qualitate.

Dixi 1. Præcipi quorundam ciborum abstinenciam, hoc est privationem supra com-

communem temperantiae rationem. Addidi ciborum, ut excluderem potum, & medicamenta, circa quæ nulla peculiaris præcipitur abſtinentia, quia non ordinantur ad nutritionem: licet enim vinum nutriat, quia tamen potius ordinatur ad ſedandam ſiſim & ad digeſtionem, propterea non prohibetur potus: manet tamen obligatio ad ſervandam ſobrietatem, quæ etiam hoc tẽpore turpius violatur. Certẽ in Eccleſia Orientali etiam vini uſus interdicebatur: ſed cum in Eccleſia Occidentali permittatur, regula potus ex temperantia peti poteſt: unde qui extra prandium potat jeiunium ſervat, quia ad ciborum digeſtionem potius ordinatur potus, quam ad nutritionem: luſcula verò quæ ad nutritionem ſumuntur, omnino prohibentur.

Dixi 2. Præcipi abſtinentiam ciborum, & ſecundum qualitatem, & ſecundum quantitatem: Quia enim Eccleſia intendit per jeiunium corpus caſtigare & concupiſcentiam coẽtere, non tamen notabiliter lædere, ideò quaſdam ſtatuit leges jeiunii. Igitur quoad qualitatem attinet. 1. Prohibetur uſus carnis. 2. Uſus ovorum. 3. Uſus lacticiniorum: illud tamen tertium, ſecundum uſum, & commoditatem locorum: nam vulgò hic ſolus caſeus prohibetur, lac autem, & butyrum permittuntur, & aliquando permiſſus caſcus alibi verò omnia lacticina prohibentur: ſed ubique locorum conſuetudo ſaltem annorum decem ſpatio confirmata, obſervanda eſt. Atque hæc abſtinentia ſpectans qualitatem ciborum, ita eſt de eſſentia jeiunii, ut qui non poteſt eam ſervare, vel circa eam diſpenſationem habet, intelligo de carnibus, diſpenſationem etiam habere

intelligatur circa cætera quæ ad jeiunium pertinent. Sublata enim in unaquaque re, eſſentia, aut parte eſſentiali, tolluntur cætera quæ ad eſſentiam pertinent, & ita in jeiunio contingit.

Quoad quantitatem attinet, nolo quidem certam meſuram definire, nam pertinet ad temperantiam, ſed ſignifico unam tantum comeſtionem eſſe permiſſam, ac jeiunium requirere abſtinentiam à pluribus comeſtionibus, ita enim paſſim omnes intelligunt jeiunii Eccleſiaſtici eſſentiam. Unde die Dominico nemo creditur ieiunare ob duas comeſtiones: Itaque in die jeiunii qui ſecundam adhibet comeſtionem, in ea peccat mortaliter, quia tunc primò violat jeiunium: Si verò alias poſt ſecundam adhibeat, non peccat quidem mortaliter, quia iam violatum eſt jeiunium, probabiliter tamen peccat venialiter: quia magis ac magis recedit à fine jeiunii, nimirum à corporis maceratione.

Non tamen prohibetur reſectiuncula vespertina, quam primò neceſſitas ob ſomnum, atque ne potus noceret, deinde verò conſuetudo, etiamſi neceſſitas abeſſet, licitam fecit: In ea potrò ſoli cibi adhibendi ſunt qui paſſim in cœnulis apponi ſolent, quales ſolent eſſe fructus, herbæ, bellaria, & cibi leviores. Non verò qui rationem habent ſerculorum, atque adhibentur ad magis alendam & ſuſtentandam naturam: In iſtis tamen omnibus præcipuè habenda eſt ratio conſuetudinis, quæ certè invaluit, ut alia ad prandium, alia ad cœnulam, de quâ loquimur, adhibeantur.

Quoad eius quantitatem attinet, difficile eſt eam definire, Aliqui enim eam de-

definiunt quatuor, alii quinque, alii sex unicis ad summum : sed personarum diversitas hanc regulam perversam efficit. Illud in universum probabilius dici potest, unumquemque sumere posse quartam aut quintam suæ refectiōis ordinariæ partem. Ratio est, quia talis pars in aliis rebus, pro modica haberi solet, ut in omissione Missæ, vel horarum canonicarum plerique censent. Licet tamen pro ratione temporis aliquando maiorem sumere, quando faveat consuetudo, ut in Vigilia Nativitatis Domini, & similia.

Dixi 3. Illam unicam comestionem certa hora fieri debere. Ratio est, quia ieiunium requirit certam inedia prorogationem, quæ nulla esset nisi certa hora notaretur principalis comestionis, idque patet ex consuetudine recepta, atque interpretatione Ecclesiæ. Certè apud Iudeos ieiunium usque ad vesperam protrahabatur, & initio mos ille in Ecclesia observabatur, uti discimus ex scriptis Sanctorum Patrum. Postea tamen in horam nonam, quæ est tertia hora post meridiem reiecta est maior comestio, ilque mos vigeat tempore Sancti Thomæ Aquinatis, uti ipse docet: Postea vero ad horam sextam delapsus est, hoc est ad meridiem, quæ nunc est Ecclesiæ consuetudo, quæ à nobis observanda est, ita ut merides sit hora comestionis, non positivè, ita ut non possit differri usque ad vesperam, aut ad horam tertiam, sed negativè ita ut saltem merides notabiliter non præveniat.

Potè hæc hora non solum debet Astrologicè aut præcisè aut præcisè, sed morali modo, ac sufficit si finis prædici sit circa meridiem : Non tamen notabiliter antevertere oportet, nisi legitima de causa, vel

cum dispensatione Superioris. Hinc patet non licere mane sumere refectiunculam, ac deinde sub vesperam cœnare : nam violaretur intentio ieiunii : si quis tamen non cogitato id fecisset, aut si in aliquo esset dispensatum : si posset vesperam expectare, id facere teneretur, atque hoc modo ieiunare : alioquin in meridie potest aliquis refectiunculam sumere, & cœnam differre in vesperam, si certam habeat causam, ut si dormire aliter non posset, vel id poscerent negotia. Quod si dubia esset causa, id posset habita dispensatione : quod si id faceret nulla causa, peccaret tantum venialiter, quia ieiunium quoad essentialia observat. Non autem quoad certas circumstantias, ad essentialiam non necessarias.

Dixi 4. Totos quadraginta dies, incipiendo nimirum à Feria quarta Cinerum, usque ad Sabbathum ante diem Paschæ inclusivè, qui omnes dies sunt 46. ex quibus sunt quadraginta dies ieiunii plenii : sex autè dies Dominici, sunt ieiunii non plenii, quia scilicet in illis tantum servatur abstinencia à cibis secundum qualitatem, quod Tertullianus appellat portionalem ieiunium. Id verò probatur ex consuetudine Ecclesiæ Romanæ, quæ legem fecit. Olim ante tempora Gregorii Magni incipiebat Quadragesima à Dominica prima Quadragesimæ, ac desinebat in Cœnam Domini, quæ est Feria quinta maioris hebdomadæ. In Ecclesia Mediolanensi incipit tantum à Dominica prima : è contrario verò in Ecclesia Greca, à Dominica Sexagesimæ. Ubique verò servanda est locorum consuetudo, quæ vim habet legis. Cur autem non ieiunetur Dominicis diebus, præter honorem diei Resurrectioni sacrum, præclaram causam affert Sanctus Chrysostomus

mus Homil. 11. in Genes. Nam uti in viis publicis (inquit) sunt stationes, & diverticula, in quibus fessi viatores & respirant, & quiescunt, ut alacrius postea iter suum conficiant, & sicut in mari littora sunt, & portus, ut in eos è jactatione navigantes se recipiant, & expectent donec ventorum imperus conquiescant, & inde iterum navigare incipiant: ita & nunc his, qui in hac Quadagesimâ, jejunij cursum susceperunt, quasi stationes, & diverticula, & littora, & portus, per duos hebdomadarum dies, Dominus quietem largitus est, ut corpori aliquantulum jejunij labores remittantur, & animus refocilletur jejunantes, & exactis duobus illis diebus, in pulchro cœpto itinere pergant.

Nota 2. Quibus jejunium Quadagesimale impositum est, nempe omnibus Christianis ratione utentibus, cuiuscunque sint dignitatis, & perfectionis, nisi rationabili causa excusentur. Omnes dixi ex Canone 88. Apostolorum, omnes includente. Itaque Sanctus Basilii oratione secunda de jejunio, ait per totum terrarum orbem undique denuntiari jejunij præconium. Nec illa est (ait) insula, nec ulla terra continens, non civitas, non gens ulla, non extremus mundi angulus, ubi non sit auditum jejunij Edictum: Quin & exercitus, & viatores, & nautæ, & negotiatores, omnes pariter audiunt Edictum, & summo gaudio excipiunt. Ne quis igitur semet excludat à numero jejunantium, in quo omne hominum genus, omnis ætas, omnes dignitatum formæ censentur. Unde consequenter singulos adhortatur ad jejunium, quasi omnibus conveniens. Dives es? ne jejunium affeceris contumelia: afficies autem si graviter illud ad mensæ tuæ con-

sortium admittere: Et contra qui pauper est, ne subfannatione ac simulatione utatur erga jejunium, cum illud iam olim habeat, & domus & vitæ socium. Porro mulieribus quàm est naturale respirare, est conveniens jejunium: Pueri veluti plantæ latiores, aqua jejunij irrigantur: Senibus levem reddit laborem iam olim contracta cum jejunio familiaritas: si quidem labores quibus diutino usu assueveris, minùs offendunt, si inciderint in exercitatum: iam viatoribus expeditus itineris comes est jejunium.

Dixi autem 1. Ratione utentes teneri ad jejunium. Nam neque amentes, neque puterî tenentur ad jejunium, aut totale aut partiale, quoniam præcepti sunt incapaces, itaque eiusmodi vesci possunt carnibus.

Dixi 2. Omnes tæterni nisi rationabili causa excusentur. Porro omnes causæ ad quatuor capita revocantur, ad impotentiam, necessitatem, pietatem, dispensationem. Impotentiam verò, vel ratione ætatis, vel ratione aliarum conditionum: Ratione ætatis, minores tertio septenario completo excusantur, & maiores nono septenario, vel circiter, quales sunt sexagenarii, & septuagenarii. Primi quidem quia sunt in statu augmenti, atque indigent frequenti cibo, secundi autem, propter senectutem, quæ tunc incipit, est autem senectus morbus quidam incurabilis, & opus habet modica, & crebra refectio: nisi certò & evidenter constaret, aliquem ita esse robustum, ut probabilis sit eum non legendum ieiunia: Cum autè robur est dubium & ætas certa, non est expectandum ut robur deficiat, tunc enim irreparabilis est defectus vel saltem periculosus: Quia vero mulieres citius senescunt propterea à 55 anno excu-

fari posse videntur. Alias conditiones revoco: 1. Ad infirmos ac debiles, quod indigeant, crebriori, & modica refectione: immo etiam qualitate ciborum, ut ovis, ac carnes; & si necessitas sit certa, non opus est dispensatione, melius tamen foret, eam petere: si sit incerta, adhibendum Medici iudicium: si certam dixerit, nulla erit necessaria dispensatio: si verò adhuc sit incertum, opus erit dispensatione. 2. Ad mulieres prægnantes, ac nutriendes parvulos lacte suo, indigent enim cibo pleniori, atque appetunt quædam vehementer, quibus non sine damno aut periculo privantur. 3. Ad pauperes & mendicos, quia non possunt habere prandium completum, nec suo tempore.

Secunda causa est necessitas, vel propria in anima & corpore, vel familiæ, vel decentiæ status, vel functionis officii: vel ad vitandum magnum damnum, & acquirendum magnum lucrum: quia non est intentio Ecclesiæ, ut per ieiunium homo amittat aliquod bonum præstantius, aut inde grave quis damnum patiatur: & ita artifices qui operibus suis defatigantur, non tenentur ad ieiunium: ac propterea eos excusavit Eugenius IV. in quadam sua declaratione: itaque hoc titulo multi excusantur, etiam illis diebus quibus non laborant propter laborem præcedentem, aut futurum. Idem dico de labore animi, si defatigationem afferat; quia dummodò non patiatur secum ieiunii usum, parum refert qualis sit labor animi, vel corporis. Non tamen hoc titulo excusantur qui difficulter ieiunant, nisi etiam id noceat sanitati. Qui verò dubitant, tenentur ad experientiam: si experientia discant ieiunium nocere sanitati, ad ieiunium non obligantur.

Quod si adhuc dubitent, petant dispensationem: Quod si aliqui non possunt totam Quadragesimam ieiunare, sed partem possunt, verbi gratia, bis aut ter in hebdomada, sic ieiunare tenentur.

Tertia causa est pietas. Quicumque enim melioribus operibus vacare non possunt cum ieiunio, ab illo excusantur, quia non est intentio Ecclesiæ per ieiunium maiora bona impedire; sed potius ad bonum promovere. Itaque excusantur vacantes operibus misericordiarum, tam spiritualibus quam corporalibus si ieiunio impediuntur. Item uxor ut vitet rixam mariti: Item peregrinantes pedibus, nisi id fiat in fraudem ieiunii.

Quarta causa est dispensatio. Nam ordinarii Prælati, & Parochi excusare possunt à ieiunio, immò etiam à ciborum abstinentia, si causa iusta adfuerit: quod si ea causa iusta, fuerit certa, nulla opus erit dispensatione: si autem dubia fuerit, adeundi sunt viri docti; si dicant, causam esse sufficientem, nulla opus erit dispensatione: si dubia remaneat, aut talis iudicetur, adeundus est Superior qui poterit dispensare. Hinc fit ut Superiores non debeant hoc totum remittere petentium conscientiæ, sed absolute dispensare debent, nam dispensando cautam dubiam faciunt iustam. Nec est necesse commutare ieiunium in alia opera pia, cum causa est legitima. Qui tamen mentiretur, & falsam causam obtenderet, non esset cum eo dispensatum, quia Prælati non intendit ita dispensare; Immo neque potest nisi sit aliqua causa: Excipio Summum Pontificem, qui posset etiam absque ulla causa sufficienter dispensare à ieiunio, quia eius auctoritas est supra hoc præceptum.

Ceterum uti in ieiunio Ecclesiastico tria reperiuntur, est enim ens morale ex pluribus rebus conflatum; nempe ex differentia ciborum, ex unica comestione, & ex inedia, hoc est ex reiectione illius comestionis in horam certam: Hinc fit ut cum aliquo in uno fuerit dispensatum, non sequatur ut in reliquis fuerit dispensatum, nisi cum sequenti ordine. Nimirum, ut cum quo dispensatur ut carnes manducet, à toto ieiunio dispensetur: Si tantum ut ova, & lacticia, non præcisè à reliquis dispensetur: Cum quo verò de hora dispensatur, non sequatur ut de reliquis: Cum quo verò de unica comestione, dispensetur etiam circa horam comestionis, nam tantum obligatur ad portionale ieiunium.

Ex dictis apparet paucos admodum esse qui ieiunium Quadragesimale observent. Etenim quàm multi sunt qui per summam impudètiàm circa ciborum qualitatem peccant, & qui carnibus vescuntur: quod factum isto seculo, quàm aliis, gravius est: Nam licet alio tempore id fuerit peccare adversus temperantiam, atque obedientiam, iam ea res facta est materia religionis, ex quo Hæretici nostri hanc Ecclesiæ ceremoniam insectati sunt; unde professio fidei Catholicæ id iam depolcit. Mitto dicere scandalum quod inferunt, propter quod tamen evitandum dixerat Apost. 1. Cor. 8. *Sic scilicet scandalizet fratrem meum, non manducabo carnem in æternum, ne fratrem meum scandalizem.* Unde non parum commoveor adversus multos Catholicos qui in ea re multum timent Hæreticis: Quare quibus ex dispensatione licet, ob causam legitimam carnibus vesci, id occultè facere debent, ut vitent scandalum: Quod si necessitas cogat, ut id palam

faciant, dicere tenentur eam se habere facultatem ex dispensatione ob causam legitimam. 2. Quàm multi sunt qui non jeiunant, licet jeiunare teneantur nec ullà re impediuntur. Nam aut pluries in die comedunt, aut in refectiuncula excedunt, ac vetè cœnant. Nec eos satis excusat dispensatio, quàm fraude, & mendacio sæpissime extorquent. Quid dicam sæpe causam excusantem cessare, ut & paucos admodum vim obligationis ieiunii æstimare?

Unde verò hic observantiæ defectus proveniat, accipe, 1. Quidem, Quia non satis scitur, quâ autoritate ieiunium Quadragesimale præceptum sit, nimirum partim divino, partim Canonico, atque Ecclesiastico iure: Dixi partim divino, tum quia in Scriptura sæpe fit mentio ieiunii in genere, licet non horum, vel illorum dierum: quæ res relicta est Apostolis, & Ecclesiæ definiendi: Unde S. Augustinus epistola 86. ad Casulanum. Ego in Evangelicis, & Apostolicis litteris, totoque Instrumento, quod appellatur Testamentum Novum, animo id revolvens video præceptum esse ieiunium: quibus autem diebus non oporteat jeiunare, & quibus oporteat, præcepto Domini, vel Apostolorum, non invenio definitum. Tum quia numerus 40. dierum Christi Domini exemplo sacratus est: Unde S. Hieronymus Comment in Isaiam cap. 58. quadraginta diebus Dominus jeiunavit, ut nobis solemnes ieiuniorum dies relinqueret, Et Petrus Chylogogus serm. 11. Quod 40. diebus ieiunamus, non humana inventio; sed auctoritas divina est, quod passim SS. Patres affirmant. Dixi etiam partim Canonico, & Apostolico iure. Nam Apostolicam Cõstitutionem refert Clemens Romanus

lib. 5. quæ hodie per omnes Ecclesias Catholicas custoditur, quam isdem verbis refert S. Joannes Damasc. in lib. de Jeuniis. Recitat quoque S. Anastasius Patriarcha Antiochenus ante mille annos in libro, cui titulus est *de ieiunio*. Et S. Chrysost. in homilia de Jeunio primi Paschæ, ut omnes intelligent non esse novum inventum. Unde Basil. in homil. 1. de Jeun. (ut iam diximus Superiori concione, ait; Jeunium non recens inventum est, sed pretiosus thesaurus à maioribus repositus, ac traditus: quidquid vetustate præcellit, idem venerabile est. Reverere igitur ieiunii canitiem. Confirmatur hoc totum ex doctrina S. Thomæ 2. 2. quæst. 147. artic. 3. ubi docet ieiunium esse sub præcepto naturali, non ut pœnale est, sed ut utile est ad aliquem finem. Et quia hominum multitudo hoc remedio, ut plurimum indiget, ideo oportuit ut Ecclesia tempus, & modum determinaret, quæ ab omnibus observarentur: non ponens sub præcepto, id quod simpliciter est supererogationis, sed quasi in speciali determinans, id quod est necessarium in communi: uti Principes sæculares determinant præcepta legalia, iuris naturalis determinativa, quæ pertinent ad communem utilitatem in rebus temporalibus. Pergit verò in articulo 4. Et quoniam statuta communia ita proponuntur, ut multitudini convenient, ideo omnes obligant, quia Legislator id tantum attendit quod communiter est, & in pluribus contingit: Si quid tamen in aliquo ex speciali causa sit, quod observantiæ præcepti repugnet, non censetur Legislator obligare velle in eo casu. In quo tamen adhibenda est discretio, nam si causa sit evidens, potest homo non observare, præsertim

consuetudine interveniente, etsi non sit facilis recursus ad Superiorem: si autem causa fuerit dubia, oportet ad Superiorem recurrere, qui habet potestatem in talibus dispensandi: quo facto, exemptio est à lege ieiunii.

2. Hæc inobservantia provenit ex libertate nimia, & ex contemptu Ecclesiasticorum præceptorum, qui ferè oritur ex nimia consuetudine cum hæreticis: uti enim hæc libertas hæresim peperit, ita vicissim hæresis hanc libertatem & contemptum; unde fit ut passim multi Catholici Hæreticorum voces usurpent: Hæretici autem tria maxime carpunt in Quadragesima. Primum distinctionem ciborum quasi quidam cibinaturæ essent mali, quod aperte Apostolus condemnat: Secundò, certum ieiunii tempus, quod aiunt esse Judæorum proprium. Tertiò, quod eiusmodi ieiunia indicantur sub præcepto, in quo dicunt esse animarum laqueum, & iugum, atque servitutem veteris legis. Sed quoad primum atinet, rectè ostendunt, se dum carnis usum tutantur, homines esse carnales, neque doctrinam Catholicam intelligere: neque enim dicimus immundas esse carnes, & alium quemcumque cibum, ex sua natura, uti Manichæi dixerunt, neque ab eis abstinemus per superstitionem, seu, ut loquitur Apostolus, in religione Angelorum: quem locum interpretans Tertullianus libro 5. contra Marcionem, aliquos (inquit) taxat, qui ex visionibus Angelorum dicebant à cibis abstinendum esse: unde Clemens Alexandrinus libro 3. Stromatum. Curæ est magis à vino, & esu carnis, & Venere abstinere colentibus Angelos, & Dæmones: Sed dicimus illicitum esse carnes comedere in Quadragesima, quia

quia prohibitum. Non igitur per se sunt immundæ carnes, alioquin nunquam liceret comedere, sed dicitur esum carnis fieri illicitum prohibitione: porro ex legitima causa prohiberi, uti initio prohibuit Deus, ac postea Noëmo concessit: & à Tertulliano appellatur portionale ieiunium. Potuit Joannes Baptista non tantum esum carnis sibi permittere, sed etiam panis, & aliorum ciborum; quod tamen non fecit, sed tantum sibi permisit mel sylvestre, & locustas, quæ genus herbarum erant, si Magno Athanasio credimus, quod probat autoritate Scripturæ, cum ait David: *Excussus sum sicut locusta.* Et Ecclesiastes: *Florebit amygdalus & pinguescet locusta, & dissipabitur capparus.* Ut enim amygdalus (ait Athanasius) non est caro, & capparitis herba est; ita locusta quæ crescit in campo, & prato: Joannes enim (inquit) si panem non comedeat, multo minus carnem: mel autem (ait) *ἀκύνους βρώμα* erat, id est, cibis Monachorum. Poruit & Daniel ciborum qualitatē sibi distinguere: unde ait: *Et panem desiderabilem non comedi.* Potuit etiam Apostolus vinum modicum permittere Timotheo, propter stomachi debilitatem. Cur igitur non poterit Ecclesia cibos aliquos ad tempus interdicerē? Quo posito, non licebit eos comedere, non propter ipsas carnes, quasi malæ sint, sed propter inobedientiam legis: sicut Clemens Romanus ait in lib. 3. Const. Apostolorum, Viduas nubere post promissionem castitatis, scelera esse, non propter coniugium (inquit) sed propter mendacium: falsum autem est Apostolum id condemnare, ut patet ex capite tertio Epistolæ ad Colossenses, & ex prima ad Timotheum cap. 4. ubi tantum damnat abstinē-

tiam ciborum, quasi mali essent naturæ, vel quæ fiat ad superstitionem, seu cultum Angelorum; alioqui enim ipse aperte docet, non omnia quæ licent, expedire, nec edificare: unde negat se carnes in æternum manducaturum, si inde frater infirmus scandalizetur: Hinc graviter hæreticos percellimus, quod carnes manducant, cum nos scandalizent. Quod si scientiam suam venditent, illis opponam quod ait Apostolus 1. Corinth. 8. *Et peribit infirmus in tua sententia frater, propter quem Christus mortuus est.* Audiant quid dicat idem Apostolus ad Rom. 14. *Noli cibo tuo illum perdere, pro quo Christus mortuus est, &c.* Non est enim regnum Dei esca & potus, &c. Noli propter escam destruere opus Dei: omnia quidem sunt munda, sed malum est homini qui per offendiculum manducat: Bonum est non manducare carnem, & non bibere vinum, neque in quo frater tuus offenditur, aut scandalizatur, aut infirmatur. Quid enim adhuc dicendi sunt hæretici; & cum reformationem essent allaturi, an aliam prius religionem afferre intenderunt, an abusus reformare? Si prius, cur multa nobiscum communia retinent: si reformare, ostendunt quis in ea te abusus fuerit: Nam quod nobis obicitur de superstitione, aut de distinctione ciborum, quasi mali sint, hoc falsum est.

Verum cur minimè secuti sunt auctorem suum Calvinum, qui libro 4. Institutionis suæ cap. 10. §. 22. postquam dixit, lege divinā scandalum vetari, addit quæ sequuntur. Quemadmodum si qui Ecclesiis nondum bene constitutis præsumunt fideles Pastores, omnibus suis edicant, donec imbecilles quibuscumque vivunt, adolescant, ne palam die Veneris carnibus vescantur, aut ferius in publico laborent: Hæc enim

C 3

tam-



tamen si seposita superstitione, indifferencia per se sunt: ubi tamen accedit fiatrum offensio, sine delicto admitti nequeunt. Sic autem sunt tempora, ut spectaculum hoc infamis fratribus proponere non possint fideles, quin eorum conscientias gravissime vulnarent.

Quod 2. verò attinet: Non eadem tempora observamus quæ Judæi, sed propria Christianis, quorum rationem dedimus ex Sanctis Patribus: repeto quæ diximus ex Basilio, hoc jeiunium ita esse solemne, ut nemo ubi vis gentium ignorare illud possit.

Ad 3. Respondeo rectè Apostolorum monuisse a. Galat. 5. *Vos in lib. createm vocati estis, fratres, tantum ne libertatem in occasionem deducamini.* Nam etiam si liberi simus eà libertate quâ Christus nos donavit, quis tamen dubitet Ecclesiam potuisse jeiunium indicare, præsertim cum totum Evangelium, uti dixi, jeiunium præcipiat: Ecclesia verò tantum definierit tempus ac modum, potestate sibi à Christo data, quæ tanta est, ut *qui Ecclesiam non audierit, sit tibi tanquam Ethnicus ac Publicanus.* Certè Saul potuit toti populo jeiunium indicare, ac filium Jonathan, legis ignoratæ violatorem ad mortem deponere. Potuit Esther & Mardocheus jeiunium certum in annos consequentes Judæis imponere, quod mortis periculum evasisent: Cur ergo Apostoli & Ecclesia jeiunium præcipere non potuerint, quorum fuit ordinare super testamentum eius?

3. Hæc inobservantia provenit ex prudentia carnis, quam Apostolus dixit esse mortem, & inimicam Deo, qua usus Dæmon jeiunii vim atque rigorem, quantum potuit, debilitavit. Initio enim vix panis

concedebatur: postea verò solus panis & aqua: tum adhibita legumina, & fructus, tandem unum, tùm pisces: denique tantum prohibita caro, & lacticia, nunc autem apud nos sola ova & caseus, idque tantum in Quadragesima. Quid autem prudentia carnis prærendit, audiamus.

1. Vires debilitari. Ita sanè: sed illud intendit Ecclesia, non ut necessitatè affligantur, sed ut corpus maceretur, ut inde animus convalescat: nam ut præclare docet Basilius Homil. 2. de jeiunio: Scis quòd caro concupiscit adversus spiritum, & spiritus adversus carnem. Itaque cum hæc tibi invicem adversentur, subtrahamus carni voluptatem, augeamus animæ robur, ut per jeiunium collectis viribus, ad superandas concupiscentias coronis abstinentiæ repositis cingamur, quod certè verissimum est, & patet experientiam.

2. Bonum vegetumque corporis habitum imminui. Sed audi Tertullianum libro de jeiunio cap. 17. *Macies non displicet nobis, neque enim ad pondus nobis carnem tribuit, sicut nec spiritum ad mensuram: facilius, si fortè, per angustam salutis januam, introibit caro exilior, citius resuscitabitur caro levior, diutius in sepultura durabit caro aridior.*

3. Jeiunio sanitate non corrumpi, ac vitam decurtari. Melius diceretur voluptatem ac vitia; nam quoad sanitatem attinet, nihil illam magis assert, nihil tutius conservat, jeiunio: immò maxima morborum pars à cibis: audi Basilium Homil. 2. de jeiunio, *Excipite malè valentes, sanitatis matrem: qui bona estis habitudine, excipite bonæ habitudinis custodem.* Interroga Medicos, ac dicent tibi, nihil esse periculosius

ha-

habitudine corporis extremè bona: itaque qui artissunt pericillissimi, per ieiunium detrahunt redundantia, ne vis naturæ, pondere corpulentia: fracta succumbat; studiosè quidam per inedia[m] detractis supervacuis, locum faciunt virtuti nutritivæ, ad novam alteram alituram, ac de integro faciendum corporis incrementum. Idem hom. r. docet neminem ob ieiunium, aut vini abstinentiam ægrotasse. Nemo (inquit) per aquæ potum in crapulam incidit, nulli caput unquam doloit aqua gravatum: Nullus eguit alienis pedibus cum aquæ potu familiaritatem habens, nullum sui pedes destruerunt: nullæ manus factæ sunt inutiles quæ aquâ rigantur. Nam concoctious vitium, quod viventes in deliciis necessariò comitatur, acres morbos gignit in hominum corporibus. Quid dicam, quod optima habitudo periculosa est, nisi succurrat ieiunium, si quid: m, ait ibid Basil habitudo corporis extremè bona, sensim mutatur, & in diversum recedit, nimium succumbente nostra, nec valente corpulentia pondus sustinere.

At vires (inquis) desunt ad ieiunium? at non desunt ad epulas. Tu quotidie epulari potes, & vires tibi decesse dicis ad ieiunium. Primò vide ne mentiaris dum vires excusas: Neque enim (ait Basil.) mihi istas excusationes profers, sed iuxta proverbium, scienti loqueris, nimirum Deo, quem nihil fugit: Deinde, ut te verbis eiusdem Basilis perstringam. Age, dic mihi, ieiunare non potes, & potes expleri edulibus; potes conficere corpus escharum pondere: atqui infirmis non variam ciborum copiam, sed inedia[m], & abstinentiam à Medicis solere præscribi scio: qui si igitur, ut cum ista possis, illa te non posse causaris? utrùm ventri

facilius est tenui victu transmittere noctes, an copia ciborum gravatam iacere? immò ne iacere quidem, sed crebri huc verti distentum ac genientem: nisi fortè simul dicturus es illud, quod naucleri facilius terant navim sarcinis onustam, quam eam quæ ad cursum expedita est ac levis: Nam oneris magnitudine gravatam: quamvis exiguus fluctus adoriens demergit, contra quæ modicis sarcinis temperata est, facile suffert undarum impetum, eò quod nulla res impediat eam quo minus fluctu in altum surgentem superet, eundem ad modum & hominum corpora, assiduæ depletionis degravata facile à morbis demerguntur: cæterum quæ facili levique utuntur alimonîa, non modò malum quod à morbo imminente expectabatur, veluti tempestatis assultum effugunt, verùm etiam præsentem iam ægritudinem veluti turbinem quendam exorien em discutiunt. Videlicet, iuxta tuam sententiam laboriosius erit quiescere, quam currere: & otiosum esse, quam luctari: si quidem iudicas congruentius esse infirmos delitiis expleri, quam parvo tenuique uti victu: Nam naturæ vis quæ dispensat alimoniam animantium corporibus, temperatam, ac parcum victum facile concoquit, & in corporis quod alitur substantiam vertit. At eadem ubi sumptuosos varioque cibos complexa est, nec deinde ad conficiendam eduliorum portionem, pares vires habet, diversa gignit morborum genera.

Quod verò neque vitam immutat ieiunium, probant exempla veterum anachoretarum, qui ieiunio utentes ad extremam senectutem pervenere, & perpetuè usi sunt, sanitate. Itaque Ecclesiastici 37.

Propter crapulam multi obierunt, qui autem

abstinere est, adiiciet vitam. Noli itaque, ait B. fil. imitari Evæ inobedientiam : Noli iutus serpentem adhibere in consilium, qui tuendæ carnis prætextu, ut cibum capias, suadet : Sed nimirum hæc dicuntur ad excusandas excusationes in peccatis : Certè si sanitatis causa Medicus tibi ieiunum præciperet, tu obedires, & difficilio ra patereris : Hæc tibi à Deo & ab Ecclesiâ præcipiuntur, & tamen non servantur : Nonne anima plus est quam esca, & corpus plus quam vestimentum : Sed minus tibi est in æternum salvari, quam paucorum dierum sanitas, & bona temporis tibi potiora sunt bonis æternitatis : ubi mens, ubi animus, ubi sensus, ubi prudentia : clamat Christus. *Quid enim prodest homini si universum mundum lucretur, anima vero sua detrimentum patiatur, aut quam dabit homo commutationem pro anima suâ?* Vide quàm tuum iudicium contrarium sit iudicio Christi : sed audi quid subiiciat Matth. 16 *Filius enim hominis venturus est in gloria Patris sui, cum angelis suis & tunc reidet unicuique secundum opera ejus.* Nosce-

vocat ad iudicium extremum ubi furor est vera rerum æstimatio, nam ut dicitur *Ecclef. 3. Tempus omnium rei tunc erit.* Quàm diversos sensus tunc habebis, quàm vilis caro tibi videbitur, quàm ieiunia tibi videbuntur facilia : quàm te pudebit ut propheta Esai vili esca vendidisse primogenita sua : sed sicut ille *non invenit pœnitentiæ locum, quamquàm cum lachrymis inquisisset eam Hebr. 12.* ita inutiles tunc erunt lachrymæ tuæ, inutilis pœnitentia : Et tunc reddet unicuique secundum opera ejus : Nam si ieiunaveris, epulaberis cum Abrahamo in sinu gloriæ, si non ieiunaveris quætes cum epulone divite aquæ guttam quæ tibi denegabitur sicut aiebam in superiori sermone. Utrumque compara, famem Lazari, & famem ac sitim divitis, illa in tempore est, hæc in æternitate : item epulas Lazari, & epulas divitis, huius in hæc vita, illius in alterâ, ubi est æterna felicitas, ad quam nos deducat, qui est benedictus Deus in sæcula Amen.



FERIA QVARTA CINERVM,
CONCIO TERTIA,
DE IEIVNIO.

*Cum jejunatis nolite fieri sicut Hypocritæ tristis.
Matth. 6.*



DIXIMUS in primâ Con-
cione ex Chrysost. ieiun-
ium Quadragesimale
esse spiritale animarum
ver, & fidissimam tran-
quillitatem animorum;
hodie cum eodem illud
possum adicere, quod dixit homil 2. in
Genesin: quia igitur nobis quietum, &
tranquillitatis tempus advenit, etiam nos
deducamus in mare doctrinæ navigium,
& dicendi vela solvamus, si tamen tran-
quillus & tutus est aurium vestrarum por-
tus, in quo verbi Dei navis, absque metu
naufragii collocetur: aderit ut spero stella
maris, Virgo beata, ad quam recurro, &
nobis statum Spiritus sancti impetrabit.

AVE MARIA.

MEMINERITIS, Auditores, dis-
ceptationis & causæ; quam subieci
iudicii vestris in sanctæ Quadragesimæ
ingressu, nempe utrum hoc tempore læ-

tandum mihi esse aut dolendum. Eximen-
dum ne me à luctu & lacrymis, aut me ad-
dicendum tristitiæ, animique afflictioni.
Priori die vobis attuli præcipuas gaudii
mei causas ineunte Quadragesimâ, die po-
steriori cæpi exponere causas doloris mei.
Ac primò, quòd, cum in Quadragesimâ res
multæ sint, præcipuæque in iis ieiunium
existat, expetentiâ videmus illud non ob-
servari ob magnâ Christianorum parte.

Secunda itaque doloris mei, ratione
Quadragesimæ, causa est, quod non tan-
tum pauci sint qui Quadragesimam obser-
vent quia ieiunium non servatur, sed quod
ex iis qui ieiunant, pauci admodum sint,
qui ex Quadragesimâ, & ex suo ieiunio
multum proficiant, quod ex multis causis
contingit, ut clarè ostendam si mihi audi-
entiam præbeatis.

Et primò quidem, ut ab optimis inci-
piam; Nonne illud planè miserum est
quod optimi quique hoc tempus solum si bi-

D bi deli-

bi definiant pœnitentiæ, existimantes hoc quidem tempore sibi abstinendum esse, ac temperandum : reliquo verò tempore omnia sibi esse permissa : non valentibus (inquit S. Chrysost. homil. 62. ad popul. Antiochen. Quadraginta diebus, in omni tempore patrata, abluere, nam si gehenna non sufficit, cum sit sempiterna; multò minus hoc brevè tempus : nec enim validam exhibemus pœnitentiam sed infirmam : Et certè cum pœna sit productior quàm culpa, ne ut ait S. Augustinus, si cum culpâ finiretur & pœna, levis culpa esse putaretur, longè maiorem pœnam de nobis sumere oporteret. Quid sunt igitur 40. dies pœnitentiæ, ad reliquos totius anni, quos ferme in Dei offensâ consumimus ? etiamsi verò pœnam culpæ æquaremus, quàm exigua esset nostra pœnitentia ? iis præsertim hominibus, quibus non satis esset tota vita ad eluenda præterita.

Secundò, Quia cum Christiani illud tantummodò tempus sibi reservent ad agendam pœnitentiam; illud tamen tempus planè illis est indifferens, unde nulla in moribus mutatio nulla in vestibus, nulla in temperantiâ, nulla in conversatione, nulla in negotiis, nulla in precibus, nulla in operibus. Gaudebat olim S. Chrysost. homil. 2. in Genes. quod illo tempore omnia videret pacata, ac mensam Imperatoris non differre à mensâ pauperis, Nusquam, aiebat, hodie tumultus, vel clamor, vel carni-um cõsiones, vel coquorum discursus, omnia illa abierunt, & imitatur hæc Civitas honestam quandam, continentem, & sobriam matrem familias. & Basil. homil. 2. de Jeiunio. Observa mihi vultuum discrimen, tùm eorum qui hodie cras vespem conspicientur, tùm eorum qui cras appa-

rebunt. Hodie tument rubore suffusi, sudore tenui torantes, oculi humentes, præcipientes, atque ob nebulam intus è stomacho exhalatam, exactè cernendi facultate privati : crastino verò die videbis eosdem vultus compositos, graves, colore naturali recepto, toto habitu præsentem animum præ se ferentes omnibus sensibus integris, ut pote quorum naturalibus actionibus nulla intus causa tenebras offundit. Certè olim apud maiores nostros, cultus vestium deponerebatur : Non tulit S. Ludovicus, ne in liberis quidem suis, ut totam Quadagesimam flores gestarent : acipie multos annos toto illo tempore cilicium non deposuit. Sed uti nunc vivimus, nulla plane mutatio nec in lexu, nec in expensis, &c. Exodi 33. *Iam nunc depone ornatum tuum, ut sciam quid faciam tibi: deposuerunt ergo filii Israël ornatum suum à monte Horeb.*

3. Quia ante jeiunium, ea perperrantur peccata, quibus eluendis totum Quadragesimale tempus non sufficiat : vide quid super sit reliquæ vitæ eluendæ : Et verò maxima planè insania est, ea committere, quæ deinde lugeas. Rom. 6. *Quem ergo fructum habuistis tunc in illis, in quibus nunc erubescitis? Nam finis illorum mors est.* Nonne melius esset non jeiunare si per intemperantiam iuratur ad jeiunium? an non sufficient præteritæ vitæ excessus, atque delicta, quæ vix totam plangas Quadagesimam, ut nova peccata committas? præsertim cùm tanta perperrantur peccata, & tam debilis sit pœnitentia. Quæ vero ista est per intemperantiam, ad temperantiam via? per ebrietatem ad sobrietatem? Audi Basil. homil. 1. de Jeiunio. Noli per largiorem vini potione te ad aquæ potum præparare, ne te ad jeiunii mysteria introducat ebrietas, non

est

est per temulentiam aditus ad jejunium; quemadmodum nec ad iustitiam iter est per fraudationem: nec ad sobrietatem per lasciviam, nec ut summatim dicam per malitiam ad virtutem. Aliud ostium est ad jejunium: ebrietas ad lasciviam inducit, ad jejunium frugalitas. Athleta ante certamen exercetur. Jejunator ad jejunandum temperantiam præparatur: Ne velut ulciscens jeiunii dies, nec veluti fucum facturus legis auctor, in hos quinque dies, crapulæ thesaurum reponito: stultè si quidem facis, si corpus conficis, nec tamen solatium esuritioni admoves. Ista infida penus est cella, in pertusum dolium infundis, fit enim ut vinum perfluat ad suam recurrens viam, peccatum verò maneat in dolio. Hæc Basilii. Sed acrius etiam homil. 2. Improbum istud consilium est, prava cogitatio ita dicentium, quoniam nobis quinque dierum jejunium indictum est, hodie nos ipsos temulentiam obruamus. Nemo pudicam uxorem legitime ducturus, ante scorta, & concubinas inducit in ædes, neque enim coniux legitima patitur convictum contuberniumque domesticum stupro corruptarum: proinde ne cum expectatur jejunium, prius introducas ebrietatem, quæ est scortum publicum, quæ est impudentiæ mater, quæ risu gaudet, quæ insanit, quæ sordibus squallet temulentia: Neque enim jejunium, & precatio introibunt in animam temulentia marcidam. Etenim si cras venias vinum redolens, idque cruditate corruptum, ad putrefactum, quomodo tibi crapulam pro jejunio sum imputaturus? neque enim illud cogita, quod merum tibi recens infusum non est, sed quod à vi-vutus non es, hoc reputa: In utro ordine collocabor inter ebrios, an inter jeju-

nantes? præterita vinolentia te sibi affectis præbens inedia jejunium testificatur: anceps es, & velut controversum temulentia mancipium, nec illa abs te abstinebit manuum iniectionem, idque optimo iure, quippe quæ manifesta servitutis argumenta proferat, odorem vini velut in lagenâ relidentem. Hic protinus primus jeiunii dies tibi reprobos fuerit, ob temulentia reliquias in te repositas: quorum autem primitia reiciuntur, haud dubium quin in his quoque quod reliquum est sit reiciendum. Ebrui regnum Dei non possidebunt. Si temulentus accedis ad jejunium quid utilitatis auferes? nam si te ebrietas excludit à regno cælorum, quis deinceps è jejunio fructus? an non vides, quod qui in edomandis equis qui ad certamina aluntur, periculosissimi sunt, cum instat certaminis dies eos inedia præparant. Tu contra studio temetipsum de primis saturitate, ad eò ventris studio, bruta etiam animalia præcurris. Itaque rectè advertit Chrylost. homil. 1. in Genes. Per temperantiam, & tenuitatem victus fieri ad jejunium præparationem, non vero per gulæ dissolutionem. Nam si Medici (inquit) pharmaca dant, si volentes ut putridum & corruptum humorem expurgent, à corporali hac voluptate abstinere præcipiunt, ut ita pharmaci efficaciam desit obstaculum, & operari, suamque illa vim declarare possit: multò magis spirituale hoc remedium, hoc est utilitatem quæ ex ieiunio est, susceperis, tenuitate victus, nostram mentem expurgare, & leviores reddere convenit, ne ebrietas demersa, insurgens, & inutilem utilitatem, quæ ex illo est, efficiat. Quin etiam id apud multos fuit in usu, ut, ante Quadragesimam, inciperent ieiunare, exercitatio-

niscusâ: Ac refert S. Doroth in lib. Jeiu-
nis, multos ad septem hebdomadas ieiun-
nii, aliam adidisse, ut se ad ieiunium Qua-
dragesimæ præpararent, & velut ad labo-
res ieiuniorum exercerent. Hinc iudicare
debemus de more illo diabolico Baccha-
nialiorum, ex quo fit ut omnis Quadrage-
simæ fructus pereat, in quem ita præclare
invehitur idem qui supra Basil. homil. 2. de
Jeunio sub finem. Quemadmodum (in-
quit) qui longinquam professionem ad-
dormant, componunt sarcinas, & com-
memorant parant, ita nonnulli vœcordes hodie
adversus quinque dierum ieiunium vino
indulgent: Quis est usque adeò vefanus, ut
priusquam bibere incipiat, ebriorum mo-
re delinquit, an nescitis, quod venter deposi-
tum non servat: Venter conciliator est pes-
simæ fidei, penitus incustoditum, in quod
cum multa reposeris, noxam quidem re-
tinet, at non servat deposita. Vide me tibi
quoque si cras veneris cum ebrietate dicta
sint ea, quæ sunt ex Isaiâ recitata. *Non istud
ieiunium elegi, dicit Dominus.* Quid misce ea
quæ misceri non possunt? quod conforti-
um temulentia cum ieiunio, quæ societas
vinolentia cum abstinentia? quis consen-
sus templo Dei cum Idolis? templum enim
Dei sunt, in quibus habitat Spiritus Dei:
contra, templum Idolorum sunt, qui per
ebrietatem, vilem ac plebeiam admittunt
intemperantiam. Hodiernus dies vestibulum
est ieiunii, quod profecto qui in vesti-
bulo prophanatur, indignus est qui ad san-
cta introeat. Nullus servus cupiens hero-
suo reconciliari, hostem illius patronum,
ac reconciliatorem adhibet. Ebrietas ini-
mica est Deo, ieiunium poenitentia initium
est: Itaque si cupis per confessionem
reverti ad Deum, fugito temulentiam, ne
magis abs te Deum alienet.

4. Quia priusquam veniat Quadrage-
sima à multis timetur, perinde quasi sup-
plicium esset, unde male ab illis excipitur,
contra quam fieri oportuisset; quoniam
enim legem habet ieiunii, propterea fere
in odio esse solet: sed audi Chrysost. homil.
1. in Genes. Quemadmodum castam quã-
dam & ingenuam sponfam ducturam, thala-
mis undique tapetibus ornatis, domoque
tota purgatâ, & ingressu omnibus inho-
nestis ancillis interdicto, in cubiculum il-
lam introducunt: pari modo vellem etiam
vos purificata vestra mente, valeque deli-
tiis, & voracitati dicto, matrem bonorum
omnium, & pudicitia, aliarumque virtu-
tum omnium magistratam, ieiunium, in qua,
explicitis vestrae mentis sinibus suscipere,
ut & vos maiori sit uamini voluptate, & il-
lud congruam vobis suam medicinam
conferat.

5. Quod cum venerit, observetur cum
tristitia, quod est contra legem ieiunii.
Tertull. lib. de Jeun. cap. 8. Præstituit ex-
inde ieiuniis legem, sine tristitia ieiunân-
dis: Cur enim triste, quod salutare? alludi-
ditur ad Evangelicum præceptum Matth.
6. Quod pro themate accepimus. *Cum ie-
iunatis, nolite fieri sicut hypocritæ tristes. Tu au-
tem cum ieiunas, unge caput tuum, & faciem tu-
am lava:* Quæ verba sic exponit Basil. ho-
mil. 1. de Jeun. Sic igitur animis affecti si-
mus, quemadmodum sumus edocti, ac di-
ces instantes haud quaquam tristi animo,
sed alacri affectu illos excipiamus, sicut de-
cet sanctos. Nemo deiectionis mentis corona-
tur, nemo moriens trophæum statuit. Noli
tristis esse dum curaris, absurdum fuerit si
ob cibos subtrahos, contristemur, ac non
potius super animæ salute lætemur, sicque
videamur plus tribuere voluptati ventris,
quàm curæ mentis, &c. Unge caput tuum,
& fa-

& faciem tuam lava; ad mysteria te vocat sermo Dei: qui alios ungebat, unctus est: qui lavabat, ablatus est: Verba præcepti fac ad interna membra accommodes: animam à peccatis ablue; unge caput unguento sancto, ut consortium habeas cum Christo, qui nomen habet ab unctione, atque ita demum accedito ad ieiunium, Et certe qui ieiunium cum tristitia excipit, nihil illi ieiunium proficit, itaque duplex damnum incurrit, & corporis, & spiritus: ac præterea sicut cibus non libenter sumptus, nausæam parit, ac non proficit, ita quoque ieiunium; quod animæ alimentum vocat Chrysost. Unge itaque caput tuum, lava ieiunaturus, non tantum ut dissimules ieiunium, sed multo etiam magis ut gaudium ostendas de ieiunio. Ad hæc ut intelligas ieiunium esse animæ prandium, atque convivium, ad quod te præpares unctione, & ablutione. Denique ut scias non minores esse in ieiunio, quam in epulo delicias: ut enim ait Chrysost. homil. 1. in Genes. Quanto externus homo noster corrumpitur, tanto internus innovatur: Ieiunium enim animæ nostræ alimentum est, & sicut corporalis iste cibus impinguat corpus, ita & ieiunium animam efficit habiliorem, & valentiorē.

6. Quia cum ieiunium sit actus virtutis, & consequenter ad finem aliquem honestum ordinari debeat, non tamen ita fiat, unde nullus planè fructus existit. Certe quidem si ieiunium in universum spectemus, S. Anastasius Antiochenus in libro quem appellat, in quaest. 64. duplicem ait esse eius scopum: unus est dura corporis tractatio & mortificatio: ut non fruentes præsentibus voluptatibus, fruamur æternis. Alter ut humiliat corpore

simul anima humilietur: humiliata autem Deum oret, & veniam impetret. Tertull. lib. de cultu Mulierum Quidam (inquit) ipsam Dei creaturam sibi interdicunt abstinentes à vino, & animalibus, exulantes (id est abstinentes) ab elu carnis, quorum fructus (inquit) nulli periculo, aut sollicitudini adiacent, sed humilitatem animæ suæ in victus quoque castigatione Deo immolant, Quoad humiliationem attinet, hic fuit etiam sensus Davidis, *humiliabam in ieiunio animam meam*: At passim in scriptura dicitur de ieiunio, *Affligatisque animas vestras*. Uti Levitici 16. & 23. cap. Apostolus Paulus duplicem illum finem conungit cap. 2. Epist. ad Coloss. humilitatem, & carnis afflictionem, cum ait, *in humilitate, & non ad parcendum corpori, &c. ad saturitatem carnis*, S. Thomas 2. 2. q. 147. art. 1. docet ad tria maxime ieiunium ordinari. Primò ad concupiscentias carnis reprimendas: Unde Apostolus, *in ieiunio & Castitate*. Quæ ex Hieronymo, sine Cetere, & Baccho trigit. Venas Tertull. lib. de Ieiuniis. Monstrum haberetur libido sine gula: Si est corpus, una regio est: Denique pro dispositione membrorum, ordo vitiorum: Et Isidorus Pelusiota lib. 2. Epist. 78. ait ad libidinem compescendam præstantissimum remedium situm esse in ieiunio. Secundò. Ut mens facilius eleveur ad sublimia contemplananda. Tertio. Ad satisfaciendum peccatis. Unde Propheta Joel *Convertimini ad me, in toto corde vestro, in ieiunio, & fletu, & planctu*. Ac Ninivitarum prædicationem Penitentia audissent, statim intellexerunt sibi ieiunandum; itaque Ecclesia canit in præfatione Missæ in Quadragesima. *Qui corporali ieiunio, vitia comprimis, mentem elevas, virtutem largiris, & præ-*

nia. Quod si spectemus jeiunium Quadragestimæ, præter communes illas rationes supradictas, quæ hoc tempore aliquid habent præcipui; hanc rationem assignat S. Chrysost., in homil. de Jeiunio primi Paschæ. Multi (inquit accedebant olim ad mysteria ἀλλῶν, ἡ δὲ ἐτύχε. Id est non præparati, eo præsertim tempore quo Christus tradidit semetipsum: Quare cum Patres (intelligit Apostolos) intelligerent, secumque reputarent incommodum, & detrimentum ex negligenti illo accessu, congregati sanxerunt quadraginta dies jeiunii: precatum, additionis verbi Dei, conventus ad Ecclesiam, ut his diebus purgati omnes diligenter, per preces, per eleemosynas, per jeiunium, per vigilias nocturnas, per lacrymas, & confessionem, & per cetera alia, sic pro viribus nostris, cum patâ conscientia accedamus.

Sed quam pauci sunt, qui fines jeiunii attendant, quàm pauci qui ex virtute jeiunent; cùm tamen omnis actus virtutis requirat sinem honestum, ac debitam illius intentionem, & certas circumstantias, secundum quas observetur: Jeiunant quidem plerique negativè, quia non violant jeiunium, sed non jeiunant positivè, ex motivo virtutis. Unde etiam nihil merentur jeiunio suo, neque per illud suis peccatis satisfaciunt: Itaque dicere possunt, quod scribitur Isaiæ 58. *Quare jeiunavimus, & non aspersisti: Humiliavimus animas nostras, & non respicisti?* Quibus ita respondit Dominus, Zachar. 7. *Cum jejunaretis, & plangere: is in quinto, & septimo, numquid jeiunium jejunastis mihi?*

7. Quod cum in Quadragestimâ non tantum contineatur jeiunii obligatio, sed etiam virtutum omnium, atque bonorum

operum opportunitas, hæc pars omnino à plerisque omittatur, qui putant se suæ obligationi plenè satisfecisse, si jeiunant, cum hæc sit pars fere minima: ut hoc bene intelligatur: Adverte hæc tria coniungi fere solita esse, Jeiunium, Orationem, atque Eleemosynam, secundum illud Tobie 12. *Bona est Oratio, cum Jeiunio, & Eleemosyna.* Nomine Jeiunii comprehenduntur omnes corporis afflictiones, cilicia, disciplina, humicationes, vigiliæ, & similia, quæ olim in usu, tempore Quadragestimæ: Ita pœnitentia publicè eo tempore, magis usurpatæ: & in aditu quarumdam Ecclesiarum virgæ proponuntur. S. Ludovicus totam Quadragestimam cilicium non deponebat nisi ad verberationem quam sæpius adhibebat. Nomine autem Orationis comprehenduntur actiones internæ, & devotio, & preces prolixiores, maiorque diligentia in divino cultu. Nomine autem Eleemosynæ omnia opera misericordiae. Ita Sancti Patres dicunt, Quod ventri subtrahitur dandum esse pauperi. Jeiunium itaque Orationem adiuvat, atque Eleemosynam, quia mentem sublevar, & facultatem dat pauperes nutriendi: Oratio vero utrumque adiuvat, Jeiunium, & Eleemosynam, quia dirigit intentionem, & gratiam ad utrumque impetrat: Eleemosyna vero jeiunium facit utile, & orationem adiuvat. Quia beati *Misericordes, quoniam ipsi misericordiam consequuntur*: Quoniam vero hæc in Quadragesima usurpari debent, propterea initio nobis illud Evangelium proponitur, in quo dantur præcepta faciendi bona opera, ut scilicet iactantia, & vanitas opera bona corrumpant; atque ut intelligas, quod initio propolui, Quadragestimam à paucis observari: Hæc fere omnia

Ab hominum moribus sunt oblitterata: quis enim jam usus pœnitentiarum, cum ne instrumenta quidem appellare sciunt, omnemque usum earum ad Religiosos reiciant, perinde quasi seculares pœnitentia non egerent, neque ad omnes Quadragesimale institutum pertineret? Quid dicam de usu orationis? quàm pauci faciunt, quid de elemosynis? quæ aut parcius fiunt, aut ad malos fines diriguntur, ad animas perdendas, aut ad vanitatem.

8. Quod pauci intelligant, illud in Quadragesimæ observatione præcipue esse spectandum, ac requiri, ut à vitiiis abstineatur: Nam, ut ait Basilius homil. 2. de Jejunio Verum jejunium est à vitiiis immunem esse, continentia linguæ, iræ cohibitio, concupiscentiarum amputatio, oblectationis, mendacii, periculi, ab his abstinere verum est jejunium. Et huiusmodi homil. 1. Cave ne jejunii utilitatem, sola escarum abstinentia metiaris: verum enim jejunium est ab omnibus vitiiis esse alienum. Solve omne vinculum iniquitatis, condona proximo, si quid dolet animo, remitte illi debita. Nolite ad contentiones ac lites jejunare: Carnes non edis, sed comedis fratrem tuum: à vino abstines, sed ab iniuriis tibi non temperas? Expectas vespertam, ut cibum capias, sed diem totum absumis apud tribunalia. Væ iis qui ebrii sunt non à vino. Ira mentis, est temulentia, eamque à sobrietate excutit, haud aliter quam vinum. Quin & dolor, temulentia, metus est, quoribus ad ea fertur, ad quæ non oportet: In summâ quivis effectus dimovens animum à statu suo, meritò dicitur ebrietas. Idem iudicavit Chrysost. homil. 73. ad populum Antioch. Non secundum multos, temerè censuimus, in hoc contineri jejunium, si

sine cibis ad vespertam usque permaneamus: Non est hoc quod queritur hic, sed ut cum ciborum abstinentia, à noxiis, quoque continentiam exhibeamus, & circa spiritualium exercitationem, multum impendamus studium: Jeunantem decet esse correptum, mitem humilem, præsentis vitæ despicientem gloriam, sicut cibos aspernatus est, sic & inanem gloriam floccipendat oportet, & ad illum respiciat solum, qui corda scrutatur, & renes. Sed supra omnes Isaias cap. 58. Numquid tale est jejunium quod elegi, per diem affligere hominem animam suam? Numquid contorquere quasi circum, caput suum, & sacrum, & cinerem sterneret? Numquid istud vocabis jejunium, & diem acceptabilem Domino? Nonne hoc est magis jejunium quod elegi: dissolve colligationes impietatis, solve fasciculos deprimentes: dimitte eos qui confracti sunt, liberos, & omne onus disrumpet: Erange esurienti panem tuum, & egenos, vagosque induc in domum tuam: cum videris nudum, operi eum, & carnem tuam ne despexeris. Sed si in sæculi nostri mores oculos coniciamus, quis hoc tempore modestior, quis temperantior, quis melior? Longè enim satius fuisset, mores, quàm cibos, aut mentis mutare: melius ieiunare à vitiiis quàm à cibis: neque enim tantum lingua peccavit edendo, sed etiam loquendo: peccarunt oculi, peccarunt manus, & pedes: itaque illis, (ut ait Bernardus) tam ieiunandum est, quantum, atque lingua. Quoniam igitur hæc passim negliguntur, hinc meritò dixi, Quadragesimam ab illis vix observari: itaque Quadragesimæ adventum maxime me anxium habere atque sollicitum, cum nihil ex ipsa homines proficiant, & id minus attendant quod præcipuum est.

Hinc sequitur tertia causa doloris mei, quod

quod hæc ratione, hominum salus ferè disparata sit quòd iam non meliores existant optimis institutis. Quid enim est melius, quid sanctius hoc tempore? in quo primò non licet nisi cum pudore, & difficultate esse improbum: secundò; in quo facultas præbetur atque opportunitas bonis operibus, & tollitur difficultas, quæ oritur ex earum rerum insolentia: uti enim florere arbores verno tempore, atque gemmas trudere, nemo miratur: ita nemo novum esse ducet Quadragesimæ tempore, quod quis bonis operibus indulgeat. Item compescitur concupiscentia, & modestia imperatur, in habitu, in mensâ, in risu, & iocis. Non sinebat S. Ludovicus filios suos, nec filias, diebus veneris flores gestare, quòd eo die Christus passus fuisset: sicut nec totâ Quadragesimâ. Ita unusquisque sibi imperare debet modestiam hoc tempore. 3. Ubertior est atque liberior divini verbi prædicatio. 4. Maxima Sacramenta celebrantur, & summa, atque divinissima fidei nostræ mysteria. 5. Ipsius Ecclesiæ habitus lugubris nos monet, & apparatus poenitentia: ipsa altaria, ipsi parietes, cantus, verba Scripturæ, Sacerdotum vestes, & ceremoniæ 6. Vel sola Evangeliorum coordinatio ad perfectionis viam optimè accommodata. Ex quibus omnibus si quisquam melior non fiat, nescio quid tandem sperandum supersit. Quando enim eris castus, quando temperans, quando modestus, quando misericors, quando humilis, quando iniurias condonabis, nisi hoc tempore id facias? quando res terrenas despicias, quando præteritorum te poenitebit, quando te ad poenitentiam damnabis, nisi isto tempore? *Obstuspe scite calis super hoc, & porta calis de solamini.* Quò sit dilectissimi, ut

vos etiam, atque etiam rogem; ut hoc sacro tempore vetera eluantur, præsentia disponatis, futura nobis promissa, aut nobis propolita, certa faciamus.

Vos itaque primum alloquor, ô Sacerdotes ut sedulo impleatis, quod de vobis initio ieiunii canit Ecclesia, post Joëlem Prophetam cap. 2. *Inter vestibulum, & altare plorabunt Sacerdotes, ministri Domini, & dicent, parce Domine, parce populo tuo.*

2. Te, popule Christiane, ut intelligas, te nunc singulariter esse Christianum, idque moribus ostendere debere: Chrysost. homil. 1, in Genes. Confundantur Gentiles, erubescant Judæi, videntes vestram charitatem, hilari promptitudine ieiunii adventum salutantem, atque excipientem, discantque per experientiam, quantum inter nos sit, & ipsos intervallum. Et illi quidem serias, nominent ebrietatem, omnemque aliam intemperantiam, ac turpitudines, quas verisimile est inde ipsos attrahere: at Ecclesia Dei ea quæ illis adversa sunt, nempe ieiunium, ventris despectum, & omnes alias Virtutes illius comites, ferias appellet. Hæc Chrysostomus.

3. Vos Catholici atque Hæretici: illos quidem ut, sicut Quadragesimæ observantiam partem esse Religionis: hos vero ut discant qua tandem in Religione versentur, quæ omnia præclara instituta perfumdedit. Itane verò hæc est Ecclesiæ reformatio, tot sæculis confirmatam abstinentiam tollere, ac ventris patrociniū suscipere? legant sanctos omnes Patres, quorum nullus de solemni ieiunio tacuit. Dicere non possunt novum esse institutum, cum ob eius antiquitatem dicat S. Basilus eius canitiem esse venerandam: Ad hæc, conqueri non possunt esse Ro-

manæ

manæ Ecclesiæ tyrannidem, cùm apud Græcos austerius ac rigidius observetur: Immo cùm ab omnibus ut idem ait Basiliius, & insulis, & terris, & nationibus, & ætatibus accipitur. Cur isti soli ab ea lege se exempterunt? Sed placet illis ciborum *adiaphora*. ut nimirum eandem indifferentiam servant in cibus quam in rebus reliquis, tanquam, Simonis, *Adiaphoristarum* principis imitatores.

4. Vos pauperes, & divites, illos quidem, ut orent, ac patienter ferant divitum immanitatem, hos autem, ut misericordiæ operibus vacent: De jejunio vero audite quomodo vos ambos admoneat Basiliius homil. 2. de Ieiunio. Excipite hoc pauperes, contubernalia vobis, ac mensæ socium: Excipite divites, quod noxæ à luxu contractæ medeatur: quodque vicissitudine & novitate vobis jucundiora reddat ea, quæ nunc assiduitate fastidiuntur.

5. Ieiunantes, & non jejunantes: illos ut se humilient, quia hic est habitus jejunantis: hos vero quoniam Ieiunij non sunt capaces: Illos, ne ob vanam gloriam jejurent, ne ut ait Chrysost. homil. 71. ad pop. Antioch. & impensam patiantur, & mercede priventur. Hos verò quia non jejulant, jejunij defectum, aliis operibus compensent: Illos ut intelligant, non sibi tantum jejunandum à cibis, sed potissimum à vitiis. Hos verò, ut pluris faciant voluntatem jejunandi, quam necessitatem.

6. Infirmos, & sanos: illos ut pro jejunij labore modeste ferant infirmi-

tates, & si corpore non possunt, saltem mente jejurent: audiant Chrysost. homil. 2. in Genes. Si tibi corpus infirmum ad continuè jejunandum, non tamen est infirmum ad orandum, nec ad ventris despectum imbecille: nam si jejunare non potes, potes tamen abstinere delitiis: hoc autem non minimum est, nec à jejunio multum distans, sed ipsum quoque Diaboli furorum proflernere idoneum. Hos verò, ut sanitate utantur, ut Deo obsequantur. Gaudeant se sanos esse, non propter sanitatem, sed propter commoditatem obediendi legi: Ambo verò audiant Basiliius homil. 2. de jejunio. Excipite male valentes, sanitatis matrem: Qui bonâ cibus valetudine, excipite bonæ habitudinis custodem.

7. Qui Conciones frequentant, & qui non frequentant: Illos quidem ut alios doceant: hos verò ut ab alijs discant, atque interrogent. Illos ut audiant Chrysost. homil. 73. ad pop. Antioch. ubi docet Quadragesimæ tempore non tantum ad Ecclesiæ conveniendum ut instruamur, sed plane desiderari ut emendemur: Nam (inquit) si continuè vacantes auditioni, tantamque consequentes doctrinam, & à jejunio subsidium habentes, si iidem permaneamus, nec iracundus mitis efficiatur; nec animosus mutetur in mansuetum; nec in benignitatem invidus se reducat, neque pecuniarum captus insaniam, à vitio desistens, ad misericordiam, & pauperum se transferat sustentationem; nec impudicus continens evadat: nec

E

inanis

inanis gloriæ stupidus amore, discat eam contemnere, veramque perquirere gloriam; neque circa proximi charitatem segniter exurgere seipsum docent, ut non solum Publicanis non sit inferior, sed etiam inimicos benignè conspicari, & multam eis charitatem exhibere: Nisi hos superemus morbos, & alios in nobis nascentes, quæ nobis erit venia? Quæ autem excusatio? Dic enim quæso, si tuum videas filium quotidie scholam petentem, & tempore progresso, nihil amplius inde lucrantem, nunquid patienter feres? Nonne & flagella puero infliges, & præceptorem accusabis? postea si didiceris, quod à præceptore quidem omnia facta sunt, & prætermisum est nihil, sed omnium causa fuit pueri negligentia, nonne culpa liberans præceptorem, omnem in puerum transfers indignationem? Idem & hic fieri iustum est: Nos enim quodammodo à divinâ gratiâ sumus constituti, quasi spirituales filios ad hanc scholam quotidie vocantes, salutarem vobis doctrinam apponimus: itaque si nobis omne studium, & sedulitatem exhibentibus, & quotidie vos ad virtutis ducentibus semitatem, vos in iisdem permantis, & quantus nobis erit dolor, & vobis, ne quid amplius dicam, quanta damnatio, cogitate. Hos vero, ut quoniâ concionibus interesse non possunt, se saltem, aut libris instruant, aut exemplis, ac Deum intus loquentem audiant. *Hodie enim si vocem ejus audieritis, nolite obdurare corda vestra, &c.*

8 Peccatores, & lutos: Illos ut elemosynis peccata sua redimant, ac

tempus pœnitentiæ elabi non sinant. *Tempore enim accepto exaudivi te, & in die salutis adjuxi te: Ecce nunc tempus acceptabile, ecce nunc dies salutis: Ioëlis 2. Nunc ergo dicit Dominus. Convertimini ad me in toto corde vestro, in jejuniis, & fletu, & planctu; & cindite corda vestra, & non vestimenta vestra, & convertimini ad Dominum Deum vestrum, quia benignus, & misericors est: patiens, & multa misericordie & præstabilis super malitiâ. Quis scit si convertatur & ignoret Deus, & relinquat post se benedictionem? Hos vero ut quoniam hoc tempore; etiam perditissimi, bonis operibus vacant, ipsi multo magis virtuti sese addicant; ita ut, si alio tempore sese ab illicitis abstinent, certè hoc tempore, etiam à licitis abstineant: neque sint contenti ordinarijs, & communibus virtutum officijs: sed majora faciant, & sese tempori accommodent.*

9 Ad Pœnitentes, ad Proficientes, ad Perfectos, mea sese convertit Oratio. Ad primos quia tempus pœnitentiæ est. Ad secundos, quia hæc est opportunitas virtutum, & bonorum operum. Ad ultimos, ut sese in Christum patientem, summarum virtutum exemplar transformet.

10 Ad Conjugatos, ad Viduas, & Virgines: ad primos, ut si partes consenserint, sapiens contineant. Certe Nicolaus Pontifex præceperat Bulgaris ut totam Quadragesimam continerent. Id facere solitus erat S. Ludovicus: Et quia præcepit Apostolus id aliquando fieri, ut vacent orationi, cum hoc tempus sit omnium optimum ad orationem, nullo tempore utilis id esse potest. Viduæ autem habeant

pro

pro conjugē, luctum; atque imiten-
tur Ecclesiæ solitudinem & secessum.
Et quia hoc tempore, Nuptiarum so-
lemnitas prohibetur, cogitent quo-
modo Christi mortem lachrymis pro-
sequi debeant: Virgines autem sese
supra consuetudinem custodiant, at-
que Christo suo sponso configurentur,
spiras habeant pro floribus, & rosas:
sel pro melle, acetum pro delitiis,
cincres pro pane, crucē pro lecto, &c.

Atque ut neminem præteream, Co-
gitet impius, liber, ac effrænis homo
usquequò perveniat suæ impietatis o-
pus, ut si his diebus non respiscat,
necesse sit, ut contra totius naturæ
sensum depugnet: audiat superbus,
humiliato Deo, fastum esse abiicien-
dum. *Jam nunc depone ornatum tuum, ut
sciam quid faciam tibi.* Cogitet gulæ de-
ditus, quod ait Basiliius homiliâ de je-
junio. Vide ne qui nunc aquam res-
puit, in posterum exemplo divitis il-
lius stillam aquæ concupiscas. Norit
avarus non debere se, ad parcitatem
jejunare, sed ad liberalitatem, & ad
pauperum sublevamen: parum pro-
desse si esuriet, nisi ejus esuries pau-
perem reficiat.

Quid verò ad te, homo turpis, &
lascivē, num tandem finem impones
turpitudini tuæ? Vide quot te reme-
dia sanent, aut sanare debeant: absti-
nencia, corporis afflictationes, mul-
tā modestiā, risus immoderati com-
pressio, quotidiana concio, silentium,
solitudo, Confessio frequentior, tot
in Evangeliiis exempla, Meditatio
Passionis Christi, sanguinis ipsius pre-
cium, exemplum divitis epulonis,
Magdalenz conversio. Quis jam tot

rebus resistere impunē potest? quis tā
perditus animus, quod tam ferreum
pectus obuii in contrarium potest?
Ionas in urbe Ninive pœnitentiam
prædicavit: Quid verò suā prædica-
tione non perfecit? Sed quot hominū
millia convertit, quot peccatores?
crimine ab uno, disce omnes. Cogita
unum Sardanapalum, delitiis corru-
ptum, sola concionis relatione com-
motum, & conversum: at, bone De-
us: ad quam pœnitentiam, ad quod
jejunium? quo non tantum viri, sed
& mulieres, & pueri, parum est, sed
& jumenta jejurant. Non quod
Deus id requireret, (ait Beatus Cy-
rillus in Jonam) aut quod necesse e-
rat ut fieret; sed quia (inquit) sic de-
monstrata est hyperbole, ut ita dicam,
pœnitentia illorum, id est exuberantia:
facta est autem mentio animalium,
non propter animantes: nam,
ut ait Sanctus Paulus: Numquid de
bobus cura est Deo? sed docuit Scri-
ptura, stolidiores esse pecudibus, qui
jejunium reiicerent; cum licuerit eti-
am animalibus jejunium indicere: si-
ve quia erant ad hominum usum com-
parata, ait Theodorus Antiochenus,
Commentario in Jonam: sive, ut mu-
gitu eorum & balatu, uti advertit
Theodoretus, commoti homines,
magis, ac magis dolerent. Quid igitur
nos, post tantas admonitiones
facere convenit, nisi ut pœnitentiam
amplectamur, ornatum omnem de-
ponamus, delicias, & jocos abiici-
amus, jejunium assumamus, ac vitia
nostra relinquamus: quod præstare
nobis dignetur gratiā suā Iesus Chri-
stus Dominus noster. Amen.



FERIA QUARTA CINERUM,

CONCIO PRIMA.

DE RECTA INTENTIONE,

Cum jejunatis, nolite fieri sicut Hypocritæ tristes: exterminant enim facies suas, ut appareant hominibus jejunantes. Matth. 6.

Nolite thesaurizare vobis thesauros in terra: Thesaurizate autem vobis thesauros in cælo. Matth. 5.

CUM Quadragesima sit omnium bonorum operum tempus opportunissimum, unde Sanctus Chrysostomus homil. 1. in Genes. vocat spiritale veranimatorum; quoniam uti ver est totius naturæ renovatio, & omnia vere pariturunt; ita hoc sacro tempore, non tantum est jejuniij tempus, & pœnitentiæ, sed etiam omnium bonorum operum, orationis, Eleemosynarum, & omnium virtutum: & cum pleraque bona opera perdantur, eo quod male fiant, unde Seneca Epistola 95. non in facto laus est, sed in eo, quemadmodum fiat; idcirco Ecclesia nos in aditu Quadragesimæ admonet quomodo nos gerere debeamus: Cum jejunatis, nolite fieri sicut Hypocritæ tristes: exterminant enim facies suas, ut appareant

hominibus jejunantes: Amen dico vobis, quia receperunt mercedem suam. Quibus verbis docemur, jejunium, si solum sit, parum esse: quod ex aliis etiam bonis operibus sentiendum est; quod autem parum sit, hinc patet; quia ejus merces datur in præsentī vita; unde subdit: *Nolite thesaurizare vobis thesauros in terrâ. vide enim successum: ubi erugo & tinea demolitur, & ubi fures effodiunt & furantur*: Vult autem nos altius aliquid cogitare, & laborare æternitati; nam ait: *Thesaurizate autem vobis thesauros in cælo, ubi neque erugo, neque tinea demolitur, & ubi fures non effodiunt, nec furantur*: causam autem utriusque subdit; *Ubi enim est thesaurus tuus, ibi est & cor tuum*: Nempe quod quisque appetit, id colligit: Quid itaque faciendum sit, ne & jejunium, & bona

& bona opera nobis pereant, hoc docet Christus, ut nimirum rectāfiant intentione, eam autem rectā explicat intentionem, ut non fiant causā placendi hominibus, sed Deo: ne videlicet mercedem accipiamus ab hominibus, sed à Deo, secundum illud: *Ne videaris hominibus jejunans, sed Patri tuo, qui est in abscondito, Et Pater tuus qui videt in abscondito, reddet tibi:* certe quis reddet? is qui videt: quis autem videt, nisi is cujus oculos respexisti? *Ad te levavi oculos meos qui habitas in cælis. Ps. 122. Unde veniet auxilium mihi? auxilium meum à Domino? Psal. 120. Illud autem spero per Virginis Matris intercessionem. AVE MARIA.*

MIRABILIS illa civitas, quæ sancto Joanni Apocalypsis visionibus ostensa est, quam ibidem appellat *Jerusalem novam, descendentem de cælo, à Deo paratam, sicut sponsam ornatam viro suo* (cui testimonium ab ipso Dei throno datum est, *Ecce tabernaculum Dei cum dominibus, & habitavit cum eis*) Ecclesia est. Illius ornatus & magnificentia, hujus sanctitatem & præclaras virtutes significat. Angelus autem qui visus est Joanni, habere in manu arundinem auream, ut metiretur civitatem, portas ejus, & murum, non alius est quam magni consilij Angelus, uti Christum appellat Scriptura, qui singulorum virtutes, atque actiones metitur mensurā, seu arundine aureā, quam aliam non esse existimo, quam rectam intentionem, de qua loquitur hodiernum Evangelium, & nos hodierna concione dicturi sumus, tanquam de

re omnino necessaria, uti fatebitur qui me patienter audierit.

1. Veritas. Sicut in rebus moralibus id quod est præcipuum, & quasi essentialiale, & aliarum rerum origo, est finis: quia finis est id, cujus gratia sunt omnia; etenim ut ait Apostolus, omnia bonum appetunt; finis autem & bonum, idem sunt; nam omne bonum vel est tale, per se, vel propter aliud, si est per se tale, finis est, in fine enim terminatur, alioqui non esset finis, igitur in aliud non ordinatur, omnia autem, uti diximus, in bonum tendunt; omnia enim perfici volunt: perficiuntur autem, cum finem obtinent; si autem bonum est propter aliud, habet rationem in edij, media autem non sunt per se amabilia, sed propter finem ad quē referuntur, ita quod est præcipuum in actionibus moralibus, & unde cætera oriuntur, est intentio, quæ est primus affectus circa bonum propositum, ut obtinendum per media, juxta illud Dionis Chrysostomi oratione 38. Ego sanè pro omnibus quæ aguntur, nō puto homines frustra sudare, neque temerè; sed semper esse certamen pro re aliqua: qui enim bellum gerit, aut de libertate certat, aliis cum servituti subicere volentibus; aut de principatu, alios in servitutem volens redigere: Qui autem mare navigat, aut viæ gratiā periclitatur, aut negotiationis: Ne verò omnia afferā exempla, omnia nos homines facimus propter bonum finem, fugimusque contrarias actiones, propter malum finem: porrò absq; causa rem seridè agere, aut laborare, hoc est quod stultis tantum

tantum convenit. Hæc ille. Ut autem scias quod dixi, omnium actuum moralium circa finem, primam esse intentionem, hinc cognoscere potes, quia intentionem alij actus consequuntur; etenim intentionem sequitur, deliberatio de mediis ad assecutionē idoneis; deliberationem sequitur electio; tum cessante ordine intentionis, inchoatur ordo executionis, per usum mediiorū, qui concluditur assecutione finis, cui subjunguntur actus circa finem jam adeptum, nempe fructio & delectatio, & si qui alij actus versantur circa finē jam adeptum: ex quibus omnib⁹ patet quod à nobis dictum est, in actibus moralibus, id quod est primum, & præcipuum, & origo cæterorum esse intentionem.

Hinc sequitur 1. Ut ubi nulla est intentio, ibi quoque nihil sit morale, ubi nihil morale, ibi etiam non sit actio humana; & hinc damnatur actio otiosa, verbum otiosum & cogitatio otiosa, quam definitio, omni fine carentem, in quo est ejus deformitas, quia tenetur homo operari conformiter suæ naturæ; itaque moraliter; quod si moraliter debet operari, certè ex intentione, cum omnis moralitatis principium, sit intentio.

Primus itaque defectus circa intentionem est nullam habere, nullumque finem sibi proponere, quod stultorum proprium dixit esse Dio Chrysost. seu irrationabiliter agentium, neque enim actio humana est, si nulla sit intentio: Richardus de statu interiori homin. 17 Quod est corpus sine vitâ, hoc est opus nunc intentione bona; itaque Seneca epistola 95. Proponamus oportet si-

neum summi boni, ad quem nitamur; ad quem omne factum nostrum, dictumque respiciat: veluti navigantibus, ad aliquod sidus dirigendus est cursus; vita sine proposito vaga est.

Porro nullam habent intentionem, qui vel impetu agunt, aut ex passione, aut ex assuetudine, vel incogitantia, nec sibi finem aliquem, aut scopum proponunt; sed agunt temerè, ut se res offert, vel abripit cogitatio, rectius dixerim imaginatio: de quâ re Seneca epist. 71. Necesse est multum in vita nostra casus possit, quia vivimus casu; quoties quid fugiendum sit, aut quid petendum, voles scire, ad summum bonum, & propositum totius vitæ respice: illi enim consentire debet quidquid agimus: Non disponet singula, nisi cui jam vitæ suæ summa proposita est: nemo quamvis paratos habeat colores, similitudinem reddet, nisi jam constet, quid velit pingere: idèò peccamus, quia de partibus vitæ omnes deliberamus; de totâ nemo deliberat: scire debet, quid petat ille qui sagittam vult mittere, & tunc dirigere, & moderari manu telum: Errant consilia nostra, quia non habent, quò dirigantur: ignorant, quem portum petat, nullus suus ventus est.

Certè præcipua causa hujus defectus est incogitantia: cum enim voluntas sit cæca facultas, in actu exire non potest, nisi prælucente ei cognitione: propterea omnes voluntatis actus, præcedunt aliqui actus intellectus, qui volitiones illas dirigant; & intentionem quidem præcedit judicium de possibilitate, & bonitate finis, sicut electionem præcedit consultatio: usū

VERO

verò mediorum, præcedit actus Imperij: sed iudicium præcedens intentionem, est iudicium de finis bonitate, ob quam dignus sit terminare voluntatem intendētem, quod iudicium fieri non potest, nisi præcedat cogitatio: unde ille Asceta, de quo in vitis Patrum, qui aliquid operis facturus aliquantulum fudisſeſebat, cogitanti ſimilis, cuius, rei cauſam ſciſcitantibus reſpondit, omnia opera noſtra nullo ſunt loco, niſi ſincero ſine fiant, ſicut trabs informis, antequam ſormetur ab artifice: & ſicut miſſurus telum, collimat ad ſcopum, ita ego aliquid facurus, cogito in quem ſinem opus meum dirigam: Mitto dicere qui nullo ſine propoſito agit, aberrare perpetuò, ac licet aliquando bene agere videatur ex aliâ cauſâ, ut ex conſuetudine, aut ex alterius directione, cum tamen id non faciat ex propoſito, caſu id facere, itaque & raro & non conſtanter: ſicut ſagittarius, qui in ſcopum non intendit, neque collimat, poteſt tamen caſu illum tangere, ſed cum ex arte non faciat, id non faciet conſtanter, immò ſæpius non faciet: audi Senecam Epistoſa 95. Putamus aliquem facere quod oportet, non faciet aſſidue, non faciet æqualiter; neſcit enim quare faciat: aliqua vel caſu, vel exercitatione exhibet recta, ſed non erit in manu regula, ad quam exigantur, cui credat recta eſſe quæ fecit: Non promittet ſe talem in perpetuum, qui caſu bonus eſt: deinde præſtabunt tibi forſſe præcepta, ut quod oportet, facias: Non præſtabunt, ut quemadmodum oportet, facias: ſi hoc non

præſtant, ad virtutem non perducunt: faciet quod oportet monitus; concedo: ſed id parum eſt; quoniam quidẽ non in ſaculo laus eſt, ſed in eo quemadmodum fiat.

Illud ſatis ſit nobis, ſine intentione nihil illos agere moraliter, ſed perpetuò, aut aberrare, aut vagari.

Sequitur 2. Menſuram actionis, maxima ex parte, peti debere ex intentione, ut in unoquoque genere maior aut minor ſit actio, ſecundum qualitatem intentionis: unde Ambroſius dicere ſolebat. Quantum intendis, tantum facis: Gregor. in Moralibus Job, exponens illud cap: 38. *ſuper quo bæſes illius ſolidatæ ſunt*: Bæſes uniuiuscuſque animæ, ſunt intentiones ſuæ: Nam ſicut fabrica columnis, columnæ autẽ bæſib⁹ innituntur, ita vita noſtra in virtutib⁹, virtutes verò in intimâ intētionē ſubſiſtunt, &c. Tales omninò ſumus, qualis eſt noſtra intentio: De Nabuchodonſore dictum eſt Daniel 4. *Cor eius ab humano commutetur, & cor ſeræ detur ei*, quod ubi factum eſt, ex hominibus abjectus eſt, & ſcœnum, ut bos comedit: ſed ubi ſenſus humanus redditus eſt ei, ſtetit ſuper pedes ſuos, & oculos ſuos levavit in cœlum: idem cogita de intentione, ſecundum cuius diverſitatem, aliter, aut aliter agit homo. Moyses mittens ſuam manum in ſinũ, eam leprâ infectam eduxit, iterum reſpoſuit in ſinum, & omnino ſanam inde extraxit, nulla mutatio niſi ab intentione: Eodem modo virga ipſius miſſa in terram, verſa eſt in colubum, ſumpta in manum, rediit in virgam: vide euſdem actionis mutationem ſecundum

cundum diversitatem intentionis : itaque rectè monet Augustinus in Psal. 31. Non valde attendas, quid homo faciat, sed quid cum fecit, aspiciat. Rectè itaque concludit Seneca epistola 95. Non in facto laus est; sed in eo quem admodum fiat: eadem res si gulæ datur, turpis est; si honori, reprehensionem effugit: amico ægroto aliquis assidet, probamus: at hoc si hæreditatis causâ facit, vultur est, cadaver expectat: Eadem, & turpia sunt, & honesta; refert quare, & quemadmodum fiant: inde nascitur difficultas iudicandi, & de qualitate actionis, & de universisq; vitâ, quia quod præcipuum est in actione, illud latet, nempe intentio: unde monitum Apostoli 1. Cor. 4. *Nolite ante tempus iudicare, quoadusque veniat Dominus, qui & illuminabit abscondita tenebrarum, & manifestabit consilia cordium, & tunc laus erit unicuique à Deo*: Hinc constat neminem aliterius posse esse iustum iudicem quia totam rem nosse non potest, hoc patet in iudiciis innumeris mortalium: quàm multa homines improbant, quæ aliquando habebunt laudatorem Deum, & è contrario, quàm multa laudantur ab hominibus quæ à Deo rejiciuntur, solâ tantum differentia intentionis, quæ significatur ab Apostolo per consilia cordium, quorum cognitio ad solum Deum pertinet, unde sæpe Christus ad Judæos: *Iustum iudicium iudicate*. Sed illud nemini dubium est quod diximus mensuram actionis maximâ ex parte peti debere ab intentione. Ambros. Quantum intendis, tantum facis: quantum autem intendas uni Deo notum est, vix tibi.

Secunda veritas. Omnis intentio in triplicem dividitur, in bonam, malam, & indifferentem. Probatur ex triplici genere! objectorum; alia enim bona sunt, alia sunt mala, alia sunt indifferentia; quia nec bona sunt, neque mala ex se, quia nec bonitatem, nec malitiam morales continent, qualia sunt omnia opera merè naturalia: De bonâ intentione Bernardus. Pura erit intentio, si in omni actione nostrâ, aut honorem Dei, aut utilitatem proximi, aut bonam conscientiam quæramus. Seneca libro 3. de Ira cap. 41. Nihil opinionis causâ, omnia conscientie faciam. De malâ intentione David Psal. 100. *Non proponebam ante oculos meos rem injustam*. De indifferente Hieronymus Epist. 89. Bonum est continentia, malum luxuria: inter utrumque indifferens ambulare, &c. Hoc nec bonum, nec malum est: si enim feceris, si non feceris, nec iustitiam habebis, nec injustitiam. Porro unaquæque illarum intentionum suum colorem donat actioni, cujus causa est ordine sequenti.

Dico 1. Mala intentio omne opus inquinat & inficit qualecunque sit ex sua natura, hoc est ratione objecti materialis & formalis, secundum illud Apostoli 1. Cor. 5. Modicum fermentum totam massam corrumpit. Nabuchodonosoris statua tota ex metallis cõpacta, sed quia pedes habuit luteos Daniel 2. propterea ubi à modico lapide percussa est, concidit, *Et tunc contrita sunt pariter ferrum, testa, æs, argentum. & aurum, & redacta quasi in favillam æstiva aræ, quæ raptæ sunt vento, nullusque locus inventus est eis*: Itaque

Itaque non curat Diabolus an aliquid boni vel mali facias; modo bonum mala intentione facias, nam ut ait S. Greg. Totam arborem sibi fructus asferre conspicit quam veneni dente in radice vitiauit: in quo multi, & seipsos, & alios decipiunt, dum attendunt ad opus quod faciunt, non autem ad intentionem quâ faciunt: Bernard. tractatu de Gradibus Humil. gradu 5. Opera probant quæ cernunt, sed unde prodæant, non discernunt: Ita Deus improbavit sacrificium Caini, cui dixit Genes. 4. ex interpretatione 70. *Nonne si recte offeras, non autem recte divides, peccasti?* Ille male dividit, qui in bonam actionem, malam intentionem inducit: ita Christum prædicare, & animas convertere bonum est, sed id factum fuisse à multis malâ intentione docet Apostolus ad Philippenfes capite primo: *Quidam quidem & propter invidiam & contentionem, quidam autem & propter bonam voluntatem Christum prædicant: Quidam ex charitate, cientes quoniam in defensionem Evangelij positus sum: Quidam autem ex contentione Christum annuntiant, non sincerè, existimantes pressuram se suscitare vinculis meis. Quid enim? dum omni modo, sive per occasionem, sive per veritatem. Christus annuncietur: & in hoc gaudeo, sed & gaudebo: scio enim quia hoc mihi proveniet ad salutem: vide eandem actionem, nempe Christi prædicationem diverso modo factam, ab aliis ex charitate, ab aliis ex invidia, dum illis doleret, quod Paulus Romæ multos convertisset: ab aliis ex contentione, nempe ut certarent cum Paulo, & ostenderent se non pauciores Paulo conver-*

tisse; existimantes id Paulo grave futurum, illius mentem ex suo sensu incientes: sed Paulus omnia convertens in bonum, gavius est de infidelium conversione, quomodocunque factâ, *& in hoc gaudeo, sed & gaudebo, scio enim quia id mihi proveniet ad salutem.* An non orare bonum est? sed Euchitarum oratio, quia ex malo principio, fuit abominabilis: & de quodam dicit Psalmista Psal. 108. *Oratio eius fiat in peccatum:* An non jejunium laudatur in scriptura? *Convertimini ad me in toto corde vestro, in jejunio & in fletu & in planctu:* audi tamen quid de quodam jejun. dicat Isa. cap. 58. *Quare jejunavimus, & non aspersisti: humiliavimus animas nostras, & nescisti? Ecce in die jejunii vestri invenitur voluntas vestra, & omnes debitores vestros repetitis. Ecce ad lites, & contentiones jejunatis, & percutitis pugno in pie. Nolite jejunare, sicut usque ad hanc diem, ut audiat in excelsis clamor vester. Nunquid tale est jejunium quod elegi, per diem affligere hominem animam suam? Nunquid contorquere quasi circulum caput suum, & sacco, & cinerem sernere? Nunquid istud vocatis jejunium, & diem acceptabilem Domino? Quis nesciat quadragesimale jejunium innumeris Patrum præconiis affici? S. Franciscus quinque Quadragesimas in anno jejunare solitus erat, & magna cum laude, majore cum merito: Tertullianus ex errore plures induxit in Ecclesiam ex Montano Quadragesimas, tres scilicet, quasi tres salvatores passi essent: Tale jejunium abominabile fuit ex mala intentione: jejunii Sabbathi in Ecclesia Occidentali observatio commendatur: in Orientali, damnata ex*

perversa hæreticorum intentione, quod Christus resurrexisset negarent. Quid in religione sanctius est sacrificio? audi tamen quid de sacrificiis externis sentiat Deus, si absit vera religio: Isaïæ 66. *Qui immolat bovem, quasi qui interficiat virum: qui maculat pecus, quasi qui excerebret canem: qui offert oblationem quasi qui sanguinem suillum offerat: qui recordatur thuris, quasi qui benedicat idolo. Hæc omnia elegerunt in vis suis, & in abominationibus suis anima eorum delectata est.* Quid in scripturis magis commendatum eleemosyna? quoniam uti dicitur apud Tobiam cap. 12. *Eleemosyna à morte liberat, & ipsa est quæ purgat peccata, & facit invenire misericordiam, & vitam eternam:* Verum quæ sit ex errore in fide, & ex falso principio, qualia nunc vulgò jactantur, coram Deo abominanda est, & fortasse maius peccatum quàm rapina, adeò homines in rerum judicio decipiuntur: adeò omne opus præferim externum separatim ab intentione, æquivocum est in genere moris, si aliunde materiale non est prohibitum, & omne opus aliqui ex suo materiali bonum, à malo fine corrumpitur, & à malâ intentione vitatur etiam si internum sit, & ratione sui obiecti bonum.

Ex quibus omnibus patet quod diximus malam intentionem omne opus etiam bonum corrumpere: id verò magis de indifferenti intelligendum est: in quo cum nihil sit boni, & aliunde mala sit intentio, certè jam non manet in ratione indifferentis, cum malitia intentionis illud omne corruerit: Nam si Gregorio, de aliquibus dicere licuit, est qui bonum malè faciat, certè qui rei

non bonæ malitiam addiderit, nisi habebit quod in opere suo excuset, in quo nihil boni reperiat: Quod si mala intentio, malo operi addatur, illud pejus efficit: nam ut ait S. Isidorus lib. 3. lentent. cap. 63. Bonis malè uti, malum: sic malis, malè uti, pessimum est: itaque mala intentio, cuilibet operi, suam malitiam communicat: hoc voluit Christus cum dixit Matth. 6. *Lucerna corporis tui, est oculus tuus. Si oculus tuus fuerit simplex; totum corpus tuum lucidum erit. Si autem oculus tuus fuerit nequam, totum corpus tuum tenebrosum erit: si ergo lumen quod in te est, tenebræ sunt, ipsæ tenebræ quantæ erunt?* sensus est quod oculus est in corpore, id in homine esse cor, seu intentionem: dixerat autem prius, *ubi thesaurus tuus ibi & cor tuum erit*, uti igitur oculus, dum est purus sic totum corpus illuminat, ut omnia membra, videantur esse oculus, quia singula membra sufficienter illuminantur ab exiguo oculo ad suas functiones: quod si oculus, fuerit humore aliquo suffusus, hinc cetera membra obtenebrescent: Idem fit in opere, &c. Quod si mala intentio damnatur, quantò magis actio mala juncta malæ intentioni? si ergo lumen quod in te est tenebræ sūt, si id quod actionem dirigere debebat, & rectam facere, tenebræ sint, ipsæ tenebræ quantæ erunt, certè duplex erit in actione malitia, & ab obiecto, & à fine. Nam ut ait S. Gregor. 28. Moral. cap. 6. Quid per oculum exprimitur, nisi opus suum præveniens cordis intentio, quæ priusquàm in actione se exercent, hoc quod jam appetit contemplantur? Porro illa infectio actionis à malâ

à mala intentione , maior , aut minor est , prout intentio , magis , aut minus mala fuerit , quia totam se infundit actioni : hinc fit ut multa opera quæ ex suo obiecto sunt exigua , ex pessima intentione fiant maxima . Ita Bernardus lib. de Precepto , & Dispensatione . Elatio contemnentis , & obstinatio impetritantis in minimis quoque mandatis culpam facit non minimam .

Dico 2. Intentionem indifferentem , si malo operi accedat , non emendare ; si operi bono , aut non facere melius , aut inquinare ; si indifferenti , aut malum facere , & æquale otioso , aut saltem nullius meriti efficere . Voco indifferentem intentionem , quæ nec honestatem habet , neque maiestatem . Dixi 1. si operi malo accedat , non emendare . Ratio est , quia si bona non emendat , ut postea dicemus , multo minus indifferens intentio id poterit ; quia quod est indifferens , medium est inter bonum & malum , igitur malo non adversatur , igitur malum non emendat . Dixi 2. Si accedat bono operi , aut non facere melius , aut inquinare : Quod non faciat melius , hinc patet ; quia non potest addere aliam bonitatem , quam eam quam habet : Quod fortasse inquinat hinc probatur ; quia in eo est deordinatio , ut quod melius est , deteriori subordinetur : omnis autem deordinatio peccatum est ; at bonum respectu indifferentis melius est : & indifferens est deterius . Sed quod ordinatur ad aliud , eo ipso illi subordinatur , & ordinatur ut ad finem : igitur si bonum referatur ad indifferentem peccatum est . Favet Sanctus Augustinus libro de utilitate cre-

dendi capite 12 . Omne factum , si rectè factum non est , peccatum est : Nec rectè factum ullum esse potest , quod non a recta ratione proficitur : Et libro 2. de peccatorum meritis c. 18 . Voluntatem mirum est in medio quodam ita consistere , ut nec bona , nec mala sit : aut enim iustitiam diligimus , & bona est ; aut si omnino non diligimus , non bona est . Dixi 3. Si indifferenti accedat , aut malum facere , & æquale otioso , aut saltem nullius meriti efficere . Hoc à me dictum est sub disunctione ; quia multi censuerunt cum Sancto Thoma omnem actionem indifferentem factam ex fine indifferenti malam esse , neque alia de causa verbum otiosum malum esse , nisi quia caret honesto fine : illud enim est otiosum ex Origene in Psal. 38 . quod neque aliquid boni , neque mali habet , aut ex se , aut extrinsecus , & vocatur otiosum , quia caret iusta necessitate , & pia utilitate : In eo autem est peccatum ; quia cum idem esse debeat finis actionis hominis , qui est finis naturæ hominis ; eò quod actio referatur ad suum principium , sicut fructus ad arborem : atqui finis naturæ hominis ultimus sit ipse Deus , certè finis actionis humanæ ultimus debet esse Deus : actus autem indifferens factus ex fine indifferenti non haberet Deum pro fine ; alioqui non esset indifferens , sed bonus : igitur careret aliquo quod habere deberet , nempe illa relatione ad finem ultimum naturæ humanæ , ac proinde esset malus moraliter , & non indifferens : nam licet ratione obiecti esset indifferens , si tamen intentio esset indifferens , malus esset :

esset : eo ipso enim quod non tenderet in finem increatum, saltem virtualiter, oporteret ut ultimo se sisteret in bono creato, essetque eius fructio; est autem perversum frui utendis : cum igitur actus indifferentes, facti ex fine indifferenti, careant bono fine intrinseco, & extrinseco; eo ipso sunt depravati, carentque aliquo quod habere deberent: omnis enim actio humana in finem naturæ humanæ tendere debet, qui non est nisi Deus, quæ autem non tendit actu, vel virtute, vitiosa est: indifferens autem non tendit, igitur mala est & vitiosa, quia fructio est utendorum, seu boni creati. Sed quidquid sit de earum rationum robore, illud negari non potest, intentionem indifferentem junctam operi indifferenti nihil mereri apud Deum: Ratio est, quia omne opus meritorium vitæ æternæ, debet habere aliquid supernaturale, quod non acquirit actus ex suo objecto indifferens, nisi per rectam ad Deum intentionem, qualis non est intentio indifferens.

Hinc facile colligere possumus maximam vitæ hominum partem, illis fluere sine merito, & homines servos esse inutiles. Nam ut mitissime agamus cum illis, quæ tandem sunt actiones eorum, ut de malis non loquar, nisi indifferentes? tales sunt omnes naturales, comedere, ambulare, loqui, videre, cogitare, scribere, laborare, & aliæ similes, quales sunt domesticæ, civiles, privatæ, publicæ: immò eò trahi possunt omnes actiones morales, etiam virtutum, quæ bene, vel male fieri possunt; sed ut actiones virtutum seponamus, omnes aliæ omnem ferè vitam

nostram implent, ac illæ omnes, nisi extrinsecus addita aliqua intentione ad Deum dirigantur, intra actiones indifferentes includuntur, & sine merito sunt. Quid tu inde laudis expectas? quid mercedis speras à Deo? At, inquires, hæ actiones malæ non sunt: Quam multi id negant? sed id tibi concedo, malæ non sunt, sed nec etiam bonæ, igitur nec ad alteram vitam pertinent: nullam merentur pœnam, se neque mercedem: nihil inde perdidisti, sed neque etiam lucratus es: non malus fuisti servus, sed fuisti inutilis: audi autem quid dicat Scriptura, Matth. 25. *Et inutilem servum eicite in tenebras exteriores, ibi erit fletus & stridor dentium:* Quam de multis in fine dici poterit, quod scribit Jobus cap. 10. *Fuisssem, quasi non essem; de utero translatus ad tumulum.*

Dico 3. Bona intentio, licet malum opus, non efficiat bonum, sæpe tamen levius facit, & minus malum, præsertim ex ignoracione: bonum autem opus, melius facit, & sæpe magnum ex parvo: immò sæpe nullum, aliquod facit: indifferens autem, bonum facit, ac meritorium, ut jam veritatem habeat iactatus ille versus. Quidquid agant homines, intentio judicat omnes: diligenter singula examinemus.

Dixi itaque primò bonam intentionem malum opus ex sese; ratione obiecti materialis, & formalis, non efficere bonum. Ratio est; quia bonum est ex integra causa, itaque si substantia operis mala est, nihil proficit, quod finis extrinsecus sit bonus. Nam semper manet id quod malum est ex fine intrin-

intrinseco : unde præclare Seneca epistola 82. nihil honestè fit, nisi cui totus animus incubuit, atque affuit, cui nulla parte sui repugnavit : Et Bernardus lib. de Præcepto, & dispensatione. Ut oculus verè sit simplex, requiritur charitas in intentione, & veritas in electione. Ratio fundamentalis est; quia debet esse proportio aliqua inter finem, & media, igitur si intentio sit bona, & opus malum, cum intentio finem respiciat, opus autem habeat rationem medij, assumitur malum medium, ut eatur ad bonum finem, in quo deest apta proportio : itaque Augustinus libro contra mendacium cap. 7. multis probat, numquam licitum esse mendacium, ob bonum ullum finem, licet agnoscat bonitatem operis maxime peti ex fine, consequenter ex intentione, cum præcipuus actus qui finem respicit, sit intentio: verba eius sunt. Interest plurimum quâ causâ, quo fine, quâ intentione quid fiat : sed ea, quæ constat esse peccata, nullo bonæ causæ obtentu, nullo quasi bono fine, nullâ vel ut bonâ intentione facienda sunt. Et quia quædam sunt opera, quæ nec bona sunt, neque mala, de illis sic loquitur componendo ea cum malis. Ea quippe opera hominum, sicut causas habuerunt bonas, seu malas, nunc sunt bona, nunc mala : quæ non sunt per se ipsa peccata : cum verò jam opera ipsa peccata sunt, sicut furta, stupra, blasphemix, vel cætera talia, quis est qui dicat causis bonis esse facienda, ut vel peccata non sint, vel quod est absurdum, iusta peccata sint. Unde multorum error, qui à nonnullis primis

Christianis, & Apostolis falso tributus est, de quo Apostolus Roman. 3. *Sicut aiunt quidam nos dicere, facimus mala, ut veniant bona: quorum damnatio iusta est*: id est iuste enim punientur eiusmodi mala quocunque prætextu facta sint: vel ad personas refert Apostolus, quasi diceret iuste damnata esse eiusmodi effata, tanquam & pessimæ consequentiæ; nam semel hoc principio admissio, sceleribus omnibus janua aperiretur. Ita multi domestici furantur dominis suis, ut faciant eleemosynas, vel ut aliquid donent Ecclesiis : Multi non solvunt debita ut donent Ecclesiis: filii qui Patribus dicebant: *munus quodcumque est ex me tibi proderit*, Matt. 15. & interim famelicos dimittebant parentes : Ita aliquis misericordiâ motus erga viduum, iudicat iniuste, Deo dicente in Scriptura Levitici 19. *Non consideres personam pauperis: nec honores vultum potentis. Iuste iudica proximo tuo*. Ita Saül deceptus est, dum contra præceptum pepercit optimis spoliis ad sacrificium. Maneat itaque illud tanquam certum non licere minimum peccatum admittere, spe cuiuscunque boni quàm libet magni: sicque non esse licitum minimum mendacium ut hominis vita servetur, & ita de cæteris; ad id verum est bonam intentionem non facere bonum opus, quod ex suo obiecto formali intrinsece malum est.

Dixi tamen 2. Bonam intentionem malum opus sæpe levius facere, & minus malum, præsertim ex ignorance. Quis enim neget levius esse aliquod accipere ad misericordiam, quàm ad cupiditatem? officiose mentiri quàm

maligné? præsertim si accedat bona fides, & erronea conscientia, quæ si fuerit invincibilis, excusat à peccato: ita obstrictes Egyptiæ mentitæ sunt Pharaoni, ne pueros Hebræos interficerent: & ait Scriptura Exodi 1. eas accepisse mercedem à Deo, non quidem ob mendacium, sed ob præstitam misericordiam, cum præsertim se peccare, hoc modo mentiendo, non putarent: *Et quia timuerant obstrictes Deum, edificavit eis domos.* Sed quod diximus raro contingit, itaque semper id cavendum, ne fiant mala ut veniant bona: duplici malo: unum est, quod malum fiat, alterum est error, quo credatur malum fieri posse, ut veniat bonum: unde Bernardus de præcepto & dispensatione. Ut oculus verè sit simplex, requiritur charitas in intentione, & veritas in electione: tunc autem necque est charitas, neque veritas, sed malitia & error.

Dixi 3. Bonam intentionem, bonum opus melius facere; nam duplex est bonum, unum ratione obiecti, & finis intrinseci, quia opus bonum est, aliud ratione finis extrinseci, quod aliud est bonum; duo autem bona, unicuique superant: Et sæpe parvum magnum efficit; sæpe enim plus attenditur intentio, quam ipsum opus. Salvarius. Oblata Deo non pretio, sed affectu placent. Publius Mimus: Non aspicias, quam plenas quisque manus Deo, sed quam puras admoveat: ita Christus Marci 12. plus fecit duo minuta, quæ mulier vidua & pauper misit in gazophylacium, quam magna divitum munera. *Amen dico vobis, quoniam vidua hæc*

pauper plus omnibus misit, qui miserunt in gazophylacium. Omnes enim ex eo quod abundabat illis, miserunt: hæc verò de penuria suæ omnia quæ habuit, misit totum vitæ suæ sum. Hinc terè Christus omnia ex intentione æstimavit, Matth. 10. *Qui recipit Prophetam in nomine Prophetæ, mercedem Prophetæ accipiet: & qui recipit iustum in nomine iusti, mercedem iusti accipiet. Et quicumque potum dederit uni ex minimis istis calicem aque frigide, tantum in nomine discipuli, non perdet mercedem suam.* Ut scias opus non tam crescere ex obiecto suo, quam ex fine, & consequenter ex intentione: Quotidie experimur aquam è sublimi defluentem, licet variè derivatam, in ascensu suam originem æquare: idem fit in omnibus actionibus, quæ omnes ab intentione dimanant, secundum cuius altitudinem mensuram suam accipiunt: hinc factum ut minimæ actiones Sanctorum, summas nostras superarint: ita si elemosyna fiat ex motivo misericordiæ magna quidem virtus est, & meritoria: si ex charitate proximæ, jam incipit esse melior, si ex Dei charitate, longè melior, sed quò purior erit charitas, eò etiam magis crescit meritum; & in hoc fuit mirabile Apostoli consilium 1. Cor. 10. *Omnia in gloriam Dei facite:* sed & quantus fuit S. Ignat. cuius in rebus omnibus propositum fuit ad maiorem Dei gloriam semper agere, quod ex æctissime servavit?

Immo tantum posset bona intentio, ut ubi nullum est bonum opus, ibi aliud quod esse efficiat: Bernardus. Sola interdum bona voluntas sufficit: cætera non prosunt, si sola defuerit: Idem Epistola 77. *Deus indubitanter tribuit bonæ*

bonæ voluntati, quod defuit facultati. Eodem sensu Augustinus in Psalm. 105. Deus coronat bonam voluntatem, quando non invenit facultatem: Hinc fit ut quilibet liberalis esse possit erga pauperem, etiamsi non habuerit nummum. Nam ut ait S. Chrysost. homil. 7. de Pœnit. Da indigenti, si minus habueris, vel suspirium si profers, omne tribuisti: nam infomnis ille oculus videt, te dedisse quod habueras: Itaque Gregor. homil. 5. in Evang. Ante Dei oculos, nunquam est vacua manus à munere; si fuerit arca cordis, plena bonâ voluntate: Deus siquidem non habet rationem potentiæ, sed voluntatis: quod maxime est optabile: nam potestas angusta est, sed voluntas nullos habet terminos. passim homines non tam curant bonam voluntatem, quam beneficium: unde ut ait Apost. 2. Cor 3. *Si voluntas prompta est, secundum id quod habet accepta est, non secundum id quod non habet*: neque enim plus exigitur ab ullo, quam quod potest: sed coram Deo, prompta voluntas accepta est non tantum secundum id quod habet, sed etiam secundum id quod non habet, quia Deo sola etiam voluntas satis est. Sed nulla est voluntas, si potestati desit actio, neque enim velle ille dicendus est, qui cum posset, non fecit: secundum illud Apostoli, loco citato, *ut quemadmodum promptus est animus voluntatis, ita sit & perficiendi, ex eo quod habetis.*

Dixi 4. bonam intentionem, opus indifferens, bonum facere, & meritum: Quia honestatem quam ex se non habet actio indifferens, ratione

sui objecti, accipit à fine extrinsecor: Richardus de statu interiori homil. 17. Quod est corpus sine vitâ, hoc est opus sine intentione bonâ: sicut itaque in corpus inanime immissa anima, facit illud vivere, ita intentio bona adjuncta operi indifferenti illud facit honestum, quoniam illi honestatem suam communicat: Ratio petitur ex subordinatione actus imperati, ad actum imperantem, in ordine ad finem actui imperato extrinsecum: unde fit ut actus imperatus, non censetur imperanti extraneus, sed censetur esse aliquid eius, ut pote non respecturus finem illum actui imperanti propositum, nisi interveniret ordinatio ad finem illum, facta per actum imperantem: quin immo, si actus imperatus esset imperanti extraneus, cessarent denominationes imperantis, & imperati: Cum igitur actus imperans, sit principium & causa actus imperati, mirum non est, quod suam cum eo honestatem ex fine duæam communicet: quoniam finis ille extrinsecus qui est objectum proprium actus imperantis, est circumstantia propriè dicta, & extrinseca actus imperati, quatenus imperati, & ad externum illum finem directi per actum imperantem: confirmatur. Quia distingui potest duplex esse in actu, unum physicum, alterum morale: quoad esse physicum nullo modo pendet actus imperatus ab actu imperante, sed tantum à suâ potentiâ, & à fine suo intrinseco: sed quoad esse morale adventitium, sive quoad esse relatum, & ordinatum ad extrinsecum illum finem, pendet actus imperatus ab imperante,

nam

nam sine illo non ordinaretur, ex illâ autem ordinatione bonitatem accipit quam non habebat : Hanc veritatem rectè explicat Seneca Epistola 82. Indifferentia esse dico, nec bona, nec mala, tanquam morbum, dolorem, paupertatem, exitium, inortem : Nihil horum per se gloriosum est, nihil tamen sine his : laudatur enim non paupertas, sed is quem non submittit, nec incurvat : laudatur non exilium, sed qui hoc non doluit : & omnia ista non sunt per se honesta, nec gloriosa : sed quidquid virtus ex illis adiit, tractavitque, honestum, & gloriosum facit : Illa in medio posita sunt : Interest utrum malitia illis, an virtus numerum admovertit. Omnis res, quod non habuit decus, virtute additâ sumit : cubiculum lucidum dicimus : hoc idem obriissimum est nocte : dies illi lucem infundit, nox eripit : sic istis quæ à nobis indifferentia ac media dicuntur, divitiis, viribus, formæ, honoribus, regno : & contrâ, morti, exilio, malæ valetudini, doloribus, &c. aut malitia, aut virtus, dat boni, vel mali nomen : Quod si bona intentio opus indifferens facit bonum, facit etiam meritorium, unde Christus mercedem ei pollicetur, qui dederit potum aquæ frigidæ in nomine discipuli : Hinc patet nullum à nobis fieri actionem quæ non possit esse honesta, & meritoria, si ne ipse ad bonum finem & honestum referatur prout referri potest : Hoc addidi, Quia uti rectè docet Suares tom. 2. de Religione lib. 2. de Voto, cap. 4. num. 7. ut aliquis actus indifferens fiat honestus ex fine honesto extrinseco,

non satis est quòd ex libertate, aut falsâ apprehensione operantis, in eum finem referatur : sed oportet ut talis relatio prudenter fiat, & cum proportionem, ac fundamento alicuius convenientiæ, inter tale medium, & talem finem, id est quòd sit utile ad illum, vel proximè, vel intervntu aliorum mediorum : quia aliàs imprudens est relatio talis mediij ad talem finem, & potius videtur, in verbis, aut falsâ apprehensione, quam in re ipsâ existere : Exemplo rei declaratur. Nam si quis dicat se ire in agrum propter Dei amorem, & honorem, profectò si nihil aliud adjungat, & immediatè fiat huiusmodi relatio, vana est & nullius momenti, quia ire in agrum, per se nihil confert, ad Dei amorem, vel honorem, sed interponere oportet alia media, quibus mediantribus possit ille actus conferre ad talem finem : ut si studium conferat ad Dei honorem, & vires corporis ad studium sint necessariae, & ad vires comparandas, vel conservandas, conveniens iudicetur ire in agrum, tunc optimè refertur actus ille ad bonum honestum, & idèò eius bonitatem participat : Nihilominus tamen cum nullus sit actus humanus, qui immediatè vel mediâtè, si non intrinsecè, saltem extrinsecè ad Deum referri non possit, nullus est qui non aliquâ ratione honestus fieri possit, & consequenter nullus est qui in Deum referri non possit, & consequenter nullus est qui fieri non possit meritorius : Audi enim quid dicat Apostolus, immò quid præcipiat 1. Corinth. 10. *Sive ergo manducatis, sive bibitis, sive a-*
liquid

liquid aliud facitis, omnia in gloriam Dei facite: & ad Coloss. cap. 3. Omne quodcumque facitis in verbo, aut in opere, omnia in nomine Domini Iesu Christi: Vide si aliquid excipiat Apostolus, cum nominet etiam actiones animales, cum minima quæque non excipiat: Nec mirum cum nos ipsi ad Deum attineamus Ephes. 1. Ut simus in laudem gloriæ ejus nos: ut nostra etiam omnia ad ejus tandem, & gloriam referamus, quod non potest fieri nisi per intentionem nostram, quæ est præcipuus actus in finem, & directio rerum omnium in finem: unde fit ut rectæ intentionis homo nunquam frustra laboret, sive legat scribat, seu loquatur, sive agat, honorem Dei sibi proponendo, unde quæstus faciat honestissimos. Hæc est ars omnium quæstuosissima, quâ fit ut rebus omnibus cælum lucremur; hac arte omnes actiones naturales, fiunt morales, & studiosæ; nam licet multæ sint necessariæ, ut respiratio, motus cordis, & similes, itaq; illis desit fundamentum moralitatis, nempe libertas, quia tamen ordinari possunt liberè ad aliquem finem, licet quoad substantiam liberæ non sint, possunt quoad ordinationem ad finem, liberam accipere destinationem, & inde moralitatem: quæ autem morales sunt, possunt fieri supernaturales ex motivo supernaturali, ut fiant sicut dicit Apostolus in nomine Domini nostri Iesu Christi: si ex motivo supernaturali, potes omnium perfectissimum assumere, nempe Dei gloriam. Si posses omnia quæ tangis aurea facere, lignû, ferum, lapides, & cætera, quam brevi

tempore ditesceres? Tu potes omnia quæ loqueris, & quæ agis facere pretiosissima, & digna mercede cælesti, cur ista negligis? Tanti tibi esset aurum; cur non etiam cælum?

Porrò nihil bonâ intentione facilis est, & vnusquisque illam habere potest. De qua illud Deuter. 30. dici potest: *Mandatum hoc quod ego præcipio tibi hodie, non supra te est, neque procul positum, nec in cælo situm, ut possis dicere: Quis nostrum valet ad cælum ascendere, ut deferat illud ad nos, & audiamus, atque opere compleamus? Neque trans mare positum: ut causeris, & dicas: Quis ex nobis poterit transfractare mare, & illud ad nos usque deferre, ut possimus audire, & facere quod præceptum est? Sed iuxta te est sermo valde, in ore tuo, & in corde tuo, ut facias illum: Quis enim non potest dicere quod ait Apostolus. Propter te mortificamur totâ die.*

Sit igitur in omnibus hæc tua oratio, *Propter te Domine, assuesce initio actionum tua offerre Deo & ad eius honorem dirigere, ut nihil excidat, quod in Deum vel immediatè vel mediatè non dirigatur: Certè quâ exultatione potes obtendere in re tam facili, & tam obviâ? Non potes aggredi res magnas, & arduas: sed potes rem exiguam, magnam facere: Non opus hic viribus, nō industriâ, sed solâ voluntate. Chrys. hom. 24. in Ep. ad Hebr. Non parantur hæc sumptu, non labore, non sudore: sufficit velle, & confecta sunt omnia. Eheu? quot salutis vias nobis Deus aperuit, ut quotidianis actionibus possimus cælum acquirere? Et quibus digni non erimus supplicii, si non utamur tantâ gratiâ? vide itaque ut nihil tibi*

casu excidat, nihil facias cupiditate, nihil impetu, nihil ex occasione, nihil ex assuetudine, sed omnia in Deum dirige. Singulis annorum initiis, tua omnia Deo consecra: Id facito & in mensium, & in hebdomadarum initiis, & singulorum dierum: immò singulis horis, ut saltem virtute dirigantur ad Deum: sed præcipua saltem, & longiora opera Deo consecra: *Omnia in gloriam Dei facite: Omnia in nomine Domini Jesu Christi.* Chrysost. homil. 9. in Epist. ad Coloss. Fac omnia in nomine Domini, & omnia rectè succedent: ubicūque positum fuerit hoc nomen, omnia sunt fausta & felicia: si Dæmones ex-

pellit, si morbos propulsat, multo magis rebus affert facilitatem, &c. Per hoc nomen orbis terræ fuit conversus fracta est tyrannis, conculcatus fuit Diabolus, aperti sunt cæli: Nos per hoc nomen fuimus regenerati: si hoc habeamus resplendemus: Hoc & Martyres facit, & Confessores: Hoc pro magno dono teneamus, ut in gloria vivamus, & Deo placeamus, & digni habeamur bonis, promissis iis qui diligunt illum gratiâ & benignitate Domini nostri Jesu Christi, cui cum Patre, & Filio sit gloria in sempiternum,

Amen.



FERIA



FERIA QUARTA CINERUM,

SECUNDA CONCIO

DE RECTA INTENTIONE,
contra Vanam gloriam

Cum jejunatis, nolite fieri sicut Hypocritæ tristes, exterminant enim facies suas, ut appareant hominibus, jejunantes. Matth. 6.

CUM in omnibus Scripturis jeiunium coniungatur cum lachrymis, & luctu, cum humiliatione, & afflictione, & aliis signis doloris, & pœnitentiæ; Numer. 30. Si voverit: & juramento se constrinxerit, ut per jeiunium, vel ceterarum rerum abinentiam, affligat animam suam, &c. Judith. 4. Humiliauerunt animas suas in jeiuniis: Esther. 14. Fletibus & luctui apta indumenta suscepit, &c. & corpus suum humiliavit jeiuniis: Joëlis 2. In jeiunio, & in fletu, & in planctu. 2. Machab. cap. 13. Testantibus à Deo misericordiam cum fletibus, & jeiuniis. Baruch. 1. Plorabant, & jeiunabant: cum, inquam, hic & alibi passim cum luctu coniungatur jeiunium, cur Christus in hodierno Evangelio, vetat id fieri? Cum jejunatis nolite fieri sicut hypocritæ tristes. Tu autem cum jeiunas, unge caput

tuum, & faciem tuam lava, ne videaris hominibus jeiunans: An propria loca Scripturæ intelligenda sunt de jeiunio publico, non de privato? An verò non vetat Christus cum jeiunio privato, luctum etiam privatum, sed hœdionem luctus? unde non dicit, cum jejunatis nolite esse tristes: sed nolite fieri sicut hypocritæ tristes, quibus verbis non veram tristitiam damnat, sed affectatam: An 3. id tantum Christus docere voluit ut quæ privatim à nobis fiunt bona, ea ab oculis hominum removeantur, longè aliter quàm hypocritæ solent facere, qui quicquid faciunt, eò tantum faciunt, ut videantur ab hominibus: cum è contrario omne studium nostrum esse debeat, ut quicquid boni facimus, illud ab oculis hominum removeamus: eò usque ut etiam

G 2 jeiu-

jeiunium, quod semper cum luctu erat conjunctum, externâ hilaritate premamus, ut nempe soli Deo non autem hominibus jeiunemus juxta illud Levitici 30. *Coram Domino mundabimini, & affligetis animas vestras religione perpetuâ*, de qua re hodie dicturi sumus, postquam opem à cælo acceperimus.

A V E M A R I A.

CUM recta intentio sit res adeò sublimis, & excelsa ut in priori Concone ostendimus, nemini mirum videri debet, si Dæmon insensibilissimus hominum hostis, & bonorum nostrorum perpetuus deprædator nihil non faciat, & moliaturo quo eam omnino, aut impediat, aut inficiat: verum cum pluribus modis id efficiat, & cum plures sint rectæ intentionis hostes; ei tamen maximè adversatur humanæ laudis appetitus, & vana gloria, quam propterea sancti Patres labem appellant, & ruinam præclarorum operum, & virtutum: S. Chrysostomus Serm. 7. subtile malum est, secretum virus, venenum latens, virtutum fucus, tinea sanctitatis: adversa omnia nituntur suis viribus, armis suis pugnant, impugnant palam, unde & caventur tam facile quam videntur: Hæc tamen crudeli arte virtutes truncat mucrone virtutum, jeiunium jeiunio perimit: oratione orationem evacuit: misericordiam miseratione prostermit: hoc vitium de remediis creat morbos, & de medicinâ conficit languorem: Basilus de Constitutionibus Monasticis cap. 11. Fugiamus dulcem operum spiritualium expoliatricem, jucundum animarum nostrarum hostem, tineam virtutum, blandissimam operum omnium

deprædatricem, & veneni illitu coloratricem. Ratio est, quia vana gloria omnibus nostris actionibus, sed præcipuè bonis furtivè se interfert atque immiscet: Climacus in scala spir. Gradu 21. de Cenodoxia. Omnibus studiis Cenodoxia congaudet, verbi gratiâ jeiuno, inaniter glorior: si latendi causâ solvo jeiunium, tanquam prudens iterum glorior: si splendide vestitus, vincor eâ peste; si vilius induar, denuo glorior: si loquar, hæc superor: si taceam, iterum superatus sum: Neque tantum insidiatur in actionum initiis, per malam intentionem, sed etiam & in medio, & in fine actionis se ostentat, & bonam intentionem pervertit: Gregor. lib. 1. Moral. cap. 19. Sæpe bono operi, dum laus humana obviat, mentem operantis immutat, quæ quamquam quæsitâ non irrepit, tamen oblata delectat: vide quid inde sequatur: Invenio me aliter agere, quod scio me aliter inchoasse. Cæterum illa pestis, communissimum est, primum, atque ultimum malum. Primò, Dixi communissimum. Quia vix est aliquis, qui eo malo non inquinetur: summi, & infimi: peccatores, & sancti: Sæculares, & Religiosi: qui præfunt, & qui subsunt: ita nemo immunis est: Secundò, primum malum vocavi. superbia: ad hæc, in pueris hic primus motus oritur, est enim primus amor, quia proprius: nam superbia est amor propriæ excellentiæ: Tertiò, ultimum dixi. Quia ex omnibus affectibus, huc ultimo exuimus, unde Plato appetitû gloriæ appellat. *telephation* Chitona postremum amiculum; & Tacitus loquens de Helvidio Prisco, homine laudatissimo, appetentior famæ videbatur, quando

quando etiam sapientibus cupido gloriæ novissima exiit : de quo malo, Evangelium hodiernum tractat : *Cum jejunitis nolite fieri sicut hypocritæ tristes; exterminant enim facies suas, ut appareant hominibus jejunantes* : illius triplicem quasi radicem agnoscit S. Chrysost. homil. 44. ad populum Antioch. Stultitiam, humilem animam, & ignorationem Dei : de quibus singulis, eodem ordine pauca à nobis dicenda sunt.

Primam radicem vocat stultitiam : Nam si idem Chrysost. in universum dixit, omnem superbum stultum esse, sanè non parva stultitia est in appetitione vanæ gloriæ.

1. Stultitia est, quod appetens gloriæ, rem adeo vanam tanto labore, immò totâ vitâ consecetur. Vide autem æstimationis, laudis, & gloriæ humanæ vanitatem ex multiplici capite, ut scias hanc exprobrationem Davidis in maximam hominum partem cadere, ut *quid diligitis vanitatem, & queritis mendacium?* Basil. Vanum dicitur id quod vacuum est, quod nomen quidem habet, rem vero ipsam non habet, quod de humanâ gloriâ dici potest, quæ ideò rectè vana dicitur quia vacua est, nomen habens gloriæ, rem vero ipsam non habens : Num hoc verum sit ratione gloriæ humanæ, vide quæso.

1. Ratione eorum, qui laudant, nam ferè sunt abiectissimi, sapientes enim nihil admirantur : Etenim à quibus gloria ferè colligitur, nisi à plebe : Non te pudeat, quos aliqui contemnunt eorum iudicium sic vereri, ut eorum opinionem, vel errorem sequaris ? Transibat Demosthenes, occurrit vetula, en, inquit, Magnum illum virum, & elo-

quentem : adèò insanivit, ut suos omnes præteritos labores latis compensatos diceret : S. Chrys. homil. 44. ad pop. Antioch. Nihil hominum gloria vilis : dic enim mihi, si paucorum videas puerorum multitudinem, lætentium dico, nunquid ab eis gloriam concupiscis ? Sic erga cunctos homines disponeris propter gloriam : certè non sapientius alij iudicant : Quid dicam, quam temerè laudent homines, quam otiosè, quam ex consuetudine, quam ineptè, quo excessu, quam fallò, quam adulatoriè : Tu quàm multos laudas contra propriam opinionem, quia mos est, quia non vis displicere, quia vis adulari : ut de alijs agis, ita cæteri de te : Quàm sæpe contigit, ut coram te aliquis, quia aderat ab alijs sit laudatus, qui cum à cœtu abiisset, à suis laudatoribus vituperatus est, & irrisus ? Ne te decipias aut tibi blandiaris : Eadè ratione tractaris : Qui heri laudabat, hodie damnat : sed quàm pauci sunt veræ laudis iudices ? audias quotidie homines ineptissimos aut laudare, aut laudari : nescias utrum sit intolerabilis : Hinc sapientes philosophi non admodum curarunt, an multos, an paucos, an nullos etiam haberent suarum rerum testes aut laudatores : Democritus apud Senecam Epistola 7. Unus mihi pro populo est, & populus pro uno : Quidam alius plus etiam dixit : Satis mihi sunt pauci : Satis est unus : Satis est nullus : Certè nil minus habet qui nullos, quàm qui multos : Nam ex iis qui vel laudant vel damnant quàm pauci sunt æqui rerum æstimatores. Primò, ex errore : Secundo, ex affectu : Tertiò,

G 3 ex

ex invidia, quàm multi putant idem in laudibus fieri, quod in pecunia (ait Plutarchus) ut qui eas dent, eas amittant: quàm multi laudent ex levitate, quàm multi sine delectu, quàm multi omnes laudant, quàm multi ex assuetudine, quàm multi ut tantundem accipiant, quàm multi ut placeant, ut adjuvètur, ut aliquid emolumenti percipiant, quàm multi, quia sic putant esse loquendum, quia quod nihil constat facile donatur. Plus laudabit ineptus quàm prudens, plus ignarus quàm sapiens, plus vitiosus quàm virtute præditus, ut discas ex authore, & laudem & gloriam contemnere. Pars vituperij est ab eiusmodi hominibus laudari, & propudiosum tibi est vel illis placuisse.

Secundò, Vanitas humanæ gloriæ petitur ex rebus quæ laudantur in hominibus, quâ de causâ, nihil puto ineptius vanâ gloriâ: Nam ut præteream res plane ridiculas quæ laudantur, ut sunt vestes, ornamenta, fuci, crista, uniones, equus, canis, & sexcenta; ut omittam bona corruptibilia, qualia sunt decor, oculi, candor, pinguedo, statura, dentes, ludus, saltatio, & cætera nugæ: Ex bonis spiritalibus duo tantum eminent, scientia, & virtus: vide quid sit in illis laudabile; ut à scientiâ ducam initium quàm multa in illâ sunt vana, & inutilia: cerè volumina leguntur integra de scientiarum vanitate! ad hæc, quàm pauci sunt homines verè docti, & in scilicet docti: Quoad virtutem attinet, quàm falsa, de virtute iudicia hominum: quod ab uno laudatur, vituperatur ab alio: Deinde quàm pauci bonè iudicant de virtutis

veritate: de solâ devotione quàm multæ sunt absurdæ opiniones: quàm multa probantur à multis quæ improbantur à Deo: Proverb. 14. *Est via quæ videtur homini iusta, novissima autem eius deducunt ad mortem*: Et Proverb. 16. *Est via, quæ videtur homini recta, & novissima eius ducunt ad mortem*: De existentia autem virtutis in unoquoque quàm incertum est: unde multæ actiones laudantur, quæ aliquando in iudicio Dei condemnabuntur: sola intentio mala quot actiones commaculat? unde rectè dictū ab aliquo, intentio valet ad meritum, actio ad exemplum: Quàm sæpe nos audimus quædam in nobis prædicari, quæ falsa sunt, & quorum scimus nos esse egentes, & tamen injustâ laude æq; delectamur, atque verâ, sed in hoc est vanitas, & magna vanitas, *Filij hominū usquequò gravi corde? ut quid diligitis vanitatem, & queritis mendacium?*

Tertio, Vanitas gloriæ deprehenditur ex naturâ ipsius laudis & æstimationis, Tota enim hæret in cogitatione, aut in verbo: Age igitur quid magis fragile quam cogitatio? quid fugacius, quam verba? quot habes intra horam cogitationes de rebus innumeris? & ex consequenti quoties perit illa cogitatio? Quanti autem facias verba tu ipse nosti, qui unâ die tot proferre soleas, temerè, inconsultò, mendaciter, inutiliter: si in aëre alicuius imaginem pingeres, quàm de illâ imagine securus esses? Idem facis cum alicuius famam in verbis depingis, &c.

Quartò, Ea veritas deprehenditur ex brevitate: Id optimè expressum apud Jobum cap. 20. *Hoc scio à principio, ex quo*

ex quo positus est homo super terram, quòd laus impiorum brevis sit, & gaudium hypocritæ ad instar puni: Si ascenderit usque ad cælum superbia eius, & caput eius nubes tetigerit, quasi sterquilinum in fine perdetur, & qui eum viderant, dicent, Ubi est? Velut somnium evolvans non invenietur, transiet sicut visio nocturna: oculus qui eum viderat, non videbit, neque ultra intuebitur eum locus suus: Rationem affert Chrysost. loc. cit. Quia ut ad breve homines admittantur aliquid, sic temporis processu facile obliviscuntur, & patet experienciâ: compara utrumque, & tui memoriam, & tui oblivionem.

Quintò, Quia nihil inutilius. Chrysost. homil. 44. ad popul. Dic mihi, quid habet boni, à multis circumspecti? Inanis est gloria, nec aliud quidquâ: nam domum revertere, & solus esto, & totum illicò defluerit: in forum processisti, præsentem in te convertisti, & quid amplius? Nihil: extinctum est, & evanuit, tanquam fumus diffusus: sic igitur ea quæ non subsistunt: quantæ sunt hæc quæso stoliditatis, quantæ dementiæ? Ad unum itaque solum spectemus, quomodo Deus nos laudet: si hoc consideremus, nunquam ab hominibus propria queremus: & si contigerint, contemnemus, respiciemus: tanquam aurum quidem optantes, lutum verò recipientes, sic efficiamur: Non laudet ille, nihil emit profuerit: & si vituperaverit, non nocebit: In Deo autem hæc utraque habent lucrum vel salutem, at apud homines, omnia vana: Non prohibeo itaque gloriam optare, ait Chrysost. sed veram volo gloriam quæ est à Deo. Ex quibus apparet vanitas humanæ laudis, & gloriæ, & quâ-

ta sit hominum stultitia, omnem vitam perdere, ut rem tam vanam assequaris, quæ nulla aliâ re digna est, quam tuo contemptu: Ita tamen hoc malum nos insequitur, ut vix quisquam sapere aliquando discat: nullum tamen malum sine remedio est: Audi S. Chrysost. homil. 17. in Ep. ad Rom. Quomodo ab hac servitute liberabimur? Si aliam gloriam adamaverimus, nempe eam quæ vera gloria est: ut enim eos qui corpora amant, alia splendidior facies visa, à priore separat, sic eos qui gloriâ hanc desiderant, splendida illa cælestis gloria, si conspecta fuerit, ab ista abducere poterit: Hoc est quod Christus objecit Judæis Joan. 5. *Quomodo vos potestis credere, qui gloriam ab invicem accipitis, & gloriam, quæ à solo Deo est, non queritis.*

7. In eo stultitia est, quòd sicut sunt aliqui homines ridiculi & moriones, quorum officium est, aliis risum movere, multis actionibus ridiculis, & delectationem afferre: sic homines qui vanam gloriam appetunt, hoc unum habent, & in hoc laborant, ut cæteris placeant: itaque personas omnes induunt: atque ad omnia se fingunt: optant semper habere spectatores, & hoc unum agunt, ut delectent; itaque, & se, & suos mores, vultum, & gestus conformant ad delectationem, & nullâ aliâ mercede remunerantur, quam quod sciunt se aliis placere: itaque sicut stultis ac securis applaudimus, ut pergant insanire, licet eos irrideamus cum despectu, ita se res habet in nostro proposito, ut homines vanos, quique nobis placere gestiunt, sic laudemus, ut eosdem viles habeamus, eosque contemnamus:

Vide

Vide enim mulierē quæ dimidiam dei partem in se adornandā consumit, ut aliorū oculis placeat, quàm ridicula est: se enim totam, corpus, & animam vexat, caput & crines cruciat tantum ut magis placeat: quàm illud miserum, & ridiculum, ut id faciat quotidie, & se toties torqueat, ut aliorum oculis ardeat: An aliud faciunt Mimi, & actores Comædiarū in theatro, qui hoc unum desiderant, ut spectatoribus placeant, & plausum mereantur? Hinc fit ut sæpe Mimos imitentur, in habitu & vestitu, & ea agant quæ nec facerent qui insaniunt: Quin etiam sicut actores sæpe ludunt personati, ita etiā laudum humanarum cupidi, in alieno ferē vultu se ostentant, & personati ludunt, unde hæc connexa sunt, ut omnis hypocrita sit vanus, & omnis vanus sit hypocrita: Quia cum uterque sit appetens laudis, uterque simulat vera bona, & tamen veritas virtutes non habet, unde perpetua simulatio est: Ita Christus Phariseos insimulabat, Matth. 23. *Omnia opera sua faciunt, ut videantur ab hominibus:* unde subdit. *Vae vobis Pharisei hypocrite, qui munditiæ quod deforis est calicis, & paropisitiæ, intus autem pleni estis rapinā, & immunditiā:* Et postea. *Vae vobis Scribæ Pharisei, quia similes estis sepulchris dealbatis, quæ à foris parent hominibus speciosa, intus verò plena sunt, ossibus mortuorum & omni spurcitiā:* sic & vos à foris quidem paretis hominibus iusti intus autem pleni estis hypocrisis, & iniquitate. S. Basil. in illa verba 11. 1. *Cum fueritis sicut quercus defluentibus foliis, &c.* comparat hypocritam quercui, quæ ramos habet intortos, & corticem rugosum, & turpem, p̄tecta autem folia, quæ arboris de-

formitatem tegunt: Gregor. Nazianz. orat. de funere Patris comparat mulieribus minio & purpurisâ coloratis, quæ veram pulchritudinem non habent.

Tertiò. In eo est stultitia quod tanto labore infelicitatem consequatur. Sic enim cōparatus semper est infelix: Primo, Quia nunquam est quietus nec pacem habet: semper enim vel spe agitur, vel desperatione, vel malâ conscientia, dum novit se talem non esse, qualem fingit: & ut ait S. Chrys. homil. 43 ad Popul. Quemadmodum sævi venti in tranquillum mare delati, totum ab imo subruunt, ut & arena cum undis misceatur, sic ambitio animum subiens, omnia subvertit. Secundo. Quia cum quilibet velit, eum efficiet miserum. Ita enim evenit, ut plurimi approbantes non tantum satisfaciunt, quantum offendit unus improbus: Itaq; ut sunt turbulenta hominum ingenia, & iudicia, nec statum habent, ita quilibet, hominis vani quietem, perturbat: Vide Aman ab omnibus honoratum, & à Rege secundum: unus tamen Mardocheus qui homini ambizioso non assurgebat, ita superbum animumperculit, ut se miserum putaret: itaque cap. 6. libri Ester, cum uxori, & amicis narrasset omnes quos à Rege honores, acceperat, subdidit: *Et hæc omnia cum habeam, nihil me habere puto quamdiu video Mardocheum Indæum sedentem ante fores regias:* Tertiò, Quia cum id quod optat vel non obtinet, semper est miser: nam si non obtinet, quâ crudeliter agitur, se frustra laborasse videns: & tamen si obtinet, cum ipsa expe-

experienciâ discat, illud nihil esse, & se magnorū bonorum fecisse jacturā, torquetur: ut scias hominem vanum semper esse miserum, & infelicē; torquetur enim à conscientia, & dum aliis placet, sibi displicet. Et ut ait Gregor. lib. 8. Moral. cap. 30. Cūm se ostendere alienis oculis appetunt, damnant quod agunt: ut scias homine vano nihil esse miserius, & consequēter nihil stultius, qui tantam miseriam ob rem tam vilem & contemnendam, coēmat omnibus suis bonis.

Quartò. Quod hominum iudicia quærat is, qui Angelos iudicare debebat. Chryl. serm. de inanis gloriæ cupiditate. Num qui de Angelis sententiam sis laturus, optaveris à mortalibus his, & impuris, iudiciū de te fieri, consequique parem cum saltatricibus, Mimis, & Aurigis, & belluarū confectorib⁹ laudem?

Quintò. Quòd tam paucis hominib⁹ placeat: quia pauci nos vidēt: Chrysof. loc. cit. Quot cuperes ipse tuarum laudum fore præcones, num centum? bis centumvè cōcedamus, si velis ad hominum quatuor millia: sint etiā si libet, plausores innumeri: nihil tamen hi homines à gracculis, de loco superiorī vocitantibus distabant: Verum si Angelorum spectacula noveris, vel ipsis vermiculis, cuiusmodi hōines universi, videntur abjectiores, araneā, fumoque, & insomniis infirmiores: quæ igitur infania Angelorum spectacula rebus tam contemnendis posthabere?

Sexto. Quod rem impossibilem aggre-diatur, nempe omnibus placere: Ita quæ idem facit, quod qui velit sagittā lunā attingere, quod ille (ait Nyssen⁹)

qui studeat umbram suā persequi, quod ille qui umbræ suæ verticē cōsecēdere: quod qui conetur, stultus iudicetur, ita qui omnibus placere studeat: Nam in hominibus quā diversa sunt studia: ut paucis, vel uni placeat, innumeris displicendum est: Quā multi sunt rerū ignari, quā multi non advertunt, nec de te cogitant eodem tempore quo putas omnīū oculos in te converfos: unnuquisque enim suis distinctur curis, & negotiis: Quid scis an illo eodem tempore, alius nescio quis, tui non ahsimilis, laudem de te quærat, dum tu ab illo laudem ambis? & uterque decipitur: Tu ab illo expectas; ille à te expectat: Tu tua cogitas: ille sua: nemo alterius: & uterque fallitur, & uterque risu dignus est: Item quā multi elati sunt, ac superbi, qui omnia despiciunt, seque unos attendunt. Quā multi invidi, qui aliorum laudes, sibi officere putant, qui laudes ut pecuniam rentur, hoc enim se putant amittere, quod aliis donant: Quā multi tibi similes hypocritæ, qui quod probant coram, à tergo improbant, aut interi⁹, & in animo: ut pueri (inquit Chrysof.) per ludum solent chartacē alterius capiti coronā impositā coronatum plerumque, vel nesciū, post terga irrident: sic se gerunt forsitan tuarum laudum præcones, & tibi palcis dorso injectis, laudando illudunt.

Septimò. Stultitia est in mercede quam quærit virtuti & bonis actionibus. Imprimis enim gravis igratiæ est, quod quis virtuti mercedem quærat, cum virtus per seipsam sit amabilis: Seneca Epist. 81. Virtutum omnium pretium in ipsis est: recte faci merces, est

H

est

est fecisse. Nā licet virtuti detur laus, & gloria, ideo datur quia debetur, non ut, merces, sed ut res debita, neque enim virtutē sic compenlat, ut æqui valeat, sed quia laus & gloria virtutis sūt meritum? itaque virtus non est amanda propter gloriam, quia etiam sine illā, esset amāda: Immo si virtus famā tolleret, virtus tamē esset quærēda, & gloria contemnenda; alioqui si virtutem amas propter gloriam, plus amas gloriam, quā virtutem: Seneca Epist. 81. Nēo mihi videtur pluris aestimare virtutem nemo illi magis esse devotus, quā qui boni viri famam perdidit ne conscientiam perderet: Et lib. 3. de Ira cap. 41. Pacem demus animo, quam dabunt actus boni, & intenta mens ad unius honesti cupiditatem: conscientiae satisfiat, nihil in famam laboremus: sequatur vel mala, dum bene merearis: Et Epist. 113. Qui virtutem suam publicari vult, nō virtuti laborat, sed gloriae: Non vis iustus esse sine gloria? Sæpe iustus esse debebis in infamiā: & tūc si sapias mala opinio bene parata delectat. Deinde quod malē statuatur virtutis mercedem in hac vitā: nā nullum assignari potest in hac vitā virtutis pretiū & merces: debet enim merces esse aliquid melius, quoniam habet rationem finis, omnia autem huius caducæ vitæ bona, sunt inferioris ordinis quā ipsa virtus: alioqui ipsam virtutem perficerēt, quod contrā fieri videmus: Etenim potius sunt virtutis impedimēta, & passim videmus eos qui his bonis abundant, difficiliorem habere virtutem. Denique eorum contemptus melior est quā possessio, & multo magis

quā appetitio: unde de quibusdam Sanctis loquens Apostolus, quos dixerat illis omnibus bonis fuisse destitutos, subdit *Quibus dignis non erat mundus*: Quia scilicet tanta virtutis dignitas est, ut & nullā re creatā cōpensari possit: Vnde Aug. 22. de Civit. Dei cap. 30. præmium virtutis erit ipse, qui virtutem dedit, eique seipsum, quo melius & maius nihil fuit, esse promisit. Denique quod æternam mercedē mutet caducā: secundum illud 3. Christi Domini in nostro Evangelio: *Amen dico vobis receperunt mercedem suā*: suam dixit quā ipsi quæsierunt, itaque quā non quæsierunt non habebunt: at vide quanta stultitia: nam quare hominum laudes, & gloriam cōmerunt, eādem gloriam æternam emere potuissent: nullum enim est opus bonum vel exiguum, quod gloriam æternam mereri non possit: quia omne opus bonū originem habet à gratiā, illa autem semen est gloriæ æternæ: iam vide quæ stultitia sit, pro gloriā æterna, vanam gloriam aucupari, fugacem & mortalem, Idololatrarum exemplo de quibus Scriptura Rom. 1. *Mutaverunt gloriā incorruptibilis Dei in similitudinem imaginis corruptibilis hominis, & voluerunt, & quastrugedum, & serpentium*. Et Psal 105. *Et mutaverunt gloriā suā in similitudinem vituli comedentis fœnum*: unde superbia transit in quādam Idololatriam. Sed vide utriusque gloriæ discrimen petitum ex hodierno Evangelio: una enim est ab hominibus, altera est à Deo, & dum illeud Ioan. 5. *Gloriam ab invicem accipiūt, & gloriā quæ à solo Deo est, non quæritis*: Item, *Ne videaris hominibus jejuniare,*

sed

sed patri tuo. Ex principio utrâque æstima : Secundò Quæ ab hominibus est, in terra est: quæ à Deo est, in cælo est, secundum illud: *Nolite thesaurizare vobis thesauros in terra: Thesaurizate autem vobis thesauros in cælo* : cogita quantum cælestia præstent terrenis: Tertio, Quæ ab hominibus est, & in terra est, eam tinea corrumpit, & ærugo, & fures effodiunt, & furantur. Id est, corruptibilis est ex sese (hoc enim significat tinea quæ ex ipsa re oritur) & saltem marcescit vetustate, hoc enim efficit ærugo: Ad hæc, hominū patet injuriæ, homines enim eripiunt, alij artificio, & occultè, ut qui furantur: alij aperta iniquitate, & manifestâ iniuriâ: ut qui effodiunt: sed quæ à Deo est, sempiterna est, neque patitur injuriam: ubi neque ærugo, neque tinea demolitur. quia & solida est, neque marcescit tempore: ubi fures non effodiunt. neque furantur? quia uti ab hominibus non dependet, ita neque eorum timet vel insidias vel violentiam: sed nimirum ubi est thesaurus tuus, ibi est & cor tuum: Id est, quilibet id affectat, quod æstimat, & id acquirit, quod quærit. Quis tuus erit in morte pudor, cum te videbis rebus omnibus frustratū; Nam quod ambiveras, nempe laudes humanas, amisisti: quam nō quæsisisti, nempe divinam, non habebis: Chrysost. serm. 9. Iustitia quæ se humanis oculis locat, diuini Patris mercedem non expectat: voluit videri, & visa est: voluit hominibus placere, & placuit: habuit mercedem quā voluit: præmium quod habere noluit non habebit. Sed ubi viri divitiarum dormierint somnū suum, nihil in manibus suis invenient. Quan-

tum tibi tunc displicebis, quantum te damnabis? Job. 8. *Spes hypocritæ peribit.* Nam verè hypocrita, qui aliud eras, quam ostendebas: *Non ei placebit vecordia sua:* Quoniam omnia bona sua, sine causa dilapidavit: Etenim omnium bonorum suorum iacturam fecit: Exemplū in Pharisæis, qui licet plurima bona agerent, orationes, eleemosynas, ieiunia, & alias corporis austeritates, quia tamen ex amore vanæ gloriæ id præstiterūt, ea omnia perdidērūt: frustra te vexas, ô homo, in casum laboras, ne quicquam oras, & multa pateris, hæc omnia nihil proderunt tibi: *Non ei placebit vecordia sua,* Quia ut explicat S. Gregorius: Cum retributionis tempus advenerit, in pœna displicet quod vecors fuit: Tunc se stultè egisse intelligit, cum pro delectatione laudis, sententiam divinæ correptionis acceperit: Tunc se vecordem fuisse considerat, cum se pro tēporali quā percepit gloria perpetua tormenta castigant: *Et sicut tela aranearum fiducia eius,* nam videbit omnes labores suos uno momento disiectos: *utinam saperent, & intelligerent, ac novissima providerent, tunc eschātū,* quæ lucem dabit rebus omnibus nostris, *Et sine fine hominis denudatio operum illius.*

Secundam vanæ gloriæ appetitus radicem ait S. Chrysost. esse vilem animam 1. quia facit hominem servum abjectissimum, & mancipium domini omnium deterrimi, quā servitute nullam vel inter barbaros graviores arbitrat̃ur Chrysostomus: Certè abjectissimi animi est, esse mercenariū: eiusmodi enim hōines, sordidos appellaus quia

H 2 ad

ad omnia infima se dēittunt: Inter mercenarios autem abjectissima sunt mancipia, quia quod inter homines præcipuum æstimatur, perdiderunt, nempe libertatem: nulla autem mancipia feruilius tractantur, quàm qui vanam gloriam quærunt: quam S. Chrysost. sic inducit alloquentem hominē: Exhibe te cunctorum servum, seute fuerint infirmiores, siue clariores: animam aspernare, virtutem negligere, libertatem irride, ac tuæ demum salutis adversare: tūn si quid erit per te benè gestum, non Dei oblectandi gratiā, id egeris, sed ad ostentationem duntaxat, & jactantiam: & promeritam ex eo palmam abjicias: cūmque te misericordem præstiteris, ieiunio, inediāve affeceris, est labor quidem subeundus, merces verò omni studio perdenda: Quid eiusmodi præceptis dici potest imitatus? Equidem quod ipsi volent id tibi faciendum est: cūm nolent, abstinendum: Hinc aliquid iubent Christus & conscientia: si homines non probant, abstinendum est: si Christo aliquid non placet, faciendum tamen est, si homines velint: si aliquid tibi arridet, si tamen ipsis displicet, abstinendum: itaque non tuo gustu vivendum, sed alieno: unde faciliè intelligimus nullum esse dominium rigidius, aut imperiosius: Eheu! quod non timor Dei, quod non Iudicij pavor, quod non gehennæ metus, quod non amor Dei, quod non præmium æternum, quod non Dei proissa, quod non eius minæ, quod non ipsa honestas, quod non officij debitū, quod non accepta beneficia, quod non Dei majestas, & autoritas,

à te possunt impetrare; hoc à te impetrant vilissimorum hominum iudicia, quibus nihil debeas, qui te vel minores sunt, vel abjectiores.

2 Quia nihil sublime cogitant, nihil excelsum, sed res parvas, & minutas, quoniam hæc sunt potius in approbatione vulgi: quare quærunt, & affectant quasdam minutias in vestibus, in gestu, &c.

3. Quia timent hominum iudicia & sermones: sed quorum? abjectissimorum quorumcūmque. Etenim à quibus gloria ferè colligitur nisi à plebe? Vnde nihil habent virile Iob. cap 36? *Simulatores, & callidi provocant iram Dei. neque clamabunt cum vindicta fuerint: morietur, in tempestate anima eorum*, quia impares sunt ferendæ persecutioni, & tolerando contemptui, *Evita eorum inter effeminatos*: quia scilicet nihil habent masculū.

4. Quia magni faciunt fumum, & mille nugas: pueri omnia putant magna: viri parva: vir autem magnanimus pauca æstimat magna, viles cutem animæ magni æstimant, quæ nihili facere debuissent, hominum plausus, populi laudes, plebis admirationem: Hinc S. Chrysostomus eiusmodi homines, deteriores vocat meretricibus: Etenim (inquit) & mulier prostibula, in domus fastigio adstans, sese cunctis visendam præbet: sic homines inanis gloriæ captivi, ad ostentationem omnia moliantur: quos equidem impudicā dixerim impudentiores, quod meretriculæ nonnullos persæpe amantium aspernantur, cum ipse, universis, fugitivis inquam, prædonibus, furunculis, tui copiam facias.

Quòd

1. Quod illis serviunt abjectissimè, quibus nihil debent: Age enim quid illis debes quibus placere cupis, aut quibus metuis displicere? certè nihil: cur igitur sponte servis, & sis mancipium? Illi non admodum te curât, nec tua iudicia; cur illos magni æstimas, aut reformidas? ut tibi, nihil illi debent, ita neque tu illis aliquid debes: Hoc fortasse habes, quod rectè iudices: illi autem quod perperam: & tamen nihil illi tuum iudicium morantur, quid tu illorum iudicium suspicis? certè non aliunde id provenit nisi quia vilem animam habes, & servilem: Quin tu saltem æquo iure cum illis dimica, ut quemadmodum illi tuum iudicium non admodum curant, tu quoque illorum contēnas, & utrique suo iure agant, præsertim cum tua causa iusta sit, illorum plerumque iniusta: De homine iusto dixit Apostolus 1. ad Timoth. 1. *Lex iusto nō est Posita, sed iniusta*, cur igitur ab iniusto homine legem accipias: *Nonne Angelos iudicabimus? quantò magis secularia*: Tuum est illos condemnare: Tuum illi iudicium formidare debet, nam ex Apostolo ad Galat. 3. *Quid igitur lex? propter transgressionem posita est* ad Tim. *Lex autem iusto non est posita, sed iniusta*.

6. Quam illud abjectum ac demissum, ut vitam, & mores commutent ad hominum abjectissimorum sensum, atque gustu: ut si quilibet ineptus velit, cogat te, vel sic incedere, vel sic loqui, vel sic vestiri, vel sic vivere: Certè ipse Aristoteles 4. Ethicor. cap. 3. Cum agit de Magnanimo, negat eum vel plausu & approbatione hominum comoveri, nec contra percelli improbatione,

quia cæteris antecellit, ac superior est: itaque qui contrario modo vivit, ille abjectus est, ac nullius animi.

7. Quod ipsas virtutes ancillari faciant vanæ gloriæ. Narrat Augustinus 5. de Ciuit. cap. 20. Veteres Philosophos, voluptatē in throno collocasse, cui adstarent & obedirent virtutes: Idē cogita de vanâ gloriâ quæ virtutibus imperat, Temperatiæ ut ieiunet: liberalitati ut donet, Misericordiæ ut opituletur, &c. Quin etiam ipsas virtutes contra se ipsas armat. Chrysologus Serm. 7. Crudeli arte virtutes truncat mucrone virtutum, ieiunium ieiunio perimit, oratione orationem euacuat, misericordiā misericordiā prosternit: Certè qui ita virtutes subicit vanæ gloriæ, seipsum summè deicere necesse est: Hinc collige quid de maxima hominum parte iudicare debeas, nisi viles esse animas, & venales, gloriæ micipia, & servos abiectissimos: Quam abiecti cordis passim sint homines: Quos debeas generosos censere, an humiles, an homines vanos: Vide hominem generosum 1. Corinth. 4. *mibi autem pro minimo est ut vobis iudicem, aut ab humano die, sed neque me ipsum iudico. &c. Qui autem iudicat me, Dominus est*: Quin miseram illam tyrannidem excutimus? Nolite deficere à præcellis cogitationibus, &c.

Tertiam radicē appetitus vanæ gloriæ appellat S. Chrysost. Ignorationem Dei. Primò enim si Dei maiestatem nosti, satis intelliges illi soli gloriam debere, iuxta illud 1. ad Timot. 1. *Soli Deo honor & gloria*: rationem dat cap. 6. *Solus potens, Rex Regum, & Dominus Dominantium, qui solus habet immortalitatem, & lucem*

lucem inhabitat inaccessibilem? cui honor, & imperium sempiternum: In conspectu tantæ majestatis vix te esse putes, imò de omnibus gentibus sic Isaiâs loquitur cap. 40. Omnes gentes quasi non sint, sic sunt coram eo, & quasi nihilum, & inane reputate sunt ei: Itaque tanta majestas omnem honorem ad se trahit: Et ex illo debito, nascitur in Deo, illa qualitas, ut zelotes appelletur. Exod. 34. Dominus zelotes, nomen eius: Deus est æmulator, præcipue contra Idola, quia illis tribuit summus honor, qui soli Deo debetur: Vnde Herodes Agrippa licet multorum scelerum reus fuisset, Iacobum Apostolum gladio peremisset, Petrum occidere voluisset, non est tamen punitus, sed cum laudes Deo debitas accepisset, Act. 12. Populus acclamabat, Dei voces, & non hominis: confestim autem percussit eum Angelus Domini, eo quod non dedisset eum honorem Deo, & consumptus à vermibus expiravit: Vnde Deus non tantum odit superbos, sed illis resistit, quasi adversariis, quod bonum Dei proprium usurpent nempe gloriam, secundum illud Isa. 42. Ego Dominus, hoc est nomen meum, gloriam meam aliter non dabo & laudem meam sculptilibus: Cætera bona hominibus largitus est, sibi gloriam & honorem reservavit. Idque merito, cum enim ex Arist. sit summum bonorum externorum, summo Enti reservatum est: Vnde David. Non nobis Domine, non nobis, sed nomini tuo da gloriam: quia cætera bona Deo dari non possunt, utpote quæ solâ habent utilitatem, sed gloria, & honor illi dari possunt: unde omnia Deus creavit propter se in laudem & gloriam nominis sui Verè itaque dictum est, appetitum

vanæ gloriæ, radicem habere ignorationem Dei: Nam licet quædam sint in hominibus quæ laude digna videntur, quia tamen dona Dei sunt, omnis de illis gloria ad Deum pertinet: secundum illud Apost. 1. Cor. Quid autem habes, quod non accepisti? si autem accepisti, quid gloriaris quasi non acceperis? Vnde illud monitum ejusdem. Qui gloriatur, in Domino gloriatur: & S. August. in Meditat. Qui quærit laudē de dono tuo, licet de dono tuo laudetnr ab hominib⁹, à te tamen vituperatur, quia de dono tuo, suam, non tuam, gloriā quæsit: Qui autem ab hominibus laudatur vituperante te non defendetur ab hominibus iudicante te, nec liberabitur condemnante te.

2. Si intelligas unum Deum tuarum rerum esse spectatorem, illi uni placere appetes: Etenim quod est minimū nostrarum actionum id homines vident, nempe quod externū est, & æquivocū: Deus autem totam actionem & quoad interna, & quoad externa cognoscit, unde dicitur ponderator spirituum, audi quid dicat 1. Reg. cap. 16. Homo enim videt ea quæ parent: Dominus autem intuetur cor: Parum itaque tibi esse debet, quod te homines aspiciant, neque eorum oculos debes requirere: sed corum est, quod te Deus aspiciat, & cognoscat, secundum illud. & Pater qui videt in abscondito, ubi nullus alius videt, reddet tibi: Chrysost. hom. 5. in Genes: Non vides dilectē, in equorum ludis, quomodo hi qui equos agitant, non aduertunt plausum populi assidentis, & celebrantis: neque nx eo plausu voluptatem capiunt:

piunt: sed ad unum solum spectant regē in medio sedentem & ad nuntium illius attendentes, totam multitudinē despicunt, & tunc solum animo extolluntur, cum ille eos coronaverit: hoc igitur, & tu imiteris: Et homil. 43. ad Popul. De terra recede, ad illud cœleste respicias theatrum: homines licet laudaverint, mox tamen accusant, vel invident, vel carpunt: sed hoc si non fecerint, laudatio non profunt: Deus autem non ita, sed gaudet nostra laudans merita: Rectè igitur subdit: Itaque sublimē sensū capiamus, & poterimus à multis collatum honorem contemnere, & in cœlum dirigere cogitationem: propone ergo tibi quasi duplex theatrum, in quorum uno spectatores habebis homines: in altero Deum ipsū, De primo spectaculo ita sapiētes & ethnici, pauci mihi satis sunt, satis est unus, satis est nullus: Democrito unus est, pro populo, & populus pro uno: De 2. Greg. Nyssen. *u theos mē, as theatris*. Iob. cap. 16. *Ecce in cœlo testis meus, & conscius meus in excelsis: Et in Evangelio, & Pater tuus qui videt in abscondito, reddet tibi*: iam cogita, quantum tua inter sit, ut Deo vel placueris, vel displicueris: è contrario quàm parum tua referat, ut homo mortalis tua probeat, vel improbet. Idque vel ex te ipso intellige, nam quid alteri affers emolumenti, quod bene de illo, aut sentias, aut loquaris? Eodem modo, quid tibi affert lucri alterius de te bona æstimatione? Sed quòd de te benè, vel malè Deus sentiat, hinc tua pendent omnia.

3. Si ita Deum tuarum rerum cogitas spectatorem, ut scias etiam esse

judicem: certè parum est quod te homo videat: nam ille intuitus, de te esse potest: sed nihil ad te. ut enim ait Apostolus Rom. 14. *Tu quis es, qui iudicis alienum servum? Dominus suo stat, aut cadit*: Sed Deus verus est tuarum omnium rerum iudex: Itaque Apostolus, 1. Cor. 4. *Mibi autem pro minimo est ut à vobis iudicem, aut ab humano die: sed neque meipsum iudicem, Dominus est*. Ad hæc cum Deus sæpe aliter iudicet quàm homo, quis alicui approbatione gloriari potest, cum neque suā ullus possit? unde Apostolus loc. cit. *Nihil enim mihi conficius sum, sed non in hoc iustificatus sum*: Itaque Abbas Agatho prope moriturus, cum eum adstantes fratres, an timeret, interrogarent; respondit, hæcenus se elaborasse pro viribus, ut Dei præcepta observaret; cum tamen homo esset, ignorare se, an Deo grata fuissent opera sua, cum aliter iudicet Deus, & aliter homo: ita Sancti, semper timuerunt iudicium Dei, & omnes dixerunt, cum Davide Psal. 142. *Et non intres iudicium cum servo tuo, quia non iustificabitur in conspectu tuo omnis vivens*: & Iob. cap. 9. *Verè scio quod ita sit, & quod non iustificetur homo, compositus de co: si voluerit contendere cum eo, non poterit et respondere unum pro mille, &c.* Qui etiam si habuero quippiam iustum, non respondebo, sed meum iudicem deprecabor.

4. Si ita iudicem cogites, ut scias etiam esse punitorem: sed vide quo genere poenæ. Certè poena solet peccato respondere non tantum in quantitate, secundum illud, *quantum in delictis fuit, tantum date ei tormentum*. Sed etiam

in qualitate, ob duplicem rationem; 1. est in cap. 10. Sapientię, *ut in his, quę peccaverunt, nec latere potuissent*: 2. est in cap. 11. Sapient. *ut scirent, quia per quę peccat quis, per hæc & torquetur*. Cum itaque ratione honoris, & glorię peccarit creatura, punitur infamia, secundũ illud 1. Reg. 2. *Quicumque glorificaverit me, glorificabo eum; qui autem contemnunt me erunt ignobiles*: propterea qui videri voluerint, jacebunt in tenebris; & qui latere voluerint manifestabuntur: Certè peccatum vanę glorię plenum est dedecoris, quod nemo fateri velit, nemo in alijs sustinere, itaque ab omnib⁹ occultatur, & ab omnibus dissimulatur: unde magnus existet in judicio pudor cum manifestabitur: Hinc factum ut Apostolus Paulus vanam gloriam cõterceat ex cogitatione ludicij omnia manifestantis 1. Cor. 4. *Nolite ante tempus judicare, quoad usque veniat Dominus, qui & illuminabit ab scondita tenebrarum, & manifestabit consilia cordium, Et tunc laus erit unicuique à Deo*: In quo qui glorię appetens est, sibi manifestè contradicit. Nam ni hil magis desiderat, quàm lucem, & nihil peius odit quàm lucē: lucem hominum desiderat odit autē Dei lucem: primam desiderat, quia habet adjunctam obscuritatem, itaque passim homines male judicant, itaque illorũ judicium, appellat Apostolus diem humanũ: *Mibi autem pro minimo est ut à vobis judicer, aut ab humano die*: Diem autem seu lucem Dei reformidat. ob id quod dicit Apostolus, *quoad usque veniat Dominus, qui & illuminabit ab scondita tenebrarũ, manifestabit consilia cordium, Et tunc laus erit unicuique à Deo*. Id est, vera laus, & cõ-

mendatio: Ex hoc collige quanta sit futura vanorum hominum confusio, cùm eorum turpitudine, & simulatio, & vacuitas, & tenebrę patebunt, & illis omninò contrarium eveniet ei quod tantoperè appetivere: cogita quantus tuus futurus sit pudor, cum ab omnib⁹ videberis, uti es, sine velo, sine fidiõne, sine dissimulatione, cùm omnes videbunt paupertatem tuam, & egestatem tuam, te sine meritis esse, sine virtute, sine commendatione. Nahum 3. *Revelabo pudenda tua in facie tuã, & ostendam gentibus nuditatem tuam, & regnũ ignominiam tuam*: videri voluisti ab hominibus, non qualis eras, sed qualis non eras: venit tempus cùm ab hominibus videberis sed in luce Dei, itaque in veritate, & manifestatione absconditorũ, cùm manifestabit consilia cordium. Ig-
itur sequere tam frequens Christi consilium immò & præceptum: fuge oculos aliorum, tantum absit ut requiras; quin etiam dissimula. Ait enim *cum jejunas, unge caput tuum, & faciem tuam lava, ne videaris hominibus jejunans*: Nam si videaris, laudaberis, si laudatus fueris, mercedem tuam accepisti, *Amen dico vobis, quia receperunt mercedem suam*: quod usque adeo Christus commendat, ut velit etiam à nobis ignorari quæ fecimus, *Nesciat sinistra tua quid faciat dextera tua*. Chrysost. si te ipsum vult nescire, quantò magis alium? Hęc itaque tibi cavenda sunt. 1. Ne facias ut alii videant. 2. Ne ita facias ut alii videant, nisi quæ sunt publica & præcepta: itaque in alijs quære secretum, utque dicit Christus *claudē ostiũ, & ora*: 3. Ne facta à te alijs dixeris, hoc enim est *tubã canere* nisi

nisi aliquando charitas aliter exigeret: 4: Neque tu ad illa animum reflectas reducendo in memoriam, ut inde tibi placeas, hoc enim est *suavis scire, quid fecerit dextera*, alioqui & tuam mercedem receperis, & in terrâ thesaurizaveris, ubi *tinea & arugo omnia corrumpet, & ubi fures effodient*, & furabuntur: sed Deum unum attende, cuiusque unus oculos require, & *Pater tuus qui videt in abscondito, reddet tibi*: Quia videt, reddet,

ne aliquid perditum putes. sed non quomodo videt, ita reddet: Nam videt in abscondito, sed reddet in propatulo: quod videt exiguum est, quo reddet, magnum est: quod videt, in te est, quod reddet, in ipso est: quod videt, creatura est, quod reddet Deus est. Certè unusquisque referet, quod quæsit: ubi enim thesaurus tuus, ibi est & cor tuum. Elige.

**

FERIA QUARTA CINERUM,

CONCIO PRIMA.

DE CEREMONIA CINERUM.

Memento homo quia cinis es, & in cinerem reverteris.

QUII hodiernam civitatis faciem, & hesternam, contemplatus fuerit, cum tantâ mutationem videat, hoc est tantam modestiam ex tanta immodestia, summam tranquillitatem ex tanta ebrietatis jactatione, tantam temperantiam ex tanta mentis, & oculorum, & linguæ & vestium, & mensarum intemperantia, satis intelliget quàm verum sit dictum illud Salomonis Ecclesiasticis 7. *Melius est ire ad domum luctus, quàm ad domum convivij: in illa enim finis cunctorum admonetur hominum, & vivens cogitat quid futurum sit.* Heri enim tota civitas ingressa in domum convivij; etiam temperatiores, in excessus prorupere ho-

die verò ingressa est in domum luctus, hoc est in Ecclesiam: quæ mutatâ veste, cilicio induta, propositis in aditu flagellis ac virgis, caput aspersa cineribus, pœnitentiam inclamans, atque omnes ad luctum vocâs, omnibus mortis memoriam & imaginem proponit, dicens *Memento homo quia cinis es, & in cinerem reverteris*: Itaque in ea domo luctus, finis cunctorum admonetur hominum: nam unicuique dicitur, *& in cinerem reverteris*: & vivens cogitat quid futurum sit; hoc enim certò omnibus futurum est, ne quisquâ suam sortem ignoret. Certè homines tam studiosi sunt sciendi futura, unde & astra consulunt, & auguria, & auspicia, & eventus, & ipsos Dæmones atque inferos, sed frustra: etenim Deus per

Esaïam 46. *Ventura interroga me; sed unum quod futurum est, & certò futurũ, quia homo non cogitat, propterea in memoriã ei revocatur, unde vivēs cogitat quid futurũ sit:* Septuaginta Interpretes sic habēt: *Qui vivit dabit bonũ ad cor suum:* optima enim consilia, & salubria proposita ex hac cogitatione oriuntur: Hebraicè definit oratio: *vivens cogitat:* uti vulgò dicimus, *illa bien à pfer.* Verbũ cogitandi hñc significat defixum & intentum studium, curam & cogitationẽ in re aliqua: quid enim magis teneat hominis animum suspensum ac defixũ, quàm humani cadaveris aspectus; unde mirum silentium, & stupor, nulla-que vox nisi singultus, vel lachrymarum, ac luctus exauditur. Vnde non mirũ si tanta exiit in toto Christianismo mutatio ex propositis cineribus, & facta rã expressa mortis exhibitione. Nec mirum, si tam compositos nunc videam, & vultus & animos vestros, atq; ad omnia bona consilia, & sana proposita comparatos. Hoc unũ a vobis postulo, ut quoniam huius cogitationis initium tantam vobis attulit utilitatẽ patiamini me rem tam utilem ac practicam vobis veriũs explicare. Et quia nec ego dicere ut oportet, nec vos audire & sentire ut decet, potestis sine Dei adjutorio: Agite, ut sub illis cineribus divinum illum, & incensum carbonem, ignemque diu ac semper custodiamus, S. Spiritus gratiam, ac D. Deiparæ opem imploremus. *Ave Maria.*

NON sine divina providentia factum est, ut quemadmodum ex Apostolo, *mors in omnes homines pertransiit*, ita in omnes nationes hæc consuetudo transierit, ut sibi mortis me-

moriã multis modis repræsentet. Sane initio mundi priinos homines Deus induit tunicis pelliceis, quemadmodũ ait apud Epiphani. hæresi 64. Proclus, ut illos velut morte quadam indueret: quæ res eò usque pervenit, ut ea memoria ac repræsentatio non abesset.

1. Ab actionibus summam gloriam redolentibus, uti in coronatione Imperatorum; nam uti refert Petrus Damianus Epistolâ 17. Hic fuit mors Græcorum in coronatione Imperatorum: postquam corona & sceptrum decoratus est imperator, septus Principum corona, modulantium choris exceptus cum acclamatione, ei aliquis statim obvius fiebat, qui unâ manu vasculum plenum ossibus mortuorum ac pulveribus afferebat; altera stupam lini cui ignis adhibebatur, ut in momẽto arderet: ut in uno consideraret quid esset, in altero quid haberet: in cineribus se cinerem agnosceret, in stupa, rerũ omnium vanitatem, & finem, ut sciret vana esse omnia, & peritura: immò quoties prodisbat Imperator, pro ornamento textile aureum deferebant in modum codicis seu libri, quod vocabant *acakian*, innocentiam, seu criminum vacuitatem; in eo verò inclusum cinerem deferebant, ait Curopalates, ut doceretur Imperator *tapeinon hyne, hos thynon*, humilẽ esse oportere, ut mortalem: ita in summi Põtiñcis inauguratione stupa comburitur cum hac voce, Sic transit gloria mundi.

2. Nec à Triumphis, in quibus apud Romanos, ait S. Hieronymus, semper aderat monitor, qui eum qui triumphabat, identidem admoneret, ut se mortalem sciret.

3. Nec

3. Nec à conviviis , in quibus apud *Ægyptios* *skeletos* ligneus deferebatur , & aliquando effigies argentea cadaveris , ut homines meminissent quales essent futuri , unde singulis dicebatur , in hunc intuens pota , & oblectare , talis postea futurus : De Domitiano legimus epulari solitum in cœnaculo aureo , quod ob operis parvitatem , mica dicebatur , ex cuius tholo pendeat hominis cranium , ut omnes mortis meminissent . *Martialis* , *Ipse iubet mortis te meminisse Deus* . Aliqui putant ex hoc cœnaculo liberum fuisse aspectum *Mausolæ* in quo *Augustus* conditus erat : unde *Martialis* , *Iam vicina iubent nos vivere Mausolea , cum doceant ipsos posse pervire Deos* . De *Pacuvio* *Syriæ* *Præfecto* refert *Seneca* *Epistolâ* 12. Cum à cœna iret in cubiculum , ad symphoniam canere iussisset pueros , *phephioke , phephioke* , vixit , vixit . Nullo non se die extulit , ait *Seneca* , ac subdit , Hoc quod ille ex mala conscientia faciebat , nos ex bona faciamus .

4. Nec à rebus sacris , uti enim ait *Philo* libro de somniis , *Sacerdos* sacrificaturus iustrabatur aqua & cinere , ut in memoriam veniret suæ conditionis , ac meminisset qualis esset : Hinc ad oram vellis extremam tintinnabula ferebat summus *Sacerdos* *Judæorum* , ut teste *Origine* *homil. 9. in Exodum* resonantem haberet rerum extremarum memoriam , & populum eiusdem rei admoneret . Olim *moses* labrum æneum cum basi sua fecerat de speculis mulierum quæ excubabant in ostio *Tabernaculi* , ut qui ingrederentur , viderent ad decenter essent compositi : sed apud *Christianos* hæc spe-

cula , monumenta sunt defunctorum , ait *Chrysostomus* , quæ nobis referunt , & quod sumus , & quod futuri sumus . De quibusdam *Afrorum* populis refert *Herodotus* , quos *Nalamones* vocat , eximie virtutis & sapientiæ hominibus : eos nulla alia divinatione , & jurandi formula usos esse , quàm quod optimorum virorum sepulchra tangentes jurarent , ibique post preces indormirent , & quidquid per quietem somniascent , illo etiam ulos tanquàm recertâ , ac determinatâ , de qua dubitare nefas .

5. Nec apud nationes luxui deditas ut apud *Sybaritas* , apud quos in conviviis mortis effigies argentea deferebatur , & omnibus proponebatur .

6. Nec apud nationes incultissimas & maxime barbaras , quæ in capitibus defunctorum bibere solitæ ; ac monere inter se brevi se futuros tales .

7. Nec apud sapientes , quoniam qui tales fuerunt præstantissimi , illi càm amorem sapientiæ profiterentur , ac Philosophi dicerentur , suam artem , mortis meditationem nuncuparunt .

8. Nec apud infantes , atque pueros ; nam ut refert *Nazian. oratione 10. ejus* parentes ita liberos instituerunt , ut scirent vitam nihil esse aliud quàm *Myletyn* *Liseos* , migrationis ab hac vitâ meditationem . Ita omnes homines in unum conspirant : unde apparet eos qui mortis memoriam à se abiecerunt , aut reformidant , ne prima quidem sapientiæ elementa habere , ac deteriores esse non solum *Ethnicis* sapientibus , sed etiam insipientibus , voluptuosis , barbaris , ignaris , & infantibus .

Sed nescio quiddam singulare habet illa mortis memoria, uti nobis hodie ab Ecclesia proponitur, quale in nulla alia reperire possum, quod totum in modo proponendi reperio: In quo me plurimum quæ sequuntur, commovent ac percellunt.

1. Quod & opere & voce proponat: etenim & jaciuntur cineres, & simul hæ voces proferuntur, *Memento homo factus imaginē habes sacramenti*: Quod si Nyssenus orat. 2. de Beatitudinibus, appellat cœmeteria *tatys pñseos yman mifyria*, naturæ nostræ myteria, seu nostræ infirmitatis arcana, multo magis hanc ceremoniam dicere potes nostræ infirmitatis sacramentum; vel apto nomine, mortis, seu nostræ mortalitatis sacramentum. Nota sacramentum esse ceremoniam sacram ad aliquid significandum institutam, quæ duplici parte constet, una sensibili, altera intelligibili, & insensibili. Distinguuntur materia & forma: materia esse solet aliqua res permanens sensibilis, ut aqua, oleum, chrisma, panis, vinum: forma consistit in quibusdam verbis, quæ significationem materiæ magis determinant: quæ omnia in nostro mortis sacramento reperiuntur; est enim sacra ceremonia, unde cineres benedicuntur, & cetto ritu applicantur: materia autem sunt ipsi cineres; sed forma sunt verba quæ singulis dicuntur, *Memento homo*, &c. Sicut autem advertit S. Damas. in sacramentis duplicem esse partem, unam sensibilem, alteram intelligibilem: Ita in hac ceremonia utramque partem habes, non solum propter

ceremoniam externam, & propter intelligentiam, sed etiam quia cum verbum accedat ad elementum, fit quoddam sacramentum: non quidem tale, qualia Christus ad sanctificationem operandam instituit; sed qualia multa sunt quæ nos ad occultas cognitiones deducunt. Sicut itaque eò quod homo duplici parte constat, animâ & corpore, ideò Deus non purè spiritualia dedit sacramenta; Ita in hac ceremonia una pars corpus tangit, altera suâ significatione animam; unde ad totum hominem oratio convertitur: nam licet una pars cineri vivat superstes, quia tamen corpus pars est hominis essentialis, & dissoluto corpore totus homo dissolvitur, propterea ad totum hominem oratio destinatur. Et quoniam corpus suum esse non intelligit, oportet ut anima intelligat quo in tabernaculo hospitetur, secundum illud Jobi: *Qui habitant domos luteas, & terrenum habent fundamentum*. Denique uti admonet Sanctus Thomas, Sicut in Ecclesia duplicis sunt generis homines, alij quidem sapientes, alij verò ignari; isti fere rebus, illi autem verbis commodiùs admonentur, ut nemo se mortalem, non dico ignoret (quis enim id posset ignorare) quod quotidie in aliis quibuscumque experitur, sanis, ægrotis, divitibus, pauperibus, senibus, juvenibus, viris, mulieribus, notis, ignotis, extraneis, affinis; apud omnes gentes & nationes, quæcumque sint conditione & statu: imò in seipso quisque experitur, in morbis, indoloribus in ætatu mutatione; nã ut ait Seneca (mors infantie est pueritia, mors pue-

ritiæ est adolescentia, mors adolescentiæ est iuventus, mors iuventutis est virilitas, mors virilitatis senectus, mors senectutis decrepita ætas, mors decrepitæ ætatis ipsa mors est: sed ut quisque meminerit se esse mortalem. Omnibus & factis, & voce id significat, ac reducit in memoriam Ecclesia: unde non dicit; scito homo, sed memento; quia nemo est qui se moriturum ignoret: sicut docet Ecclesiastes capite 9. *Viventes sciunt se esse morituros, mortui verò nihil noverunt amplius.* Certe qui hoc ignorat vel mortuus est, vel immortalis; sed qui non ignorat, sæpe non cogitat: itaque id illi revocatur in memoriam.

In quo multiplicem Scripturæ figuram implet. 1. quidem eam quæ continetur in libro Numerorum capite 19. ubi describitur sacrificium vaccæ rufæ, cuius omnes partes comburebantur, pellis etiam, & simus, ac subditur: *Colliget autem vir mundus cineres vaccæ, &c. ut sint multitudini siliervm Israël in custodiam, & in aquam aspersiois:* In quam rem sic philosophatur Philo Judæus libro de offerentibus victimas. Cæteri ferè omnes (inquit) aquâ lustrantur, marinâ plerique aut fluviali, aut è fontibus petita: At Moses cinere præparato, è sacri ignis reliquiis, ex hoc non nihil sumptum jubet in vas infundi, ac deinde aquam; tum byssopi ramo in hac temperatura tincto lustrandos aspergi: cuius rei significatio hæc est; admonet eos qui ad Dei cultum accedunt, ut ante omnia se ipsos noscant, & suam essentiam; nam quisquis seipsum ignorat, qui potest summam illam & excellentissimam Dei poten-

tiam percipere? Est igitur nostra, quantum ad corpus, essentia, terra & aqua, id quod docemur hac purificatione, quando hoc ipsum creditur ad purgandum utilissimum nosse seipsum: ex quibus, & quàm nihili rebus confitemur, ex aqua & cinere; nam hæc representatio confestim arrogantiam insidiatricem animo eximit, simulque superbiam: atque ita Deum homini conciliat infensum huiusmodi vitiis, &c. Itaque aspersione hac sic excitamur, & tangimur, quasi hæc ipsa elementa, terra & aqua nos appellent in hunc modum: Nos sumus vestri corporis essentia: ex nobis natura, id est ars divina, contemperatis, effinxit humanam speciem: ex nobis compacti prodistis in lucem, in nos rursum solvendi post obitum: nihil enim in nihilum recedere natura patitur; sed unde est initium, eodem finis redit.

Quoniam verò in illis omnia contingebant in figura, quomodo hoc sit impletum in novo Testamento, vix melius ostendi potest quàm in hac cerimonia cinerum, quæ aspersione aque sacre consecrantur.

2. Eodem pertinet lustratio Sacerdotis; nam ut ait Philo li. de somniis: Sacerdos sacrificaturus lustrabatur aquâ & cinere, ut in memoriam veniret suæ conditionis, ac meminisset qualis esset: Ita populus Christianus sacrificaturus Deo, & facturus oblationem jejuniis ac mortificationis, prius lustratur aquâ & cinere, hoc est cineribus per aquam sanctificatis.

3. Figura continetur Ieremiæ cap. 19. Deus enim Ieremiam multa & miranda locuturum ad populum impium convertendum anandat in vallem filij Ennon, per portam fictilem seu sterquilinij, ut ibi cœtu facto concionaretur, & testaceum vas, quod manu gerebat, in omnium oculis frangeret: *Egredere ad valē filij Ennon, quæ est iuxta introitum porte filiis, & prædicabis verba quæ ego loquar ad te, &c.* Vallis Ennon locus fuit in quo sepulchretum, unde septuaginta Interpretes vertunt polyandrium, hoc est ex usu Ecclesiæ, cœmeterium. Eò vocatur Hæbræi, ut communi tumulo considerato, novissima sua in memoriam revocent: ad idem juvabat vicine portæ intuitus, quæ vocatur sterquilinij, & vas fictile Ieremiæ manu fractum, ut scirent se brevī in pulverem ac lutum redactos, proiciēdos in sterquilinium sed vide plura in una voce mysteria; etenim vallis Ennon significat, ut ait Sanctus Hieronymus, vallem gratiæ: Hæbræum enim Hanan est, gratis dari à quò dictum nomen Ennon gratiam significat: vel significat vallem eiulatus à verbo Nahan, rugire & eiulare: ut scias novissimorum contemplationem sæpe multos commovere, ac lachrymas ciere; & eiulatus: sed subito commutatur in vallem gratiæ; quia Deus solet esse propitius lachrymis. Certè nil est expressius hac figura, ut significetur quod sit in Ecclesia: quia Concionatores mittuntur in vallem Ennon ut ibi populum congregent; nam conciones initium habent à cerimonia cinerum, & prima Ecclesiæ concio est: *Memento homo quia cinis es, & in cinerem*

reverteris: quod cū vobis explico, quid aliud est quàm vas fictile vobis præsentibus frangere, ac vos deducere in vallem filij Ennon per portam fictilem, seu sterquilinij.

4. Eòdem pertinet quod ad oram vestis extremam tintinnabula ferebat Summus Iudæorum Sacerdos, ut, teste Origine homil. 9. in Exodum, resonantem haberet rerum extremarum memoriam: quod implent nunc Sacerdotes, dum illam vocem in auribus omnium insonant: *Memento homo quia cinis es & in cinerem reverteris.*

Porro illam notitiam non intendit Ecclesia speculativam atque inanem, qualem omnes habent, ac præcipuè Philosophi, sed practicam ac fructuosā. 2. Neque tantum universalem ac confusam, sed distinctam ac singularem, ut non tantum quisque intelligat omnib⁹ mortalib⁹ esse moriendū, sed quisque intelligat sibi singulariter esse moriendū: itaque unicuique singulariter dicitur: *Memento homo quia cinis es & in cinerem reverteris.* Fuit hoc pessimum Dæmonis artificium, ut primis Parentibus auferret metum mortis, *nequaquam moriemini;* Non illi mortem experti: itaque sperare poterant se non morituros, præsertim si increduli fuissent, nec minis Dei terrentur. Sed nobis qui quotidie mortem experimur, & videmus, qui certò eam expectamus, miro artificio Dæmon persuadet non morituros: nā quia non potest persuadere non omnino morituros, id cautus per singula vitæ momenta persuadet: verbi gratiā, te non moriturum: hoc die, hac hebdomadā,

mada, hoc mense, hoc anno, èo usque, ut cum quisque hoc dicat in tempus futurum, se planè non moriturum dicat; nam ut ait Sanctus Hieronymus Epistola ad Cyprianum: *Nihil ita decipit humanum genus, quàm quòd dum ignorat spatia vite sue, longiorem sibi sæculi butius possessionem repromittat*: nullus enim tam senex est, aut decrepitæ ætatis, ut non se adhuc uno plus anno vivere suspicetur: atque ut ex te facias experientiam, cogites velim, an unquam tibi serio persuaseris tibi moriendum esse.

Sed hoc homines vulgò audire noluunt. Certè id tibi quotidiana exempla clamant, affines tui, amici tui, noti tui, socij tui, hoc sepulchra & cæmeteria, quæ quotidie aut teris aut præteris, & hæc horrida mortis spectacula, ossa effossa, nudæ calvariæ, congesti sine ordine cineres, aperta sepulchra: Hoc tibi quotidie Deus inculcat, hoc morbi, hoc pericula, hoc ætatum mutationes suadent, sed si hæcenus obscuruisti, saltem hodie, *Terra, terra, terra, audi vocem Domini?* Hoc tibi efficienter persuade, ac te ipsum intueri, hoc corpus, hæc adolescentia, hæc pulchritudo, ille color, ille vultus, illi oculi, illæ blanditiæ, illi ignes: & fomenta libidinum, hic sinus, illa brachia, illæ manus, erunt paucos post dies, post paucos menses, paucos post annos, cinis, pulvis, putredo, nihilum: ad hæc cogitatione finge te esse in mortis lecto jã jam expirantem; cogita quos eo tẽpore sensurus sis habiturus, quos terrores, quos æstus animi, quæ vota, quæ desideria, & dignâ histemporib' vitam compone.

2. Quod in ea ceremonia est præcipuum, illud est, quod in ea omnium optima, nobis imago mortis repræsentetur: primò in cineribus, secundò in verbis: à cineribus incipiamus.

Ac primò quidem in cineribus ostenditur, communissimus moriendi modus, nempe per combustionem; unde mors dici potest quidam incendiarius, quoniam omnia in cinerè redigit: nam ut ait Iobus capite 34. *Et homo in cinerem reverteretur*: Itaque singulis inclamatur Ecclesia, *Cinis es, & in cinerem reverteris*, quod sumitur ex capite 3. Genes. ubi post peccatũ indicitur Adamo necessitas moriendi, additã causã: *Quia pulvis es & in pulverem reverteris*. Cinis est pulvis post combustionem rei corporeæ relictus: homo utrumque est; unde Eccli. 10. *Quid superbit terra & cinis?* Et idem 17. *Omnes homines terra & cinis*. Et Abraham Genes. 18. *Loquar ad Dominũ meum cum sin pulvis & cinis*. Itaque vox Hæbreæ epher, sine discrimine vertitur pulvis & cinis: quare homo passim, nũc pulvis, nunc cinis dicitur, Iob. 34. *Homo in cinerè reverteretur*: Et capite 10. *Memorato, quaeso, quòd sicut lutũ fecerũ me & in pulverem reduces me*. Et Eccles. 12. *Revertatur pulvis in terram suam unde est*. Cũ itaque mortis violentiã homo in cinerem redigatur, intueri licet mortem quasi incendiarium, qui subiectis facibus, opus omnium præclarissimum, & quasi divinitatis templum, ut Paulus vocat, incendit, & in cinerem redigit. Et certè maxima hominum pars perit incendio; quid enim sunt morbi varij, quàm mortis faces? Quàm multi febre intereunt? illam autem

Celsus

Celsus à fervore deducit, & est calor præter naturâ existens, Græcis simpliciter πυρ dicitur: Alta mundi totius interitus per conflagrationem fiet, quo non iam Roma per lex integros dies, uti olim sub Nerone conflagrabit, sed totus orbis universus ardebit igne, & in eo omnium hominum corpora, & corporum reliquæ; quod nec Stoicis fuit ignotum, qui solennem mundo *ecpyrosin*, conflagrationem à morte imminere dixerunt. Sed certius S. Petrus 2. Epist. c. 3. *Celi qui nunc sunt, & terra, &c. Igni reservati in diem Iudicii: & Postea: Celi magno impetu transibunt, elementa calore solvantur; terra autem & quæ in ipsa sunt opera, exuretur*

Secundò, in cineribus significatur communissima resolutio omnium corporum, nempe in elementa, quæ dissolutio ultima in cineres efficitur; nam alia elementa non sic apparent, cum ignis & aer non videantur, pars aquea siccat, at quod remanet pulvis est, & maxima corruptio in tenuissimum pulverem, quem cineres vocamus.

Tertiò, Sic optimè ostenditur rerum omnium amissio ac deperditio, quæ fit in morte: est enim mors rerum omnium privatio, & huius vitæ, id est, inferioris mundi, & omnium locorum, regionum urbium, domorum. Item usus rerum omnium, deliciarum, voluptatum, dignitatum, risus, convivorum, choræarum honorum, contentionum, occupationum. Item omnium personarum, parentum, uxoris, mariti, liberorum, amicorum: immò etiam elementorum, cœli, Solis astrorum, terræ, marium, & eorum quæ in illis continentur: Ad hæc omnium

actionum huius vitæ, quibus peccare, & mereri possumus, ac Deo servire ut ministeriorum, licet utilium Ecclesiæ, etiam in medio cursu, nec absolutorum: denique separatio à corpore, cuiusque dissolutio in partes, usque ad pulverem ac cinerem dispersum.

Porro eam privationem multis modis Scriptura proponit, ut eam homines intelligant. 1. apud Iobum: *Nudationem appellat: Homo cum mortuus fuerit, atque nudatur, ubi quæso est?* ut scias te rebus istis nunc velutum atque ornatum, itaque illas à te tam facile auferendas quàm vestem; certè istis omnibus homo nudus in hunc mundum ingreditur solâ carne vestitus, quâ iterum spoliatur in morte. Ita Iob cum rerum suarum iacturâ fecisset, in has voces erupit: *Nudus egressus sū de utero matris meæ, & nudus revertar illuc: Dominus dedit, Dominus abstulit. Et Ecc. 5. Sicut egressus est nudus de utero matris suæ, sic revertetur, & nihil auferet secum ex labore suo.* Miserabilis prorsus infirmitas, quomodo venit, sic revertetur. Apostolus 1. ad Timotheum 6. *Nihil intulimus in hunc mundum, haud dubium quia nec auferre quid possimus.* Id expræstet Sala, dinus Sultanus Babylonis & Damasci, Ægyptique Rex, cum iussit interulam, quâ solâ corpus suum condendum statuerat, lanceâ sublimem per compita vicofque Ascalonis deferri, clamarique Saladinum Asiæ, nihil amplius habiturum à morte: ita Paulus. *Emil. de gestis Francorum.*

2. Ablationem & expilationem à fure factam *un larcin*: unde tam sæpe Christus admonet se instar furis venturum

surum, non tantum quia inopinato, sed etiam quia omnia sublaturus, ac nihil omnium reliquitur.

3. Vocat extinctionem secundum illud Iobi : *Lucerna impiorum extinguetur.* Quia ad tempus quidam est vite fulgor, sed postea extinguitur cum scotore lucerna. Ita monet Sapiens : *Super mortuum plora, defecit enim lux eius.* Sicut enim vita vocatur lumen ita mors per tenebras designatur, & extinctionem lucis & caloris.

4. Vocatur mors inundatio; etenim mors instar torrentis omnia rapit: ita Iobus capite 21. *Et superveniet ei inundatio, & dolores dividet furoris sui;* quia secum omnia obruit, ac sepelitur.

5. Vocatur divisio & separatio, secundum illud morientis Regis captivi: *Siccine separat amara mors:* unde in iudicio factio de Balthasare, hæc vox includebatur, Phares, *Quia divisit à te Dominum regnum tuum,* quod sine dolore non fit; quia omnis dolor consistit in divisione. Sed nullâ re melius rerum omnium amissio denotatur, quam reductione rerum omnium in cinerem. Quemadmodum enim quamdiu res existunt, spes semper subest eas recuperandi; sed ubi semel in cineres redactæ sunt, & consumptæ, irreparabilis est iactura. Ita nulla re melius exprimitur rerum omnium amissio, quam si dicas hominem redigendum esse in cinerem, secundum illud Iobi: *Homo cum mortuus fuerit, nudatus, atque consumptus, ubi quæso est:* unde Ecclesiasticus 9. ubi dicitur: *Mortui nihil noverunt amplius.* Lectio Arabica habet: *Mortui non reperiuntur.* Rem vis experientiam cognos-

scere, adi mortuorum sepulchra: adiisti? hinc sisle viator, atque in marmore legem gloriæ titulos, & magna nomina: uno sepulchro condita dicuntur virtus, honor, dignitas, nobilitas, scientia, robur, divitiæ, pulchritudo, favor & amor omnium: iam sepulchrum quantâ curâ potes, excute: puid cernis? pulverem, cinerem, nihilum: Quære si potes illam oris venustatem illum candorem, illum ruborem; ostende geminum oculorum lumen, illud os purpureum, hanc discretam lignam, aurum illud capilorum, ebenum superciliorum, &c. lam quis locus nobilitatis, quis honoris, quis dignitatis? Et propter hunc finem tibi cineres iniiciuntur, ut intelligas in quid aliquando sis redigendus, ut cum te morituum expectas, intelligas quid quid sis aliquando futurus.

Quartò, in cineribus optime exprimitur mortis facilitas & celeritas; cineres enim ab incendio, quæ verò igne pereunt, momento pereunt, ac nullo negotio. Seneca lib. 3. qq. Natur. e. 17. Nihil difficile est nature, ubi in finem sui properat; ad originem rerum parce utitur viribus, dispensatque se incrementis fallentibus: subito ad ruinam, & toto impetu venit. Quam longo tempore opus est ut conceptus ad puerperium perducatur infans? quantis laboribus educatur, & adolescit? At quam nullo negotio solvitur? Urbes constituit ætas, hora dissolvit. Momento fit cinis diu sylvæ: itaque non mirum, si tam facile homines occidunt.

Quintò, quod omnes mors exæquet par enim cinis Pontificum, Imperatorum, Regum, plebeiorum, Lazari & Epu.

& Epulonis ; mitratorum , myrrhatorum , inopum , & miserorum : arbores ab arboribus , ligna à lignis , palatia à palatiis facile distinguimus , dum stant & oculis blandiuntur ; devorentur ab incēdio , & in cinerem combusta resolvantur , nullum amplius est discrimen : Palmæ , Cedri , Buxi , Sambuci , Cinnamonomi , Rhāni , idem est cinis : Homines ab hominib⁹ discernimus , dum florent , vigentq; mortis incendio conflagrāt ; divitem à paupere , pulchrum à deformi , potentem à debili , Cræsum ab Iro quis sejungat ! Impares in vita , in morte pares : in hunc sensum locum Jobi 13. *Memoria vestra comparabitur cineri , & redigentur in lutum cervices vestrae* : intelligit Sanctus Gregor. Intueamur (inquit) qualia in sepulchris jaceant divitum cadavera , quæ in illa extincta carne sūt imago mortis , quæ tabes corruptio- nis ; & certè ipsi erant qui extollebantur , honoribus , habitis rebus tumebāt , despiciebant cæteros , & quasi solos se esse gaudebant , & dūm non perpendent quò tendebant , nesciebant quid erant : sed in lutum cervix redacta est. Quia despecti jacent in putredine , qui tumebant in vanitate. Alphonfus Rex Arragonum interrogatus , quid Reges & privatos , divites & pauperes , omnes denique exequaret , respondit , cinis. Ita Diogenes sciscitanti Alexandro , quid ita mortuorum ossa intueretur : Calvariam (inquit) & ossa Philippi , patris quondam tui quæro , sed inter plebejorum ossa nō discerno. Melius Augustinus libro de Natura & Gratia : Respice sepulchra , & discerne , si potes , vincitum à Rege , fortem à debili ,

pulchrum à deformi : memor itaq; natura ne extollaris : Certè nil magis nos confundit quàm cinis.

Sextò , quòd abolenda omnis sit hominum memoria , secundum illud Jobi 13. *Memoria vestra comparabitur cineri* : vel ut habet Tigurina versio : *Memoria vestra sermones cineris* : quasi sit sensus , mortuorum memoriam instar cineris qui levissimo flatu dispergitur , dissipandam esse : quod exponens Greg. Magnus sic habet : Omnes qui cogitatione terrenā huic sæculo conformantur , per omne quod agunt , huic mundo relinquere sui memoriam conantur : alij bellorum titulis , alij altis ædificiorum mœnibus , alij disertis sæcularium doctrinarum libris instanter laborant , sibi quæ memoriæ nomen ædificant ; sed cum ipsa ad finem celerius vita percurrat , quid in ea fixum stabit ? &c. aura etenim cinerem rapit : vel perire memoria dicitur ; quia quod in cinerem est redactum , periit : sic comminatur Deus Regi Tyri Ezech. 18. *Dabo te in cinerem*. Et Esaías : *Erunt populi quasi de incendio cinis*. Itaque de mortuis sic loquitur Sapiens Ecc. 9. *Non habent ultra mercedem , quia oblivioni tradita est memoria eorum* : Est enim mors obliuiosa ; tum quia mortui viventium obliviscuntur , secundum illud : *Mortui verò nihil novērunt amplius* : unde sepulchrum dicitur regio mortuorum , & terra oblivionis. Et poeta *Letbesque fluentis ad undam , Securos latices & longa oblivio potant*. Sed potissimum , quia oblivionem defunctorum inducit viventibus ; unde in Scripturis , obliuio mortuorum solet esse circumlocutio mortis : *Oblivioni datur*

datus sum, tanquam mortuus à corde; id est cogitatione. Item quia quæ desperata sunt obliuiscimur; & mortuus dicitur, tanquam res perditum: Et rectè dixit quidam: Quod periit, periit. Et Psalm. 9. Perit memoria eorum cum sonitu. Item mortui in oblivione apud Deū: Psalm. 87. Dormientes in sepulchris, quorum non es memor amplius. Oblivio illa respicit vitæ munia, & alias commoditates: & ita Dei recordatio pro resurrectione accepta est, Job. 14. Constituas mihi tempus in quo recorderis mei: Et Ecclesiasticis 2. sic loquuntur impij: Non erit memoria sapientis, similiter ut stulti, in perpetuum: & eodē sensu: Unus es stulti, & meus, occasus erit.

7. Quis sit hominum status post vitam futurus: nempe omnium infimus, atque abiectissimus, in quem per mortem devenimus; etenim mortis inchoatio est rerum amissio: sed eius finis & perfectio est in cineres redactio: unde Isidorus homines describens, sic ait: in labore vivunt, in dolore moriuntur, in cinerem revertuntur. Atque hic status est post nihilum omnium infimus: omnium substantiarum infima, est elementum; omnium elementorum postremū est terra, totius terræ pars deterior est cinis, cinerum vilissimus est humani corporis pulvis: cum itaque nihil sit cinere vilius, nihil inutilius; nam ut ait Augustinus libro de Spiritu & Anima: cinis nec profert germen, nec susceptū semen germinat; non potuit homo magis deprimi, quàm si in cinerem redigeretur: itaq; illud est quod ait Nyssenus, dum sepulchra vocavit *ta tū physeos i mon myssiria*, nostræ infirmitatis arcana: nam quidquid de homine hu-

mile dixeris, nondum totum dixeris, quousque illum in cinerem redegeris. Certant inter se Authores qui magis homines deprimat, ut proximè veritatem attingat: Ille hominem nullam vocat, spumam gracilem, statum venti, naturæ ludibrium, somnium, umbram, quod utrumque conjunxit Pindarus omni umbram: Scriptura etiam appellat humum, vaporem, fumi vaporem, & si quid est exilium, vanitatem, fugam, figuram, imaginem, hospitis noctem, navis cursum, avis volatum, nuncij memoriam, & similia, quæ in unum colligit Nazian. in oratione de Cæsario fratre. Eiusmodi est (inquit) vita nostra, in terra ludus, ut cum non simus, nascamur: cum nati sumus, rursus dissolvamur: insomnium sumus minimè consistens, spectrum quoddam quod teneri non potest, avis præteruntis volatus, navis in mari vestigium non habens, pulvis, vapor, ros matutinus, flos suo tempore nascens, & suo tempore marcescens: *Homo sicut sanum dies eius, tanquam flos agris sic effloretur*: hæc omnia & plura alia brevitatem vitæ, & inconstantiam significant: sed nō satis statum hominis post mortem exprimunt; immò nec eius vilitatem: Itaias semper, ut sermone, ita & sensu grādis, sic cogitat omnes gentes, capite 40. *Quasi siliia stule omnes gentes in conspectu Dei sunt.* Quem locum ubi expendisset Chrysostomus homil. 2. de incomprehensibili natura Dei, postquam varias gentes & populos enumeravit, subdit: dic, quæso, quanta sis huius guttulæ particula? Rectè id dictum ad vilitatē nostram explicandam: sed conditio terræ

inferior est aque guttula; nam non tantum homo est exiguus, sed etiam vilis.

Quid referam, quibus opprobriis passim Authores corpus nostrum onerent? qui moderatius loquuntur, alii carcerem, alii custodiam, alii speluncam, alii antrum, alii vincula vocarunt. Hinc veteres corpus *demas*, quod in eo anima sit *dedement* alligata: & vitam, *vion para tin vian*, propter vim & violentiam quam patitur anima, uti monet Themistius: alii servum fugitivum & malum, uti Chrysostomus, alii cœnum, uti Bernardus sermone 24. in cant. Erubescit volutari in cœno, qui de cœlo es, &c. Alii acris appellant *fima*, sepulchrum, idè enim dictum esse *soma* scripsit Plato: ita David, *Qui habitant in sepulchrâ*, hoc est, ut ait Hilarius, intra corporum suorum emortua sepulchra conscripti: hinc Nazian. in carmine quodam animam vocat *necrophorâ*, quæ cadaver circumfert: itaque rectè homines appellat *distapbeas* bis sepultos: ita Chrysostomus vocat corpus scribens ad Theodorum *thaphon hektonias menon*, sepulchrum gypso incrustatum, ita Apostolus, corpus mortis, unde ut sepulchra sunt fœtidi odoris, ita corpora. Ita Nyssenus carnem vocat *o smu erga sirion* tetri odoris officinam: & Manichæi, teste Augustino, stercore domum: Bernardus, sperma fœtidum, saccum stercoreum, cibum vermium; sed ut omnes superentur, hominem in pulverem suum deducito. Itaque David corpus suum appellat pavementum, ex interpretatione Cassiodori: *Adhesit pavimento anima mea*. Divus Hieronymus vertit, Pulveri; unde statim subdit: *Vi-*

visca me. Hinc oritur passim ut homines dicatur lutu. Tertulianus de resurrectione carnis cap. 16. Limus titulo hominis incilus. Nyssen⁹ con. 1. de Beatitud. hominem vocat *ginou andrianta*, luteam statuum: Jobus, luteam domum: Sanctus Paulus, vas fictile. Ita veteribus dicti sunt homines Pelusiotæ, & toti lutei, & ut loquitur Tertullianus, è limo figulati: ita Hieronymus ad Pammachium, Pelusiotas nos appellant, & luteos, animalesque & carneos, quod non recipiamus ea quæ sunt spiritus: immò Pelusiotæ lib. 2. Epist. 5. ait corpus nostrum esse *pilu pantos asibenesleron*, omni luto imbecillius. Sed lutum duplici constat substantiâ, terrâ & aquâ; homo autem in terram reducitur: itaque seipsum ut oportuit agnovit Abraham, cum dixit, loquar ad Dominum, cum sim terra & cinis, quod expendens Cyrillus Hierosolymitanus Catechesi sexta: Non tantum terram dixit, ne seipsum magnum elementum, terram appellare videretur; sed addidit se esse cinerem, ut abiectissimam humilitatem, & imbecillitatem suam ostenderet: Itaque rectè Chrysostomus hominem vocat terræ cognatum, *o mysson ti tephra*, eiusdem substantiæ cum cinere; & rectè Scriptor veteris Epitaphij hominem vocavit vas cinerum: quò pertinet illa consuetudo Christianorum Æthiopum, ut refert Sabellicus, qui maioris dignitatis Antistitib⁹, non crucem modo, sed etiam vas aureum terrâ plenum præferre solebant, ut meminissent suæ mortilitatis ac conditionis: hæc enim in cinere sunt abiectissima.

Primò,

Primò, quòd sit ignobilissimum omnium elementorum atque infimum; nā est terra: ad hæc quod sit elemēti status infimus, nēpe dissolutus, & pars eius.

Secundò, quòd nihil fragilius, nihil levius, nihil vanius: ludibrium venti: nam nihil facilius à vento dispergitur, quàm pulvis & cinis.

Tertiò, nihil inutilius, & infructuosius; nam nihil producit, nec prodest.

Quartò, nihil imbecillius, nihil incōstantius: nam per se stare nō potest, nec ullam habere figuram, nec consistere, aut statum aliquem habere, nullā item statam, ac securam figuram accipere.

Quintò, est ultimus naturæ descensus; cum enim huc natura per corruptionem venerit, ultius descendere non potest: unde à quibusdam creditur esse materiam primam, & quæcumque corpora per plures dissolutiones abire possunt in cinerem, huc cum venerint, mutari amplius non possunt; itaque centrum universi vocare potes; at centrum universi patet infima, ad quam omnia per descensum properant.

Sextò Quia est maxima corporum diminutio. Nam alia Elementa sunt diffusiora quam terra, & secundum totum, & secundum partes: terrena autē corpora summo opere decrescunt in cinerem: vide quo corpora decrescant per incendium, vide quo deveniat ingens strues lignorum: vide in quantū rem, tu, & homines omnes, & humana omnia devenient: erit enim aliquando tempus cum hic universus orbis conflagrabit, ita ut nil magis de rebus omnibus supersit quàm de homine, sed omnia pulvis erunt ac cinis.

Hinc 1. habemus verum, & facile, sed solidum humilitatis fundamentum: unde Sapiens clamat. Eccli. 10. *Quid superbit terra & cinis?* Augustinus de verbis Domini: Agnoscat se homo mortalem, & franget elationem, Psal. 81. *Dij esia, & filij excelsi omnes vos autem sicut homines moriemini, & sicut unus de principibus cadetis.*

In Hebræo, sicut Adam: unde S Hieronymus, sicut Adam mortuus est, ita & vos: Multi ex SS. PP. unum de Principibus exponunt diabolum: cuius superbia tolerabilior erat hominum superbiā unde August. ferm. 21. de verbis Domini, de Diabolo debent erubescere mortales superbi: ille & si superbus, tamen immortalis est: unde etiam si superbit, non est terra & cinis, vos autem non attenditis quia mortales estis, & sicut diabolus superbi estis. Et sanè licet in spiritalibus sit injusta superbia, tamen planè intolerabilis est in homine mortali, id est in cinere, & in pulvere. In cap. 3. Levit. Avium sacrificatarum pennæ, cum cineribus unum in locum abjiciebantur. Lapidem pretiosum habuit Alexander ponderosiores, levissimus fiebat aspersus pulvere: Philippus Rex cum casu cecidisset, & in pulvere sui corporis figuram impressisset, hoc, inquit, spatio, mea omnis magnitudo includetur: idem umbram corporis suo corpore majorem cōspicatus: En vanitas, inquit, sed in pulvere viritatis: Vas aqua plenum non redundat si cinerem injeceris, ut habet Philosophus 4. Phys. Ita mortis quasi cinere injectione tumor impeditur. Quàm multorum huminum superbiam sic Deus humiliavit: Quàm multi in honorum contentione,

alii in hostium debellatione, alij in finium propagatione, populos, provincias, regna, ingentes exercitus, & acies commovebant, omnia sui nominis terrore implebant: sed dum supra homines efferrentur, dum superbiæ suæ fluctibus, quasi æstuante quodam oceano operire, ac submergere viderentur, ut ait poeta.

Hi motus animorum, atque hæc certamina tanta

Pulveris exigui jassu cōpressa quiescunt.

Ac sicut iram pelagi Deus exiguâ arenâ compescit, ita ingentes illos animos exiguo pulvere, quasi arenâ moderatur, ac frangit. Tu itaque coge in unum omnem tui animi tumorem, cōsidera spes tuas, minas tuas, ambitionem tuam, ac deinde ad te reverterus, spectâ cineres tuos tēque cum sapiente affectus alloquere, *Quid superbit terra & cinis? &c.*

Hinc Collige secundò. Quanti humâa omnia facere debeas, cū sint omnia pulvis ac cinis: ita ne vero propter exiguum pulverē amittenda erunt æterna, Deus offendendus, omnia parvipendenda? Hic est terminus ambitionis? Hic rerum omnium finis? Huc tandem omnia recidunt?

Conclusio. Quid itaque cogitamus, Auditores, si omnia nihil sunt nisi pulvis ac cinis? Itane propter exiguum pulverem omnia permiscenda? Tu quid quid vides, quid quid cernis, dicito id pulvis est exiguus, non homines solum, sed quid, quid vides, Astra, Sol, Cælum, Elementa, aurum, vrbes, opida, ædificia; domum tuam adito, ac dicito. Hæc omnia quæ mea sunt, non erunt aliquado, non liberi, nō ux-

or, non famuli; Hæc quam cernis suppellex tabulæ, picturæ, tapetes, gemmæ, aurum, argentum, reducentur aliquando in pulverem, in cinerem: Videntur homines sapiant, qui ista tantòpere amant ac concupiscunt: *utinam saperent, & intelligerent, ac novissima providerent:* Aquila vertit in eschatin ultimum vitæ diem: certè nos sufficienter docere vita potuerat, atque instruere: vide enim quàm multa sunt vana: quàm vana hæc mulier cuius pulchritudinem morbus aut tempus auferet: hic homo cui tam cito principum favor perit & amor: sed quoniam viventes ad doctrinam non sufficiunt, te saltem doceant mortui: Illi enim tot sunt, qui te doceant, quot jacent in monumentis: accede ad sepulchra, ad magnam morum academiam: ibi plurimi sunt doctores qui te non verbis sed factis doceant, & exemplo: non ore, sed re ipsa, siquæ exhibitione: habent enim illa ossa exanguia, & ora muta vocem suam, & contuentes quodammodo tacitè affantur: Hinc Antiplus in Anthologiâ Græcâ lib. 1. cap. 37. Venuit calumniam vocat aglossu armonihin stomatos. muti oris harmoniam: *utinam saperent*: certè tot doctoribus turpe est non sapere. *Ac intelligerent:* Magnum est ab omnibus sapientiam exigere: Quia igitur non omnes possunt, saltem in telligant, ac ratione utantur: ac quidem *novissima provideret*: sciant disponere ultima ac mortem cogitent 1. Corinth. 7. *Hoc itaque dico, fratres, tempus breve est, reliquum est ut & quæ habent uxores tanquam non habentes sint, & qui sient, tanquam non sient, & qui gaudent, tanquam non gaudentes, & qui*

emunt

emunt tanquam non possidentes, & qui utuntur hoc mundo, tanquam non utantur: præterit enim figura huius mundi: pauci dies nobis superiunt, nobis itaque provideamus, saltem hoc tempore: nam si isto non sis temperans, quando eris? Si non castus, si non abstinens, si non misericors, quando futurus es? Itaque abstinete viri à coniugio, uti Nicolaus Papa Bulgaris præcepit, non ex consilio ille, sed ex præcepto, ego, ex partis tuæ consensu, *ad tempus, ut vacetis orationi:* Itē abjicite ornatum, quomodo enim ornatus cum sacco, pigmenta cum cinere, delicta cū ieiunio, risus cum fletu, ludus & oblectationes cum pœnitentiâ? *Iam nunc depone ornatum tuum, ut sciam quid faciam tibi.* Exod. 33. Denique hoc tempore nobis pœnitentiæ tempus indicitur, dum in caput cineres jaciuntur: ut nos per eam venturo Domino præparemus:

Interim tu, quos tibi cineres dedit, illi conserva: Esto similis illis montibus qui cacumine superantes mediam aëris regionem, uti de olympo authores scripserunt; sacros cineres è sacrificio relictos conservant: si spargis, sparge per omnes corporis partes, per oculos, aures, brachia, manus, linguam, os, cor, pectus, ut quemadmodum nulla

pars est corporis, quâ mori non possis: nulla etiam sit quæ memoriam mortis non gerat: veniet illud tempus cum omnes tui corporis partes in cinerem redigentur: Tu illud tempus præveni, ac semper cineres tuos & mortē gere in capite, hoc est in memoriâ, secundū illud Iob. 13. *Memoria vestra comparabitur cineri, & redigentur in lutum cervices vestre:* Tigurina versio sic habet. *Memoria vestra, sermones cineris.* En quod hinc omnes auferetis ex hoc discursu: *Memoria vestra, sermones cineris.* Non dubito quin oriatur quod sequitur: *& redigentur in lutum cervices vestre,* id est, & fastus vester deprimetur in terram: Quia ut ait S. Gregorius Magnus sicut per oculum visus, sic per cervicem superbia designatur; cervix itaque in lutum redigitur, cum superbis quisque humiliabitur in mortē, & elata caro tabescet in putredine. Item cervix redigitur in pulverem: quia durities illa quæ Deo repugnat, mollescet, ac quicquid Deus voluerit in animâ imprimet, eaque subdita fiet Deo: quod præstare nobis dignetur Dominus noster Iesus Christus, qui cum Patre & Spiritu Sancto regnat in omnia sæcula. Amen.

FERIA



FERIA QUARTA CINERUM,
CONCIO SECVNDA
 DE CEREMONIA CINERUM.

Memento homo quia cinis es, & in cinerem reverteris.

JTERUM nobis de morte mentio, quia nunquam debet esse oblivio: Jam hesterni cineres è frontibus, & capitibus nostris sunt discussi, insigni exemplo vanitatis nostræ, quia nihil facilius diffilatur cineribus nostris; sed si excussi sunt cineres à fronte, non debent ab intellectu, & memoria: sicut enim singulis diebus morimur (nam licet uno die perveniamus, multis tamen venimus) Ita singulis diebus mortis meminisse debemus: Homines appellavit Nazianz. *dyslapheas* bis sepultos: Ita tu non semel tantum, nec bis morere, sed sapius, secundum illud Apostoli, *Quotidie morior propter vestram gloriam*: præsertim cum sapienti cavendum sit, quemadmodum ait S. Leo Serm. 5. de Jeiunio septimi mensis ut quoniam breves dies istius vitæ, & incerta sunt spatia, nunquam sit mors morituro improvisa, nec inordinatum incidat finem, qui se novit esse mortalem: Certè si diem mortis certum haberemus, semper de illo

cogitaremus, & quidem deberemus; ut quod semel tantum fit, rectè fieret: quantò magis cum sit incertum, cogitare quotidie oportet: nam ut ait S. Augustinus homil. 13, & 50. latet ultimus dies ut observentur omnes dies: Et quidem licet cineres faciliè dispergi possint, eorum tamen natura fert ut in aliud mutari non possint, unde non pauci materiam primam dixerunt: idèoque tibi significant æternam cuivis habendam esse atque immutabilem mortis memoriam. Sed quia nulum bonum nisi à cælo, atque per Virginem obtinetur, ad Mariam recurramus. *Ave Maria.*

CUM sacrum Quadragesimale Jeiunium mensas proximas, & conviviam excluderit, placet loco conviviorum è quibus non nisi luxus & intemperantia referuntur, aliam vobis mensam modestiæ plenam extruere, & in eâ vobis cœnam funebrem apponere, & imitatione Davidis, cinerem vobis in mensâ adhibere: sic enim ait Ps. 101.

Quia

Quia cinerem tanquam panem manducan: Potum meum cum fletu miscebam. Venit in memoriam cœne cuiusdam funebri de qua Xiphilinus in Domitiano: Invitarat is Imperator plurimos Senatores ad cœnam: Curarat ut ædes nigris tapetibus sternerentur, ac operirentur, omni ex parte: erant enim atrii parietis, nigra laquearia, nigrum pavimentum: in eo nudæ sedes ac furvæ ordine collocatæ: Quibus peractis eos de noctu introduci iubet absque comitibus, magno silentio: ac primum omnium iuxta unumquemque, columnam collocat factam instar sepulchri, & cuiusque nomen ei inscriptum: pendebat ex eâ exigua lampas, ut assolet in monumētis: Tum nudi pueri, atramentoque oblitī tanquam spectra quædam ingrediuntur, ipsosque horribili saltatione circumcunt, eoque facto ante singulorum pedes consistunt: Tum omnia quæ in exequiis mortuorum adhiberi solita, in vasis eodem modo comparatis apposita sunt; Mirum omnium silentium quasi inter mortuos degerent, nisi quod de repente Domitiani sermonē habuit de rebus quæ ad mortes, & cædes pertinebant: Tum omnes ab incognitis comitibus deducti: nullus fuit eorum qui sibi mortem imminere non crederet: hoc Domitiani crudelitas, & ille apparatus facile persuadebant. certè solo timore multi in morbum lapsi sunt, nonnulli etiam interierunt. Illud quidem ridiculum, atque inutile, ac dignum Domitiani ingenio: sed cum fructu vos ad cœnam funebrem invito, quam Ecclesia solis cineribus instruxit, ac pergo in eâ ceremoniâ explicanda, de quâ heri dicere cœperam. Eam porò diximus speciem habere Sacramen-

ti, itaq; constare duplici parte, Cinere quasi elemento, quibuldam verbis, quasi formâ: Nec suus etiam deest ritus, quia in caput consecrati prius cineres jaciuntur: adhibitisque verbis ceremonia completur: de cineribus jam diximus: superest ut de verbis aliquid prius dicamus, deinde de ritu, cur scilicet capite cineres adhibentur. Incipiamus à verbis quæ ejusmodi sunt, *Memento homo quia cinis es & in cinerem reverteris:* In quibus:

Adverto 1. Imperium Dei atque sententiam quæ instar fulminis unumquemque percellit, unde non mirum si in cinerem reducatur: nam si ut ait David, *montes sicut cera fluxerunt à facie Domini,* quis Dei vocem, & hanc vocem ferre potest? Locutus est Elias super tribunos, & milites, & igni devorati sunt ac redacti in cinerem; quânto magis cum Deus loquitur, & sic loquitur: Cum itaque dicitur homini ut meminerit, sanè mens eius ad priora reducitur, neque enim meminimus propriè aut præsentium, aut futurorum; Et tamen præsentia dicuntur, *Quia pulvis es & futura, & in pulverem reverteris:* Revocatur itaque ad præterita, nempe ad illam sententiâ à Deo prolatam, *Quia terra es, & in terram;* Quod quia uni tantum homini dictum esse videtur, nunc singulis hominibus magnâ autoritate pronuntiatur, quasi edicto divino, *Memento homo quia cinis es, & in cinerem reverteris:* Hoc significavit David cùm dixit, *Quia defecimus in irâ tuâ, & in furore tuo turbati sumus:* Symmachus & aquilla vertunt, ut adventit S. Hieronymus in Epistola ad Cyprianum: *In furore tuo acceleravimus:* Brevitatem

L

signi-

significat humanæ vitæ, ait S. Hieronymus: Quod autem intulit: *In irâ tuâ, & in furore tuo*, sententiæ Dei ostendit perseverantiam, cui omnes subjacemus: *Terra es, & in terram ibis*: Quod dixit Hieronymus perseverantiam iræ Dei, eò pertinet, quod cinis relictus sit iræ divinæ atque vindictæ monumentum permanens: uti de Sodomâ dixit S. Petrus, *Civitates Sodomorum & Gomorrhæorum in cinerem redigens, &c. exemplum eorum qui inpiè asturi sunt, ponens*: Nimirum Regio illa quondam aincenissima facta est ut loquitur Orisiosus, Regio cineris: Quare omnia quæ ibi reperuntur sœda sunt, ac plena cineribus: Quare Sapient. 10. dicitur, *In sapientia sue reliquerunt hominibus memoriam*. *Cinerem*: Et sanè nulla re aliâ se magis formidabilem Deus ostendit quàm morte, & terrore mortis. Quantum primum hominem exexerat: nempe rerum omnium dominum effecerat, terræ, maris, plantarum, animalium: Omnia ei permiserat, & in res omnes jus summum dederat: *de omni ligno Paradisi comede*: sed omnem licentiam unâ lege coercuit, ac nisi obediret, hoc potissimum est minatus, mortem: nam quid peius immortalis? Quid deinceps cùm universum hominum genus deliquit? *Finis*, ait, *universæ carnis venit coram me: delebo*, inquit, *hominem quem creavi, à facie terræ*: Quid non conatus ut ut timeretur a Pharaone? verum eius duritiam vincere non potuit, nisi morte primogenitorum. Nam postquam in singulis domibus Angelus aliquem in tota Ægypto interfecit Exod. 12. *Surrexit Pharaon nocte, & omnes servi eius, cunctaque Æ-*

*gyptus: & ortus est clavior magnus in Ægypto: neque enim erat domus in qua non jaceret mortuus: vacatisque Pharaon, Moyses, & Aaron nocte, ait: Surgite & egredimini à populo meo, vos & filij Israël: Ite, immolate Domino, sicut dicitis, Ovæ vestras, & armenta assumite, ut petieritis, & abeuntes benedicite mihi. Urgebantque Ægyptij populum de terrâ exire velociter, dicētes. Omnes moriemur. Quid non effecit Dominus ut timeretur ab Israëlitis? nunquam tamen satis potuit timorem incutere, nisi morte propositâ: leges ita sancivit, ut, ferè semper non observantib⁹ mortem minaretur: Qui hoc fecerit, morte moriatur: interficiatur: Et lapidabit eum omnis multitudo filiorum Israël: delebitur de populo suo: Unde de illis legib⁹ dici posse videtur, quod de Draconis legibus olim dictum est, scriptas illas sanguine fuisse. Vide quomodo superborum arrogantiam compescuit. Infelix Saül cū arte dæmonū Samuëlis umbram eliciisset 1. Reg. 28. atque audisset ex eo: *Cras autem tu & filij tui mecum eritis*: ita conterritus est, ut ceciderit, sicut ait textus: *Statinque Saül cecidit exporreatus in terram: extimuerat enim verba Samuëlis*: Ita Davidis superbiam cū populum numerasset; ingentis strage, ac morte multorum depressit: Quomodo Sobnam præpositum Regium Templi exagitat Isa. 22. *Ecce Dominus asportari te faciet, sicut asportatur gallus galinæ cretus, & quasi amicum, sic sublevarit te: Coronâs coronabit te tribulatione, quasi pslam mittet te in terram latam, & spatiosam: ibi morieris, & ibi erit curvus gloria tue*: In Holophernis exercitu quantam commotionem attulit unius cadaveris aspectus? In exercitu Sennacherib quan-*

tum

tum timorem tāta strages unius noctis? Quid passim Deus impiis & improbis intētat? Juxta illud Davidis, *Terribili, & ei qui auferi spiritum Principum, terribili apud Reges terræ*: Certē si nihil aliud in homines posset Deus, si nullum aliud haberet dominium quā mortis, hāc solū parte quāntum hominibus formitandus foret. Nam ut ait Seneca in *Excerptis*: ad hoc præcipuē gens humana contremittit, nec immerito: Cæteri timores habent aliquem post se locum, mors omnia abscindit: alia nos torquent, mors omnia abscindit: alia nos torquent, mors omnia devorat, etiam qui alioqui se nihil timere indicant, hoc timent: Quidquid aliud extimescimus, homini aut remediū, aut solatiū. Ecce Regem opulentum, potentē, dilectum à suis, & quod omnia superat, piū, virtutibus omnibus præditum: ad eum Isaias mittitur, cum hoc nuncio: cap. 39. *Hac dicit Dominus, dispo-ne domui tue, quia morieris tu, & non viues: Quas tunc conversus ad parietem non fudit lachrymas, quos gemitus, quos singultus?* ait Textus. *Et flevit Ezechias fletu magno*: Nonne achab 3. Reg. cap. 21. licet sceleratus, impius, atque idololatra, morte sibi ab Elia intētatā, vestem scidit, ambulavit demisso capite, ad sacrum, & ad jejunium confugit. Omnium mortalium perdidissimus & delitiosissimus, Sardana palus in regno amplissimo & in summo ocio vivebat securus: Ecce tibi homo incognitus barbaræ vocis, & ignotæ linguæ, egens rerum omnium, magnā voce inclamat secundum Versionem LXX. Interpr. *Adhuc tres dies, & Ninive subvertetur*:

Quantam morum mutationem effecit? Sardana palus in cilitio, in cinere, in jejunio! Ninive in Pœnitentia! Chilpericus Rex Francorum jam jam moriturus, cum se Regem cerneret, nec tamen sibi Diadema, nec Sceptrum securitatem attulisse, neque à morte potuisse eximere, in eum qui non moritur, & solus habet immortalitatem intuens, exclamavit! Quam magnus est Rex ille cœlestis, qui sic humiliat sublimes Reges terræ! Idem quotidianā patet experiētiā: Nam videmus passim homines nullā re commoveri, non minis judicij, non inferorum pœnis, non virtutis honestate, non Dei beneficiis, non propositū ipsius, vel maiestate, vel bonitate, vel sustitiā: blandiaris? rident, miniteris? obstinantur: Quod remedium? Incidant iidem in infirmitatem, periclitentur de vitā: videas instar cere mollescere. Idem vide in capite damnatis: Nam initio feroces, impij, intratables: Dictā sententiā ubi intelligūt sibi esse moriendum, ad mentem redeunt, ad timorem, ad lachrymas, ad confessionem. Nimirum ut ait David Psal. 47. *Cum occideret eos, querebant eum, & re-vertebantur, & diluculo veniebant ad eum*: Quā multi initio morbi sana omnia consilia reiiciunt, sed ubi de se actum intelligunt, protinūs ad Deum omni affectu revertuntur, tātum potest mortis præsentia: Quid dicam de Nautis? quod hominum genus præditissimum est, atque ut aiebat Anacharsis Scythæ, ut vitā, ita moribus desperatis, quos Bias teste Platone, neque inter vivos neque inter mortuos numerabat: ij dum adest mortis periculum, quas non

fundunt præces, quæ vota non concipiunt, audias publicè confitentes, ita mortis memoria ferrea pectora emollit. Joannis Baptistæ Concio mortem & securim intentantis; *jam securus ad radicem posita est*; quàm multos emollivit! adeò ut Lucæ 3. *multi venirent confitentes ad eum*. Idem videmus peste grassante, aut cum miles ad irruptionem, & consilium mittitur, cum urbs quatienda tormento, & irruptio ab hoste expectatur, scilicet Passim omnes ad pœnitentiam currere. Denique in omni mortis periculo illud Job. impletur cap. 42. *Idcirco ipse me reprehendo, & ago pœnitentiam in cilicio & cinere*: dolorem & humiliationem significat. Hic te quisquis es interrogo, & non fuisset animus hebes, & rerum mundanarum strepitu obsurdescens, quis tibi animi sensus fuisset, cum hoc tibi à Sacerdote pronuntiatum est, *Pulvis es, & in pulverem reverteris*? Certè legimus in historiis fuisse aliquos homines, quib⁹ cum capitis sententia legeretur, alii timore mortem prævenierint, alii sanguinem sudarint, alij capillorum, & barbæ colorem mutarint; Quid hic deest nisi iusta hominis apprehensio? utrobique enim mors, utrobique iudicis sententia, utrobique eius intimatio: hoc unū est discrimen, quod hominum sententia variis modis impediri possit, Dei non possit.

Adverto 2. in illis verbis mortis originem nempe peccatum & inobedientiam, secundum illud Apostoli, *Per peccatum mors*: Item *per unum hominem in omnes homines mors pertransiit*: ut nemo vel naturæ, vel conditioni humanæ,

vel fortunæ, vel injuriæ, sed divinæ vindictæ id tribuat: Itaque revocamur in memoriam illius sententiæ, ut discamus unde mors orta sit: Atque hinc 1. graviolem mortem habeamus, sicut qui ob crimina damnantur: mors enim illis longè est acerbior, quam illis qui communi necessitate moriuntur, quoniam rationem pœnæ habet. 2. ut hinc oderimus peccatum, à quo fit ortus mortis, atque occasio, quapropter ferè semper in scripturis peccatum & mors conjunguntur; unde qui peccatum destruxit: idem etiam mortem abolevit, nec mirum quoniam ex Apostolo, *Stimulus mortis peccatum*: Hoc est ex Augustino: ex peccati punctu homines interempti sunt: itaque quia Christus stimulum illum retudit, hinc fit ut jam mors nocere non possit. Atque hinc intellige, quàm verè dictum sit à Prophetis, *anima quæ peccaverit ipsa morietur*, ut si peccatum per se blandiatur, scias quid inferat, nempe mortem, ut non tam facile pecces, & intelligas tot sententiis te ad mortem esse damnatum, quot peccata admisisti, nec aliter fieri posse.

Adverto 3. significari necessitatem moriendi inevitabilem, quàm Ezechiel appellat, cap. 21. *Gladium Domini irrevocabilem*: scio varios ex variis capitibus mortis necessitatem accerere; sed mihi inde petitur, quia iudicis sententiâ, omnes ad mortem damnati: undè quia nullus summi iudicis sententiam potest refugere, idè nullus mortem potest evadere, itaque Apostolus rectè dixit: *Statutum est hominibus semel mori post hoc autem iudicium*. Hebr. 9.

Adver-

Adverto 4. Triplicem hominis statum designari, parum à se dissimilem: primo designatur status præteritus; Quia cum per mortem eodem redeat, unde per nativitatem discesserat, necesse est ut ante fueris cinis & pulvis, hoc enim significat *In cinerem reverteris*: ita Deus ad Adamum, *de terrâ es, Et in terram ibis de qua sumptus es*; ita Agapetus Diaconus Imperatores alloquens ait, quod homines omnes *pilon echusi tu genus propagatorum*. limum habent generis sui authorem & progenitorem: Secundo designatur etiam status præsens, *Memento quia pulvis es*, ut quisq; intelligat, se etiâ nunc esse pulverem ac cinerem ex vetere Epitaphio. Vas cinerû: Quâ de re præclare S. Chrysost. hom. 2. de incomprehens. natura Dei. Si homo formosior, & luto nobilior apparet, hoc non ex diversitate nature, sed ex ingenio artificis provenit, nam materiæ quidem ratione, nihil inter lutum, & illum interest: Quod si non credis, sepulchra, & monumenta inspicie majorû, illa enim facili suo exemplo possunt tibi persuadere pulverem, & lutum te esse. Sed ais, inter homines vivos, & mortuos aliquid interest: dixit Chrysostomus, non materiâ sed formâ: itaque apud Hebræos eadem vox Methin, & vivos & mortuos significat, sola differentia in diverso unius pancti situ: quod nos decipit est color pelliculæ, & quasi valculum: itaque rectè Propheta. Homines terram appellat dum ait. *Terra, Terra, audis Verbum Domini*: sed quemadmodum non horremus sepulchra, quia exterius dealbata sût, & cretata: sed ut ait Christus Dominus, *Intus*

plena sunt ossibus mortuorum: Ita corpora etiam quæ apparent, formosissima, plena sunt spurcitiis & cinere. Itaque carnem appellat Nyssenius *osmis ergastirion*. Tetri odoris officinam: Memento Gomorrhæi pomi speciem, formosa illa est, ait Strabo, Plinius, & Solinus: sed solo tactu vagum fatiscit in pulverem. Tertiò designatur status futurus: unde dicitur, *Et in pulverem reverteris*, hic enim est rerum omnium, atque hominis exitus: Notat Eusebius Cæsar. lib. 11. de præpar. Evang. cap. 4 disputans de arcana nominum Hebræorum impositione, duplex hominum nomen ab Hebræis usurpari. Adam & Isch. primum commune, ac significat terrenum, à pulvere: Alterum particulare, & virum significat, & oritur à radice Esch. i. ignis aut flamma. Eusebius primam vocem refert ad corpus, alteram ad animum quæ est virilis, ignea, & calida: fuit etiam Stoicorum opinio Animam ignem esse: Zenoni Stoico animus ignis videtur: & Varro, Animalium semen, ignis: uti igitur extincto igne, materia inflammata in cinerem redigitur: ita per mortem subducto igne, corpus abit in cinerem: Audi impios Sap. 2. *Fumus status est in navibus nostris: Et sermo, scintilla ad commigendum cor nostrum: quâ extinctâ, cinis erit corpus nostrum*: nota fumum, scintillam, extinctionem; in quibus verbis, homo exprimitur quasi domus inflammata: ita ut ex ore quasi ex portâ, ex naribus ut è fenestris, halitus, quasi fumus egrediatur: Eodem spectant verba Job. cap. 34. *Si direxerit ad eum cor*

suum spiritum illius & statum ad se trahet, &c. & homo in cinerem revertetur: Ex quâ similitudine Cantacuzenus sapientissimè colligit hominem mortuum naturaliter in vitam redire non posse, non magis quam fieri non potest, ut ex cinere ignis iterum accendatur.

Adverto 5. Nomine hominis non virū solum, sed etiam mulierem intelligi. S. Cyprianus lib. de Disciplina, & habitu Virginum: Quoniam fœmina viri portio est, & ex eo sumpta, atque formata est, in scripturis ferè omnib⁹ ad protoplastum Deus loquitur: Quia sunt duo in carne vnâ, & in masculo simul significatur & fœmina: ut etiam intelligas eundem esse pulverem utriusque secundum illud Nazian. orat. 31. *his portus audios heginaicos: eis cibus amphoteri reicon mia: n̄ mos eis thanatos eis anastasis mia.* unus viri & mulieris creator: pulvis unus uterque, imago una, lex una, mors una, resurrectio una: unde etiam eodem modo pulvere aspergitur uterque, & iisdem vocibus compellatur, ut unus ex altero humilitatem discat, nec unus alterum tanti faciat, & alterius gratiâ, Deum amittat: Quid enim tantopere suspicis, in muliere, formam & pulchritudinem, cum sit vas fictile & opus figuli? Tu verò quid in homine suspicis, auctoritatem, robur, dignitatem, potentiam, & adjuvamen? cum ea omnis potestas, & auctoritas, uti in statua Nabuchodonosoris aurum, argentum, & metalla nitantur pedibus luteis, quibus fractis omnia redacta sunt in favillam & pulverem pariter aurum, argentum, & ferrum redacta in favillam aſive areæ: ut nihili mortale magni facias, nihil suspicias, quia ut lutū platearū delebis eas.

Adverto 6. Ecclesiam hæc omnia in memoriam revocare hæc ceremoniâ: unde cineres super caput jaciuntur, 1. ut memoriam mortis habeamus præsentem: Memento statux illius Nabuchodonosoris; cuius caput aureum, pedes lutei, quoniam ferè homines alta sapiunt, ac de magnis cogitant, mortis autem memoriam procul habet in pedibus: itaque ut proximè memineris, ac scias non tam remotam esse mortē, sed tibi, tuoque capiti, instar gladij Damoclis imminere, in caput tibi cineres jaciuntur: Alioqui enim vide quid illi statux acciderit; nam sine manibus avulsus lapis de montes, statux luteos pedes percussit, & tunc omnia pariter metalla contrita sunt: avulsus lapis sine manibus, repentina mortē significat, quæ omnia in pulverem reducit: Eodem pertinet quod dicitur Threnorum 1. *Sordes ei⁹ in pedibus eius, nec recordata est finis sui, LXX.* Interpretes hic vertunt, *Novissimorum suorum.*

2 In caput cineres jaciuntur ut scias, eam curam tibi debere esse primam & præcipuam, uti caput in reliquis membris principatum obtinet: Procopius Exod. 3. advertit Hebræos in exitu ab Ægipto magnâ curâ sumpsisse vasa argente & aurea, & omnem suppellectilem: vide interim, quid de Moyse hominum sapientissimo dicat Scripura, *Tulit quoque Moyses ossa Ioseph*, ille princeps & caput populi ad sepulchra confugit, & quid te facere oporteat docet: Hoc fortasse didicerat à Noë Patriarchâ qui cum à Deo didicisset omnia diluvio peritura, nihil in arcam ex omnibus intulit, non argentum, non aurū, non

non gemas, non vestem pretiosam, sed Adami ossa: itaque filiis, cum à se discederent hanc unam hæreditatem, has solas divitias partitus est, ossa adami, ut quocumque perrexissent, nunquam mortis obliviscerentur: ac ne putes me impropiè ossa mortuorum appellasse divitas, narrat Orthelius in fine Theatri fuisse aliquas nationes, quæ non aliis nummis quam ossibus defunctorum uterentur in emptionibus & venditionibus: auro carcant & argento, ossiculis mortuorum utebantur: scio monetam illam nunc non esse in usu, sed in moralibus esse potest, secundum illud Iob. 5. *Ingredieris in abundantia sepulchrum:* illud Salomon appellat domum æternitatis, ut scias tibi ab eâ domo non esse exeundum: vide quantus sit ille Ecclesiæ thesaurus: Certè quidquid fingamus, nulla communiter cogitatio sic homines percellit ut cogitatio mortis, ac ferè solet esse mortalibus initium salutis: hinc rerum despicientiam, discimus: hinc vitæ vanitatem, & inconstantiam, hinc errores & fucum deponimus, & fastum, hinc veram nostri cognitionem comparamus: quam in vitâ ferè nusque habemus.

3. Ut magnificas illam cogitationem: hæc enim fuit Orientalium consuetudo & adhuc apud Iaponios & Sinas viget, ut quæ honorent maxime ea capitibus suis imponant: itaque ut discas eam cogitationem magni facere, tuo capiti cineres imponuntur: Regibus Orientis in pompâ codex aureus pulvere plenus deferrebat: vide num ille sit de quo Iob. Loquitur cap. 3. quem optat ut scribat, qui ipsum ju-

dicat: vide quanti faciat, *Ut in humero meo portem illum, & circumdam illum quasi coronam mihi: Per singulos gradus meos pronuntiabo illum, & quasi principi offeram eum:* Gradus suos vocat singulas vitæ actiones quas nihil melius, nil sanctius dispensat ac disponit quam mortis memoria, quæ homines à vitijs revocat, & innocentiam largitur, secundum illud, *Memorare novissima tua tua, & in æternum non peccabis:* unde Augustinus lib. 1. r. contrâ Manichæos: Nihil sic revocat hominem à peccato quâ frequens mortis meditatio: Refert Climacus in Scala Parad. gradu 6. Monachum montis Oreb vitæ solutoris cum gravissimè ægotasset, ad horam interiisse, post duodecim annos à raptu suo, rogatum ut aliquid diceret, ingemuisse ac dixisse Indulgete mihi: Nemo memoriam mortis habens poterit peccare: Et in particulari ut aliquid dicamus: Tres præcipui sunt vitiorum gradus, superbiæ, libidinis, avaritiæ.

Ac 1. quoad superbiam attinet: Reclè dixit Psalmista Regius Psalm. 72. *Quia: non est respectus morti eorum, idè tenuit eos: superbia.* S. Hieronymus sic vertit ex Hebræo. Non cogitant de morte suâ, idè tenuit eos superbia.

Isaïas cap. 44. confutans Idolorum cultum, sic ait: *Artifex lignarius sumpsit lignum, medium eius combussit igni, & c. coxit pulmentum, & c. & calefactus est, & c. reliquum autem eius deum fecit, & sculpsit sibi: curvatur ante illud, & adorat illud: Tū sic exprobrat: Nescierūt neque intellexerunt, obliti enī sūt nē videāt oculi eorū, & ne intelligāt corde suo: Nō recogniāt in mēte sua, neq; cognoscunt neq; sentiūt, ut dicant: Medietatē eius combussit igni.*

igni, & coxi super carbones eius panes: coxi carnes & comedi, & de reliquo eius Idolum faciam? ante truncum ligni procidam? pars eius cinis est cor insipiens adoravit illud: Quasi dicat, quæ maior stultitia, quam id adorare cuius pars in cinerem conversa est: lignum generis humani nos fumus, radix fuit Adam, & Eva; Pars magna huius arboris in cinerem redacta est: ingrediere mortuorum sepulchra, quid Præter cineres & ossa reperies? Nonne ergo delirat qui reliquam partem adoratione dignatur superbus seipsum adorat, & manum osculatur suam, se sui facit idolū? unde infania tanta? Quia nō attēdit, oblitus ne videat oculis & suis, & ne colligat in corde suo, ut, dicat, medietatem generis mei combussit mors, & in cinerem redegit, & de reliquā parte Idolum faciam? Pars eius cinis est, cor insipiens adoravit illud. Veniat in mentem memoria eius rei quam Moses Exod. 32. præstitit, cum iratus adversus populum propter vituli adorationem; accipiens vitulum quē fecerant cōbussit, & contrivit usque ad pulverem, & dedit ex eo potum filiis Israël: quod factum S. Hieronymus interpretatur ad Idoli contemptum, nam iussit redactum ad pulverem ebibere, ut deinde in secessū mitteretur: Ita Deus apud Daniel. 1. ut ad contemptum adduceret omnia regna mundi, expressa in ingēti statuā, sic illam exiguo lapide percussit, ut omnia metalla redegerit in pulverem: Tunc contrita sunt pariter ferrum, testa, æ, argentum, & aurum, & redacta quasi in favillam æstive areæ, quæ raptæ sunt vêtō, nullusq; locus inventus est ei: ut enim rerum omnium status infimus sunt cineres, ita ni-

hil magis fastum deprimit, quam si res in cinerem reducantur. Quid superbit terra & cinis?

Hinc fit ut cineres capiti imponantur, uti enim nihil altius est capite, quod Plato arcem vocavit, cū videas capiti cinerem imponi, intellige, quidquid homo sit, quidquid sibi tribuat, in summā pulvere melle, iuxta illud Iob. *Et in fine hominis, denuptatio operū illius*: Quare licet multi sublimes atque excellentias habere videantur cogitationes, ac supra humanam conditionem: nihilominus tamen, *In illa die peribunt omnes cogitationes eorum: vidi impium super exaltatum sicut Cedros Libani, &c. transivi, &c. non erat, & non est inventus locus eius*: Item, *post hæc erunt decedentes sine honore, & dirumpet eos sine voce, & inter mortuos computabuntur*: Et Ecclesiastes cap. 8: id expressit. *Non est in hominis potestate prohibere spiritum, nec habet potestatem in die mortis*. LXX. Interpretes, *Non est potestas in die mortis*. Hieronymus. Non est potens, nam æquā conditione tunc sunt, Reges & subditi. Observat Rabbi Salomon cum sæpe in scripturis David vocetur Rex, quando de morte eius agitur 3. Reg. cap. 2. prætermisā dignitate, solius nominis fieri mentionem: *Appropinquaverūt dies David ut moreretur*; Et infra. *Dormivit David cum Patribus suis*: Maximilianus Imperator multis diebus ante mortem, nihil nisi Maximilianus appellari voluit, Imperatoris & Majestatis titulis repudiatis: Atq; ea cogitatio humiles consolatur, ne rerum illecebrā capiantur: Cū Imperator Constantius Romam venisset, & urbis maiestatem atq; ædificia miraretur, tantæ gloriæ

glorię magnitudine obstupescit Hor-
mildam nobilem Persam interrogavit,
Quid ipse de Roma sentiret? sapiētissi-
mē respondit, Id tantum sibi placuisse,
quod didicisset ibi quoque homines
mori.

2. Quod de superbā dixi, eādem
ratione de libidine dico, & amore car-
nis: Nam teste Gregorio. Mortis me-
moriā caro refrānatur ne calcitret:
Rectē Bernardus in quadam prosā: Cū
recordor quod sum cinis, & quā cito
venit finis, sine fine pertimesco, & ut
cinis refrigescō: Anteros est, tela cupi-
dinis redigit in cinerem: olim cineres
jussu Dei loco mundo reponebantur,
ita mortis memoria inducit puritatem:
jubet Isaiās filias Sion sedere in pul-
vere, ut lasciviam carnis compescant;
Post adulterium, Davit sedit in cinere,
ita & solitarius, ait Ieremias, *ponet in pul-
vere os suum*: S. Hieronymus abducens
viduam à secundis nuptiis, sic claudit
epistolam: Cogita quotidie te moritu-
ram, & nunquam de secundis nuptiis
cogitabis: Fuit mulier impudica omnis
penitentię impatiens, quę tamen
hanc non recusavit, ut quoties manus
lavaret, tacita secum diceret, hæc caro
à vermibus comedetur, sed cū id per
aliquod tempus fecisset, in aliam tota
mutata est, & ex impudicā facta est pu-
doris amantissima. Certē sicut oculi in
amore sunt duces, quoniam ad pul-
chritudinis aspectum toti ardent, ita si
mortis spectaculum sæpè haurirent,
nunquam arderent amore: unde Greg-
gor. Nihil sic ad edomandum deside-
riorum carnalium appetitum valet,
quam ut unusquisque hoc, quod vivum

diligit, quale sit mortuum penset:
Quā multi ex hoc visu amorem de-
posuere: Exemplum B. Borgiæ cum
Imperatricis cadaver vidisset. Itaque
sepulchrum locus est opportunus ad
concionem, quò etiam vocatus Jere-
mias ad vallem filij Ennom juxta por-
tam fidelem, seu sterquilini: Tu itaque
quoties in eo gradu vitę steteris, librū
mortis accipe, & in illo gradu pronūtia.

3. Quod pertinet ad avaritiam, non
sine caulā dictum Senecæ laudavit S.
Hieronymus: facillē contemnit omnia,
qui semper cogitat se moriturum: Nam
uti dicitur, Job. 27. *Dives cum dormierit,
nihil secum auferet*: Ita Lucæ 12. dicitur
homini diviti. *Stulte hac nocte animam tu-
am repetunt à te, quę autem parastis, cuius e-
runt?* Et 1. ad Timoth. 6. *Nihil intulisti in
hunc mundum, haud dubium, quia nec auferre
quid potestis*. Psal. 48. *Relinquent alienis di-
vitiis suas*. Psal. 38. *Theaurisat & ignorat
cui congregabit ea*: Hieronymus epistolā
ad Cyprianum. Qui se quotidie recor-
datur esse moriturum, contemnit præ-
sentia, & ad futura festinat. profectò
mors ostendit totam hanc vitam merè
ludum esse ac scenam: id Augustus sig-
nificavit ex Sueton. cap. 19. Qui mori-
turus admissos amicos percunctatus
est, an non his videretur mimum vitę
commodè translegisse: adjecit etiam
clausulam Græcę, quā omnium opti-
mè reddidit Cedrenus in suo Historia-
rum compendio: Romę proceribus
omnibus mandavit, ut se defuncto
plauderent, acrisum tollerent qui in
mimorum sine fieri assolebat, eo man-
dato vitam humanam, utpotè ridicu-
lam rem subsanavit. Et certē si propriā

M ut a-

utamur experiētiā, nihil magis nobis rerum omnium contemptum ingenerat, quam mortis cogitatio: quis enim moriturus ædificet? quis moriturus ambiat? quis congreget? quis reliqua vitæ munia obcat?

Ex his omnibus colligimus nihil esse utilius mortis cogitatione, & verē *akakian* esse, atque innocentiam, ac merito Ecclesiam nobis illam tam significatē proponere ut ferē in oculis pulverem, injiciat. *Utinam saperent & intelligerent, ac novissima providerent.* Et quidem Theophilus Patriarcha Alexandrinus, cuius magna fuit in Ægypto, & vicinis Provinciis authoritas, brevi moriturus erupit in hæc verba. Beatus es Abba Arseni, qui semper hanc horā ante oculos habuisti. Si semper non potes saltem aliquando, saltem lectum petiturus, ac te daturus somno, secundum illud Davidis Psalm. 4. *In cubilibus vestris compungimini*, quod sic illustrat Chaldaeus Paraphrastes. *Orate super cubile vestrum, & mementote diei mortis semper.* Vide quod suprà diximus de Pacavio apud Senecam Epist. 12. Hoc proderit ad Contritionem: unde Urbanus 4. ex Sadoletto in symbolis, in symbolum accepit cor palpitans in spino, cum hac Epigraphe. Memorare no-

vissimorum. Dicitur fuit Climaci, sicut cibis omnibus panis utilior est, & magis necessarius, ita præstat omnibus operibus mortis cogitatio.

Collige 2. Quid judicare debeat de iis hominibus, qui mortis memoriam à se depellunt, quam Basilius appellat *phylaktirion*, Amuletum vitiorum: vel qui tanto sunt mentis stupore, atque hebetudine ut mortis spectaculo non moveantur, quos notat David Psalm. 72. *Zelavi super iniquos pacem peccatorum videns: Quia non est respectus morti eorum.* Hieronymus sic exponit. Quia non cogitant de morte suā, & *firmamentum in plagā eorum*: Alij legunt, & exponunt, quod nō turbentur propter diem mortis: cum quilibet defunctus alteri dicat, mihi heri, tibi hodie, vel hodie mihi, cras tibi: *In labore hominum non sūt*, scilicet, opinantur se exemptos à communi hominum sorte. Ne illis in hac re similes simus 1. semper cogita te moriturum: 2. vive semper ut moriturus. 3. time ut moriturus. 4. spera ut moriturus. Nempe non est diuturna hæc vita, quæ autem futura, æterna est. Jam interest qualis futura sit, beata vel misera, felix aut in felix.

Vide, quid eligas, quid præoptes.



FERIA QUARTA CINERUM,
CONCIO TERTIA.
 DE CEREMONIA CINERUM.

Memento homo quia cinis es, & in cinerem reverteris.

MUSICA in ludu importuna narratio, Eccli. 22. Et si unquam eloquentia, & sermonis apparatus dedecet, certè in discursu mortis, in quo nihil magis decet quàm quod magis est luctuolum; scissæ vestes, sparsi crines, pallor in vultu, in ore singultus: Ita videmus in summis etiam Principibus lugubres vestes vulgares esse ac pretio carere. Et insania fuit in Antonino Heliogabalo quod de eo notat Lamprid. cum à Sacerdotibus Syris rescivisset se Biothanaton futurum, hoc est moriturum morte violentâ, parasse sibi funes, blattâ, & ferico, & cocco intortos, quibus si necesse esset tanquam laqueo vitam fineret: item gladios aureos, quibus se occideret, si vis aliqua urgeret: item in Cerauniis, & Hyacinthis, & Smarachdis, venena, quibus se interimeret, si vis gravior immineret: fecisse & altissimam turrim substratis aureis gemmatisque ante tabulis, ex quâ se præcipitaret, dicentē

mortem suam prætiosam esse debere, & ad speciem luxuriæ, ut diceretur nemo sic periisse. Sed hic non tam homo quam hominis portentum fuit. Quare veniam dabitis, Auditores, si quod superest nobis de morte dicendum id sine fūco, & sine apparatu, ac sine ornatu dixerō: neque enim animus est vos verbis sed rebus ipsis monere, non vobis ignotis, sed iis quas quotidie videtis. Sed prius ad Virginem recurramus. *Ave Maria.*

QUANTI Mortis memoriam omnes ferè nationes fecerint ostendit magna cura quam de sepulchris habuerunt. Certe teste Diodoro lib. 3. cap. 5. major apud Ægyptios sepulchrorum quam domorum cura fuit; apud quos ex eodem lib. 2. c. 5. sepulchra talento taxata sunt: Æthiopibus autem ditioribus, ex auro facta sunt, tenuioribus, ex argento, ut ait Herodotus lib. 3. In Ephestionis monumentum multa talenta insumpsit Alexander: Et apud Romanos tantus luxus fuit, ut teste

M 2 Tul-

Tullio reprimendus fuerit legibus 12. Tabularum: Abraham cum nihil comparasset in terrâ possessionis, agrum tamen sepulturæ non paucis argenteis à filiis Hemor coemendum duxit. Porro cum diutius homines viverent, sepulchra fodiebant in montibus & in solitudinibus procul ab urbibus, secundum illud Iob. *Qui ædificant sibi solitudines*: tum in vijs publicis fieri solita, ut homines quasi ex insidijs adorirentur, & mone-rèt, hoc cõmunissimo Epigramate, mihi heri, tibi hodie. Postea non in publicis viis, sed in agro proprio ac prædio fieri cœpere: In agris quisque suis (ait Tullius) sepulchra, & loculos, in quib⁹ cineres suorum conderentur, habuerūt. Id Græci etiam fecerunt ut sunt testes Æschines & Aristophanes in concionan. Hebræos etiam id fecisse monet exemplum Abrahæ, qui sepulturæ causa agrum emit cum speluncâ duplici Genes. 23. Ita Christi sepulchrum exci-sum erat in horto seu prædio. Ioan. 13. Sed memoria mortis videbatur remotior: Itaque mortui sepulti sunt ad ipsas urbium portas: Ita Trojani ex Daretæ Phrygio, Priamum, Heclorem, & Herculem, ante portas civitatis suorū more sepelierunt: Ita passim S. Chryso-stomus monet Christianos, ut mortuos in exitu civitatis intueantur: Intimiùs apud Lacedæmonios; nã in urbib⁹ ut sepelirent, permisit Lycurgus teste Plutarcho: apud Romanos primus omniū Trajanus, in publico foro condi voluit. Æthiopes teste Diodoro lib. 4. c. 1. & Strabone lib. 17. circa Tempia sepeliebant: Ægyptij intra penetralia, medicatos, & Persæ cerâ circumlitos, ut diutius durarent, domi asserva-

runt: testis Herodot. lib. 1. Ex Æthio-pibus nonnulli ut ipse refert lib. 3. postquam mortuum arefecerant, totum gypso inducebant, picturâque exornabant, referente eius imaginem, deinde cippum illi ex vitro circumdabant, in cuius medio mortuus inter lucebat: Hunc cippum propinqui per annum intra ædes habebant, post annum circa urbem deponebant, sælici & urbis, & virtutis custodiâ, cum mors & cives intus, & hostes extra admoneret: Apud Christianos ferè in Templis, quò sole-mus frequenter convenire, ut sit frequens memoria: Ex hoc enim aspectu *finis cunctorum admonetur hominum, & vivens cogitat quid futurum sit*: Olim Moyses labrum æneum cum basi suâ fecerat de speculis mulierum, quæ excubabant in ostio tabernaculi, ut qui ingrediebantur, viderent an decenter essent compositi: Hæc in nostris templis specula, sunt monumenta, & ossa defunctorum, quæ nobis referunt non tantum quod sumus, sed etiam quod futuri sumus: Etenim in domo lucus, *Finis cunctorum admonetur hominum & vivens cogitat quid futurum sit*. Verum quoniam passim homines sepulchra prætereunt, ac terunt pedibus monumenta; ut ipsam mortis memoriam in ipsis quasi oculis ferant, ideo Ecclesia in fronte & in capite cineres admovet, ut ipsa capita hominū fiant sepulchra. Galenus meminit quorundam volucrū quas vocat *epitymvidas* hoc est sepulchrales, quia *tymbon*, id est, sepulchrum, gerunt in capite: sælices aves si ratione uterentur! homo sælix si in capite *tymbon* gerat! hoc est mortis memoriam, ad quam ipsis cineribus capiti admotis impellitur: Cuius

Cuius ceremoniæ quoniam varias rationes præcedenti Concione dedimus, postremam in hanc Concionem servavimus, quæ talis est.

Quoniam caput iudicii & rationis sedes est, ideo cineres capiti admoventur, ut homines intelligant, se nudam suæ mortalitatis cognitionem habere non debere, sed quæ capiti hoc est ratiocinationi adhibeatur: omnis autem ratiocinatio in trahendis consequentijs versatur: Cineres itaque locum habent antecedentis, capiti autem imponuntur, ut bonæ inde consequentiæ trahantur. Dixi non nudè mortem à nobis considerandam esse, secundum illud Psalmistæ, *Beatus qui intelligit super egenum & pauperem, in die malæ liberabit eum Dominus*. Chrysologus serm. 21. vis est intelligentiæ si rimetur viscera, & deprehendat occulta, si testis nudet; verum subiecta oculis, exposita in publico, ingesta rebus, non est intelligere, sed videre. Rectè aliqui hunc mundum librum esse dixerunt, omnium oculis expositum, sed sicut in libro omnes elementa cernunt, & litteras, sed aliqui tantum legere possunt, pauciores intelligere: Ita passim homines creaturas vident, sed pauci admodum intelligunt: Solem, cælos, æqualiter omnes vident oculis corporeis, sed non omnes eodè modò cognoscunt; Chrysostomus ait, Paganum Solem videre, & adorare, Christianum autem opus Dei agnoscere: Ita omnes mortem vident, pauci intelligunt: Itaque dum in caput cineres jaciuntur admonemur, nè simpliciter, ac nudè mortem spectemus, quasi larvam illam horridam, & exsuccam, sed

ut quæ in morte sunt, & ipsam mortem intelligamus, hoc est non tantum oculis mortem intueamur, sed ut eam iudicio consideremus, ac debitas trahamus consequentiās.

1. Circa Mortem consideratio, est de eius inevitabilitate, tam quod mori oporteat, quàm quod determinato tēpore, ubi vides duplicem inevitabilitatē. Vna est quod mori oporteat idque tam certā & communi lege ut nemo excipi possit: non sapiens, non nobilis, non dives, non rex, non sanctus, nō summus quisque, non infimus.

1. Probatur ipsā experiētiā, quia videmus passim homines mori. Ecclesiastes cap. 9. *Nemo est qui semper vivat, & qui huius rei habeat fiduciam*: 1. pars continet experiētiā omnium sæculorū: omne enim quod nascitur interit: Maria Salomè aucta est Christum aliquando interrogare ut refert Clem. Alex. lib. 3. Strom. *Quandiu vigeat Mors?* Cui respondit: *Quandiu vos mulieres parietis: Et verè dictum; omne enim quod oritur, perit: Itaque Tertull. lib. de Anima cap. 50. loquens de mortis debito: Hoc stipulata est Dei vox, hoc spondit omne quod nascitur*: 2. pars ostendit humanam conditionem, quoniam vita hominum despolatissima est atque illud indicat nomen Enos quod hominem significat à radice Anas quod est desperare, dolere, infirmari, ut nomen Enos sonet hominem perditè & deploratè ærotantem.

2. Probatur ex lege Mortis, & hominis condēnatione *Morte moriari*, Genes. 3. Illa vocis geminatio præter acerbitatem

M 3 tatem

tatem significat etiam certitudinem : Symmachus vertit. Eris mortalis, ut indicet hominem semper mori.

3 Quia præter causas mortis quæ in nobis sunt, Elementa, humores, temperamentum dissimile ; alteratio à nutrimento, & etiam à causis superioribus oritur. Sapiens *Sicut aves laqueo comprehenduntur, sic capiuntur homines in tempore malo, cum eis extemplo supervenerit.* In hac voce Caietanus agnoscit mortis inevitatem, & superioritatem: Quia quæ de super veniunt, sunt inevitabilia, ut sunt sub dio, grando, pulvis radij solis. Iob. cap. 20. *Pluet super peccatores laqueos, quis effugiet?*

4. Quia nemo resistere potest Angelo mortis. Ecclesiastes cap. 8. *Non est in hominis potestate probere spiritum. nec habet potestatem in die mortis:* scio multos per spiritum, hic intelligere animam hominis, quæ in hoc corpore, quasi in carcere includitur, appetit autem exire de hoc ergastulo : cum autem detinetur, vi quædam prohiberi videtur, sed veniet dies quando ut ait Iob. cap. 34. *Spiritus illius & statum ad se trahet: deficiet omnis caro simul, & homo in cinerem revertetur: & tunc ait Ecc. non est in hominis potestate probere spiritum:* Hoc est uti Hieronymus interpretatur : nihil prodest ora cõcludere, & vitam retinere fugientem : Sed ad propositum nostrum Thaumaturgus, nomine spiritus, intelligit Angelum morti præsentem, quæ prohibere nemo potest; Nemo (inquit) tantis viribus futurus est, ut Angelum animam ipsius extorquentem arcere ac prohibere possit : hoc potestatem infernari munus esse docet S. Chrysost. homil. 54. in Matth. sub finem. Quid faciemus cum minaces Angeli, & rescinden-

tes animam à corpore, Virtutes, ac Potestates nos invadent? Basil. orat. de Morte quæ est 24. meminit eius qui violenter animas à misera hac carne separavit, & ad fatale iter trahit; secundum illud *Et animam tuam repetunt à te.* S. Ephræm. de Vanitate huius vitæ to. 3. in describendo statu hominis misero : Quando Dominicæ copiarum atque satellites advenerint, quando formidabiles exercitus invaserint, atque apprehenderit, quando divini nuntij, atque commissarij animam ex corpore inigrasse iusserint.

5. Quoniam ipse Deus mortem infligit : quis autem manum eius, atque iram potest fugere ? Pythagoras aiebat sceptrum Iovis ex Cupresso fuisse, ut lãblicos memoriæ prodidit. Quia hæc arbor sepulchralis est, & funeri dedicata: id significat, summum Iovis imperium esse in mortem, quod nemo declinare potest. Apoc. 1. dicitur Deus habere *claves mortis*, id est summam potestatem : Ita que Sap. 16. *Tu es Domine qui vitam & mortis habes potestatem & deducis ad portas mortis.* Ex quibus omnibus patet mortem prorsus inevitabilem esse, ac planè ridiculos illos fuisse, qui hominibus polliciti sunt immortalitatem, uti Menander discipulis suis promittebat, si se prophanis sacris imbui permitterent, quibus uti refert Eusebius lib. 3. Histor. cap. 10. pollicebatur etiam in hac vita *athanasian aidion* perpetuam immortalitatem: Ita Tribonianus impius Iuriscõsultus, verè vocatus à Suida *apatèdu* adulator, & impostor, persuadere Iustiniano Imperatori conatus est, cum non moriturum, sed cum carne in cœlum assumptum iri: Melius

Melius Agapetus Diaconus in aureis monitis ad Justinianum, Morti attribuit dentes *pamphagus*, omnivoros, quos omnibus infigit, nihil reverita *axiomaton lamprotitas* dignitatum splendores. Hoc itaque certum habes antecedens. Unicuique mors inevitabilis est. Jam cinerem capiti admove, & ex hoc principio dignā trahe conclusionē.

Quò igitur pertinent tot curæ, tot labores, tot contentiones, si aliquando mori oportet. Quidam sapiens nonnullis exprobrabat, quod sicut nunquā morituri ædificarent: Nūm tu id præstas hominum inconsultissime? Cūm te videam ita rebus affixum, semper inhiantem, semper colligentem, te vehementer admiror, cūm homini tam pauca sufficiant: Sed esto, cupiditatis es ingētis, tibi benè esse vis: nō hoc satis; vis copiosè: nec id satis; vis affluenter: cupiditati nihil satis, vis effusè, hoc tantū est cupiditati satis: Benè quidem, si semper: sed si aliquando es moriturus, si inevitabiliter, quā stultum est, ibi ædificare, ubi manere non debes. Quin potius de æternitate cogitas, de eo quod semper futurus es? itāne vis esse exiguò tempore beatus, æternū autem miser? Nihil non agis, ut exiguò tempore sis felix: nihil autem curas, quò æternum sis felix. Vide quælonūm id prudentiæ sit Christianæ: vide iterū nūm rationem habuerint Apostoli nobis morrem proponere, ut à rebus præsentibus avocaret: Certè nulla est tam in sana cupiditas, quæ hanc cogitatione non conquiescat: Quia ut ait B. Hieronymus Episc. 103. facili-

contemnit omnia, qui se semper cogitat moriturum: Hic vestrum omnium conscientias convenio, an si hæc semper cogitatio vobis præsens esset, ullares in terris vos afficeret; nulla planè, inquires: at iterū rogo; num iustus sit ex eā cogitatione sensus: iustissimus dices: & hinc probatur, quia in omnibus ea cogitatio talem sensum parit; hoc ultimum adhuc liceat petere, nūm ea cogitatio vera sit: vera planè, quis enim nesciat se moriturum: unde igitur sit ut quod verissimum, & quod iustissimum sit, absit à tuā mente? Tu interrim videris: dūm ego alteram in morte inevitabilitatem specto; porro illa est quod unicuique à divinā Providentiā tempus mortis determinatum sit, ultra quod nemini vivere licet. Non hic ego cum Stoicis aut cum Atheis factum colloco aut statuo: scio cūm Deus liberum hominem crearit, posse in iussu Imperatoris ex hac vitā quasi ex statione perfidum discedere; scio multis modis fieri, ut in pluribus sicut loquitur Propheta: *Dies pleni non irveniantur*; scio posse hominem non decurrere spatium vitæ quod illi Deus mensus est: Sed dico unicuique homini præfixum esse à Domino terminum, quem nemo hominum possit præterire, secundū illud Job. cap. 5. *Breves dies hominis sunt, numerus mensium eius apud te est, constitusti terminos eius, qui præteriri non poterunt*: hos terminos, legem & statutum, vocat Apostolus, *Statutum est hominibus semel mori*: Semel dixit, hoc est irrevocabiliter, & firmiter, & constanter. Semel enim loquitur Deus, & iteratō non habet opus loqui: Ita Act. 17.

facili-

fecitque ex uno omne genus hominum inhabitare super universam faciem terræ, definitis statuta tempora, & terminos habitationis eorum: ita Eccles. 14. vocatur Testamentum: *Memor esto quoniam Mors non tardat, & testamentum inferorum, quod demonstratum est tibi: In eundem sensum David, Mensurabiles posuisti dies meos. Altera Versio. Pugillares: ut scias paucos esse, & finitos, quoniam intra pugillum, sed Dei, qui mensuram definivit, continentur: ubi vides Deum in manu suâ, hoc est in sua potestate dies nostros habere: unde, ubi habes in Psal. 89. *Dexteram tuam sic notam fac*: vertit Aquila & Symmachus ut docet Hieronymus in epistolâ ad Cyprianum, dies nostros sic ostende. Hic mihi præcipuus occurrit sensus Prophetæ qui sanè communissimus esse solet Psal. 38. *Locutus sum in linguâ meâ. Notum fac mihi Domine finem meum, & numerum dierum meorum, quis est, ut sciam quid desit mihi*: Attende altum prophetæ sensum: non curiosè appetit scire numerum dierum suorum, uti impie multi exquirunt, cum Deus solus intelligat, nam *numerus mensuum eius apud te est*, sed interiori sensu postulat, cum vitæ termini sint definiti, iidemque sint meritorum termini, ut intelligat quid sibi desit, aut ad virtutem, aut ad meritum aut ad satisfactionem, quod tamē fecisse oporteat intra vitæ terminum: Nam, ut ait Ecclesiastes cap. 9. *Viventes sciunt se esse mortuos, mortui verò nihil noverunt amplius, nec habent ultra mercedem, quia oblivioni tradita est memoria eorum*: quod S. Hieronymus sic interpretatur: Mortui nihil valent ad id adiciere, quod semel secum tulerunt de vita: Igitur te*

rogo, mi Auditor, cum numerus mensuum tuorum non sit apud te, sed apud Deum, ac nescias quid tibi vitæ supersit: cogita seriò quid hætenus feceris, quæ sint merita tua, quæ satisfactio? An hoc tantum facere vis pro Deo? sic morieris cum eâ egestate, & paupertate? Hoc tantum æternitati parasti? Job. 10. *Nunquid non paucitas dierum meorum finietur brevi? Dimitte ergo me ut plangam paululum dolorem meum, antequam vadam, & non revertar, ad terram tenebrosam, & opertam mortis caligine*: Joan. 10. *Venit nox quando nemo potest operari*.

2. Circa Mortem consideratio, est de eius ignoratione, & huic conjuncto inopinato adventu. Nam licet nihil certius sit Morte, nihil tamen magis incertum, atque ignotum quam Mors, ratione temporis, loci, modi, status animæ, & qualitatibus, bonæ, an malæ; quietæ, an turbitæ; naturalis, an violentæ; an in gratiâ, an in peccato; an cum usu rationis, an sine illo; juxta dictum Sapientis Ecc. 9. *Nescit homo finem suum, sed sicut pisces capiuntur bamo, & sicut aves laqueo comprehenduntur, sic capiuntur homines in tempore malo, cum eis exemplis supervenerit*: Vivimus in hac vitâ tanquam rei in carcere, qui semper expectant, ut à iudicibus ad sententiam, atque inde ad supplicium vocentur, secundum illud Jobi, *Cunâs diebus quibus milito super terram, exspecto donec veniat immutatio mea*: Et infra: *Vocabis me, & ego respondebo tibi*: Hoc autem idèò factum est ut semper timeremus; & ut ait Augustinus homil. 13. & 50: ideo latet ultimus dies, ut observentur omnes dies. Hic cineres capiti admove, hoc est justam

justam elice conclusionem: quæ talis est: Quoniam mira est mortis ignorantia, illa semper in memoriâ tenenda est; exemplo plurimorum sapientum: Philippus Macedo, cum Athenienses debellasset in Cheronæâ, iussit sibi quotidie prodeundi dici à servulo, Homo es Philippe: Idè sensus Severi Romanorum Imperatoris, qui cum in bellis, & in ambitione senuisset, moriturus urnam ad se afferri iussit, in quâ cineres ipsius, uti tunc moris erat, recondendi erant, quam diu contrectâs & contemplans exclamavit. Tu virum capies, quem orbis terræ non cepit: Joannes cognomento Eleemosynarius Patriarcha Alexandrinus initio sui Pontificatus sepulchrum suum inchoari voluit, non perfici, ac sibi quotidie, vel ut alij volunt solemnioribus diebus, cum prodiret, sibi proclamari iussit, Domine sepulchrum tuum cœptum est jam pridè, sed nondum perfectum, tu ergo illud perferre jube, nescis enim quâ horâ sur venturus est: Maximilianus primus potentissimus & bellicosissimus Imperator, biennio, aut ut alij volunt triennio ante mortem, loculum funebrem è quærneo ligno, arcæ viatoricæ inclusû, deferri secum iussit, ut semper mortis meminisset. Hoc Avi exemplum secutus est Carolus V. de quo fertur quinquennium ante mortem secum semper deportari iussisse sacrophagum cum suppellectile funebri, sed occultè, ac singulis noctibus diligentissimè reponi iussisse; qui illi aderant, pars thesaurum credebant, alij selectos libros, alij ad usum Cæsaris aliquid singulare: Ille verò ridendo dicere solebat: In rei ali-

cuius sibi charissimè usum id secum deferri: Eius filius Philippus II. multo ante mortem tempore, defuncti cranium inter abacum habuit, nè mortis unquam memoriâ careret: contra quàm passim homines facere solent, qui Mortis memoriâ quantâ possunt diligentia à se abiciunt pessimo consilio: Sic itaque concludere. Cum se res sic habeat. Hoccine est prudentiæ Christianæ eo in statu vivere, in quo mori nō vis? quia enim diem nescis, vide quæ sit securitas, vel unum diem imparatum vivere? Et tamen quàm multis diebus vixisti in peccato? Si vocatus fuisses quid de te actum fuisset? At inquires captus non sum: Ita se res habet, sed capi potuisti: Id si fuisses, quo nunc statu esses? Sed inquires, non capiar? unde id nosti? Quia (inquis) nullus est dies certus mortis. Ô imprudens! nullus tibi certus, sed aliquis Deo certus est, & cum ille venerit, capieris: ad hæc, quia nullus tibi certus est, ideò omnis tibi incertus, & suspectus esse debet: Sed (inquires) quoniam incertus est non capiar fortasse? Sed fortasse capieris: Potes non capi, sed quia etiam potes capi, nescio an iudicio valeas, qui in re tanti momenti te exponas: In rebus humanis adeò prudens es, adeò sapiens, in istis autem quæ tanti sunt, quare vis tam imprudens? Sed quoniam homines in illâ incertitudine se tutos putant, propterea addidi ignorantioni mortis inopinatum adventum: quare nihil frequentius habemus in Evangelio: *Attendite ne superveniat in vos repentina dies illa: Vigilate itaque quia nescitis diem neque horam: Quàm sæpè minatur se*

N

ventu-

venturum instar furis? 2. Petri 3. *Adveniet dies Domini ut fur*: Et paulus, ad Thetlal. 5. *Ipsi diligenter scitis, quod dies Domini, sicut fur in nocte ita veniet*: Itaque Palchafius Abbas Corbeiensis lib. 11. in Matth. dies ultima, languenti animæ fur est, & latro: Ita Christus comparat mortem furi de nocte venienti: Item Domino revertenti & servos deprehendenti: Item spōso de repētē venienti: Item accipi, & laqueum iacenti, denique primo advētui in diebus Noë: & tam multas congerit parabolas ut hoc tantum persuadeat, *quā borā non putatis filius hominis veniet*: In quam rem te sic premo: Christus hoc discipulis & omnib⁹ denotat, se vitæ securos deprehensurum, ac repētē imparatos occupaturum: tu verò securus vivis, ac de morte non cogitas, igitur deprehendēris, idque de fide tibi certum esse debet, deprehendēris: ō stultam hominū imprudentiam! sic admonitos ita vivere sine cura: sine sēsul! Id verò satis patet experiētia, quotidie enim homines nec opinatō occupātur: Revoca in memoriam tuorū, nec consanguineorū, vel cognatorum amicorū mortē: Nec tamē quisquā vel proximorū, vel suorū exemplo, vel Christi tam iteratā admonitione sit sapiens: Quid igitur inde concludas nisi quod dicitur Marci. 13. *Vigilate ergo ne cum venerit repēntē, inveniat vos dormientes*: *Quod autem vobis dico, omnibus dico, vigilate*: Hoc autem quid est, nisi ut quotidie paratus vivas: Conde testamentum; si quid habes restituendum restitue, si pondum potes, scribe, ut si occuperis, id faciant hæredes: si peccasti mortaliter, Sol non occidat non tantum super iracundiam, sed nec

suprà quodlibet peccatum: cavenē inimicitias conserves, sed statim reconciliare fratri tuo: *Quod autem vobis dico, omnibus dico, vigilate*: Etenim si repēntē interroget, quis respondebit ei? Quid enim deprehensus, de vitā tuā, de statu tuo, Deo iudici atque interroganti poteris respondere? Dicitur Benlyræ; dies brevis & opus multum.

3. Circa mortem consideratio, est de statu in quo mors hominem ponit: cum hominem dico, corpus & animam intelligo, nam cætera bona externa sunt, nec sunt in homine, quamquam paulatim ipsa te deserant, opes, voluptates, consanguinei, amici: cum enim bona sint huius vitæ, illā præteritā tuā esse desinunt, & ad alios transeunt, sicut milites perfidi, qui ad hostes deficiunt, in quo vides magnam rerum vanitatem, & inconstantiam: Sed de homine mihi est sermo, hoc est de corpore, & de anima: Quoad corpus attinet, mitto dicere quæ mortem præcedunt, morbi scilicet, dolores, & quædam ante mortem mors: Etenim in corpore hæc bona creduntur præcipua, sanitas, robur, pulchritudo, usus ipsius ad actiones naturales, animales, civiles, rationales, quæ omnia illo tempore concident: etenim mortem gravissimi morbi & dolores acerbissimi solēt præcedere, unde extinctio sanitatis, virium, pulchritudinis & usus corporis: vide quod toties tibi dictū est, hominem florē esse, scænum, & florē scæni, unbram, spectrum, & nihilum, unde de hominibus Theophilus ad Autolicum *sårkenoi, udēn éontes*, carnei, & nihili homines: sed illis missis quæ mortem præcedunt, in corpore mortuo triplex status spectari potest

Potest. Primus est statim ab animæ discessu, quo tempore tanta repente fit mutatio ut videatur esse quædam oculorum illusio Psalm. 72. *Veluti somnium surgentium Domine in civitate tuâ imaginem ipsorum ad nihilum rediges.* Cogita enim quid ante fuerit, & quid nunc sit: *versa est in ludii citrara mea, & organum meum in vocem silentium:* Cogita hycem quâ omnia vastantur, frondes, flores, fruges, omnis hortorum, camporum, agrorum, fluminum amœnitas, diceret aliam esse naturam: vide coopertos nive montes, flumina glacie alligata, dies conversos in noctem: cogita noctem obscuram, & tenebrosam, quâ non Sol modo sed astra omnia disparent: sed pejor est status cadaveris: vidisti aliquando urbem, aut provinciam ab hostibus direptam, mœnia disiecta, eruta fundamenta; hic passim, atque illic jacere rudera, vias impeditas, convulsas terras, nullo ordine sparsa saxa, ligna, reſta: imaginem habes corporis mortui: vide intena, vide externa, omnis illa harmonia, ðnis species, omnis color, omnis motus, omnis actio, omnis usus periit, non oculi vident, non aures audiunt, non movent se manus, neque pedes, non lingua loquitur non cor palpitat, nullum discrimen à saxæ aut buxæ figurâ, nisi quod cadaver deformius est, atque horribilius:

2. Status, est prima putrefactio de quâ job loquitur. *Putredini dixi pater meus. Mater meâ, & soror mea vermibus.* Item *habitent in tabernaculo ipsius socii eius qui nō est: Isaiæ. 14. Detraha est ad inferos superbia tua, concidit cadaver tuum, subter te sternetur tineæ, & operimentum tuum erunt vermes:* Quis exhibeat fatiscentem paula-

tim fabricam corporis, liquatam in sordidum liquorem, & tabem, carnem, educto calore, livescentem primum tùmſcædo flore sparsam, tùm fluentem, tùm vermibus innumeris scaturientē, & in fœtidum vaporem abeuntem? parco auribus vestris, parco oculis, parco naribus, pudet naturæ nostræ verecundiam, atque dedecus aperire: rectèque iam suprâ diximus ex Nysseno sepulchra esse naturæ nostræ myſteria, atque Sacramenta, quasi ea revelare pudeat, ac sit nevas: Hoc tantum nihil ferè esse in naturâ fœdus, nihil horribilius, quàm humani cadaveris putrefactio-nem. Quid dicam sæpe illo odore infectas fuisse urbes, Provincias peste fœdatas, totumque aërem? Hoc statu si mulierem spectet, quis non obſtupescat, quis non horreat, quis non abominetur? hic finis pulchritudinis, hic amorum exitus, hoc libidinis cœnum. Pudeat homines ob rem adeo abominandam, pulchritudinem æternam despiciere! Pudeat mulieres Christianas corpus tantæ fœditati reservatam sic ornare, sic amare, sic colere, sic nutrire! Quàm vos prudentiores qui rem ita vilem negligitis, qui corpori non parcitis, qui vexatis!

3. Status, est ultima putrefactio, reductio in pulverem, atque cinerem, quæ in quibusdam tardius, in aliis celerius, si fed quam nemo effugiet, ac licet ea putrefactio minus habeat horro- ris, quàm prior: maior tamen est corruptio, quoniam maior esse non potest, nec in peiorem statum reductio: ecce quò redigetur humana omnis magnitudo. Tâ parvus cinis Hercules est: hūc ille decrevit gigas: hic tūmulus illi est

Ecce vix totam Hercules complevit urnâ: Job. 13. *Memoria vestra cōparabitur cineri, & redigētur in lutum cervicē vestræ.*

Iam cineres capiti admove & debitam trahē consequentiam, & ex composito antecedente, quid iustus inferre potes; quā quā ratione corpus tuum trahiare debeas. Hinc oritur generosa corporis mortificatio, & carnis contentus: pudeat homines vefanos, sic in corpora exardescere, pudeat tantum dedecus sic profequi, pudeat carnalem hominem sic in cœno & carne volutari: hinc originem habeat propudium, atque dedecus libidinis, quā non alio nomine vocare potes, quā furem, quā rabiem, quā insaniam: quā multos habes tuæ libidinis acculatores, quā multas condemnationes? Quid sic ardes, quid sic vresis, quid inflammaris? Quidam mulierem cōcupierat, de mortuæ carnis partem abscidit, quoties ardebat libido, toties putredinem naribus adhibebat, & eorum exemplo, qui morsui Scorpionis, ipso Scorpione medentur, ipsa carne, carnis putulantiam represcit.

Iam sicut in corpore mirabilem mutationem mors efficit ita etiam in animâ. In qua tria considerare possumus: Intellectum Voluntatem, Passiones, nā licet passiones propriè dictæ, sint in corpore, quoad corporalem immutationem, tamen quoad principium actionum, sunt in animâ, & in illâ sunt actus respondentes actibus, & mutationibus passionum.

Primo itaque ratione intellectus, fit ingens mutatio ipse in morte. In primis in eius obtenebratione significatâ per cinerem, tū quoad lumina super-

naturalia, tū quoad naturalia, perturbatâ imaginatione, arescentibus spiritibus, & speciebus abeuntibus: Deinde in qualitate cogitationum, quas non nisi horrendas habebit, de suo corpore, de vitâ præteritâ, de statu præsentē, de imminente exitu, de demonibus, de Deo irato. Id expressum ab Ecclesiaste; cap. 8. *Nec finitur quiescere ingruente bello:* An hoc bellum intentat Deus indutus lorica iustitiæ, atque universâ iudiciali panopliâ circumdatus, armans creaturas ad ultionem inimicorum: an est mors ipsa, cui non in eleganter tribuitur persona Regis & Tyranni, uti significatur Job. 18. *Calceat super eum, quasi Rex interitus:* an denique diabolus cuius invidiâ mors in hominē dominatur: hic autem hostis hominum insensibilis sub extremum vitæ maxime oppugnat, quem etiam Hugo ait ex S. Bernardo & Martino, morientibus assistere in formâ visibili: de qua re severè, & graviter Ephrem to. 3. sermone in eos qui in Christo obdormierunt. ubi de hominis moribundi statu sic loquitur. Repente constringitur lingua, immutantur oculi, cōcutitur mens, quādo Dominicæ copiat, atque satellites advenerint, atque apprehenderint, &c. Et post pauca. Ecce verè exercitus celestis, ecce potestates æternæ, ecce figure formidabiles, illi qui solus tremēdus est: ecce ministri fortes illi, qui soli fortis est: ecce fortes Dei fortis: ecce forme terribiles, atque horrēdæ: ista tunc, qui abripit, solus videt, nos verò nū intuetur amplius, sed ad præsentēs potestates stupefactus extra se rapitur. Quod autem non sinatur quiescere moribundus in eo prælio, idem ibid.

paulo

paulo post præclare exponit. Non vides apud fratres morientes, animamque agentes, quibus affidemus, quam terribilia tunc eis accidere cernantur? quo pacto corripantur, quo pacto perturbentur, & quo pacto suspirent? Non aspicias eo sudoribus frigidus, & sudore plenos instar messorū in agro: Quomodo oculos huc illucque retorquant? quomodo alij dentibus strideant? quomodo obstupefiant, & expavescant, tumultuarieque agant? Et quo pacto multi etiam capillos suos eveliant? quo pacto ex lecto exiliant fugere volentes, licet nequeant; videntque ea quæ nunquam prius viderunt, & audiunt à potestatibus quæ nunquam antea audierunt, & patiuntur quæ nunquam alias passi sunt, quærentes qui eos redimat, & nemo. est qui liberet: requirentes socios, & nemo adest qui comitetur, requirētes advocatos & patronos, & nemo, qui adsit. Quos aspicientes tunc contremiscimus, & plan-gimus, tenentesque eorum manus, salutamus, atque complectimur, lacrymis irrigantes, sudorem vultus detergimus, & oculos eorum & siccam linguam æstuantem aquâ madefacimus, atque refrigeramus: aurem nostram eorum admovemus, ut tenues saltem atque subtiles ipsorum voces exaudiamus: Alia plura omitto de re eadem. Deniq; tunc in intellectu longè diversum est iudicium: quod induit de suis rebus, de bonis externis, de omnibus creatis, de ipsâ æternitate, quàm cum esset in corpore. Quàm vana esse deprehendit, & nullius momenti, quæ tanti ducebat, famam, honorem, pulchritudinem, voluptatem, delicias: Quanti ea

ducet quæ negligebat: Quàm aliter de Deo sentiet. Nabuchodonosor turbatâ quondam imaginatione, cum se bovem putaret, herbas comedebat, & ut loquitur Scriptura: *Fœnum sicut bos comedes, & cum fœno habitatio tua.* Sed sibi redditus suum illud factum exhorruit: Quibus per præstigias oculi fascinatûr, innumera se putant videre, ubi sublato fascinum, omnia alia vident: fuerunt qui crederent se in mensa sedere, atque apparatusissimas epulas consummere, qui postea deprehenderunt se fuisse deceptos. Eodem modo cum anima in corpore manet, fictio decipit ipsam, ut ait Sapiens capite 6. *Fascinatio enim iugacitatis obscurat bona, & inconstantia concupiscentiæ transvertit sensum sine malitia.* Sed sublato corpore, cum anima res uti in se sunt, intuetur, tum obstupefuit se fuisse deceptam.

Secundò, quoad voluntatem tanta fit in ea mutatio, ut mutetur in rerum omnium odium, atque aversionem; nam in eâ exutâ corpore, ubi illa periiit titillatio, evanescit rerum creatarum amor, & eius loco remanet naturale pontus, atque inclinatio vehementissima, atque incitatissima in Deum, ut in suum finem, quæ sublato corporis impedimento, tantâ vi eam rapit, ut retineri non possit, quin sese fini illi uniat; sine vehementi quadam obstentia; & proinde afflictione, & gravissimâ molestiâ, in quam de facto incurrit, quando ob mortalis vitæ imperfectiones ab illa unione impeditur. Quod si illa impedimenta æterna esset senserit, vehementissimo sese dolore torquet, & miserum in modum discruciat: ubi illa vota, ubi desideria, ubi

teneri illi amores, oscula, complexus, gaudia, cōplacentiæ, risus? hæc omnia præterierunt : non nisi tristitia, mœror, timor, acerbitas, odium, ira, furor, desperatio. Redeunt omnes voluntates quas habuit, liberæ & non liberæ, inter quas quot sunt contrariæ, à quibus in varia discerpitur? quàm multæ indecentes, & indignæ? atque illæ ipsam affligunt: quàm multæ inutiles & vanæ? & illæ contristant, solumque mœrorem relinquunt? quàm multæ sunt obscenæ? & illæ non nisi pudore afficiunt: quàm multæ crudeles? & illæ amaritudinē replent: quàm multæ sunt iniustæ? & illæ condemnant: quàm multæ contra Deum? & illæ disturbant, atque dissipant. Jam illæ quæ ad præsentē statum attinent, sese offerunt, & illæ mirabiliter eam exagitant, cō usque ut soli supplicio se destinet.

Tertiò ac ultimò, quoad passiones attinet, quemadmodum tempore tempestatis non nisi adversi venti flant, & fluctus excitantur, ac mare irritatur; ita tunc gravissimæ oriuntur passiones. Rem apprimè Dorotheus exponit in doctr. 12. ac repetit ex Evagrio, ubi docet, in variis vitæ occupationibus animam à suis passionibus advocari, atque abstrahi, dum comedit, dum ambulat, dum agit cum amicis, dum varia

intuetur ac percipit: sed cū in morte sensus erunt sopiti, ac secum anima habitare cogetur sola cum suis passionibus; tū demum earum violentiam sentiet, ita ut disturbata atque incensa ab earum molestia, deductaque & dispersa per varia, non possit Dei meminisse: hic aliquando cupiditatem sensisti, quanta tunc erit? sensisti aculeos doloris, tunc scies quid sit dolor, & desperatio: iram ignorasti, usque ad illud tempus, & animi impatientiam. Quid dicam de timore, qui gravior erit quolibet tormento? Denique tunc omnes passiones insurgent, *quando lucerna impiorum extinguetur*.

Hic cineres admove capiti, & dignè hoc toto discursu elice conclusionem: nempe ut quoniam ad hæc omnia ingentes & gigantes vires requiruntur, videas num illæ tibi adsint ad hæc omnia ferenda. Certè si sola harum rerum cogitatio te terret, quantò magis præsentia, & ipsa experientia? Quid agimus, Auditores, quid in nugis huius vitæ immoramur, nec ad ista nos præparamus? Hæc omnia unumquemque manent, nemo liber: nemo eximitur:

Verè beatus qui semper hanc horam ante oculos habet, verè miser qui non habet, &c.



FERIA QUARTA CINERUM,

CONCIO QVARTA, DE CINERIBUS.

De Benedictione Cinerum, & cur initio Quadragesimæ.

Memento homo quia cinis es, & in cinerem reverteris.

QUOD olim Deus Jeremiæ in cap. 19. præcepit, idem hodie mihi à Deo mandatū intelligo. *Hæc dicit Dominus, vade, & accipe lagunculam signi testam à senioribus populi, & à senioribus Sacerdotum, & egredere ad vallem filij Ennom, quæ est juxta introitum portæ fidei, & prædicabis ibi verba quæ ego loquar ad te,* scilicet, ut dicebam 1. concione, & repetere placet, utpote dignum memoria, Jeremiam multa & miranda locuturum ad populum impium convertendum, amandavit in vallem filij Ennom per portam fidelem, seu sterquilinij, ut ibi cætu facto concionaretur, & testaceum vas, quod manu gerebat, in omnium oculis frangeret: Vallis Ennom locus fuit in quo sepulchretum, unde Septuaginta Interpretes vertunt Polyandrium, hoc est, ex usu Ecclesiæ, cœmeterium: Eo vocantur Hæbræi, ut communi tumulo cōsiderato, novissima sua in inemoriam revocent: ad idē iuvabat vicinæ portæ intuitus, quæ vocatur sterquilinij, & vas victile Jeremiæ manu fractum, ut scirent se brevī in pulverem ac lutum redactos,

proijciendos in sterquilinium: sed vide plura in una voce mysteria; etenim vallis ennom significat, ut ait Sanctus Hieronymus, vallem gratiæ: Hebræum enim Hanan est, gratis dari, à quo ductum nomē Ennom gratiam significat: vel significat vallem eiulatus à verbo Naham, rugire & eiulare: ut scias novissimarum contemplationem sæpe multos commovere, ac lacrymas ciere, & eiulatus: sed subito commutantur in vallē gratiæ; quia Deus solet esse propitius lacrymis. Certè nihil est expressius hac figurā, ut significetur quod fit in Ecclesia: quia Concionatores mittuntur in vallem Ennom, ut ibi populum congregent; nam cōciones initium habent à cerimonia cinerum, & prima Ecclesiæ concio est: *Memento homo quia cinis es, & in cinerem reverteris*: quod cum vobis explicio, quid aliud est quàm vas fictile vobis præsentibus frangere, ac vos deducere in vallem filij Ennom per portam fidelem, seu sterquilinij? Quod vobis faventibus aggredior, ac ne diutius vos morer, postquam ceremoniam cinerum attentius, ac diligentius perpendi; nil verius existi-

existimavi, quàm si dicerem hanc omnē ceremoniam nihil esse aliud, quàm propositum nobis ab Ecclesia mortis sacramentum; nam si B. Gregorius Nyssenus orat. de Beat. appellat cœmeteria, naturæ nostræ, seu infirmitatis nostræ mysteria, atque sacramenta, multo magis hanc ceremoniam dicere possum naturæ nostræ, seu mortalitatis nostræ sacramentum. Sed quoniam longum esset omnem huius sacramenti naturam evolvere, & quia id aliàs à nobis ulterius factum est, duo tantum explicare agredior. Primum est, cur priusquàm cineres in caput singulorum iaciantur, benedicuntur peculiari benedictione: alterum, cur ea ceremonia initio Quadragesimalis jejunii fiat.

Circa primum caput, cur cineres benedicantur: Certum est in omni sacramento esse aliquem ritum sacrum, & aliquā intervenire benedictionem: cum itaque in hac ceremonia dixerim contineri quoddam mortis sacramentum, nihil mirum est si in usu sit aliqua benedictio. hoc dictum in communi, quæ sequuntur peculiariter sunt, & huius ceremoniæ propria.

Prima itaque ratio petitur, ut impleatur figura veteris Testamenti, Numer. 19. ubi post descriptum sacrificium vaccæ rufæ, cuius omnes partes comburebantur, pellis etiam, & simus, subditur: *Colliget autem vir mundus cineres vaccæ, &c. ut sint multitudini filiorum Israël in custodiam, & in aquam asperfusionis.* In quā rem, ut diximus nuper, sic philosophatur Philo ludæus libro de offerentibus victimas. Cæteri ferè omnes, (inquit) aquā lustrantur, marinā plerique aut

fluviali, aut è fontibus petiti: At Moses cinere præparato, è sacri ignis reliquiis, de hoc nonnihil sumptum iubet in vas infudi, ac deinde aquam; tum hyssopi ramo in hac temperatura tincto lustrandos aspergi: cuius rei significatio hæc est; admonet eos qui ad Deum cultum accedunt, ut ante omnia seipsos noscant, & suam essentiam; nam quisquis seipsum ignorat, quī potest summam illam & excellentissimam Dei potentiam percipere? Est igitur nostra, quantum ad corpus, essentia, terra & aqua, id quod docemur hac purificatione, quando hoc ipsum creditur ad purgandum utilissimum nosse seipsum: ex quibus, & quàm nihili rebus constemus, ex aqua & cinere; nam hæc repræsentatio confestim arrogantiam insidiatricem animo eximit, simulque superbiam: atque ita Deum homini conciliat in sensum huiusmodi vitiis, &c. Itaque asperfusionem hac sic excitamur, & tangimur, quasi hæc ipsa elementa, terra & aqua nos appellent in hunc modum: Nos sumus vestri corporis essentia: ex nobis natura, id est ars divina, contemperatis, effinxit humanam speciem: ex nobis compacti proditis in lucem, in nos rursum solvendi post obitum: nihil enim in nihilum recedere natura patitur; sed unde est initium, eodē finis redit. Hæc ille.

Secunda ratio est; quia cum triplex esse possit mortis cōsideratio, una philosophica & naturalis: altera prophana & impia: Tertia religiosa & Christiana: hinc docemur, repudiandam esse impiam, non sufficere philosophicam: tertiam itaque exigi à nobis sacram & religio

religiosam, unde cineres sacri, & consecrati nobis exhibentur. Age enim hæc tria hominum genera audiamus de morte differentia. Vis Philosophum: multa quidem ille præclare diiseret, sed omnes suas considerationes, & consequentias præfenti hac visâ, & sæculo includet.

Primo ager de mortis necessitate. Seneca de Naturalib. quæstionibus cap. 32. Mors naturæ lex est, mors tributum, officiumque mortalium: Et in Consol. ad Polyb. capite 22. Diutius accusare fata possumus, mutare non possumus: stant dura, & inexorabilia, nemo illa convitio, nemo fletu, nemo causâ movet, nihil unquam parcunt ulli, nec remittunt; unde sequitur non esse timendam, cum certa sit, & inevitabilis: immo hac conditione vitam accepimus, ut redderemus: Et epistolâ 77. Tu nescis unum esse ex vitæ officiis mori: nec mirum; nam ut ait in Consol. ad Polyb. Quidquid cœpit, & definit. Et epist. 30. Vivere noluit, qui mori non vult: vita enim cum exceptione mortis data est, ad hanc itur, quam idem timere dementis est, quia certæ expectantur, dubia metuuntur: mors necessitatem habet æquam & invitam. Itaque universum illud quod videmus, aliquando peribit. Et eadem quæ supra 77. Eat nunc aliquis & singulas cōploret animas: Carthaginis ac Numantiæ, Corinthique cinerem, & si quid altius cecidit, lamentetur. Eat aliquis, & fata tantum aliquando nefas aulura, sibi non pepercisse conquærat: Sic Augustinus videns Hipponem civitatem à Wandalis capi, hæc se cogitatione solatur: non erit magnum, magnum

putans, quod cadunt ligna & lapites, & moriuntur mortales.

Secundo, de mortis facilitate ac celeritate: de qua sic hominem affatur Deus apud eundem Sen. libro de providentiâ, c. 6. Ex omnibus rebus, quas esse vobis necessarias volui, nihil feci facilius quam mori: prono animam loco posui, trahitur: Non tam longas in exitu vobis quam in trantibus moras posui. Corpora opima taurorum exiguo concidunt vulnere, & magnarum virium animalia humanæ manus ictus impellit. Tenui ferro commissura cervicis abruptitur, & cum articulus ille, qui caput collumque committit, incisus est, tanta illa molas coruit. Non in alto latet spiritus, nec utique ferro eruentus est: non sunt vulnere impresso scruta præcordia. In proximo mors est. Non certum ad hos ictus destinavi locum: quacumque pervium est: ipsum illud quod vocatur mori, quo anima discedit à corpore, brevius est quam ut sentiri tanta velocitas possit, &c. Quidquid est, properat. & quid erubescitis: quod tam citò fit, timetis diu?

Tertio, de eius cōmunitate: Idem epistolâ 30. quis queri potest in ea conditione se esse, in qua nemo non est: prima enim pars æquitatis est æqualitas. Et epist. 77. Eo ibis quò omnia eunt. Quid tibi novum est? ad hanc legem natus es. Hoc patri tuo accidit, hoc matri, hoc maioribus, hoc omnibus ante te, hoc omnibus post te. Series in victa & nullâ mutabilis ope, illigat, ac trahit cuncta, quantus te populus moriturum sequetur, quātus comitabitur!

Quarto de eius contemptu, Nam ad
O sunt.

summum mors facit non esse: quā de re pulchrē Idem epist. 77. Nonne tibi videbitur stultissimus omnium qui fleverit, quod ante annos mille non vixerit: æque stultus est, qui flet, quod post annos mille non vivet: Hæc paria sunt, non eris, nec fuisti; utrumque tempus alienum est: addo quod vita non magni est æstimanda, itaque neque mors magnopere timenda. Non est res magna vivere, omnes servi tui vivunt, omnia animalia: non igitur magnum erit rem ad eō vilem amittere.

Quinto de eius optabilitate. Idem in Consul: ad Martianum cap. 19. Mors omnium dolorum, & solutio est, & finis: mors optimum naturæ inventum; omnibus finis, multis remedium, quibusdam votum. Et epist. 24. Mors nos aut consumit aut emittit, emissis meliora restant, onere detractō, consumptis nihil restat. Et epist. 65. Mors quid est? aut finis est, aut transitus: nec desinere timeo: idem est enim quod non cœpisse, nec transire, quia nusquam tam angustē ero: ac si nihil esset aliud, certē nos à vitæ fastidio liberaret. Et epist. 24. Quosdam subit eadem faciendū, videndique fatietas, & vitæ non odium, sed fastidium. Quousque eadem? nempe expergiscar, dormiam, fatiabor, esuriam, algebo, æstuabo: nullius rei finis est, sed in orbem nexa sunt omnia, fugiunt, ac sequuntur: diem nox premit, dies noctem, ætas in autumnum desinit, autumno hyems instat, quæ verē compefcitur. omnia transeunt ut revertantur: nihil novi video, nihil novi facio. Fit aliquando & huius rei nausea: multi sunt qui non accerbunt iudicent

vivere, sed superfluum. Et epist. 77. Cogita quādiu iam idem facias, cibis, somnus, libido, per hunc circulum curritur. Mori velle non tantum prudens, & fortis, & miser, sed etiam fastidiosus potest.

Hæc & alia plura, sed non altiora de morte Philosophus naturalis & moralis diceret; verum hæc omnia non ultra vitam præsentem, & consequenter hoc sæculo omnia includuntur; quare vera quidem illa esse dixi, sed non sufficere.

Alterā dixi mortis considerationem planè prophana, qualis ferè est in atheis & irreligiosis hominibus, qui mortē non aliter considerant, quam ut totalē hominis extinctionem, de quibus dicitur Sap. 2. *Dixerunt enim cogitantes apud se, non redē.* Duo scilicet in illis damnat: imprimis perversam mortis considerationem: deinde malam consequentiam; quos proinde Sapiens coarguit: primo ignorantia & stupiditatis: 2. summæ imprudentiæ, ac temeritatis: tertio damnandæ & horrendæ impietatis. vide ignorantiam ac stupiditatem, quoniam humanam cōditionem ignorant, quam similem belluis faciunt, dū dicunt mortalem; nam si in hac vita tantum sperantes essemus, non tantum reliquis hominibus miserabiliores essemus, sed etiam brutis animantibus: sed vide quo ipsi fundamento nitantur. Primo, quia vita hominis, & brevis est, & variè vexata: *Exiguū, & cū tanto est tempus vite nostræ.* Secundo, quia mors est inevitabilis: *Et non est refrigerium in fine hominis.* Vatablus, non est remedium contra obitum hominis. Tertiō, quia nemo

est rever-

est reversus ab inferis: *Et non est qui agnitus sit reversus ab inferis.* Quarto, quia ortus, & interitus sunt similia; orti sumus ex nihilo, igitur in nihilum erit relapsus: *Quia ex nihilo nati sumus, & post hoc erimus quasi non fuerimus.* Quinto, ex qualitate vitæ nostræ; nam est exigua flamma in corde accensa, unde eius motus, & fumus huius flammæ est respiratio: sed exstinguetur flammula, nihilque remanebit nisi cinis in corpore, & spiritus in aërem, ut alius omnis status diffundetur; *quoniam sumus status est in naribus nostris, & sermo scintilla, & res est scintilla, ad commovendum cor nostrum, quæ extincta, cinis erit corpus nostrum, & spiritus diffundetur tanquam molis aër, & transibit vita nostra tanquam vestigium nubis, & sicut nebula dissolvitur, quæ fugata est à radiis Solis, & à calore illius aggravata.* Quibus moti rationibus, putant hominis animam esse mortalem; sed ut ait Sapiens: *Hæc cogitaverunt, & erraverunt.* Quoniam scilicet mortalitatem animæ colligunt ex mortalitate corporis; unde subdit Sapiens: *Et nescierunt sacramenta Dei, neque mercedem speraverunt iustitie, nec iudicaverunt bonorem animarum sanctarum.* Magna eorum cæcitas, tum circa revelata; ut sunt Incarnatio, Christi Resurrectio, ex qua Augustinus serm. 120. infert cæterorum resurrectionem, & animarum immortalitatem: tum circa principia moralia: quæ naturaliter cognosci possunt, ut quod iustitiæ debeat præmium; & pœna in iustitiæ: tum circa conclusiones, quæ inde trahi possunt; ut quod Iustorum animæ, licet multa in hac vita patientur, magnis post illam honoribus afficientur. Denique circa veram

causam mortis, de qua subdit: *Quoniam Deus creavit hominem inextinguibilem, & ad imaginem similitudinis fecit illum: invidia autem diaboli mors introivit in orbem terrarum: imitantur autem illum, qui sunt ex parte illius:* quia scilicet ut ille homines peremit, ita isti volunt homines perimere.

Secundò coarguntur summæ imprudentiæ & temeritatis; quia in negotio tam gravi rei periculosissimæ se exponunt, levissimis moti rationibus, uti videre potuistis. Nam quòd vita sit brevis & ardua, 2. quòd interitus sit, aut difficilis, aut inevitabilis, quæ probatio est animæ esse mortalem? 3. Quod nemo ab inferis redierit, falsum est; & ut ait Augustinus serm. 120. de diversis: *stulte, si pater tuus resurgeret, crederes? Dominus omnium relexit, & non credis? unde enim ita voluit mori, & resurgere, nisi ut omnes uni crederemus, ne à multis deciperemur?* Et quid faceret pater tuus, si resurgeret, & loqueretur, iterum moriturus? attende cum quanta ille potestate resurrexerit, qui jam non moritur, & mors ei ultra non dominabitur. 4. Malè ortus & interitus comparantur, melius ita comparare poteris, si dicas, qui potuit dare esse cum non haberetur, poterit conservare quod dedit. Denique quid tu vitam corporis æstimas totam hominis vitam? ut scias temerè te rem tanti momenti definivisse tam levibus rationibus, cum tam multas in contrarium rationes habeamus, & cum tantum adsit malè de ea re sentiendi periculū. Nā ut quidā argutè philosophatur apud Oikot. lect. 16. cap. 4. distinct. 43. quæst. 2.

Si mortalis est anima, nullum infligitur supplicium credentibus immortalibus: si vero immortalis est, qui credunt mortalem plebentur magno supplicio: præstat igitur immortalē credere.

Tertiō coarguuntur impietatis; quia si animæ sint mortales, nulla est providentia; si nulla providentia, neque Deus est aliquis; hæc enim connexa sunt, ait Tullius; unde ex hac opinione, facilis ad Atheismum transitus: sicut itaque fides de animæ immortalitate ad religionem pertinet, uti de fide resurrectionis corporum scripsit Apostolus: ita negatio eiusdem impietate generat.

Egimus de malo antecedente, vide impiorum peiorem consequentiā: Sap. 2. *Venite ergo, & fruamur bonis quæ sunt, & utamur creaturâ tanquam in iuventute celestiter* (id est strenuè & graviter nihil prætercundo) *vino pretioso & unguentis nos impleamus, & non prætereant nos flos temporis: coronemus nos rosis antequam marcescant, nullum pratum sit quod non pertransseat luxuria nostra: Nemo nostrum exors sit luxuria nostra: ubique relinquamus signa lætitiæ: quoniam hæc est pars nostra, & hæc est fors nostra, &c.* Quasi dicerent sibi largiter utendum vitæ bonis & comodis: quasi non alia præter hæc sint bona, nullaque altera vita: sic apud Isaiam cap. 22. loquuntur: *Comedamus, & bibamus, cras enim moriemur.* Quæ consequentia? quæ conclusio? non aliter bos disliceret, si posset; non aliter asinus. Utinam verè cogitarent, exclamat Augustinus serm. 120. de diversis, se cras esse morituros: quis enim tam demens, atque perverfus est, quis tam hostis animæ suæ, qui crastino die moriturus, non cogitat

finita esse omnia propter quæ laborat? sic enim scriptum est: *In illa die peribunt omnes cogitationes eiu.* Et si homines propter eos quos hîc relinquunt, testamenti curam gerunt, imminenti die mortis suæ, quanto magis debent de anima sua aliquid cogitare? Cogitat homo quos relinquat, & se qui hæc omnia relinquit, non cogitat. Ecce habebunt filij tui quod dimittis, tu nihil habebis: utinam ergo esset cogitatio de morte. Et ipsa hoc novit impietas, & dicit: *Comedamus & bibamus, cras enim moriemur.* Sed quàm melius ait Augustinus: oremus & jejunemus, cras enim moriemur. Sic enim Isaias capite 22. *Et vocavit Dominus Deus exercituum in illa die ad fletum, & ad plandum, ad calvitiū, & ad cingulum sacci: & ecce gaudium & lætitia, occidere vitulos, & jugulare arietes, comedere carnes, & bibere vinum: comedamus & bibamus, cras enim moriemur.* Certè in morte plandus & afflictio; hoc in more omnium hominum, ex mortis cogitatione naturaliter sequitur luctus & tristitia: impius autem inde trahit luxum & tripudium: ubi mens? ubi sensus? Quia (inquit) si mors omnia finit: saltem dum licet, bonis utamur. Sed si non omnia finit mors, quanta tua erit deceptio, ô impie? Sed verò etiam (ais) si mors omnia finit, quanta fuerit vestra quoque deceptio? Ita ne verò nos paribus decertamus armis, & quod assero, quod credo, tam incertum est, atque dubium, quàm quod credis? At quibus tu niteris fundamentis? certè sutilibus, ambiguï rationibus, atque incertis: ego verò innumeris oraculis, miraculis, rationibus, & probationibus;

Bus; unde Augustinus loc. cit. de diversis. Confirmata fides est, non solum in cordibus, sed etiam in oculis hominum; ascendit ille in cælum qui hæc demonstravit, misit Spiritum Sanctum discipulis suis, prædicatum est Evangelium: si mentitur hæc, interroga orbem terrarum: multa quæ promissa sunt, facta sunt; multa quæ sperabuntur, impleta sunt, in fide Christiana totus orbis viget, &c. Testimonium in cælo, testimonium in terra, testimonium ab Angelis, testimonium ab inferis: Quid remansit, quod non clamet? & tu dicis, manducemus, & bibamus, cras enim moriemur! Sed age, fingamus nos utrumque periclitari, nec me certiores esse, quam tu sis: age amabo, cuius maior est atque tutior prudentia, tua, an mea? Quid tu obiciis periculo, quid ego? tu æternitatem, ego tempus: tu res summas, ego res vilissimas; nam, ego deceptus sum; quamquam quomodo possum? sed fingamus in tui gratiam; cuius tantem rei feci iacturam? voluptatem, delictiarum, & an omnium? certe tantum illicitarum & probrofarum. Iterum, nulla sit altera vita; cuius nostrum melior atque optabilior erit vita? nonne casta melior impura? an non melior iusta eâ quæ est iniusta? nonne est melior temperantia intemperantiâ? & sic de cæteris: vel te iudice & approbatore? Vides itaque me non esse deteriori statu. Sed jam sortem inverte? Si ergo deceptus non sum, sed tu, quò tandem locores tuæ erunt? quò devenieris? quæ tua desperatio? *Nos insensati vitam illorum æstimabamus insaniam, & finem illorum sine honore, &c.* Ac vide an non sit mera stultitia ob rem nihili, &

fundamentum incertum, se rei tantæ, tamque gravi oblicere. Sed quid arguo stultitiæ, cum magna sit impietas? itaque ne leve crimen putares, postquam Ilaïas vocem impiorum attulit: *Comedamus & bibamus, cras enim moriemur.* Subiicit: *Et revelata est in auribus meis vox Domini exercituum: si dimittetur iniquitas hæc vobis, donec moriamini, dicit Dominus Deus exercituum:* hoc est, iuro quia non dimittetur vobis hæc iniquitas: etenim: ut ait ibidem Propheta: *Et vocabit Dominus Deus exercituum in die illa ad fletum & ad plandum, ad calvitium, & ad cingulū sacci: & ecce gaudium & lætitia.*

Supereſt itaque tertia mortis consideratio, nempe Christianorum propria, qui religioſe mortem intuentur; unde sacros cineres adhibet Ecclesia, ut ſignificet ſe mortem religioſe & ſanctè intueri.

Itaque 1. ſi mortis cauſam aſpicit, non tam cauſas naturales & externas attendit, quàm cauſam occultam ſolâ fide cognitam, ſecundum illud Sap. 2. *Deus creavit hominē inexterminabilem: invidia autem diaboli mors introiit in orbem terrarum.* Et illud Apoſt. Rom. 5. *Per peccatum mors, & ita in omnes homines mors pertransiit.* 2. Si qualitatem, novit eſſe finem vitæ mortalis, initium autem vitæ beatæ: quod quia ignoraverunt impij, reſtè ait Sapiens c. 2. *Nescierunt ſacramenta Dei, neque mercedem ſperaverunt juſtitiae, nec judicaverunt bonorum animarum ſanctarum.* Eodem modo qualcumque trahit conſequentias, illæ omnes pertinent ad religionem, uti præcedenti concione offendimus. Tu vide quam trahere velis.

Alius enim rerum omnium contemptum, & abdicationem elicit Job. 27. *Divus cū dormierit, nihil secum auferet.* Et Luc. 12. *Stulte hac nocte animam tuam repetunt à te, & que parasti, cuius erunt?* Pl. 48. *Relinquent alienis divitias suas:* Pl. 38. *thefaurizat, & ignorat cui congregabit ea.* Hieronymus epistolâ ad Cyprian. Qui se quotidie recordatur moriturum, cōtemnit præsentia, & ad futura festinat: Alius reconciliatur inimico, sciens hominis mortalis non debere inimicitias esse immortales. Ad hæc, si Sol non debet occidere super iracundiam; multo minus vita: denique cū reconciliatio fieri debeat intra vitæ terminum, si aliquis occupetur à morte, non valet excusatio coram Deo, quod fuerit deprehensus, postquam Christum admouit: *Vigilate, quia nescitis diem, neque horam.* Plura addi possunt ex mortis utilitatibus.

Huc usque diximus cur sacri cineres adhibeantur, illud alterum sequitur, ut videamus cur initio Quadragesimæ.

1. Ratio esse potest: quia mors & abstinentia eodem die nata sunt in Paradiso, nimirum ex Dei præcepto; ubi enim est præceptum, oportet sit vis coercendi; illa autem est potestas pœnam infligendi: ut autem primum præceptum fuit jejuniij: (unde Basil. oratione 1. de jejunio. Reverere jejunij canticum: tam vetus est, ut simul cum homine condito cœperit: in Paradiso præscriptum est: primum illud præceptum accepit Adam, ne de ligno scientiæ boni & mali ederet, hoc autem verbum, non edetis, jejuniij & abstinentiæ

lex est:) ita primum supplicium fuit mors, secundum illud, in *quacumque die comederis, morieris*: ideo de Adam scripsit Tertullianus libro de jeinijs capite 3. Salutem gula vendidit; manducavit denique & perit, salvus alioqui si uni arbutulæ jejunare maluisset. Bene igitur initio Quadragesimæ cineres, & abstinentia simul obiciuntur, ut memineris defectu abstinentiæ, mortem venisse, & remedium mortis, esse abstinentiam: Tertull. loco citato: Teneo igitur à primordio homicidam gulam, tormentis atque suppliciis inediæ puniendam; etiam si Deus nulla jeunia præcepisset, ostendens ramen undenam sit occisus Adam, mihi reliquerat intelligenda remedia offensiæ, qui offensam demonstrarat.

Secunda ratio, quia ex Sancto Hieronymo; hic est habitus penitentium, quod ut melius intelligatur.

Nota 1. cineris asperisionem in capite adhibitam in Scriptura, ad significandum dolorem suum, vel in propria, vel in aliena calamitate: in propria quidem 2. Reg. cap. 13. ubi sermo de Thamar oppressa & violata: *Quæ aspergens cinerem capiti suo, scissa talari tunica, impositisque manibus super caput suum, ibat ingrediens, & clamans.* In libro Ester cap. 4. de Mardocheo: *Scidit vestimenta sua, & indutus est sacro, spargens cinerem capiti.* Jeremiæ 6. dum invitat ad luctum; *Filii populi mei accingere cilicio, & conspergere cinere; luctum unigeniti fac tibi, plantum amarum, quia repente veniet vastator super nos.* Et cap. 25. *Ullulate pastores, & clamate, & aspergite vos cinere, optimatos greges.* Thre.

Threnorum 2. *Consperserunt cinere capita sua, accinſi ſunt cilicis. Ezech. 27. Clamabunt amarè, & ſuperiacient pulverem capitibus ſuis, & cinere conſpergentur.* In aliena quoque calamitate moris id fuiſſe conſtat ex Scriptura : ſic Ezech. 27. poſtquam Propheta prædixit vaſtationem Tyri, ſubdit quòd Magnates ipſius cinere ſe conſpergent ; nam pulveris aſperſio, eiſdem damni communicationem importat, quæ ſolatium quoddam miſeris afferre ſolet. Hac primùm ratione Jobum conſolabantur amici ; cùm enim eum vidiffent, ſciſſis veſtimentis, tonſo capite corruiffiſſe in terram, ac pulvere reſperſum dicere c. 1. *Nudus egreſſus ſum de utero matris meæ, & nudus revertar illic. c. 2. Ipi quoque exclamantes ploraverunt, ſciſſiſque veſtibus, ſperſerunt pulverem ſuper caput ſuum in cælum.*

Nota 2. non imodo in Scriptura, ſed etiam apud prophanos Authores, hunc morem fuiſſe uſitatum in luctu, & mœnore ſummo : Ita apud Poëtam de quodam duce.

Canitiem multo deformat pulvere.
Et id alijs paſſim.

Nota 3. Hinc tractam fuiſſe illam ceremoniam, ad ſignificandam & agendam pœnitentiam.

1. Quia pœnitentia graviffimus ſuit ; nulla enim pœnitentia ſine dolore ; dolor autem ille debet eſſe omnium maximus ; quia de ſummo malo, nempe de peccato : at nemo ſummo dolore tenere poteſt, quin foras erumpat, & inter reliqua ſigna ſuit illa cineris aſperſio : Hinc illud Jobi capite 42.

Ago pœnitentiam in favilla & cinere. Et Jonæ 3. ubi ſit mentio pœnitentiæ Regis Ninives, ſcribitur : Surrexit de ſolio ſuo, & abiecit veſtimentum ſuum, à ſe & indutus eſt ſacco, & ſedit in cinere.

2. Quia in pœnitentia tria petiſſimum ſpectantur : imprimis, ut Deus offenſus placeatur. 2. ut peccator puniatur. 3. ut homo à peccato removeatur : quæ omnia maximè iſtâ ceremoniâ complentur. Nam quoad primum attinet, ut Deus offenſus placeatur, id impetrat homo. 1. ex cognitione ſuæ infirmitatis, cujus ſymbolum favilla, & cinis : quaſi deprecetur veniam culpæ admiſſæ ex infirmitate. Ita Jobus capite 10. *Memento quaſo quòd ſicut lutum feceris me, id eſt, ex pulvere coagmentatum, & in pulverem reduces me.* Et cap. 30. *Comparatus ſum luto, & aſſimilatus ſum favillæ & cineri :* unde in fine hiſtorix excuſans culpam, ait : *Et ago pœnitentiam in cinere, & favilla.* Quaſi diceret, ſi non ob prioris vitæ delicta, at ſaltem propter loquendi imperitiâ, his plagis meritò afficior : ſi non ob ea quæ mihi adverſarij aſſingunt, at propter humanæ conditionis imbecillitatem ſedere in cinere, ac pulvere non recuſo. 2. cùm miſer mortalis homo, pulverem, vel cinerem capiti ſuo aſpergit, ſuam originem, & quid etiam de ſe futurum ſit, Deo ex alto proſpicienti oſtendit, quòd divinam miſericordiam erga miſerrimum, & pulverulentum hominem excitet ; nam ſolet miſeriæ oſtentatio ad miſericordiam incitare. Hoc validiſſimo argumento divinam opem Jobus implorabat : *Memento quaſo quòd ſicut lutum feceris me, & in pulverem reduces me.*

Hoc

Hoc etiam usæ sunt orationis rhetorico colore sanctæ mulieres Iudith, & Esther; de prima enim sic dicitur capite 9. *Iudith ingressa est oratorium suum, & induens se cilicio, posuit cinerem super caput suum, & prosteruens se Domino, clauabat ad Dominum, dicens.* De altera verò legimus cap. 14. *Pro unguentis variis cinere & fletore implevit caput & corpus suum humiliavit ieiunio, omniaque loca in quibus letari consueverat: crinium laceratione complevit.* Ita Iobus cap. 16. *Saccum consui super carnem meam, & operui cinere carnem meam.* Ita Ninivitæ Ionæ 3. *Et prædicaverunt ieiunium, & vestiti sunt sacis, &c.* Denique de Tyriis & Sidoniis affirmat Christus Matth. 11. *Si in illis factæ fuissent virtutes, quæ in Corozain, vel Bethsaida factæ fuerant, olim in cinere & cilicio pœnitentiam fuisset facturas.* Igitur ex vilissima sui origine, & ex fine atque exitu, in quem redigundus est, ostendit se indignum esse, in quo destruendo Deus ostendat potentiam suam: ita divinæ iræ obiiicit creatura propriæ abiectionis, & miseriæ assiduam meditationem. Iobus capite 13. *Contra solum quod vento rapitur ostendit potentiam tuam, & stipulam siccam persequeris.* Et cap. 7. *Ecce nunc in pulvere dormiam, & si mane me quaesieris, non subsistam.* Cum itaque peccator ostendit se Deo tanquam pulverem & cinerem, suam imbecillitatem Deo exhibet, ut qui sit *tanquam pulvis quem proicit ventus à facie terræ;* & à quo nihil propterea sit timendum. 3. Eâ ratione ostendit se eò redactum, ut iam peius tractari non possit, quod optime pulvere & cinere indicatur; duo enim mala, quasi cuidam urbi minatur unicui-

que Deus, incendium & ruinam. Ita Isa. iæ 30. *Auditam faciet Dominus gloriæ vocis suæ, & terrorem brachij sui ostendet in comminatione furoris & flammæ ignis devorantis, allidet in turbine, & lapide grandinis.* Sed contra hæc potentissima divini brachij tela, scutum, & galeam adinvenit humana miseria, nempe cineres, quos non ampliùs comburit ignis, & pulverem quem non comminuit turbo, neque cõterit grando, nempe nostri nihili consideratione. Ad hæc quid contra flammam devorantem meliùs ponas, quàm cinerem, qui ab igne non corripitur, cum sit totius succi, & pinguedinis expertus? contra turbine & grandinem collidentem, quid meliùs obicias, quàm pulverem, qui ulterius conteri, & collidi non potest? Ut igitur cinis ignem, & pulvis grandinem facile evadunt: ita Deum iratum facile effugiunt pœnitentes & mœrentes.

5. Eâ ratione pœnitentes se Deo exhibent tanquam mortuos, & in pulverem redactos, ut sic divinam clementiam, atque misericordiam alliciant, quæ non patitur, ut in mortuos sæviatur.

Denique uti advertit Pineda in caput 32. Iobi: sicut igne & aquâ ita etiam aspersione terræ & cineris, criminum purgationis fiebat: quare paricidium quasi crimen inexprabile, terrâ carere voluerunt, ut scribit Clemens Alexandrinus 3. pædag.

Quoad secundum quod spectat peccatoris penam, non dubium quin eâ ratione puniatur.

1. Quia sic abiicitur quidquid ad delicias pertinet. Quare fermè cineres & ci-

& cilicium conjunguntur in Scriptura Judith. 4. *Præcincti ciliciis offerebant sacrificia Domino, & erat cinis super capita eorum.* Et in libro Esther capite 4. de aliis Judæis : *Sacco & cinere multis prostrato utentibus.* Lucæ 10. *Olim in cilicio, & cinere sedentes pœniterent: & alibi passim.*

2. Quia sic anima humiliatur, dum eò se redactam agnoscit, quasi nihil sibi superesset, nisi de incendio cinis, quò omnis sua gloria redacta sit. Sic illa apud Tragicum : Complete manus, hoc ex Troja sumpsisse licet. Et quidem anima, quæ spiritus est immortalis, in pœnam lumere potest, & debet videre se junctam corpori perituro: nec meretur parum, si id ex sensu humilitatis Christianæ patitur.

Quoad tertium, nempe hac ceremoniâ hominem à peccato removeri, jam antea diximus; nempe ob mortis memoriam: Nam ita indicat homo se consimili statu esse, quo mortuos, & redactos in cinerem, ac favillam; quare non alio habitu se Deo conspiciendum præbet, quàm sub cinere, sub pulvere, sub favilla: cum itaque pœnitentiæ agendæ præceptum nobis sit impositum, & in vita nullum sit tempus determinatum, hoc nobis determinat Ecclesia in Quadragesimâ; atque ut illud indicet, nos ipso initio, & quasi à janua, habitu induit pœnitentiæ, dum cineres capiti imponit. Hinc in Epistolâ, verba Ioël Prophetæ usurpat, *Convertimini ad me in toto corde vestro, in jejuniis, & in fletu, & in planctu, & scindite corda vestra, & non vestimenta vestra, &c.* Egre diatur sponsus de cubili suo, & sponsa de thalamo suo, inter vestibulum, & altare plora-

bunt Sacerdotes ministri Domini, & dicent. *Parce Domine, parce populo tuo.*

Quæ cum ita sint, Auditores, in quale tandem tempus pœnitentiam differimus, cum non jam consilij sit, sed necessitatis. Ecce nunc tempus acceptabile, ecce nunc dies salutis. Nunc illud tempus, de quo dicitur: *In tempore accepto exaudivi te:* Ad quod nos Ecclesia ipso habitu, vocibus, & suis ceremoniis invitat: quorum enim tibi cineres proponit, nisi ut te moneat eius status, ad quem te vocat?

Certè cum variæ tibi sint occasiones agendæ pœnitentiæ, 1. Sanctorum exempla; quid enim illi non præstiterunt? omnis generis, conditionis, ætatis, sexus 2. peccatorum nostrorum horror; nam cum aliquando prænæ ludentæ sint, num tibi videris satis nominum contraxisse? 3. Christi Domini Passio, ex quâ discis quid meruerint peccata & cui tandem similis esse debeas, ne sis parum conveniens sub spinoso capite membrum delicatum. 4. magnitudo gloriæ. Etenim Rom. 8. *non sunt condignæ passionibus huius temporis ad futuram gloriam quæ revelabitur in nobis* 2. Cor. 4. *Momentaneum enim & leve tribulationis nostræ, æternum gloriæ pondus operatur in nobis.* 5. Inferorum pœnæ, quid enim ad earum aspectum grave esse potest? Nihilominus tamen nihil magis mortales commovere solet ad pœnitentiam, quam mortis consideratio, & vitæ brevis: Quid enim corpus, & carnem eximimus, quæ brevi in putredinem corrumpenda sunt, & in pulverem dissolvenda? Quid ad saginam vivis, ut mortem abundantius pascas,

ut vermibus convivium pares, ut minus & morti & sepulchro trophæum instruas: times pallorem, mox erit unicus ille tuus color, vereris maciem, hic erit habitus corporis tui: vis oculis placere, mox eosdem tuo cadavere offensus: Adi corpora mortuorum, etiam pulcherrima, quàm fœda, quàm horrenda: times carnem delicatam divexare: vide cuius sit æstimationis: etenim qui se blandiùs diligunt, in terram defodiunt, miscent pulveri, vermibus exponunt: Quid ni itaque opus necessarium aggredieris? nam si nunquam vis aggredi, necesse est ut pereas: secundum illud Christi Domini. *Nisi pœnitentiam egeritis, omnes simul peribitis.* Quod si aliquando, certè hoc tempore: nisi isto facias, quæ spes unquam, cum te ad hoc omnia premant.

Quod si facere decrevist, vide quid

aggrediaris? non habitum tantum, sed animum gere pœnitentis. Non tantum ad ceremoniam sint in capite tuo cineres, sed de facto corpus tuum divexa, jeuniis, oratione, vigilia, cilicio, sacco, flagellis, pœnitentiis. Neque hoc tantum, sed quia vera pœnitentia sedem habet in corde. *scindite corda vestra, & non vestimenta vestra*, germana pœnitentiæ est humilitas, atque animi demissio, quæ significatur per cinerem secundum illud Job. *Comparatus sum lutulo, assimilatus sum faville, & cineri.* Tu itaque animum gere humilem, atque demissum: vera pœnitentia vindictam nescit, sed veniam postulat. Tu omnibus ignosce, ac tibi ignosci postula: vera pœnitentia delicias nescit, jocus, risum, voluptates, sed amat solitudinem, luctum, lacrymas, planctum, suspiria, orationem.





FERIA QUARTA CINERUM,

CONCIO

DE CONVERSIONE HOMINIS,

PER PŒNITENTIAM.

Convertimini ad me in toto corde vestro, in jejunio, & in fletu, & in planctu, & scindite corda vestra, & non vestimenta vestra, &c. Quis scit si convertatur, & relinquat post se benedictionem? Joëlis 2.

QUAM dissimilis est hesternæ ac hodiernæ dici status: Illa fuit dissolutionis, hæc modestiæ. Illa peccati, hæc pœnitentiæ. Quid enim aliud præ se fert omnis ille Ecclesiæ apparatus? color iste in altaribus, in mensis jejunia, in templis conciones, lectiones, ac Evangelia, nihil itaque mirum si à pœnitentiâ initium ducam post petitum lumen. *Ave Maria.*

ECCLESIA nobis hodie proponit luculenta duo facinora, unum est Dei in creaturam; alterum est creaturæ in Deum: Primum teminantur ad conversionem hominis: *Convertimini ad me in toto corde vestro, in jejunio, & in fletu, & in planctu:* Secundum terminatur ad conversionem Dei. *Quis scit si convertatur, & ignoscat, & relinquat post se benedictionem?* Vtraque autem cōversio fit per

pœnitentiam, quæ homini, & Deo cōvenit, secundum Ieremię verba cap. 18. *Si pœnitentiam egerit gens illa à malo suo, quod locutus sum adversus eam, agam & ego pœnitentiam super malo, quod cogitavi ut facerem ei.* Incipio à priori, atque hanc propositionem profero, conversionem hominis esse unum è maximis Dei facinorioribus.

1. Ratio petitur ex parte principij, nēpe omnipotētis, misericordiæ, & justitiæ, ut scias ab omnipotētia, habere, ut summum sit opus: à misericordiâ, ut sit summè amabile: à justitiâ, ut sit sanctissimum.

Quoad omnipotentiam attinet, canit Ecclef. 10. Dominicâ post Pentec. Deus qui omnipotentiam tuam parcendo maximè & miserando manifestas. Et Sap. 11. *Misereris omnium quia omnia poteris. & diffumulas peccata hominum propter pœnitentiâ.*

P 2

Etc.

Et c. 12. *Ob hoc quod omnium Dominus es, omnibus te parcere facis.* Et Ecclesiastici cap. 2. *Secundum magnitudinem ipsius, sic & misericordia illius, cum ipso est:* Et David Plal. 61. *Quia potestas Dei est, & tibi Domine misericordia,* quasi dicat. Ideo ista, quia illa. Sed vide rationes.

1. est, Quia eius tantum est posse parcere, qui punire potest: Is autem punire tantum potest, qui superior est, & cui nemo resistere potest; verè itaque dictum est à Sapiente. *Miseretur omnium quia omnia potes.* Miseretur enim qui se se ulcisci potest.

2. Quia cum possit omnia, summam & Regiam habet potestatem quæ per se non ordinatur ad puniendum, sed ad beneficiendum: itaque in parcendo ostendit suam potentiam; ideo enim parcat, & miseretur, quia punire potest, & non ulciscitur, quia potest ulcisci, nempe suâ utens potestate ad miserendum non ad ulciscendum, quâ ratione peccatores ad se revocat: præclaro Regibus documento, ut ad imperandum, clementiâ magis, quàm iustitiâ uti velint; illâ enim splendidiùs coronâtur, quàm auro, & gemmis: quare propria Regum corona est Clementia. Vnde Seneca lib. de Clementiâ cap. ult. Nul- lum ornamentum Principis fastigio dignus, pulchriusque est, quàm illa corona ob cives servatos: non hostilia arma detracta victis; non currus Barbarorum sanguine eruenti, non parta bello spolia: hæc divina potetia est, gregatim & publice fervare. Quasi diceret, occidere, spoliare, vincere, humanum quid est, at fervare, parcere, & indulgere divinû: Idem lib. 4. de Benef. cap. 16.

agens quomodo Deus Bonis & malis benefaciat; Bona sua per gentes, populosque distribuit, unam fortitus potentiam, prodesse.

3. Quia uti inferiores Iudices punire possunt, & non possunt parcere, sed is tantum qui Regiam & summam habet potestatem; nam ceteri legibus tenentur, leges autem non parcent, sed puniunt; at qui summæ est potestatis, is non tenetur legibus, itaque nec punire tenetur, sed potest parcere; quare si punit, secundum leges facit, & in hoc non utitur summâ sua potestate, sed si parcat, cum non id faciat secundum leges, id facit usu summæ potestatis: Ita Deus, &c. quare rectè dicitur *Miseretur omnium, quia omnia potes.*

4. Rationem suggerit Sapiens cap. 11. *Parcis autem omnibus, quoniam tua sunt Domine, qui amas animas.* Cantacuzenus: optimum procuratoris genus est sua non velle destruere.

5. Quia nimirum ostendit se vinci non posse, neque peccatis hominum, neque irâ ac vindictâ, quod solent homines, quos ira facit sui impotentes: Itaque Moyses sic eum compellat Exod. 34. *Dominator Domine. Deus, misericors, & clemens:* priùs dominatorem, & Dominum vocat, postea misericordem & clementem: & Apostolus Rom. 9. *Valens Deus ostendere iram, & notam facere potentiam suam, sustinuit in multâ patientiâ vasa iræ:* certè non posset alius præter Deum omnipotentem tot ac tam graves injurias tolerare: unde apud Osce cap. 11. *Non faciam furorem iræ meæ, non convertar, ut disperdam Ephraim. quoniam Deus ego, & non homo.*

6. Quia

6. Quia folius Dei est peccata dimittere: unde in Evāgelio, *Quis est hic qui etiam peccata dimittit?* & Matth. 9. Scribæ & Pharisei Christum blasphemare dicebant cū peccata remitteret: unde cū miraculo id se posse confirmavit: *ut autem sciatis quia filius hominis habet potestatem in terrā dimittendi peccata, tunc ait Paralytico, surge, tolle lectum tuum, & vade in domum tuam. Et surrexit, & abiit in domum suam. Videntes turbæ timuerunt, & glorificaverunt Deum, qui dedit potestatem talem hominibus.*

7. Quia id opus superat mundi creationem, hoc est, Angelorum, hominum, & rerum omnium creationem, immo rerum omnium possibilitium in ordine naturæ, unde non est opus à Deo ut auctore naturæ, sed ut ab auctore supernaturali. Cogita quanta sit latitudo ordinis naturalis, & quo progrediatur omnipotentia in rebus naturalibus, in miraculis, & in rebus extraordinariis: unius peccatoris conversio hæc omnia eò usque superat, ut sit alterius ordinis.

Quod ad misericordiam spectat id probatur 1. ratione veri, & summi objecti, est enim peccatum sola vera, & summa miseria, à qua liberati non potest homo, nisi solā misericordiā. Etenim finge Deum omnia habere præter misericordiam, certè nunquam parceret: Ita quibus misericordiam non impertivit, illis non dedit pœnitentiæ locū, & consequenter neque veniam: 2. Ratione modi, nempe per pœnitentiā, quæ à Deo, ut bono proficiscitur. Præclarum est quod legitur in Talmud Hierosolymitano in libro Machot. idest

Angelorum, ubi explicantur verba Psalm. 24. *Bonus, & rectus Deus, propter hoc docebit errantes viam:* Illa enim via explicatur pœnitentia. Quæsitum quippe à sapientiā, quæ sit peccatoris condemnatio? & dixit quærentibus, id quod scribitur Proverb. 13. *Peccatores persequetur malum:* Quæsierunt à Prophetā, quæ esset peccatoris condemnatio: Et dixit Ezechiel cap. 18. *Animæ quæ peccaverit, ipsa morietur:* Interrogaverunt quoque Legem dicentes, Quæ est peccatoris condemnatio? & respondit ei, offerat sacrificium, ut remittatur ei, ut scriptum est Levit. 1. Interrogaverunt denique Deum sanctum, & benedictum. *Quæ est peccatoris condemnatio?* & dixit eis agat pœnitentiam, & signoscetur ei, & hoc est quod scriptum est in Psalm. 24. *Bonus, & rectus, propterea dabit errantes vel peccatores viam, vel in viā, quia ipse ostendet peccatoribus viam agendi pœnitentiam:* unde patet pœnitentiam venire à Deo ut bono, & misericordi.

Quod ad iustitiam attinet, idem facile probatur, Quia per solam peccatoris conversionem per pœnitentiam ponitur æquale, & reparatur injuria, & nunquam alio modo, nam per punitiōem, etiam inferni, non ponitur æquale. 1. Quia semper manet offensa. 2. Quia non idem qui offendit satisfacit, neque enim creatura per libertatem satisfacit, sed per coactionem, non volendo, sed patiendo, unde necessitas æternitatis, quia Creatura semper debet, ac nihil exsolvit, sed per pœnitentiam æqualitas ponitur: nam per pœnitentiam perfectam tollitur offensa: idem satisfacit, qui peccavit; uti anima liberè

à Deo recesserat, ita libere redit ad Deum : Eadem ponit æqualitatem in pœnâ, unde Tertull. ait pœnitentiam idem facere, quod facit iustitia, sc̃vendo in peccatorem : ex quo patet summum opus esse iustitiæ.

Cùm itaque actiones Dei externæ proficiantur vel ab omnipotentia, vel à bonitate, & misericordiâ, vel à iustitiâ; (nam spectata in se, & absolute, proficiuntur ab omnipotentia: si spectentur relativè, vel sunt gratuita, vel debita : si sunt gratuita, originem habent à misericordiâ : si sunt debita, iustitiam respiciunt :) facile concluditur ex ratione principij, conversionem peccatoris esse magnum Dei opus.

II. Ratio petitur ex parte resistentiæ, quam Deus patitur, qualem non habet in operibus aliis, cui scilicet nec nihillum in creatione, nec ulla creatura obfistit : unde quolibet respectu Dei ad quidlibet habet potentiam, quam vocant obedientialem, *Tibi enim subest cum volueris posse* : sed cum liberum arbitrium alio modo moderetur, illud sine pugnâ quâdam & victoriâ non flectit : unde sic loquitur Sapiens : *Tu autem Dominator virtutis cum magna tranquillitate iudicas, & cum magnâ reverentiâ disponis nos.* Porro eiusmodi resistentia quam in peccatoris conversione experiri solet, ut & violentia quam infert, multiplex esse consuevit; sed triplicem tantum afferre hîc placet.

1. Est ex parte diaboli, à quo invito, & repugnante suos electos Deus eripit secundum illud Joan. 12. *Nunc iudicium est, mundi, nunc princeps huius mundi eiicietur foras: Et ego si exaltatus fuero à terrâ, omnia*

traham ad meipsum : Chysoſt. homil. 66. in Joan. Traham (inquit) tanquam à tyranno detentos, & per se minime potentes eius manus effugere, ut potè repugnantis. Alio loco rapinam appellat. Nemo potest spolia fortis rapere, nisi prius alliget eum, & tunc rapiat: Hæc autem ad illius violentiam ostendendam dicit, ut illic rapinam, illic tractionem appellaret. Huic principio innititur tota parabola de forti armato custodiente atrium suum: Hinc existunt illæ acres plerumque pugnæ in quorundam conversione: Ita cum primo castitatem vovit B. Ignatius, tota domus concussa est. Huc pertinet violenta vis quæ infertur domo, parentibus, amicis, amatoribus, qui modis omnibus bonum sæpè impediunt, secundum illud Christi Domini, Matth. 10. *Inimici hominis domestici eius* : vel suis lachrymis & eiulatibus conantur impedire: cuius figuram habes in Apocalypsi cap. 18. ubi ad conversionem Romani Imperij, quæ per casum Babylonis designatur: *Stebunt* (inquit) *& plangent se super illam Reges terræ, qui cum illâ fornicati sunt, & in deliciis vixerunt, cum viderint fumum incendij eius* : Et ut indicet idem, de ijs, qui aliquid emolumentum percipiebant, *Et negotiatores terræ stebunt, & lugebunt super illam* : quoniam merces eorum nemo emet amplius; merces auri, & argenti, & lapidis pretiosi, & margarite, & byssi, & purpure, & serici, & cocci, &c. Et poma desiderij anime tue discesserunt à te, & omnia pinguis, & præclara perierunt à te, & amplius illa jam non invenient: cuius rei possem varia exempla vobis afferre.

2. Ex parte vitiorum & concupiscentiarum, quibus vim infert Deus, homines

mines excitando ad illas mortificandas. Nam ab exaltatione Christi Domini in cruce, multo magis quam à diebus Ioannis Baptistæ regnum cælorum vim patitur: ubi mortificationis violentiam passim S. S. Patres intelligunt: Quò enim Dei vocatio pertinet, nisi ad mortificanda membra super terram, in quibus regnat concupiscentia.

3. Ex parte ipsius voluntatis cui etiam violentia fit, ratione dispositionis contrariæ & reluctantis, quam debellat victrix gratia, & præpotens vocatio: unde ex eo commendatur, quod licet obstacula reperiat & voluntatem contradicentem, omnem tamen difficultatem perumpat, secundum illud orâtis Ecclesiæ. Et nostras etiam rebelles compelle propitius voluntates: dum enim ex nolentibus volentes facit, nolentes aggreditur, quod verbum (trahendi) rectè significat, quandoquidè quandā coactionē importat. Chrysost. serm. 10. in Psal. 18. Attrahit nolentes: nemo dicat, non vult, quia & Abraham, ut offerret filium, colliavit: Et Loth Angeli ut subtraherent flammis, extrahum manibus sustulerunt. Et Petrum Dominus, ut iret ad martirium, quo nolebat, auxilij sui virtute, præcinxit dicens: *alius tecinet, & duce quò tu non vis*: Et Pater cœlestis non solum volentes suscipit, sed attrahit & nolentes, dicente filio: *Nemo potest venire ad me, nisi pater qui misit me, traxerit eum*: Id significatum in parabola invitatorum ad cœnam, ad quam invitati noluerunt venire, coacti autem venerunt: ubi advertè discrimen vocandi, nam qui noluerunt venire, invitati tantum sunt

& admoniti temporis veniendi, quia omnia parata sunt: potuerunt autem venire si voluissent; sed non sunt introducti, & coacti. *At iratus Paterfamilias, significatur affectus ad superandas difficultates, sermo præcepti: Exi cito in plateas: & vicos civitatis, & pauperes ac debiles & cæcos & claudos in introduc huc*: videlicet non iam expectans, ut ipsi venirent propositâ sibi vocatione convivij; quia nec pauperes auderent, nec debiles ac claudi dosset incedere: nec cæci viderent lucem, ac ianuam, si servus vel momento dimitteret: opus igitur fuit: ut manu traheret, donec ad cœnam venirent: Itaque in iis maioris virtutis elucet vocatio qui plus habent resistentiæ, ut qui in viis & sepibus erant, intrare compelluntur, qui eos significant, quos Deus permittit maioribus retineri impedimentis, & vitiis, quibus postea coactionem, infert, ut mutantur: plerumque enim reluctantibus hominibus, à Deo, & ab eius ministris obtruditur opportunè, & importunè prædicatio veritatis, in crepatio, suasio, obsecratio, exempla, miracula, flagella, beneficia, occasiones salutis, immò etiam interioribus illustrationibus, vehementibus impulsibus, & exuberantibus suavitatibus tandem efficitur, ut appetatur aversissimè quod antea fastidium & nauseam peccatori provocabat: Orig. homil. 25. in Num. loquens de Christo: Liberi arbitrij est, anima, & in quam voluerit partem est ei liberum declinare. Subdit: Quodammodò vim nobis fecit, ut nos pertrahat ad salutem. Id probat infra: quoscumque inveneritis, cogite intrare; sic ergò non solum invitamur à Deo,

ā Deo , sed & trahimur & cogimur ad salutem : quomodo autem id fiat , quis explicet : unde Prosper lib. contra Col-
lator. cap. 14. Quis perspicere , aut enar-
rare possit , per quos affectus visitatio
Dei animum ducat humanum , ut quæ
fugiebat , sequatur , quæ oderat , diligit ;
quæ fastidiebat , efuriat , ac subitā com-
mutatione mirabili , quæ clausa ei fu-
erant , sint aperta ; quæ onerosa , sint le-
via ; quæ amara , sint dulcia , quæ obscu-
ra , sint lucida : *Hæc autem omnia operatur
unus , atque idem spiritus dividens singulis pro-
ut vult.* Quantum exemplum habemus
in Augulino , qui voluntatis suæ , &
gratiæ pugnam tam scite descripsit .

III. Ratio petitur ex parte victoriæ ;
& quidem si auderem , dicerem etiam
in ipso Deo qui parit : nam quantum
illud est , ut Deus sic offensus , sic iustus ,
sic rectus , odisse desinat ? Exemplum in
creatura. Certè ægerrimè parcimus of-
fensi : itaque Apostolus Rom. 5. *Com-
mendat autem Deus charitatem suam in no-
bis , quoniā cum adhuc peccatores essemus se-
cundum tempus Christus pro nobis mortuus
est.* Neque enim Deus uno tantum at-
tributo , peccato repugnat , ut errori per
sapientiam , infirmitati per potentiam ,
sed omnibus attributis , & ipsā suā na-
turā . Itaque necesse est ut quasi seipsum
vincat Deus , ut parcat . Sed vide alterā
victoriam . I. in vindicta , certè maior
est quàm in inferno , ubi durante etiam
pœnā , non tollitur rebellio , unde non
perfecta victoria : immò , quod maxime
displicet , manet : & quod solum ama-
batur , punitur . Manet enim peccatum ,
& peccator punitur : quod cōtra sit per
remissionem , & pœnitentiam ; quapro-

pter in Scripturis remissio peccatorum
exprimitur per ruinas , per debellatio-
nes , per incendia , per conflagrationes ,
Isaïæ 34. *Indignatio Domini super omnes
gentes , & furor super universam militiam
eorum : interfecit eos , & dedit eos in occisio-
nem , &c. Quia dies ultionis Domini annus
retributionum iudicij Sion , &c. Noctæ & die
non extinguetur , in sempiternum ascendet fu-
mus eius.* Nomine Idumææ intelligit
Montanus Romanum Imperium : Ro-
mam in urbe Bosra ; incendium in igne
Evangelij : Sophon 3. *In fine zeli mei de-
vorabitur omnis terra , quia tunc reddam po-
pulis labium electum , ut invocent omnes in
nomine Domini , & serviant ei humero uno :*
de igne Evangelij interpretatur Hie-
ronymus : item in Apocalypsi , cum sub
figura Babylonis , Romæ casus narra-
tur , & dicitur fumus incendij illius du-
raturus in sæcula : non potest intelligi
de materiali incendio , sed de spiritali .
Item cum dicitur decima pars Jerusa-
lem corruisse , non intelligitur de ma-
teriali ruina , cum tota fuerit destructa ,
quo tempore scripta fuit Apocalypsis :
dicitur tamen Deus vindictam sump-
sisse , cum decima pars civitatis cecidit ;
quæ ruina mystica est , juxta Isajæ vati-
cinium cap. 6. *Adhuc in ea decimatio , &
convertetur.* Conversionem autem sic
exprimit Apocal. 18. *Et igne comburetur ,
quia sortis est Deus , qui iudicabit illam.*

2. Vide certam victoriam in domi-
nio , & subiectione ; cum enim creata
omnia Deo perfecte sint subiecta , una
hominis voluntas , Dei voluntati re-
bellis esse potest , vi liberi arbitrij : ac
licet trahi possit , quò non vult duci ,
manet tamen libera voluntas sui iuris .
si vo-

si volet; non quidem Dei damno, sed suo: sed si perire volet, necesse est ut pereat: Porro Deus non est Dominus liberi arbitrij, nisi per gratiam, & liberi arbitrij peccatoris per poenitentiam; quâ ratione Deus, libro contra Collatorem cap. 6. Non resistentem invitumque compellit, sed ex invito volentem facit, & quibuslibet modis infidelitatē resistentis inclinat, ut cor audientis, obediendi in se delectatione generatâ, ibi surgat, ubi premebatur: ibi discat, ubi ignorabat: ibi fidat, unde diffidebat: inde velit, unde nolebat: etenim *Dominus dabit suavitatem, & terra nostra dabit fructum suum*: unde congratulatio illa tolemnis in cœlo: *Et maius gaudium super uno peccatore poenitentiam agente, quàm super nonaginta novem iustis, qui non indigent poenitentia.*

IV. Ratio petitur ex ratione terminorum, nempe ob distantiam; unde mirabilior mutatio: plus enim distat peccatum à gratia, quàm non ens ab ente: unde sicut in productionibus omnium difficillima est creatio, propter terminorum summam distantiam; & sicut in miraculis illud est maximum, ubi maior est mutatio, & illa maxima, ubi termini maximè distant: ita summa mutatio est ex peccato ad iustitiam, & hoc significat, *maius gaudium super uno peccatore, quàm super nonaginta novem iustis qui non indigent poenitentia*: Sic æstimamus miracula, & plus nos movet aquarum soliditas in transitu filiorum Israël, quàm soliditas terræ: plus aqua scaturiens è rupe, quàm magna flumina: plus ignis devorans filios Aaron, & rebelles in seditione Core, quàm Æthiæ, & Vesuvij incendia.

V. Ratio petitur ab effectu qui producit, nempe a gratia sanctificante, quæ formalis est peccatoris iustificatio, quæ quanta sit, vel hinc æstimari. 1. quod sit re omni naturali superiori: cōsidera omnes creaturas spiritales, & corporeas, & vide in eis naturam, & statum earum moralem, internum ob virtutes, & perfectiones: externum, ob dignitates. 2. Quod nemo per se tantū bonum mereri possit, quacumque industria, quocumque labore, quodque creatura nulla pervenire ad illam possit; & tamen in creaturis præsertim spiritualibus quot sunt perfectionis gradus? Eodem pertinet quod nulli creaturæ quantumlibet perfectæ conaturalis esse possit.

3. Quod sit status divinus, & participatio quædam divinæ naturæ, iuxta illud S. Petri: *Divinæ consortes naturæ*. Denique quod sit certum ius ad gloriam, certa beatitudinis expectatio, quodque nullâ re aliâ, quàm ipso Deo immediatè possessio compensari, vel æstimari possit. Ex quibus omnibus videtur rectè proposuerim illud, conversionem hominis peccatoris esse unum è maximis facinoribus Dei?

Hic paulum sistamus, Auditores: *Cut loquar, aut quem confestabor?* quis tanti operis materia obiectum esse vult. *Quid gloriari in malitia qui potens est in iniquitate, &c. à seculo confregisti jugum, divitiis non servivisti.* Nonne satis est te Deum ut authorem naturæ, ut benefactorem neglexisse, & donis eius omnib? abusū esse: & in eius offensiones convertisse? an non satis te Deum ut Legislatorem contempsisse, hoc est, leges ipsius, & mandata: sed quàm iusta, quàm æqua, quàm

quàm naturæ conformia, quàm rationi consentanea, quàm facilia ! *Probe est verbum in ore tuo, &c.* Num satis quod sequitur: tum minas, tum promissa ? sed qualia ? sed quanta ? & in hanc vitam, & in alteram : & tempus, & æternitatem spectantia ? Quid est quod etiam ut auctorem gratiæ negligere pergis, hoc est, ut omnipotentem, ut bonum, ut iustum ? Quid tandem expectas ? an nescis alterum è duobus esse necessarium, ut fias, vel iræ atque vindictæ vās, vel misericordiæ ? Quid necesse est ut Deus aliquando ex tuo supplicio gloriam quærat ? atque idem tibi dicat quod Pharaoni, uti dicitur Rom. 9. *In hoc ipsum excitavi te, ut ostendam in te virtutem meam, & ut annuntiatur nomen meum in universa terra :* quod præstitit insigni eius calamitate, & supplicio : Sophoniæ 2. *Hæc est civitas gloriosa habitans in confidentia, quæ dicebat in corde suo, ego sum, & extra me, non est alia amplius :* de Ninive loquitur potentissima & amplissima urbs Assyriorum : *Quomodo facta est in desertum, cubile bestiarum omniū qui transiit per eam, sibilabit, & movebit manum suam.* Jeremiæ 19. *Et ponam civitatem hanc in stuporem, & in sibilum :* de Jerusalem loquitur destruenda à Chaldæis : *Omniū qui præterierit per eam obstupescet, & sibilabit super universa : & eius : vide quàm illud sit dissimile : Et erit gaudium in celo super uno peccatore pœnitentiam agente.* Et tu quidem quid expectas, quid moraris ? *Eccè nunc tempus acceptabile, nunc dies salutis.* Nunc illud tempus est de quo dicitur : *In tempore*

accepto exaudivi te. Ad hoc enim nos Ecclesia, ipso habitu, vocibus & ceremoniis invitat ; nam ut cætera præteream, jejunium, lugubres vestes, conciones quotidianas ; preces longiores, quorum ipso in aditu Quadragesimæ, cineres tibi proponit, nisi ut te moneat eius status ad quem te vocat, nempe ad pœnitentiam ? quippe cùm pœnitentia sit gravissimus luctus ; nulla enim pœnitentia est sine dolore, dolor autem ille debet esse omnium maximus, quia de summo malo, nempe de peccato : & nemo sumum dolorem tenere ita potest, quin foras erumpat : at inter signa doloris, fuit illa cineres aspersio : hinc illud Jobi cap. 42. *Agno pœnitentiam in favilla & cinere :* Et Jonæ 3. ubi fit mentio pœnitentiæ Regis Ninives, scribitur : *Survexit de folio suo, & abiecit festinentium suum à se, & indutus est sacco, & sedit in cinere.* Triâ enim in pœnitentia potissimum spectantur. 1. Ut Deus offensus placeatur : 2. Ut peccator puniatur : 3. Ut à peccato removeatur ; quæ omnia istâ ceremoniâ perfectissimè designantur, uti alia jam concione diximus. In hæc igitur triâ seriò, seduloque incumbere, ut Deo quem toties tot peccatis offendisti, placato, pœnis quas peccando meruisti, vel omnino, vel saltem ex parte ultro assumptis, peccandi in posterum voluntate sublata, gratus sis Autheri gratiæ, sicque ad gloriam pervenias, quò nos perducatur Pater, & Filius : & Spiritus Sanctus. Amen.



FERIA QUARTA VEL QUINTA CINERUM,

CONCIO

DE QUADAM CONVERSIONE DEI PER
pœnitentiam; quæ est continuatio præcedentis.

*Quis scit si convertatur, & ignoscat, & relinquat post se
benedictionem. Joël. 2.*

ECCLÉSIA (ajebamus heri) nobis exhibuit duo magna, luculentaque facinora : unum Dei increaturas ; alterû creaturæ in Deum. Primum terminatur ad conversionem hominis ; secundum ad Dei conversionem terminatur. Utraque conversio efficitur pœnitentiâ. A priore incœpi, superest ut de altera hodie loquamur, nempe de conversione Dei, de qua id pronuntio : Magni operis susceptionem esse homini, efficere ut Deus voluntatem mutet, sed multò amplius, etiam eum cogere, ut pœnitentiam agat, sicut ipse loquitur cap. 18. Jeremiæ : *Si pœnitentiam egerit gens illa à malo suo, quod locutus sum adversus eam, agam & ego pœnitentiam super malo quod cogitavi ut facerem ei.* Verùm si facinus illud magnum est, non est impossibile. Argumentum hoc admodùm sublime ac eminens est, sed magnæ etiam consolationis. Præma conditio attentio-

nem-vestram, altera voluntatis studium postulat.

Certum est 1. voluntatem Dei absolutam communiter loquendo, semper impleri. Probatur, quoniam Deus operatur per voluntatem, hæc autem est omnipotens; ergo semper assequitur effectum quem vult. Probatur consequentia; quia si non assequeretur effectum quem vult, id necessarîo proveniret ex defectu potentia; siquidem supponitur non deesse voluntatem.

Confirmatur 1. quia volitio Dei est eius ultima determinatio ad operandum; quare si hac determinatione postâ non sequeretur effectus, proveniret vel ex mutatione voluntatis: sed permanere illam supponimus, cum diximus absolutam: vel ex defectu potentia; vel ex impedimêto ipsius; quæ omnia Deo repugnant: *Quis enim resistit ei?* ait Apostolus post Jobum,

Q²

Con-

Confirmatur 2. quia omnipotentia Dei non potest impediri in seipsa; ut pote quæ neque destrui potest, neque minui, neque debilitari, quemadmodum aut exstinguitur ignis, aut minuitur calor, aut quantitas illius: neque etiã potest impediri in mediis per quæ agit, tum quia potest agere independentem ab illis: tum quia cum illis utitur, utitur summo jure, & illa expedire potest, & vim augere ut infallibiliter agant: itaque sic loquitur Isaia 46. *Consilium meum stabit, & omnis voluntas mea fiet.* Et Psal. 134. *Omnia quaecumque voluit Dominus fecit:* unde Fulgentius lib. 1. ad Monimum c. 12. non est aliud in illo, velle, quàm posse: hinc ista in Deo dicuntur mutuo, virtus voluntatis, & voluntas ipsa virtutis. Ibi nunquam deest voluntatis effectus; quia voluntas ipsa non aliud invenitur esse, quàm virtus: quidquid autem vult, potest, qui quantum vult, tantum potest: propterea de eo solo digne dicitur: *Omnia quaecumque voluit fecit.* Et iterum: *Subest enim tibi cum volueris posse:* Ideo dixi tantam ipsi esse virtutem voluntatis, quanta est voluntas ipsa virtutis: quia cui semper subest cum volet posse, non aliud est in illo velle quàm posse.

Certum est 1. ex priori propositione, neminem se opponere posse, aut impedire absolutam Dei Voluntatem, Esther 13. *In ditione tua cuncta sunt posita, & non est qui possit tui resistere voluntati;* & Judith. 16. *Tibi servit omnis creatura tua, quia dixisti, & facta sunt, missi spiritum tuum, & creata sunt, & non est qui resistat voci tue:* Alioquin enim, ut ait Augustinus in Enchiridio capite 95. Periclitatur ipsi

nostræ confessionis initium, quã nos in Deum Patrem omnipotentem credere confitemur.

Hinc sequitur 1. ut cum absolute decrevit punire, impediri ipse nõ possit, quemadmodum dicitur Jobi 9. *Deus, cuius ira resistere nemo potest.* Et Psal. 75. *Tu terribilis es, & quis resistet tibi?* Isaia 14. *Juravit Dominus exercituum, dicens, si non ut putavi, ita erit, & quomodo mente transivi, sic eveniet, ut conteram Assyrium.* Et post pauca: *Dominus exercituum decrevit, & quis poterit infirmare, & manus eius extenta, quis avertet eam?* quod Sanctus Hieronymus sic interpretatur, non pro difficili debemus accipere, sicut illud legitur: *Quis sapiens, & intelliget hæc?* & cætera his similia, sed pro impossibili; nullus enim Domini poterit infirmare consilium, & manum eius extentam, five sublimem, ne percutiat, avertere.

Sequitur 2. ex contrario, neminem unquam impedire, ne aliquem salvet, cum volet. Augustinus libro de concept. & gratia capite 14. Cui volenti saluum facere, nullum resistit arbitrium: sicut enim velle, vel nolle, in volentis, aut nolentis est potestate, ut divinam voluntatem non impediatur, nec superet potestatem: de his enim qui faciunt quæ non vult, facit ipse quæ vult. Rationem horum omnium dat Apostolus Ephes. 1. *Universa operatur secundum consilium voluntatis suæ.* In quæ verba sic discurret S. Hieronymus: Nos homines pleraque volumus facere consilio, sed nequaquam voluntatem sequitur effectus; illi autem nullus resistere potest, quin omnia quæ voluerit, faciat, etenim cum consilium ad delibera-

berationem pertineat, importat mediorum electionem, quibus infallibiliter pertingit ad finem. Itaque rectè Boëtius, omnem modum paucis verbis concludit lib. 3. de consol. proſa 12. Non est aliquid quod summo huic bono vel velit, vel possit obſistere; vel, referendum ad actus liberos; possit, ad reliqua.

Certum tamen est 3. maximam partem actionum Dei circa creaturam rationalem esse non posse voluntates absolutas, sed conditionatas. Ratio est; quia Deus operatur secundum naturas rerum, itaque circa naturam rationalem sic ordinavit, ut non absolutâ voluntate eam regat, sed conditionatâ, ne vim faciat voluntati: & hoc sensu distinguit Damas. quæ in nobis non sunt, & quæ in nobis sunt: prima dicit esse opera providentiæ, alia non tantum providentiæ, sed etiam liberæ potestatis & arbitrij: Anselmus eodem sensu in verba illa Matth. 6. *Fiat voluntas Dei;* docet quædam opera esse providentiæ, alia misericordiæ; istis resisti posse, alijs autem minime. Hinc originem habet quòd creatura rationalis resistere possit voluntati divinæ in quibusdam. Exod. 10. ad Pharaonem: *Usque quòd non vis subiaci mihi? dimitte populum meum.* Roman. 13. *Qui resistit potestati, Dei ordinationi resistit.* Et Jobi 9. *Qui resistit ei, & pacem habuit?*

Confirmatur hæc propositio ex eo quòd Deus circa creaturam rationalem agat, vel misericordiâ, vel justitiâ; nam vel illam bene disponit prope se; vel illam malè disponit longè à se: etenim necesse est, ut creaturæ bene sit, vel ma-

lè: Bene est per misericordiam, & gratiam: malè per justitiam. Ratio est, quoniam oportet ut creatura intra ordinem aliquem sit providentiæ, vel beneficiorum, vel suppliciorum. Porro illo utroque modo creaturam ferè disponit voluntate conditionatâ. Dixi ferè; quia ratione gratiæ, multa facit quidem independenter ab omni conditione, & in seipso fontem invenit bonitatis, & causam bene faciendi, ut pote, qui non tantum sit bonus, sed etiam ipsa bonitas: ita primam gratiam, & initium fidei ipse largitur, & quædam bona; sed tamen maximâ beneficiorum partem & omnia supplicia hominibus, & præparat, & irrogat, posita conditione, unde illa vult voluntate non absoluta, sed conditionatâ.

Sequitur quartò, omiſſis variis circumstantiis & conditionibus, de quibus in præſenti non est nobis sermo; cum in universû Deus circa homines duo præcipuè moliatur, quædamquæ pertinet ad beneficia, alia quæ pertinent ad supplicia; in illis ut plurimum ut conditionem includi, ad beneficia quidem impetranda, orationem; ad supplicia verò evitanda aut removenda, pœnitentiâ.

Prima pars probatur ex necessitate orationis, quæ colligitur ex verbis Christi, & Apostolorû doctrina, Lucæ 18. *Oportet semper orare, & nunquam deficere.* Chrysostomus, dum oportet dixit, necessitatem inducit. Item donum perseverantiæ nõ confertur, nisi orationi: Augustinus lib. de dono perseverantiæ cap. 16. Constat (ait) Deum nobis aliqua etiam non orantibus dare, ut initium fidei: alia non nisi pro orantibus præ-

parasse, sicut perseverantiam in finem Ex eodem Augustino refertur in libro de Ecclesiasticis dogmatibus cap. 56. Nullum credimus ad salutem, nisi Deo invitante, venire: nullum invitatum, salutem suam, nisi Deo auxiliante, operari; nullum nisi orantem auxilium prameri Ex quibus verbis patet tam ad salutem necessariam esse orationem, quam auxilium Dei; quia illud nonnisi per orationem obtinetur. Iuxta quam doctrinam dixit Augustinus libro de natura & gratia capite 43. Deus impossibilia non jubet, sed iubendo admonet, & facere quod possis, & petere quod non possis.

Secunda pars probatur ex Scripturis omnibus in quibus passim promittitur pœnitentibus venia: Ezechiel. 33. *Impietas impij non nocebit ei, in quacumque die conversus fuerit ab impietate sua, &c.* Et postea: *Si dixero impio, morte morieris, & egerit pœnitentiam à peccato suo, &c. vitâ vivet, & non morietur, omnia peccata eius que peccavit, non imputabuntur ei: iudicium & destitit fecit, vitâ vivet.* Jeremiæ 18. *Si pœnitentiam egerit gens illa à malo suo, quod locutus sum adversus eam, agam & ego pœnitentiam super malo quod cogitavi ut facerem ei.* Et certè cum duæ sint leges, divina & humana, qui legem humanam violavit sine venia punitur: qui verò divinam, locum habet pœnitentiæ. Inter homines, ubi quis est summè offensus ab alio, non sibi satisfactum putat, si ille doleat de offensa, licet iusta sit compensatio propter summam æqualitatem: At Deus post quamcumque offensam placatur, si accedat pœnitentia; unde illi canit Ecclesia: Cuius est propriū

misereri semper & parcere: quare Ezech. 18. *Nunquid voluntatis meæ est mors impij, dicit, Dominus Deus, ut non & convertatur à viis suis, & vivat?*

2. Probatur ex variis parabolis: filij prodigi quem pater redeuntem suscepit occurrens ei: Ovis deperditæ, quam pastor requisivit, & inventam sustulit in humeros: Drachmæ inventæ, quam mulier tam studiosè requisivit, & de inventa ita gavisa est, ut vicinas etiam convocarit ad congaudendum: Ficis infructuosæ, cuius excidiū distulit Dominus, & aliarum similium.

3. Propatur à variis exemplis, ex quibus patet, neminem pœnitentem aliquādo fuisse reiectum; si vera, & non ficta fuit pœnitentia: Non Publicanū, qui descendit iustificatus in domum suam: non Magdalenam, licet in civitate peccatricem, cuius patrociniū suscepit Dominus, & cui dictum est: *Vade in pace.* Et quæ Simoni prælata est. Non Petrum, licet negantem: cui non solum venia data est, sed factus est omnium Apostolorum caput: *Pasce oves meas, pasce agnos meos.* Non Paulum licet blasphemum, Ecclesiæ persecutorem, & ut se vocat, *primum omnium peccatorem*, in quo Deus ostendit divitias gloriæ suæ. Non Latronem in exitu tantum pœnitentem, cuius primam orationem Deus exaudivit, nec vel unum diem dilatus est; sed quo die pœnituit, eodem die in Paradisum est admissus: unde Arnoldus tract. de septem verbis Domini: Nullas omnino metas habet divina clementia: Sit qui invocet, erit qui exaudiat: sit qui pœniteat, non deerit qui indulgeat. Sed ut

ut omittam innumeros in utroque Testamento, unicum inter mortales scelestissimum præterire non possum, eò illustriorem, quo nobiliorem, ut pote Regem: is fuit Manasses, de cuius criminibus ea scribit textus sacer 4. Reg. cap. 21. quæ terrorem incutiant. 1. enim in summo omnium peccatorum summus fuit; nullum enim omisit idololatriæ genus, conquestis undique diis peregrinis aras instruxit, & eos adoravit, ædificavit excelsa quæ dissipaverat Ezechias pater eius, *erexit aras Baal, & fecit lucos, sicut fecerat Achab rex Israël, & adoravit omnem militiam celi, & coluit eam.* Et quod est summus impietatis cummulus, in ipso templo, cuius eo tempore summa erit sanctitas & religio, Gentium simulachris statuit altaria. Ad hæc *traduxit filium suum per ignem, & ariolatus est & observavit auguria, & fecit pythones, & aruspices multiplicavit, ut faceret malum coram Domino, & irritaret eum:* atque ut mediocriter non esset impius, peccatum addidit scandalii, ludam modis omnibus & pellexit, & coegit ad idololatriam: & post multa enumerata subdit Scriptura: *Quia fecit Manasses Rex Iuda abominationes istas pessimas super omnia quæ fecerunt Amorrbæi ante eum, & peccare fecit etiam Iudam in im-munditiis suis.*

2. Quod attinet ad crudelitates, audi quomodo loquatur Scriptura: *Insuper & sanguinem innoxium fudit Manasses multum nimis, donec impleret Ierusalem usque ad os:* Metaphorâ sumptâ à vase quod plenum est, cum ad summum, & ad os liquor pervenerit, qui modus loquendi significat magnam sanguinis

effusi abundantiam. Porro sanguis fuit, & Prophetarum qui eum arugebant, & eorum qui illius mores, & institutū sequi volebant. Certè Ioseph lib. 10. antiq. c. 4. In omnes, quotquot erant ex Hæbreis, iustos grassabatur cædibus, nec à Prophetis quidem cruentas manus abstinens; nam ex horum numero per singulos dies supplicio afficiebat. Inter cæteros Isaiam prophetam medium ferrâ secuit: qualem virum! regis stirpis, consanguineum & sanctissimum, sed cuius reprehensionem ferre non potuit homo crudelis. Denique tam multa flagitia commisit, ut de se ipse lateatur in sua oratione: *Peccavi super numerum arene maris.*

Porro hæc sunt peccata Manassis fortunati & regnantis, sed vide peccata captivi; nam Deus in pœnam Manassem captivum duxit in Babylonem, ubi post angustias carceris & catenarum, de quibus ipse meminit in oratione sua, uti Sanctus Hieronymus ait in traditionibus Hebræicis, in vas æneum coniectus est, & adnoto igne lentè & paulatim cruciatus: *Quid eo loco fecisse illum putatis, Auditores? cum nullum exeundi, immò nec respirandi locum inveiret, undique circumclusus, suorum idolorum numina, quæ coluerat, invocare cœpit; sed cum vanas suas preces videret, venit ei in mentem, quod à parte Ezechia crebrò audiverat: Cum quaesieris Dominum Deum tuum, invenies eum; si tamen toto corde quaesieris, & tota tribulatione animæ tuæ, uti dicitur Deuteronom. 4. Itaque cœpit ad Deum converti, sicut dicitur 2. Paralip. cap. 33. Postquam coangustatus est, oravit Domi-*

Dominum Deum suum, & egit pœnitentiam valde coram Deo Patrum suorum, deprecatusque est eum, & obsecravivit intente: Quid expectas, mi auditor? audi verba sequentia: Et exaudivit orationem meam, reduxitque eum Ierusalem in regnum suum, & cognovit Manasses quod Dominus ipse esset Deus. At vide quomodo: id explicat Glycas in suis Annalibus, dicens adfuisse Angelum Regi oranti, qui rapto vase æneo in quod inclusus fuerat, eum Hierosolymam reduxit, & in pristinam dignitatem restituit. Quis credat sceleratum hominem, & tantorum criminum reum sublatum fuisse ab angelo, ut Prophetam? id tamen factum est; ræ-tum potest pœnitentia: quem mundi totius lachrymæ, quem omnia flumina, quem maria omnia abluere non potuissent, id fecit pœnitentia: unde subdit Glycas: tot, tantaque facinora Manasses perpetravit, ut divinus ille Athanasius dicere non dubitarit; Si Manasse Deus servavit, equidem ausim dicere, quod diabolus ipsum servaturus fuerit, si reverti ad Deum voluerit. Quid te igitur sperare non oporteat, mi Auditor, pœnitentiæ beneficio? cum quaesieris Dominum Deum tuum, invenies eum, si tamen toto corde quaesieris, & tota tribulatione animæ tuæ: sed unde tanta vis in pœnitentiâ?

Prima ratio petitur ex parte misericordiæ & bonitatis Dei, à qua originē habet pœnitentia. Præclarum est quod legitur in Talmud Hierosolymitano in libro flagelorum, ubi explicantur verba Psalm. 2. *Bonus & rectus Dominus, propter hoc legem dabit delinquentibus in via:* illa enim via explicatur pœni-

tentia, ut proximè superiori concione ostendi. Ex quibus verbis patet ipsam originem habere à Deo, ut bono & misericordii. Porro cum naturalis modus agendi Dei, sit à bonitate; quæ autem secundum naturā sunt, ea afferunt voluptatem; propterea actio bonitatis, & miserendi in Deo maximam habet voluptatem; unde Deus vincitur Pœnitentiā ratione cuius agit connaturaliter, cum parit.

Secunda ratio petitur ex parte iustitiæ, quæ cum maximè violetur per peccatum, exigit necessariò reparatio-nem: illa autem peccato duplici tantum modo fieri potest; vel vindictā, seu inflictione pœnæ, vel pœnitentiā, magis autem pœnitentiā, quam vindictā.

Quoad vindictam attinet, certum est r. cum per peccatum violetur ius divinum, reparari per pœnam peccatoris; uti enim peccator aliquid molitus est contra Dei voluntatem, necesse quoque est, ut aliquid patiatur contra voluntatem suam, idque ad æqualitatem secundum illud: *Quantum in delictis fuit, tantū date illi tormentū.* Unde in æqualitas quæ facta est per peccatum, reducitur ad iustum per æqualitatem quæ fit per pœnam; & sic quidquid peccator faciat, in ordine continetur; nam ut aliquid intra ordinem sit, perinde est, an ordinem teneat, an in ordine teneatur: teneret quidem, si per obedientiam esset sub lege; sed si nolit, non tamen extra ordinem est, tūm tenetur sub pœnā; cum tam iustum sit peccatorem puniri, quam iustum est ut Creatori obediatur.

Certum

Certum est 2. cū Deus benefacien-
do magnam capiat voluptatem prop-
ter actionē naturæ ipsius conformem,
& insuper nō possit impediri ne volup-
tatem habeat sibi debitam, oportet ut
quod non potest habere benefaciendo,
id habeat ulciscendo, secundū illud
Deuter. 28. *Sicut ante latatus est Dominus
super vos, bene vobis faciens, &c. sic letabi-
tur disperdens vos, atque subvertens.* His
positis certum est quoad 1. attinet, licet
per vindictam satisfiat divinæ iustitiæ
quoad æqualitatem Pœnæ, non tamen
omnino compensari in iuriam; quoni-
am ipsa in peccatore perseverat; unde
licet peccator in inferno torqueatur
contra suam voluntatem, idem tamen
semper contra Deum nititur, secundū
illud Bernardi: Nunquam recto, pravo-
que conveniet; hæc enim sibi invicem
adversantur, licet non invicem lædant;
quare læsio alterius, est profectō non
Dei. Quoad 2. etiam hæc Dei ulciscen-
tis voluptas non in ipso habet originē,
sed in alio; nam cū bene facit, ex suo
bene facit, cū male facit, ex alio: per
pœnitentiam autem, illam dico quæ
ex Spiritus Sancti inspiratione concip-
itur, & quæ est perfectæ pœnitentia,
ius Dei, quod per peccatum violatum
est, ex integro reparatur: nam quoad
pœnam attinet, pœnitentia, ut ait Ter-
tullianus, pro iustitia Dei, fungitur mu-
nere; itaque miris modis peccatorem
diferuciatur: vide quomodo Magdalena
tractarit, sparsit eius capillos, fleti-
bus ora & sinum complevit, vultum
pudore & dolore accendit; sed præci-
puè in ea parte, in qua peccatū admissū
est hoc est in corde: *Cor contritum & hu-*

miliatum Deus non despicies. Iam quomo-
do anima se Deo in omnibus subiicit,
quomodo priora damnat, & revocat?
Quid dicam, quod anima sic Deo sub-
ditur, ut de ea proprium agat trium-
phum? Ad hoc significandum passim in
Scripturis conversio peccatorum ex-
plicatur per clades, & excidia, Psal. 48.
In spiritu vehementi conteres naves Tharsis.
Augustinus per naves intelligit, diver-
sas nationes, quarum superbiam Ghris-
tus evertit, dum eas convertit ad fidem
Psal. 103. *Deficiant peccatores à terra, &
iniqui, ita ut non sint.* Basilus, non ut pe-
reant, orat, sed ut convertantur. Psal.
149. *Et gladij accipites in manibus eorum.
ad faciendam vindictam in nationibus, incre-
pationes in populis.* Vide qui sint in Apo-
stolorum manibus gladij, increpationes.
Sophon. 3. *In igne zeli mei devorabi-
tur omnis terra; quia tunc reddam populi
labium electum, ut invocent omnes in nomine
Domini, & serviant eibunihero uno.* De igne
Evangelij interpretatur Sanctū Hiero-
nymus: ex quibus constat quod dixi-
mus, maximam victoriam de pecca-
tore esse per veniam, quæ soli pœni-
tentiæ tribuitur. Quod autem inde Deo
accedat voluptas ex naturali modo
agendi per bonitatem, faciunt hoc plu-
rimæ Christi parabolæ, uti Patris fili-
um prodigum reverentem suscipientis:
& mulieris quæ drachmam reperit; un-
de gaudium Angelorum super uno pec-
catore pœnitentiam agente, nihil ali-
ud significat quàm laudes quæ ab An-
gelis Deo dantur super conversione
peccatoris: Vide non vulgare huius
voluptatis Dei exemplum in insigni
peccatore, nempe Achab, de quo dicit
R. Scriptu-

Scriptura 3. Reg. cap. 16. *Fecit Ahab malum in conspectu Domini super omnes, qui fuerunt ante eum; quantumvis pessimi Reges ante eum præcessissent: nihilo minus tamen ubi primum de peccato suo dolens scidit vestimenta sua, & operuit cilicio carnem suam, jejunavitque, & dormivit in sacco, & ambulavit demisso capite:* etiam si omnia illa fuerint tantum pars quædam, eaque minima pœnitentiæ, Deus sic afflictum videre non potuit, quin de subjugato sibi adversario gloriari cœperit apud Eliam: *Nonne vidisti humiliationem Ahab. coram me? quia igitur humiliatus est mei causâ, non inducam malum in diebus eius.* Ita Deus facilem se præbet ad pœnitentiam.

Quæ cum ita sint, quis jam peccatori excusationis locus esse potest ubi tâ facilis est venia? Age enim quid cessas? cur pœnitentiam non agis? quid times, quid vereris? an Dei iudicio & minas, an supplicia? Ignoras quod sola pœnitentia te ab illis liberare potest? an peccatorum tuorum multitudinē, an gravitatem? tu ne pœnitentiæ vim, ac virtutem nosti ut decet? post tot promissa, post tot exempla: nova, vetera, omnis generis, ubique gentium, in omni hominum conditione? Cogita Deum iratum, minas jactantem, supplicia intentantem; cogita eius potentiam, maje-

statem, immò furorem, ac in pœnas effusum, si adfuerit, si obtiterit pœnitentia, de Deo irato, de tam potente, triumphum aget. Sed tibi odiosum est, vel pœnitentiæ nomen. Certè si Deus pro peccatorum condonatione postulasset omnia bona nostra, quis dare nõ debuisset? si petiisset, ut omnia supplicia, & omnia adversa toleraremus, quis pati non debuisset? Jam cum ei pœnitentia sufficiat, quis ab ea excusare se potest? quod si non ambigis, quid expectas, vel in quale tempus remittis? Ignoras quod quoniam benignitas Dei te ad pœnitentiam adducit? tu verò, ait Apost. Rom. 2. *Secundum divitiam tuam, & impœnitens cor, thesaurizas tibi iram in die iræ, & revelationis iusti iudicij:* qui enim opponit duritiam suam Dei benignitati, & impœnitentiam pœnitentiæ, meretur, ut Deus convertat divitias bonitatis suæ in thesaurum iræ, ac suppliciorum: sed qui confugit ad pœnitentiam, nihil habet quod metuat; nam sicut impœnitentia jungitur thesauris iræ, ita pœnitentia divitias bonitatis experitur: verè enim Deus dives est in misericordia quæ pœnitentiam inspirat, pœnitentiæ veniam concedit & gratiam, & gratiæ gloriam subnectit. Amen.

.

FERIA QUINTA CINERUM,

CONCIO

DE VOLUNTATE DEI QUOAD SALUTEM
hominum : ubi de subrogatione quorundam
in locum aliorum.

*Dico autem vobis, quod multi ab Oriente, & Occidente venient, & recumbent
cum Abraham, Isaac & Jacob in regno Cælorum, filij autem regni
eijcentur in tenebras exteriores. Matthæi 8.*

IN Centurionis, hominis Gentilis, seruo, qui jacebat in domo Paralyticus, statum habemus populi Gentilis cuius propè erat salus conclamata. In accessu Centurionis ad Christum per Judæos, vocationem gentium per Judæos, quia (Isai. c. 2.) *de Sion exibit lex, & verbum Domini de Jerusalem: Et c. 60. Et ambulabunt gentes in lumine tuo. In fide Centurionis luperante fidem Judæorum, mirabilem gentium conversionem supra Judæos secundum illud, Non inveni tantam fidem in Israël: In puero Centurionis sanato, vocationis gentium figuram, sicut in altero Centurione eadem gentium vocatio & fides cœpta est: uti dicitur Act. 10. In Christi sermone ut ait Chrysost. Sententiæ cuiusdam ac Judicij pronuntiationem. In miraculo, ut idem Chrysost. ait, fidem*

verborum signo confirmat, quia doctrinā planè admirabilem afferebat, de quā nobis hodie sermo instituendus est, si prius lumen è cælo accersiverimus. *Ave Maria.*

IN Christi sanationibus & miraculis aliud fuit quod intendebat vel petens vel accipiens, aliud quod volebat qui faciebat ac operabatur. Qui petebat, salutem attendebat, ac liberationem ab aliquo incommodò, itaque vel misericordiam eius, vel potentiam sollicitabat, ut ille, *si vis potes me mundare. Item si quid potes adjuva nos. Item filij David misereve nostri.* Qui verò sanabat ac faciebat miraculum, longè aliquid majus intendebat, itaque factò & miraculo doctrinam addebat, & verbum, & utroque aliquid significabat. Ac ne vager per singula & in hodierno hæream

R 2

Evan-

tum, unde apud Augustinum vocatio secundum propositum semper habet effectum:& Isaia 46. *Consilium meum stabit, & omnia voluntas mea fiet*: & Joan. 10. de Ovis suis. *Non peribunt in aeternum, & non rapiet eas quisquam de manu mea.*

Probatur 2. Ex Sap. 12. *Tu autem dominator virtutis, cum tranquillitate iudicas, & cum magna reverentia disponis nos, subest enim tibi cum volueris, posse.* Ex quibus verbis discimus cum in Dei potestate sit omnibus modis movere liberum arbitrium sic movere potest ut faciat ut velis, quapropter rectè dicitur, *subest tibi cum volueris, posse.* Itaque licet multi nolint vel malitiâ, vel ignaviâ, ita tamen quosdam vocat, ut infallibiliter veniant. Ita cum multi ad cenam invitati venire noluisse, alios sic vocavit, ut venierent; quod significavit cum dixit Dominus servo, Lucæ 14. *Exi in vias, & sepes, & compelle intrare ut impleatur domus mea.* Ista compulsio, est peculiaris vocatio cui nemo resistit, & quæ sum semper habet effectum.

Probatur 3. Quia sic naturâ comparatum est, ut quod quidam respuunt, alij plurimum faciant. Itaque licet in tanto hominum numero multi sint qui vel malitiâ, vel ignaviâ salvari nolint, illi tamen efficere non potuerunt, quin aliqui salvari velint auxiliante gratiâ: ut in singuli manu, vasa multa franguntur, sed quædam coheret & conservantur: Er hic valet argumentum Apostoli Rom. 3. *Si quidam illorum non crediderunt, nunquid incredulitas illorum fidem Dei evacuavit?* absit. Ita si quidam noluerunt salvari, non tamen Dei de hominibus salvandis consilium periit: nã uti dicitur Rom. 11. *Sine penitentia sunt*

dona, & vocatio Dei: Cum itaque dare gloriam hominibus decreverit non inde consilium mutat, quod accipere nonnulli recusent, sed ea voluntas semper perdurat, & in aliquo effectum tandem habebit.

2. Proposito est, Deus generatim statuit certam & quoad numerum determinatam hominum multitudinem salvare.

Probatur 1. Ex verbis Christi Jo. 14. *In domo Patris mei mansiones multe sunt.* Igitur ut concludit Nazian. orat. 1. Theol. non una tantum, sed plures: Age vero (inquit) eas ne putas omnes impleri, an quasdam quidem impleri, cæteras autem minimè, ut inanes, & frustra paratas? utique omnes. Nec enim à Deo quidquam temerè, atque incassum factum est: Et hoc conveniens est Dei bonitati ut plures ad vitam illam beatam ordinarentur, nec unus aut pauci admodum. Idem docuit Augustinus Epist. 106. ad Bonifac. ubi de prædestinatis sic loquitur: Quorum ita certus est numerus, ut nec addatur ei quidquam, nec minuatur ex eis: Prosper Epistolâ de libero Arbitrio ad Rufinum, certum docet esse definitumque numerum prædestinati in vitam æternâ populi, & secundum propositum Dei vocantis, electi. Quod quidem (inquit) tam impium est negare, quàm ipsi gratiæ contrairè.

2. Probatur ex illo Apocal. 3. *Tene quod habes ne alius accipiat coronam tuam:* quod explicans Augustinus lib. de Corrupt. & Gratiæ. cap. 13. Si alius non est accepturus, nisi iste perdiderit, certus est numerus: Ex quo loco hoc efficax trahitur argumentum: Si alius non

R 3 est

est accepturus coronam, nisi iste perdidit, id fieri oportet, ne prædestinatorum multitudo crescat ultra certum numerum prædefinitum, igitur illius hominis prædestinatio pendet ex eo, quod certus numerus prædestinatorum fuerit prædefinitus, & ab eo numero defecerit alter.

3. Probatur. Ex communi Theologorum sententiâ quam ex Augustino sumunt, tunc demum finem habiturum mundum cum impletus fuerit numerus prædestinatorum, & in hunc sensum afferunt responsum datam Martyribus poscentibus vindictam Apocal. 6. *Et dictum est illis ut requiescerent adhuc tempus modicum, donec compleantur conservi eorum, & fratres eorum qui interficiendi sunt, sicut & illi.* Cum itaque mundus sit finiturus illo numero completo, oportet illum numerum esse determinatum, ante quem mundus non finiat, post quem mundus non duret, etenim propter electos mundus creatus est.

Et hoc conveniens est divinæ sapientiæ & providentiæ quæ Civitatem illam præparavit certo ordine comprehensam, & in illâ toto mansionem, & convivium sic instruxit ut tot loca præpararit: Vnde cum invitati fuissent aliqui, & ex iis quidam venissent, alij non venissent, respondit servus, *Domine factum est ut imperasti, & adhuc locus est: Cui Dominus: Exi in vias & sepe & compelle intrare, ut impleatur domus mea:* certè ante impletam quoslibet invitat, illâ autem impletâ neminem vocat.

3. Propositio est. Quamvis multi suâ culpâ nolint esse eo ex numero impedire tamē non possunt quin numerus

ille, compleatur, unde fit ut ex nullo pendeat in particulari. 1. pars probatur ex dictis. Quia cum Deus neminem cogat, multi sponte suâ nolunt venire, itaque verum est, quod dicitur, *Multi vocati, pauci verb electi*, nam plurimi ad cœnam Agni vocantur, sed ut ait Evangelista: *Noluerunt venire*, nemo itaque excluditur nisi culpâ suâ, quia omnes vocantur, & sincere vocantur, nempe ut veniant.

2. Pars probatur 1. Ex Parabolâ invitatorum ad cœnam Lucæ 14. Nam cum dixisset multos fuisse invitatos, de illis ita subdit, *Et cœperunt simul omnes excusare.* Nè tamen crederes frustra paratam esse cœnam: Tunc iratus Paterfamilias, dixit servo suo. *Exi citò in plateas & vicos Civitatis, & pauperes, ac debiles, & cæcos, & claudos, introduce hic.* Et ait servus, *Domine, factum est ut imperasti, & adhuc locus est:* Et ait Dominus servo. *Exi in vias, & sepe & compelle intrare, ut impleatur domus mea:* Ex quibus verbis colligitur, eos qui venire renuerunt, privatos quidem fuisse illo honore, iuxta illud: *Dico autē vobis quod nemo vivorum illorum qui vocati sunt, gustabit cœnam meam:* sed tamen minimè effecisse, ut frustra parata fuerit cœna quia alij vocati sunt, qui venirent, & qui defacto venerunt, iuxta illud, *ut impleatur domus mea.*

2. Probatur ex verbis S. Ioannis Baptiste, Matth. 3. *Et ne velitis dicere intra vos, Patrem habemus Abraham, Dico enim vobis quoniam potens est de lapidibus istis suscitare filios Abrahæ, iam enim securi ad radicem arborum posita est.* In quibus verbis includitur cogitatio Iudeorum & Joannis responsio: cum enim
Joan-

Ioannes ad pœnitentiam Iudæos vocaret, si perire nollent, ipsi hæc aqua se cogitabant, se esse filios naturales Abrahamæ: Deum autem fœdus cum Abraham pepigisse, ac semini eius salutem, atque hæreditatem esse pollicitum, itaque nil esse quod timerent venturam iram, non enim posse perire, nec Deum promissa sua posse abscindere, cum propter suam iustitiam, tum propter Abrahamæ Patris ipsorum sanctitatem ipsi acceptissimam: Quibus rectè Ioannes respondet. Possè Deum illis omnibus perditis adimplere promissiones Abrahamæ factas, de semine ipsius: Nam qui olim ex lapideâ & sterili vulvâ Saræ excitavit Abraham filium, cuius deinde posteritas arenę maris cœquata est, is modò ex illis quos Ioannes ostendebat lapidibus, eidem suscitare poterit semen in quo præstet, quæ sunt Abrahamæ promissa. Itaque lapidum potius fecit mentionem, ut scirent Deum simili olim modo, Abrahamæ filios dedisse, & aliquando daturum: sic enim appellat Scriptura sterilem Saræ vulvam, & emortuum corpus Abrahamæ Isaiæ 57. *Attēdite ad Petram unde excisi estis, & ad cavernam laci de quâ præcisi estis: Attēdite ad Abraham Patrem vestrum, & ad Saram, quæ peperit vos: quod & factum est, cum Deus ex Gentilibus saxa pro dijs cōsentibus, eisque secundum Davidem assimilatis, & in vitijis suis jam obduratis, plerosque per fidē imitationem fecit esse filios Abrahamæ: neque enim, ut ait Apostolus Rom. 9. Omnes qui ex Israël sunt, ij sunt Israëlita: neque qui semen sunt Abrahamæ, omnes filij: sed in Isaac vocabitur tibi semen: id est, non qui filij carnis, sed filij Dei: sed qui filij sunt promissionis, assi-*

mantur in semine. Ex quibus omnibus conficitur eos Abrahamæ filios qui converti noluerūt, non evacuassee Dei promissionem, sed vel ex lapidibus Deum suscitare potuisse filios Abrahamæ, in quibus facta ipsi divina promissio impleatur: unde Apostolus Rom. 9. *Non quod exciderit verbum Dei, non enim omnes qui ex Israël sunt, ij sunt Israëlita*, quia unis percuntibus, alij substituuntur. Itaque quod proposuimus verum est, nempe qui ex electorum numero esse nolunt, minimè impedire quin ille numerus impleatur, ut qui nolunt fidem Abrahamæ imitari nec esse filij secundum promissionem impedire non possunt, quin promissio ipsi facta impleatur, nam et si omnes filij Abrahamæ secundum carnem perirent, posset tamen ei Deus multiplici ratione filios dare, etiam ex lapidibus. Unde.

3. Pars facile probatur nempe illius numeri prædefinitionem nullo modo pendere à determinatâ prædestinatione alicuius singularis hominis. Quia hoc homine deficiente, substituendus est alius ad eum numerum explendum: In eo igitur tota est fundatoris, & Architecti sapientia, atque prudentia, ut definierit, quanta sit futura. Civium multitudo, ut nec maior, nec minor: & quod in Templo vel ædificio, tot mansiones assignentur extitendæ, nec plures, nec pauciores: non autem ut isti potius quàm isti homines eligenter, ut eā Civitatem aut illas mansiones impleant. nā si nō habeant aptitudinē, relinquēdi sunt, ut aptiores eligatur, nō deerunt autē in tantā multitudine possibiliū qui apti existant: Ita in lapidum electione

res

bemus in Scripturâ Exodi 32. cum enim populus absente Moysè in idololatricam prolapsus fuisset, inter cætera quæ Deus iratus in populum dixit Moyse hoc fuit. *Cerno quod populus iste dure cervicis sit, dimitte me ut irascatur furor meus contra eos, & deleam eos, faciamque te in gentem magnam:* Certè si Moyses Deum non placasset, repudiato Irahæle, aliam gètem in suum populum assumpsisset, & Irahælis repudiatio fuisset alterius gentis evectio: sed quod illo tempore factum non est, id postea mutatione graviore factum est: Nam licet Christus in omnium hominum bonum venisset, quia tamen peculiariter illi populo promissus fuerat secundum illud Deuteronom. 18. *Prophetam de gente tuâ, & de fratribus tuis sicut me suscitabit tibi Dominus Deus tuus, ipsum audies:* unde Apostolus Rom. 9. *Quorum adoptio est filiorum, & gloria, & testamentum, & legislatio, & obsequium, & promissa, quorum Pater, & ex quibus est Christus secundum carnem:* & propterea cum venisset dicebat Matth. 15. *Non sum missus nisi ad oves, quæ perierunt domus Israël.* & Matth. 10. *Apostolus missurus, ita præcepit. In viam gentium ne abieritis, & in civitates Samaritanorum ne intraveritis, sed potius ite ad oves quæ perierunt domus Israel:* idque Apostoli initio observaverunt: (Non quod Christus pro omnibus mortuus non fuerit, omnesque non redemerit, & omnium curam non gesserit, fuit enim propitiatio pro peccatis totius mundi, & redemptor universalis, sed quia hæc salus & redemptio non eodem ordine annuntianda, & communicanda fuit, sed prius Iudæis & postea gentibus, unde futurum erat, ut gentes, quibus eo tempore salus non

annuntiabatur, fluflu redemptionis, privatae essent, quam omnino percipissent, si salutis verbum citius eis esset notificatum) quia, inquam, Iudæi verbum illud neglexerunt hinc factum est ut è gratu suo dejecti sint, & in eo gentes collocatae: & ita ordo prædicationis per Iudæorum incredulitatē mutatus est; ipsis enim non credentibus, Apostoli ad gentes statim conversi sunt, & factum est, ut citius eis annuntiata sit salus, & multo plures eam receperint: Quam doctrinam docuere Paulus & Barnabas Act. 13. *Vobis oportebat primum loqui verbum Dei, sed quia repellitis illud, & indignos vos iudicatis æternæ vitæ, ecce convertimur ad gentes, sic enim præcepit nobis Dominus:* Nota illud primum, quod Christus etiam docuerat Luc. 14. per parabolam invitantis multos ad cœnam magnam, nam cum id excusasset, dixit *Pater familias exi cito in vicos & plateas:* hæc vox citò significat gentes etiam vocandas, sed non ita citò, sicut factum est propter Iudæorum incredulitatem: Porro non solum citius salus gentibus est annuntiata ex Iudæorum incredulitate, & primi facti sunt Gentiles, secundum illud. *Et erunt novissimi primi, & primi novissimi,* sed etiã loco Iudæorum gentes subrogatae sunt & insertae Christo & Ecclesiæ: fractis enim naturalibus Olivæ ramis, inserti sunt rami oleastri: Quod si Iudæi omnis credidissent, gentes quidem postea vocatae fuissent, sed multæ interim perissent, nec loco Iudæorum fuisset subrogata: Deus itaque ex incredulitate Iudæorum perfecit celerem gentium salutem, & per eam Iudæorum ruinam implevit: Hoc significant

S

illa

illa Apostoli verba Rom. 11. *Illorum delicta salus est gentibus, ut illos emulentur: Et postea. Delictum illorum divitiæ sunt mundi, & diminutio eorum, divitiæ gentium.* Quia quò pauciores ex iudæis crediderunt, eò plures ex gentibus: Et postea. *Amisio eorum, reconciliatio est mundi.* Item *Aliqui ex ramis fradi sunt, tu autem cum oleaster es, insertus es in illis:* id est, loco illorum; eorum enim casus, tuæ exultationis occasio est. Hoc itaque cogita primos Christianos esse gentibus, qui tamen primitivam Ecclesiam composuerunt, perituros fuisse, nisi iudæi fidem repulissent, sed illis cadentibus in eorum locum magno suo bono sunt positi, & Christi prophetia effectum habuit, *Dico autem vobis quod multi ab Oriente, & Occidente venient,* (nam undique gentes convocatæ sunt) *& recumbent cum Abraham, Isaac & Jacob in regno Cælorum, filij autem regni ejicientur in tenebras exteriores.* Atque ex horum ejectione oritur, quod illi introducantur, adeò verum est, quod diximus, unius casum esse alterius elevationem. Itaque in universum sic pronuntiat S. Tho. 1. p. q. 23. art. 6. ad 1. Non permittit Deus aliquos cadere quin alios erigat: sic in locum Angelorum cadentium substitui sunt homines, & in locum iudæorum Gentiles, quod quâ ratione factum sit, ex Apostoli doctrinâ ostendimus.

5. Propositio est. Talē dispositionē valde esse mirabilē, unde ne ullus de eâ dubitaret, eâ Christus & verbo & facto confirmavit.

1. Pars probatur quod stupenda sit eiusmodi dispositio. Hæc enim in eâ cōtinētur 1. nō omnes æqualiter diligi,

quod patet, quia quorundam est electio, itaque & prælatio: 2. quosdam ex prima intentione non salvari, sed tantum ex secundariâ, qui enim alterius loco ponitur, non suo loco sedet sed alieno: 3. quosdam ideò salvâri quod alij pereant, quid ita? nonne ambo salvâri poterant? Ita quidem si Deus voluisset: sed cū numerum salvandorum determinasset, tam multos minime creasset, nisi primi defecissent: quod hinc patet, quia mundi consumatio tūc erit, cū numerus ille fuerit impletus, sed quâdiu locus erit in convivio tamdiu vocabuntur ad cœnam: 4. Hinc fieri ut quibusdam expediat, alios perire, ut ipsi salutem assequantur, quid enim Apostolus iudæos appellat mundi divitiæ, & eorum amissionem mundi reconciliationem, nisi quia ipsis pereuntibus, gentes salvæ factæ sunt.

2. Pars probatur. Etenim id verba Christi sonant. *Dico vobis quod multi ab Oriente & Occidente venient & recumbent, cum Abraham, Isaac & Jacob in regno Cælorum, filij autem regni ejicientur in tenebras exteriores.* Gloriam exprimit per Convivium, ad quod primum vocati iudæi, sed quia venire noluerunt, gentibus locum dedere: Nonne iudas filius regni erat, cui cum alijs discipulis dictum fuerat *super sedes duodecim sedebitis,* factus est autem gehennæ filius: At vero Æthiops quamvis barbarus, & unus eorum qui ab ortu, & casu erant, unâ cum Abraham, Isaac, & Jacob æternis bonis fructur: Quod autem verbis dixit, id miraculo cōfirmavit; nam absens servum Centurionis iam in extremis positum verbo solo sanavit. quia enim

enim erat admirabile quod dicebatur, reipsâ ostendit, & miraculo; reipsâ, dū esse declaravit in homine Gentili maiorem fidem quam in ullo Iudæo. *Amē dico vobis non inveni tantam fidem in Israël;* miraculo autem, dum servum repente sanavit: prius dixit prophetiam, tum signum adjunxit, ut à rebus præsentibus fidem orationi acquireret, minus majore confirmans: nam quod studiosi virtutis salventur, his oppositi pereant, nihil inconveniens sed rationi consentaneum, & legum præscriptis congruens est: verum membra fluxa ac resoluta roborare, & mortuum ex citare, maius quam secundum naturam erat, cuiusque vires excedens: In quâ re admirabilem rerum conversionem agnoscit Chrysost. nam uti tunc prophetiam miraculo confirmavit, ita eventum prophetiæ, signa verè facta fuisse creduntur: illi miraculum viderunt, ut crederent quod prædicebat, nos ex rerum eventu factū miraculū certo cognoscimus.

6. Propositio est: Ita mirabile esse eiusmodi dispositionem, ut tamen iustissimæ rationes non desinit, atque utilitates maximæ. 1. enim id pertinuit ad summam Dei Sapientiam, ut suo fine non excederet, quantumque homines impedire conarentur: cum itaque certum hominum numerum salvare decreverit, *ac dona Dei sint sine penitentia*, quod aliqui noluerunt, id in alijs consecutus est: Immo hoc fuit opus summæ Sapientiæ, ut ex unorū ruinâ occasionem fumeret salutis aliorum, bonū ex malo eliciens, & ex Iudæorum incredulitate fidem gentium accellerans, ut ex istorum fide, alios aliquando

salvaret: qui procedendi modus, tam admirabilis vilus est D. Paulo ut exclamarit. Rom. 11. *O altitudo divitiarum Sapientiæ & scientiæ Dei!* ipse enim solus id scivit per scientiam, & per sapientiam disposuit; *Quam incōprehensibilia sunt iudicia eius, & in vestigabiles viæ eius!* Iudicia Dei appellat quæ munde facere decrevit de singulis hominibus. Vias autem, modos per quos deducit ad effectum quæ faciendæ statuit: utraque autem vocat incomprehensibilia, quia omnē nostrum captum longè superant. Atque ut de re præsentī loquamur, de quâ etiam & Apostolus loquitur, ad iudicium Dei pertinet quod decrevit, quot homines essent salvandi sive ex Iudæis essent, sive ex gentibus: via autem & modus perducendi quos decrevit ad salutem, is fuit, ut Iudæi primò & per se ad salutem vocarentur, Gentiles autē non nisi secundario, & ex occasione lapsus Iudæorū, secundum illud: *Iudæi primū, & Græci*, unde factum, ut populū fecerit nō populū, non populum autem fecerit populum, secundum illud Osce, quod citat Apostolus Rom. 9. *Vocabo non plebem meam, plebem meam: & non dilectam, dilectam: & non misericordiam consecutam, misericordiam consecutam:* & hæc iudicia sūt inscrutabilia, & investigabiles viæ: nam quis unquā cogitasset, per hanc viam salvandas gentes, ac magnā ex parte perituras nisi maximā ex parte perituras nisi maximā ex parte Iudæi periissent, in quo magna fuit scientiæ, & sapientiæ Dei profunditas.

2. Id pertinuit ad summam commendationem divinæ bonitatis & iustitiæ, secundū illud Rom. 11. *Vide ergo bonitatem & veritatem Dei, In eos quidē qui ceciderunt*

servitatem: In te autem bonitatem Dei: Nam quæ maior severitas quam erga Judæos quib⁹ minimè pepercit? ut quæ major bonitas quam erga Gentiles quorum non modo non fuerunt ulla merita, sed magna demerita, cum eos tamen loco Judæorum subrogarit? Nam si severus esse voluit, cur non erga Gentiles, uti erga Judæos? si bonus, cur ut Gentibus non etiam Judæis fuit? sed potius unde occasionem sumpsit unos puniendi, inde ansam arripuit alios salvandi, erga primos severus, id est, non utens misericordiā: erga secundos bonus, ultra illis benefaciens: est enim bonitas, græcè *grísdiú*. virtus quædam quā aliis benefacimus sponte, & non requisitis eorum meritis, uti dicitur ad Titum 3. *Apparuit benignitas, &c.* Non ex operibus quæ fecimus nos, & hæc Deus usus est cum converfis ex Gentibus.

Jam quod attinet ad utilitatem, aliis ex aliis per æmulationem Deus opulatus est: Cum enim Gentes Judæis posthabita intellexissent, sibi etiam aditum patere ad Evangelij virtutem, & se Judæorum loco subrogandas esse, docente eas Paulo Actor. 13. *Posuit te in lucem Gentium, ut sis in salutem usque ad extremum terræ:* ex eā re æmulationem in se conceperunt, ac facilius ad fidem venerunt, quod sic exprimit Lucas in verbis sequentibus: *Audientes autem Gentes gratulati sunt, & glorificabant verbum Domini, & crediderunt,* quotquot erant præordinati ad vitam æternam: contrario verò Judæi cernentes se loco suo excidisse, cumque à Gentibus occupatum, æmulatione gentium venient ad fidem, dicente Moise uti cum citat Paulus Rom.

10. *Ego ad æmulationem vos adducam in non gentem:* Et ipse cap. 11. sic loquitur, *Quamdiu quidem ego sum Gentium Apostolus, ministerium meum honorificabo. si quo modo ad æmulandum provocem carnem meam, & salvos faciam aliquos ex illis,* quod sanè continget in fine mundi, cum plenitudo Gentium intrarit: Tunc enim, ut ait Paulus, *Omnis Israël servus fiet,* id est numerus totus Judæorum salvandorum perficiendus est: quare sicut Gentiles ex Judæorum ruinā salvati sunt, ita Judæi & Gentium salute salvi fient. Ex quibus omnibus patet eiusmodi dispositionē & æquissimam fuisse, & fructuosissimam, licet planè admirabilem.

Sed quā in hoc sermone partē accipis, mi Auditor? maximam planè, immò & te quoque, tota quāta est, hæc spectat oratio: aut enim justus es, aut peccator: si justus, audi Apostolum eā de re differentem, Rom. 11, *Noli altum sapere, sed time, si enim Deus naturalibus ramis non pepercit, nè fortè, nec tibi parcat:* Nemini virtus, nemini gratia naturalis est: quilibet potest excidere. Nemo itaque vel gloriatur Parentum suorum virtute, vel ratione cognitionis, vel ratione professionis: Hoc Judæis minimè profuit, quibus nihil attulit adoptio filiorum, & gloria, & testamentum, & legislatio, & obsequium, & promissa, & quod Patres eorum fuerint Patriarchæ, & quod ex ipsis Christus secundum carnem, nam uti dictum est, *Repulit Deus plebem suam,* & rami ob incredulitatem fracti sunt. Nemo item gloriatur quod sit fidelis, ipsi enim hoc quandam fuerunt, sed nunc infideles: itaque Apostolus, *Tu autem vide stas, noli altū sapere, sed time.*

Nemo

Nemo de virtute præteritâ gloriatur, id enim eis non profuit, sed cum recessere, reiecti sunt: Unde Apostulus tibi, *si permanseris in bonitate*, id est, si te dignū servaveris bonitatis Dei, ne te immobilem putes, alioquin & tu excideris. Quid enim, si Judæo non pepercit tibi parceret? immo minùs: *Si enim Deus naturalibus ramis non pepercit, nè fortè nec tibi parcat*: Certè plus timendum est iusto, & diu iusto, quàm alteri, nè beneficio abutatur quod accepit. Quam multorum casus vidimus & naufragia? Quàm multi plurium annorum pudicitia perdidere, aut iustitiam, aut probitatem? Erant illi quidem filij regni, quibus ut ait Chrysost. regnum fuerat præparatum; sed *filij regni eijciuntur in tenebras exteriores*: *Tene quod habes, ne alius accipiat coronam tuam*. Quia illa parata est, alicuius erit: *Etenim dona Dei sunt sine penitentia*. Tua quidem est quia & mereri incæpisti, & tibi primùm oblata est, sed si indignum te præbueris, erit qui illam accipiat; si vocatus non venis, erit qui veniat: nam numerus salvandorum ex eius voluntate complebitur. Vide ne tuo casu fias alterius salus, & tuo damno alterius lucrum: Judæorum similis, de quibus Apostolus: *Illorum delictum salus est Gentibus*: Et postea, *delictum illorum divitiæ sunt mundi, & diminutio eorum divitiæ gentium*: fuerat quidem hæc Dei intentio ut salvareris; parum est, fuerat ut ad sanctitatem venires: certè tot tibi adjumenta dederat, tot gratias, tot motus: sed quia te indignum iudicasti, putas fore ut bona in nihilum recidant? nequaquàm: id alterius bono fecisti. Tuâ coronâ, id est quæ tibi parata erat, alius accipiet, ut multiplici dolo-

re afficiaris. Quò Judæi deiectioni? In Gentium conversione percussus sunt, cum illud Christi fuit impletum, *Multi ab Oriente, & Occidente venient: & recumbent cum Abraham, Isaac & Jacob in regno celorum: filij autem regni eijciuntur in tenebras exteriores*: In quo successu multiplex illis evenit pœna^a, his autem lætitia & gaudium. Judæis quidem dolendum fuit, 1. quòd exciderunt: 2. quòd suis & propriis exciderunt, filij enim dicuntur regni quibus regnum fuerat præparatum. Quæ res (inquit Chrysostomus) majorem poterat ipsis inferre dolorè, cum sinum Abrahamæ repromissione suum quasi è manibus eorum extorqueri sibi viderint? Gentibus verò certè gaudendum, tum quia bonorum compotes facti sunt, tum quia hæc quæ non sperarunt consecuti sunt. His quoque tertium adici posset, ait Chrysost. quòd illi videant negligentia sibi ea excidisse, quæ isti studio rapuerunt. Quartum ego adiciam quòd eos magnopere percellere deberet: nimirum maximum amoborū discrimen: qui sunt enim qui excluduntur? filij regni: qui sunt qui à sinu Abrahamæ reiciuntur? Israëlita, & filij, qui de eâ filiatione sic gloriabantur. Qui verò sunt illi qui cum Abrahamæ recumbunt? alienigenæ & gentes, sine nomine populi, itaque dicuntur ab Oriente & Occidente vocati, id est qualescumque tandem fuerint ac sine discrimine: nam Pater familias servo præcepit Lucæ 14. *Exi cito in plateas & vicos Civitatis, & pauperes, ac debiles, & cæcos, & claudos introduce huc. Exi in vias & sepes, & compelle intrare ut impleatur domus mea*. Quid autem durius, quàm hos

admitti, illos expelli: filios regni eiici in tenebras exteriores, alienigenas, hoc est, idololatrias, vitiis omnibus copertos, à Deo tot sæculis averfos in sinum Abrahæ recipi? Et quid iustè cõqueri poterunt, nisi de se conquerantur? nam si ulli patebat sinus Abrahæ, non dubium quin filiis patuerit: unde igitur ipso sunt exclusi, nisi quia vitio suo intrare noluerunt? Si Abraham non rejecit quoscunque venientes ab Oriente & Occidente, quomodò filios suos repulisset?

Ab hoc exemplo, ad te quæso convertere. Quàm erit illud tibi grave aliquando cum te videris dejectum à gloria quæ tua pænè fuerat, si perdurasses, quanto tempore filius regni fuisti? tibi enim paratum erat regnum, & quæ fuerat Dei voluntas: nam cur tot te gratijs prævenisset, nisi te magnæ gloriæ paravisset? Illum Abrahæ sinum sperare debueras, cuius aliquandiu filius fide & imitatione extiteras, sed tot bona unica hora dissipavit. Et quàm illud gravius, cum videris alterum, tuam coronam accepisse, tibi prius destinatam, sed tuâ negligentia deperditam? cum videbis alium tuo loco sedere, nec nisi tuo damno fœlicem? 1. Reg. 2. *Et videbis æmulum tuum in templo, in universis prosperis Israël, ut deficiant oculi tui, & tabescat anima tua.* Sed illud erit super omnia, gravissimum cum videris hominem abjectissimum, & aliquando in vitâ sceleratissimum, ac longè positum à regno Dei, in sinu Abrahæ requiescentem, te autem dejectum: Quàm grave fuit diviti Epuloni, cum sit in flammis discrucietur in summâ ærum omnium inopiâ, videre Lazarum in sinu Abra-


hæ lautissimè epulantem, scitur (ait Chrysologus) quod te plus cruciet vitus in requie Lazarus, quam tua tormenta. Nemo itaque confidat: nemo se stabilem putet, atque immobilem, nemo securitate corrumpatur, nemo alium despiciat, quilibet deiici potest, ne se dicat stare, quilibet frangi potest, ne se insertum olivæ jactet. Te quotidie ad perseverantiam hortare, quam Deus nemini donat nisi volenti nisi conâti, quamquam neque voluntas sufficiat, neque curus, nisi adsit misericordia Dei miserentis: *Tene itaque quod habes, ne aliter accipiat coronam tuam.*

Quod si peccator es, imò si sceleratus, & regno planè indignus, noli tamè animum despondere, quasi redire non possis. *Numquid qui dormit, non adiciet ut resurgat?* Gentes quondam idololatræ ad veritatis agnitionem venire potuerunt, tot mores mutati, tot vitæ consuetudines, tot vitia deleta, tot prostrata monstra; Quid post hæc exempla dubitas? Si primis votis regnum cælorum ambire non potes, sed potes secundis. Quàm multi quotidie pereunt, quàm multi cadunt, quàm multi franguntur? Illi tuo lucro atque emolumentò pereunt, si occasione uti velis. Tam multis pereunt coronæ, quæ possunt esse tuæ si velis. Nemo est tam vilis, sed nec tam impius, nec tam sceleratus, quo peiorum non mutarit gratia, non receperit cælum. Tot iustos circumspice, nemo est illorum quem æquare non possis. Et illud parum est: nemo est, quæ superare non possis. Cælum ingredi, Beatos circumspice, quot ego video olim histriones & mimos, olim adulescos ac turpes, olim injustos & raptores

res

res, olim impios & idolorum cultores, ut nemo jam audeat desperare. Illi sunt qui cum Abraham epulantur, & in eius sinu quiescunt, dum filij regni in tenebris exterioribus lugent, atque tristantur : Quam hæc vox iustos terrere, & peccatores consolari debet, quæ dicit Matth. 21. *Amen dico vobis, quia Publicani & meretrices præcedent vos in regnū Dei:* Et Matthæus olim publicanus factus est Apostolus, & Paulus, & olim blasphemus, & persecutor, factus est Prædicator & Apostolus. En Magdalena Mulier incivitate peccatrix, plus ceteris amavit, mulierē partē elegit, & Vir-

gines ipsas superavit: ita scilicet: *Regnū Cælorum vim patitur, & violenti rapiunt illud.* Neque enim datur aut sanguini aut stirpi, aut conditioni, aut professioni, sed virtuti, & quouisque est violentior, eò etiam certius illud rapit. Nihil Judæ profuit filium fuisse regni, cum factus sit gehennæ filius. Nihil nocuit Æthiopi barbarum fuisse, & unum eorum qui ab ortu & occasu fuerunt, quandoquidem in Abrahami consortium fuit admissus, & cum Patriarchis, æternis bonis fruitur, quæ nobis donet Filius Dei qui est benedictus in sæcula. Amen.



FERIA QUINTA CINERUM,

CONCIO PRIMA,

DE FIDE.

Amen dico vobis. Non inveni tantam fidem in Israël. Matth. 8.

IN hodierno Evangelio, in quo agitur de sanitate restitutâ servo Centurionis, multa sunt valde notabilia. 1. est, mira Christi potentia, qui licet absens solo verbo, hoc est solo imperio Centurionis servum sanavit. 2. Magna Centurionis humilitas, qui non ausus est sistere se præsentem Christo Domino, & rogare coram, sed per alios rogavit, profitens se non esse dignum, ut id per se faceret: & cum sciret nihilominus Christum ad se venire, id

excusavit, negans se dignum esse ut in eius domum veniret. 3. Admirabilis eius fides, quæ Christum etiam rapuit in admirationē: nam uti dicitur in textu: *Audiens autem Jesus miratus est*, de quâ re S. Chrysologus serm. 10. Creator mirabilem miratur, aurium conditor, quasi qui non audita nesciat, sic stupet audita. 4. Prælatio fidei gentilium supra Judæorum fidem: Unde Christus. *Non inveni tantam fidem in Israël.* 5.

Tacita

Tacita Judæorum reprehensio de incredulitate, cum tot rationes haberent credendi: itaque Chrysologus loco cit. Cum Gentilem sic credidisse miratur, incredulitatem corripit Judæorum: sed quia hæc omnia tractare nimis longū esset: hoc unum mihi tractandum proposui. quid causæ fuit cur Christus ad eum extulerit Centurionis fidem: quod uti vobis explicem sicut oportet, ego gratiâ Dei, quam ope Virginis poltulo. *Ave Maria.*

MAGNUM quid & singulare prorsus esse in fide oportet, cum ea sola fuerit argumentum causæ; admirationis Christi Domini, dum vivebat in terris. *Audiens autem Jesus miratus est, & sequentibus se dixit, non inveni tantam fidem in Israël.* Ita cap. 15. Matthæi, eundem illum sensum testificatus est de fide Chananææ. *O Mulier magna est fides tua: fiat tibi sicut vis.* Totòque in Evangelio non comperimus illum rem ullam nisi hancce virtutem miratum fuisse. Porro cum in nobis admiratio significet, nos rei novitate deprehensos, cum aliquid antea nobis ignotum, postea cognoscimus: Admiramur enim ea quæ audimus, & videmus, aut aliâ ratione cognoscimus: cum antea non solum ignoraremus, sed nec ita esse cogitaremus: in Christo admiratio non significat eius ignorance antecedentem, & notitiam consequentem cum nihil potuerit ignorare: ac multò minus fidem Centurionis, cuius ipse author fuisset, ait S. Augustinus: sed significat rem esse insolitam, & magnam: Unde etiam exterius dedit testimoni-

um magnitudinis rei: uti igitur in Scripturis dicitur Deus irasci, commoveri, & misereri: non quod Deus istos in se sentiat motus, & passiones: sed ratione effectuum, nam punit; & opem fert miseris: ita admiratio fuit in Christo per demonstrationem externam, & æstimationem magnitudinis rei: quâ se egit, & ita locutus est: uti facere solent admirantes, voce, oculis, nutu, gestu, & laudatione & modo loquendi. Non est tamen illud quod quæro, quomodo in Christo potuerit esse admiratio, sed quid tandem sit in fide, quod Christo potuerit esse admirationis causa: nam si fidem miratus est in Centurione, oportuit admodum graves esse huius admirationis causas, quas hodie investigo.

I. Ratio, & causa quæ mihi occurrit, est nobilitas, & sublimitas actus fidei, super omnes actus quæ sunt, vel qui fiunt in homine; hæc autem sublimitas ex multis capitibus oritur.

I. Ratione potentæ in quâ est fides, quæ est intellectus.

Nota 1. in actibus considerari posse duplicem nobilitatem, una est generis, altera speciei: generis petitur a principio: ita dicimus visionem esse nobiliorē tactu: quia oculus nobilior est sensu tactus: & intellectus nobilior est phantasiâ. Speciei nobilitas petitur ab objecto. Nam actus specificantur ab objectis, objecta enim sunt mensuræ actuum.

Nota 2. fidem esse actum intellectus, unde Paulus Hebræorum 11. *Fide intelligimus aptata esse sæcula verbo Dei.*

Nota

Nota 3. intellectum esse omnium potentiarum nobilissimum : unde Aristoteles 1. de anima cap. 5. docet nihil esse præstabilius intellectu : & sic concludit? Maxime rationi congruum est, intellectum omnia præcessisse, & præstabilissimum omnium, & naturâ dominum esse: & lib. 12. Metaphys. cap. 7. intellectio secundum se, eius est quod secundum se optimum est, & maxime est eius quod maxime est. Ratio est. Quia cum vivens non vivente sit Præstabilius, habet enim in se sui motus principium: Quæ autem vivunt? aut vegetant sicut arbores, aut sentiunt, ut animalia; aut intelligunt, ut Angeli: insuper cum intellectio melior sit sensu; certe intellectus est potentia nobilissima: est enim prima vita animæ rationalis, & radix cæterarum facultatum ut voluntatis, & memoriæ. Cum itaque fides sit actus intellectus, & intellectus sit nobilissima potentia: sequitur ex parte potentiæ fidem esse actum nobilissimum: & hinc videt nobilitatem generis.

2 Ratione objecti unde sumitur specifica nobilitas actuum, quia ab objectis, actus specificantur. Nam sive spectetur objectum materiale fidei, seu formale, est Deus ipse, & perfectiones Divinæ: Porro à Deo petitur omnis fons, & origo nobilitatis, uti docet S. Chrysostomus 1. ad Rom. Probatur maior. Nam ut primò loquar de objecto materiali, quod Philosophi subiectum appellant, non aliud est quam Deus, definiente Apostolo fidem his verbis, *fides est substantia rerum sperandarum*: sed illud quod primò speratur est beatitudo, illa autem est ipse Deus. 2 Quia id quod est

primò revelatum, & propter quod cætera revelata sunt est subiectum fidei: sed Deus est cuiusmodi, nam sine non cognito frustra cætera cognoscerentur: 3. Quia omnia quæ fide creduntur, aliquem ordinem habent ad Deum, vel enim sunt eius proprietates, vel effectus, vel viæ quæ ducunt ad eius possessionem & cognitionem, unde Deus est primarium subiectum fidei. 4. Quia virtus Theologica, primò & per se Deum attingit ut finem: cætera autem dicunt attributionem ad Deum: unde fides immediatius Deum attingit, quam aliæ cognitiões: nam fides sine medio Deum attingit: aliæ verò cognitiones mediâtè per objecta à Deo remota.

Iam quod pertinet ad obiectum formale quod, fidei. Dico esse Deitatem, authoritatem Dei, revelationem ab ipso factam, & res revelatas. Probatur de Deitate. Quia ante actum, quo credimus rebus revelatis, propter authoritatem Dei: & ante actum quo credimus ipsam authoritatem Dei, debet ordine nature præcedere actus credendi Deitatem, seu existentiam Dei: Nam prius quàm dictis alicuius credamus, oportet ut eius existentia prius cognoscatur, & prius etiam quàm eius authoritatem cognoscamus.

Idem probatur, de eiusdem authoritate. Quia credere aliquid, est assentiri alicui propositioni ob authoritatem dicentis, quia existimatur talis, ut fallere non possit: unde authoritas dicentis, est ratio, cur ei fides adhibeatur: Id docet Augustinus libro de utilitate credendi cap. 11. Sicut quod intelligimus, rationi debemus: sic quod credimus authoritati.

T De

non tantum sensus, sed etiã intellectus: Vnde certior est, experiẽtia & scientiis, immo etiam primis principiis, seu intellectu primorum principiorum, quæ sunt per se nota & ex terminis evidentia. Nam scientiæ quidem nituntur naturis rerum: fides autem essẽtiã divinã, quæ maiorem habet in essẽdo necessitatem, quàm essentia creatæ: Iam experientia ferè nititur sensibus, qui omnes falli possunt, & quos sæpe oportet per rationem corrigere: cum divina veritas, & motiva credendi non possint nos fallere, saltem prima. Denique intellectus principiorum nititur evidentiã immediatã: fidei autem certitudo oritur ex præmotione divinã, quæ ad fidem necessaria est, uti docent Consilia: Inde fides dicitur donũ Dei: unde Christus Ioannis 8. *Propter eã vos non creditis, quia ex Deo non estis: Qui autẽ spiritu Dei aguntur, ait Apostolus Rõm. 8. Hi sunt filij Dei.* Ut autem omnis de fidei certitudine doctrina supra omnẽ aliam benè intelligatur.

Nota 1. Certitudinẽ actus intellectus nihil aliud esse, buam necessariam ipsius connexionem seu conformitatẽ cum obiecto, quæ provenit non ex ipsã obiecti materialis, aut formalis necessitate aut immutabilitate; cum circa eius modi obiectum versari possit opinio, quæ dubitationem, & formidinem pati potest: sed provenit ex peculiari modo attingendi obiectum cum quo necessariam habet necessitudinem.

Nota 2. Hanc necessariã & essẽtialẽ actus intellectus cum obiecto conformitatem provenientẽ ex modo attingendi obiectum, quæ rectitudinem actus constituit, in naturalibus non aji-

unde oriri, quàm ex clarã obiecti propositione & evidentia actus: ille enim actus est evidẽs, qui nititur perfecta applicatione obiecti realiter præsentis aut per se, aut per speciem, seu imaginem, ab ipso immediatè, aut mediatè, effectivè, vel exigitivè ab ipso procedunt, ejusdemque in actu primo repræsentativam: unde si imperfecta sit prævia illa obiecti applicatio, quo actus ille nititur, oportet illum actum inevidentem esse, atque obscurũ. Hinc enim fit ut potentia intellectiva perfectè in se vitaliter exprimere nequeat id quod per speciem impressam implicite, & in actu primo repræsentatur, & consequenter nequit esse clara vitalis imago, quàm tunc illa in se format quæ est actualis cognitio.

Nota 3. Cum actus fidei Theologicæ essentialiter sit obscurus, & consequenter eius certitudo peti non possit ex clarã obiecti propositione, & evidentiã actus, aliunde petendam esse: quod satis difficile est ut explicetur, nisi aliquid detur, quo suppleatur imperfecta obiecti applicatio ad potentiam; quod in sequentibus explico.

Nota itaque 4. Actum obscurũ qualein diximus esse fidem, dicere essentialẽ ordinẽ ad potentiam externam, & diversam ab intellectu, quæ compleat quodammodo applicationem obiecti eiusdem actus, seu quæ moveat & determinet intellectum ad operandum circa obiectũ actus obscuri: cum enim obscuritas actus oriatur ex imperfecta obiecti propositione, uti diximus, & aliud intellectus ex sua naturã in verũ propẽs, nõ possit per se solũ, elicere

T 2 ullum

ullum actum, ex intrinseco modo in obiectum tendēdi, falsitati expositum, qualis est ille qui elicitur circa obiectū imperfectē applicatum, necesse est intellectum non satis per intrinseca principia determinatum ad actum obscurū, ad eum determinari ab extrinseco per motionem alicuius potentiæ ab eo distinctæ, quæcūque tandē illa esse possit.

Nota 5. Potentiam externam valentem determinare intellectum, ad actum obscurum, esse duplicem: una est quæ non potest movere ad actum falsum, sed tantum ad verum: altera potest etiam ad falsum determinare, licet etiam possit ad verum.

Nota 6. Eum actum esse intrinsecè certum, & necessariò, qui ex suo modo intrinseco tendendi in obiectum dicit essentialē ordinem ad potentiam intellectui extrinsecam, non valentē determinare ad ullum actum, nisi verum: sive ille actus est intrinsecè certus, qui ex intrinseco modo attingendi obiectum, nulli falsitati est expositus, sed est necessariò conformis obiecto: at talis est ille actus obscurus, qui eo modo in obiectum tendit, ut dicat essentialiter ordinem ad potentiam intellectui externam, cui essentialiter repugnet, intellectum, à quo ille actus elicitur, movere ad obiectum falsum ex intrinseco modo in obiectum tendendi, ei conformi, nulli prorsus falsitati exposito.

Nota 7. Duplicem esse in Deo potētiā influendi in actus creatos intelligendi, unam quæ influat, influxu non debito intellectui: hoc est quem nullæ causæ secundæ exigunt determinantes Deum ad illum influxum: alteram quæ

influat influxu debito: hoc est quæ exigit aliqua causa secunda: Hic postremus influxus potest respicere falsū assensum ab intellectu nostro elicitum; sed prior non potest: Quia influxus in assensum quo Deus influat influxu non debito causis secundis, seu quem nulla causa secunda exigit est virtualis quædam assertio obiecti eiusdem assensus, Deo autē essentialiter repugnat, quidquā falsi aliquo modo testari; alioquin careret summā in loquendo autoritate, quæ tamen est perfectio simpliciter simplex. Ad hæc, Quia quolibet falsi assertio, etiam virtualis, habet intrinsecam disconvenientiam respectu cuiuslibet naturæ intellectualis, positam in difformitate assertionis externæ: cum internā, in quo sita est malitia mendacij. Ex dictis:

Duo sequuntur: 1. actū fidei esse supernaturalē: non tantum, quia inter res creditas multæ sunt supernaturales, ut Trinitas, & Incarnatio: res autē supernaturalis attingi non potest, nisi per actum supernaturalē: Sed quia ordinē habet ad Deum, ut habentem potētiā influendi in actus nostri intellectus influxu non debito: sed excedente omnium causarum secundarū exigentiā.

2. Sequitur illum actum summā habere certitudinē: certitudo enim nihil aliud est, quam quædā in obiectū tendentia, nulli falsitati exposita, sed inducens in actum intellectus necessariam conformitatem cum obiecto. Nulli autem falsitati exposita est tendentia illa in obiectū, quæ dicit essentialē habitudinē ad potentiam Dei,

Dei, quatenus valentis influere in actus nostros, influxu nobis non debito, quem nulla causa secunda exigat, illum ad sibi coagendum determinans. Et patet. Quia influxus Dei, quo influit in actus creatos intelligendi, non determinatus ab exigentiâ ullaarum causarum secundarum, est assertio, & testificatio quædam saltem virtualis objecti eiusdem actus: Nulla verò Dei assertio cadere potest in objectum falsum. Quod autem actus fidei respiciat in genere potentiam aliquam externâ, ab intellectuâ distinctam, quæ ei coagat: vel potius quæ intellectum determinet ad actû fidei, hoc habet præcisè ex sui obscuritate: cur verò obscuritati jungatur certitudo, est ratio specifica potentiæ externæ non valentis influere in actum falsum: quæ ratio competit soli potentiæ Dei, ut potentiis influxu quem non exigat ulla causa secunda: Tunc enim influit non tantum ut causa prima, & universalis, sed etiâ ut causa secunda, & particularis. Quæmadmodum igitur quando objectum non est sufficienter propositum in naturalibus, intellectus non potest agere assentiendo, sed opus est externâ potentiâ nempe voluntate, quæ determinat intellectum ut assentiat: ita quia in fide est obscuritas, non potest intellectus assentiri, nisi determinetur ab externâ potentiâ, nempe divinâ, quæ præmoveret voluntatem ut velit producere actum credendi, qui actus etiam non elicitur, nisi præmoveat Divina potentia, quæ ad falsum inclinare non potest, & quæ maiorem habet repugnantiam cum falsitate, quàm quælibet naturalis evidentia, & certitudo:

Vnde sequitur quod à me dictum est, actum fidei certiozem esse omni scienciâ & naturali cognitione.

V. Causa nobilitatis fidei petitur ex eius efficacia, & potentiâ. Et primò quidem quoniam fidei nihil est impossibile, Matth. 17. *Si habueritis fidem sicut granum sinapis, dicetis monti huic transi hinc illuc, & transibit, & nihil impossibile erit vobis.* Vnde Christus ad miracula, rogantium fidem deposcebat. Lucæ cap. 8. cum ad Archisynagogum, mors filia nuntiata fuisset, dixit ei. *Noli timere, crede tantum, & salva erit.* Tum eam suscitavit: & in hodierno Evangelio Matth. 8. dixit Centurioni, *Vade, & sicut credisti, fiat tibi, & sanatus est puer in illa hora:* & cap. 9. ubi agitur de duobus cæcis, qui ab eo sanitatem petierant. *Creditis, quia hoc possum facere vobis: dicunt ei, utique Domine: tunc tetigit oculos eorum, dicens, secundum fidem vestram fiat vobis, & aperti sunt oculi eorum:* ita Març. 9. Patri dæmoniaci muti, & surdi ita locutus est, *si potes credere, omnia possibilia sunt credenti, credo Domine, adjuva incredulitatem meam.*

2. Non solum magna est fidei efficacia ad patranda miracula, sed etiâ magnum habet robur ad præclara facta cuiuscumque generis, quod non faciunt scientiæ: nam vel sunt speculativæ; vel practicæ: primæ non movent ad opus: aliæ parum possunt: vide enim quò tandem philosophos morales perduxerint, cum etiam in illis summis magna vitia reliquerint, in Socrate, in Platone, in Aristotele, & aliis quos vultas tantopere demirata est: sed ad quæ facinoræ fides homines non deduxit? lege cap. 11. Epistolæ Pauli ad Hebræos, ubi catalogum ponit illu-

strum virorum, qui per fidem ad summa quæque pervenere. *Fide plurimam hostiam Abel, quam Cain obtulit Deo: fide Henoch translatus est ne videret mortem.* Tū loquitur de Noë, de Abraham, de Isaac, de Iacob, de Ioseph, de Moyse: de Iudicibus, de Regibus, de Prophetis, de quibus omnibus mira narrans, eorum omnia præclara facinora, fidei tribuit. Quid de innumeris Martyribus loquar? Quid de Confessoribus, & aliis sanctis, qui omnes fidei beneficio tales evaserunt, quæ illos supra mortalem conditionem evexit?

Denique quanta vis fidei ad persuasionem, quæ universum orbem terrarum ad se convertit? Nonne hoc planè admirabile est, quod advertit Theodoretus sermone 9. de Græcorum affectionibus, ubi agit de legibus. Cum tot fuerint in omnibus nationibus legislatores, vix tamen illos potuisse singulis urbibus, aut nationibus suas leges persuadere: finitimis tamen non potuisse, & eas omnes iam esse abrogatas: Christi autem leges in omnes nationes, beneficio fidei transisse, & adhuc post tot sæcula permanere, & cæteras omnes leges aboluisse: licet Reges, & Imperatores suis edictis obstiterint, & innumeris atque inauditis suppliciis se opposuerint: sed nimirum uti dixit S. Ioannes, Apostolus in sua primâ Epistolâ cap. 5. *Hæc est victoria quæ vincit mundum, fides nostra.*

Illud ipsum est quod advertit S. Ambrosius lib. 1. de Fide cap. 5. Fidei Christianæ cessasse argumenta Philosophorum, quorum dogmata vix ad posteros transierunt: cum fides Christiana toto orbe vigerit: unde sic ait. Ausfer hinc

argumenta, ubi fides quæritur: in ipsius gymnasiis suis iam Dialectica taceat: Non quæro, quid loquantur Philosophi requiro quid faciant: soli in suis gymnasiis remanserunt: Vide quam fides argumentis præponderet; illi quotidie à suis consortibus deseruntur, qui copiosè disputant. Isti quotidie crescunt, qui simpliciter credunt. Non creditur Philosophis: creditur Pilatoribus non creditur Dialecticis, creditur Publicanis: illi voluptatibus & delitiis orbè ligarunt, isti ieiuniis, & doloribus exuerunt. Ex quo successu patet virtus fidei.

Et hæc sufficere possunt ad ostendendam nobilitatem & sublimitatem actus fidei, & ut respondeatur eorum falso iudicio, qui dicunt fidem esse virtutem abjectorum hominum, humilium ingeniorum, & ignorantium: sed nimirum ut ait S. Ambrosius lib. 3. de Spiritu Sancto cap. 18. Non capiunt fidei magnitudinem angusta impiorum pectora: Tantum enim abest ut fides sit depressio intellectus, ut potius sit summa eius elevatio, quò enim nullus intellectus potest attingere, eò fides pertingit. Idem lib. 4. in Luc. cap. 5. Quod mens humanâ rationis investigatione non potest comprehendere fidei plenitudo complectitur. Altera causa ob quam Christus tanti fecit Centurionis fidem, est magna actus fidei difficultas, & consequenter magna eius raritas.

Quod pertinet ad eius difficultatem.

1. Petitur ex naturâ objecti supernaturalis, quod superat omnem intellectum creatum, secundum illud Davidis. *Mirabilia facta est scientia tua ex me, confortata est, & non potero ad eam.* Quæ enim nobis credenda proponuntur,

ximâ ex parte sunt eiusmodi, ut Trinitas, Incarnatio, Eucharistia, peccatum originale, Sacramenta, & infinita alia, ad quorum cognitionem, nulla creatura rationalis per se potest pervenire, unde sequitur elevandam esse ope Divinâ, & supernaturali: itaque oportet ut intellectus seipsum erigat super se, & super omnia creata, ut cōperueniat, quod non fit sine magno conatu, & consequenter cum difficultate. Eodem pertinet quod Deus ut fidem nostram magis probet, semper proponat res difficiles, & arduas, immò id affectare videatur, difficultates augendo. Rationē reddit S. Leo serm. 10. de Passione. Vt mirabilior fieret constantia fidei ex difficultate credendi: ita cū Genes. 15. Abrahamo posteritatem promisit, id fecit cum iam de posteritate desperaret: unde de eo dicit Apostolus Româ. 4. *Qui contra spem, in spem credidit, ut fieret pater multarum gentium*: Nam contra spem naturalem, credidit Abraham in spem quâ concepit ex promissione Dei cui credidit: Hac etiam re non contentus, plus eum probavit, majora eius fidei opponens: Cum enim ex Agar filiū suscepisset Ismaëlem, putavit Abraham in eo completam esse factam sibi à Deo promissionem, sed cum Dei esset propositum, dare illam posteritatem Abrahamo ex Sara ipsius vxore, noluit tam citò rē illi aperire, sed illud tēpus expectavit, cum nihil ei amplius sperandum videretur, nempe eius senectutem, cum esset annorum ferè centum, hoc est nonaginta novem, & jam esset in habilis generationi, & haberet corpus emortuum: & cum esset uxor eius

Sara, præter sterilitatem, multorum annorum experientia comprobata, eâ ætate, ut naturaliter, neque concipere, neque parere posset, cum ei mulieria defuissent, & esset annorum nonaginta. Et illo tempore illi significavit semen illud quod promiserat, se per Saram illi daturum. Expectavit itaque Deus illud tempus, in quo plus esset difficultatis, & res minùs esset credibilis, & minùs speranda videretur, ut ex rei difficultate, mirabilior esset Abraham fides: quod ita commendat Apostolus Roman. 4. *Et non infirmatus est in fide, nec consideravit corpus suum emortuum, cum jam ferè centum esset annorum, & emortuum vulvam Saræ. In re promissione etiam Dei non hesitavit diffidentia, sed confortatus est fide.* Eodem modo cum esset ab eo petiturus, ut filium suum immolaret, illud tēpus expectavit, cum jam esset habilis matrimonio, & ab eo proles sperari posset, ut magis fidem eius probaret, ut nimirum à mortuo expectaret, quod non habuerat à vivo, unde tantum abest ut obiectorum difficultas fidem impediverit, ut tunc maximè eam Deus exegerit cum res difficiliores proponeret, ut mirabilior fieret constantia fidei, ex difficultate credendi. Patet itaque difficultas fidei ex ratione obiectorū.

2. Difficultas credendi petitur ex assuetudine agendi intellectus, qui non solet assensum suum præbere, nisi propter rerum evidentia: vel immediatè, ut in intellectu principiorū, vel mediatam ut in discursibus, & conclusionum deductione.

Hinc factū ut mundi huius sapientes, fidem repulerint, nam ut ait Apostolus 1. Cor. 1. *Græci sapientiam quærunt.* Sed quid

1. Cor. 1. *Perdam sapientiam sapientium, & prudentiam prudentium reprobo: ubi sapiens? ubi scriba? ubi conquistator huius sæculi? Nonne stultam fecit Deus sapientiam huius mundi? Non tantum ratione rerum propositarum, sed ratione procedendi, nempe per fidem: & hunc modum idein Apost. 2. Cor. 10. vocat captivitatem intellectus, & obedientiam fidei: In captivitatem redigentes omnem intellectum in obsequium Christi. In eo autem fuit obedientia quod intellectus subdiderit se fidei, credendo incredibilia, & assentiendo ijs quæ non comprehendebat. Sanè cum omnes potentia subditæ sint voluntati: solus intellectus non est ei subditus in rebus sibi clarè propositis, & in dando suo assensu cum firmitate, quem naturaliter non dat nisi rebus evidenter cognitis: sed fides hunc ordinem in vertit, & rebus etiam obcuris assensum donat eâ firmitate, ut major sit eâ quam dat evidentia: Id tamen non fit sine magnâ difficultate, & magnâ victoriâ fidei intellectum sibi subiicientis.*

5. Difficultas est in eo, quod oporteat intellectum non tantum superare sensum, & phantasia, sed etiam seipsum: quæ enim vulgò cognoscimus, ortum habent à sensibus, aut à phantasia percipiuntur: dicente Apostolo 1. Cor. 2 *Quod oculus non vidit, nec auris audivit, nec in cor hominis ascendit, quæ preparavit Deus ijs qui diligunt illum. Seipsum*

autem etiam superat, quia fides est argumentum seu convictio non apparentium, cum intellectus secundum naturalem modum suum agendi non conviatur nisi rerum evidentiâ.

4. Difficultas est in eo quod necesse sit ut fides non tantum sensum atque rationem superet, sed etiam ut aliquâdo oppugnet: uti enim in scientiis intellectus repugnat sensibus per rationem, ut cum sol oculis nostris pedalis apparet: cum baculus in aquâ ex parte immersus apparet incurvus, aut fractus, cum objecta in speciem geminantur: cum innumeri colores apparent per vitra triangularia: sic possumus per fidem repugnare, & sensibus & rationi: hoc enim habent cognitiones superiores, ut corrigant inferiores. Quid non correxit fides Trinitatis circa principium universale totius humani discursus, Quæ sunt eadem uni tertio, sunt eadem inter se? Quid Incarnatio circa naturam subsistentiæ, & personalitatis? Quid mysteriû Eucharistiæ circa naturam quantitatis, & separationem accidentium, & corporum locabilitatem; Vnde factû ut quidquid nobis verû videatur per rationem naturalem, & humanum discursum, illud corrigamus per fidem: Et hoc est propriè perdere sapientiâ sapientiû, & prudentiâ prudentiû reprobare: Non quod veritas veritati sit contraria: sed quod summa veritas omne mendacium redarguat. Hinc sancti tam multa aggressi sunt, contra communem hominum sensum, & multa fecerunt quæ in speciem videbantur quid fecit Deus ut fidem stabiliret, contrariam viam inivit, unde scriptum est esse

esse irrationabilia: quare Ambrosius in cap. 5. epistolæ ad Rom. Pretiosa est fides, quia contra id quod scit, aut videt, credit futurum, hac spe consolans se, quia Deus est qui promittit, de quo sentiri plus par est, quam humana imbecillitas capit: Tum allato exemplo Abrahami, qui credidit in spem, contra spem, hæc subdit: Magni meriti est apud Deum, qui contra scientiam suam Deo credidit, non dubitans posse illum, ut potè Deum, quod scit secundum mundi rationē fieri nō posse: pro certo enim habet Deū ultra mūdi rationē esse: Nemo enim intrā id esse dicendus est, quod creavit: Ideo huiusmodi remunerandus est à Deo, quia auctori suo plus tribuit quàm sapit. Inde credendi laus crescit, si quod incredibile est, & mundo stultum videtur, credatur: Quia quantò plus impossibile putatur, quod creditur, tantò magis honorabilior erit credens: Et verè tamen stultum esset hoc credere, si sine Deo fieri diceretur.

Hinc itaque non mirum si Christus tanti fecerit Centurionis fidem, ob rei difficultatem. Addidi & raritatem. Unde subdidit Christus: *Non invenit tantam fidem in Israël*, idque post tot miracula à Christo patrata, post tot documenta, & Christi prædicationes: sed uti aliquis dixit, Magnum argumentum raritas: Quod autem rarum est, admirationem inter homines parit.

Ex dictis sequitur 1. si Christus in homine Ethnicò fidem tanti fecit: te eandem, & in te, & in aliis plurimum æstimare debere, nec pati ut quisquam illam tibi auferat, aut ut illius jactu-

ram ullā de causā facias. Quin potius cogita te in rebus omnibus nihil melius habere quam fidem; bonum supernaturale; tuarum actionum esse nobilissimam, uti ostendimus, & rerum tuarum pretiosissimā. Si quis tibi aurum, si possessiones auferre conaretur, nō sinneres, sed contradiceres & decertares: Curnō idē facis respectu fidei? Ut alia bona conserves, vitā quoq; tuā exponis: an fidei tuæ conservatio, minus aliquid meretur? Audi quid suo discipulo Timotheo dicat Apostolus Paulus, *Certa bonū certamē fidei, apprehende vitā æternam*. vide quale certamen fidei, sancti Martyres decertarunt: Maluerunt omnia perdere quàm fidem: bona possessiones, officia, munera, dignitates, domum, familiam, patriam, libertatem, immò & vitam: Maluerunt omnia sustinere: verbera, catastas, enses, gladios, cruces, rotas, ignes, sartagine, incendia, quam fidem sibi eripi, vel in uno aliquo articulo mutari: Quantum oriens totus pro unā literulā, aut uno accentu decertavit? quàm multi inde sanguinem profuderunt? Minima te difficultas, minima te ratio, minima te commovet autoritas, & te à veteribus abstrahit institutis: Quamlibet novitatem sequeris: Quælibet te nova propositio ad se pertrahit, fidem mutas, ut opinionem: fidem tuam deferis ut quodlibet consilium: quasi non te graviores causæ in fide stabilivissent, quam quælibet rerum humanarum occasio, & conditio: Quod miracula fidem tuam confirmarunt: quot prophetiæ, quot gravissima doctrinæ hominum testimonia?

Quant-

Quantorum hominum sanguine constituta est? Quot exempla in omnibus nationibus te præcesserunt? omnis conditionis, & status? Quot sæcula te docuerunt? Quantæ sanctorum hominum myriades, in eadem fide, gloriam, & beatitudinem consecutæ sunt? Quot tu quotidie inter beatos colis, quorum tu quotidie opem imploras, & protectionem, qui omnes in eadem fide, in qua educatus es, vixerunt, nec decepti sunt, nec errore devio delusi sunt? Tu post hæc ad unam aliquam levem objectionem, aut parvam aliquam difficultatem tibi propositam, eorum sensus aspernaris, & fidem mutas? Vide an id facias jure aliquo, vel injuriâ? Quid faceres si tibi objecta essent majora, & graviora: bonorum spoliatio, exilium, carcer, servitus, verbera, tormenta, & mors ipsa? Quàm fortiter te gereres hominum ignavissime, & imprudentissime? Te vana simulata pietatis, falsæ misericordiæ, & ementitæ vitæ rigidioris species decipit: Te unius loci, aut ex sacris Scripturis, aut ex aliquo Sanctorum Patrum desumpti obscuritas ita commovet, atque percellit, ut tot credendi titulos, & innumera fidei tuæ testimonia negligas, & novitatem sequaris. *Certa bonum certamen fidei*, nec tibi patiaris, aut errore, aut violentiâ, aut ullâ aliâ ratione fidem eripi. Acceperat Naboth à majoribus suis hæreditatem quam possederant: Rex Achab eam concupivit, & pro eâ habendâ, possessori, aut pecuniam, si vellet; aut alium fundum, si mallet, obtulit: ille constanter recusavit se quod à majoribus suis acceperat deserturum: Jesabel

uxor Regis, eius constantiam fortioribus armis aggressa est. Mortem ei nisi consentiret, minitatur: sed vir fortis, mortem non timuit, mori maluit, quâ paternam hereditatem deserere: itaque nec perdere illam potuit, nisi cum vitâ, ratus se non posse vitâ simul & honestatem conservare, si quod à majoribus acceperat metu mortis desereret. Tu à majoribus fidem tuam acceperisti, tot sæculis firmatam, tot testimoniis roboratam, tanto martyrum sanguine stabilitam, & eam tam facile perdes, atque deseres? & eam tibi eripi sines, minimâ causâ, & levissimâ occasione? Certè si eius pretium nosces, si tanti doni magnitudinem scires, si cogitares quantæ Christo quanti Apostolis, & viris Apostolicis, & quanti antecessoribus tuis consisterit, ut eam puram, illibatâ, atque integram ad te transmitterent; quot eam lachrymis, quantis sudoribus, quantis laboribus, quot itineribus, quot certaminibus, quot tormentis, quanto sanguine illam stabiliverint: Nulla equidem te ratio, nulla te causa, nulla spes, nullus metus, nullus respectus, nulla te difficultas commoveret, sed usque ad extrema omnia, pro re omnium nobilissimâ & pretiosissimâ conservandâ decertares, illud implens Apostoli, *Certa bonum certamen fidei, apprehende vitam æternam.*

Sequitur 2. Actus fidei sublimitatem difficultatem, & raritatem, nō modo non debere te à fide abtrahere, sed potiùs ad eam invitare. Nam rei aliquius dignitas, & sublimitas acuire debet ingenia, & quæ summa sunt, animum generosum solent erigere: nempe
 ô Chri-

§ Christiane ad majora destinatus es, quam natus, & originem tuam, teque ipsum, naturamque totam superare debes. Id per gratiam potes quod per naturam non potes: fides est gratiæ opus, non naturæ: Itaque te ipsum supra te erige: Duplici parte conitas, animâ, & corpore, parte sensibili, & parte intellectu: Intellectu omnia corporea superas. Jam intellectu distinguere etiam potes partem inferiorem & superiorem: Inferior ita omne corporeum potest attingere, ut etiam superet: superior ad omnia quæ supra sensum sunt, ascendere potest. Sed pars superior, aut suis viribus naturalibus agit, aut supernaturalibus, quas aliunde accipit: si viribus agit naturalibus, usque ad fidem pertingere non potest: si viribus agit supernaturalibus, omnia naturalia transcendit, fides autem tota supernaturalis est, & ad eam pervenire potest: tu verò per eam ad omnia, quò naturaliter assurgere non posses, nec aspirare. Noli itaque secundum naturam te spectare, sed secundum gratiam, nec vires tuas aspice, sed Dei potentiam, nec te moveat fidei difficultas aut sublimitas, quia omnia potes in eo, qui te confortat, te autem confortat per gratiam.

Eodem modo quæ in te maximam habent difficultatem, ea virtutem solent exacuere. Quæ difficilia sunt, non semper sunt impossibilia, sed majorem exigunt conatum: ille autem majoris est, & gloriæ, & meriti: ad utrumque te invito tot exemplis quæ te præcesserunt. Tu non poteris, quod isti, & istæ? quod viri potuerunt, & fœminæ? quod omnis ætatis, & sexus homines? quod pueri, & puellæ? quod summi, & infirmi? quod pauperes, & divites? quod servi, & liberi? quod fortes, & debiles? quod benè educati, & barbari? quod in urbibus nati, & in sylvis generati? quod docti, & indocti? quod tot sapientes, & insipientes? Et ut nullam excusationem prætexas, neque illi omnes in suis viribus potuerunt: neque à te exigo ut id tuis viribus perficias: præsertim cum eadem sit omnium vocatio, communis prædicatio, eadem omnium illuminatio; communis gratia, idem auxilium, & idem omnibus propositum præmium, eadem remuneratio, nempe eadem beatitudo, quæ est gloria cœlestis, ad quam nos perducere dignetur, qui cum Patre, & Spiritu sancto, vivit, & regnat, in sæcula sæculorum. Amen.

* *



FERIA QUINTA CINERUM,

CONCIO SECVNDA

DE FIDE.

In quâ prærogativæ ætus Fidei exponuntur..

Non inveni tantam fidem in Israël. Matth.8.

QUAMVIS nihil oculis nostris plusquam lux effulgeat, nihil tamen ingeniis nostris eadem luce forsitan magis abstrusum est: res universas efficit nobis aspectabiles cum se nobis abscondit: proinde Philosophi minime potuerunt adhuc de illius naturâ consentire. Pythagoræi ajunt eam divinum quidpiam esse, Platonici spiritalem faciunt; nonnulli ex ipsis illam nominant aspectum Dei, perinde ut si eius oculorum radij, ad nos astrorum canalibus venirent: Eruditus Ficinus in lib. 7. de Republicâ Platonis, illam inter spirituale & corporeum intermediam statuit. Verum quidem est, eam usque adeo se à materiâ sejungere, ut cum corpora opaca & densa nanciscitur, ab iis se removeat quam maxime potest, ac se reflectat, & ad suum primum principium revertatur, ad quod

ita adhærescit, ut ab eo se nunquam separet, illud insequens usquequaque, cum eo periens, sectando si recedat, nunquam post ipsum restando, contra rationem agendi quam cæteræ qualitates tenent, quæ quidem in subiectis extraneis subsistunt à suo principio sejunctæ: uti accidit calori, omnibusque qualitatibus quæ corporeæ sunt. Illa est, quæ præcipuam universi pulchritudinem efficit, quæ vel facit colores omnes, vel saltem eos nobis visibiles reddit. Sine illâ nihil gaudij, neque securitatis habemus in vitâ. Ideo Filius Dei nobis inferos, extremamque hominis miserâ per tenebras exteriores depingit.

Si lux oculorum quæ nonnisi corporea est, adeo nobilis est atque pretiosa, quid de animæ luce quæ spiritualis est, sentire debemus? Longè autem amplius de eâ quam Deus solus potest

potest in ipsam mentem infundere, quæ fidei lux est, de quâ iterum vobis habeo dicendum. Id tamen aggredi non ausim, absque Spiritus sancti luce, quâ similiter expectare nequeo, sine precibus & subsidio B. Virginis, à qua vobiscum illam suppliciter efflagito. *Ave Maria.*

MINIME arbitror me heri malè conclusisse, cum dixi vobis, oportere fidem esse quid magnum aut valdè rarum, quandoquidem ex Evangelio non constat, Filium Dei quidquam nisi virtutem illam admiratum fuisse, uti fecit in Centurionis personâ. *Audiens autem Jesus miratus est, & sequentibus se dixit. Amen dico vobis, Non inveni tantam fidem in Israël.* Matt. 8. Et 15. in personâ celebris illius Chananeæ, *O mulier magna est fides tua, fiat tibi sicut vis.* Diximus autem huius tam insolitæ admirationis, oportuisse graves admodum fuisse causas: duas attulimus, prima fuit sublimitas, & nobilitas actus fidei, super omnes actus qui sunt in homine in hac vitâ: altera eiusdem actus fidei difficultas & raritas. Hodie.

Tertiam vobis causam assero ob quam Christus tanti fecit Centurionis fidem, scilicet innumeras fidei prærogativas; ex multis paucas attingo.

1. est, Quia primus est hominum ad Deum accessus. Hebr. cap. 11. *Sine fide autem impossibile est placere Deo: Credere enim oportet accedentem ad Deum, quia est;* quippe quæ sit primus motus supernaturalis animæ in Deum: nam sicut in rebus omnibus moralibus principium totius motus, est cognitio, quæ præcedit omnem motum voluntatis, ita ini-

tium omnis motus in Deum est fides, quia est prima Dei cognitio supernaturalis: Hinc etiam, prima est unio animæ cum Deo: est enim prima ad Deum elevatio, & postea adhæsiō: (sibi enim intellectus unit objectum suum.) Ad hæc fides est initium in homine totius entis supernaturalis: unde nihil supernaturalis in animam ingreditur ante fidem, & eâ sublatâ nihil remanet, itaque nihil induci potest, nisi prius fides, saltem naturâ, introducta sit, & cætera omnia tolli possunt, illâ etiam superflite: sed fide destructâ cætera omnia corruunt, spes, charitas, dona Spiritus sancti: ex quo fit ut omnia quæ geruntur, tribuantur fidei; non quod sola fides omnia perficiat, sed quod sine fide nihil fiat: & quod fides rebus omnibus se interferat: quare ab Apostolo definitur Hebr. 11. *Substantia rerum sperandarum*: quod exponens S. Ambros. lib. 2. de pœnit. cap. 3. Bona substantia fides, in qua spei nostræ est patrimonium: Dicitur etiam substantia rerum sperandarum, ut sit quiddam stabile, quod sit fundamentum salutis: & idcò meminit rerum sperandarum: quæ vox significat primarium fidei objectum, quod est Deus, finis noster supernaturalis. Quod autem additur *argumentum non apparentium*, significatur argumenti effectus qui est convictio quædam, quâ quis rebus non apparentibus, non minus, immo magis adhæret, quam illis quæ per argumenta naturalia apparent.

2. Fidei prærogativa est, quia Deus voluit hominem salvere & iustificare per fidem, & non alio modo, unde dixit Apostolus Hebr. 11. *sine fide impossibile*

est placere Deo : quæ doctrina ferè est materia totius Epistolæ D. Pauli ad Romanos. Cum enim Iudæi legem à Deo accepissent, putarunt se legis acceptæ observatione salvari posse, & inde aliis gentibus quibus à Deo lex data non fuerat, se anteponebant: contra quam falsam opinionem suscepi disputat cap. 3. 4. & 5. illius Epistolæ docens hominē nō justificari per opera, sed per fidem: Nam licet Deus potuerit homines variis modis salvare, secundum ordinem sapientiæ suæ: vel solā condonatione extrinsecā, uti docent multi Theologi, sine alicuius doni interni communicatione: vel infusā immediatē iustitiā, seu gratia sit, seu charitas, aut alia qualitas: vel per opera quæcunque: vel aliis modis innumeris soli Deo notis; omninō voluit homines salvari per fidem: Exemplum huius rei illustre habemus Numerorum cap. 21. Cum enim in murmurantem populum Deus ignitos serpentes immisisset, quorum morsibus multi peribant, ipsis veniam à Deo petentibus, iussit Moysi ut in sublime serpentem æneum erigeret, hoc addito, *Qui percussus, asperxit eum, vivet*: unde etiam subditur, *Et aspicientes sanabantur*. Certè percussos à serpentibus poterat Deus multis modis sanare: noluit tamen illos aliter sanare, quàm ænei serpentis aspectu: Ita Deus noluit homines aliter salvare, quàm per fidem in Christum, quasi per aspectum serpentis, uti dicitur Ioannis 3. *Sicut Moyses exaltavit serpentem in deserto, ita exaltari oportet filium hominū, ut omnis qui credit in ipsum non pereat, sed habeat vitam æternam.*

Vt autem meliùs intelligatur quæ ratione id fiat.

Nota 1. duplicem esse salutem, unam inchoatam, alteram completam: Inchoata est huius vitæ, & fit per remissionē peccatorum, & justificationem, quæ nō fit, uti malè docuit Calvinus, per imputationem iustitiæ Dei, sed per infusionem gratiæ quæ est vera sanctitas. Cōpleta ad alteram vitam pertinet, & fit per donationem gloriæ, seu per visionem beatificam.

Nota 2. salutem inchoatam esse dispositionem completæ, nam datur gloria gratiæ, secundum illud Ioan. 1. *Gratiam pro gratia.*

Nota 3. salutis inchoate causam efficientem esse Deum: instrumentalem aut meritoriam esse Christum: formale esse ipsam gratiam, quia ipsa est sanctitas, & justificatio: sed dispositionem esse fidem in Christum: Quoniam itaque fides est dispositio & instrumentū iustificationis, ideo dicimur salvari per fidem, quia nec sine fide salvamur: & per fidem salvamur: sicut itaque percussū cū sanitatem recuperabant, formaliter sanabantur per sanitatem seu temperamentum humorum: sed à serpente æneo, ut à causā instrumentali, & mediante visione, neque enim serpens æneus sanabat, nisi visus: Ita mediante fide seu perfidē, homines salvantur, quia fides, est dispositio ad justificationem.

Nota 4. fidem solam non esse integram & totalem dispositionem ad justificationem: quippe præter fidem requiritur etiam poenitentia, quæ sine spe, &

spe, & dilectione Dei non fit, uti explicat Conciliū Trident. sess. 6. cap. 6. Nam considerando Dei misericordiam in spem eriguntur, fidentes Deum sibi propter Christum propitium fore: illumque tanquam omnis iustitiæ fontē diligere incipiunt, ac propterea moventur adversus peccata per odium aliquod, & detestationem, hoc est per penitentiam: Nam uti fides est dispositio intellectus: Ita penitentia est dispositio voluntatis, per quas homo recipit iustitiam per quam formaliter iustificatur.

Nota 5. Scripturam sacram plus meminisse fidei, quam aliarum dispositionum, Quia uti docet Concilium Trident. sess. 6. cap. 8. fides est salutis humanæ initium ac fundamentum, & radix omnis justificationis, & consequenter aliarum dispositionum: Dixi 1. esse initium. Quia fides semper præcedit: nisi enim peccator, se contra Deum peccasse, & per Christum iustitiam sibi esse oblatam credat, nec timet, nec sperat, nec dilligit, nec se peccasse dolet: Vnde sequitur fidem, eorum omnium esse initium.

Dixi 2. esse fundamentum, Quia ipsi cætera innituntur: ablata enim fide, cætera corruūt, nec possunt subsistere: cæteris verò ablatis, non continuo fides destruitur, uti docet Concil. Trident. sess. 6. cap. 15. sicut ablato, & evulso fundamento ædificium corruit, non tamen collapsio ædificio, statim destruitur fundamentum.

Dixi 3. esse radicem. Quia cæteras dispositiones inducendas concur-

rit: non quod necessariò ipsæ consequantur fidem, nec quod fides eas necessariò inducat, sine ulteriori adjutorio supernaturali; sed quod ex parte, ad hos actus producidos concurrat fides, una cum auxilio gratiæ divinæ: seu physicè id fiat, seu moraliter, eodē modo quo in naturalibus, actus intellectus, seu cognitio, concurret ad producidos naturales actus voluntatis: Charitati enim proponitur per fidem Deus amandus: Spei perfidem proponitur Dei misericordia speranda. Timori iustitiæ Dei metuenda: Penitentia peccatum dolore & contritione detestandum, ac puniendum. Hinc Apostolus Paulus in Epistola ad Rom. cap. 3. tribuit fidei vim iustificandi. *Iustitia autem Dei, per fidem Iesu Christi, in omnes, & super omnes qui credunt in eum: & ibid. Iustificati gratis per gratiam ipsius, per redemptionem quæ est in Christo Iesu quem proposuit Deus propitiationem, per fidem, in sanguine ipsius, ad remissionem iustitiæ suæ, propter remissionem præcedentium delictorum, in sustentatione Dei, ad ostensionem iustitiæ eius, in hoc tempore, ut sit ipse iustus, & iustificans eum, qui est ex fide Iesu Christi. Cuius rei veritatem ostendit idem Apost. cap. 4. eiusdem Epist. in exemplo Abrahæ, quem negat per opera sua, sed per fidem iustificatum fuisse, cuius magnitudinem ostendit. Id autem probat certo testimonio Scripturæ Genes. 15. Credidit Abraham Deo, & reputatum est ei ad iustitiam: hoc est ratione fidei iustificatus est: non quia sola fides sit iustitia; sed quia fides est inchoamentum iustitiæ, & ad eam complendam deducit: Vnde ita concludit cap. 5. Iustifi-*

Iustificati ergo ex fide, pacem habeamus ad Deum, per Dominum nostrum Iesum Christum, per quem & habemus accessum per fidem, in gratiam ipsam, in quâ stamus, & gloriamur in spe gloriæ filiorum Dei: Quorum omnium verborum sensus non est, fidem esse ipsam iustitiam seu sanctificationem: sed sequentia innuuntur.

1. Fidem esse initium iustitiæ: Quia ipsam sic præcedit, ut inchoet: & sic inchoat, ut sit etiam pars ipsius, non aliter quàm vestibulum, ita est initium domus, ut sit etiam pars domus.

2. Fidem esse totius nostræ justificationis fundamentum, secundum verba illa Hebr. 10. cum vocatur *substantia verum sperandarum*, ut non putes totum illum statum supernaturalem esse aliquid fictitium, sed initi firmissimo alicui fundamento, nempe fidei divinæ: sicut enim basis totius entis naturalis est substantia, cui innituntur proprietates, accidentia, actiones, & cætera quæ rentibus attribuuntur: Ita basis totius entis supernaturalis est fides. Ac nē putes ista omnia incerta esse, quia neque videntur, neque tanguntur, propterea ibid. subdit Apostolus, *Argumentum non apparentium*, ut scias convictionem esse, & summam certitudinem, non ex ipsâ rerum evidentia petitam, sed aliunde, scilicet à dicentis autoritate.

3. Esse radicem nostræ iustificationis: Quia ab eâ pullulat, & crescit omnis iustitia nostra, uti docet Trident. sess. 6. cap. 10, Vnde ex Ambros. lib. 7. de Vocatione Gentium cap. 8. Fides bonæ voluntatis, & iustæ actionis est genitrix.

4. Fidem impetrare, & quodammodo

mereri ex congruo iustificationem: unde expressè dixit Apostolus, hominem iustificari per fidem: Quia intuitu fidei, cætera dantur, quæ necessaria sunt ad justificationem: Sic Augustinus, Non opera, sed fides inchoat meritum: Et Ambros. lib. 2. de Vocat. Gentium cap. 9. Fides quâ iustificatur impius, non nisi ex Dei munere habetur, eaque nullis meritis præcedentibus tribuitur, sed ad hoc donatur, ut principium possit esse meritorum ut cum ipsa data fuerit non petita, ipsius jam petitionibus bona cætera conferantur.

5. Quod fides nos Christo immediate coniungat, qui nos gratis iustificat, secundum illud Apostoli ad Titum 3. *Iustificati gratiâ ipsius.* & Rom. 3. *Iustificati gratiâ per gratiam ipsius:* & cap. 5. *Iustificati ex fide.* Et hæc causa est cur Deus fidei potius quam operibus vim iustificandi tribuerit: Quia in ea magis manifestatur hominem non propriâ virtute sed Christi meritis iustificari: sicut enim in deserto, homines à serpentibus vulneratos, noluit aliter sanare, quam æni serpentis aspectu, ut scirent se à virtute serpentis sanari, non ab opere proprio, aut ab aliquâ medicinâ: quid enim potest esse virtutis in solo aspectu: cum aspectus ex suâ naturâ, sit tantum obiecti præceptio. Ita fides ostendit homines iustificari merito, & virtute Christi in quem credunt, non autem propriis meritis. Et eâ de causâ Paulus fidei tribuit iustificationem, ut à justificatione excludat opera legis, & humanum meritum, & eâ ratione omnem iustificandi efficaciam collocet in solâ Christi virtute, & merito. Hinc dicit Apo-

Apostolus, nos justificari gratis per gratiam ipsius: ut doceat fidem, donum esse gratuitum, nobis datum gratis, quod nos nullis nostris meritis, & nulla nostra virtute iustos facit, & ideo utrumque cōiunxit, gratis, & gratiam, quia non ex nostris meritis nobis datur hoc donum quo justificamur, & grati sumus: quod ut melius adhuc intelligatur.

Nota 1. Fidem, ut est actus noster, nullam ex se habere efficaciam reconciliationis nos cum Deo, sed virtutem totam reconciliationis procedere ex obiecto ipso, nempe Christo, cuius meritum Deus non applicat ad iustificandum, nisi per fidem: ut aspectus serpentis ænei in deserto, non ex se habebat vim sanandi, sed efficacia erat ex serpente, quem ad sanitatem Deus per Moysen proposuerat: Idem dicendum est de fide quæ ex sua naturâ non habet vim faciendi justificationem, sed Deus per eam in credentibus iustitiam operatur vi meritum Christi: Quia igitur fides ex divino beneplacito est medium quoddam, per quod virtus Christi operatur iustitiam, idcirco fides non impedit, quin gratis detur iustitia, quia non ex merito fides datur, sed ex ordinatione Dei, qui sic voluit iustitiâ nobis dare. Quod etiam ut melius intelligas.

Nota 2. Nullam talem dispositionem ex sua naturâ absolutè fuisse necessariam, sed tantum ex divinâ dispositione, & voluntate: potuit enim Deus justificationem nobis dari, etiam nihil operantibus: uti iustificat infantes per baptismum sine aliquo illorum actu: noluit tamen nos salvare sine actibus

nostris. Verum aliud est Deum nos iustificare non sine actibus nostris: aliud nos iustificare ex merito actuum nostrorum: primum quidem verum est: secundum autem falsum: voluit autem potius per fidem, quam per aliam actionem, quia illâ ratione melius ostenditur quod iustificatio fiat ab alio, in quæ fides tendit, ut sciremus nos gratis iustificari: unde Apostolus Ephes. 2. *Gratiæ estis salvati per fidem, & hoc non ex vobis: donum enim Dei est, non ex operibus, ne quis gloriatur.* In quibus verbis tota superior doctrina continetur, nempe salutem nostram tribuendam esse gratiæ, non operibus nostris, tamen mediante fide, quæ primum est Dei donum, & primus effectus gratiæ: sic enim voluit Deus homines salvare, & sanctificare, ne quis sibi suam salutem tribueret, sed omnia referret in Deum.

Ex quibus omnibus patet, cur in Scripturis fidei potissimum tribuatur hominis iustificatio, & salvatio.

Hinc factum ut in id præcipue Christus incubuerit, ut fidem stabiliret, & homines ad fidem perduceret. Huc tendit omnis ipse, & Apostolorum prædicatio: hoc unum spectarunt omnia miracula: Prophetarum oracula, & omnes Scripturæ: In fide tota lex nova fundata est, & semper fides nobis prædicatur ob rationes allatas.

Nulli itaq; mirum videri debet, quod Christus, ut fidei dignitatem ostenderet, miratus sit fidem Centurionis: cuius rei causas ostendimus, 1. sublimitatem huius actus: 2. eius difficultatem, & raritatem: denique mirabiles fidei prærogativas, quia nimirum ex fide omnia bona nobis oriuntur: primò quidem

X

omnis

omnis status supernaturalis : deinde omnes virtutes morales: Hæc est enim quæ nos facit sperare: cum sit *substantia rerum sperandarum*: quæ nos facit Deum timere : nobis enim proponit Deum iustum, & non volentem iniquitatem: quæ nobis repræsentat supra res omnes formidabile iudicium, ignes inextinguibiles, & suppliciorum atrocitatem, & æternitatem. Hæc nos facit Deum amare, proponendo eius perfectiones, bonitatem, charitatem, misericordiam, beneficia: Per illam facile contemnimus temporalia : & æterna, atque immortalia persequimur, est enim *argumentum non apparentium*. Siquidem, ut ait Apostolus. *Cor. 4. Quæ videntur temporalia sunt : quæ autem non videntur, æterna sunt.* Eleemosyna fructus est fidei, mortificatio, rerum omnium despicientia, & derisio, poenitentia, martyrii, præclaræ gesta, actus heroici, & omnia egregia facinora : quorum omnium habemus exempla cap. 11. epist. ad Hebræos in omnibus Sanctis veteris Testamenti, quos Apostolus ait fidei testimonio, & probatos fuisse. Hinc videmus passim in hominibus omnes virtutes crescere, aut decrescere, prout fides in illis est aut maior, aut minor : itaque non mirum si omnia apud nos frigent, quia vel modica est fides, vel penè extincta, vel omnino nulla. Certè res omnes respectu naturæ intellectualis, non aliud habent esse, quam per cognitionem, alioquin penes illam perinde se habent entia, atque non entia, unde dicuntur res omnes quoddam esse habere in intellectu, immò corporalia nobiliora existunt in intellectu, quàm in seipsis: multo magis id dicendum est, de iis re-

bus, quæ nullo modo cadunt sub sensu. Sed quia quædam sunt, quæ non tantum sensus superant, sed etiam vium naturalem intelligendi, ideo ejusmodi, respectu nostri non subsistunt, nisi per cognitionem, supernaturalem, quæ in hac vitâ nulla alia solet esse, quàm fides, unde dicitur ab Apostolo, *substantia rerum sperandarum*, quasi in nobis res illæ non habeant aliter esse quam per fidem, quâ collapsa res ille omnes quasi esse desinunt, seu amittunt esse. Ita infidelis nullus est Deus. Dixit enim *insipiens in corde suo, non est Deus*. Nulla divina potentia, nulla æternitas, nulla immortalitas, nullus finis & beatitudo, & consequenter nulla vera virtus, nulla spes, nulla charitas, & nihil supernaturale. Hinc nos videmus tantoperè rebus temporalibus affixos, & cælestium contemptores; Hinc plus facimus hominibus gratiam, & favorem quam Dei: & si alterutrum amittere necesse sit, quotus quisque est qui malit aulam relinquere, quàm conscientiam deserere? Quid nō facis ut disces, ut in honoribus crescas, ut familiæ dignitatem augeas? Iam cogita quid facias, ut Deo placeas, ut in virtute crescas, ut gloriæ cælestis securus sis: Hoc maxime caves, ut res staret aut familiæ non decrescant, aut aliquid detrimenti accipiant, sed ut religio aut minuatur, aut crescat, non laboras: unde hæc omnia proficiuntur, nisi quia in te, aut nulla est fides, aut extincta, aut sopita? Ac nē forte putes me tibi injuriosum esse, quasi non ad Christianos verba habeā, sed ad infideles, vide num istas habeam ita loquendi causas.

Nam

Nam præter quam quod 1. paucissimi homines sibi sufficere putant quod fidem infidelitate non amiserint, unde fide habituali contenti sunt, & pauci admodum sunt, qui habeant actualem fidem, cum tamen fidei habitus, non possit esse principium alicuius actus, nisi actus fidei, cum in nullos alios actus influat: ita ut si fidem actualem non producat, omnino inutilis sit, cum nihil producat: quod de fide actuali dici non potest, quæ influit in omnes actus supernaturales, & in omnes actus virtutum, unde rectè dixit S. Ambros. lib. 2. de pœnitentia cap. 8. fidem esse bonæ voluntatis, & justæ actionis genitricem, quod de fide habituali dici non potest, sed de actuali.

Præter quam quod 2. pauci sunt, qui fidem vivam habeant: Non solum, quia eorum fides charitate non animatur, quare nihil confert ad meritum: unde charitas à S. Thoma vocatur forma fidei, quod fit cum actus internus charitatis imperat actum fidei, atque ita confert valorem quendam, quo vitam æternam promereatur, qui valor est forma extrinseca actus fidei, quæ vitalis fit vitalitate quadam morali, quæ dicit vim promerendi vitam æternam: Non solum iterum, quia carent operibus sine quibus fidem mortuam esse docet S. Jacobus in sua Epistola cap. 2. *Sicut enim corpus sine spiritu mortuum est: ita & fides sine operibus mortua est*, hoc est sine voluntate operandi: nam ipsa opera sunt effectus fidei vivæ, sed radix horum operum, nempe bona voluntas, seu charitas, aut perfecta, aut inchoata, est forma, seu vita fidei: Sed

ideò quia penè omnes, ut videre est, qui se maximè Christianos profitentur, & verè fideles se putant, fidem tamen exercent tantum circa obiectum materiale fidei, seu res revelatas, non autem circa formale, quod est auctoritas divina, seu prima veritas: unde vix forment actum fidei, sed res propositas, ex assuetudine, & quia ab infantia sic audierunt, sibi persuadent, sed non ex vero motivo fidei: Non aliter quam multi opera virtutum moralium exequuntur, sed non ex motivo virtutis: Ita multi justum faciunt, sed non justè, unde nec justi sunt: Multi eleemosynas faciunt, sed non ex motivo virtutis: unde nec studiosi sunt, nec laude digni. Aut quia non distinctè sed confuse sibi proponunt quæ credenda sunt. Nam si distinctè & explicitè cogitares de animorum nostrorum immortalitate, de futuro judicio, secundum omnes circumstantias, quas Christus exposuit in Evangelio: de æternitate tormentorū inferni: de verme qui non moritur, de igne qui non extinguitur; quid inde concluderes? quo esses animi sensu, quo metu, quā mentis commotione, & morum mutatione? Aut deniq; Quia pauci sunt qui agant ex motivo fidei, ita ut fides sit principium operum: & hinc fortasse dixit B. Jacobus, *Fidem sine operibus mortuam esse*. Nam uti vita est principium internum operationum, & motus: & sicut à posteriori colligitur vita ex motu, & operationibus: & contra; sicut ex negatione omnis motus, & operationum, colligitur aliquid non vivere, nam vita secunda sunt operationes, & vita prima est principium internum operationū, ita nisi fides impellat

ad actionem, & sit principium operationum, censetur mortua. Sed vide quàm pauci sint, qui ex fide operentur, & consequenter quàm sint pauci quorum fides sit viva.

Ut inquam hæc omnia omittam, duo maximè sunt quæ me impellunt, ut dicam, Nullam passim esse in hominibus fidem.

Primum est, Cū fides divisionē non patiatur, & pauci sint qui habeant plenitudinem fidei, de qua loquitur Apostolus cap. 10. Epistolæ ad Hebr. *Accedamus cum vero corde, in plenitudine fidei*; hinc pauci sunt qui fidem habeant, nam si plenam non habent, nullam habent. Ut hoc bene ab omnibus intelligatur.

Nota fieri posse, ut quoad objecta materialia, seu quoad res quæ creduntur, divisio fieri possit: & hoc modo contingere potest ut quis fateatur unitatem Dei, sed non Trinitatem personarum, sicut fecit Arius: Macedonius fassus est Dei filium esse Deum, & Patri consubstantialē, sed negavit divinitatem Spiritus sancti. Nestorius, & Apollinaris errarunt circa Incarnationem Verbi, non circa Trinitatem: Pelagius bene sensit de Trinitate, & Incarnatione: malè de necessitate gratiæ. Et pauci sunt hæretici qui circa omnia errarint. Sed ad hæresim sufficit error in uno: Itaque circa objecta fidei, potest esse divisio. Sed fides quoad objectum suum formale non patitur divisionem. Est autem divina auctoritas, & prima veritas: Quia est idem objectum formale respectu omnium objectorum: Itaque non potest nos movere divina auctoritas ad credenda aliqua ex iis

quæ proponuntur, aliis reiectis: Qui enim agnoscit primam veritatem, credit habere auctoritatem, infallibilem, ad confirmandum quodlibet suo testimonio: Itaque qui non credit unum articulum, nullum credit. Non dico quod alios neget: sed dico quod alios non credat ex divinâ auctoritate, sed quod unos velis credere, & alios nolit: quod enim semel agnoscitur infallibile, agnoscitur tale circa omnia; alioqui non habet infallibilitatem, si circa aliqua possit errare, & falli. Itaque unam fidem pronuntiat Apostolus Ephes. 4. *Unus Dominus, una Fides, unum Baptisma*. Vide autem in quàm paucis, talis fides reperitur: nam quàm multi varios errores in suâ fide habent admixtos, de Prædestinatione, de Gratiâ, de Libertate, de concordia liberi arbitrij cum divinâ gratiâ: de potestati summi Pontificis circa definitionem articulorum fidei: de pœnitentiæ Sacramento, & modo illud administrandi: de necessitate contritionis, vel attritionis ad valorem Sacramenti, de bonis operibus, de satisfactione, de Purgatorio, de Ecclesiæ infallibilitate circa doctrinam credendorum, & faciendorum: de qualitate Redemptoris, & universalitate, & alijs innumeris, circa quorum singula, vel unicus error, omnem fidem abrogat, quia fides indivisibilis est ratione objecti sui formalis, quod est prima veritas, quæ si in aliquo eorum quæ ab Ecclesiâ proponuntur nos non redit securos, in nullo potest: unde sequitur hæreticos quoscumque, licet non negent omnes articulos, sed vel unicum tantum, nullum tamē credere fide divinâ,

divinâ, sed tantum quia credere illos volunt. Et in illis locum habet illud S. Jacobi cap. 2. *Qui offendit in uno factus est omnium reus*; non quod omnia neget, sed quod nullum omnino articulum credat fide divinâ. Hinc iudicium ferre potes de novis hæreticis, qui cum tales ab Ecclesiâ sint iudicati, eos tales esse credere certò debes, & consequenter eos nullum articulum credere fide divinâ, non Trinitatem, non Incarnationem, non Eucharistiam, & alia eiusmodi: Itaque nos Catholici, *Accedamus cum vero corde in plenitudine fidei.*

Alterum, quod me impulit ut dicerem paucos esse, qui fidem habeant, est quod cum prima veritas ad nos non perveniat immediatè, sed per revelationem nobis à Deo factam, & hæc revelatio sit quædam Dei locutio: & cum duplex sit Dei locutio, una immediata, altera immediata: & Dei locutio immediata ad nos non perveniat, sed mediata: hæc autem non sit, nisi per Ecclesiam, secundum illud Christi Domini Luc. cap. 10. *Qui vos audit, me audit.* Et illud Matt. 18. *Si autem Ecclesiam non audierit, sit tibi sicut ethnicus, & publicanus.* Cumque Ecclesia nobis non loquatur nisi per pastores, sed maxime per Pastorem Pastorem, sancti Petri successorem, quem S. Chrysost. appellavit os Apostolorum: sequitur eos qui non audiunt Ecclesiæ definitiones, quas per summos Pontifices ut per os suum nobis loquitur, non audire Deum loquentem seu revelantem, & consequenter non attingere objectum fidei formale, quod est prima veritas revelans, quæ ad nos nō

pervenit immediatè, sed tantum mediatè: unde fit, ut qui Pontificum Decisionibus non acquiescunt, non etiam acquiescant Deo revelanti, & consequenter non credant fide Divinâ: Unde vides quid de nostris novis Hæreticis sentire debeas, qui definitioni Pontificis acquiescere recusant: an fidem habere, dici debeant: Etenim fidem non habet, qui primæ veritati non acquiescit, cum prima veritas sit objectum formale fidei, non quidem in se absolute spectata, sed quatenus potest movere intellectum per revelationem obscuram. Nam quodlibet objectum constituitur cognoscibile, ut potest movere intellectum, seu immediatè, per se producendo speciem: seu mediatè per auctoritatem dicentis: qui autem dicit, aut immediatè per se loquitur, aut mediatè per alium quo utitur, & quem dirigit, ut suam mentem manifestet: Deus autem voluit nos docere per Ecclesiam, cuius caput, est Pontifex, & consequenter per quem nos instruit, ac docet: sicut enim in capite, est lingua, ita in summo Pontifice est auctoritas summa docendi, & definiendi: unde cum illa locutio dupliciter spectari possit, primò ut humana, atque ab homine profecta: deinde ut ab ipso Deo directâ: primo modo, auctoritatem tantum habet humanam: secundo modo auctoritatem habet divinam, quia est quædam Dei locutio: & ita ab eo dirigitur & ordinatur: & hac ratione habet infallibilitatem: ita Caiaphæ responsum interpretatus est S. Joannes cap. 11. cum dixisset. *Expedi vobis, ut unus homo moriatur pro populo, & non tota gens pereat.*

Hoc tamen à semelipso non dixit, sed cum esset Pontifex anni illius, prophetavit, quod Jesus moriturus erat pro gente.

Quo ex his omnibus convenientius possum colligere, nisi ut firmi, & constantes permaneamus in eius fidei possessione, in quâ sumus, nec nam nobis eripi sinamus, cum sit optima omnium nostra possessio: est enim fides, *Rerum sperandarum substantia*: & ut diximus ex Ambrosio lib. 2. de Pœnit. cap. 3. Bona substantia fides, in qua ipsi nostræ est patrimonium: Quasi fides sit hominis Christiani optima possessio, cuius ne minimam quidem partem amittere oportet, ne tota amittatur: *Accedamus ergo ad Deum, cum puro corde, in plenitudine fidei.* Hanc ne fideles amitterent, bonorum omnium, & vitæ jacturam facere, & sanguinem profunderè maluerunt in omnibus Ecclesiæ sæculis: intelligebat profectò fide amissâ, se omnia perdidisse: illâ salvâ, & integrâ, se habere omnium bonorum fontem, atque radicem. Cum autem nobis auferri possit, vel deceptione, vel violentiâ; nobis providendum est, ne nos vel decipi sinamus, vel deijci: decipere nos volunt, qui novis dogmatis, & speciosis rebus illudunt. Sed quoad dogmata, meminimus, nos fidem habere per revelationem: illam autem ab Ecclesiâ, Ecclesiam autem loqui, os autem habere in capite, caput autem Ecclesiæ esse summum Pontificem. Noli itaque mihi asserre, aut doctores & magistros, aut sanctos Patres, quicumque illi sint, tanquam fidei regulas, vel authores: sed Ecclesiam, sed Petri Cathedram, sed Pontificum definitiones. Decipere e-

tiam volunt, qui morum reformationem, qui sanctitatis speciem, qui opera misericordiæ, qui eleemosynas, qui pœnitentiam, qui corporis austeritates obtendunt. Ego quidem morum reformationem, non rejicio, sed eam quæ fidei est conformis: sanctitatem, veneror sed nullam agnosco sine fine, dicente Scriptura, *Iustus enim meus ex fide vivit*: Et ut loquitur sanctus Ambrosius in cap. 6. Epistolæ ad Hebr. Perfectum illum vocamus, qui in fide vitam habet rectam. Scias fundamentum omnis justitiæ esse fidem, ex Tridentino. Misericordiæ opera & eleemosynas omnibus ulnis amplector: sed ut notat idem S. Ambrosius l. 6. in Lucam c. 8. Deus fidem prætulit misericordiæ, quæ tunc habet meritum, si fide præcedente conferatur: alioqui nec Gentilibus profuerunt eleemosynæ nec Judæis opera legis, & ceremoniæ, & jejunia, & corporis afflictiones, nec Mahumetanis copiosæ largitiones, quia uti dixit Apostolus Hebr. 11. *Sine fide autem impossibile est placere Deo.* Ne vos itaque ista exteriora decipiant, quia omnia externa sunt æquivoca, nec vim habent placendi Deo, nisi quatenus à fide procedunt: *Iustus enim meus ex fide vivit*; non quidem sola, sed tanquâ à radice: *Quod si subtraxerit se*, uti loquitur Paulus cap. 10. Epistolæ ad Hebræos, qui locus sumptus est ex Propheta Abacuch, & in Hebræo legitur: Quod si elatus sit, seu superbiat: pro quo Sanctus Hieronymus sic vertit: Quod si incredulus sit; quæ omnia idem omnino significât, sicut enim credere verbo Dei, est humilientis se: ita nolle credere, elati ac superbi

perbi animi. Non credens autem subducit se divinæ obedientiæ: *Non placebit anime mee.* In Hebræo: Non est recta anima eius in ipso: quæ verba concordant cum istis: *Accedamus ad eum cum puro corde, in plenitudine fidei.* Nos autem (përgit Apostolus) *non sumus subtrahio- nis filij in perditionem; sed fidei in acquisitionem anime.* Cætera enim non proderunt ad salutem: fides autem est initium salutis. De ea jam deijcere nos volunt, qui vel promissis, vel minis, vel calumniis & persecutionibus, vel authorita-

te pugnant: sed nobis Deus unus est spectandus, eius promissiones attendendæ, eius minæ timendæ: sola gehenna metuenda, eius authoritati deferendum, in qua omnis nostra fides fundata est, sicut in fide omnis spes nostra. Nunc credamus, ut aliquando videamus: nunc speremus, ut aliquando & possideamus, & fruamur: utrumque tantum fiet in gloria, ad quam gratiâ suâ nos perducit CHRISTUS JESUS.

Ecclesiæ Sponsus.

Amen.

FERIA QUINTA CINERUM

CONCIO TERTIA

DE FIDE.

Cur Deus voluit homines regere per fidem.

Non inveni tantam fidem in Israël. Matth. 8.

IN concione præcedenti pauca diximus in lucis commendationem, sed præcipuè in laudem fidei, veri luminis animarum; sed sicut reperti sunt homines ad eò lucis ofores, ut sicut ait Job cap. 3. *Maledicant diei, & sint, ut dicitur cap. 12. rebelles lumini;* ita inventi sunt homines qui fidem damnarunt, cuius ego hodie defensionem suspicio, sed non sine lumine Sancti Spiritus, quod non nisi per Virginem

nobis asfulgere posse spero, sic Ecclesiâ canente. *Tu porta lucis fulgida.*
Ave Maria.

QUis unquam credidisset poss tam multa fidei elogia, repertos esse homines qui dicerent fidem esse actum humilem & abjectum, & præclaris ingeniis indignum, quæ non cæco modo procedere solent, sed cum rerum cognitione, & solam ubique rationem sequun-

Sequuntur: cùm intelligant, idèo homines natos esse rationales, ut ratione utantur; non autem ut incredibilia sibi persuadeant, ea tantùm de causa, quia hæc ipsis dicta sunt: quæ ratio procedenti, propria esse videtur, aut belluarum, quæ alieno imperio, atquæ ductu reguntur, aut puerorum, & hominum ignarorum, & abiectorum, qui non suo iudicio ducuntur, sed alieno: unde magnopere mirantur, quòd Deus voluerit homines gubernare, etiam in rebus maximi momenti per viam fidei, cùm magis decorum foret, atque honestum, tùm ipsi Deo, tùm hominibus, ut homines quos fecit rationales, gubernaret ratione, non fide; rerum ipsarum cognitione, non ignorantia. Et hinc profecta est nova quorundam hominum secta, qui se vocant rationales, ut nos à fide fideles, qui in rebus, quæ nobis credendæ proponuntur, eas dijudicant ratione, non fide, eas admitcentes quæ cum ratione concordant, alias autem rejicientes quas cum ratione pugnare iudicant. Sed nimirum, uti dixit Ambrosius libro de Spiritu Sancto capite 18. Non capiunt fidei magnitudinem angusta impiorum pectora: tantùm enim abest ut fides sit depressio intellectus, & propria humilium & abiectorum ingeniorum, ut potius sit summa eorum exaltatio, uti in prioribus concionibus ostendimus, quòd enim nullus intellectus potest attingere, si solus sit, & solâ ratione utatur, cò fides pertingit: Ambrosius libro 4. in Lucam cap. 5. Quod mens humana rationis investigatione non potest comprehendere, fidei plenitudo com-

plectitur. Sed quoniam, ut ait Agostolus Rom. 5. *Sapientibus, & insipientibus debitor sum*; ac ne videar cum illis summâ autoritate agere, eos etiam audiamus, & cum rationibus, in sola ratione sistentibus, rationem adhibeamus, atque ostendamus, non tantùm eos esse fidei inobedientes, sed etiam rationi.

Querunt itaque 1. cur Deus voluit homines in rebus quoque maximi momenti regere per viam fidei, hoc est per ignorantiam, & cæco modo; fides enim habet obscuritatem, nonevidentiam.

Respondeo 1. cum Apostolo Roman. 9. *O homo, tu quis es qui respondeas Deo?* Vox Græca significantius aliquid dicit, qui ex adverso respondeas, seu disputes cum Deo. Nam si Deus nobiscum ageret pro summa potestate, nullus posset conqueri: itaque etiam si quilibet consideret quid fecerit Deus, non tamen licet causam inquirere cur fecerit; nisi Deus, & rem, & causam nobis aperuerit. Ita Incarnationem revelavit, & finem Incarnationis, nempe hominum redemptionem: sed cùm Deus aliquid non revelavit, non licet ultra inquirere: unum sufficere nobis debet, nihil de iustitia Dei, aut de eiusdem potestate ambigi posse: sic ferè Deus voluit nos rerum existentiam scire, modum autem & naturam voluit ignorare: ita ut ait Sanctus Ambrosius libro 6. in Lucam capite 9. Non licet mihi scire divinæ generationis seriem; non licet tamen nescire generationis fidem. Et in talibus id observandum est, quod docet idem Doctor 1. 1. de vocati one gentium c. 7. *Quæ Deus occulta*

occulta esse voluit, non sunt scrutanda: quæ autem manifesta fecit, non sunt neganda; ne & in illis, illicitè curiosi; & in illis damnabiliter inveniamur ingrati. Itaque roganti cur voluerit Deus homines regere per fidem, hæc responsio sufficere deberet, Deum ita voluisse: id enim est, atque si dicerem, iuste voluisse.

Respondeo 2. si homines cum aliis hominibus agentes, ab eis fidem exegerunt, cur Deus ab hominibus fidem exigere non potuit? Certè Pythagoras Italicæ sectæ Dux, hanc legem discipulis suis sanciverat, ut quinque annis silentium servarent, & tantum docentem audirent, quibus toto illo tempore, nulla alia dictorum ratio dabatur præter illud verbum, *autos epha*, ipse dixit. Nonne turpe est nos tantumdem Deo non tribuere, quantum Pythagoræ tribuebant, qui se disciplinæ eius addixerant? Plato in Timæo circa Deorum genealogiam Poëtis fidem adhiberi voluit, Homero, Hesiodo, & aliis: nullamque ab eis rationem exigi, licet eorum scripta plena fabulis esse sciamus. Et irrationabile iudicabitur, ait Theodoretus serm. 1. de Græcorum affectionibus, ut docenti Deo credere, homines adhortemur? Ipse Plato libro 1. de legibus, sibi credi vult à junioribus in iis quæ scripsit, sive benè, sive perperam se habeant. Et Philosophis tam diversa docentibus, tam multi fidem habuerunt, cum de rerum principiis, de animorum immortalitate, & de aliis rebus scripserunt; & mirabimur Deum ab hominibus fidem exegisse.

Respondeo 3. omnes disciplinæ &

scientiæ, & artium cognitiones ortum habent à fide; nam ut ait I. heodor. sermone 1. de Græcorum affectionibus, par est ut prius credat, qui velit addiscere: nunquam enim prima elementa perdiscit, qui literatori fidem non habeat, primam, aut secundam literam sic appellari: nam si neget, dubius errabit, & falsū pro vero sumet: & si obsequatur, statim fidem cognitio, ac scientia subsequetur. Ita & Geometræ fides habenda dicenti, punctum esse cuius pars ulla non sit, & longitudinem carere omni latitudine; hoc autem nullus unquam sermone demonstrabit: nam si latitudine privaveris longitudinem, utique cum latitudine, simul omnem tolles longitudinem: sed tamen ita jubet intelligi Geometra, cui facile fidem habet, qui lineares illas figuras avet perdiscere. Idem probat in Astronomia, & in omnibus artibus, in quibus per fidem tyrones statim addiscunt. Idem ostendit in ægrotis respectu Medicorum: in Mercatoribus: in Nautis, & aliis omnibus; unde subdit. Est itaque fides, velut primaria quædam basis, & crepido scientiæ: & sic concludit. Insulsum igitur planè facinus est non ferendum, ut velimus cunctarum artium magistris convenire scientiam, discitentibus autè fidem; ut scilicet cognitionem fides præcedat, subsequatur autem fidem cognitio: & in sola divinarum rerum doctrina factum hoc inverti, ita ut hîc tantum fidei scientia præponatur: in iis enim rebus quæ videri non possunt, fidei oculis maxime indigemus; unde bene monet Isaias, ex versione septuaginta Interpretum: *Si non credideritis, non intelligetis.*

Y

Respon-

1. Respondeo 4. non tantum in scientiis, & in artibus, sed etiam in rebus se-
re omnibus humanis, opus esse fide,
uti agnovit Sanctus Augustinus. Quis
enim sciat, quo patret, & qua Matre si
natus, & à quibus maioribus sit ortus,
nisi ex alieno testimonio; ut scias in
omnibus rebus fidem esse necessa-
riam: & nos privandos non fuisse fide
sine magno nostro dispendio. Cur ita-
que miramur, si Deus fidem à nobis ex-
igat? Quod si in tam multis rebus fi-
dem habemus hominibus, cur non eti-
am Deo habeamus? nam ut ait Sanctus
Ambrosius libro 4. in Lucam capite 5.
Si Deo non credimus, cui credemus? o-
mnia enim quæ credimus, vel visu cre-
dimus, vel auditu: visus sæpe fallitur,
auditus in fide est: an asserentis persona
discutitur? si viri boni dicerent, nefas
putaremus non credere: Deus asserit,
probat Filius, refugiens sol fatetur,
tremens terra testatur.

Respondeo 5. innumera esse, quæ al-
liter à nobis sciri non possunt, quam
fide, ut omnia super naturalia, qualis
est Trinitas, Incarnatio, Eucharis-
tia, & similia. Cum enim Deus hono-
nem exegerit ad statum super natura-
lem, necesse fuit ut daret cognitionem
supernaturalem, nam fundamen-
tum entis moralis, est cognitio: talis
autem cognitio non debuit esse evi-
dens, quia est status alterius vitæ: igitur
debut esse obscura; talis autem est
fides: unde Apostolus 1. Corinth. cap.
13. *Videmus nunc per speculum in ænigmate, tunc autem facie ad faciem.* Cum itaque
Plurimà obiecta superent omnem ca-
pacitatem creatam, necesse fuit mentem

attolli, quod fit per fidem: Psalm. 133.
Mirabilis facta est scientia tua ex me, confor-
tata est, Et non potero ed eam. Et quidem
tanta est imbecillitas ingenij nostri, ut
ne formicæ quidem naturam, formatio-
nem, indolem, vitam, ætates cognosce-
re possimus, aut alterius rei maxime
obviæ essentiam immò neque rerum,
quæ in nobis sunt, aut geruntur: quo-
modo igitur de divinis rebus & super-
naturalib' iudicare potuissemus, nisi di-
vina sapietia solâ fide ea nobis patefe-
cisset Ambrosius libro 4. in Lucâ capite
5. Quod mēs humana rationis investi-
gatione non potest comprehendere, fi-
dei plenitudo complectitur.

Respondeo 6. cum ad salutē necessariū
sit Deum nosse, illi inservire, atque eius
voluntati obedire; id autem nemo fa-
cere possit, nisi eius voluntatem norit:
nemo autem hominis voluntatem sci-
at, nisi ipse aperiat, sequitur nullum
etiam Dei voluntatem scire posse, nisi
aperiat; non manifeste, uti diximus,
quia non est status huius vitæ, igitur
occulte, ea autem cognitio est fides: de
qua agens Theodor. lib. 1. de Græco-
rum affectionibus, eam sic definit,
latentis & obscuræ rei quædam visio,
& contemplatio, *aphanous prâgnatos the-*
oria, vel rerum invisibilium apprehen-
sio quædam naturæ compar & con-
gruens. Et sanè suavem admodum esse
istam Dei dispositionem, vel hinc pa-
tet; quia cum hominum ingenia sint di-
versissima, & pauci admodum rerum
sublimium sint capaces: Nam quis ad
notitiam Trinitatis pervenire potui-
set: quæ tamē omnia facile credi pos-
sunt: ad Dei bonitatem pertinuit,
ut ad

ut ad earum rerum scientiam nos non obligaret, sed ad fidem. Ad hæc cum scientiæ sint adeo incertæ, unde in scientiis tam variæ opiniones existunt, ut scias nihil ferè esse certum, cum nullum sit ingenium, quod omni errore careat; quàm melius & suavius fuit, ut in fide, in qua sunt omnia certa, atque indubitata conquiesceremus, cuius author est Deus, de quo nemo dubitare potest.

Querunt 2. nostri rationales. Cum Deus potuerit, earum rerum, quarum cognitionem obscuram nobis dedit per fidem, dare evidentiam, cur non istam potius dedit, quàm væcitatem, cum homines, eo quod sint rationales, ita potius essent tractandi: nam quia fides est obscura, idcirco id verè nesciunt, quod credunt quod nesciunt: in quo est incertitudo, vacuitasq; rationis, incertitudo quidem propter ignorantiam; hæc autem propter obscuritatem, cum scientia in evidentia consistat: rationis vacuitas est, persuadere sibi, & pro certo habere, quod minimè scitur, quandoquidem acquiescendi causa, est evidentia & demonstratio.

Possent, Auditores, secundam illam impugnationem refellere iisdem rationibus, quas adversus primam adhibui: cum satisfaciant penitus difficultati, quam mox proposui, sed ut nullam absque responso proprio relinquamus.

Respondeo 1. cuiusmodi homines, nescire quid sit fides, nec quid sit scientia nostra, & evidentia. Ignorant quid sit fides, quasi mera sit ignorantia, quia fides obscura est, nec habet evidentiam: idem enim faciunt quod illi quos Aristoteles reprehendit, qui

in Metaphysicis, & aliis superioribus scientiis, eandem quærunť evidentiam, quàm habet Mathematicæ disciplinæ, & qui in rebus moralibus eodem modo procedunt, quo in Physicis & naturalibus, cum tamen in omnibus scientiis, & diversæ sint abstractiones, & diversa principia. Quod potissimum interest in cognitione, est certitudo, quæ aliunde petitur in fide, quàm in scientiis; quæ si ambo comparentur, certiora sunt fidei principia, quàm scientiarum; unde sic fidem definit Theodor. orat. 1. de Græcorum affectionibus: Est insita credentium animis, citra ambiguitatem aliquam dispositio? & Apostolus Paulus fidem vocat, *argumentum*, seu convictionem *non apparentium*; quod si, uti dixit Aristoteles, minima rerum divinarum cognitio, melior est & jucundior perfectissima rerum inferiorum scientia. (Verba eius libro 1. de partibus animalium capite 5. sic se habent. Res namque illas superiores, tametsi leviter attingere possumus, tamen ob eius cognoscendi generis excellentiã, amplius oblectamur, quàm cum hæc nobis iuncta omnia tenemus:) quid de fide nostra sentire debemus, cuius obiectum, scientiarum omnium obiecta præcellit. Ignorant etiam quid sit scientiæ nostræ, de quibus ita loquitur Aristoteles lib. 2. Metaph. cap. 1. Quæ admodum vespertilionū oculi, ad lumen diei se habent; ita & intellectus animæ nostræ ad ea quæ omnium manifestissima sunt. Certè id probat tãta opinionum diversitas in scientiis, & multiplicitas sectarum. Quod si quidã ex veteribus in apibus dignoscendis quatragesima annos insupersit,

nec id potuit perfecte assequi, quid de cæterarum rerum cognitione putandum est? si vel culicem perfecte non potes cognoscere, quomodo poteris res supernaturales, & quæ Angelorum caput superant, comprehendere? quæ tamen omnia, *Filius qui est in sinu Patris nobis enarravit*. Deinde omnes scientiæ ortum habent à sensibus, in quibus miræ sunt illusiones, & errores innumeris; quare oportet eos à ratione sæpe corrigi: hinc fit, ut *animalis homo non percipiat ea quæ sunt spiritus*. Fidei autem principium petitur à revelatione & autoritate divinâ, quæ nec falli potest, neque fallere; unde dictum est Petro Christi divinitatem profitenti Matth. 16. *Quia caro & sanguis non revelavit tibi, sed Pater meus qui in cælis est*: quæ verba exponens Sanctus Ambrosius lib. 6. in Lucam capite 9. Caro enim & sanguis non queunt nisi quæ terrena sunt, revelare; at verò qui spiritu loquitur mysteria, non carnis, & sanguinis magisterio, sed divinâ inspiratione fundatur: noli ergo acquiescere carni, & sanguini, ne carnis & sanguinis haurias præcepta, atque ipsi sanguis & caro fias: qui enim carni adhæret, caro est; *Et qui adhæret Deo, unus spiritus est*. Denique si inter se comparantur istæ cognitiones, nempe scientiarum, & fidei, licet in scientiis sit evidentiæ, in fide autem obscuritas, non sequitur tamen in scientiis majorem esse certitudinem: nam quid iuvat evidentiam in scientiis, nisi ad certitudinem? atqui maior est in fide certitudo, quàm in scientiis, propter obiectum magis necessarium, ob principia magis infallibilia, & ob modum procedenti minus

errori obnoxium, uti in prima concione à nobis explicatum est. Quin etiam, uti in ista diximus, nemo ad scientiam pervenit, nisi per fidem; quam idcirco Epicurus appellare solebat ex Theodoro sermone iam toties laudato, præsumptionem rationis, atque discursus, anticipationem quandam, & quasi ad sermonem, rationemque, ingressum. Sic ab Aristotele *kritirion epistimon*, iudicationum scientiæ appellatur, hoc est, scientiæ iudicium, censura, & probatio, seu fundamentum ratiocinationis, quia fides ad acquirendam & examinandam, discutiendamque scientiam necessaria est: quod ipsâ experienciâ, & usu rerum demonstratur. Nam sicut lux, quæ per se est manifesta, non sufficit vespertiloni, ad bene videndum (licet enim nihil desit ex parte obiecti, deest tamen aliquid ex parte potentiae) ita non sufficit evidentia in obiecto, sed requiritur aliquid ex parte intellectus, ut nimirum rectè partes apprehendat, quas per iudiciû connectit.

Jam nec illud omittere volo, fidei quoque suam non deesse evidentiam: si enim fides humana aliquam habet evidentiam, ut esse urbem Romam, & Constantinopolim, licet nullam harum videris; certè multo magis fides divina suam habet evidentiam: quæ enim primo modo creduntur, nituntur autoritate humanâ, ita tamen ut nemo sanus dubitare possit: nam quis credat tot homines tam diversis temporibus existentes, tot locis, & rebus omnibus separatos, nullo lucro, atque emolumento, nullâque causâ in id convenisse ut tibi imponerent? Sed quæ secundo modo

do creduntur, autoritate divinâ nuntantur; plus autem Deo credendum est, quam homini, Joan. 1. *Si testimonium hominum accipimus, testimonium Dei maius est.* At testimonium divinum multiplex est, & præcipue in miraculis, ac Prophetiis. Quod pertinet ad miracula, Ambrosius in cap. 5. epistolæ ad Roman. Quia fidei nostræ rationem humana verba asserere non valent, virtutum testimonio, quæ cum tacent, clamant, rationalis approbatur. Et certe quis asserenti Deo repugnet? & quæ fortior asseveratio, quàm miraculorum patratio? Joannis 11. Lazarum Christus suscitaturus, sic ad Patrem orat: *Ego autem sciebam, quia semper me audis, sed propter populum qui circumstat, dixi, ut credant quia tu me misisti: Hæc cum dixisset, voce magnâ clamavit: Lazare veni foras; Et statim prodiiit qui fuerat mortuus.* Et Matth. 9. *Ut autem sciat quia filius hominis habet potestatem in terra dimittendi peccata, tunc ait Paralytico: surge, tolle lectum tuum, & vade in domum tuam, & surrexit, & abiit in domum suam.* Sanè non fuerant necessaria miracula, si homines faciles fuissent ad fidem: sed quia ferè homines non assentiuntur, nisi habeant aliquam evidentiam, Deus adhibuit miracula, ut Jam non dubitarent de Dei testimonio. Unde pergit Sanctus Ambrosius. Nam sicut peregrini hominis, improbabilis origo in terra aliena est, ita & fidei nostræ veritas peregrinatur in terris: & quia natura eius, verbis explicari non potest, virtutis quæ maior res est, testimonio commendatur. Idem dico de Prophetiis; nam ut Sanctus Joannes Apocalyp. 19. *Testimonium Jesu est spiritus Prophetiæ:* unde Sanctus Ambrosius in cap. 12. ad

Roman. Prophetia prima probatio est rationabilem esse fidem nostram; denique credentes accepto Spiritu prophetabant: itaque Sanctus Doctor concludit, indubitabilem esse fidem nostram, quæ tot testimoniis stabilita sit, sermone in festo Sanctorum Nazarij, & Celsi. Non sine magno discrimine, de religionis veritate dubitamus, quam tantorû sanguine confirmatam videmus. Magni periculi res est, si post Prophetarum oracula, post Apostolorum testimonia, post Martyrum vulnera, veterum fidem, quasi novellam discutere præsumas; & post tam manifestos duces, in errore permanear, & post morientium sudores, otiosa disputatione contendas. Uno verbo si apertè Deum videremus revelantem, jam esset aliqua evidentia non in re revelata, sed in revelante; sed si sit non manifestus revelans, sed manifesta revelatio: quis dubitet quoque esse aliquam evidentiam: at miraculorum patratio manifesta est revelatio; cum constet solum Deum miraculorum esse authorem. Cum itaque omnis nostra fides resolvatur in Dei revelationem, & auctoritatem, sequitur ita esse obscuram, ut tamen aliquam habeat evidentiam: nam manifestum est Deum non posse testificari falsum; quia Deus prima est veritas, quæ nec fallere potest, neque falli: hinc patet in fide suam quoque esse evidentiam: unde, uti diximus, Sanctus Ambrosius fidem nostram rationabilem appellat ex miraculis. Vide ergo an sit in fide incertitudo, & irrationabilitas: incertitudo quidè cum nitatur primâ veritate

Y 3

irra-

irrationabilitas: inmotivis credendi: & num bene dictum fuit à S. Prosp. si decepti sumus, à te decepti sumus, quia tanta facta sunt, ad credendorum probationem, quæ non nisi à te fieri poterunt. Tu non dubitas credere fuisse aliquando Alexandrum Maced. Regem, & eius victorias, & prælia, quia tot habes authores, qui id asserunt, quos non potes judicare ex composito mentitos esse: idque tam certum putas, quàm quod oculis tuis vidisti: & quidquid tibi dicatur de vanitate famæ, & scriptorum mendaciis, non tamen potes hoc à tuo iudicio impetrare, ut dubites ea omnia vera esse: quanto magis debes credere, quæ tot miraculis, & tot testimoniis confirmata sunt? *Si testimonium hominum accipimus, majus est testimonium Dei.* Certè, uti dixit Ambrosius lib. 4. in Lucam capite 5. Si viri boni dicerent, nefas putaremus non credere: Deus asserit, probat Filius, refugiens sol fatetur, tremens terra testatur, & tu postea dubitabis.

Respondeo 2. cum Sancto Ambrosio in cap. 5. epistolæ ad Romam. Ideò Deum homines per fidem regere voluisse, non per rationis evidentiam: quoniam cum mundus certâ lege, & potestate gubernetur, & regamur modo definito à Deo, homines autem, circa rationem carnis studiosi, Deum huius mundi opificem neglexerunt, Deus ut errorem auferret, & Dominum se omnium demonstraret, hoc se posse, & fecisse prædicari voluit, quod mundo impossibile est, ut qui hoc crederent, damnatis iis qui ratione mundi inflati, Deum neglexerunt, discreti salva-

rentur, Dei dominio mancipati. Eandem rationem attulit Paulus 1. Cor. cap. 1. *Nam quia in Dei sapientia, non cognovit mundus per sapientiam Deum:* Hoc est postquam Deum, qui seipsum in opificio mundi, tam sapienter disposuit, & in creaturarum inspectione ostendit, mundus non agnovit, quod tamen facere debuisset; *Placuit Deo, per stultitiam prædicationis, salvos facere docentes:* Visum est Deo aliam planè viam inire, & homines per fidem ad se allicere, eis proponendo, quæ secundum communem rationem intelligendi, videbantur reiicienda, & contraria rationi. Unde patet cur Deus non per evidentiam obiectorum homines rexerit; sed per fidem, & obscuritatem: quia enim homines in rerum evidentia cæcutierunt, per rerum revelatarum obscuritatē illuminati sūt, & sic *iustificata est sapiētia à filiis suis* Mat. 11. dū eos modis omnib⁹ adjuvit.

Respondeo 3. ideò Deum regere homines per fidem, ut captivantes intellectum nostrum in obsequium fidei, illum totum Deo subiiciamus, & agnoscences imbecillitatem mentis nostræ, & divinæ sapientiæ altitudinem, Deum sic honoremus: est enim fides nostra Deo gloriosissima, propter summam ei subiectionem principalis potentiæ. Sicut enim *servator majestatis opprimetur à gloria:* Et sicut summa est superbia Deum velle comprehendere: uti summa temeritas fuit in Eudoxo, cupere Solem è propinquo intueri, quamvis sciret se eius radiis, & nimia luce consumendum: ita è contrario summa est humilitas suum intellectum per fidem subicere. Certè Isaias Angelos vidit coram

coram Deo faciem suam obvelare, quasi contra aspicere non auderent. Summus Sacerdos in Sancta Sanctorum ingressurus, Thymiamate nebulam faciebat, ne Arcam nudam aspiceret: Exodi 3. cum Moyses ad rubum ardentem accessisset, abscondit faciem suam: *Non enim audebat aspicere contra Deum.* Et ut agnovit Salomon in sui Templi dedicatione, cum nubes impleisset domū Domini, *habitavit Deus in nebula.* scientiæ quidem suis obiectis dominantur: at fides se subiicit suo obiecto; & hoc etiam ipsi homini honorificum est: uti enim magis honorificum est suo Regi reverentiam exhibere, quam suis servis imperare: Ita longè majus est Deo perfidem se subijcere, quam per scientias earum obiectis dominari.

Respondeo 4. cū vita æterna ad quā homines sunt evecli, sit supra naturam ea quoque quæ ad illam ducunt, debuerunt captum nostrum superare, ut esset proportio inter finem, & media: hinc tantopere in scripturis sanctis donum fidei commendatur, & ex divinā illustratione haberi dicitur.

Ex his omnibus patet luce clarius fidem non esse irrationalem, neque ex parte Dei, cū tot sint rationes, ob quas decuit Deum regere homines per fidem: neque ex parte hominum, qui cum tam multa credant propter hominum testimonia, multo magis credere debent quæ Deus attestatur. Nam, ut ait Sanctus Ambrosius libro 1. de Abraham capite 5. Quam in dignum ut humanis testimoniis de alio credamus, Dei oraculis de se non credamus. Et apud Sanctum Joannem: *Si testimonium hominum*

accipimus, testimonium Dei maius est. Hoc saltem Deo concede, quod concedis hominibus.

Quærent 3. nostri Rationales: si natura earum rerum quas à nobis Deus credi voluit, talis erat, ut à nobis non aliter sciri possent, quam per fidem; an non satius fuit ea à nobis penitus ignorari, quam ita sciri; cum hoc non sit scire, sed ignorare: præsertim cum eius generis cognitio nobis sit inutilis. Quid enim iuvat ita scire ut nescias: deinde quid juvat ad opus hoc scire, verbi gratia, tres esse in Deo personas: Filium procedere per viā intellectus, & innaturæ similitudinem, & per veram, & propriè dictam generationem: Tertiam verò personam tantum procedere, idque per viam voluntatis, & per amorē: & alia innumera eiusmodi, quæ nobis credenda proponuntur.

Vide quò progrediatur prudentium, & sapientium mundi temeritas, qui ut ait Sanctus Ambrosius in cap. 5. epistolæ ad Roman. Audaciā verborum, terrenis armis, contra cælestia dimicant, & carnalibus adversus spiritalia; & prudentes se dicere non erubescunt, quasi humana prudentia Dei sapientiam superarit. Sed ut ad hanc objectionē respondeamus, atque ut omne os obstruatur.

Respondeo id à Deo sapientissimè factum fuisse, multas ob causas.

Et primò quidem, ut mens nostra supra se & omnia humana ad divina erigeretur: si enim Deus non ea proponeret, quæ captum humanum excedunt, mens sursum non se attolleret: sed in suo gradu, & infima forte maneret, neque

neque ad Dei visionem disponderetur: fides enim supernaturalium, media est inter cognitionem naturalem, & visionem beatificam: unde proportionem habet, & cum statu huius vitæ, & cum fine, ad quem hæc vita medium est.

Secundo, subiiciendus fuit noster intellectus divinæ sapientiæ, etiam in rebus quæ nobis eveniunt, & in Dei gubernatione, ut crederemus omnia à Deo fieri sapientissimè, nec adversus eum murmuraremus, si bonis adversa, impiis prospera eveniât; ipse enim sapientissimè omnia disponit. Quidquid enim vel permittit, vel decernit, id facit, vel ut peccata puniat, vel ut nos ad bonum excitet. Cum itaque in rebus nobis propositis, intellectum subiecerimus, ut credamus: idem quoque in Dei gubernatione faciemus. Quod autem dictum est, per fidem nos ita scire, ut nesciamus, bonum sensum habere potest, & malum: bonum quidem si intelligamus, in fide simul esse certitudinem, & obscuritatem; hæc enim est natura fidei, quæ, ut ait Sanctus Petrus in sua secunda epist. cap. 1. *Est instar lucernæ in caliginoso loco, donec dies elucescat*: lucerna est, quia lucet: sed lucernæ lumen habet aliquid obscuritatis; pars enim loci illuminatur, pars relinquitur in tenebris; unde dicitur lucere in caliginoso loco. Præterquam quòd in rebus quæ credendæ proponuntur, est semper aliquid quod Deus revelavit, & hoc Deus nos scire voluit: & est aliquid quod non revelavit, & illud voluit nos ignorare. Ita de æterna Verbi generatione loquens Sanctus Ambrosius lib. 4. in lucan. cap. 5. Non licet mihi scire quemadmodum natus sit;

non licet tamen nescire quòd natus sit. Seriem generationis ignoro; sed auctorem generationis agnosco: non interfuimus cum ex Patre filius nasceretur, sed interfuimus cum à patre Filius Dei diceretur: si Deo non credimus, cui credemus? Ita aliquos esse prædestinatos, & alios reprobatos sine Dei iniustitia fides docet; cur autem hos elegit, & non alios, hoc ab hominibus ignorari voluit: unde Pauli exclamatio Roman. 11. *O altitudo divitiarum sapientiæ, & scientiæ Dei, quàm incomprehensibilia sunt iudicia eius, & investigabiles viæ eius! Quis cognovit sensum Domini, & quis consiliarius eius fuit?* Ita cum plurima de extremo iudicio revelasset, noluit tamen nos scire diem iudicii. Et serè in omnibus rebus fidei, quædam à nobis sciri voluit, alia autem ignorari: & in illis, uti dixit Sanctus Ambrosius lib. 1. de vocatione Gentium cap. 7. Quæ Deus occulta esse voluit, scrutanda non sunt; quæ autem manifesta fecit, non sunt negligenda, ne in illis illicite curiosi, & in istis damnabiliter inveniamur ingrati. Dixi quoque illud quod dictum est, fidem esse ignorantem, malum sensum habere posse, quasi quod fide teneremus, incertum sit atque dubium, cum fides quavis scientiâ certior sit atque indubitator: unde eam ita definit Theodoret. ser. 1. de Græc. affect. Circa id quod verè est animi adhesio, & constantia. Et sanè quis pro scientiis & pro Philosophorum dogmatibus, sua deferere, & rebus omnibus nunciū dare voluit? Sed quis tormenta pati, quis unquam mori voluit, cum pro fide tuenda innumeri Martyres mortui sint.

Jam

Jam quod dictum est fidei cognitionem esse inutilem, sine ratione dictum est; nam siue agatur de cognitione, siue de opere, ad utrumque fides utilissima est: ad cognitionem quidem, quoniam, uti diximus ex S. Ambrosio lib. 4. in Lucam. cap. 7. Quod mens humana rationis investigatione comprehendere non potest, fidei plenitudo complectitur. Ad opus autem; quia hanc rerum serie, in omni fide etiam humana, agnoscit Theodor. ferm. 1. ut cognitionem fides præcedat; subsequatur autem fidei cognitio, hanc autem subeat appetitus, postremo rei appetitum, & functio, & actio subsequatur: par est enim ut prius credat, qui velit addiscere, partaque cognitione, moveri aliquo appetitu; motum denique, ac impulsu, aggreddi aliquid ac peragere. Et ideo fidem divinam, hoc est, quæ Deo credimus appellat, ut iam dictum est, S. Ambr. l. 1. de vocat. Gentium cap. 8. bonæ voluntatis, & justæ actiones genitricem. Itaque Deus prius in intellectu motum excitat fidei, quàm motum voluntatis: quasi ex fide omnes motus in voluntate excitarentur. Nam timor Dei sequitur fidem, quæ Deum credimus omnium malorum actuum vindicæ, & punitorem. Spes sequitur fidem, quæ ipsum credimus Redemptorem, & remuneratorem: amor, quo credimus esse summum bonum, & summè perfectum: & ita in aliis. Iam omnia præclare facta sequitur fidem: hinc Apostolus Paulus ostendit Hebr. 11. Veteres omnes nihil egisse eorum quæ admiramur, nisi per fidem: itaque fidei attribuit, quod Abraham vir tantus evaserit. Fide (inquit)

qui vocatur Abraham, obedivit in locum exire, quem accepturus erat in hereditatem, & exiit nesciens quid iret: fide remoratus est in terra repromissionis, tanquam aliena, in casulis habitando, cum Isaac, & Jacob coheredibus repromissionis eiusdem: expectabat enim fundamenta habentem civitatem, cuius artifex & conditor Deus. Deinde: Fide obtulit Abraham Isaac, cum tentaretur, & unigenitum offerebat, qui susceperat repromissiones, &c. arbitrans quia & à mortuis suscitare potens est Deus; unde eum & in parabolam accedit. Fide & de futuris benedixit Isaac Jacob, & Esau. Fide Jacob, moriens, singulos filiorum Ioseph benedixit, & adoravit fastigium virgæ eius. Fide Ioseph, moriens, de professione filiorum Israël memoratus est, & de ossibus suis mandavit. Eodem modo fidei attribuit, quæcumque à Moyse peracta sunt. Fide Moyses grandis factus negavit se esse filium filia regis Pharaonis: &c. fide reliquit Egyptum, non veritus animositatem Regis: invisibilem enim tanquam videns sustinuit. Fide celebravit Pascha, & sanguinis effusionem, ne qui vastabat primitiva, tangeret eos: fide transierunt mare rubrum tanquam per aridam: & alia plurima quæ recenset, ut scias fidem bonæ actionis esse genitricem: unde non mirum si moneat Apostolus Ephes. 6. Ut in omnibus sumamus scutum fidei; quia in omnibus agendi occasionibus, se se fides interfert: v. g. occurrunt divitiæ: veniat statim in mentem quod Christus dixit: Impossibile est divitem salvari, Vobis divitiis? Divitias esse spinas, & alia eiusmodi à Christo, & ab Apostolis dicta, quæ in fidei materiam transierunt: Titillant voluptates: Veniat in mentem illud Apocalypseos: Quantum in dehitis fuit, tantum date illi tormentum.

Offert se tibi pauper : *Quod uni ex minimis fecisti, mihi fecisti.* Occurrunt afflictiones : veniat in mentem quod dixit Sanctus Petrus in sua Prima epistola capite 4. *Si exprobramini in nomine Christi, beati eritis; quoniam quod est honoris, gloria, & virtutis Dei, & qui est spiritus, super vos requiescit.* Et Sanctus Jacobus in sua epistola cap. 1. *Omne gaudium exilisimate, fratres mei, cum in varias tentationes incideritis.* Veniat in mentem quod Christus dixit Matth. 5. *Beati qui persecutionem patiuntur propter iustitiam, quoniam ipsorum est regnum cælorum. Beati estis cum maledixerint vobis, & persecuti vos fuerint, & dixerint omne malum adversum vos mentientes, propter me; gaudete & exultate, quoniam merces vestra copiosa est in cælis : Sic enim persecuti sunt Prophetæ, qui fuerunt ante vos.* Vel illud Psalm. 90. *Cum ipso sum in tribulatione.* Sicut itaque honoras species sacramentales ob corporis Christi præsentiam : ita & afflictiones plurimum æstimare debes, & eos qui illas patiuntur, quoniam habent Deum præsentem, & Spiritum Sanctum ut ait Sanctus Petrus : *Et qui est eius spiritus, super vos requiescit.* Eadem ratione procedere debes, in cæteris rebus, in omnibus eventibus, in omnibus negotiis : nam ubique nobis opitulari potest. Hinc rerum omnium despicientia, rerum futurarum desiderium, amor cælestium, vitæ neglectus, spes immortalitatis, difficultatum victoria, securitas in periculis, præclarorum facinorum suszeptio.

Inde agnoscimus veram causam, cur inter Christianos raræ sint virtutes eximæ ; scilicet quia fides est paucorum : nam & si plures appellentur fideles, quoniam multi Christianam fidem profitentur, tamen si illi tantum sunt fideles, qui fidem habent, paucissimi sunt qui dici possunt, & appellari fideles. Et jampridem querela est summorum virorum, nullam esse inter homines fidem Christianam : ac illud tempus advenisse, de quo Christus Lucæ 18. *Filius hominû veniens, putans inveniet in terra fidem.* Nam ut omittam innumeros quotidie oriri errores, atque hæreses quotidie pullulantes, quæ efficiunt, ut admodum pauci dici debeant fideles ; inter eos qui orthodoxi vocantur, quot sunt, qui fidem habeant? Quod operantur ex fide, uti suarum actionum principio. Quot vivunt secundum principia fidei, & divinæ axiomata veritatis? quot secundum religionis nostræ principia? *Non contemplantibus nobis, quæ videntur, sed quæ non videntur, quæ enim videntur, temporalia sunt, quæ non videntur, æterna.* Tu si verè, quæ Christiana fides docet crederes, itane viveres, ut facis? Ex duobus alterum est necessarium, aut ut non credas, aut si credis, ut infirmas: Nam ut ait S. Jacobus. *Ossende mihi fidem tuam sine operibus:* quasi dicat. *Opera sequi fidem : & postea ex ambobus oriri beatitudinem.* Ad quam nos perducatur Jesus Christus
Amen.

FERIA SEXTA CINERUM,

CONCIO PRIMA

DE DILECTIONE INIMICORUM,

æquitas hujus præcepti.

Ego autem dico vobis, diligite inimicos vestros. Matth. 5.

INTER cætera argumenta quibus nostræ Religionis veritas probatur, est eius sanctitas quoad leges quas habet, & mores quibus vivit: Nam in aliis omnibus sæcis, uti semper est aliquis error in intellectu, ita quidam est in moribus, & in voluntate defectus: at in Religione Christianâ, uti quoad credenda nihil falsum est, ita quoad facienda, nihil est quod iure reprehendas, immò quod non sit valde sanctû: Porro inter cæteras leges quas habet, una est quæ præcipit, ut diligantur inimici: quam nec natura, nec caro, nec sanguis, neque mores nationû, neque leges ullæ introduxerunt, sed sola professio Christiana: unde multisvisâ est esse supra humanam consuetudinem: sed nemo negare potest, nihil illâ esse sanctius, nihil religiosius: Et jute merito S. Dunstanus suis persecutoribus respondit qui ab eo aliquod fieri miraculum petebat: Hoc satis

est magnum miraculum, quod vestras injurias modulatè fero, & ignosco: Hinc fit ut Chrillus virtutem appellet novi testamenti. *Dictum est antiquis: Diliges amicum tuum, & odio habebis inimicum tuum: Ego autem dico vobis, diligite inimicos vestros: & Ioan: 1. lex autem per Moysen data est, gratia autem & veritas per Iesum Christum, est itaque opus gratiæ. Quod si ad eius observationem opus est gratiâ, & nobis etiam opus gratiâ ut eam exponamus. Ave Maria.*

LICET satis intelligam quæ de jejunio à nobis dicta sunt maxima esse, & plurimum necessaria, facile tamen mihi persuadeo futurum ut multi se à jejunio excusent, vel impotentia, vel infirmitate, vel aliis multis de causis: sed nemo est qui hodiernum præceptum de diligendis inimicis ullâ de causâ rejicere possit. Etenim ut ait

Z 2

S. Chry-

S. Chryf. homil. de similitudine: Quod non ieiunius; excusare potes corporis imbecillitate: quod non parcas, non potes: & quod odium retineas, nullam habes excusationem: age enim, inquit, dic mihi, non ieiunasti ob corporis infirmitatem; recte: sed cor inimicis tuis reconciliatus non es? an hic habes, unde præendas corporis imbecillitatem? rursus, si odium, invidiamque retineas, quid possis excusationis allegare? nusquam enim in istiusmodi deliciis ad corporis infirmitatem refugere licet: Atque id Christi humanitatis opus est, quod præcipua, & vitam nostram continentia præcepta, nihil à corporis infirmitate læduntur: Vnde Apostolus. Paulus ad Timotheum scribens ait 1. Epist. cap. 4. *Exerce autem teipsum ad pietatem: Nam corporalis exercitatio ad modicum utilis est: pietas autem ad omnia utilis est: promissionem habens vite, quæ nunc est, & futura: quem locum explicans S. Maxim. Græc. centuriâ 2. ar. 57. tradit distingui virtutes in corporales, & spirituales, & illas quidem ipsas anakin, esse, id est necessitati subiectas, quia pluribus modis, ac rationibus impediri possunt, ita ut qui eas non habeat, veniam ferat: has vero non sic subiectas esse, ut est pietas, eusebeia, quæ ad ad cultum Dei pertinet: quæ nec impediri potest, quin habeatur, nec ille excusari, qui non habuerit: Quo in numero virtutum continetur injuriarum condonatio, atque inimicorum dilectio: quæ nobis in hodierno Evangelio præcipitur: Ego autem dico vobis, diligite inimicos vestros: cuius præcepti difficultatem vehementer auxit firma hominum pertinacia, at-*

que duritia: quoniam odium inimicorum à duabus rebus firmum existit 1. ab ira: ad quam pertinet vindicta, quæ & maxime est naturalis, & ipso usu firmas radices agit: non enim uti cætera, vitia usu ipso extinguuntur, uti adulterium, & fornicatio actu transacto: sed firmiter hæret odium, si uno, aut altero die invaluerit: Chrysost. homil. 22. de diversis. In adulterio simul cum flagitio expletum est peccatum: qui autem similitatis tenax est, singulis diebus Peccatum facit, nec unquam absolvit: 2. à superbiâ seu amore improbo famæ, quam putamus tunc demum nos integram servare, si non cedimus injuriæ, si non parcimus: idque iuxta communem hominum corruptissimum iudicium, qui inimicitiarum condonationem imbecillitatem animi interpretantur. Age vero quæ magis hoc malum altas egit radices, & quæ magis illud præceptum impetitur, ac minus est in usu, horum temporum iniuriâ, illud quantum in nobis est fulciamus: cœque magis quæ hæc materia ad omnes ferè pertinet: ut enim nullum est mare adeò tranquillum quod aliquando jaculationem non habeat, ita nullus hominum adeò temperatus est, & circumspectus, nemo ita scælix, ac fortunatus, ut in tota vitâ suâ, aut nullum læserit, aut certe à nullo sit læsus, aut appetitus.

Hoc itaque dico. Præceptum de diligendis inimicis, & de non referendâ injuriâ æquissimum esse, atque iustitiæ plenissimum.

I. Ratio petitur ex Legislatore, nam prima pars iustitiæ alicujus legis, est autoritas Legislatoris: hoc autem Deus præcipe-

præcipere nobis potuit, & de facto præcepit: Id: Christus significavit his verbis. *Didum est antiquis diliges proximum tuum, & odio habebis inimicum tuum: Ego autem dico vobis, diligite inimicos vestros, benefacite his, qui oderunt vos, & orate pro persequentibus, & calumniantibus vos*, ubi hæc vox, Ego, magnam habet emphasis: Ego qui summam in te habeo potestatem, & summum ius, & consequenter, qui possum tibi quidlibet præcipere: Ego, cujus est tunc qui offendit, tunc qui offensus est: & consequenter, qui ut illo uti possum, ita & te adigere ut quidlibet feras: Ego, cujus injuria tibi facta, pluris inter est quam tua: Ego, ad quem tuum ius plus pertinet, quam ad te: Ego, quæ non obediẽtem punire possum sumis pœnis, & qui te obediẽtem possum summo præmio afficere: Ego, cui uni placere debes, cui soli displicere non debes: Ego, cujus gratia pati omnia debes, & omnia etiam facere, hoc ego præcipio tibi, ut quamlibet tibi illatam injuriam condones: Vide nam: æquissimum sit ut parcas. Chrysost. homil. 1. de divers. Quod si cogitemus quanta sit authoritas Dei, jubentis, & conditoris istius legis, satis ex eo & abunde instructi, & admoniti fuerimus: Neque enim à nobis ipsis, monita vobis afferimus, sed ad Legislatorem vos omnes adducimus: Nemo itaque se excuset ab injuriarum condonatione, & inimicorum dilectione: sed cogitet summam Dei illud præcipientis auctoritatem: o homo tu quis es, qui respondeas Deo? & quis est qui audiat dicere: quare sic fecerit?

Sed iterum cogita Deum pœnas interminantem, & damnationem nisi ig-

noscas: Certè facilius tibi erit ferre injuriam, illatam ab inimico, quam pœnam, quam irrogat, aut intemat Deus iratus: Nam uti præclare dixit Ambros. lib. 1. offic. cap. 38. omnia supplicia graviorum suppliciorum vincuntur formidine: ideo si consilio firmes animum tuum, nec à ratione discedendum putes, & proponas tibi divini judicii metum, perpetui supplicij tormenta, potes animi subire tolerantiam: Tibi itaque ad maiora attendenti, facile erit ferre minora mala: Compara igitur quod patieris, si te non vindicas: & quod patieris, si te vindices: Cogita quem metuere magis debeas, aut inimicum offensum, aut Deum iratum. Huc pertinet quod ait Chrys. homil. de similitudine: si legem statuisset Cæsar, ut omnes inimici in gratiam redirent, aut capite plecterentur, an non omnes festinarent ad mutuas reconciliationis? quam ego veniam habebimus, cum ne tantumdem reverentiæ tribuamus domino, quantum conservis nostris tribuimus: Noli igitur existimare nostrum esse, aut alterius præceptum, sed ipsius Dei, cujus majestatem revereri debes: nam quantum illud est te offensum esse, quisquis tandem sis, & a quo cuque fueris offensas; illud vero longe maximum, tuam inobediẽtiã Deum offendit:

Tam quantum illud est quod injuriæ tibi illatæ nolit Deus te causam referre in tuum inimicum, ut ne ab illo te offensum putes, sed in se, quasi id ipse illi præcepisset, ut si quis sit in teensus vindictæ, intelligas re non tam creaturam petere quam Deum: Hæc cogitati-

one impulsus Ioseph, fratribus gravissimam omnium iniuriam, odium scilicet peracerbum, intentatum homicidium, venditionem, & servitutem condonavit: Cum enim Patre defuncto timerent fratres, ne pœnas illatæ injuriæ ipse repeteret, miserunt, qui diceret, Genes. ultim. *pater tuus præcepit nobis antiquam moreretur, ut hæc tibi verbum illius diceremus: obsecro, ut obliviscaris scelus fratrum tuorum, & peccati atque malitiæ, quam exercuerunt in te: Quid ad hæc Iosephus? Nolite timere: Num Dei possumus resistere voluntati? vos cogitasti de me malum, sed Deus vertit illud in bonum: Nolite timere: ego pacam vos, & parvulos vestros: consolatusque est eos & blandè, ac leniter est locutus: Quæ verba interpretans ac fusius exponens Philo Judæus in lib. de Vitâ civili qui & Ioseph inscribitur eum inducit veniam fratribus dantem, & confirman-tem, in gratiam Patris, quem negat, propter animam immortalem, periisse: & addit: Cur autem geniti Patris tantum meministis? habemus alium ingenitum, immortalem, æternum, inspectorem, auditoremque omnium etiam quæ sunt per silentium, introspectentem intimos animi sensus: Dum invoco testem conscientiæ meæ, quod bona fide vobiscum in gratiam redivi: Eodem modo David cum à Semei lapidaretur, ac convitiis appeteretur, quæ res planè fuit indigna adversus tantum Regem, & intantâ afflictione constitutum, cumque ad vindictam sollicitaretur, id consulentes, acrius reprehendit. 2. Reg. cap. 19. *Quid mihi, & vobis filij Sarvia? cur effiminis mihi hodie in Satan: & cap. 16. Quid mihi, & vobis est filij Sarvia? dimittite eum,**

ut maledicat: Dominus enim præcepit ei, ut malediceret David: & quis est qui audeat dicere, quare sic fecerit? ait Rex Abisai, & universis servis suis: Ecce filius meus, qui egressus est de utero meo, querit animam meam, quanto magis nunc filius Iemini? dimittite eum ut maledicat juxta præceptum Domini: si forte respiciat Dominus afflictionem meam, & reddat mihi Dominus bonum, pro maledictione hac hodiernâ: Vide Davidis religionem; maledictionem Semei vocat Dei mandatum, cui negat resistendum: equidem non erat Dei voluntas, ut Semei malediceret Davidi, sed erat Dei voluntas ut David patienter ferret maledictionem Semei: & quis est, ait, qui audeat dicere, quare sic fecerit? plus itaque spectavit David suam humiliationem quam Deus intendebat, quàm culpam Semei, quam Deus nolebat: sed qui sic injuriam spectat, facillè eam condonat, ne si retineat, Deo ipsi succensere videatur non homini.

Sed rursus quis illud præcepit? Dominus propter nos Crucifixus, ait Chrys. homil. de simulo. Ipse te ut reconciliaret Patri, ne mactari quidem recusavit, aut sanguinem effundere: Tu autem ut reconcilieris conseruo, nec verbum vis emitte, aut prior accedere dicere vult: Id planè esse intolerabile, ut post tantum patientiæ exemplum, inimicors permanes: Hoc idem premit S. August. serm. 2. de S. Stephano. Tu autem, ô Christiane, quæris vindicari de adversario tuo, qui tibi forsitan injuriam fecit, æstuas, furis, anhelas, festinas vindicari: attende Christum medicum ægritudines tuæ, propter te pependit in ligno, & nondum est vindicatus, &

dicatus, & tu vis vindicari, & non vis tantum & talem magistrum imitari: Ideo pati voluit, ut tibi patientiæ suæ demonstraret exemplum: vide pendentem, & tibi languenti de suo sanguine medicamentum conficientem; vide pendentem, & tibi de ligno tanquam de tribunali præcipientem, atque precantem: *Pater ignosce illis quia nesciunt quid faciunt.*

Sed illud omnem considerationem superat, Christum qui tanta egit apud Patrem pro tuâ excusatione, & qui ab eo exauditus est pro suâ reverentiâ, nihil apud te proficere pro fratris tecum reconciliatione: Veniam non petit inimicus: id scio; sed tu quoque non petebas: Eam non meretur inimicus tuus: id etiam concedo: sed neque tu eam merebaris: in inferendâ injuriâ perseverat inimicus tuus: Et tu quoque perseverabas: audi enim Apostolum Rom. 5. *Commendat Deus charitatem suam in nobis, quoniam cum adhuc peccatores essemus, id est, cum adhuc peccata peccatis addideremus, atque in statu essemus peccati & in offensâ perseverarem, secundum tempus pro nobis Christus mortuus est:* Pro te Christus apud Patrem interpellavit: Et nunc apud te, pro tuo inimico interpellat: Immo iubet, ut parcas, etiam ut diligas: ac nisi facias, pœnam æternam interminatur: Audi enim quid dicat, *Ego autem dico vobis, diligite inimicos vestros:* Et Apostolus Ioannes, *Qui non diligit fratrem, manet in morte:* à Patre quidē exauditus est pro suâ reverentiâ: Tu vero nullâ ratione habitâ reverentiæ ipsius: & preces eius, & mandatum negligis: Hæc enim verba non Iosephum

tantum, sed te etiam spectant, *Pater tuus, præcepit nobis, antequam moreretur, ut hæc tibi verba illius diceremus; obsecro, ut obliviscaris sceleris fratrum tuorum, & peccati, atque malitiæ quæ exercuerunt in te:* Iam vide quid respondeas, atque apud te perpende, an plus fueris offensus, quàm Ioseph: deinde an Christi auctoritas minus habeat apud te ponderis, quàm Patris apud filium, & Iacobi apud Iosephum.

Fuerat Philemonî ad quem Paulus scripsit epistolam, servus quidam, qui multa hero furatus aufugit: huius culpæ deprecatorem habuit Apostolum Paulum his verbis, *Obsecro te pro meo filio, quem genui in vinculis, Onesimo, qui tibi aliquando inutilis fuit, &c. Si habes me socium, suscipe illum sicut me: si autem aliquid nocuit tibi, aut debet, hoc mihi imputa. Ego Paulus scripsi meâ manu: ego reddam: ut non dicam tibi, quod & te ipsum mihi debes: quæ verba expendens Chrysost. exclamat, Quæ lapidem ista non flecterent, non emollirent? Quam immanem licet belluam, hæc non in mansuetudinem verterent, ipsamque humanissimè suscipere persuaderent? Scripsit Paulus, & persuasit: Eadem, & longè plura ad te Christus: & non commovet: Dona mihi hanc injuriam, ego reddam, hoc mihi imputa, &c. Demus ultro, ac subenter Deo supremo omnium nostrum Domino, quod Regi terreno haudquaquam recusare possemus, faciamusque ut amor & observantia iusta erga illum animi averse commotiones in nobis comprimant quas aliæ causæ exhibere possent. Quid quod ex autore legis colligitur possibilem esse huius mandati observantiam,*

wantiam, neque enim impossibilia præcepit, immò præcipiendo simul etiam offert gratiam, & parendi potestatem, quod homines & legislatores non faciunt.

In quo illud consideratione dignissimum est charitatem Dei, quâ solâ inimicus diligere potest, fortorem esse quocunque alio vinculo: Quod si natura, & consanguinitas coniungit affectibus dissimilissimos: si affinitas, & matrimonij nexus ignotissimos: si Patriæ charitas, sibi mutuo infensos, ut Aristidem cum Themistocle: Fabium cum Papyrio: & alios multos: immò si necessitas id multos facere coëgit, quanto magis Dei respectus id fortius facere potest: Simultates quæ vel ipsas etiam potentissimas familias inter se dividunt, matrimonij copulatione componuntur: Numquid & ipsa temporis diuturnitas offensarum oblivionem adducit? Et verò licet amor multò aptior sit ad conciliandam & amicitiam quam metus tamen ut observat D. Augustinus Serm. 5. in S. Stephanum, Si de primoribus aliquis nos offenderit, præ timore dissimulamus, idque quotidie usu venire inter homines deprehendimus; Quæ causa est ut idem Augustinus dicat, Quod ille sustinet propter substantiam terrenam, tu sustine propter vitam æternam &c. Quod à nobis extorquet hominis timor deberet à nobis exigere Christi amor: Porro dixi verum & sincerum inimici amorem ab eo tantum motivo proficisci, quia uti dixit S. Thomas 2.2.q.27.art.7. dilectio amici aliam causam habere potest quàm Deum, dilectio inimici non potest, ac licet

utraque dilectio, & amici & inimici, esset propter Deum, tamen dilectione inimici hinc ostendi fortorem, quia hominem ducit ad remotiora, scilicet usque ad charitatem inimicorum: ut ne igitur existimes impossibilem hanc dilectionem, cogita Deum amicitie nondum acrius atque fortius stringere, quàm ullam aliam naturalem rationem: Sed cum Deus hanc necessitatem tibi imponat, quid te facere posses desperas quod Deus imperat, & ad quod, ut illud facias, gratiam largitur?

Porro ut quæ hæcenus à me dicta sunt redigam in summam, quisquis habet inimicum: Cogita 1. Deum tibi eius dilectione imperare, aut nisi feceris te utrumque inimicum habiturum, eum quidem qui te offendit, quia non parcis: Deum Verò quia non pares: 2. Deum in se suscipere tui in te inimici culpam, ac idè tibi dicere, quod Apostolus Paulus scripsit ad Philemonem: *Si autem aliquid nocuit tibi, aut debet, hoc mihi imputa:* Vide an hoc sis animo, ut hanc injuriam donare ipsi Deo recuses: 3. tibi attendenda est non inimici voluntas, & intentio, sed Dei: Non causam proximam debes intueri, sed remotâ, itaque non fratri tuo irasceris, sed Deo: Denique quod vel naturæ, vel legibus, vel consuetudini, vel necessitati, vel alterius imperio concederes, hoc Deo concede: Et quia ille solus dilectionis inimici causa esse potest, eam dilectionem cæteris anteposito, quæ solum Deum autorem habere potest. Quidquid igitur in contrarium mihi opposueris, tibi ego Deum opdonam: Durum est amare inimicum, res est ardua, ac naturæ contraria:

contraria: Sed Deus id imperat, & nihil est quod imperare tibi non possit. At id facere non possum, nec ille me adigere: at Deus jubet, de eo autem quod jubet nec deliberandum est, nec ambigendum: si jubet, & potes, & debes. At non meretur ille: Non ille quidem sed Deus, & majora etiam meretur. Sed hinc inimicus deterior fiet, nec emendabitur: Esto sanè; sed tu melior fies, ac nisi facias, ipso eris deterior. At hinc vilior existam, & alienæ patibatur injuriæ: Contingat sanè quidlibet, Deus jubet ut parcas, imperat ut ignoscas: justus est, & justum judicium eius, non potest non imperare quod justum est, si justum est quod imperat, parendum est. Jubebat Absolon servis suis, ut fratrem suum Amnonem apud se convivantem perimerent, utque illis animos adderet, dicebat illis 2. Reg. 13. *Nolite timere, ego enim sum qui precipio vobis, roboramini, & esote viri fortes*: Tu autem multò magis cogita, quis tibi illud imperet, ille scilicet cuius voluntati resistere nemo potest, quique tibi dicit *Ego autè dico vobis diligite inimicos vestros*.

2. Ratio continet causam quam habuit legislator prohibendæ vindictæ, ne quis scilicet usurparet auctoritatem quæ soli Deo convenit: ut Deo relinquatur quod suum est. Quia nempe nō licet seipsum privatâ auctoritate ulcisci, alioqui omnia cædibus complerentur, idque non tantum jure divino, sed etiam humano prohibitum est, quæcumquæ tandem illata sit iniuria. Et quidem in nullâ republicâ, ultio privata toleratur: itaque egregiè Chrysost. homil. 22. de diversis: Si in hominibus

(inquit) verberato à nobis alieno servo, dominus illius indignatur, ac pro contumeliâ accipit, & si iniuriâ affecti, expectamus sententiam iudicium, nec licet sibi ius dicere, & ultionem sumere, quanto magis in rebus illis ubi Deus ipse constitutus est iudex: Alludit Chrys. ad locum Pauli Rom. 12. *Scriptum est, nempe Deuter. 32. Mibi vindictam, & ego retribuam*: id est, Ego sum qui retribuo mala, iis qui mala operantur; munus hoc est meum, & ad me pertinet, non igitur homo debet se vindicare, quia id est præripere officium Dei: Quod si iudices puniunt scelera, id faciunt ut ministri Dei: neque tamen de omnibus delictis sumere pœnam possunt, uti de internis: Deo soli convenit generalis omnium delictorum vindicta: particularis autem vindicta de propriâ injuriâ, non homini sed Deo relinquenda: Hoc enim officium pertinet ad summam eius potestatem, & summum dominium: non tantum quia ipse in illata cuicumque injuriâ plus offenditur, quàm is qui appetitur injuriâ, sed etiam quia ad ipsum pertinet; jus unicuique reddere, ac omnes inæqualitates complanare: *Pater non judicat quemquam, sed omne judicium dedit filio, quia filius hominis est*: si Deus Pater non judicat, licet offensus, *Tu quis es*, ait Apostolus, *qui iudicas alienum servum, qui Domino suo stat, vel cadit?*

Quid quod ille serè solus, & peccati, & pœnæ gravitatem sufficienter æstimare potest: quòd si unicuique vindicta esset commissa, præterquam quòd omnes serè vindictæ potiùs, aut iræ impetu ferrentur, quàm vero iustitiæ

Aa

sensu,

sensu, nemo præterea satis aut culpam æstimare, aut pœnam æquare posset: Quid quod cum duo sint offensus, tu, & Deus, cum ille paratus sit ignoscere cur ex tuâ parte non ignoscis? quia (inquis) vindicare me volo: Ita sanè si culpa remissa non fuerit: Sed si iam est remissa, ut dubitare non potes, cum Deus ignouerit, non iam ulcisceris, sed iniuriam facis, dignusque planè qui pœnas luas, & quem Deus ulciscitur, quia tibi nõ condonanti non condonabitur.

In hunc itaque sensum vertere possumus illud Christi præceptum, Matth. 5. *Eslo consentiens adversario tuo citò, dum es in viâ, cum eo, ne forte tradat te adversarius iudici, & iudex tradat te ministro: Et in carcerem mittaris*: Memineris itaque te non esse inimici tui iudicem, hoc est, tuum non esse pœnas repetere, sed tibi cum illo communem esse iudicem, qui illum & te iudicabit, te quidem cõdemnando ad pœnam, si non consentias, id est, si non peperceris, idque citissimè. Nemo enim in suâ causâ iudex esse potest, ne Rēges quidem, quanto minus homines privati. Id tantum pertinet ad Deum, quia eius ius non est privatum, & quia non iudicat nisi ex iustitiâ, non autem ex irâ aut cupiditate, aut amore privato. Non hinc tamen licet Deum orare, ut inimicum tuum ipse ulciscatur: Hinc enim pessimus ille mos, apud quosdam invaluit, ut inimicis in oratione male precentur, ac peccant à Deo vindictam iniuriarum, atque inimicorum suorum ultionem, quo facto, ut ait August. Deû oras ut tortor pro te existant. Non, inquam, id licet; nam qui tibi præcepit ne vindictam sumeres. idem præcepit ut ignosceres

& consequenter ne vindictam ab alio sperares, minus expectares, minimè omnium exposceres: ad hæc qui præcepit ne vindicares, præcepit ut orares pro offendente: *Orate pro persequentibus vos*: non dixit contra persequentes, sed pro persequentibus vos: Et quâ fronte potes eadem in oratione dicere Deo te inimicis ignoscere, & simul obsecrare, ut tuos perdat inimicos? Audi quid de eo factio iudicet Chrysost. serm 57. de divers. Non animadvertis (ait) te iniuriam facere Deo, cum Deum adversus inimicos rogas? quomodo tandem? quoniam ipse dixit, *Orate pro inimicis vestris*, & divinam hanc legem invenit: cum igitur legislatores rogas, ut suas violet leges, & hortaris ut suis contrarias ferat, & eum qui prohibuerat, ne adversus inimicos orares, precaris ut te adversus inimicos orantem audiat, non oras orantem audiat, non oras, dum id facis; sed legislatori contumeliam infers, & in eum insolefcis qui tibi bona largiturus erat, quæ occasione precum obveniunt, &c. Quid dicam quod inimicum in conspectu Regis percutis, quamvis enim manibus id non facias, verbis tamen eum percutis, quod erga conservos præstare non audes; aude igitur id agere Magistratu spectante; licet innumera tua sint rectè facta, omninò confestim ad mortem abduceris: Ergone coram magistratu non audes æqualem afficere contumeliâ? coram Deo autem qui id facis non, quæso tremis & non times; dum orationis tempore ac precum sic ex candescis, & effeferaris, ac maiorem præ te fers iniquitatem

tatem illo qui centum denarios repetebat, &c. Quod si tamen animo planè infedit iniurici mortem, aut vindictam à Deo deposcere, audi consiliū S. Aug. hom. 40. Planè ora (inquit) ut occidat inimicū tuū, & salvet fratrem tuū: occidat inimicitias, salvet naturā: sic ora, ut vin dicet te Deus, pereat qui te persequebatur: sed maneat, qui tibi reddatur. Vide itaq; huius mandati æquitatem, quā sit ut Deo, quod suum est relinquatur.

3. Ratio æquitatis huius legis peti- tur, ex vero effectu iustitiæ, quī in eo consistit ut unicuique reddatur quod suum est, quod facit iniuriæ condona- tio. Nam is cui ignoscitur, in pristinum statum restituitur, qui verò offensus est, & ignoscit, plus accipit quā amiserat per iniuriam: Itaque hæc lex utrum- que spectat, & offendentem, & offen- sum. 1. Quia utriusque bono consulit. Vt enim homines multi (inquit Chry- sost. homil. 16. de diversis) qui inter se controversantur, si extra forum amicē litem inter se componant, damno, me- tu, multisque periculis, se liberant, dūm ex amici sententia litis eis terminatio succedit: Quod si iudici negotium suū permittant, nihil aliud inde præter pec- uniæ iacturam, & pœnam persæpe, at- que immortalium inimicitiarum con- continuationem reportabunt: Ita hūc quoque, si dūm in hac vitā versamur, lites componamus, omni nos suplicio liberabimus, sin autem in odio perse- verantes, ad tremendum illud iudicium abeamus, illius iudicis calculo damna- ti extremo planè supplicio plectemur, & utrique pœnas inevitabiles sustine- bimus: unus quidem iniuste iratus,

propterea quod iniuste: alter autem iuste iratus, quod iniuste memoriam iniuriæ conservavit: licet enim iniuste quidpiam mali passi fuerimus, veniam dari par est iis, à quibus iniuriā læsi fuerimus: itaque utrosque impellit ad reconciliationem, cum quidem qui of- fendit. *Si offeras munus tuum ad altare, & ibi recordatus fueris, quia frater tuus, habet aliquid adversum te, vade, prius reconcilia- re fratri tuo:* Non dixit, offer munus tu- um, sed reconciliare, ac deinde offer, ut oblationis necessitas, etiam invitum reconciliari cogat eum, qui iuste fuerit iratus, cum enim sciverit relictam ante altare hostiam, ut reconciliatio fieret statim dimittet, ut sacrificium perficia- tur: Eum verò qui offensus est, sic com- pellit, *dimittite debitoribus vestris, ut & Pa- ter vester dimittat delicta vestra:* 2. Quia qui parcere iubetur, eidem etiam ut parcat, Deus iubet: nam vicissim ig- noscere iubemur: Cogita itaque, quod tibi erga alios præcipitur, idem aliis quoque erga te ipsum præcipi: ut scili- cet tibi nocenti minimè noceatur, tibi malè facienti, nihil prorsus mali fiat; tibi delinquenti non modò venia, sed etiam gratia concedatur: uti igitur ab aliis læsus es, ita & tu alios læsisti, aut lædere potes, vel sciens, vel imprudens: itaque uti Deus veniam dari tibi inpe- rat, ita etiam ut tu alteri doces. Vide & fatere num hoc sit iustissimum, & ple- nissimum æquitatis. Id pulcherrimè ad- vertit S. Chrysolog. serm. 139. Se pec- catorem, & peccatorem se homo co- gitet, & tunc incipiet amare veniā, nō amare vindictā: Audis tu, quia remit- tere debeas: & quia tibi remitti debeat,

non audis? peccabis & tu illi cras, qui tibi hodie peccavit, & erit tibi iudex, qui tibi erat reus ante: & reddet tibi veniam, si dedisti: si non dedisti, aut negabit tibi veniam, aut si dederit, imputabit amplius, quā donabit. Remitte peccanti, remitte pœnitenti, ut cum tu peccaveris, repenſetur in veniā, non donec. Bona ſemper venia, ſed tunc dulciſſima, cum debetur: Vicit pœnam, iudicem prævenit, evaſit iudicium, qui remittendo, ante ſibi veniam, quam delinqueret, jam providit.

4. Ratio pertinet ad juſtitiam commutativam, ſecundum proportionem quam vocant arithmeticam, quæ explicatur iis vocibus, Tantum Quantum: & in eo conſiſtit in materia præſenti, quia ea conditione nobis peccata noſtra remittuntur: Matth. 5. *Eſto conſentiens adverſario tuo citò, dum es in viā cum eo*: hoc autem fiet remittendo injuriam: cauſam ſubdit: *Ne forte tradat te adverſarius judici, & iudex tradat te miſiſtro: & in carcerem mittarū. Amen dico tibi non exier inde, donec reddas noviſſimum quadranten: id eſt omiſſio illa reconciliatiōnis, te aget reum coram Deo, qui tibi non parenti non indulgebūt: ſed ſeveriſſimè ulciſcetur, & in minuta etiam ſcelera inquit, quæ ſignificantur per quadrantem, numerum omnium minimū: alioqui enim *Charitas operit multitudinem peccatorum*: & ſi in charitate remittis in te commiſſa, multa quoque tibi remittentur: nam Matth. 6. cum diſcipulos orare doceret, inter alia, præcepit, ut dicerent, *& dimitte nobis debita noſtra ſicut & nos dimittimus debitoribus noſtris*: & rationem dedit, ſi enim*

dimiſeritis hominibus peccata eorum, dimittet & vobis pater veſter cœleſtis delicta veſtra: ſi autem dimiſeritis hominibus, nec pater veſter dimittet vobis peccata veſtra: Et Matth. 7. *Nolite iudicare, ut non iudicemini, in quo enim iudicio judicaveritis, iudicabimini: & in quā menſurā, menſi fueritis, remetietur vobis*: Et Matth. 18. *Serve nequam omne debitum dimiſi tibi, quoniam rogavi me: nonne ergo oportuit, & te miſereri conſervi tui. ſicut & ego tui miſertus ſum? & iratus Dominus eius, tradidit eum tortoribus, quoaduſque redderet univerſum debitum: ſic & Pater meus cœleſtis faciet vobis, ſi non remiſeritis unusquisque fratri ſuo de cordibus veſtris*.

Ex quibus locis duo diſcimus. 1. eſt, Ei qui injurias remittit, peccata remitti: unde pretioſæ nobis ſunt injuriæ, quæ nobis veniam pariunt: itaque facilis exiſtit peccatorum remiſſio ſi nimirum ignoſcamus: Quod enim alij iejunio, ait Chryſoſt. homil. 16. de diverſ. planctibus, precibus, ſacco, cinere, ac diverſis pœnitentiæ auſeritatibus vix perficiunt, ut nimirum ſua peccata deleant, hoc nobis ſine ſacco, & cinere, ac jejunio facile licet præſtare, ſi modo ex animo iram deleamus, eiſque qui nos injuriā læſerint, ſincerè dimittamus: neque enim Chriſti verbum poteſt eſſe falſū quo dicit, *dimittite, & dimittimini*: Item ſic *Pater meus faciet vobis*. 2. Ei qui non remittit injurias non etiam peccata ſua remitti, ut intelligas huius præcepti neceſſitatem, atque rigorem. Sed age æquitatem huius præcepti ex ratione allatā in veſtigemus, quia ſcilicet eā conditione peccata noſtra nobis remittuntur: In quo

Perpen-

Perpende 1. plùs nobis hâc conditione provideri quàm inimicis : nam ut ait Chrys. homil. de similitate, multa deliquimus ; in magnis offendimus , & dominum nostrum irritavimus ; dedit ex suâ humanitate hanc viam reconciliationis : ne igitur deseramus hunc pulchrum thesaurum. immò. ut ait homil. 16. de divers. quantò graviora mala intulerit inimicus , tantò majoribus afficit beneficiis : usque eò, ut si abesset Dei offensa, optare deberemus inimicum, ut parcendi causam haberemus, ut hac ratione veniam à Deo consequeremur. & quàm id pulchrè cogitatum ab eo homil. de similitate : Si iis qui ob summa scelere supplicio extremo adduntur, aliquis proponeret, si sibi pœnam remitti vellent, aliis offertas condonarent ; certè id libentissime facerent , & quamlibet conditionem admitterent : Quod si humana pœna quæ terminum habet quaslibet iras finit, quanto magis æterna, si animo præsens esset.

Perpende 2. quod à te dependeat peccatorum venia quàm à Deo postulas. Idem eadem homil. Quid eo mitius, quid mansuetius præcepto : te iudicem fecit in condonatione tuorum criminum : si pauca dimittis, pauca dimittuntur : si plura, plura : si ex corde dimittis, & sincere, eodem pacto tibi Deus remittit : si præter veniam datam, etiâ cum pro amico habeas, eodè modo erga te Deus afficietur : adeò ut quanto magis quis adversum te peccaverit, tantò magis tibi ad reconciliationem properandum sit, quandoquidem ipse hoc pacto in causâ est, ut nobis majora crimina condonentur.

Perpende 3. Quàm ex parte Dei iusta sit hæc conditio. Si nimirum & offensas ipsas , & personas inter se comparas : quod præclarè persequitur. Idem eadem homil. quæ ita in pauca contrahit : Ello , contumeliâ te affecit conservus tuus : Nonne tu sæpè Deo contumelias facis : quid æquale inter Dominum, & servum? ex quo fit ut ille heriles, tu autem serviles remittas injurias : præterea fortasse conservus tuus, à te provocatus rependit iram, & tu irasceris : Tu verò nullâ à Deo acceptâ injuriâ, imò perpetuis ab eo præventus beneficiis, adversus Deum contumeliôsè agis : Cogita, quod si Deus offensas tuas omnes dilligenter vellet exquirere , ne ad unum quidem viveres diem : Etenim si iniquitates observaveris Domine, Domine qui sustinebis ! atque ut omittam omnia alia peccatâ , quæ sola cuiusque peccatoris conscientia cognita habet, ubi præter Deum, nullum alium tellem reformidat, quid dicam de apertis, quæ negare nullus potest : quam veniâ quæso sperare possemus , si precum nostrarum in certiam , & negligentiam Deus expenderet : quando stantes coram eo, eumque invocantes , ne tantum quidè pudoris , & reverentia exhibemus, quâtû servi dominus suis : aut miles ducebis ; aut amici amicus, tu enim cû amico colloquès, cû attèntione illud facis cû Deo autè de peccatis tuis agens , & condonationè postulans , & veniam orans, subinde torpescis, genibusque humi positis, sæpe per forum, sæpe per aëdes, mentem tuam divagari sinis, ore tuo interim temerè inaniterque garricante : idque non semel, aut bis, sed

Aa 3

quotidie.

quotidie. Itaque si vel solum illud, quod tamen levissimum censeres, ponderare velis, an veniam putas obtinebimus? an purgationem aliquam adornare poterimus? mihi certe impossibile videtur. Quid si jam convicia, quibus quotidie alij alios incessimus, in medium produxerit, judiciâque improba quib' proximum condemnamus? Rursum si annotet curiosos nostros conspectus & animi pravas cogitationes, lubinde turpibus & immundis imaginibus plenas, dum oculos qualibet, sine ullâ observatione oberrare sinimus, quam pœnam luemus? Quod si incatur ratio nostrorum maledictorum, cum ille, qui fratri suo dixerit, fatue, reus futurus sit gehennæ ignis, num vel hiscere licebit, aut parvum, aut magnum respondere? Jam inanes nostras gloriationes, de precibus, vel jeuniis, vel elemosynis nostris, si in disquisitionem revocentur, non à Deo, sed à nobis ipsis qui peccavimus, quomodo quæso audebimus vel cælum respicere? Porro si de dolis iudicium fiat, quibus invicem imposturam facimus, nunc præsentem laudantes fratrem, ac cum eo quasi cum amico colloquia miscentes, nunc absentem criminantes, an pares erimus istius modi pœnæ? Quid dicam de juramentis, mendaciis, perjuriis, iniustis excandescentiis, odiis, quibus infesti sumus charitati, non inimicorû, sed amicorum? Quod oblectamur alienis malis, arbitramurque alienam infelicitatem nostri infortunij solatium esse? Quid de incuriâ nostrâ in faciendâ pro pauperibus *colledâ*? horum omnium si pœnæ exigantur, quid de nobis, fiet?

Deus tamen illis, majoribusque pulsatus injuriis, idque quotidie, nec ab uno, aut altero, vel à tribus solum, sed ferme ab omnibus, in mansuetudine suâ, & tolerantia perseverat, quam non solum adversus ejusmodi, sed alia multa graviora integram reservat. Et hæc peccata sunt aperta, atque ab omnibus cognita; sunt autem & alia, quorum, cuiusque peccatoris animus est conscius, quæ si mente revolveremus, etiam si crudelissimi, atque immaniissimi simus, præ metu, & anxietate, ne mentiisse quidem vacabit injuriarum acceptarum: Recordare igni fluvij, vermis venenati, horrendi iudicij, in quo omnia nuda, & aperta erunt: Cogita quod quæ nunc in abdito latent, tunc in lucem proferentur. Quod si proximo remiseris peccata, ea quæ tunc retegenda erunt, nunc in hoc sæculo abolebuntur: Tot peccata, tanta supplicia tantum pudoris eluere licet, per condonationem offensæ, nihil enim est huic virtuti æquale: Hæc omnia ex Chrysost. paucis demptis: Vide itaque ex parte Dei propositæ tibi conditionis æquitatem, seu personas compares, seu magnitudinem vel multitudinem offensarum, seu alias circumstantias; uti debitum, collata beneficia, varias obligationes; nulla ad injurias provocatio: quæ omnia efficiunt, ut quæ nobis indulgètur à Deo peccatorum condonatio, longissimo, ac pœne infinito intervallo, superet injuriarum in nos admissarum condonationem ac remissionem, cum tamen Deus priorem secundæ concedat.

Perpende 4. Quam iniuste facias si eâ

eâ tibi oblatâ à Deo conditione , non peperceris,quàmque omni te veniâ facias indignum: quod opportunissimo exemplo Chrysoſt. explicat, atque repetit ex cap. 18. Matthæi: læſerit te (inquit)proximus, bona rapuerit, conſiſcarit, defraudarit: neque illud tantû, ſed maiora, & graviora adijunge, quamque maxima volueris: occidere te tentarit, ſexcenta pericula , atque inſidias tibi ſtruxerit, quodvis ſcelus improbitatis inhumanæ adverſum te tentaverit: ne ita quidem, ſi iram retineas, veniâ dignus æſtimaberis: quo pacto id fiat, ego dicam: ſi ſervus tuus centum aureos tibi deberet, cui alius quiſpiam pauxillum argenti deberet: iſque miniſui debiti condonationem à te petiviſſet: ſi tu deinde ſervo juſſiſſes, ut eam ſumnam debitori ſuo remitteret, tuque viciffim centum illi aureos remitteres: iſque deinde ut malignus, & improbus debitorem ſuum ſtrangularet: an quiſquam illum è tuis manibus eriperet? an non plagas illi incuteres, quaſi ſummâ ab eo affectus injuriâ? & ſane non immerito: Deus etiam id ipſû faciet: dicit enim tibi in illâ die; improbiſſime ac ſcleratiſſime ſerve, non de tuo illi remiſiſti, ſed de meo, quod tu mihi debebas, juſſus es remittere: *dimittite enim* (inquit) *& dimittatur vobis*: atqui ſi neque illud addidiſſem, dimittere te oportebat, ut obſequeretis Domino: tunc autem non ut dominus imperavi, ſed ut ab amico beneficium poſtulavi, idque ex meo, & maiora me redonaturum ſpoſpondi: cæterum ne ita quidem melior factus es: homines autem cùm talia faciunt, tantum ſervis ſuis acceptum ſerunt, quantum ipſum

debitum fuit: exempli cauſa: debuit hero ſervus centum aureos: huic viciffim debentur decem aurei: jubet dominus id ſervum ex ſuis rationibus expungere: quantum hic in ſuis tabulis debet, tantum ſibi dominus, in rem luam verſum agnoſcit: quidquid autem deinde ſuper eſt, id totum ſibi numerari flagitat: Deus vèò non idem hoc facit, ſed ſi pauca condones ſervo tuo, omnia tibi, in totum remittet: *Si enim* (inquit) *dimiſeritis hominibus peccata eorum, dimittet & vobis Pater veſter cœleſtis delicta veſtra*: quantum autem intervallum inter centum denarios, & decies mille talenta, tantum quoque inter illa, & illa debita: Quâ igitur pœnâ dignus non fueris, qui decies mille talenta, pro centum accepturus, nec ſic quidem iſta minutula remittis, ſed tuam precationem in teipſum convertis, dum ais *dimittite nobis, ſicut dimittimus*: Hæc Chryſoſtomus.

Quinta ratio pertinet ad juſtitiam diſtributivam, quæ ſpectat & præmia, & pœnam: nam ſummo actui debetur ſumma omnium merces: Certè ſi difficile eſt, quod præcipitur, magnum quoque eſt quod promittitur: Auge quantum voles huius præcepti difficultatē, ſane exiguum erit omne, ſi cum magnitudine præmij compares: Auguſtinus: ſerm. 254. de Tempore. Dominus juſſit, dura juſſit, ſed magna promiſit: ſerm. 5. de ſancto Stephano, grandis labor eſt inimicos diligere, pro perſecutoribus ſupplacare, nec nos negamus fratres: Non parvus quidem labor eſt in hoc ſæculo, ſed grande erit præmium in futuro: & ſerm. 4. de eodem. Domi-

Dominus noster Iesus Christus jubet nobis aliquid, & promittit nobis aliquid: quod jubet, hic est: quod promittit alibi est, quod jubet, finitur, quia temporale est: quod promittit, non finitur, quia æternum est: quod jubet, opus est: quod promittit, merces est: Hinc advertat vestra sanctitas, quanta est eius misericordia erga nos, ut laborem hic posuerit cum fine, mercedem in cælo, sine fine. Rectè Chrysost. homil. 46. de divers. Absurdum est ut Athletæ in gymniciis agonibus, pulverem, verbera, & vulnera ferant propter vanam gloriam, coronam nullius momenti spectantes: Nos autem coronandi à Christo, non imperemus iræ, nō omnia fortiter toleremus, sed brevem voluptatem, & injustum furorem, cœlesti honori & gloriæ præferamus: Præsertim quia nulla virtus maiori præmio compensabitur, quam illa; non enim tantum promittit regnum cœlorum, terræ possessionē, & alias similes remunerationes, sed ipsam cum Deo similitudinem, sed Dei filiationem, quā re nihil maius excogitari potest: Quantum vero illud est, quod huius præclari facinoris non alia causa tibi proponitur, quam ipse Deus, quasi nihil esset in rebus creatis, quod rem illam mereretur. Itaque idem homil. de similitate, ita te optimè adhortatur: Quod si arduum, atque operosum negotium tibi videatur, cogita quod ob Deum talia patiaris, & plenam percipies consolationē: animamque subterfugientem, reformatantem, erubescientem, pudeficientem exacue, eique continuo ista accine: quid cessas? quid subterfugis? quid de-

trectas? non de pecuniā, non de aliis rebus momentaneis, sed de nostrā ipsorum salute agitur: Deus ista facienda præcepit: omnia igitur illius mandatis postponentur: Quid quod etiā, ut ibidē advertit, in Dei potestate fuit præcipere reconciliationem sine ullā propositā mercede? non enim habet responsatorem, aut qui eius præcepta corrigat: attamen ex suā benignitate mercedem nobis spondit, & magnam, & ineffabilem, & quam maximè desideramus, nimirum veniam nostrorum peccatorum: & huius mandati præstationem nobis facillimam fecit: Quam igitur veniam habebimus, cum & tantum præmij accepturi, nec sic quidem obsequimur Legislatori, sed perduramus in eo contempti? Quod autem contemptus sit, hinc patet, quia si Rex à te posceret ut cuidam suo nomine parceres, in seque totam offensam susciperet, nemo est qui regi id poscenti denegaret: unde igitur sit, ut quod homini concederes, id Deo non concedas: quē ignorare non potes, id omnino velle: maximè cum non sis injuriæ tibi illatæ, atque admixtæ offensæ dominus: quod vel ex eo patet, quia si inimico injuriā remittis, non tamen sequitur, ei peccatum esse remissum, & condonatum: contra verò si non remiseris non sequitur non ipsi condonatum, si coram Deo pœnitentiam egerit: Quod igitur à te postulat Deus, ut ignoscat, non tam causa inimici tui id facit, quam tuā causā. His ego rationibus, atque iustissimis veritatibus, bene compositum hominis animum aggredere, ac mihi facile polli-

pollicerer, me ex eius mente, omnem iram, ac simultatem avulsurum: sed quoniam qui sunt vindictæ appetiores, vix sunt rationis compotes: nam quid est irâ truculentius, quid vindictâ furiosius, quam alij ebrietatem, alij insaniam, alij furorem, atque rabiem, alij quiddam his omnibus truculentius, monstrum, appellarunt: quippe cum passionibus omnes, quæ animi nostrum abripiunt, sint instar furiosorum, atque cæstro percitorum equorum, qui animâ nostrâ per vitiorû abrupta pertrahunt, ex omnib⁹ tamē animi perturbationib⁹, nulla est vehementior, nulla est impotentior irâ: irâ verò nullus acrior stimulus, quâ vindictâ: Cogita quâta sit avaritiæ diritas, quâti sint libidinis ignes, atque incendia concupiscentiæ: ex duplici tamen appetitu, concupiscibili atque irascibili, acrior est irascibilis, illius vero ardor in vindictâ maximus existere solet: non audit currus habenas. Quoniam igitur rationem eripit & ad extrema quæque perducit: Te quoque, ô vir sanguinum, & amator vindictæ, hoc extremo quasi telo, isto te dilemmate cōfodio: Aut vis, aliquândo inimico tuo parcere, quâcumque tandem injuriâ te affecerit, quantumcumque atrox, atque indignum facinus tibi videatur: quisquis ille sit, aut tibi æqualis, aut inferior: aut veniâ dignus: aut indignus: aut facit pœnitens, aut obstinatus: aut emollitus, aut in odio pertinax: vel in quam vis ei aliquando ex toto parcere, vel non vis: si nunquam parcere vis, de tua salute alicui est periculi: Non te omnes pœnitentiæ: non distributa in cibos pauperû substantia tua: non fides, transferens

montes: non ipsum sacrificium, neque donum, ante altare oblatum: non ipsum martyrium, opus omnium maximum: nec corpus, obiectum flammis, ita ut audeat, iuvare possunt: Matth. 6. *Si autem non dimiseritis hominibus, nec Pater vester dimittet vobis peccata vestra.* Itaque Augustinus serm. 5. de S. Stephano. Nemo se circumveniat, nemo se seducat, qui vel unum hominem, in hoc mundo odio habet, quidquid Deo in operibus bonis obtulerit, totum perdet: quia nō meritur Paulus Apostolus, dicens, *Si dederō corpus meum, ita ut ardeam, charitatem autem non habuero, nihil mihi prodest:* nemo enim sine charitate de virginitate præsumat: nemo de elemosynis, nemo de ieiunijs, nemo de orationibus confidat, *Quin etiam nihil proderit ante amorē vindictæ, peccata quondam esse remissa, quoniam ut ait Chrysost. homil. quod nemo læditur nisi à seipso: tantum malum est ultio, ut etiam Dei benigritatem revocaverit, & iam datam infinitorum peccatorum veniam fecerit irritam: Nam qui decies mille talentorum condonationem adeptus, solâque obtestatione tantam gratiam consecutus fuerat, cum centum denarios exigeret à conservo, hoc est, cum delictorum adversum se admissorum, pœnas reposceret, sævitia erga conservum suum seipsum damnavit: Neque verò ob ullam aliam rem traditus tortoribus, & cruciatus, & decies mille talenta reddere iussus est, nullū veniæ, aut excusatiōis locū invēit, sed acerbissimū supplicij perpelus est, iussus totū solvere debitū, quod præveniens Dei benignitas condonaverat.*

B b

Quod

Quod si vis aliquando parcere, cur non modo? 1. enim cur odisti futurum amicum, cum quo vis aliquando reconciliari? 1. toto illo tempore, vis esse extra gratiam, & in damnationis periculo? quid si morte præveniaris? Excusabit te opinor futura voluntas reconciliationis; sed cur non magis dampnabit te præsens odium, atque vindictæ appetitus? 4. si reconciliationem differas, difficiliorem, immò impossibilem efficies: tum quia ipsa reconciliationis omisso, causa est sufficiens odij: quam enim multi inimicitias inter se gesserunt, hoc solo nomine, quod gerere crederentur, & animi diutius à se separati maxime ad amorem torpescunt: Tum quia erit postea difficilis animorum coalities, uti furculi ab arboribus avulsi facile coalescunt, si statim aut serantur aut inferantur, occidunt verò, si longo post tempore: Ita etiam animi recentis odij facile redeunt in amicitiam; veteris autem, difficillime: Denique quoniam odia tempore corroborantur: nam, ut ait Chrysost. homil. de similitudine: unâ die elapsâ grandescit vitium, adduntur illi auctaria ex secundâ die: quod si tertia accesserit lux, trahit ad se quartam: rursus quinque sunt decem: decem autem viginti, ac posterum vulnus omninò immedicabile est, & quanto plus temporis adiungitur tanto magis disjungimur intervallis. Quomodo verò id fiat, rectè explicat Augustinus. homil. 40. Humanum est irasci, & utinam nec hoc possemus: humanum est irasci, sed non debet iracundia tua, natus furculus brevis, suspicionibus irrigari, & ad trabem odij pervenire:

aliud est ira, aliud est odium; in comparatione odij, ira festuca est, sed festucam si nutrias, trabs erit: si evellas, & proicias, nihil erit: Quod dicit hic sanctus Doctor, ipsâ experientiâ comprobatur: qui enim oderunt, quod se offensos putent, præter quàm quod omnia suspitionibus augent, atque in odij materiam convertunt, multa loquuntur, & faciunt, quæ ad alios delata exulceratum animum acrius irritat, unde multa quoque reponuntur, quæ accensum jam ignem vehementius inflammant, usque eò ut quæ flamma levi flatu aboleri poterat, non nisi alterius ruinâ extingui possit: itaque quisquis parcere differt, occasionem querit nunquam ignoscendi: Idem egregiâ similitudine confirmat Chrysost. homil. 51. sub fin. ut enim corporis nostri ossa, cum è sua sede fuerint mota, si statim restituantur, non magno labore proprium locum recuperant, sin autem longo tempore extra sedem suam mæserint, ægrè reponuntur, & in suum locum redeunt, ac restituta multorum dierum spatio indigent, ut adaptari exactè, ac stabiliri possint & permanere: sic & nos. Nam si statim cum inimicis reconciliemur, decenter id agimus, neque magno studio indigemus, ut inveterem amicitiam redcamus: sin autem diuturnum tempus intercesserit, tanquàm odio excæcati crubescimus, & confundimur, aliis indigemus, qui non modò reconciliet, sed & postquam in gratiam reditum est nos constanter retineant donec priorem confidentiam recuperaverimus: Quod si modo parcis; vide ne sit simulata reconciliatio:

liatio : etenim Deus non irridetur : sic enim Pater meus celsiss faciet vobis , si non remiseritis unusquisque fratri suo de cordibus vestris. Quò igitur pertinent frequentes illæ querelæ , quibus te offensum manifestas omnibus ; quò illud frigus , fuga concursus , illa in itineribus deviatio , officiorum cessatio , salutationis , colloctionis , laudationis , commendationis , & similium : Memento non aliter Deum reconciliandum tibi , quàm tu amico reconciliaberis : mensura huius condonationis penes te existit : qui dicis Deo cum bono , bonus eris , & cum perverso perversus : Veniet aliquando illa dies , quâ tibi viles admodum videbuntur hominum inimicitia , & pueriles contentiones , seu materiam illarum spectes , seu modum , ac rationem gerendi : Nam quoad materiam attinet , vel sunt opes , aut verba prolata , aut honos denegatus , aut imprudentia : Intane verò pro istis nugis , omnia iura naturæ , honestatis , & virtutis violanda sunt ; & Dei inimicitia subeunda : Sed si modum consideres , quàm ridicula sunt hominum odia : offensus es ; ideo non favebis : ideo obloqueris : ideo nocebis quantum poteris ? & quæ sunt magis ridicula , ideo non cedes de viâ cubito impinges : non salutabis ? & alia id genus quæ in pueris virga castigantur , sed eadem in viris morte æternâ pleuntur ? Extolleris nimirum , & alium contemnīs , unde nec salutas , ne prævenire videaris : sed cuius tandem rei gratiā non prævenis ? ait Chrysost. homil. 18. in Matth. Quia hoc (inquis) expectat : & ideo , ad id accurrere debueras , ut potiùs , coronam acciperes : Non (inquis) quandoquidem illud ip-

sum quæsit : sed quid hæc dementia deterius esse potest ? Quia ille mihi factus est mercedis occasio , ideo (inquis) hanc occasionem accipere nolo : etenim si te ille prior salutet , nihil tibi proficiet , etiam si tum salutaveris : si verò tu prius ad salutandum properes , lucrum de illius timore cepisti , & largissimum quemdam fructum de illius superbiâ messuisti : an igitur extremæ dementia est , ut qui nudis tantum verbis , tantum fructum capere possimus , cum tamen sponte perdamus ? Quid vero in quo alterum accusas , in idem tu incidis ? Si enim culpas , quoniâ à te salutationis officium prius expectat , cur quod , arguis , facis ? & quod malum dicis , cur ut bonum imitari studes ? sed nimirum rerum præsentium amor nimius ad hæc ridicula nos compellit ; quia enim ista nimium facinus , ideo pro illis depugnamus : Quin te potius cogitas moriturum , itaque non decere hominem mortalem , immortales gerere inimicitias : futurum aliquando ut mors , & te , & tuas inimicitias , uti cætera omnia , finiat : melius esse ut id fiat tuâ voluntate , quàm necessitate : Quin potius cogitas non magnopere tuâ referre injurias in te admissas , sed tuas in Deum offensas : Non magnificiendas tuas , aut hominis mortalis inimicitias , sed Dei ; ille enim mortales tantum esse possunt , rebusq; mortalibus nocere , hæ verò immortales , ut potè in quib⁹ veratur cardo immortalitatis : quam felicem sperare tantum potes , tuorum peccatorum condonatione , hanc verò injuriarum veniam , cui promissa est illa æterna felicitas ad quam nos perducatur Deus. Amen.



FERIA SEXTA CINERUM,

CONCIO SECVNDA

DE DILECTIONE INIMICORUM,

Perfectio huius præcepti supra legem naturæ , & supra legem scriptam.

Diligite inimicos vestros. Matth. 5.

DICEBAMUS heri nunc esse tempus , quo maximarum virtutum exercitatio nobis ab Ecclesia proponitur : & quidem prudenter ; tum quod anima facta quasi levior ieiunio , videtur longè paratior ad illas excolendas ; tum quod cum multi jejuna- re non possint, aut impotentia, aut infirmitate, aut aliis de causis , nullus est tamen , qui adus virtutum spiritualium exercere non possit, inter quas, primas tenet inimicorum dilectio. Fuit id sanè tum sapientia, tum charitatis Christi , ut etiam insinuavimus, quod eiusmodi virtutes à corporis viribus non pendeant, nec eius imbecillitate impediri possint: qua de causa dixit Apostolus primà ad Timotheum 4. *Exerce autem teipsum ad pietatem; nam corporalis exercitatio ad modicum utilis est.* Cum itaque talis sit inju-

riarum condonatio , nemo certè se ab ea excusare potest : & quandoquidem ad omnes pertinet hoc sibi persuadere, omnium etiam est ut gratiam à Deo ad hoc petant. *Ave Maria.*

QUOD Religio Christiana vocetur regnum cælorum, & quod regnum cælorum comparetur thesauro abscondito, variae sunt rationes : una non minima est propter pretium , & valorem; hic autem est à perfectione & sublimitate Religionis Christianæ, & legis novæ celsitudine, quæ undequaque colligitur: Ab Authore, Christo : nam ut dixit Joan. Bap. Joan. 1. *Lex per Moysen data est: gratia & veritas per Jesum Christum facta est :* A Sacramentis , non illis egenis & vacuis , sed plenis & efficacibus. A Sacrificio, non per vitulorum, & agnorum sanguinem , sed per Christi



Christi carnem, & sanguinem: A doctrina & dogmatibus: Ab hominibus qui eam profitentur: A consuetudinibus: A moribus: A ceremoniis, & A legibus, &c. de quibus solum impræsentiarum nobis agendum est. Porro cum leges hominē instituant de modo quo se habere debet respectu rerum omnium, & personarum, in eo Religio Christiana est admirabilis, quod homines dirigat eā regulā, quam adhibere possint circa omnia, & in omnibus actionibus. Et quidem si de personis agitur, circa Deum, ut authorem naturę, ut authorē gratiæ, & status supernaturalis, qui etiam gloriæ statum continet: ut cognitum naturaliter, & ut cognitum supernaturaliter: ut Creatorem, ut Redemptorem, ut remuneratorem: ut Dominum, & Patrem, ut Sponsū & ludicem. Iam circa homines, secundum omnes status; docet enim quā ratione agendum sit cum superioribus, cum æqualibus, & cum inferioribus: ut cum Regibus, cum Ducibus, cum Parentibus, cum Filiis, cum Servis. Quid Maritus Vxorī debeat, quid Vxor Marito. Milites instruit, Publicanos, Mercatores, & omne hominum genus: Circa res divinas & humanas: in cibo, in vestitu, in conversatione. Eodem modo hominē constituit circa seipsum, circa usum corporis, circa usum sensuum: de oculis agit, de manu, de pede, quando servanda, quando præcidenda: circa intellectum, voluntatem, concupiscentiam. Item circa virtutes & vitia: quid in adversis, quid in prosperis: quid in pace, & tranquillitate, quid tempore tentationis, & tempestatis, &c.

Sed omissis cæteris, de una tantum lege mihi agendum est, nempe de inimicorum dilectione, de cuius legis sanctitate, & perfectione hodie mihi sermo est: nam cuius tandem rei, aut cuius personæ Religio Christiana curam non habuit, quæ rationem habuit etiam inimici, non unius tantum, sed omnium, etiam vilissimorum, & pessimorum, ne ullum præterires, vel oblivione, vel contemptu, vel etiam odio & malā voluntate. Ostendam autem quantā sit huius legis sanctitas & perfectio, quæ cum ex variis capitibus peti possit, in uno hodie, quod à Christo nobis propositū est, hæere placet, & est ejusmodi.

Quia per hanc legē, ut à Christo lata est, plus à nobis exigitur, quā à gentili, aut à Iudæo. Atque ut ab ultimo incipiam, audi quid Christus dicat Matth. 5. *Didum est antiquis, non occides, qui autem occiderit, reus erit iudicio: Ad nos autem quid? Ego autem dico vobis, quia omnis qui irascitur fratri suo, reus erit iudicio.* Vide differentiam: in antiqua lege prohibetur vindicta, ipso facto: in nova etiam sensus injuriæ. *Audistis quia didum est, oculū pro oculo, dentem pro dente.* Quid Christianis imperatum? *Ego autem dico vobis non resistere malo:* Hoc alio longē est perfectius: nam quod dictum fuit: *Oculum pro oculo, dentem pro dente*, non fuit mandatum ad læsum, sed ad lædentem, ut nemo alteri oculum erueret, aut dentem disiceret metu pænæ, ut quilibet idem sibi reponi crederet: sed cum dicitur *ne malo resistatur*, hæc vox non spectat lædentem, sed læsum, ut ne quidem putet se injuriam accepisse: immo ut injuriam sibi oblatam non repellat, quod

quod est longè gloriosius : aut si hunc locum vis simplicius intelligere. In antiqua lege, lex Talionis locum habuit: at in nova, imperata est injuriæ perpessio. Quid postea? *Audistis quia dñm est antiquis: diliger proximum tuum, & odio habebis inimicum tuum.* Quid autem imperatum est Christianis? *Ego autem dico vobis, diligite inimicos vestros, benefacite hiis qui oderunt vos, & orate pro persecutibus, & calumniantibus vos.* Ex quibus verbis apparet, in antiqua lege concordiam imperatam cum eiusdem gentis hominibus, id est Judæis, qui fratres vocantur: cum aliis autem permixtas fuisse inimicitias: itaque potuerunt verum inimicum non tantum odio habere, sed etiam delere, uti præcipitur Deuter 25. *Delebis nomen eius sub celo, cave ne obliviscaris.* Sed in nova lege præcipimur Deum odisse, sed amare etiam inimicos, & iis benefacere, omni modo, opere, voto, & verbis: & ut ait Apostolus; *Bonum pro malo reddentes* : quæ quantum inter se differant, nemo non videt.

Jam quid pertinet ad Gentilem: Audi quid Christus dicat Matth. 5. *Si enim diligitis eos, qui vos diligunt, quam mercedem habebitis? nonne & Publicani hoc faciunt? & si salutareritis fratres vestros tantum, quid amplius facitis? nonne & ipsi hoc faciunt? esote ergo perfecti.* Ostendit valde esse debilia quæ agerent Gentiles, cum à Christianis requiratur perfectio. Sed quia inter Gentiles aliqua fuerunt meliora, quàm quæ allata sunt: illud negari non potest legem Talionis, in universum loquendo, visam esse iustissimam apud omnes nationes, eò usque ut ex Aristotele 5. Ethic. capite 5. Pythagorici ju-

sum definientes dicerent esse Repassionem, paris retributionem, seu redditionem eiusdem. Quare, ut docet, veteres templum Gratiarum in medio urbium collocarunt, ut esset retributio; hoc est enim gratiæ proprium. Et hæc fuit Rhadamanti iustitia, quæ supposita æqualitate personarum, maximam continet æquitatem: & lædentem reprimat, dum intelligit se eadem passurum, quæ fecerit: & læsum coërcet, ne majus inferat nocumentum, quàm accepit: nisi, ut refert Josephus, malit sibi pecuniâ satisfieri, id enim erat in eius optione. Eadem lex fuit inter leges duodecim Tabularum: Si membrum rupit meum, ex pacto, Talio esto. Sed apud Christianos sublata est lex Talionis, quæ ut ait Sanctus Chrysostomus, non tam Judices spectabat, quàm singulos, quos pœnæ metu deterrebat à malè agendo: quomodo enim lex gratiæ pateretur homines suâ sponte, & gratis aliis nocere, quos ne quidem injuriâ lacessitos, velit aliis nocere, seque ultisci: sed potiùs beneficiis prævenire? *Ego autem dico vobis non resistere malo.* Et postea: *Diligite inimicos vestros, & benefacite hiis qui oderunt vos, & orate pro persecutibus, & calumniantibus vos.* Præterea quid poterit apud illos lex Talionis, quos lex nova, non metu, sed amore, & charitate deterreri velit à malè agendo? Unde constat plus à nobis exigi, quàm à gentili: quod & concludit Christus: *Esote ergo & vos perfecti.*

Ratio verò cur plus à nobis exigatur, quàm à gentili, vel à Judæo, facilis est; quia Gentilis pro lege solum habuit ratio-

rati onem & lumem naturale ; unde nihil ab eo plus exigitur : uti scripsit Apost. Roman. 2. *Quicumque enim sine lege peccaverunt, sine lege peribunt.* Et postea : *Eiusmodi legem non habentes, ipsi sibi sunt lex.* Nos autem ipsum Deum pro Doctore habuimus. Judæi verò licet legem à Deo acceperint eam tamen habuerunt ipsorum capacitati, & quasi ætati proportionatam; itaque non perfectâ; nam ut ait Apostolus Hebr. 7. *Ad perfectum lex non adducit* : Itaque Judæi, ut pueri ad Galat. 4. *Sub elementis mundi erant servientes.* Et ad Galat. 3. *Sub lege fuerunt ut sub pedagogo* : & illis ut parvulis, faciliora, & rudiora præcepta tradita sunt : *Finis autem legis Christus* Roman. 10. Non finis interficiens, uti dixit Augustinus, sed finis perficiens : lex enim ad Christum deduxit, qui nos majora & perfectiora docuit : *Lex enim per Moysen ; gratia autem per Jesum Christum* : unde signanter dictum est à Christo : *Audistis, quia dictum est antiquis, non occides : ego autem dico vobis, &c.* quod rectè exponens S. Chrysostomus, sic loquitur : cum posuit, dictum est antiquis, plurimum jam esse tempus asseruit, ex quo istud accipere mandatum : hoc verò fecit ut auditorem ad sublimiora ire cunctantem acrius incitaret : ut si quispiam Doctor dicat puero negligenti : nescis jam quantum temporis in syllabarum meditatione consumpseris? Tale igitur etiam aliquid significans, antiquorum commemoratione factâ, ad doctrinam illos evocat celliorem : ac si diceret, habuisti omnino sufficiens tempus ista meditandi, jamque oportet vos ad sublimiora succendi. Hæc ille. Et præ-

cipuè illa verba sunt attendenda. *Ego autem dico vobis* : cogita magistrum, cogita discipulos. Quis unquam Patriarcharum, quis Prophetarum sic locutus est? illi quidem verba Domini ad conservos deserebant : ille verba sua ad discipulos, quibus ait, *Omnia quaecumque audiri à Patre, nota feci vobis.* Est aliud quod suggerit Isidorus Pelusiota lib. 4. epist. 204. nempe naturam nostram peccato sauciatam, magnas ad virtutem difficultates sensisse : Christum autem suo adventu corpus nostrum per Baptismatis aquas levius effecisse, & alâ spiritus infusus sustulisse ; quæ causa fuit, cur nobis maiora priscis, & certamina, & præmia sint propositâ : & inter cætera dilectionis inimicorum meminit. Veteres itaque honestam, & æquabilem vitam colentes, terram, & vitæ diuturnitatem habuere : nobis autem decursis Evangelicis stadiis, cælum, & quæ in ipso sunt bona promittuntur. Cum igitur certaminibus consequentia sint præmia, oportuit, ut quibus maxima præmia erant proposita, maxima etiam certamina proponerentur : unde S. Augustinus loquens de hoc præcepto, & eius difficultatem agnoscens, sic ait. Dura præcepit; sed magna promissit.

Verum quoniam plus à nobis exigitur quàm à Gentili, & à Judæo; hinc facile colligitur quanta sit perfectio eius rei quæ à nobis exigitur. Nam, ut primò loquar de homine gentili, cum ille non aliam legem habuerit, quàm rationem : sic enim de illo loquitur Apostolus Roman. 2. *Cum enim gentes quæ legem non habent, naturaliter ea, quæ legis sunt,*

sunt, faciant, eiusmodi legem non habentes, ipsi sibi sunt lex: qui ostendunt opus legi scriptum in cordibus suis, testimonium reddente illis conscientia illorum, & inter se invicem cogitationibus accusantibus, aut etiam defendentibus. Oportuit ut lex Christiana id omne superarit, quò ratio humana pertingere potuit. Itaque superare debuit omnem Philosophiam, omnem doctrinam, omnes hominum leges, omnium consuetudines, omnium præcepta, omnium facta. Quid tamen non docuit, aut quid non fecit Socrates? quantum illud, quòd moriens injustè, suam mortem Atheniensibus condonavit? Idem fecit Phocion; nam rogatus quid filio mandaret, hoc unum tantum, ne mortem suam contra Athenienses ulcisceretur. Innumeros prætereo, qui Reipublicæ causâ inimicis reconciliati sunt; ut Papyrius cum Fabio: Epaminondas cum Aristide, & alii de quibus passim Historici. Et in universum docet Isidorus Pelusiota librò 2. epistolâ 6. scribès ad Eustatium Presbiterum, plures fuisse Philosophos, atque insignes homines, qui licet nullis instructi essent præceptis, & consiliis, nisi Philosophiæ, solâ lege nobis à natura insitâ, vitam moderantes, injurias facillè tulerunt, nec de alapa sibi impacta conquesti sunt. Sed vide Evangelicæ legis præstantiam, ipsius naturæ virtutem omnem superantis. Neq; enim tantû forti animo sustinet injuriam sibi oblatam; sed fe etiam majori exponit: cum non tantum dicat salvator, si quis tibi in dexteram maxillâ alapam impeggerit, forti animo id patere, & conquiesce; verum illud adiiciat, ut alteram

quoque ad plagam excipiendam paratam habeas, immodè etiam offeras: non incitando; neque enim, uti monuit Isidorus, ex aliorum casu Christianus coronam sibi textit; sed ut te paratum ad accipiendam injuriam ostendas: idem in bonis externis imperat, idem in actionibus: Nam *ei qui tunicam vult tollere, dimitte ei & pallium: & quicumque te angariaverit mille passus, vade cum illo & alia duo.* Et in hoc demum, ut ait Pelusiota loco citato libro secundo, epistolâ sextâ, præclara & splendida victoria est. Prius enim Philosophicum est, nempe ferre patienter injuriam: hoc autem naturâ præstantius, & cœlestè, nempe injuriæ occurrere, & illam ambire, etiam postquam acceperis. Rationem præstantiæ sic explicat: quia qui luculentam victoriam vult adipisci, acceptas iniurias, non modo fortiter ferre debet, sed etiam plura ei, à quo iniuriâ afficitur, præbere, quam ipse accipere cupiat, & improbæ cupiditatis ipsius metas, liberalitatis suæ copiâ superare. Quòd si hæc (inquit) ab hominum sensibus, & judicio remota esse videantur, à cœlis sententiam fer, & illinc legem arcesse. Si quis (ait Salvator Matth. 5.) te percusserit in dexterâ maxillâ tuâ, præbe illi & alterâ: & ei qui vult tecû judicio contendere, &c.

Sed supra Gentilem, plura fecit Judæus, cui præter lumen rationis adfuit etiam auxilium à lege, quæ non potuit non esse sancta, cum Deum ipsum habuerit authorem. Nam licet lex dicatur esse per Moysen; ille tamen non legis author, & dominus, sed minister fuit, ac servus: unde eius summa in morte commendatio, Deuter. 34. *Mortuusque est tibi Moyses*

Moyſes ſervus Domini, jubente Domino: Et apud Paulum Hebr. 3. Et Moyſes quidem fidelis erat in tota domo eius, tanquam ſamulus in teſtimonium eorum quæ dicenda erant. Neque verò ullum monere debet data illis lex Talionis Exod. 21. Reddet animam pro anima: oculum pro oculo: dentem pro dente, manum pro manu, pedem pro pede aduſionem pro aduſione: vulnus pro vulnere: livorem pro livore. Nam in primis, uti diximus, & bene advertit Iſidorus libro tertio, epistolâ 327. hæc lex non tam ſpectavit ultorem injuriæ, quàm injuriam inferentem, quem voluit metu ab injuria inferenda detertere: is itaque cùm effrænatum Judæorum impetum videret, ut eos aliquo metu reprimere, hoc potius permittit, quàm laxaret. Deinde cùm videret mediocrem eorum virtutem, hoc unum ſpectavit, ut qui patientem animum præſtare non poſſet, mediocriter ſe ſc ulciſceretur: itaque neque omninò permittit, neque omninò ſuſtulit vindictam, ſed temperavit: non jubens quid fieri oportere, ſed permittens tantum, id quod fieri poſſet. Denique ſi rem propius ſpectemus, ut acutè vidit Iſidorus Peluſ. loco cit. vindictam potius prohibuit, quàm permittit: nam qui pœnam impoſuit ei qui impoſuit injuriam, inferre prohibet: inferit autem qui modum in ulciſcendo excedit: quippè cùm maiores delictis cruciatus inferit, ruſum injuriæ auſpex eſt: ut autem non excedat, admodum difficile eſt: itaque dum modum poſuit, Dentem pro dente, oculum pro oculo, &c. difficultatem ultionis oſtendit, & periculum exceſſus: ac proinde (ait Iſidorus) meliùs fuerit, atque conſul-

tius illatam injuriam minimè referre, immò ſedatè accipere, & pati toleranter.

Sed quid tandem ſit de hac lege, ſequentia maius habent pondus. Et primò quidem occurrit præceptum Levitici 19. his verbis conceptum. *Non quaras ultionem, nec memineris iniuriæ civium tuorum.* In quibus verbis magna continetur perfectio. Nam 1. prohibebatur ultio authoritate privatâ, ſin autem publicâ, ne fieret odio perſonæ & amore vindictæ. Secundò jubebantur non diu ſervare memoriam injuriarum, ſi non ſtatim occurreret ſatiſfactio, ne ſcilicet ſi non fieret vindicta, odium tamen proximi cuſtodiretur: itaque & actio externa prohibebatur, nempe ultio: & actio interna, ſcilicet memoria injuriæ, quam difficile eſt habere ſine odio perſonæ. Verùm ſi rem exactius examinemus: reperiemus primò his verbis tantum prohiberi vindictam quæ ſit authoritate privatâ; aut ſi publicâ fieret, ea quæ ſit ex odio & amore vindictæ: ſed non prohibetur, ne quiſque jus ſuum repeteret: immò ipſa lex idipſum pro ſingulis exigebat, cùm dixit: *Oculum pro oculo, dentem pro dente:* Nam non tantum reparandum erat damnum, ſed reus depoſcebatur ad pœnam: manebat ergo jus ad pœnam, quod lex dederat, ſed prohibebatur vindicta: unde dicitur Deuter. 32. *Mibi vindictam, & ego retribuam.* 2. Non hoc dicitur univerſaliter, & abſolutè, ſed tantum reſpectu civium ſuorum. Itaque non jubebatur inimicorum dilectio, ſed obliſio injuriæ: hoc enim fuit legis Chriſtianæ præceptum, non

C c tantum

tantum non ulcisci inimicos, sed eos etiam diligere: unde signanter dictum: *Ego autem dico vobis, diligite inimicos vestros*, quasi diceret, à nemine unquam ante Christum id fuisse imperatum: neque id ad solos cives restrictum, quasi alij aliter essent tractandi; sed absolute, & universaliter dictum est de inimicis, quos omnes sine exceptione præcepit diligendos.

Alteram legem habemus Exod. 23. *Si occurreris bovi inimici tui, aut asino erranti, reduce ad eum: Si videris asinum odientis te jacere sub onere, non pertransibis, sed sublevabis cum eo:* vide huius præcepti perfectionem: quod non tantum patientiam præcipit injuriarum, sed etiam imperat reddi beneficium: unde, uti advertit Isidorus lib. 3. epistolâ 389. huius præcepti author fuit *ymerotatý phises*. illa natura mansuetissima; quæ, ut idem notat, divinâ suâ providentiâ, in uno mandato tribus rebus providit: unum quidem est, ne pereat animal: alterum, ne tantam dominus jacturam faciat: tertium denique, ut inimici in gratiam redeant: qui enim beneficio afficietur, nisi planè sit lapideus, ei à quo beneficium acceperit, par pari reddere curabit: alter autem beneficium audiens, alterum non amplius inimicum appellabit: vide autem quâ arte id perficit, cum jubet erigi animal cum alio; nam ut ait Isidorus, inimicus ad prolapsum animal erigendum accedens, inimicum omnino alloquetur, ac dicet, tu istinc erige, ego hinc: colloquium porro reconciliationis præludium est, ac via ad amicitiam ducens. Sic Alphonsus Arragonum Rex, per Campaniam

incedens, cum Agazonem audisset prætereuntium opem implorare, ex equo descendit, & cum ad asinum erigendum adjovit; quo facto omnium Campanorum amorem sibi conciliavit: sed quod ille in nova lege cum omnium admiratione præstitit, idem omnibus Judæis in lege veteri imperatum fuit. Verum si hanc legem de ovc errante non prætereunda, aut bove inimici, deque odientis jumento sublevando, discutiamus. Multorum fuit sententia id de solis Judæis respectu hominum suæ gentis dictum fuisse, cum quibus inimicitias habere prohibebantur: itaque qui in Exodo inimicus dicitur, in Deuteromio, ubi lex eadem repetitur, frater appellatur; sic enim scribitur cap. 22. *Non videbis bovem fratris tui, aut ovem errantem, & præteribis, sed reduces fratrem tuo, &c. Si videris asinum fratris tui, aut bovem cecidisse in via, non despicias, sed sublevabis cum eo.* Sed cum de veris inimicis sermo est, non solum odio habere permittit, sed etiam jubet delere: ut cum sermo est, de Amalec. Deuter. 25. *Memento quæ fecerit tibi Amalec in via quando egrediebaris de Egypto, quomodo occurrerit tibi, & extremos agminis tui, qui lassifidebant, ceciderit: quando tu eras fame, & labore confectus, & non timuerit Deum: cum ergo Dominus Deus tuus dederit tibi requiem, & subjecerit cunctas per circuitum tibi nationes in terra, quam tibi pollicitus est, delebis nomen eius sub caelo, cave ne obliviscaris.* In Evangelio autem nobis præcipitur neminem odisse. Ac licet ea lex vetus omnes respiceret; ubi tandem præcipitur quod in Evangelio mandatur, de altera maxilla tradenda, si dextera percussa

cussa fuerit, de pallio tradendo ei qui tunicam abstulerit, & alia multa quæ Christus solus docuit: unde non mirū, si præmiā, & pœnas amplificarit, cum mandata etiam auxerit, & legi perfectionem addiderit.

Tertiam legem habet Sapiens Proverb. 25. *Si esurierit inimicus tuus, ciba illum: si sitierit, da ei aquam bibere: prunas enim congregabis super caput eius, & Dominus reddet tibi.* Quo mandato imperatur ut inimicus in sua necessitate non deferatur, sed benè tractetur: & hinc duo pollicetur Deus: unum est inimici vel pudor, & confusio; nam eius vultus rubore perfundetur, ac si carbonēs haberet in vultu: vel eius mutatio in amorem, quo tantum ardebit, ac si haberet congestos in capite suo carbonēs: caput autem nominavit quasi principem animæ partem, ut hinc sapiens fiat, & ad mentem redeat, uti syderato, & apoplectico mos fuit ferrum candens in vertice apponi, ut glacies, & frigus humoris pigri solveretur: Alterum est, ut si adeo frigidus esset, ut tot beneficiis, quasi congestis carbonibus non incalesceret ad amorem, vel ad ruborem non puereretur, vel ad pœnitentiam dolore non ureretur, quasi carbonibus desolatoris: Deus ipse vicem redderet, cuius causa, quia eius mandato ea beneficia essent præstita: unde colligitur in veteri Testamento quædam fuisse mandata pro inimicorum dilectione, quæ maximam habent in se perfectionem: in hoc enim ultimo non tantum prohibetur ultio: & vindicta, aut memoria injuriarum, sed etiam imperatur ut inimico subveniretur.

Nihilominus tamen cum Judæis tantam rudibus, atque pueris locutus sit Deus, Christianis autem tanquā viris & eruditis; oportuit ut in nova lege majora & certamina, & præmia proponerentur, & consequenter perfectiora præcepta: unde Christus dixit ideo se venisse, ut legem non solveret, sed adimpleret: hoc autem fecit, non solum id efficiendo, & observando quod jubebatur in lege; hoc enim sensu & alij legem implere debuerunt: sed perficiendo, & aliquid addendo: unde dicitur: *Datum est antiquis, &c. Ego autem dico vobis, &c.* quasi aliud afferret, quàm quod dictum erat. Atque ut de aliis rebus nihil dicam, sed tantum agam de ultima lege quæ proposita est. *Si esurierit inimicus tuus, ciba illum, si sitierit, da ei aquam bibere.* Rectè admonet Isidorus Pelusiota libro 4. epist. 11. illud dictum, non esse rem adeo eximiam, & præclaram, sed eiusmodi quæ magis optanda sit, ut contingat. Nam cum inimicus in tantam incidit necessitatem, ut ei opus sit sui etiam inimici commiseratione, id verò quāvis equidem calamitate, & quovis supplicio acerbius esse iudico: & hoc vulgus hominum sibi persuadet, cum dicit: ne eò redigar, ut ab inimicis meis cogar stipem accipere. Quod si igitur id quod dictum est, eiusmodi est, ut facientibus quidem optabile, iis verò qui patiuntur, supplicij loco sit, quid est quod mireris? maxime cum nec simplex sit beneficium, sed maius quoque afferat supplicium: hoc enim faciens, carbonēs congreges super caput eius: si igitur res ipsa locum habeat supplicij,

causa quoque ob quam fit, est alterius poena. Nam quod aliqui dicunt id significare, quod hac ratione amore calefaciat, non sunt audiendi: quid enim necesse fuisset eos ad famem adducere? nam quolibet tempore praestitum beneficium id fecisset. Non igitur (ait Iliodorus) miror, & magni facio eos, qui hoc faciunt; sed illos potius, qui cum videant inimicos suos rebus omnibus abundare, non modo non invident, sed laudent, sed pro ipsis orant: id quod nova Evangelij Philosophia praecipit, dicens: *Diligite inimicos vestros: benefacite eis qui oderunt vos: orate pro persequenlibus vos.* Illic enim necessitas frangere, atque emollire animi solet; isthic autem nuda est voluntatis exploratio. Quod si Apostolus Rom. 12. hac etiam veteri exhortatione usus est, id fecit quod cum imperfectioribus sermonem haberet. Constat itaque Evangelicam legem in hac etiam parte, veteri lege perfectiorem esse: & hinc innotescere quod diximus huius legis perfectionem in eo summam esse, quod plura à nobis, quam à Gentilibus, aut à Iudaeis exigantur.

Hinc verò excusationem non debes praestare, quasi nimium à te exigatur, ut superes quidquid in utraque lege, naturali, & scripta proponitur; nam quod ad legem naturalem proponitur, illa rationem non excessit, dicente Apostolo Roman. 2. *Gentes quae legem non habent, naturaliter ea quae legi sunt, faciunt:* Lex autem Christiana tota in fide fundatur, quae omnem cognitionem naturalem excedit: lex autē scripta cum sit imperfecta, dicente Apostolo ad Hebr.

Nil enim ad perfectum adducit lex unde data est pueris & rudioribus: Et fit reprobatio praecedenti mandati propter infirmitatem eius, & utilitatem: lex Christiana ad omnia sublimia nos vocavit: itaque nulla perfectio illam superavit: nam si agatur de praecceptis, quod summum praecipi potest, id in omni genere iussit: quod si consilia spectemus, quam perfectionem non proposuit: ut scias te ad omnia sublimia vocatum esse.

At, inquires, minora aliis sufficere, cur non etiam mihi? Quid ista tuis comparatione, quae iniqua est? nam alij minora & imperfectiora sufficere, quia haec tantum ab illis postulata sunt; à te autem Deus maiora exigit. Sed minora mihi satis sunt, & illis sum contentus: tu quidem minoribus sis contentus, adeo exigui es, & animi, & ingenij; sed Deus illis non est contentus, & à te maiora postulat. Sed quomodo? quia 1. Deus sic exigit secundum uniuscuiusque statum: Illorum status fuit imperfectus: tuus status ad summum evectus est. Nonne tu maiora exigis à viro, quam à puero? Eorum status fuit puerorum, tuus status est virilis; itaque plus à te exigit, quam ab illis. 2. Quia Deus rationem habet virum, & secundum vires onus imponit. Veteres parum gratiae habuerunt, quia eorum Sacramenta fuerunt vacua? & inania: in nos effusa est gratia, non data strictim, & angustè, sed copiosè, & usque ad profusionem; immò datus nobis ipse fons gratiae, nempe Spiritus Sanctus. 3. Quia Deus plus ab illis exigit, quibus plus promittit; faciat aliis promissiones temporales fuere, & in hac vita conclusae.

Qua

Quæ nobis promissa sunt, non sunt minora cælo, & æternitate. Cum igitur (uti ex Isidoro diximus) certaminibus consequentia sint præmia, oportuit ut quibus maxima præmia sunt proposita, maxima etiam certamina proponerentur. Certè eadem illa ònia tibi Deus præcipere poterat sine mercede; & si ita fecisset, observare debueras: quia ipse in te omnia potest, & tu illi omnia debes: sed aliter tecum egit, & nihil voluit præcipere sine mercede; cumque auxit mandatum, auxit & præmium. Cur te itaque excusare vis, & præcepti difficultatè obtendere, cum, aucto præcepto, auxerit & vires, neque hoc tantum, auxerit etiam præmium, ut reduplici te incitares, & maiori auxilio, & maiori præmio; ne si utrumque negligeres, maiori afficereris supplicio: Hæc enim æquali passu incedunt, maius præceptum, & maius auxiliù; ex maiori auxilio, maius opus; ex maiori opere, maius meritum; ex maiori merito, maius præmium; ex horum omnium contemptu, maius supplicium.


At 2. repones: Quis ego sum, qui audeam sperare me posse tot præclarorum hominum, qui in lege veteri floruerunt, virtutem atque merita attingere? Nunquid æquare possum veteres illos Patriarchas, Abraham, Isaacum, Iacobum, Iobum, Moysen, Davidem, & innumeros Prophetas? Parùm est quod proponis, ut æquare illos possis, cum ex vi status tui tenearis superare. Num legis quod de Ioanne Baptista dixit Christus Matth. 11. *Non surrexit inter natos mulierum maior Ioanne Baptista: Qui autem minor est in regno cælorum, maior est*

illo. Nempe quia Ioannes ad legem pertinuit, secundum illud ibidem: *Lex usque ad Ioannem:* Propterea Ioannes ratione status fuit minor quolibet existente in Evangelica lege, quæ vocatur regnum cælorum, secundum illud: *Pœnitentiam agite, appropinquavit enim regnum cælorum;* quia tunc omnibus cælum apertum est. Sed proh dolor! jam magnum est si Sanctos veteris Testamenti adæquemus: quàm graves illos accusatores experiemur in Iudicio, cum eorum gesta nostris comparabuntur. Nam si dixit Christus Matth. 12. *Viri Ninivite surgent in Iudicio cum generatione ista, & condemnabunt eam, quia pœnitentiam egerunt in predicatione Ionnæ,* Ecce plusquam Ionnæ hic: A pari ratione quid expectare debemus à præclaris illis viris dum factorum suorum comparatione ignaviam nostram coarguunt, & se in lege scripta, aut etiam in lege naturæ præstitisse ea ostendent, qualia neque aggredi tentavimus: cum ipsi neque haberent anteriora exempla quæ sequerentur, neq; Christi documenta, neque tantam gratiæ affluentiam, neque tam sublimes promissiones, neque tam præsentia præmia, neque ab illis tanta perfectio exigeretur.

Neque verò te deterreat tam sublimis divinatorum mandatorum perfectio, quasi tibi plus imperatum sit, quam possis facere, & præcepta divina vires tuas excedant: ac minus possis, quàm tibi sit præceptum. Etenim & plus etiam optare debes, quàm quod est imperatum: quippe non solum Christus proposuit præcepta; sed etiam cõsilia, quæ præceptis longè sunt perfectiora; &

quidem omnibus; & quæ etiam observare posses, si velles, nam ad omnia gratiam obtulit, & auxilium. Vide etiam de cælo ipsum tibi offerentem palmas innumeras, & coronas, quibus animatus ad summa omnia, & excelsa aspirare potes. Aude aliquid tantâ laude, & tantâ mercede dignum: quod do-

nare nobis dignetur Iesus Christus Ecclesiæ Sponsus. Trahe nos post te, in odorem unguentorum tuorum curremus: unguenta illa, tua sunt præcepta, tua sunt consilia, tua sunt exempla, tua sunt præmia, ad quæ omnia vos voco, & invito, cum gratiâ Domini nostri Iesu Christi. Amen.



FERIA SEXTA CINERUM,

CONCIO TERTIA

DE DILECTIONE INIMICORUM,

Huius præcepti perfectio ex imitatione Sanctorum, & similitudine Dei.

Diligite inimicos vestros. Matth. 5.

ACTURUS iterum de perfectione legis Evangelicæ, quâ nobis præcipitur non modo inimicos nostros non ulcisci, aut odire, sed etiam eos amare, & iis benefacere, hinc alterâ huius legis probationem sumimus, quod ea sit optima imitatio Sanctorum Christi & Dei, in qua imitatione consistit nostra perfectio: etenim illi sunt nostrarum actionum regulæ, quibus nos oportet conformes esse.

Atque ut à Sanctis initium ducamus cave ne putes alia nobis, alia ipsis data esse præcepta, vel consilia: eadem omnibus proposita sunt: ne dicas, ista bona sunt pro Sanctis, non pro nobis;

cum ad omnes æqualiter spectent: sed in illis maior fuit observatio. Ad hæc cum eos habeamus vitæ magistros, nos operibus magis, quàm verbis docuerunt; unde nostra perfectio in eorum imitatione consistit. Denique ea omnia quibus ipsi perfecti extiterunt, nos etiam perfectos efficient, secundum illud ad Hebræos 13. *Quorum intuentes exitum conversationis, imitamini fidem*: Unde vis initium ducam? an à veteri, an à novo Testamento; istud propius est, & magis nostrum, & in eo sunt illustriora exempla. Qui primus omnium vitam, & sanguinem pro Christo profudit, fuit Stephanus: illius præclaræ virtutes in actibus Apostolorum prædicantur: *Stepha-*

Stephanus autem plenus gratia & fortitudine, faciebat signa, & prodigia magna in populo: Sed quod ultimum de eo narratur, & in quo vitam finivit, quasi aliud nihil melius superesset, hoc fuit, quod inter eos à quibus lapidabatur constitutus, & ab omni turba lapidibus appetitus, lapidesque nivis instar excipiens, neglectis qui inde oriebantur doloribus, diceret: *Domine ne statuas illis hoc peccatum.* Et ut intelligas (ait Chrysostomus) hominil. de cruce & labore) hæc illum diligenter, & accuratè egisse, non simpliciter oravit, neq; obiter, & leviter; neq; stans, sed positus genib⁹, cum dolore, & cõpunctione, & cum multa cõpassione: *Et cum hoc dixisset, obdormivit in Dno.* Hic vitã, hic virtutem, hic opus omne finivit: neque enim absoluto opere superfuit quod ageret. Vide omnes huius actionis circumstantias, nulla est quæ summam virtutem non ostendat. Vide quo in statu, quomodo tractatus, in ipso calore injuriæ: parum putat quod ipse ignoscat, nisi Deus ipse ignoscat, idq; ipse sic rogat, ut nihil pro se ita petierit, ad eò omnes huius virtutis numeros implevit. Ac ne putes singulare fuisse tantum exemplum: vide aliud in Apostolo Paulo expressum, qui postquam omnes suas passiones enumeravit 1. Cor. 11. *In laboribus plurimis, in carceribus abundanti, in plagis supra modum, in mortibus frequenter, à Iudæis quinquies quadragenas, una minus accepi, ter virgam cõsus sum, semel lapidatus sum: cum totam illam seriem tormentorum percensuisset, & innumeras insidias quas quotidie à Iudæis sustinebat: de illis tamen sic sentit Rom. 9. Optabam enim ego ipse*

anathema esse à Christo pro fratribus meis, qui sunt cognati mei, secundum carnem, qui sunt Israëliti: sive Apostolus per hæc verba intelligat mortem, sive, interpretatur Sanctus Chrysost. privationem gloriæ cælestis: seu ut alij putant dilationem vocationis ad fidè: quocumq; modo id intelligatur, non potest ultra progredi dilectio: quod si pro inimicis, & pro persecutoribus, certè nihil addi potest. Ac ne singulos sigillatim recenseam, audi quomodo idem Apostolus, de omnibus Apostolis loquitur, & eorum sequacibus 1. Cor. 4. *Puto enim quòd Deus nos Apostolos novissimos ostendit tanquam morti destinatos, quia spectaculum facti sumus mundo, & Angelis, & hominibus: Nos stulti propter Christum, vos autem prudentes in Christo: Non infirmi, vos autem fortes: vos nobiles, nos autem ignobiles: usque in hanc horam, & esuriimus, & sitimus, & nudi sumus, & colapbis cadimur, & inflabiles sumus, & laboramus operantes manibus nostris: Maledicimur, & benedicimus: persecutionem patimur, & sustinemus: blasphemamur, & obsecramus: tanquam purgamenta huius mundi facti sumus, omnium peripsèma usque adhuc: Vide quales fuerint Apostoli omnes, & sine ut usurpem verba S. Basilij Homil. de Ira. Quorum tu, dic mihi, cupis esse discipulus, Beatorum-ne hominum, & Deo gratorum; & eorum qui spiritu repleti sunt maligno? Sed ne omnes recenseam, revoco te ad Sanctos veteris Testamenti, in quibus hoc admirandum, quod non solum seipsos, sed etiam legem suam superarunt. Etenim uti in altera Concione diximus nõ eis imperata est dile-*

dilectio inimicorum, sed permissa est lex Talionis, *oculum pro oculo, & dentem pro dente* eijcere poterunt, & par pari referre: eos tamen nihil minus quam Apostolus effecisse reperies: audi enim quid dicat Moyses toties à Judæis, calumniis appetitus, cum Deus ad ulciscendas eius injurias se paratum ostenderet. Num. 14. *Dimitte obsecro peccatum populi huius, secundum magnitudinem misericordie tue.* Et Exod. 32. *Aut dimitte eis hanc noxam, aut si non facis, dele me de libro tuo quem scripsisti:* Vides hominem iustum securitatem suam aliorum saluti proposuisse: At tu ô Moyses, nihil peccasti, cur alieni supplicij vis esse participes? Non sentio felicitatem, respondet hominum mitissimus, si alij rebus adversis conflitentur. Quid memorem Davidis facta, cum Saulis persecutionem perpassus est: plus temporis ista exigerent, si singula enarrare vellem: simile tatum profero eiusdem dictum: 2. Reg. 24. Nam cum videret Angelum stricto gladio, populum deleturum, sic oravit. *Ego sum qui peccavi. Ego inique egi: isti qui oves sunt, quid fecerunt? vertatur obsecro manus tua contra me, & contra domum patris mei.* An non Samuël Propheta à populo suo affectus est injuriâ, contemptus, & reiectus, & tantâ ignominia notatus ut eum Deus voluerit consolari, partem ignominie in se recipiens his verbis 1. Reg. cap. 8. *Nonte abiecerunt, sed me, ne regnem super eos:* Quid igitur ille sic reiectus, & contemptus? audi quid dicat 1. Reg. cap. 12. *Abstine à me hoc peccatum in Dominum, ut cesset orare pro vobis, & docebo vos viam bonam, & rectam.* Peccatum arbitratus est,

non orare pro illis, à quibus injuriâ acceperat, & illis non benefacere: ut scias iustos omnes hunc sensum habuisse. Sed quæ dicta sunt in unum colligamus. Stephanus dixit. *Domine ne statuas illis hoc peccatum:* Paulus dicebat, *opertam anathema esse à Christo pro fratribus meis, secundum carnem:* Apostoli omnes maledicuntur, & benedicunt: persecutionem patiuntur, & sustinent: blasphemantur, & obsecrant: Moyses dicit: *Aut dimitte eis hanc noxam, aut si non facis, dele me de libro tuo quem scripsisti.* David ait. *Vertatur obsecro manus tua contra me, & contra domum Patris mei.* Et Samuël. *Abstine à me hoc peccatum in Dominum ut cesset orare pro vobis:* Vide quid post hæc exempla te facere debeat: ac discas hunc omnium Sanctorum sensum fuisse, ut aliorum felicitatem præferrent suæ. Sed quid ego Sanctos commemorem, cum Sancti Sanctorum exemplum habeamus, de quo ait Apost. Rom. 15. *Christus non sibi placuit, sed sicut scriptum est, improprie impropertantium tibi, ceciderunt super me.* Porro cum Christus datus fuerit hominibus in exemplum, certum est in eius perfectâ imitatione sitam esse perfectionem: Nam ut ipse dixit Matth. 10. *Non est discipulus super magistrum: nec servus super Dominum suum: sufficit discipulo, ut sit sicut magister eius, & servo, sicut Dominus eius.* At licet Christus semper fuerit in omni virtute perfectus, ut tamen dicitur de eius infantia Luc. 2. *Et Jesus proficiebat sapientiâ, & etate & gratiâ apud Deum, & homines:* non quidem habitu, sed actibus; ita quoque in Cruce summa dedit exempla: quid porro fecit in Cruce? cum esset in summâ supplicij acer-

acerbitate, post vincula, post sputa, post convicia, post illusiones, post alapas, post flagella, post spinas, post crucem: cum jam morienti maximè illuderent. Matth. 27. *Prætereuntes autem blasphemabant eum, moventes capita sua & dicentes: Vab. qui destruis Templum Dei, & in triduo illud reedificas: salva temetipsum: si Filius Dei es, descende de Cruce: similiter & Principes Sacerdotum illudentes cum Scribâ & senioribus dicebant: alios salvos fecit, seipsum non potest salvum facere: si rex Israël es, descendat nunc de Cruce, & credimus ei: confidit in Deo: liberet nunc, si vult eum. Dixit enim quia Filius Dei sum. Idipsum autem & latrones, qui crucifixi erant cum eo, improperabant ei. Iesus mansuetissimus inde occasionem accepit bene illis faciendi, conversus ad Patrem, Luc. 23. *Pater dimitte illis non enim sciunt quid faciunt: Vide bonitatem: Non modo fert placidè quæ inferebant tormenta: non modo non ulciscitur: non modo non poscit à Patre vindictam: sed nec Patrem ulcisci permittit: immò veniam petit: immò excusat: immò pro illis iisdem moritur: & dū urgent, ut descendat de Cruce, ut credant in eum, eo ipso non descendit, quod sanè mirum est. Ille quidem terrā commovet, petras scindit, aperit sepulchra, Solem obscurat, diem nocte tegit: non ut hostes ulciscatur, sed ut sciret ipsum parcere non impotentiâ, sed misericordiâ: ac ne putes ipsum à Patre suo auditum non fuisse, ait Apostolus Hebr. 5. *Ex auditu est pro sua reverentiâ.* Hinc enim multi redierunt percutientes pectora sua: hinc conversus est Paulus: hinc tria Judæorum millia unâ concione con-**

vertit Petrus Act. 2. *Et apposita sunt in die illa animæ circiter tria millia:* Et Act. 4. *Multi autem eorum qui audierunt verbum, crediderunt: & factus es numerus virorum quinque millia: & aliis vicibus Judæorum innumeri conversi sunt: Audi quid dicat Jacobus ad Paulum Act. 21. *Vides frater quot millia sunt in Judæis qui crediderunt.* Certè ut ait S. Basilius homil. de Irâ. Multa tibi toleranda, ut ad eius imitationem pervenias.*

Sed tibi Christum ut hominem proposui, vis ut Deum? & ut ipse loqui solebat cum esset sermo de Divinitate, vis ut Patrem eius tibi proponam? hoc enim ipse exemplum nobis in Evangelio proposuit Matth. 5. *Diligite inimicos vestros: Benefacite hiis qui odervnt vos: & orate pro persequentibus, & calumniantibus vos, ut sitis filij Patris vestri qui in cælis est, qui solem suum oriri facit super bonos, & malos, & pluit super iustos, & iniustos: & totum claudens discursum. *Esote ergo vos perfecti, sicut & Pater vester cælestis perfectus est, in cuius clausulæ verbis, hæc continetur.**

1. Perfectionem consistere in similitudine cum Deo: Unde concludit. *Esote ergo vos perfecti sicut & Pater vester cælestis perfectus est:* præcesserat autem sermo de similitudine. *Ut sitis filij Patris vestri,* hoc est similes Patri vestro, id enim significat filiatio. Ratio vero est. Quia omnis perfectio effectus consistit in adæquatione eius cum suâ causâ: qui itaque Deo similis est, ille perfectus est. Deinde omnis perfectio est in Deo, ille igitur perfectus est, qui est Deo similis: itaque uti bene advertit S. Chrys. non Angelorum, aut Archangelorum simili-

Deo tudi-

itudinem nobis Christus proposuit, sed ipsius Dei.

2. Cùm ea similitudo cum Deo possit respicere varias Dei perfectiones, eam potissimum respicere quæ consistit in misericordiâ. In primis, quia hæc est perfectio quæ primum innotescit in Deo, ac magis elucet: Psal. 32. *Misericordiâ Domini plena est terra: & sæpe*, ut Psalm. 144. *Miserationes eius super omnia opera eius*, quod iuvat ad imitationem: Nam licet sit æquè iustus ac misericors, eius tamen iudicia sæpè sunt occulta; misericordia semper manifesta: deinde, plus de illa gloriatur: Unde sic orat Ecclesia. Deus cui primū est misereri semper, & parcere: deinde hujus virtutis nos potissimū vult esse imitatores: itaque quod ait sanctus Mattheus cap. 5. *Esote ergo vos perfecti, sicut & Pater vester cælestis perfectus est*: sic exponit. S. Luc. cap. 6. *Esote misericordes, sicut Pater vester misericors est*: unde tam crebra ad misericordiam invitatio.

3. Ad eam perfectionem misericordiæ quā vult præcipuè gloriari tendere homines debere ex filiatione, quia filiationem decet similitudo, præsertim ratione principij, unde res oritur: In nobis autem oritur filiatio ex misericordia ipse enim per misericordiam genuit nos, secundum illud 1. Pet. 1. *Benedictus Deus, & Pater Domini nostri Iesu Christi, qui secundum misericordiam suam magnam regeneravit nos in spem vivam, &c. in hereditatem incorruptibilem, &c.* unde cum dicitur, *ut sitis filij Patris vestri, non*

est inepta propositio, quasi fieri posset, ut quis nō esset filius Patris sui: Bene autem, ut quis non esset suo Patri similis: sed cum ista filiatio sit potissimum sit in similitudine, hoc vult Christus; ut qui adoptione sunt filij, moribus etiam sint similes: cum itaque origo filiationis sit ex Dei misericordiâ, ut sit similitudo ratione principij, necesse est ut similitudinem paternæ misericordiæ æmulemur.

4. Eam similitudinē in perfectā misericordiā cō usque tendere debere, ut non tantum unusquisque proximum diligat, secundum illud Matth. 5. *Audistis quia dictum est, Diliges proximum tuum, & odio habebis inimicum tuum: ego autem dico vobis, diligite inimicos vestros*: Item ut non, tantum à te aliquid postulanti concedas, secundum illud. *Omni autem, qui petit à te, da ei, & volenti mutuari à te, ne avertariis.* Item ut non tantum benefacias illis, à quibus, aut accepisti, aut vicem expectas: secundum illud Matth. 5. *Si diligitis eos qui vos diligunt, quam mercedem habebitis? nonne & publicani hoc faciunt?* Luc. 6. *Nam & peccatores diligentes se diligunt. Et si benefeceritis his qui vobis benefaciunt; quæ gratia est vobis? si quidem & peccatores hoc faciunt. Et si mutuum dederitis his à quibus speratis respicere; quæ gratia est vobis? nam & peccatores peccatoribus sanerantur, ut recipiant equalia: Mat. 5. Et si salutaveritis fratres vestros tantum, quid amplius facitis? nonne, & ethnici hoc faciunt?* Sed etiam ut hostibus & inimicis, nullā habitā ratione cuiuscumque injuriæ sive in bonis; unde loquitur de sublata tunica: sive in corpo-

corpore; unde sermo est de alapâ: sive in actione, unde meminit angariationis: sive in famâ & honore, unde loquitur de calumniantibus, & persequentibus; summa & optima, & omnia beneficia concedantur, ut sitis filij Patris vestri qui in cælis est qui solem suum oriri facit super bonos, & malos: & pluit super iustos, & iniustos: Horum beneficiorum meminit, non tantum quia erant notissima iis, quibus loquebatur: sed 1. Quia nulli negata, ut scias nullum inimicum esse excludendum: videmus enim neminem etiam sceleratissimum privari sole, & pluvîâ. 2. Quia longè præcipua sunt: ut tu quoque aliis maiora non deneges. 3. Quia per illa, omnia alia bona temporalia concessa sunt: ex his enim tanquàm ex causis cætera naturæ beneficia procedunt: ut scias nihil planè ulli negandum esse: 4. Quia æqualiter bonis & malis concedentur, ut scias communia beneficia, & officia æqualiter præstanda esse amicis, & inimicis. 5. Quia supra necessitatem tribuuntur, & supra desiderium eorum qui accipiunt: ut scias ita te gerere cum proximo: si quis te percussit in dexteram maxillam tuam; præbe illi & alteram: & ei qui vult tunicam tuam tollere dimitte ei & pallium: & quicumque te angariaverit mille passus, vade cum illo, & alia duo:

5. Huius similitudinis fructum esse filiationem secundum illud, ut sitis filij Patris vestri qui in cælis est: quâ dignitate, nescio quid nobilius, quid maius, quid excelsius, quid optabilius fingi possit? secundum illud 1. Ioan. 3. Videte qualem

charitatem dedit nobis Pater, ut filij Dei, nominemur, & simus: Vide autem quid ex tali filiatione sequatur.

1. Quidem maxima in die iudicii confidentia, secundum illud Ioan. in sua 1. Epist. cap. 4. In hoc perfecta est Dei charitas nobiscum, ut fiduciam habeamus in die iudicii: quia sicut ille est, & nos sumus in hoc mundo. Id est ex Augustino. Quia imitatur illum: Nam in mundo facit solem suum oriri super bonos, & malos, & pluit super iustos, & iniustos: Ita nos qui non possumus inimicis nostris temporalem solem, & pluviam impartiri. præstamus lachrymas, cum pro illis oramus, & eos beneficiis more cælestis Patris afficiamus: atque in hoc consistit perfecta charitas, neque enim ulla major, vel diviniore esse potest: unde fiducia oritur in die iudicii: quod præmium erit vel maximum, ut cum totus orbis contremiscet coram Iudice, fiduciam habeamus: Nam quid vereatur filius à Patre? an forte ut ab illo non agnoscat? sed similitudo impedit: Quia sicut ille est, & nos sumus in hoc mundo: præterea quia securus erit de misericordiâ: Beati enim misericordes, quoniam misericordiam consequentur. Quâ enim mensurâ mensi fueritis, remetietur vobis.

2. Oritur quædam moralis certitudo, quod simus in gratiâ Dei, & quod Deus nos diligat ut filios: rependitur enim dilectio dilectioni: Quia enim inimicos diligimus, Deus nos diligit ut amicos, & filios: præsertim cum cæteri amores possint esse suspecti: inimi-

Dd 2 corum

eorum autem amor non possit esse suspectus, cuius aliam causam præter Deum invenire non possumus, quia nimirum eadem est dilectio, & Dei, & inimici: cum non indiligatur inimicus, nisi quia Deus præcepit: unde constat quod diximus maximam esse legis huius perfectionem, cum perfectam charitatem contineat, secundum illa verba Ioannis citata. *In hoc perfecta est charitas Dei nobiscum, ut fiduciam habeamus in die iudicii, quia sicut ille est, & nos sumus in hoc mundo.* Vide autem quò tendat illa perfectio, ut sit similis ipsius Dei perfectioni: ait enim Christus. *Estote ergo & vos perfecti, sicut & Pater vester perfectus est.* Et eodem sensu. *Estote misericordes sicut & Pater vester cælestis misericors est.* Nam licet in Deo nihil sit imperfectum, nemo tamen plenitudinem perfectionis ipsius intelligit, nisi charitatem eius agnoscat: est autem quoad effectum charitas eius ad summum perducta in dilectione inimicorum: Vnde S. Ioan. in Epist. 1. cap. 4. *In hoc apparuit charitas Dei in nobis, quoniam filium suum unigenitum misit Deus in mundum, ut vivamus per eum.* Quoad effectum nihil majus facere potuit. Sed ut summum charitatis excessum exponat, subdit. *In hoc est charitas, non quasi nos dilexerimus Deum, sed quoniam ipse dilexit nos, & misit filium suum propitiationem pro peccatis nostris:* Quo proposito exemplo subdit imitationem: *Charissimi si sic Deus dilexit nos, & nos debemus alterutrum diligere.* In quibus verbis nullum omnino excipit.

Quæ cum ita sint. Vide, mi Auditor, quâ mercede propositâ ad præclarissi-

imum omnium facinus impellaris, nempe filiatione Dei, eius similitudine, virtutis ipsius participatione, & virtutis & perfectionis ipsius imitatione. Pudeat te intra tam angustos fines tuam virtutem concludere, ut non majora præstes quam ethnici, *Quam mercedem habebitis? nonne & publicani hoc faciunt? Item si benefeceritis his, qui vobis bene faciunt, quæ gratia vobis est? nam & peccatores hoc faciunt? Item si salutareritis fratres vestros tantum; quid amplius facitis, nosse & ethnici hoc faciunt?* Attende quos sequaris. authores, publicanos, peccatores, ethnicos. Tu qui authorem & exemplar vitæ tuæ sumere debebas Deum, secundum illud. *Et eritis filii Altissimi, quia ipse benignus est super ingratos, & malos.* Estote ergo misericordes, sicut & Pater vester misericors est. Et Matth. *Perfecti sicut perfectus est:* Sed quid dico te imitari ethnicos, cum illis longè sis inferior. Aristides licet innocens missus in exilium, ingrata civitati bene precatus est: Socrates, & Phocion dum cicutam biberent, ille quidem civibus suis ignovit, hic filio præcepit ne hanc patris injuriam ulcisceretur. Tu meliorbus instructus præceptis ne tantum quidem præstare potes: licuerit Iudæo, dentem pro dente, oculum pro oculo repetere, & lege Talionis uti: sed cum Christiano majora proposita sint præmia, cur non etiam majora certamina? Certè quidem post tot exempla in veteri, & in novo Testamento, quid non debes præstare? sed post Christi exemplum quò non debes virtutem tuam promovere? *Inspice, & fac secundum exemplar quod tibi in monte*

monte monstratum est. Quid non ille à suis pertulit post tot oblata beneficia, post tot collatas gratias? Tu nondum ad motem innocens damnatus es, nondum Cruci affixus: sed ne venditus quidem nec flagellatus, nec illusus. Quàm multa tibi toleranda sunt, ut ad eius imitationem per venias? sed hæc omnia ad eius Humanitatem pertinuerint: Nōne & Divinitatis ipsius tibi ostensa sunt exempla? Tūc id dedigneris, quod vel ipse Deus non dedignatur? Tūc maioris es juris? an maioris dignitatis? an plus offensus? ille patienter ferat, tu non patiaris? Ille ignoscat, tu vindices, ac ulciscaris? Quomodo Patrē appellabis, cui nullā in re vis esse similis? An ille per ignaviam illatas sibi injurias dissimulat, an patitur ex impotentiā, & infirmitate? aut non magis potentiā, & misericordiā? Hoc nimirum est esse Deum: Hoc est esse omnium Patrem, hoc est esse omnium Dominum: unde sic canit Ecclesia. Deus qui omnipotentiam tuam parcendo maximē, & miserandam manifestas. Et dicitur Sapient. 11. *Misereris omnium quia omnia potes.* An tu in contrarium, sola ultione teputabis invictum, & fortem? Quid gloriaris in malitiā, qui potens es in iniquitate? Quam afferes Deo excusationem, cum te modis omnibus ad parcendum impulerit: minis, sed quantis? mercede, sed quali? exemplo, sed quam illustri: doctrinā, sed quam solida, & manifesta? exhortatione, sed quā vehementi? Certē majores minas intentare non potuit, negatione veniæ: neque enim parceret, nisi parcas, immo

hac tibi conditione parcit: & in oratione quā veniam petis, hanc quoque conditionem apponit: *dimitte sicut dimittimus* immo etiam revocationem veniæ minatur, nisi ignoscas: unde parabola de decem milium debitore. *Ita Pater meus cælestis faciet vobis, nisi remiseritis unusquisque proximo suo de cordibus vestris:* Vnde sanctus Chrysostomus concludit, nihil esse pejus injuriarū recordatione, quod non solum veniam delictorum impediatur, quia nullam habet excusationem, sed etiam quod datam veniam revocet. Quid memorē iudiciū, quid carcerē, quid gehennam ignis, quid vincula, quid tortorē, quid externas & æternas tenebras, & veniē desperationē, & satisfactionis rigorē, donec reddat usque ad novissimum quadrantem? Item nec majorem mercedem proponere potuit, nempe remissionem omnium delictorum, etiam si debeas decem mille talenta: Quod enim vix potes suis ubertim lachrimis, multis laboribus, & ærumnis, & gravi pœnitentia consequi, illud parvæ injuriæ remissione consequi potes: Ad hæc filiationem Dei pollicetur, amore ipsius, perfectam charitatem, & divinæ perfectionis imitationem; hæc est enim illa via sublimis, de qua Apost. 1. Cor. cap. 12. *Excellentiorem viam vobis demonstrō: Insuper fiduciam in die iudicii, & misericordiæ certitudinem, uti suprà diximus.* Iam quibus exemplis in utroque testamento, in veteri, & in novo: sed præcipuē Christi Domini, dicente Apost. ad Colloss. 3. *Donantes vobismetipsos, si quis adversus aliquem habet querelam: sicut & Dominus donavit*

Vit vobis, ita & vos. Immo & ipsius Dei, *ut sitis filij Patris vestri, qui in cælis est:* ut te pudeat non fecisse, quod ante te multi fecerunt: ut pudeat id te non pati, quod ipse Christus dissimulavit, & quod ipse Deus, tot beneficijs quotidie prosequitur. Quod pertinet ad doctrinam, de quibus non te erudijt? Quomodo injuriam ferre debeas, & odium, & maledicta: Si enim te oderit inimicus, juberis amare eò usque ut cum ad te redamandum deducas: Si putet se offensum, vade prior, & reconciliare cum eo rebus omnibus alijs dimissis, & licet paratus sis sacrificare, deferre sacrificium & hostiam ante ipsum altare, & accurre ad reconciliationem: Si maledicit, benedicas: Si persequitur, pro eo fundas orationem: Si alapam impingat, alteram maxillam porrigas: Si rapit tunicam, des ei etiam pallium: Si cogit te ire stadium unum secum, pergas etiam duo stadia: Si trahit in judicium, ne litiges cum eo: ac licet ut adversarius,

consentias cum eo etiam in viâ, ut nihil planè sit, in quo inimicum non feras. Iam quæ suavior & efficacior exhortatio esse potest, quam Patris ad filios, quâ Domini ad servos? Ita te modis omnibus convincit, ut ignoscas, ut parcas, ut non vindices, ut non oderis, ut patiaris, ut prævenias, ut diligas, ut ames, ut ores, ut benedicas, ut benefacias, & vindicas in bono malum. Si post tot salutis modos te charitas divina non tangit, nescio quibus rebus tangi possis, & commoveri; & si tot amoris ignibus non ardes, necesse est ut æterno odio, & æternis ignibus ardeas in gehennâ. Fælix ille in quo amorem Divinum nullæ injuriæ, nulla odia poterunt extinguere: Qui sic diliget, Deus illum uti filium diliget, quod si filius erit, certè etiam erit & hæres regni, cœlestis scilicet, & æterni; ad quod nos perducatur Pater, Filius, & Spiritus sanctus.

Amen.

FERIA

FERIA SEXTA CINERUM

CONCIO QVARTA

DE DILECTIONE INIMICORUM.

Contra Legem Mundi circa injurias: scilicet vindicandas esse.
& ultionem esse licitam.

Diligite inimicos vestros, Matth.

SICVT sui sunt corporum nostrorum morbi, ita etiam sui sunt animorum: ex omnibus autem animorum morbis nullus difficilius curatur, quàm odium. Certè superbia difficulter curatur, unde tam pauci sunt humiles: ægrè amor & impudicitia: ægrius avaritia, ait S. Chrysost. sed odium, omnium ægerimè: aliud enim est exandescencia seu indignatio, aliud ira, atque odium, ait S. Basilius; prima faciliè extinguitur, alterum multò tempore durat, neque faciliè sanatur. Non ideo tamen æger est deferendus, quia periculosè ægrotat: Immò tunc magis elucet ars Medici. Ac licet in morbis corporis multi sint incurabiles, unde Hippocrates sect. 12. aphor. 42. Levem Apoplexiam ait ægrè solvi, sed fortem, & validam non posse omnino, ideoque quorundam morborum curationem prohibet, quòd curari non possint: tamen in morbis animi nulli sunt insanabiles, propter animi mobilitatem. Propterea age aggrediamur hodie difficilimum omnium morborum animi sanare, hoc est odium, iram, & appetitum vindictæ: sed quoniam multi hunc ferinum appetitum non moribus solum, sed etiam doctrinà defendunt, utrumque adoriamur, & non tantum voluntatem, sed etiam intellectum

perfanemus: neutrum facere possumus, absque gratià, illam petamus à Deo, ope vireinis. *Ave Maria.*

CVM hic mundus unius Dei sit opus, perfectam habuit initio speciem atque imaginè unitatis: sui principij, adeo ut in omnibus suis partibus perfectam habuerit unitatem. Sed hæc unitas non diu perseveravit invidià Diaboli, cumque unitatis prima divisio sit in duo, statim divisus est hic mundus, quasi in duas familias, vel in duo Regna: quorum unus caput, & princeps, & Rex legitimus fuit Deus: alterius princeps, & tyrannus fuit Dæmon: secundum illud Christi, Ioan. 14. *Venit enim princeps mundi huius, & in me non habet quidquam:* Id expressit S. Augustinus per duas civitates, quas à duobus amoribus constitutas fuisse dicit, unam ab amore Dei, alteram ab amore sui. Fecerunt itaque civitates duas, amores duo, & hoc habent ut in omnibus contrarietatem habeant, una enim incipit ab amore sui & desinit in odium Dei: altera verò incipit ab odio sui, & desinit in amorem Dei. Itaque harum civitatum Principes Perpetuò inter se dissensere: unde ut ait S. Ioannes, *In hoc apparuit Filius Dei ut destruat opera Diaboli:* Ita

Ita etiã cives utriusq; civitatis perpetuũ bellũ inter se gessere: Ita Caïn Abelẽ percutus est: Etiã Jacobum, Saũl Davidem, filij huius sæculi filios lucis, Joan. 15. *Si de mundo fuissetis, mundus quod suum erat, diligeret: Quia vero de mundo nõ estis, sed ego elegi vos de mundo, propterea odit vos mundus*: Ita amborum mores sunt longè dissimiles, pugnantia instituta, leges planè contrariæ: sed omnis cæteris, de unã tantum hodie iudicium instituendum est, nimirum de eã quæ respicit injuriarum condonationem. Lex mundi est, nullam ab alio offensam ferendam esse quæ possit vindicari, & nunquam injurias obliviscendas: Lex Christi est, diligendum esse inimicum, & quamlibet injuriam esse condonandam. S. Chrysost. homil. 27. in Epist. ad Roman. Meminit cuiusdam dicti nonnullorum; Si me dilexerit, diligam: Si me dexter quoque non dilexerit oculus, effodiam illum: Longè aliter Christus, *Ego autem dico vobis, Diligite inimicos vestros: benefacite his qui oderunt vos, & orate pro persequentibus, & calumniantibus vos*: Ego utramque legem vobis iudicibus ante rationis tribunal hodie examinare aggredior, nullã factã utriusque roboris, & æquitatis dissimulatione.

Incipiamus ab eã quæ injuriarum memoriam & ultionem non tantum permittit uti licitam, sed etiam ut utilem & necessariam præcipit. Cuius legis defensionem à mundano sapiente ita factam, me aliàs audivisse memini:

Non sum nescius in eã causã quam hodie coram vobis iudicibus defendo, licet plurimos habeam approbatores, me tamen aliquos licet paucos habitu-

rum adversarios, uti in rebus omnibus sunt hominum ingenia, & mores, neq; enim eadem omnibus probantur, adeo ut nulla sit tam evidens, certaque veritas, quæ non aliquos nanciscatur adversarios; Scio quæ ad naturã ipsius defensionem, & inculpationem verius tutelam, quàm iniuriæ irrogationem dicturus sum, ab omnibus nationibus, seu barbaris, seu ex cultis, recepta esse: non ignoro tamen esse aliquos, falso virtutis nomine, & ementitã generositatis specie, qui velint in nobis omnem injuriarum sensum ita extinctum esse, ut cum Stoicis ne se quidem offendi posse dicant: Ita Cato colaphis cæsus negavit se percussum, quem sic extollit Seneca lib. de Constantia cap. 14. Cato percussus in os, negavit factum: majore animo non agnovit, quàm ignovisset: quæ sic dicta, specie sunt maiora quàm veritate: Verum ne præjudiciis cõtra nos agatur, aliq; vel invidiæ, vel suspiciones amovendæ sunt. Quorum,

Una esse posset ut malè existimemur amatores injuriarum, & ad aliorum offensionem propensi, aut amatores rixarum, ac jurgiorum, quo hominum genere nullum est odiosius, qui non solum ab omnibus Communitatibus, sed etiam ab Urbibus & Republicis, immò ab omni hominum cætũ longè arcendi sunt, & eiiciendi: qualibus hominib; tantum abest ut faveamus, ut potius contra eos decertemus: Neque enim eos laudamus qui injuriam inferunt, sed qui ulciscuntur, primi enim sunt injuriosi, alij vero injuriã quantũ possunt, & à se, & ab aliis amoliuntur: Nam sicut non laudamus, aut approbamus crimi-

criminum authores, sed vindices, eodem modo damnamus eos, qui injuriam irrogant; eos autem laudamus & approbamus, qui injuriarum authores reprimunt, & ulciscuntur, quasi injuriarum vindices, atque hostes.

Altera suscipio esse posset nimis teneritudinis animorum, quā fieret ut nimis delicati & ad omnem injuriam molles essemus, ut qui rebus omnibus offendamur, qui unius aciculæ puncturam, mortale vulnus interpretemur, aut adeo simus iracundi, ut ad minima bilis nostra commoveatur, aut ita morosi & impatientes, ut singulis nos lædi queramur, & omni occasione omnibus inimici fiamus; ita ut nihil unquam cuiquam à nobis parcat: Nos non salutavit aliquis, aut imprudentiā, aut alio casu: haud dubiè, quia nos contempsit: Non blandè, aut urbanè respondit: hostis est, aut inimicus: faciet locutus est, & festivè, aut subrisit: contumeliosè tractavit: Beneficium non fecit aut negavit: apertè inimicus est, & odit: odio odium reponendum est: durius locutus est, aut se vel alium mihi pretulit, aut re minimā offendit: injuria hæc sanguine luenda est: Quæ agendi ratio si semel inter homines locū habeat, nullus unquam erit amicus, omnes erunt hostes, cum omnibus hominibus inimicitia suscipiendæ sunt, & gerendæ: & iam uni homini orbis totus incolendus est, & omnes eiiciendi: si quietè vivere velit: Nolim adeo delicatam esse amicitiam, ut quilibet injuriā esse designat, sed nolim etiam, adeo esse stupidam ut nihil sentiat: fateor multa ab amicis, immò & passim ob omnibus

multa esse ferenda & dissimulanda quæ humanæ conditioni condonentur: sed assero quasdam esse offensas quæ cum amicitia constare non possunt, quædam esse quas aut non sentire, aut dissimulare, aut ignorare, aut non ulcisci nemo possit, qui non sit vel servilis ingenij, vel abjectæ & stupidæ mentis, ait ingeniorum Princeps, Aristoteles multis in locis: Hoc etiā innuit Ecclesiast. cap. 22. *Mittens lapidem in volatilia, dejiciet illa: sic & qui convitiatur amico, dissolvit amicitiam. Ad amicum etsi produserit gladium, non desperes: est enim regressus. Ad amicum si aperueris os triste, non timeas: est enim concordatio; excepto convitio, & improprio, & superbiā, & mysterij revelatione, & plagâ dolosâ: in his omnibus effugiet amicus. Ex quo loco colligitur quasdam esse offensas quæ condonentur, quasdam autem quæ nunquam.*

Tertium est ne videamur Evangelicis documentis adversari, quæ præcipiunt inimicorum dilectionem, *Diligite inimicos vestros, & benefacite ijs qui oderunt vos, & orate pro persequentibus & calumniantibus vos*: sed sciendum est plurima esse in Evangelijs quæ non continent præcepta, sed cōsilia: de cōsilijs autè dicitur *Qui potest capere, capiat*, qui modò loquēdi significat non hoc esse omnium capere, & qui non capiunt, non peccare, quod de inimicorum dilectione, accipere debemus, scilicet non esse præceptum, sed cōsiliū, à quo recedi potest cum ratione, ut sciamus non omnem vindictam damnari: Hos scopulos prætervecti ad rei ipsius probationem veniamus: ac doceamus vindictam non mo-

Ec do

vindictam non modò non esse illicitã sicut iniuriæ indebitæ, sed plerumque etiam rationabilem esse, perutilem, ac ferè necessariam:

1. Ratio peti potest ex ipso totius naturæ sensu, omnia enim se se tacito quodam instinctu tuentur atque defendunt, & injuriam propulsant. Id videre est in rebus insensatis, ut elementis, quorum perpetua pugna est, in Plurib⁹ mixtis, plantis, & arboribus, in quibus mirabiles videmus sympathias, & antipathias; in omnis generis animalibus, in pueris, in quibus natura sola est, non mores, non aliena persuasio: Quæ autè secundum naturam sunt, ea in vituperationem & reprehensionem cadere nò possunt, utpote quæ carènt malitiâ: Quid quod licet nociva animalia occidere, venenosas herbas radicare, hostes suos propulsare, & consequenter suos etiam inimicos ulcisci. Audi quid dicatur Numerorum cap. 25. *Hostes vos sentiaut Madianita, & percutite eos, quia & ipsi hostiliter egerunt contra vos, & decipere insidijs, per idolum Phogor*: Hinc bella possunt esse licita & iusta, quãdo aliter allatæ injuriæ satisfactio haberi nequit: Quia sicut princeps potest internos malefactores compescere, & punire, ita potest etiam externos: Nam principes alij alijs ratione injuriæ quodammodo subijciuntur, atque ita malefactores, seu injuriæ illatores, compesci, & castigari bello possunt: Idem cogita, respectu singulorum, cum aliter ius suum repetere nò possunt, quam ultione, id ipsis esse licitum, nam sicut unicuique licet jure naturæ vim vi repellere, ita eodem jure licet vim jam illatam refarcire, cum tandiu duret damnum quandiu non est vindicatum:

2. Ratio petitur ex sensu sapientum ne putes depravatum esse illum communem naturæ sensum: Nam uti advertit S. Ambros. lib. 2. de Abraham cap. 6. dictum fuit Chilonis, unius de 7. sapientibus Græciæ: affectus injuriæ, reconciliare, contumeliam verò ulciscere: Laërtius lib. 6. Institut. cap. 18. refert Tullij dictum. Vir bonus, nemini noceat, nisi injuriâ laceratus: Aristotel. lib. 4. Ethic. cap. 3. agēs de homine magnanimo; ait, eum non esse maledicū, ne in inimicos quidem, nisi ob contumeliã: apertè significans, iustū esse pro illatâ contumeliã, contumeliam & maledictum repone-
re: Ex quibus locis patet 1. Virum bonum, non debere ultro injuriam irrogare: 2. Non sufficere quamlibet injuriam ad ultionem provocandam, nam leves negligendæ sunt, & ignoscendæ: 3. Quasdam esse injurias quæ non debeant condonari, qualem dixerunt Aristoteles, & Chilo unus ex 7. Græciæ sapientibus esse contumeliam: Ratio esse potest: Quia ex Aristotele 2. Rhet. cap. 2. Contumelia est, damno, atq; dolore affici in ijs in quibus turpe est pati: nempe circa honorem qui nobis vitæ charior esse debet. Nam si dixit Sapiēs Ecclesiastici 41. *Cirram habe de bono nomine, hoc enim magis permanebit tibi, quam mille thesauri pretiosi & magni*, certè nemo negligere debet recuperationem honoris, quæ fieri nò potest, nisi per vindictam, quæ hñonorem repetit ab injusto detentore:

Hinc multi Duella apud milites, & Nobiles, & Aulicos usitata, defendunt: nò illa quidē quæ sine ullâ occasione, aut solâ temeritate, aut vanitatis

studio

studio, aut alios laceffendi libidine fiunt, sed quæ sui honoris defendendi causâ suscipiuntur: eo quippe res recidit ut nulla jam sit in Nobilibus, sui honoris aut defendendi aut recuperandi ratio, quam si aut duellum oblatum admittant, aut offerant sui honoris injusto raptori: Nam si ad obtinendam vel retinendam aliquam dignitatem, licet cum alio qui obfistit, etiam cum vitæ periculo decertare, quis dubitet, non licere quoque acceptationem Duelli, quæ jam ex consuetudine, inter nobilitates recepta, ad sui honoris integritatē servandam necessaria est: Cum enim, ut ait Philosophus lib. 4. Ethic. cap. 3. bonorum omnium externorum maximum sit honor; quod hinc probatur, quia Dijs ipsis, tribuitur, & quia à viris maximis, & in dignitate positis affectatur, & quia uti præmium, ob res præclarissimas, tribui solet: certè quod pro cæteris bonis licitum est, ut pro divitijs, & libertate, multò magis pro honoris conservatione: Et quidem si actus invadendi furem aut prædonem, conantem pecuniam meam auferre, quam aliter recuperare non possum, est licitus: quis jam dubitet licitâ esse acceptationem Duelli: cum in eâ solâ sæpe sit honoris sui defensio, aut ablati recuperatio. Nec satisfaciunt qui eiusmodi honoriem imaginariū esse dicunt; Quia cum ex Philosopho honor, nihil sit aliud, quam judicium, & testimoniū de alterius excellentiâ, cum jam ex cōmuni opinione hominum, & ex receptâ consuetudine factum sit, ut ad eiusmodi judicii de alterius excellentiâ, in Militum & Aulicorum, atque Nobilium mentibus, necessaria sit accepta-

tio Duelli; Jam ex eiusmodi acceptatione, eorum honor dependet: Nec magis etiam me movet, quod dicatur, illud judicium esse erroneum, cū ea causa non sit omnino sufficiens, ut tale iudiciū seratur? Nam satis est, ita se rem habere, & ita fieri, cum honor sit tantū existimatio de alterius excellentiâ; & existimatio oriatur ex cōmuni hominum sensu, licet ille sensus, oriatur ex causâ minimè sufficienti, ex parte objecti: sicut quotidie fit, ut aliquis ex falsâ accusatione honorem perdat, verè enim perdidit: Ita fit in eâ nobiliū existimatione: Nam ut demus causam non esse sufficientem, quia tamè ita passim creditur apud nobiles, is qui Duellum non accepit, honorem suum perdidit ut apud Lacedæmonios, qui clypeum abiecit apud alios, qui terga vertit: licet non apud Parthos, quòd isti fugiendo pugnarent: ut apud Iaponicos, qui mori iussus à principe mortem gladio sibi non conscivisset: Itaque licitum erit acceptatione Duelli honorē suum recuperare, cum ea unica recuperandi ratio relicta sit: Neque magis terreo legum prohibitione, & Principis decreto, sub gravibus pœnis, Duellum quâcunque ex occasione prohibētis: Nam vel aliquis dicere posset, eiusmodi leges tantum esse pœnales, quæ ad pœnam tantum obligent, non ad culpam: quales multæ sunt ad politiam? vel uti aliquando dicitur, dari bellum utrinque iustū: Itaque iustam esse principis prohibitionem, & iustam esse privatum Nobilis actionem: Principis quidem, ne si Duella permetterentur, aut sincerentur inulta, multis daretur occasio inferendæ injuriæ, Ec 2 præ-

prætextu ultionis, & honoris recuperandi: Privati autem hominis, qui possit honorem suum vel tueri, vel recuperare, non minus licite, quam quilibet sua bona. Denique dicere forsitan aliquis audacius posset, Principem esse quidem posse bonorum meorum, immo etiam & vitæ meæ dominum, sed non etiam honoris mei, atque famæ: Itaque sicut leges dum prohibent, ne quis privatâ autoritate, sua repetat, non impediunt justam compensationem, dum aliter mea recuperare non possum: ita mihi quoque licitum est, illâ unicâ mihi restante actione, honorem meum, aut defendere, aut recuperare:

3. Ratio hinc petitur quod hic sensus totius naturæ, & omnium sapientum non sit malus, & illicitus.

Probatur 1. Quia non est injustus: Neque enim vindicta violat ius alterius; sed potius, qui primus injuriâ intulit, jus violavit, & lædendo alterius jus suum amisit, itaque vindicta non est iniusta: Vnde Aristoteles 2. Rhetor. cap. 2. Qui par pari reddunt, non contumeliatur, sed ulciscitur: quasi diceret non esse illos injuriosos, neque contumeliosos, sed illatæ sibi injuriæ vindices: & hinc oritur quod communiter credatur, eos passim iuvare à Numine qui sunt offensi: quod ex parte illorum sit jus: itaque Aristot. loc. cit. cap. 5. ait affectos injuriâ esse confidentiores, quod credatur Deum opitulari injuriâ affectis: Vnde in fine libri de Mundo ad Alexandrû. Ultio, comes est Numinis: ac licet leges aliquando vindictam prohibeant, non tamen sequitur esse illicitam, sed tantum esse contra obedientiam Legis-

latori debitam, si ille perfectam à nobis exigit patientiâ: verum sicut in bonorum injuste ablatorum restitutione, cum non sunt aliæ viæ recuperandi, licet ea per occultam compensationem resumere: ita cum aliquis injuste meum honorem retinet, si aliter recuperare non possum, quam reponendo injuriam, quis dubitet in eo casu licitam esse ultionem?

Probatur 2. Quia qui se ulciscitur, non modo injustus non est, cum nullius ius violet, sed etiam iustus est, & positivè iustitiam exercet: Nam uti agnovit Aristot. 5. Ethicor. cap. 5. Multi, inter quos fuerunt Philosophi Pythagorici, ipsam repassionem iustam esse docuerunt: itaque definientes iustum, repassionem esse dixerunt: unde adeo laudata fuit iustitia Rhadamanti dicentis. Si contra passus fuerit, quod fecerit idem: iudicium planè rectum, vindicta quoque fiet: Eadem quoque fuit lex 12. Tabularum: si membrum rupit meum ex pacto, talio esto: imò in lege divinâ, idem præcipitur Exod. 21. & Levit. 24. Qui irrogaverit maculam oculi pro oculum, sicut fecit, sic fiet ei: fraduram pro fradura; oculum pro oculo: dentem pro dente restituat, qualem inflixerit maculam, talem sustinere cogetur: Hinc docet Aristoteles 1. Rhetor. cap. 12. Facile injuriam irrogari iis, qui aliis iniuriam intulere, aut inferre solent: Rationem subdit. Nam id non videtur ferè injuria, cum tale per pessus quispiam sit, quale ipse facere solitus sit: & si quis convitiari solitum verberaverit: vel eos qui male fecerunt aut voluerunt, aut facturi sunt: nam & voluptatem id. & laudem habet, nec ferè injuria esse videtur:

Quod

Quod dicit eiusmodi retributionē habere voluptatem, novā aperit rationē iustitiæ: Nam sicut Injuria dolorem affert, quia fit contra voluntatē eius qui patitur injuriam: ita voluptatem habet retributio, & ultio: in eo igitur est iustitia, ut sicut qui offendit, ex alterius dolore voluptatem cepit, quia excellere sibi visus est: ita vicissim alter ex eius dolore voluptatem accipiat, quasi reciprocante victoriā: Vnde idem 4. Ethicor. cap. 5. distinguens varios iræ gradus, ait esse aliquos, qui odium diutius retinent, & eos vocat amaros, neque eos placari vult, nisi ultione: Amari (inquit) longo tempore sub irā sunt, detinent enim ipsam: sed ubi reddiderint, cessant: ultio namque ponit iræ modum, pro dolore voluptatem efficiens: quod si hoc non fiat, habent ipsum pondus: Hinc docet 1. Rhet. cap. 10. differre pœnam, & ultionem: Quia pœna eius gratiā fit qui patitur: nam aut emendatur, & corrigitur, aut impeditur ne amplius peccet: ut nemo pereat ait Seneca l. 1. de Ira c. 6. nisi quē perire, etiā pereūtis intersit, ultio verò eius est, qui facit, ut expleatur: Hinc quidā dixerunt nihil esse gratius, aut iucundius ultione: sic Aristot. 1. Rhetor. cap. 11. ulcisci iucundum est: quod si non assequaris, triste: si assequaris, id iucundū est: Qui verò irascuntur, magnopere dolent, nonulti: Idem lib. 3. Ethicor. Ira voluptatē quandam habet, cum spe, nempe ultionis sumendæ.

Probatur 3. Ex publicā scelerum vindicatione, quam nemo negat esse iustissimam, cuius exemplū habemus in iustitiā divinā vindicativā, quācū

eius sanctitate, & bonitate, rectē cohærere, optimē docet S. Cyril. Alexandr. contra Iuliani Apostatæ calumniā lib. 3. adversus ipsum: & probat S. Cyrillus 1. Quia constat esse bonum, non ferre mala, quæ coercere potest, ac debet hæc iustitia: 2. Quia constat supplicia iusta esse veluti vincula, quibus improbitas constringitur, ne licenter in quodvis scelus feratur, quod impedire, nemo improbet sanę mentis: alioqui omnes leges damnandæ essent, quibus firmandis Legislatorum providentia, non sine ratione, supplicium adjunxit: quasi retinaculū sceleris: Eodem sensu Syneſ? Epif. 121. Publicus gladius, non minus, quā lustralis aqua, quæ in templorū vestibulis collocatur, civitatis est piaculum: Idem voluit Apostolus Rom. 13. *Vt nō timere potestatem? bonum fac, & habebis laudem ex illa: si autem malum feceris, time: non enim sine causā, gladium portat: Dei enim minister est, vindex in iram ei, qui malum agit:* Plato lib. 9. de Legibus. Profecto legum optimarū officiū esse dicimus, ita animos hominum instituere, ut oderint iniustitiam, &c. Legislator Id assequatur, seu voluptate, seu dolore: vel honore, vel infamia: quos verò insanabiles esse senserit, ultimo supplicio hos afficiat: Nam horum exemplo, à peccato ceteri deterrentur, & improbis hominibus, civitas ipsa mundatur: Et ut ait Seneca lib. 1. de Ira cap. 8. Qui vivi noluerunt prodesse, morte eorum certē respublica utatur. Sed 3. præcipua, & quasi fundamentalis ratio est: quia eo aliquando devenitur, ut & communitati, & parti lēſe satisfieri nō possit, nisi supplicio lædētis: unde utique ei pœna debetur.

Ad

Ad hæc quælibet injuria, iusto suo stipendio digna est, illud autem non est aliud quam pœna: Nam quantum quis male sibi in pravo opere placuit, tantum debet pœnæ, prudenter definitæ, repositione tristari, & hanc causâ plec- tendi iustam esse, & legitimam agnos- cit S. Aug. lib. 2. de peccatorum me- ritis, & remissione cap. 16. & 34.

Hoc posito tria hinc infero: primû est eiusmodi: igitur vindictio, & ultio, ex suâ naturâ non est illicita. alioqui neque publica licita esset, quod nemo ratione præditus negare audeat: secus enim lata via criminibus operi- retur, dum mali nihil timerent, ac nullum esset vitiorum repagulum, & impedimentum: 2. est, quoniam sæpe iudices ac Magistratus reos non puni- ût, neque satisfaciunt læso, hoc illi unû superest, ut quo ipse modo potest, jus suû repetat, atque refarciat, quod quia sæpe nō potest, nisi priuatâ, uindicta se- quitur eâ posse adhiberi, ut mediû ūicû sua recuperandi: 3. est, ut in ijs casibus, in quibus publica iustitia non potest, aut non vult vindicare læsum, in illis quilibet possit suum jus ab inimico re- petere: cæteroquin contingit, quod dicit Ecclesiastes c. 4. *Vidi calumnias quæ sub sole geruntur, & lachrymas innocentium, & neminem consolatorem: nec posse resistere eorû violentiæ, cum dorum auxilio destitutos.*

Probatur 4. Quia oportet modum imponere injurijs, quod non melius fit quam vindicatione: sicut enim scelera multiplicantur, si non puniuntur; ita injuriæ, si non vindicentur: quod patet experientiâ. Neque enim facile aliquis illum offendit, qui nihil ignos-

cit, è contrario verò qui ovem se præ- stat, facile à lupo devoratur, & hoc Reipublicæ utile est, ut nonnullorû au- dacia coërceatur: Hinc Aristot. 1. Rh- etor. 12. enumerans eos qui facile in- juriâ afficiuntur, sic loquitur: Illi facile injuriantur, qui affecti à multis iniu- riâ, non curant de ultione: Nam uti dicitur in Proverbio, Myſorum præda sunt: Myſi autem abjectissimi fuerunt hominum, unde pro ultimo hominum apud Tullium dicitur, ultimus Myſorû: qui itaque nullam habent defensionē, neque se vindicant Myſorum præda sunt, hoc est omnibus, etiam abjectis- simis hominibus expositi sunt, & ab omnibus malè tractantur. Idem dicit de iis, qui nec ad dicendum, nec ad fa- ciendum, multum valent: nam ii aut ulcisci negligunt, aut reconciliantur, aut non ad finem usque persequuntur: Item de iis quibus inutile est tempus consumere, dum iudicia, & compen- sationes expectant, quales sunt adve- næ & opifices, qui injuriantes sibi, par- vo abloluunt, & facile mitigantur. Et loquens de iis qui facile injuriâ affici- unt, inter alios eos indicat qui se ve- niam facile consecuturos sperant, præ- fertim in rebus quæ occultari possunt. Ex quo Philosophi discursu patet causam ordinariam cur facile injuria fiat, esse, quod non satis qui offensi sunt se ulciscantur, ideoque vel eo solo nomi- ne licitam esse vindictam, ut injuriis modus imponeretur.

4. Ratio petitur ex eo quia vindicta pertinet ad fortitudinem, ille enim fortis est qui est invictus, & consequē- ter qui repellit injuriâ, si non omnē, nā aliqua

aliqua ob levitatem negligi debet, sed eam certè quæ honorem attingit, & quam ut ait Philosophus, turpe est pati: unde uti diximus, Idem Arist. 4. Ethicor. cap. 3. docet virū magnanimū non esse maledicum, ne in inimicos quidem, nisi ob contumeliā, apertè indicans esse aliquam injuriam quam vir magnanimus pati non debeat, sed ulcisci: & illam dicit esse contumeliā: quia ex eodem 2. Rhetor. cap. 2. in eo est contumelia, quod quis damno, aut dolore afficiatur, in quibus turpe patienti est, non ut qui facit contumeliā, idem faciat quod sibi factum est, sed ut voluptate afficiatur: In eo autem est voluptas, quod putet se malè agendo, magis excellere: in quibus verbis Philosophus includit causas ob quas vir magnanimus non debeat pati contumeliā, quia turpe est patienti, quia vera injuria est, cum non sit retributio, denique quoniā est contemptus personæ: Itaque in universum idem ipse pronunciat 5. Ethic. cap. 5. Homines aut reddere malum quærunt; quod nisi fiat, servitus esse videtur, quia servo non licet in dominum etiam injustè sævientem assurgere, aut retribui sibi bonum: quod nisi fiat, actus dandi, beneficiūque non sit, ideoque gratiarum templum in mediā civitate condere soliti erant, ut retributio sit: hoc enim gratiæ proprium est. Quasi diceret, tam esse justum reponere injuriam; quam justum est beneficium reponere: si enim primum non fiat, perierit libertas: si secundum, perierit beneficium: Idque etiam de Deo pronuntiat Scriptura 2. Reg. cap. 22. *Cum eleo, electus eris: Cum*

perverso, perverteris: Etenim Deus in præstantes in benefaciendo, eodem modo se gerit, magnis eos beneficiis cumulans: Quod si quis suam justitiam deserat, (hoc enim est perversum esse.) Ita Deus suum morem deseret, & ex bene faciente, puniens evadet. Idem sæpe inculcat, Levitici 26. *Si ambulaveritis ex adverso mihi, ego quoque contra vos adversus incedam*: Et Christus Matth. 7. *In qua mensurā mensi fueritis, remetietur vobis*: sed signanter Deuter. 28. *Sicut ante lætatus est Dominus super vos: bene vobis faciens, vosque multiplicans, sic lætabitur disperdens vos, atque subvertens, ut auferamini de terrā ad quam ingredieris possidendam.*

5 Ratio petitur ex naturā mansuetutinis, ne videat tam amabilem virtutem impugnare voluisse, quæ certè non in eo consistit. ut nunquam quis irascatur. aut ulciscatur: Nam, ut ait Aristoteles lib. 2. Etic. cap. 7. & lib. 4. cap. 5. Mansuetudo est mediocritas circa iram: is igitur, ait Philosophus loco ultimo, qui pro quibus, & quibus oportet, & ut oportet, & cum oportet, & quanto tempore oportet, irascitur; laudatur, estque hic mansuetus: si quidem laudatur ipsa mansuetudo: Defectus verò, siue sit quædam iræ vacuitas siue aliquid aliud, vituperatur: Qui namque non irascuntur pro quibus oportet, & ut oportet, & cum oportet, & quibus oportet, fatui sunt: nam neque sentire, neque dolere videntur: atqui qui non irascitur non est aptus ad ulciscendum: perferre autem calumnias, & suas negligere, est sine dubio servile: Ex quib⁹ verbis constat ultionem, aliquando non modò non esse malam, sed honestam, & actum

& actum virtutis : immò etiam , quod multi mirabuntur , & pauci putassent , actû mansuetudinis , quæ modum ponit circa iram , quem qui supergreditur iracundus est ; a quo qui deficit , præsertim in contumelijs , ex Aristotele , fatuus ceniendus est , & ingenij servilis , & ut ait in Magnis Moralib⁹ lib. 1 cap. 23. ἀνάλγυτος , stupid⁹ , torpens , insensibilis , & incommobilis , quia nullâ re commovetur , ut qui sit sine sensu , & qui dolere nesciat , quia non sentit : quapropter , ut ait , in reprehensionem cadit . Sicut enim (inquit) non decet exandescere omnibus , & omninò semper , quod facere solent iracundi ; sic neque contrâ ita se habere ut cuiquam nunquam , is namque incommobilis , & indolens , atque insensibilis sub reprehensionem cadit .

Quæ cum ita sint , vide an jure , an injuriâ , omnis omnino vindicta ab hominibus excludatur , quam tot rationes persuadent : Ego quidem nolim illam crudelem , & cruentam vindictam , quæ non nisi cædes molitur , & tantum aliis nocere quærat : sed aliam laudo gærosam , & nobilem , quæ uti nullam ultro facit injuriam , ita nullam , si gravis sit , patiatur . Nolim ego homines , ad rixas , & jurgia , & contentiones incitare , scio enim eos qui ad eiusmodi , aut naturâ , aut consuetudine proclives sunt , & incitati , odiosos esse , & intolerandos , & generis humani pestes esse : sed nolim etiam homines esse stupidos , & fatuos , & insensibiles , & assuetos servituti , qui abjecta quæque ferant cum dedecore . Non omnis vindicta crudelis est , si ipsa itia pars est mansuetude-

nis : Non omnis ferox est , & belluina : si aliqua , propria est hominis , non tantum generosi , sed etiam magnanimi . Nolim ego januâ aperire rixis , & contentionibus , sed potius velim illis modum asserere : ut qui sunt ad offensionem proclives , sciant le nò impunè laturus , si virum fortem offenderint . An non illud facere liceat , quod ipsæ leges faciunt , quod magistratus , quod justitia quæ unicuique jus suum reddit ? Sic instituendi sunt & informandi nobilem animi , & quibus natura generosam indolem dedit , nec mollia puerorum ingenia ad molliem inflectenda , nec ad servile statum deprimentenda : leves quidem injurias discant contemnere , & ferre patienter , ne nimium delicati esse videantur , sed contumeliam non leniter ferant , quam ut ait Philosophus , turpe est pati : quod autem turpe est , nemini nisi servo ferendum est , nemo vero turpiter servit nisi cui Jupiter mediâ cerebri partem abstulerit ut dixit Homerus : Ita fiet ut nemo unquam vel in se vel in alijs , quod turpe est & indecorû patiatur : Ita fiet , ut cum privatas injurias , ulcisci assueverint , discant aliquando publicas vindicare : Ita fiet , ut nemo vel palam inimicus esse audeat , vel palam nocere , cum unusquisque intellexerit , nihil se impunè laturû , sed statim adesse vindictam : quandoquidem magnis viris æquè persuasum sit , injuriam , neque inferendam esse , neque tolerandam : cum inferre injuriâ sit hominis procacis , & injusti : tolerare autem injuriam , hominis sit , aut timidi , aut fatui , aut servilis . Scio hunc discursû , tibi non displicere , ô Nobilitas , quæ

quæ generosos animos geris, cuius prerogativa, & virtus propria est fortitudo, quæ te hortatur ut te indignum nihil facias, aut feras, quod te pati turpe sit: Tu merito cætera omnia bona externa parvi facis, quæ cum omnibus habes communia, & quibus sine dedecore carere potes: Sed honorem vitæ ipsa habe chariorem, qui te super alios extollit: Ita tui maiores senserunt, ita vixerunt; his moribus cæteros homines superarunt; his institutis educati nihil se indignum passi sunt, sed suum honorem rebus omnibus prætulerunt, & omne dedecus, & suo, & alieno sanguine redemerunt: Non aliâ de causâ ensis tibi de latere pendet, non belli tantum tempore, sed etiam pacis, non ut facias injuriam, sed ut tibi illatam si gravis sit, aut repellas, aut vindices, ratus te tam lentum esse debere injuriæ faciendæ quam facilem ulciscendæ.

Ecce, Auditores, præclara humanæ prudentiæ effata, ac propè extremum quod aspirare sapientia illâ potest, de quâ loquens Apostolus ad Rom. cap. 8. ait, *Sapientia carnis inimica est Deo: legi enim Dei non est subiecta: nec enim potest.* En egregias, quæ prætexuntur causas ad cupiditates animi explendas, atque ad serviendum studio ultionis. En venenum, quo alitur juvenus, & Galliæ totius adolescentium innocentia corrumpitur, eò usque ut neque anathemata Ecclesiæ, neque Principum edicta, neque familiarum mœror, nec suprema quæque acerbitas, nec suppliciorum vis prohibere possint, & abducere à profundèdo Gallorum nostrorum sanguine, quo rixæ animo conficte vindicentur, lustineaturque honoris species,

qui nullus est, neque alio quoquam nisi mendaciæ fundamento nititur. Tantine istud est, ut salutis nuncium remittas, labem inferas conscientiæ, crimina mortem millies commerita admittas? animo certè quidem affectuque voluntatis, sine ullo amicorum, propinquorum, affinium, innocentium, respectu, teque addicas ultrò æternis ignibus, offensionis numinis, cruciatibusque nullum finem habituris? Quis tibi futurus est sensus in mortis articulo, ubi te in ultimâ præcipitium incumbentem videbis, nihilque expectabis reliquum, nisi postrēmam summi iudicis tui sententiam? sciscitare ab iis qui mortifero vulnere fauciatî sūt in singulâ aliquo vel prohibito certamine, ecquis sit ipsorum sensus? attende quantum eos præniteat facti quod tantopere optarunt, tantoque estimarunt pretio? ut detestabile animi sui propositum cõdemnant, quod alias amplexati sunt? Tum enim verò ignoscunt ijs, qui lethiferam infixere plagam, cum levein antea offensusunculam, fictamque damni speciem ulcisci, etiam cum vitæ periculo voluerint. Si fortis est animi vindicta, cur nam ignavi sub vitæ finem evadunt? Cur nō moriuntur uti vixere? Si actus est virtutis, dignusque forti homine, ac eo qui magnanimus vocatur, cur esse probi virtuteque præditi desistunt eo tempore, quo ij etiam qui minimè fuerunt, eiusmodi, esse concupiscunt? Nempè, quia ubi oculos occludunt ad claritatem solis, eos veritatis splendori aperiunt, & à vitæ erroribus abeunt. Parum tunc ipsorum interest, quid iudicent homines, plurimū autè, quid Deus suprema

Ff

veritas

veritas de ipsorum actionibus iudicet. Quid ad tui defensionem purgationeque coram maiestatis suæ throno dicturus es? Agebatur (inquit Deo) de honore meo. At, responderet tibi, de meo etiam agebatur, offensus fueram: Esto, sed offendere me non veritus es. Quod à me factum est, dices, id ego egi secundum mundi leges in quo verabar, & cuius pars eram: At, secundum meas, dices, vivere debueras. Nihil feci nisi quod universi homines approbāt: Sed ipsum istud est quod improbarem. Me ut honestum hominem gessi: Sed ut nequam improbumque Christianum. Egi nihil homine probo indignum: Tuus iste quidem error fuit, at contrarium præceperam tibi. Mundi sensa insecutus sum: sequi mea debuisti. Vixi ex legibus terræ, cuius incola eram: At legibus cæli adversabantur, cuius gratia te creaveram. Ex rationis usu esse duxi facere quod unusquisque probat: Sed quid rationis habere potuisti ad faciendum contra Evangelij veritatem? Voluisti me nobilem nasci: At quid nobilitatis est in ulciscendo, quod postremus hominum facere potest. Conditionis meæ professio ensem mihi ad latus alligaverat, non ut eo minime uter: Volo id quidem, sed nequaquam ut temere gladiatorem ageres, quò provocares utrumlibet, privas vindicare injurias, teque omnibus formidolosum præstares, verum ut propugnares patriam, servires Principi, & pro re nata offensas in Deum ulcisceris. Dic mihi, charissime Auditor, si fortè ultionis studiosus fuisti, quis tibi futurus est sensus, inferorum in tormentis, quibus secundum ea quæ

pronunciantur in Evangelio, quin dānandus sis abesse non potest, cum vindicta usus fueris, nec ignoveris inimico, post mandatum tibi à Deo sanctitū? O quàm id temporis, præclara mundi effata, videbuntur tibi non modò falsa atque injusta, sed ridicula prorsus, & dignissima contemptu! Quàm parum tuā tunc intererit ab unoquoque laudatum fuisse, cum ab Deo vituperaberis! ornatum fuisse fortis, generosique titulo, magnanimi atque invicti laude, quandoquidem te Deus contrariis omnino nominibus damnabit: *Qui me contemnunt, erunt ignobiles.* Exile illud cor, homo ille, vi & animo omni vacuus, non potuit sustinere voculam, convicium, despicientiam, torvum oculi conjectum, contemtionem: ulciscendum fuit sanguine, & suo, & inimici, utriusque vita, & quod absque indignatione dici nequit, propria salute, quam postposuit vindictæ, ita ut coercere illum non potuerint leges, debitaque Principi suo obedientia, subiectio Ecclesiæ, observantia Evangelio, timor Deo, qui minatus inferos, atque æternitatem pœnarum, ipsi ultionem prohibuerat. O quàm carè honor tibi constabit! quā crudelis tibi vanitas existet! quā certò ista quam expetieris vindicta subijciet te alteri longè graviori, nunquam terminandæ, quæ ad æternitatem usque pervadet. Si honoris & gloriæ respectus, saluti consulere Nobilitatem non sinit, & reliquos maxime in hominum genere speciosos, quid arbitrari possumus de aliis ultionibus, quæ ad res levioris momenti, viliorisque conditionis inter mortales perti-

perituen? *Quia si in vitidi ligno hæc sunt, in arido quid pet?* Sanctus Hieronymus scribens Romanæ mulieri viduæ, eam hisce verbis affatur: Cogita quotidie te morituram, & se secundis nuptiis nõ cogitabis. Idem te commoneo, chare Auditor, de morte crebrò cogita, & non tenebit te studium vindicadi quas acceperis injurias: levioris sunt ponderis quàm ut id exigant: meditaberis potiùs rationem vitæ anteaestæ, quàm Deo reddi abs te necessarium est. Disceqtationes alias habes dirimidas cum Deo, quæ quidem momendi longè gravioris sunt; namque æternam aut infelicitatē, aut beatitudinē spectant.

Verum, Auditores, cum vos cæco ignoscendi officio astringere nolim, & sine comemoratione rationum & causæ, mihi jam pro Evangelicæ legis defensione dicturo, eandem in audiendo attentionem date, quam hætenus adhibuistis dicenti pro infami Mundi lege propugnanda: ut intelligatis quàm optimo jure Legislator nolter edictum hoc in Evangelio promulgaverit: *Ego autem dico vobis, diligite inimicos vestros.* Omnes metas hodie supergreditur oratio, sed id exigit argumentum; nec vobis, etsi fatigatis, eiusmodi productionem fastidio futuram spero.

SECUNDA PARS CONCIONIS.

VT varia esse solent in magna hominum multitudine judicia, non dubito hîc fuisse aliquos qui nõ ita probarent, quod tam multis rationibus ita-

biliverim iniquam Mundi legem, quæ præcipit nullam injuriam condonari, quæ vindicari possit, & injuriam patientiam denotare animum demissum atque servile: & erunt fortasse aliqui, qui in me maiorem prudentiâ desiderasset.

1. Quia in turbâ plurima sunt infirma ingenia, quæ facile scandalum patiuntur; & in lege præcipitur Levit. 19 *Nec cæco pones offendiculum.*

2. Quia in materia quæ ad religionē spectat vel salutem, dubia non sunt movenda; ut pote quibus lædatur in multis innocentia, aut simplicitas, cum bonâ fide accipiant quæ proponuntur, solâ induciti proponentis auctoritate.

3. Quia vulgò exigua ingenia, capacia sunt difficultatum quas obijci audiunt, quàm solutionum quæ afferuntur: nam ad fornamdam sibi difficultatem, quilibet juvatur ab ignorantia, & ingenij traditate; ad concipiendam autem solutionem opus est aliquâ scientiâ, & ingenio: unde de rebus fidei, ut principiis nostræ religionis, & de plurimis controversiis, plurimi docent non esse uberiùs tractandum, coram plebe imperitâ, ne multi dubitare incipiant de rebus quas habebant ut certas, cum pauci earum rerum sint capaces: ita Christus quædam initio Apostolis suis occultavit, Ioan. 16. *Multa habeo dicere vobis, sed non potestis portare modo:* Et Apostolus 1. Cor. 3. *Et ego, fratres, non potui loqui vobis tanquam spiritualibus, sed quasi carnalibus: tanquam parvulis in Christo, lac vobis potum dedi, non escam; nondum enim poteratis, sed ne nunc quidem potestis, adhuc enim carnales estis.*

Ff 2 — Et

Et hoc maxime intelligendum est, ubi errores sunt vulgares. Ad hæc in rebus moralibus id valde periculosum est, in iis præsertim ad quas est naturalis inclinatio, & propensio; nam quod amatur, facile creditur.

4. Sed quæ persuadent vindictam, plausibilia sunt: & propterea facile admittuntur; quæ iubent inimicorum dilectionem, & difficilia sunt, & magis spiritalia: *Animalis autem homo non percipit ea quæ sunt spiritus*: Præcipue cum ea quæ à fide proponuntur, nostrum caput superent, & quæ sunt Evangelij præcepta, sint contraria sensui, & carni.

Verum cum magna mihi de vobis sit opinio & æstimatio, non timui vobis omnia proponere, cum aliqui sciam ea passim esse in hominum mundanorum sermonibus; quibus ut responderem, ea vobis etiam non fuerunt dissimulanda. Etenim & multum spero à gratia Dei, quæ vestris mentibus lumen, & voluntatibus robur addet. Deinde quam rationabiliter nobis præcepta sit iniuriarum condonatio, hinc apertius ostendimus, cum & probationes attulerimus, & contrariis responderimus cumulatè. Age igitur, aggrediamur.

Legem mundi diximus esse eiusmodi: nullam ab alio illatam offensam ferendam esse quæ possit vindicari, & iniurias nunquam esse obliviscendas: cuius defensionem atque patrocinium, ab homine mundano, secundum omnem humanæ prudentiæ sapientiam susceptum, sic audivimus, ut Christianis auribus horrorè attulerit. Lex Christi est in toto Evangelio sæpius promulgata,

quæ præcipit diligendū esse inimicū, & quamlibet iniuriā condonandam, cuius defensionem suscipimus, contra detestabilia mundi pronunciata. Certè si rem autoritate vellem definire, unico verbo totam causam abolverem. Si dicerem primæ legis, quæ vindictam indicit, authorem esse vel mundum, vel Mundi principem, hoc est Dæmonem: vel prudentiam aut sapientiam carnis, de qua Apostolus Romanorum 8. *Prudentia carnis mors est*; quia infallibiliter mortem affert: & *Sapientia carnis inimica est Deo*; *Legi enim Dei non est subiecta, nec enim potest*: Alterius autè legis esse Christum, qui datus est nobis à Deo Patre, ut Dominus, & Magister, & Legislator, qui est Sapientia in creata: *In quo absconditi sunt omnes thesauri sapientiæ, & scientiæ Dei*: qui est prima veritas, quæ nec falli, neq; fallere potest: qui est summa Sanctitas, & in corrupta lustritia; cuius leges non possunt non esse sanctissime, iustissime, & æquissime, & in seipsis justificatæ: ex quo fit, ut hoc si solum esset, nobis omnino sufficeret, quod opponerè omnibus⁹ autoritatibus⁹, omnibus⁹ iudiciis⁹, omnibus⁹ argumentis, omnibus⁹ legibus⁹ consuetudinibus⁹, præiudiciis, cōvictionibus⁹, demonstrationibus⁹ quibuscunque: cum Deus sic pronunciantè audiam⁹ in Evangelio: *Ego autè dico vobis, diligite inimicos vestros*: Nam sicut in rebus⁹ quæ nobis ad credendū proponuntur, & nostris sensibus⁹, & experimentis, & rationi, & argumentis, & demonstrationibus, & placitis Philosophorum, & omni sapientiæ humanæ, & carnali prudentiæ, fidem decimus: rebus omnibus in contrarium se erigentibus, unicam

unicam Dei auctoritatem opposcentes, quæ apud nos plus habet ponderis, quam quidlibet creatum? Ita in morib⁹, & in iis quæ ad actionem pertinent, sola Christi auctoritas sic omnibus rebus præponderat, ut si aliquid damnet aut rejiciat, nullâ apud nos, aut ratione, aut auctoritate, fieri possit non dico certum, & indubitatum, sed vel tantum probabile. Itaque cum ex multis locis Evangelij constet vindictam esse prohibitam, & dilectionem inimicorum esse præceptam, secundum illud Matth.

5. Diligite inimicos vestros, benefacite his qui oderunt vos: Et Mat. 6. Si autem non dimiseritis hominibus, nec Pater vester dimittet vobis peccata vestra: & Matth. 18. Sic Pater meus cælestis faciet vobis, si non remiseritis unusquisque fratri suo de cordibus vestris: Quidquid in contrarium asserri potest, non dubito illud esse erroneum, detestabile, & abominandum; nulloque prætextu ultionis esse licitam: nullumque salvari posse, qui quamlibet iniuriam non condonet, qui quemlibet inimicum non diligat: unde Augustinus serm. 5. de Sancto Stephano: Nemo se circumveniat, nemo se feducat, qui vel unum hominem in hoc mundo odio habet, quidquid Deo in operibus bonis obtulerit, totum perdit; quia non mentitur Paulus dicens: Si dederò corpus meum, ita ut ardeam, nihil mihi prodest.

Quia tamen ante ipsius rationis tribunal stetimus, ne videamur solâ auctoritate agere, licet auctoritas divina prima omnium, & suprema ratio sit, Age, videamus quantis rationibus lex ista Christi innitatur, & quam futilibus, & imbecillis funda-

mentis lex mandî impia, quæ vindictâ vult esse licitam, fulciatur.

Tota Dei gubernatio ad creaturæ bonum ordinata est; quia cum Deus nullâ re indigeat, secundum illud Pauli ad Athenienses Actuum 17. *Nec manibus humanis colitur, indigens aliquo*, omni creaturâ carere potuit; sed quia infinitè bonus est, non passus est, se unum bonum omne possidere, sed creaturam & entis & innumerorum bonorum voluit esse participem: hinc factum ut omnem suam gubernationem in bonum creaturæ ordinavit. Itaque cum creaturam rationalem gubernet per legum directionem, eas omnes in bonum eius destinavit. Atque ut de hac una tantum agâ, quâ nobis præcipit inimicorum dilectionem, & injuriarum condonationem; inter cætera eius beneficia, hoc non minimum agnoscit Isidorus Pelusiota libro 3. epist. 234: ad Dioscorum, quod prohibiti sumus injuriam reponere: & licet (inquit) hoc mirum, atque ab hominum opinione remotum videatur, maximum tamen est beneficii genus *evergesias eidos megiston tulkaneî*. Atque inter cæteras causas, hæc non minima esse videtur.

Primo, quod longè facilius sit, suavius, atque iucundius ignoscere, quam vlcisci. Non ignoro atque dissimulo fuisse aliquos qui dicerent nihil esse ultione suavius, atque iucundius; ideoque dictum esse communiter de ira, quæ nihil aliud est quam amor vindictæ, dicit Aristoteles 2. Ethicorum capite 2. eam defluente melle dulciorem in virorum pectoribus gliscere: cuius rei hanc ipse ex suo sensu affert rationem.

Ff 3 Iram

Iram sequitur voluptas propter spem ultionis: iucundum enim est, si quis putat se ea consecuturum quæ expetit: nemo enim quæ sibi videntur impossibilia expetit, quare iratus possibilia sibi expetit, & hinc voluptas iram consequitur, & quoniam in ulciscendi cogitatione immoratur, quæ imaginatio voluptatem efficit similem ei quæ in somniis accidit. Sed si rem exactè examinemus, inueniemus innumera mala pati cum qui iniuriam referre conatur, uti rectè explicat Isidorus Pelusiota libro 2. epist. 67.

Primo quidem in ipso sensu injuriæ, & commotione quam patitur: Imprius enim (ait Isidorus) ebullit in eo affectus, (aptissimo verbo usus est) uti uti videmus initio tempestatis pontum effervere; deinde ad vindictæ cupiditatem extimulatur, quod non fit sine sensu & dolore 3. Infinitos fluctus excitat variorum sensuum, qui etiam apparent in exterioribus, in oculis præcæcitim & toto vultu, in brachiis, in pedibus, & toto corpore; neque enim passio in nobis excitatur sine aliqua corporis immutatione: nulla autem passio graviolem efficit, quàm iracundia, quæ est excarescentia, & ebullitio sanguinis circa cor, unde spiritus vehementissimè inflammantur, & sic inflammati, per omnia corporis membra variè discurrent 4. Mille cogitationum vias ingreditur, dum varia sibi representat. 5. Metus subit, ac tremor, animique angor, qui rationem subdit, iracundiâ nimirum, cum interrumpente, hoc est discerpente, ac metu concutiente, dum illud secum cogitat, quo-

niam pacto quod cupit, assequatur, ac ceptamque injuriam vindicet: & rectè subiicit Isidorus. An non videtur tibi eiusmodi homo, ante cum qui pœnas daturus est, ipse pœnas dare? Atqui patientiam adhibet, & ignoscit, ab his omnibus exemptus est: totius enim negotij dominus est, & ipse totum absolvit, & quidem uno actu, videlicet patientiâ.

Secundò: Non levia patitur ab odij amaritudine, quod cum qui illo flagrat nunquam sinit quiescere: nam (ut ait Sanctus Chrysostomus homil. de similitudine) qui vindictam adornat, seipsum tormento sufficit, iram sibi uti carnificem apponens, sua ipsius viscera dilanians. Et sicut furiosi nullâ tranquillitate fruuntur, ita qui similitudinem gerit, & habet inimicum, nullâ unquam pace fruitur: perpetuò æstuat, tempestatem cogitationum in dies aggravans: vide enim quid agat; omnia inimici sui verba & facta secum reputat; ac ne nomen quidem ferre potest: si illum audiat tantummodo nominari, continuo efferatur: magno cum animi cruciatur: ad solum illius conspectum trepidat, & horret, tanquam si ultima pateretur: quod est quid ad illum pertinens, ut vestem, vel donum, vel angiportum videat, omnium istorum intuitu torquetur: ut enim amicorum vestes, vultus, calceamenta, domus, vel angiportus, mox ut visa fuerunt, excitare nos, & commovere solent: ita quoque inimicorum, & odioforum servus, amicus, domus, angiportus, in conspectum datus, aut quodcumque illius monumentum, animum verberat, & alias super

super alias, ut visum fuerit, plagas incutit. Itaque si vel gehenna deesset, quæ odio laborantibus certa est, tamen vel ob odij ipsius cruciatum condonanda essent peccata: cum autem æterna supplicia eos maneant, quid stultius est, quam hic & illic semetipsum mutilare, dum de altero se credit ultionem sumere? si enim florentem illum videat, mœrore perit: si afflictum cernat, veretur ne in melius fortuna se convertat, undique sibi supplicium adsciscens: cum è contrario ut ait ibidem, nihil facilius sit, quam homini qui te læserit, iram remittere: non enim longis ad id peregrinationibus opus est; non pecuniarum insumpu, non aliorum exorationibus; sufficit ut tantum velis, ac jam virtus illa suum opus explevit: quibus verbis mira veniæ facilitas indicatur.

Tertiò: Quatæ difficultates in adoratione vindictæ; nam ut ait Isidorus eo loco, vindicare se volenti, & temporis commoditate opus est, & loco, & fraude, & versutâ improbitate, & armis, & machinis, & adulatione sermonis, & hypocrisi: alter autem qui ignoscit, per se totum absolvit: & ut modò dixit Chrysost. sufficit ut tantum velis, & jam virtus illa suum opus explevit. Itaque rectè idem homilia 41. in Actâ Apostolorum: Ipsos ulciscendi avidos perdit ultionum meditatio, ut futura præteritum: nam quantem putas tormentum esse hominis afflictæ animæ, quotidie cogitare ut ulciscatur inimicum: necessarium enim est apud te flagrare ignem, & incendium in te augescere, dum cogitas quod malum inferes, &c. Quid hac inaniâ molestius, semper contri-

stari, & inflari, & ardere: tales enim sūt animæ eorum, qui ultionem meditantur, &c. Quare bestiam in viscera tua includis? melius esset viperam vel serpentem in corde tuo positum esse, quæ iram vel invidiam: nam illæ quidem statim excuterentur; hæc autem manet semper, dentes fortiter infigens, immissoque veneno, pessimarum cogitationum exercitus producit.

Quartò: Sed præcipuè patitur in ipsa vindicta, & nocummenti illatione: etenim tam is qui facit, quam qui refert injuriam, seipsum & prius, & gravius lædit, quam eum quem lædit. Audi quemadmodum id explicet Hierax in opere de iustitia. Id quod injuriam facit, & molitur insidias, est malitia, quæ ab authore incipiens, in illum qui afficitur, redundat; sed ipsum authorem magis afficit, minus autem qui injuriâ accipit: ab authore enim principium fit motus & excitatio: intus verò concitata semel injuria, parturientem primum incendit, & antequam pepererit, inflammat parturiginem, transiensque lædit, & veneno pertinaci inficit; ut ignis antequam ad alia se convertat, ipsam materiam in qua conceptus est, absumit: ita qui injuriam alteri infert, malitiam suam primus experitur, antequam in alios emittat: idem docuit Attalus apud Senecam epistolâ 81. Minimum ex nequitia, levissimumque ad alios redundat: quod pessimum ex illa est, & ut ita dicam, spississimū, domi remanet, & premit habentem. Huius effectus rationem affert Sanctus Chrysost. homil. in epistolam ad Hebræos in morali. Qui nullum est malum, quod

quòd se sistat in eo qui patitur; sed eum quoque qui facit, comprehendit: ut invidus quidem videtur alteri insidiari, ipse autem prior fructum accipit peccati, ut qui tabescat, & corrumpatur, & ab omnibus odio habeatur: Avarus alium privat pecuniis; sed sibi quoque auferit aliorum amorem, & efficit, ut eum omnes maledictis insectentur: Ita iracundus prius seipsum cruciat, laniat & discerpit; dein illum cui irascitur: & universim loquendo, qui bonum parit, & malum, jure merito prior ipse fruitur: & quemadmodum aqua vasa implet eorum qui afferunt, & fontem non minuit ex quo emanat; ita etiam & vitium & virtus, illum unde exit, & delectat, & perdit. Ex quibus omnibus satis constat, quod diximus, inter cætera Dei beneficia non minimum esse, quòd injuriarum condonationis legem nobis dederit: Nam si fingamus contrariam legem à Deo nobis datam esse, nullius ferendæ injuriæ, sed imperatam nobis esse à Deo ultionem, in quas angustias nos sæpe talis necessitas redigeret? Si enim à potentiori sis offensus, si ab æquali, si à pluribus, quis modus ultionis? & vide nùm ultio foret aliquando gravior injuriâ? Denique, uti præclare notat Isidorus Pelusiota lococit. inimicitia redderentur infinitæ, dū injuria ultionem attraheret, ultio non esset sine nova injuria, cui altera ultio succederet; quæ cum esse non possit sine injuria, aliam deposceret ultionem, cuius vicissitudinis nullus unquam finis existeret; cum is qui utitur patientiâ, inimicitiam statim extinguat, sævum hominem mitigando, & ad ami-

citiam arte mirabili alliciendo: ubi autem amicitia est, nulla remanet inimicitia. Rationem affert I. etul. 1. de pat. c. 18. quam supra retulimus: Omnis injuria cum patientiam offenderit, eodem exitu dispungitur, quo telum ali-quod in petra constantissimæ duritiæ libratum, & obtusum, concidit enim ibidem irrita operâ, & infructuosa, & nonnunquam percussum in eum qui emisit, reciproco impetu læviet: Ut scias plus lædi qui offendit, quam qui patitur, immò qui patienter fert injuriam nihil patitur, sed qui facit injuriam: quod autem dicitur de faciente injuriam, idem dicendum est de referente: unde sequitur eum qui patienter tulit injuriam, nec reposuit, nec à se, nec ab alio pati, ut scias quod diximus facilius esse, atque jucundius ignoscere quam ulcisci.

Secunda causa cur inter Dei beneficia magnum sit quod legem nobis dederit de non vindicanda injuria, hæc est; quia plus peccat qui non parcit, quàm qui primus offedit: est autè summum beneficiū à peccato liberari, & eo majus beneficiū, quod à majori liberemur: ut hæc veritas melius intelligatur.

Certum est 1. maius esse malum injuriam inferre, quàm pati: rationem dat Synesius epist. 67. quia inferre injuriam proprium est malum; pati autem est alienum: deinde, quia licet pati injuriam malum sit pœnæ, tamen culpâ vacat, atque adeo non est probrosum: ad injuriam inferre probrosum est; quia intervenit culpa. Denique sicut honor magis est in honorante, quàm in honorato, ita injuriæ irrogatio.

Certum

Certum est 2. quod is peccat qui infert injuriam, si ille etiam peccet qui reponit eam. Id latè probat Socrates apud platonem in Critone, & pro fundamento suæ doctrinæ id jactat, nulli omnino inferendam injuriam, quidquid tandè dicat vulgus, id enim contra justitiam est: quod annuente Critone, subinfert Socrates; neque igitur etiam licet & cui est facta injuria, vicissim rependere injuriam, quemadmodum vulgus exilimat, quandoquidem nullo modo fas est injuriam facere; mox adducto eodem, ut fateatur nulli damnum esse inferendum, addit, læsum, cum injuriam refert, damnum referre; unde concludit iniquam esse talem injuriæ repositionem: non igitur rependenda est injuria, neque damnum cuiquam mortalium inferendum est, quidquid tandem passi fuerimus ab alio incommodi. Eodem modo procedit libro 1. de Repub. ubi Socrates agens cum Polemarcho, destruit fallam vulgi doctrinam, quasi liceret de inimico ulcisci: si quis justum esse dixerit debita cuique tribuere; hoc autem intellexerit debere inimicis damnum à iusto viro; amicis verò utilitatem, non ita prudenter dixerit: nusquam enim justum est visum violare quemquam: itaque negat dictum illud, justum esse amicos juvare, & inimicos violare, esse alicuius sapientis, ut Biantis, Pittaci, & similibus, sed esse vocem tyrannorum, ut Periandri, Perdicæ, vel Ismeniae Thebani, aut alicuius potentiam affectantis: itaque Alcimus cap. 23. concludit ex Socratis doctrina: tantum malum injuria est, ut ferenda potius sit, quam

inferenda: hoc enim perversi est; illud infirmi. Id optime explicat Maximus Tyrius serm. 2. de non referenda injuria. Si simpliciter (inquit) injuriam inferre improbum est: etiam referre injuriam improbum est; nam si improbius est qui infert injuriam eo quod incipit, certè improbate ei æquatur qui hoc ipsum reddit: & si is, qui injuriam facit malè facit, qui malum pro malo compensat, non minus malum facit, quamvis malum ulciscatur: nam uti beneficium qui reddit ei à quo accepit prius, nihilominus benè facit, quamvis acceperit prius: ita qui remuneratur malum, non minus malum facit, quamvis prius malè acceptus sit. Idem enim illi contingit, ut qui fuligine imputum tractat, eadem se fuligine inficit. Ita qui concreditur cum improbo, eiusdem malitiæ fit particeps. Itaque constat ex istis æqualiter saltem peccare, qui infert, & qui refert injuriam, cum Idem faciant, & ut ait Lactant. lib. 6. Institut. cap. 18. Qui referre injuriam nititur, cum ipsum à quo læsus est gessit imitari. Adde Tertullianum lib. de pat. cap. 10. Quid refert inter provocantē, & provocatum, nisi quod ille prior in maleficio deprehenditur; at ille postremo? tamen uterque læsi hominis Domino reus est, qui omnem nequam, & prohibet, & damnat: nullo in maleficio ordinis ratio est: nec locus secernit, quod similitudo cōiungit: absolute itaque præcipitur, malum malo non rependendum: par factum, par habet meritum. Neque enim valet frigidæ quorundam excusatio, quod qui prior læsit, nos provocavit; nam ut benè

Gg

dixit

dixit Basilii comment. 17. de Ira: Non differt hæc excusatio ab ea quæ scortatur uteretur, suam omnem culpam transferens in meretricem, quod ab illa ad peccandum fuisset illectus, quasi verò non ideo æqualiter condemnetur. Mala res est injuria? hanc tu ne imiteris; neque enim quod te aliquis prior læcesserit, ideo judicii severitatē hac excusatione deprecaberis.

Sed parum est quod dixerim utrumque peccasse, & qui fecit, & qui retulit injuriam, cum uterque injuriam fecerit; illud addidi plus peccare qui refert injuriam, quam qui facit. 1. quidem; quia qui refert injuriam, magis voluntariè peccat, quam qui infert: nam ut ait Maximus Tyrius serm. 2. Qui infert injuriam ex ignorantia juris, injurius est; unde minus agit liberè, nam ignorantia minuit libertatem: qui autem reponit injuriam, melius novit quid illa sit, quoniam illam expertus est, & peccat post exemplum: unde Basil. com. 17. de ira. Tu hominem irā percitum adeo indecorè se gerentem intuens, non caves, ne illi similis fieres, sed indignaris, acerbius obiurgas, obluclaris, &c. Certè si ira malum est, cur malum illud non declinasti? sin veniā digna est, quid irascenti succenses? itaque te alterius exemplum instruere debuit, non provocare: cum igitur illator injuriæ non habeat exemplum instruere debuit, non provocare: cum igitur illator injuriæ non habeat exemplū, tu verò habeas, plus peccasti.

2. Secundo, quia qui infert injuriam, ad alicuius gratiā facere solet, ut vel bo-

num aliquod assequatur, aut illud alteri eripiat: at qui ulciscitur, cum solam vindictā appetat, nullā aliā habet suæ actionis causā, quā alterius malū, quod habet & pro fine, & pro motivo, unde altero est deterior.

Tertiò, quia qui ulciscitur plures leges infringit, quam qui primus offendit; nā qui ulciscitur, præterquam eandem leges infringit, quas illator injuriæ; idem enim facit quod alter, cuius est imitator; etiam peccat contra eam quæ prohibet vindictam, & quæ jubet ut inimicus diligatur: Roman. 12. *Mibi vindicta, ego retribuam, dicit Dominus*: Et Matth. 5. *Diligite inimicos, &c.*

Quartò, quia in vindicta semper est certamen quoddam; nam ut ait Basil. orat. 17. de ira, uter malis vincat, contentio exoritur, in quo vitiorum certamine, qui superior evadit, is est procul dubio inferior: cum itaque is qui ulciscitur, vincere studeat, certè ita fit, ut fere sepe sit deterior; in eiusmodi enim certaminibus improbis, ait Basil. loc. cit. inferior ille est, cui vicisse contigit, quoniam plus secum peccati reportat. Et hinc origo omnium malorum: hinc etiam nata omnia bella inter nationes, uti probat exemplo Græcorum Maximus Tyrius serm. 2. prætextum injuriæ existimantes, prævenientem injuriam: unde factum sæpe ut unam capientes urbem, multas everterent: ut enim (inquit) qui divitias quærunt, ac mari se committunt, maximo interdū scenore pecuniam sumunt: sic etiam qui irē indulgent, maximis se calamitatū usuris involvunt. Vide enim quid vindictæ studiū sequatur

sequatur apud Lactantium 6. Institut. cap. 18. Nam inde certamina inter homines, inde pugnae, contentionesque nascuntur, nisi quod improbitati opposita impatientsia, magnas saepe concitat tempestates: quod si patientiam, quā virtute nihil verius, nihil homine dignius inveniri potest, improbitati opposueris, extinguetur protinus, tanquam si igni, aquam superfuderis; sin autem provocatrix illa improbitas, impatientsiam sibi comparem nata est, tanquam persula oleo, tantum excitabit ignem, ut id non flumen aliquod, sed effusio cruoris extinguat: unde patet qui vindicat sepe addere ad injuriā.

Quintò, quia si malum est injuriam inferre, quod nemo negat; certe ille deterior est, qui maiorem infert injuriam; atqui uti ostendimus, ita fere fit, ut plus noceat qui refert injuriam, quam qui facit: unde licet putet se jure facere quod reponat injuriam, quasi idem restituat, in eo tamen manifesta injuria est, quod reponat maiorem: non jam, uti lex præcipiebat, *dentem pro dente, oculum pro oculo*: sed ut notat Basil. conc. 17. de ira: Sæpius injuriam non æquā lance rependimus, sed eam præter modum ulciscimur: Neque tantum irascimur, si contumelias accipimus, sed etiam si non honoramur: eos quoque qui nos minùs honorant, quam nos dignos putamus, pro inimicis habemus: In universum itaque id observandum est quod docet Isidorus Pelus. l. 3. Epist. 327. ut qui modum in ulciscendo excedit, censeatur injuriam inferre: nam cum quispiam majores delictis cruciatus infert, rursus injuriæ aufpex est; itaque uti superat pœnā,

ita superat injuriā, si superat injuriā, superat crimine.

Sextò, quia qui ulciscitur, injurias facit æternas, & inimicitias perennat: nam ut ait Maximus Tyrius serm. 2. Quis erit unquam injuriæ finis, si qui injuriam est passus, ultionem nequaquā remittit, profectò necessarium erit malum continuè ab alio ad alium transferri, ac transilire, injuriamque novam veterē semper injuriam excipere: quoniam quo jure permittis ei qui injuriā affectus est, ut injuriam auctori injuriæ reddat, eodē reddit iterum ad eundem vindicta: eadem enim juris in utroque ratio est, & idem agendi eadem æquitas est: vide igitur quid facias, qui jus constituis ex injuriis: quousque se diffundet hoc malum? ubi deficiet? Non vides quod facias, perennis improbitatis fontem moves, legemque fers quā primam malorum causam universus orbis agnoscat, & experiatur.

Septimò, quia vindicta peculiarem habet cum peccatorum condonatione oppositionem: nam alia faciliè condonantur, istud autem non codonatur, oportet ergo ut peculiarem in se contineat malitiam. Id probat S. Chrysost. hom. 1. de diversis novi Testamenti, cum exponit parabolam de decem millium talentorum debitore, quā significatur Deum faciliè remittere innumeriorum peccatorum multitudinem, quæ designantur per decem mille talenta: *Omne debitum remisisti tibi quia rogasti me*: sed non vindictam & negationem condonationis; etenim eum qui sic se gesserat, & durius objurgavit, cum scelesti appellans: *Serve nequam, omne debitum*

remisisti tibi, & durius tractavit; nam cum tortoribus tradidit, quod initio non fecerat: immo priorem revocavit misericordiam, & veniam datam retractavit, ut intelligeret sub illa conditione ei datam esse veniam, ut Idem conseruo faceret: quod cum non fecisset, veniam datam Dominus retractavit: unde subdit Chrysi. Quid est igitur peius injuriæ recordatione, cum benignitatem Dei jam depromptam revocet, & quæ non potuerunt efficere alia peccata, hæc efficiat ira erga proximum: Quamobrem non erraverit quis (pergit idem S.) si hoc peccatum gravius omni peccato pronunciet: alia omnia veniam impetrare potuerunt: illud solum adeo non potuit veniam adipisci, ut jam deleta, & jam extincta iterum resuscitaret: duplex igitur malum: pertinax injuriæ memoria, & quod nullam exculpationem apud Deum præstendere potest, & quod reliqua peccata jam remissa iterum revocet, & contra nos constituat: quod hic factum est: nihil enim omnino ita Deus odit, & averfatur ut hominem offensarum memorem, & tenacis iræ: quocirca audacter dixero omni peccato istud gravius esse: quin immo nec hoc dico, sed Christus per parabolam istam illud ostendit: si enim decem millibus talentorum, hoc est ineffabilibus peccatis, istud gravius esset, nequaquam huius causâ, illa omnia iam donata, revocata fuissent, &c. Nec meus est sermo iste, sed illius qui nos judicaturus est, Dei: ex quibus omnibus patet quod à me dictum fuerat, plus peccare qui injuriam ulciscitur, quam qui insert. Hinc vide quam malè adverfa-

rius ad justitiam retulerit injuriæ vindicationē, cum ipsa nihil sit aliud quàm maioris injuriæ irrogatio, quàm plurimū legum violatio, quàm maioris criminis admissio, quàm inimicitiarū perpetuitas & perennitas, quàm injuriarū accumulatio.

At oportet finem imponere injuriis, quod nullū ratione melius fiet, quàm si nulla impunè à quoquam seratur injuria, sed per vindictam alterā injuriā vindicetur: hinc enim unusquisque timebit alium offendere, si sciat se vindictam, & injuriæ repositionem expectare debere. At vide præposterum agendi modum, siquidem vindicatio æternas facit inimicitias, dum injuria injuriam excipit; nam si propterea alicui conceditur injuriam reponere, quia injuriam passus est, certè in eundem etiam revertitur ultio, quia aliam injuriam fecit; & sic deinceps ab altero in alterum fiet. At, inquires, injuriam non fecit qui primam injuriā ultus est, quia jus habuit ultionis, & tantumdem reposuit. Sed 1. ostendimus vix fieri posse, ut invindicta ita modus servetur, ut non excedatur: itaque ut non nova fiat injuria, cuius si ultio etiā licita sit, jà ab alio etiā vindicanda erit, & fiet ultionū mira multiplicatio. 2. Neque; offenso licet privatā auctoritate offendentē ulcisci: itaq; si faciat, iniuste faciet, & injuriā faciet, cū sese ulciscendi ius habeat nullum; nam qui prior læsit, ius habet, ne is quem læsit, de illata sibi injuria sumat ultionem, cum possit injuriæ illatæ compensationem exigere, implorato Magistratus auxilio cuius partes, si usurpat, qui læsus est, & auctoritate

sua

suâ injuriam reponat, injustè agit, non modo contra ludicem, cuius potentiâ sibi arrogat, sed etiam contra eum qui prior læsit: licet enim alter inæqualitatem induxeris cum iure alieno, tamè retinet jus, ne in æqualitatis inductæ reparatio, ab ullo alio inferatur, quàm ab eò, qui ad hoc munus delectus est, hoc est à Magistratu: qui si fileat, & injustè denegat ultionem, tolerandum est patienter, donec veniat iudex omniû, qui *arguat pro mansuetis terræ*. Neque valet exemplum quod affertur, de occulta resumptione rei suæ ab injusto detentore per compensationem, cum aliæ viæ suas res recuperandi intercluduntur: quia nuda injuria nullam facit inæqualitatem in rebus alienis, ac proinde nihil ad læsum attinens evertat in rebus offendentis vel formaliter, vel virtualiter, ut liceat absque injustitia sibi assumere in locum rei propriæ: unde patet ultionem fieri non posse absque injustitia, & maiore etiam, uti ostendimus, quàm fuerit prima læsio, ita ut peior sit qui refert injuriam, quàm qui primus facit.

Hinc collige quàm verè dictum sit à Sapiente, Ecclesiast. 28. *Qui vindicari vult, inveniet vindictam, & peccata illius servans servabit*: quia nimirum eodem modo se erga te geret Deus, quo tu erga proximum, secundum illud Matth. 7. *In qua mensura mensi fueritis, remetietur vobis*: vindicari voluisti, vindictam invenies: alterius offensas mente retinuisti, Deus peccata tua servans servabit: jam utrūque inter se conser, & tuâ vindictâ, & Dei vindictâ, quid potes quid Deus

potest: quò tua vindicta pertingere potest, quò Dei vindicta: tu aliena peccata servas, quia memoriâ eorū retines, & Deus servans servabit tua, sed quo usque? etiâ post interitū, etiam in æternitatem: sic pater meus celestis faciet vobis, si non remiseritis invicem peccata vestra de cordibus vestris: Pergit Sapiens loc. cit. Ecclesiast. 28. *Ipse cum caro sit reservat iram, & propitiationem petit à Deo: quis exorabit pro delictis illius?* In quibus verbis significat injurias in hominem admissas non posse esse magnas. *Ipse cum caro sit, reservat iram*: & cum hoc faciat, rem indignam subijcit, & propitiationem petit à Deo: quomodo enim veniam petere potest suorū delictorū, qui non parcit in se admissa: sed si nō petat, alius pro illo petet: vide quid subijciat, *Quis exorabit pro delictis illius?* ad eò nempe alienus est ab omni venia, ut nihil neque per se, nec per alium, sperare possit: quia oppositionē habet cum donatione veniæ, quod ipse non ignoscat: nam deneganti veniam omnis venia negatur: sed nimium id provenit quia nemo de sua morte cogitat: unde pergit Sapiens. *Memento novissimorum, & desine inimicari*: Nam qui mortem suam, & ultimum iudicium, ob oculos habet, non valde cogitat de ultione, sed magis de petenda venia, quam intelligit non esse sibi expectandam nisi ipse prius ignoscat, cum à Deo nunquam venia detur nisi sub hac cōditione: *Tabitudo enī & mors imminet*, hoc est brevi morieris, & putresces in sepulchro: talis itaque futurus, quid vindictam cogitas? *In mandatis eius, supple, permane: Memorare timorem Dei, &*

non irascaris proximo : Certè defectus timoris Divini in causâ est cur potius immoremur in ijs quæ alij contra nos moliuntur, quam in ijs quæ contra legem Dei audemus: at si iram Dei, si eius iudicium, si eius iracundiam, si supplicia æterna cogites, non cogitabis

de vindicandâ injuriâ, sed de venia impetrandâ, quam sequitur beatitudo ad quâ nos perducatur Jesus Christus, qui cû Patre & Spiritu sancto vivit & regnat in sæcula sæculorum.

Amen.



FERIA SEXTA CINERUM,

CONCIO QUINTA

DE DILECTIONE INIMICORUM.

Continuatur defensio Legis Christi circa injuriarum condonationem, quæ probatur esse omnium optima vindicta exemplo Davidis.

Diligite inimicos vestros. Matth. 5.

QUÆ hæcenus dicta sunt in defensionem legis Christi, quæ nobis vindictam prohibet, sufficere possent homini cordato: Sed appetitus vindictæ tam altas in hominum pectoribus jecit radices, ut una manu avelli non possit. Quod enim naturale est, semper recurrit, & cum putas excisum, renascitur, ac difficile est homini persuadere, numquam ulcisci. Propterea sicut quædam vitia ipsis virtutibus cõtra virtutes utuntur, ipsa vindicta, contra vindictæ appetitum utamur, efficiamusque quod ait Psalmista, *irascimini, &*

nolite peccare, quod fiet si ipsam condonationem ostendamus esse optimâ omnium vindictam: & vindictam obtineamus condonando. Quod ut nemo assequi potest, nisi per gratiam, neque ego possum dicere, nec vos ut oportet potestis comprehendere sine gratiâ, quam nõ nisi per Mariam sperare possumus, cû ipsa sit & auctrix, & mater gratiæ. *Ave Maria.*

MAGNA Dei bonitas est, & mirificatio ad rationes nostras accommodatio, quod cum nobis mandatum ali-quod indicit, ubi nostra natura multum laboris & difficultatis haberet, facile illud

illud nobis præstat quantum fieri potest, nobis id solum prohibens quod omnino noxiū est, & nobis permit- tens quod aliquo modo est tolerabile, ac sæpe numero nil nisi objectum mutans, minimè se opponendo propen- sioni nostræ, sed eam abducendo & ap- plicando ad quidpiam melius. Ita cum nobis humilitatem præcipit, fugamq; honoris, sicut novit appetitum hunc intimum esse in hominum animis, nobis spem objicit eius rei quam cupi- mus, nobisque honorem pollicetur, ho- noris contemptu: Matth. 23. *Qui se ex- altaverit, humiliabitur: & qui se humilia- verit exaltabitur.* Vetat nobis studium obeundi actiones nostras in conspectu hominum, eorumque approbationem optandi Matth. 6. *Attendite ne iustitiam vestram faciatis coram hominibus, ut videamini ab eis.* Verum quia scit aliunde in- clinationem quæ nobis naturaliter in- est, ut videamur, cum opus aliquod e- gregium facimus, nobis hominum the- atro gloriosius, aliud proponit, Deum- que præbet actionum nostrarum spec- tatore. *Et Pater tuus qui videt in abscon- dito, reddet tibi.* Obstringere nos poterat, ad serviendum ipsi absque ullâ remu- neratione, tantum potestatis in nos habet iurisque in actiones nostras, tam supra nos excelsus est, summaque ipsi- us conditio nos ei subijcit, adeo, illi su- mus obligati totq; nominibus devinci- ti; uti nihilominus hominem scit peni- tus studere commodis & rationibus suis, sique ipsius amorem ei esse inna- tum, nec ab eo unquam deponi, nihil ipsi jubet, quin ad mandati finem, adij- ciat pollicitationem mercedis. Matth.

5. *Gaudete & exultate: quoniam merces ves- tra copiosa est in cælis.* Et cap. 10. *Qui reci- pit Prophetam in nomine Prophetæ, merce- dem Prophetæ accipiet: & qui recipit iustum, in nomine iusti, mercedem iusti accipiet, & qui- cunque potum de derit uni ex minimis istis, ca- licem aquæ frigidæ, tantum in nomine disci- puli, amen dico vobis non perdet mercedem suam.* Idem planè sit in negotio vindica- tionis, quam damnationis pœnâ nobis interdixit Matth. 6. *Si non dimiseritis ho- minibus nec Pater vester dimittet vobis pec- cata vestra.* At cum ultionis sensus, tam altè animis nostris injustus sit, ut repe- riatur, etiam in infantibus qui adhuc ubera nutricum exugunt; unde adver- sarius nostri voluit aliquid sibi oppor- tunum sumere, dicendo id jure culpari non posse, quod animo natura impres- sit: id quidem absque dubio toleran- dum esset, si proponeretur nobis sen- sus naturæ in suæ innocentia & in- tegræ statu, minimè autem illius sau- ciatæ, corruptæque peccato. Verum abstinens usu huiusce defensionis, cui tamen quod respondeat non habet, hæc hodie propositionem induco, positâ naturali propensione quam ad vindicationem habemus; Eum qui condonat injuriam sibi factam, & bonum pro malo, eius auctori rependit, melius, ac nobiliori modo se vindicare de inimi- co, & de eo, qui ipsum offendit, quam eum qui ulciscitur retribuens injuriam pro injuriâ, malumque pro malo.

I. enim quid ultione quæritur, nisi ut adversarius, vel nihil, vel minus no- ceat: videtur enim ultio, injuriæ pro- pulsio: ut itaque adversarius nocere vereatur, ultione terretur, quare in hunc

hunc finem à multis adhibetur ne quis illos aggredi, aut illis inferre injuriam audeat: Verùm id melius patientiâ, & condonatione obtinetur, quàm ultione, & repositione injuriæ: qui enim ulciscitur, fatetur se affectum injuriâ, juxta illud Senecæ, ultio, doloris confessio est: non itaque repellit injuriam, sed reponit: at qui patienter fert injuriam, ne ab illâ quidem læsus est: Tertull. lib. de Patientiâ cap. 18. Omnis injuria cum patientiam offenderit, eodem exitu dispungitur, quo telum aliquod in petrâ constantissimæ duritiæ libratum, & obtusum? concidit enim ibidem irritâ operâ, & infructuosâ. Certè illud apud S. Chrysost. frequens est. Neminem lædi nisi à seipso: quod si verum est, nemo læditur ab alio, quo posito, nulla esse potest vindicta: hæc enim inter se connexa sunt, ut si nemo lædatur ab alio, non sit vindicta: Item si nulla sit vindicta, nullus sit injuriæ sensus, & consequenter omnis injuria cassâ sit, uti dictum est.

2. Quid ultione spectari potest, nisi ut inimicus puniatur: atqui gravius punitur si condones, quàm si ulciscaris: Etenim si vindices, præterquàm quod peccas, & tibi peius facis quam illi, nã tibi facis malum culpæ, illi autem malum pœnæ, quod minus est; non potes insuper illi magis nocere quàm quantum vales, quod semper exiguum est: sed si non ulciscaris, ne timeas impune laturum, quia ut ait Seneca lib. quod in sapientem non cadat injuria cap. 16. non deerit illi aliquando par: inveniatur qui te vindicet: & si nullus sit mortalium, qui id præstet, certè re-

linquitur Deo vindicta, quæ semper maior est, & in quâ non peccas. Chrysostomus, Deus omittit vindictam, quam tu sumis, immò in te iram suam convertet: sed si tu condonaveris, & oraveris, nec tamen conversi fuerint, eos graviter puniet, nec tantam eorum curâ aget. In hunc sensû exponit locum Apostoli Roman. 12. *Non vos defendentes charissimi, sed date locum iræ: scriptum est enim mihi vindictam, & ego retribuam eis*, & subdit. Cui iræ? Dei: quandoquidem enim hoc potissimum qui injuriis affectus est, videre cupit, ut ultione fruatur, hoc ipsum Deus copiose, & abunde dabit: Nam si te ipsum non fueris ultus, Deus erit qui te juvando ulciscetur: permittit itaque ei ut adversarium tuum in jus vocet: hoc enim est, quod dicit, date locum iræ. Non quod vindictam divinam injuriæ tuæ vindicem desiderare possis, sed ut scias non defuturam vindictam, si non ipse sumpseris: Nam aut ipse punire se debet per pœnitentiam, quæ, ut ait Tertullianus Justitiæ munere fungitur, aut à Deo impœnitens propter illatam injuriam punietur. *Sciens*, ut ait Jobus, *quod non parceres delinquenti*: Verum igitur est, melius satisfieri vindictæ, condonando, quam ulciscendo.

3. Quid querit homo ultione nisi de injuriæ non succumbat: at id non obtinet qui ulciscitur: nam & se injuriâ jam victum esse fateatur necesse est (ultio enim doloris confessio est) & irâ etiam esse superatum: qui autem condonat, mul-

multiplicem refert coronam, & Viſtoriam, imprimis de irâ, & paſſione, quâ & in ſeipſo vincit, & in alio, deinde de ipſâ injuriâ, denique de adverſario, idque multis modis.

Dixi 1. Viſtoriam referre de irâ, & paſſione, in ſe & in alio : Cum duplex ſit in nobis appetitus concupiſcibilis & irâſcibilis, iſte primo longè vehementior eſt, & pauci iram domuerunt, nam ut dicitur Proverb. 27. *Impetum concitâſſi ſerve qui poterit*, nihil autem ſic iram provocat quàm injuria. Itaque qui ignoſcit, ira ſuperior eſt: Nam ut ibid. dicit Salomon, *Ira non habet miſericordiam*, qui autem ignoſcit, habet miſericordiam: ſed multum eſt majorem eſſe irâ, quam frænare tam difficile eſt quàm Leonem domare: Neque tantû in ſe ſed etiâ in alio, quia ut dicitur Proverb. 15. *Reſponſio mollis frangit iram*: Nempe ut ait Nazianz. ex hoſte, facies diſcipulum.

Dixi 2. de ipſâ injuriâ. Nâ, ut ait Seneca lib. 3. de Irâ cap. 5. Ultio, doloris conſeſſio eſt: non eſt magnus, enim quæ incurvat injuria: at qui condonat nec ſe læſum oſtendit illâ, neque victum: Et hæc de præteritâ injuriâ: quin etiâ futuram prævenis, cum è contrario novam advoces ulciſcendo. Chryſoſt. homil. 18. Matth. Nec enim aliquando ignis, igne: ſed aquâ, utique ignis extinguitur: & certè id videmus experi-entia: Nam ſi injuria molliter excipiat, ſtatim, finitur, ſi alia injuria repōnatur, ſemper gravior ſuccedit. Nam ſi contemptus ſerâtur molliter, nihil erit: ſi alio contemptu, ſuccedit convitium, ſi convitio excipiat, ſuccedunt

verba, ſi hæc verberibus, ad homicidium peſvenit.

Dixi 3. de adverſario ſuo, idque multis modis.

1. Ex eo quòd ignoſcendo relinquitur inimico integra injuria, & vituperatio culpæ: non partiendo eam cum ipſo; contrâ verò qui ſe vindicat, injuriam & vituperatio culpæ: non partiendo eam cum ipſo; contrâ vero qui ſe vindicat; injuriam & vituperationem cum inimico partitur. Chryſoſt. homil. 22. in Epistolam ad Rom. Pugnans idem potiſſimum vincit, non quando ſuum corpus pugne exponit, ut plagas recipiat, ſed quando ſeipſum eruens, efficit ut omnem luam potentiam adverſarius in aëria, fruſtrâ, & inaniter effundat? ſic enim nec ille plagas excipit, & omnes adverſarii vires diſſolvit, id quod in convitijs ſit: Nam quando viciffim convitia regeris, vinceris, non ab homine, ſed quod turpius eſt ab illibero iræ affectu: ſi verò tacueris; & vincis, & trophæum figis, & innumeros acquiris, qui te coronent, quique convitium ipſû mendacij condemnent: Qui enim contradicit, ut qui convitij morſum ſenſerit, contrâ luſtari videtur: Et ſi velis dictorum argumentum capere, ipſum tuum inimicum interroga, quando magis doleat, an quando ſimiliter accenſus viciffim convitiaris; an cum convitiantes derides? & poſtremû magis audies: Neque enim tantum juvat, convitijs non impeti, quantum mordet, quod te ad iram per-movere nequiverit: Non vides irâ per-citorum ingenium, quomodo ſua vulnera obliti, more ſuûm agreſtiû magno impa-

impetu ruat, ut adversarios vulnerent: quando igitur eum, qui eiulmodi est, eo quod potissimū quærit, privas, omni illū suo proposito spoliasti, & contemptibilem puerum magis, quam virum ostendisti: Eodem modo verberātem, non reverberes; sed si lethalem plagam vis infligere, offer illi alteram maxilliam, & illum innumeris vulneribus consecisti: facilius enim se lapidari ferret, quā videre qui patientiam tuam plaudentes admirentur: ante istos conscientia eum sua condemnabit, & maximas ab eo pœnas exiget: & tu apud alios gloriam consequeris: nam & alias quidem compassionem habemus erga eos qui malo afficiuntur, sed si ipsos patienter pati viderimus, non tantam misereamur, sed & admiramur: hæc omnia Chrysostomus.

2. Condonando eripis adversario quod maximè optabat, delectationem scilicet captam ex eo quod tibi concitaverit iracundiam, & tristitiam intulerit. Itaque voluptatem illi ademisti, immò etiam inferum reddidisti, vel ex eius confessione. Seneca lib. quod in sapientem non cadit injuria cap. 16. Genus quoddam ultionis est, eripere ei, qui fecit contumeliæ voluptatem: Solent dicere, Miserum me, puto non intellexit: adeò fructus contumeliæ, in sensu, & indignatione patientis est: è contrario, si vindicas, gaudet adversarius, quod doluerit. Seneca lib. 9. de Ira cap. 5. ultio, doloris confessio est. Itaque Tertull. lib. de Patientia cap. 18. Idcirco quis te lædit, ut doleas, quia fructus lædētis in dolore læsi est: ergo cum fructum eius euerteris non dolendo,

ipse doleat necesse est, amissione fructus sui: Tunc tu non modò illæsus abis, quod etiam solum tibi sufficit, sed insuper adversarij tui, & frustratione oblectatus, & dolore defensus.

3 Cum inter utrumque, hoc est inter offendentem, & offensū, sit quædam pugna, certè quædam est timenda, & quædam optanda victoriā: Chrysost. homil. 85. in Matthæum, Non quæramus ubique victoriam, nec semper superari vereamur: est enim quædam victoriā, detrimentum: offensio verò, & injuria emolumentum adducit: Etenim in irā qui alium valde contumeliatus fuerit, superasse videtur cum verā ipse ab hac turpi perturbatione victus non parum sibi nocuerit: Qui autem magno animo tulit injuriam, hic profectò, & cum laude superavit: Ille namque nec suam ægritudinem compreslit: hic etiam alienam extinxit: & ille suo morbo superatus est, hic etiam alienum curavit: nec solum ipse inflammatus non est, verum etiam ingentem alterius flammam extinxit: præclarum itaque tam sibi, quā proximo de iracundiā triumphum constituit. Non igitur utrique victoriā quærenda est: qui enim lædit, superare læsum videtur, sed perniciosā sibi victoriā superat: læsus autem si magno animo perferat injuriam, quamquam victus videatur, coronam tamen splendidam adeptus est: sæpe numero ergo vinci, quam vincere, præstantius est: optimus ille profectò victoriæ modus est: Itaque rectè monet Apostolus Rom. 12. *Noli vinci à malo, sed vince in bono malum*: quasi diceret,

Bonitate

Bonitate tuâ, viene malitiam inimici, ne malitia inimici, vincat bonitatem tuam: Qui enim nō cibatur inimicum suum, cum indiget, non solum malo seipsum afficit, sed etiam majori quam inimicus affecerit: inimicus enim intulit injuriam, quæ est malum pœnæ, at ipse sibi infert malum culpæ, quā longè gravius est: qui igitur se vindicat, vincitur potius à malo inimici, vincitur etiā à passione propriâ, ortâ ex malo per inimici malitiam illato: unde rectè Ambros. lib. 1. Officior. cap. 36. dixit, vindicare se, non esse actū fortitudinis, sed abjectionis, & timiditatis: Vide itaque num qui parcat adversariū vincat: Certè vincit, qui adversarium pudore afficit, ille autem est qui pro injuriâ beneficium reponit: Paulus Rom. 12. *Hoc enim faciens, carbonem ignis conges super caput eius*: quia nimirum vultū eius ita pudore suffundes, ac si caput eius arderet: Vincit qui immutat, nam frigus odij ipsius solves: Ita hunc locū Apostoli interpretatur Pelusiota lib. 4. Epist. 11. ex aliquorum sententiâ, calefacies principem animæ eius partem, & efficies ut ad sobrietatem redeat: eodem pertinet interpretatio Toleti, coges inimicum dolere de offensâ: Vincit etiam qui adversario arma eripit, nempe iram: Nam, ut ait Sapiens Prov. 21. *Munus absconditum, extinguit iram, & donum in sinu indignationem maximā*, donum vocat in sinu, quod non fit ex iactantiâ, sed ex charitate: Denique vincit qui subijcit adversariū, ille autem sibi subijcit, qui in se commutat, ille autem commutat, qui sibi similem fecit. Itaque si vindicas, vicit adversarius,

quia & te fecit injuriosum: Quod si condones, adversarium vicisti, quia amicum effecisti, & ad frugem reduxisti: S. Ambros. lib. Officiorum cap. 5. Peccator est, qui nos provocat, qui injuriam facit, & nos similes sui fieri desiderat: si taceas, plus rumpitur, victum se se putat, irrisum, post habitum, atque illulum: si respondeas superiorem se factum arbitratur, quia parem invenit: si enim taceas, dicetur, ille convitiatus est huic, contempsit iste: si referas contumeliam, dicetur, ambo convitiati sunt: uterque condemnatur, nemo absolutus: ergo illius studium est, ut imiter, ut similia illi loquar, ut similia agam: iusti autem est dissimulare, nihil loqui, tenere bonæ fructum conscientiæ. Hoc est enim *silere à bonis*, quia bene sibi conscius, falsis non debet moveri, nec æstimare, plus ponderis in alieno esse convitio, quam in suo testimonio. Concludendum igitur cum Antonino Imperatore lib. 6. non ulciscendi rationem optimam esse, ne ultor similis fiat eius qui injuriam intulit: quapropter si alter fuerit convitiatus, ne tu ex adverso convitia ingere, nam si viceris plus eris impudens, & ut ait Philo. lib. 6. de Agriculturâ, ne te vinci pudeat, sic enim demum si vincaris, victor evades, quando in hoc genere victor vincitur: eodem modo, si percusserit, ne repercutias, ne magis injuriosus existas: sed per mansuetudinem alienam iramperdomato: quia ut ait Clemens Alexandrinus. 2. Stromatum, injuriæ oblivione consequitur vitæ probitas, hanc autē inimicitiarū dissolutio: quibus addit ex Hiero, dādū esse amico, inimico

Hh 2

autem

autem ferendum auxilium, ne maneat inimicus: auxilio enim nectitur amicitia, & inimicitia dissoluuntur: Immo quæ summa victoria est, qui parit, eò inimicum redigit, ut cogatur fateri se esse victum, & male odisse.

Ac ne verbis tantum & oratione vos adoriar, sed ut multis potius adductis rationibus vos convincā, placet hodie vos rebus ipsis & factis ad id adigam, emendicato pernicillo eloquentissimi omnium Antistitum Græcorum Schrysof. ejus erunt ferè omnia quæ deinceps à me dicentur, allato ex primo Reg. libro perillustri Davidis exemplo: cujus cum innumera narrentur certamina & victoriæ, nullum tamen illustrius gessit certamen, nullam nobiliore victoriam reportavit, quam ubi cum Saule pugnam inivit, & ex illo clarissimā omnium palmam accepit, non armis decertando, sed mansuetudine & patientiā: Est autem illud exemplū eò illustrius 1. quod sit inter personas regias: Saulem reipsā regnantem, & Davidem, à Deo designatum Regem, & sacro unctum oleo: 2. quod qui in hoc theatro præcipuam agit personam, testimonio Dei sit comprobatus: *Inveni David, filium Jesse, virum secundum cor meū:* nam quem Deus laudavit, quis contemnet? ut enim ait ille Sanctus homil. 1. de Davide, & Saule. Illius calculus incorruptus est: nam Deus nec ad gratiam, nec per odium iudicat, sed pro merā animi virtute iudicium fert: 3. quod eius sit hominis, qui sub veteri lege educatus est: Nam quod aliquis in Christianā lege educatus, inimicis suis, in totum condonet, neque iniuriam

repellat injuriā, nihil mirum est: videlicet post Christi mortem obitam pro inimicis: posteaquā ille nobis omnia peccata tam clementer remisit: post hujus rei præcepta data tam multa in Evangelio: post orationem Dominicā: post parabolam decem millium talentorum: Sed in veteri Testamento ubi licuit malum pro malo reddere, oculū pro oculo, dentem pro dente exigere, & lege Talionis uti in se ulciscendo; si quis præcepta transilierit, & ad Apostolicam Philosophiam pervenerit, omni laude dignus censendus est, & qui imitari noluerit, is omni veniā, & excusationē indignus habendus est.

Sed ut plenius Davidis virtutem cognoscatis, concedite mihi ut rem altius repetam, eiusque beneficio commēorē: quæ beatus ille vir in Saulem contulit: nam non ulcisci eum qui simpliciter fuerit inimicus, multi fortasse fecerint: sed hominem multis & gravibus beneficijs affectum, & mala pro bonis reddentem, & sæpius benefactorem suum, interficere conatum, postquā in potestatem inciderit ut interfici posset, liberum dimittere, neque hoc tantum sed ex aliorum manibus eripere, si præsertim sciatur, eum ita dimissum, eadē in suum benefactorem moliturū; hoc verò tantum est, ut nihil ad summam virtutem adjici possit. Quibus autem beneficijs David Saulem affecerit, quādo, & quo pacto, paucis enarrantem me sustinete. Cum aliquando Judæi bello difficillimo premerentur, & tota belli alea in duello proposito verteretur, cum omnes essent pavore consternati, nec quisquā caput erigeret, sed

in

in extremâ desperatione esset exercitus, & de turpissimâ totius gentis servitute ageretur, hic ab ovium curâ veniens exercitum, cum per ætatem bellandi artem callere non posset, & laborum militarium rudis adhuc esset: ipse pro universis bellum in se suscepit ac feliciter rem gessit supra quàm quisquâ sperare potuisset: occiso totius inimicæ gentis fortissimo: Certè si virtuti eventus defuisset, tamen ob solam animi promptitudinem coronandus fuerat, præsertim cum omnia ab eo facinore suscipiendo removerent, ætas, bellicæ artis ignoratio, fratres increpantes, Rex ipse, cum diceret. *Non poteris ire, quia puer es, ille autem vir est bellator ab adolescentiâ suâ:* sed nihil horum moratus in medios hostes irruit, & se aperto mortis periculo exposuit & adeptus de hoste victoriam. Regi non tantum regnum restituit, sed vitam etiâ, & libertatem dedit, neque illi tantum, sed etiam toti exercitui atque genti universæ: quod præclare factum nullâ unquâ fatis amplâ mercede agnosci potuit: nō si ipse Rex detractam sibi coronâ Davidis capiti imposuisset: hic enim & vitam, & libertatē, & regnum illi donavit: Ille verò huic tantum cessurus esset regnum. Verum consideremus qualem pro benefactis gratiam retulerit. Imprimis quidem docet Scriptura Saulem Davidi invidisse: deinde Davidem Saūli cœpisse esse suspectum, & cœpisse cavere eū, quia nempe cœpit cum habere pro hoste: utriusque rei, vide occasionem, & causam: ac primum de invidia: post fugatos, & profligatos hostes, & reportatâ victoriâ, victor exercitus,

& onustus spoliis, magnâ pompâ redibat Ierusalem, ac Saūl quidem referens opima spolia, David autem caput Goliath, sui triumphi materiam: Ex more gentis obviâ ubiq; ex singulis oppidis prodierunt Virgines canētes ac plallētes: erat autem illud canticum, percussit Saūl mille, & David decem millia: hæc cantilena fuit omnis odij seges, & origo. Audi Scripturam lib. 5. Reg. cap. 18. *Iratus est autem Saūl nimis, & displicuit in oculis eius sermo iste, dixitque: dederunt David decem millia, & mihi mille dederunt: quid superest ei, nisi solum regnum: non redis ergo oculis Saūl aspiciebat David, à die illâ, & deinceps:* Certè etiam si hæc præter meritū fuissent dicta, nec sic quidem in Davidē oportebat irasci, sed quid egisset, potius attendere, quomodo se ultrò mortis periculo objecisset, quomodo fractum Saūlis animum crexisset, quomodo ōnem populum periculo liberaasset, non autem innocentē invidere: Nunc autē cum ipsa laus daretur pro merito, & si verè iudicare vulerimus, inveniemus illa potius in gratiam Saūlis dicta fuisse quàm Davidis. An non satis erat Saūli dedisse mille, licet Davidi decem millia dedissent? Nam quid Saul ad hoc certamen, & ad victoriâ contulerat, nisi pavorem, & desperationem? David autem solus totum prælium confecit, solus certavit, solus vicit: & si alicui licuisset indignari, nonne potius hoc Davidem decuisset, qui cum solus rem gessisset, haberet tamen alium suæ laudis participem. Sed demus peccasse mulieres in illo epinicio, quid peccavit David, qui nec cantilenam composuerat, neque suaserat? certè non

non adversus eum fuit indignandum, sed adversus mulieres: Verum Saul nihil contra illas, sed contra Davidem indignatus est: Iam si ex tantâ laude elatus David, aut Regi invidisset, aut in eum fuisset contumax, ac insolentior: aut si res novas in regno fuisset molitus, excusationē habuisset indignatio: Sed si inde factus est modestior atque humanior, si in subditorum ordine remansit; nonne plus diligendus fuit, qui talem nactus occasione sese efferendi, in sua modestiâ permanisit?

Et non tantum primo illo successu elatus non est, sed nec posterioribus, qui priores superarunt: Nam licet de eo dicatur *quod esset prudens in omnibus viis suis*: Item quod *Deus esset cum illo: & quod universus Israël, & Iuda eum diligeret*: quod *ingrediretur, & egrediretur ante conspectum populi*, hoc est quod omnes gubernaret, & rerum omnium esset potens: quod in bello semper prosperâ uteretur fortunâ: quod eum Ionathas Saülis filius diligeret ut animam suam, quod Michol eius filia, eum amaret: quod universa familia Saül ei faveret, quod ei faveret universus exercitus, & quod omni populo Israël gratus esset; cum his omnibus bonis sua ob præclarè gesta potiretur: non tamen animum erexit, nec hostem suum ultus est, sed in benefaciendo, & obsequijs Regem præveniando, & in eius prælijs felicitè gerendis perseveravit.

Quis non sperasset, quod hæc omnia Sauli persuaderent, quod omnem invidiâ, & omne odium deponeret, cum David omnia non sibi, sed Sauli præstaret: quod contra evenit, nam hæc omnia majorem invidiâ concitarunt, eo usque

ut Saul diceret, suos omnes contra ipsum conspirasse in favorem Davidis: *quoniam conjurasti omnes adversum me.*

Iam cur eum suspectum habuerit. & eum caverit, hæc causa fuit, quod uti loquitur Scriptura cap. 18. *In omnibus quoque viis suis David prudenter agebat, & Dominus erat cum eo: vidit itaque David quod prudens esset nimis, & cepit cavere eum*: Cum enim varijs periculis, & in bello, & extra bellum eum objecisset, feliciter ab omnibus se extraxit, & prudentiâ usus, & fortitudine, & felicitate. Hinc crevit Saülis odium, eo usque ut servatorem suum perdere decreverit, quod multis modis præstare conatus est, primo per seipsum: deinde per servos, & suos domesticos, tertio per hostes, denique prætextu conjugij, & affinitatis, cum conjiciendo in retia. Per seipsum quidē, nam sæpius Davidem citharâ psallentē, sibi que medentem, inter media beneficia, lanceâ perfodere conatus est; Deo innocentem servante: Per servos & domesticos, ut patet ex 1. Reg. cap. 19. *Locutus est autem Saül ad Jonathan, & ad omnes servos suos, ut occiderent David*: Per hostes suos, dum illum mille hominibus præfecit, & quotidie ad belli alcam objecit: *porro Saül cogitabat tradere David in manus Philistinorum*: ideoque in spem conjugij filiarum suarum, pro dote petijt ab eo centum Philistinorum præputia, ratus non posse fieri quin quotidianis periculis non periret. Quid memorem sæpius frustratam fidem: & filiam natu majorem Saülis sibi promissam, post dotem prælitam ex pacto, & enumerata centum Philistinorum præputia, alteri viro datam fuisse: do

de quo contemptu nihil cum Saule, nihil cum servis, nihil cum militibus exposulavit: immo cum proponeretur conjugium, modelle semper respondit: *Num parum videtur vobis generi esse Regi?* Quid quod frustratus primâ conditione, secundam sibi oblatam non recusavit, ne tantum honorem contempsisse videretur? Sed Michol conjugio usus est Saul ut Davidem perderet, cum per immissos sicarios interficere conatus, & scelus peractum fuisset nisi fugâ sibi consuluisse. Quem hominem, vel modestissimi animi, hæc omnia ad vindictam non commovissent? At non Davidem, qui potius habuit fugere, & patriâ exulare, & in calamitate sibi victum parare, quam se ulcisci, aut inimico dare occasionem injustum homicidium faciendi. Hanc ob causam ab oculis eius se subduxit, ut tempus daret rei sedandæ, & mitigandæ invidiæ: atius est, ajebat, me miserum esse, & innumera pati acerba quam hunc apud Deum de innocentis cæde condemnari: itaque egestatem præ divitijs: solitudinem, præ patriâ: labores, & pericula, præ delictijs ac securitate: exilium præ Regiâ elegit, ut Saulem ab odio in ipsum liberaret.

Verum nec sit melior factus est Saul, sed Davidem ubique persecutus est, in solitudine, ac deserto, in montibus, vallibus, & speluncis, in urbibus, & pagis, omnia loca circumiens: non aliter quam venator, qui indagine feram persequitur, quærens non eum qui ipsum læserat, sed qui cum esset ab eo læsus, tum maxima, & innumera pro illatis injurijs

bona rependerat. At vide quo successus: Mitto dicere quam crudeliter Saul interfecerit Achimelem summum Sacerdotem, eò quod Davidi dedisset panes propositionis, & eodem tempore ex Sacerdotibus gladio Doech Idumæi occiderit 185. viros, imò totam urbem Nobæ percussisset in ore gladij, nulli parcens, vel ætati, vel sexui, vel conditioni: unde David coactus sit fugere ad alienigenas, & Regem Achis, ubi summum vitæ periculum adiit: cumque jam nullis hominibus fideret, fugit in loca deserta, & habitavit in speluncis, more ferarum, quarum vitam degebat, victum sibi, & suis, quasi venatu quærens:

Hæc speluncarum habitatio, occasio fuit David, actionis omnium generosissimæ, dum Saul ex venatore factus est Davidis præda, quod hac ratione factum est: Cum nullum locum sibi securum in veniret David, secessit in desertum Engaddi, ubi sunt loca prærupta, ad quæ sola capræ sylvestres pertingere possunt: ea locorum difficultas non deterruit Saulem, quominus Davidem cum tribus millibus militum ex omni exercitu delectorum persequeretur: Erat prope viâ spelunca aditu angusta, sed in profunditate latissima, in cuius imo recessu latitabat David cum sexcentis hominibus fugitivis, qui cum ut ducem sequebantur: In eam speluncam ingressus est Saul alicujus necessitatis gratiâ: Nemo est qui non dicat cum Davidis socijs 1. Reg. cap. 24.

Ecce dies de quâ locutus est Dominus ad te:

Ego.

Ego tradam tibi inimicum tuum, ut facias ei sicut placuerit in oculis tuis Quid hoc flatu reru faceres mi Auditor? Si inimicū tuū haberes in potestate, post tot acceptas injurias, ac præsertim si nosses incredibile eius odium, & obstinatam tui perdendi voluntatem, & si scires illo lubato, te non solum liberandum à tot miserijs, & periculis, sed etiam te obtenturū regnum, idque non usurpatū, sed tibi delatum à Deo? Verūm noli ex tuo sensu rem metiri, sed ex Davidis admirabili mansuetudine, ut nihil mirum sit, si postea dixerit, *Memento Domine David, Omnis mansuetudinis eius*: Incidit itaque Saül imprudens in retia Davidis: solus est, sine armis, sine socio, sine satellitio, inclusus in cavernā, positus in tenebris: adest David armatus, stipatus sexcentis militibus, à quibus ad cædē inimici vehementer impellitur: nihil non faveat ad cædem faciendam, loci opportunitas, temporis occasio, Saülis de suo periculo ignoratio, securitas omnimoda: hinc tensa retia, hinc fera capta: hinc venator crectus, hinc omnium adhortatio, ut ense pectus confodiat: sed vide incredibile animi modestiam, specta luctam, victoriam, & coronam: Nam, ut ait Chrysost. homil. 1. de Davide: spelunca illa campus erat, in eo lucta quædam mirabilis dictūque incredibile facta est: luctatus est David, pugilem egit iracundia: Saül positus erat certaminis materia: Agonothetes erat Deus: *surrexit itaque David: quo animo primum id fecerit, docet Abulenſis quæst. 4. nimirū ut Saülē inermem, & securum occideret, id enim postea factus est, cogitavi, ut occiderem te: sed statim motū illū generosē*

compresſit, & gladio, quem ad cædem strinxerat, oram chlamydis Saul præcidit ſilenter, ut illi utique haberet postea suæ moderationis testimonium: Verūm quasi scelus admisisset, quod aliquid ad Regem pertinens violasset, *cor suum percussit David, eò quod abscidisset oram chlamydis Saül*, adeo religioſe Regem observabat. Sed ne tantum facinus leviter prætereamus: Neque enim putandum est nullum fuisse in Davide ſensum, sed stupidum fuisse: ut enim erat animi generosi, & indolis ellicosæ, innumeros passus est iracundiæ fluctus, & maximam diversarum cogitationum jactationem, sed eam tempeſtatem refrænavit timore Dei, animosque compresſit: *surrexit, ait Scriptura, & præcidit oram chlamydis Saül*: Vides quanta iræ tempeſtas coacta sit: stricte gladio ad Saülē perrexit, at non proceſſit ulterius, neque naufragium fecit, eo quod gubernatrix illi obſentiens periculum, videlicet pia ratio, tempeſtatem vertit in tranquillitatem: *percussit enim David cor suum*, ac velut equum subſilientem, & ferocientem, revocavit iram: & tamen quàm parvum erat intervallum inter corpus, & chlamydem: attamen ſeipſum cohibuit ne progrediretur ulterius. Sic sunt ſanctorum animæ, priuſquam concidant reſurgunt: priuſquā ad peccatū perveniant refrænantur, eo quod ſobriæ ſint, ſemperque vigilant: Ne tamen id mediocriter æſtims, conſidera quantis fluctib⁹ hujus juſti animus impetitus fuerit: Offerebat ſe animo injuſta Saülis perſecutio nullā cauſā præcedente, cū nullā re eum læſiſſet, ſed poſt innumera collata beneficia, &

& officia præstita, post tot reddita obsequia: occurrebat quoties eum interficere, & per se, & per alios conatus esset: etenim si lex vetus permittebat oculum pro oculo, & dentem pro dente exigere, an non poterat eadem lege talionis, non modo pro unâ morte, sed pro pluribus, unam mortem exigere: Verum si præteritorum esset oblitus, futura prospicere poterat, norat enim indomitum Saulis animum, & aliunde incredibilem levitatem, quidquid tandem polliceretur: Norat quod nunquâ desiturus esset eum persequi, donec perdidisset: Itaque si non præteritorum recordatio sufficiebat ad eandem, id facere poterat futuroium metus. Quod si Saulem non metueret, vel suos milites ipse timere potuit, ne forte ipsum in speluncâ trucidarent: tanquam qui illorum salutem prodidisset, exitiûmque attulisset, ac publicum ipsorum hostem servasset: Verum nihil horum iustus ille apud se perpendebat, unum illud spectans, quomodò posset tolerantia, & modestia coronâ redimiri: Et quoniam versuta solet esse malitia, non hoc ei tantum milites representarunt, & quæ hæcenus à Saule passus esset; & quæ deinceps ipsum ab illo metuere oporteret; neque suarum, rerum miserum statum præsentem, quod fugitivi essent, errone, & rerum omnium egentes, miseram vitam degerent, more ferarum, in speluncis, & locis desertis: cum scirent eum omnia despiceret, Deum ipsum allegant auctorem, *Ecce dies, de quâ locutus est Dominus ad te: ego tradam tibi inimicum tuum, ut facias ei, sicut placuerit in oculis tuis, quo videlicet*

judiciûm à Deo profectum reveritus, promptius iret ad homicidiûm: Non enim (inquit) tuam vicem ulciceris, sed Deo sublevis, ac minister es, & illius sententiam comprobas: Verum ille aliter rem intellexit, sed potius cogitavit, quod Deus ideo tradidit, et eû, ut ipsi majores occasiones, probandæ vii tutis suppeditaret.

At ne hoc quidem tantum admiratione dignum est, quod nec aliorum admonitu, dimotus est à proposito, quodq; illos non est veritus, sed quod perfecit ut ipsi eandem animi moderationem sumerent: neque ipsi in Saullem insurgerent, quod certe latuiri fuissent, nisi eorum animos placasset: Nâ ut ait Scriptura 1. Reg. cap. 24. *Et confregit David viros suos sermonibus, & non permisit eos, ut i. surgerent in Saul: oportuit orationem fuisse gravissimâ, prout loci, & temporis facultas patiebatur ut hunc effectum haberet, quæ in exprimunt illa verba, confregit sermonibus servos suos: Non puto autem illis alias rationes attulisse, quam eas quibus ipse animum suum fregit: Dixitque ad viros suos, propitius mihi sit Dominus, ne faciam hanc rem domino meo, christo Domini, ut mittam manum meam in eum, quia Christus Domini est: In quibus verbis duas rationes includit, cur nefas sit regiam personam violare, una est quia ipse erat dominus eius: lex autem ipsa jubet, immò rerum natura, ut illius vitam fervet in columen, non adimat: Deinde quia corpus illud quod gladius confoderet sacrosanctum est ab unctione sacrâ: quæ verò sacra sunt, ea religio violare vetat: vi-des itaque & Davidem seipsum cohibuisse*

buiffe, & suos : Magnum quidem est, si quis suis cupiditatibus imperet : sed multò majus est, id etiam alijs persuadere, ut ipsi eandem mentem fumerent, alijs in quam, qui nec modesti sunt homines, nec temperantes, sed milites, qui multis difficultatibus jam in desperationem erant adducti, à quibus paulatim respirare cupiebant : præsertim cum scirent in hostis nece, & malorum finem se habituros, & multorum bonorum spem assurgere : cum illo profligato, regnum ad Davidem transiret : Nihilominus tamen cum tam multæ res animos militum irritarent, tantum valuit ille generosus, ut satellites illis omnibus essent superiores, & hosti parcerent : Diceret Davidem sic spectasse Saul, ut depositum ac pignus sibi creditum, de quo ratione esset redditurus : ita ipse non tantum non attigit inimicum, verum etiam alios occidere volentes coërcuit, satelles optimus, corporis custos, pro hoste factus. Potuit itaque Saul tantorum certaminum, & victoriarum materia, innoxius egredi ei speluncâ, ignarus omnium quæ gesta fuerant : Egressus est autem post illum, & David liberis deinceps oculis cælum intuens, ac tunc temporis magis exultans, quam cum Goliath dejecisset, atque barbari caput amputasset, siquidem hæc posterior, primâ illâ victoriâ erat magnificentior, hæc illustriora spolia, hæc præda nobilior, hoc gloriosius trophæum : Et enim illic, & funda, & lapidibus, & acie fuit opus, hic totum opus fuit virtutis, hic sine armis contigit victoria, & incruentum crectum est trophæum : Ita-

que rediit non barbari illius gestans caput, sed animi commotionem mortificatam, sed iram enervatam : neque hæc spolia reposuit in Sanctuario, sed in cælo, & illa supernâ Civitate : Non illi obviam venere Virgines cantantes cû laudibus, sed angeli è cælo applaudebant victori : Non egressus est gestans Saulis diadema, sed gloriæ coronam : Non egressus est gestans Saulis purpuram, sed humanitate amictus quavis solâ pretiosiore : Egressus est è spelunca cû tantâ gloriâ cum quantâ è fornace Babylonica tres pueri illæsi prodierunt : uti enim illos non combussit ignis, ita neq; ille iracundiæ incendio cōflagravit : Egressus est è speluncâ, non minore gloriâ, quam Daniel è lacu : hic quidem superatis, & mitigatis leonibus : ille devictis bestiis, longè sævioribus, irâ, audaciâ, vindictâ, metu futurorum : Exivit itaque David post Saul, & clamavit post tergum Saul dicens : Domine mi Rex : Et respexit Saul post se : & inclinans se David pronus in terram, adoravit : Hæc nō sunt minoris laudis, quam hostis servatus, neque enim vulgaris erat animi, nō inflari collatis beneficiis, & quod est omnium maximū de donatâ vitâ : Quin etiâ post data beneficia modestior apparuit : ideòque qui servarat, eundē quē servaverat adoravit, rursūmq; Regē nominavit, ideòque ob illius dignitatē, omnē animi tumorem reprimens : neque tantum voce honoravit, sed etiam facto, inclinans se pronus in terram, & adorans, quasi beneficiū accepisset : Sed audiamus, quid dicat, Dixitque ad Saul : Quare audis verba hominum loquentium, David querit malum adversum te ? Vide quo

quo artificio animum eius emollire studeat: Non illum accusat, non de illo conqueritur, sed potius excusat, omnē culpam in alios conijciens, quasi diceret: Alios esse, qui cum provocarent, alios qui eius animum exulcerarent: modis omnibus studens illi porrigere excusationis occasionem: quasi diceret, non injuste facere, dum ipsum persequeretur, sed deceptum aliorum sermonibus: & tamen uti benè advertit S. Chrysost. qui hanc historiam conscripsit: prius dixerat Davidem, dilectum fuisse à toto populo, ab omni Saülis familiâ, ab eius, & filio, & filiâ, & à toto exercitu, ut scires puram esse Satilis malitiam: unde idem scriptor totam invidiam natam esse dixit, ex nimia laude Davidis, & postea in dies majorem exerevisse ex bonis eius successibus: sed maluit David in alios omnem culpam rejicere, quàm in Saulem: Ita facere solent parentes erga filios, quos licet suâ malitiâ corruptos esse sciant, frequenter tamèn in alios culpam rejiciunt: Sic (aiunt) non esse hoc delictum tuum, sed alij te corruerunt, ac seduxerunt: illorum tota est culpa: Nam ita melius corripui putant filium, dum illum pudet, quod eâ laude sit indignus: Mox suam causam agens, suam probat innocentiam, non alium querens judicem, quam ipsum Saulem, ut nimirum plus suis oculis credat, quàm aliorum relationib⁹: Ecce hodie viderunt oculi tui, quòd tradiderit te Dominus in manu meâ in specula: Et cogitavi ut occiderè te, sed pepervit tibi oculus meus: dixi enī non extendā manū meā in dominū meū, quia christus Domini est: Quasi diceret, illi quidē verbis me calumniāntur, at ego reipsā me purgo, ipsi-

que factis depello crimen: nihil mihi opus est verbis, cum ipse rerum exitus, omni oratione clari⁹ te docere possit, quinam sint illi, & qui ego; & quàm falsa sit calumniā: harum rerum, non alium quàm te ipsum talem invoco: te ipsum, inquam, qui in eo beneficio servatus es; nam si tuæ vitæ insidiari erat animus, quando id cominodi⁹ fieri potuit, quàm cum te habui in meâ potestate; quā cum solus eras, & incemis, & periculi, in quo eras, nescius; quàm cum ego armatus, & militibus, non tuus, sed meus, stipatus; quàm cum tu me ad necem persequereris; quàm cum omnia essent opportuna, & omnia ad id perpetrandum incitarent: Ac ne putes ignaviā, aut injuriæ acceptæ insensibilitate impeditum, non disiteor me ab irā sollicitatū, & surrexisse stricto gladio, & cogitasse te interficere: sed timeo Dei me cohibuit, cum te cogitavi, & dominum meum, & vñctum Dei: Quod si hæc cogitatio manum meam retardavit in his circumstantiis, & loci, & temporis, & tantæ opportunitatis, quanto magis id fecisset alio tempore, cum in tuâ curiā gloriosus viverem? Et quia quod dicebat, videbatur admirabile, ne ipse dubitaret, de periculo in quo fuerat, & de Davidis moderatione, quia nec ipsi hæc dicenti, nec eius Militibus id asserentibus credidisset, quorum testimonium suspectum habere poterat, evidens attulit argumentū, laciniam abscissam chlamydis, quam prætendēs dicebat: *Quin potius Pater mi, vide, Et cognosce oram chlamydis tuæ in manu meâ, quoniam cū præcinderè summam chlamydis tuæ, nolui extendere*

manum meam in te : animadvertite , & vide , quoniam non est in manu mea malum , neque iniquitas , neque peccavi in te : tu autem insidiaris animæ meæ , ut auferas eam : Mutum quidem testem affert , sed omnibus vocem habentibus certior : Nam Saul negare non potuit , Davidem prope ipsius corpus gladium strictum tulisse , tamque illi facile fuisse , nescienti latus fodere , & pectus , quam oram chlamydis abscindere : quod si cum id tam facile potuit facere , id non fecit , quomodo alias id tentasset , quod non nisi magno suo periculo facere poterat : Multa alia præterita afferre potuisset innocentia suæ argumenta , sed hoc recens factum , satis ipsi fuit ex dissimili modo agendi utriusque : unde subdit . *Iudicet Dominus inter me , & te , & sulciscatur me Dominus ex te : manus autem mea non sit in te :* Non hoc dixit quasi cuperet puniri Saulem , aut de illo pœnas sumi , sed ut illi formidinem iniiceret , venturae condemnationis commemoratione : ad hæc ut firmaret quod dixerat , se in Saulem nihil moliri , invocans Deum in testem , quem nihil latet , & cuius manum ipse effugere non posset , si suo regi insidias molitus fuisset : denique his verbis significavit , & se totum negotium Deo relinquere , & se nunquam suis manibus ulturum : itaque & ipso facto , & juramento adhibito in futurum se à malâ suspitione liberat . Iam ne videretur ex æquo certare cum principe , quia dixerat , *Iudicet Dominus , inter me , & te :* ostendit indecorum esse regis maiestati , certare cum hoste , neque nobili , neque robusto , ex cuius impugnatione , nihil præter ignominiam referre possit : ut etiã

ostendat nihil ab hoste tam impotente , Regi timendum fuisse : *Quæ persequeris Rex Israël : quæ persequeris ? canem mortuum persequeris , pulicem unum .* Nihil de se abiecius loqui potuit , ut ostenderet nihil esse quod ab ipso metuere posset Saul : neque illi gloriosum futurum , si perdat : sicut neque impunitum : unde subdit . *Sit Dominus iudex , & iudicet inter me , & te : & videat , & iudicet causam meam , & eruat me de manu tuâ :* Id prophetice magis à Davide dictum est , quam imprecando , secundum illud Deuteronomio . 32 . *Mea est ultio , & ego retribuam in tempore .*

Quid ad tam præclarum Davidis facinus , quid ad hanc orationem demissionis plenissimam , nec minus generosam , & religiosam , Saul responderit , expectatis à me Auditores : Certè tantum potuit David ignoscendo , quantum nemo unquam potuisset vindicando : adeo verum est quod ab initio à me dictum est , condonationem injuriæ esse modum optimum vindicandi se , & eo genere victoriæ eò etiam redigi inimicum , ut cogatur sateri se esse victum : & malè odisse : audi itaque Scripturam , quid dicat , *Cum autem compleisset David loquens sermones huiusmodi ad Saulem .* Quis non putasset ad primam Davidis vocem , Saulem in furias agendum , ut semper fecerat : sed tantum abest , ut sic exarserit ; quin ad eius vocem stetit immobilis , uti solet anguis ad vocem incantantis sapienter , tanto se stupore abreptum , aut tanta teneritate sensit delinitum . Id ex eius oratione facile intelligo , *Et dixit Saul : Numquid vox hec , tua est , fili mi David ?* Tantus cum stupor cepit ,

cepit, ut non putaret se videre quæ videbat, & audire, quæ audiebat: Itaque interrogat: *Nūquid vox hæc, tua est, fili mi David?* quanta subito facta est mutatio? qui nunquam alias sustinuerat, eum nomine suo vocare, exosum habens vel solum nomen, sed ad contemptum appellans filium Iesse, generis ignobilitatem exprobrans, nunc non tantum de nomine vocat, sed etiam in cognationem eum adoptans, filium vocat: Quanta fuit virtus in verbis Davidis, ut ex homicidâ faceret Patrem, & ovem ex lupo? quanta eius felicitas qui fornacem iracundiæ multo rore implevit, & tempestatem vertit in tranquillitatem, quique tumorem omnem irâ exæstuantis animi restinxit? Verba quippe Davidis ingressa in animum istius efferati, totam hanc perfecrunt immutationem: Non dixit, sermones tui David, sed vox tua fili mi David. Ita ad solam vocem incaluit: Et quemadmodum Pater ex longinquo intervallo, auditâ filij revertentis voce, etiam si nondum videat, si tantum audiat, ad vocem ipsam excitatur, & accurrit: sic & Saül, ut primum Davidis vocem audivit, totum suum mutavit affectum, & irâ positâ recepit tranquillitatem: vide quâm verè dictum sit à Sapiente: *responsio mollis frangit iram*: Nam quem modò Saül quærebat ad necem, quem perduellem vocabat, & insidiatorem, quem insectabatur ut feram, jam filium appellat paterno blandimento: Nec sibi videtur audire quem audit, quòd eum tam ardenti amore deperiret: sed audi aliquid maius. *Et levavit Saül vocem suam, & flevit*: Quid hoc pro-

phetâ beatius esse possit, qui brevi temporis momento, sic hostem à furore ad sobrietatem composuit, ut nactus animum cædis atque sanguinis sitientem, repente ad lamenta & ejulatus, & lachrimas compulerit: Non perinde miror Moysem qui ex duro saxo aquas elicit, ut admiror Davidem, qui ex oculis lapideis fontes eduxerit lachrimarum, si quidem ille vicit naturam, hic autem animi decretum: ille virgâ percussit lapidem, hic sermone percussit cor, non ut contristaret, sed ut purum mansuetumque redderet: quo factò majore Regem affecit beneficio, quam fecerat in speluncâ: fuit quidem hoc mirabile, quod ens suum inimici sanguine non tinxerit, sed longè majus quòd inimici propositum immutavit, & suscepti sceleris pœnitentiam inspiravit: hoc enim beneficiû illo præstantius est: neque enim paria sunt, liberare a mortè, & liberare a crimine: Magnû fuit quod milites cohibuerit ne Saül interficeret, sed maj' fuit, cû ei furorè adedit: Magnû fuit quod David in semetipso iram domuerit, maius quod alienum furorem mitigavit: quòd ex tantâ tempestate, tantam tranquillitatem fecerit: quòd oculos homicidium præ se ferentes calidis lachrimis implevit: Et quidem si Saül fuisset homo naturâ mitis, & modestus, aliquid fuisset eum ad solitâ revocare virtutem: sed efferatum, & ad extremam proveclum malitiam, jamque ad cædem properantem, brevi temporis momento sic afficere, ut omnem amaritudinem evomat ex animo, id verò est summæ virtutis, & extremæ sapientiæ: jam ubi lachrimæ verbis

aditum debere, audi quid dicat.

1. Quidem se accusat atque damnat: Davidem autem laudat, & sibi anteponit: Saul Davidem, Rex subditū, hostis hostem, quem vel nominare non dignabatur: at quibus verbis? audi Scripturam: *Iustior tu es quā ego: Tu enim tribuisti mihi bona: ego autem reddidi tibi mala: Vides ut suam damnet malitiam, ac iusti virtutem prædicet: agnoscit se multa debuisse Davidi, ac nullam occasionem habuisse, ipsum persequēdi, immo se mala reddidisse pro bonis, erat ingratitudinis, sed pro bonis mala reddidisse injulitiae fuit: Pergit in Davidis laudibus: Et tu indicasti hodie quæ feceris mihi bona, quomodo tradiderit me Dominus in manum tuam, & non occideris me: agnoscit hoc summum beneficium: Nam etiam si vetera non meruisset prius, tamen non erat indignus cui præstarentur: sed nunc pro insidijs, pro cæde sæpius intentata, pro innumerabilibus malis, summum beneficium præstitit, cum vitam dedit, quam tam facile eripere poterat, idque Deo favente, nam Deus eò Saulem adduxerat. Neque hoc etiam leve fuit beneficium, quod hoc Sauli indicarit: non tantum ut sciret Davidem sibi non insidiari, unde cum a errore reduxit, sed quoniam eā ratione, eum a scelere ad sanam mentem revocavit. Atque ut huius præclari facinoris commendationem extollat, agnoscit tale fuisse, ut nullus præter Davidem, id facturum fuisset: Quis enim cum invenerit inimicum suum, dimittet eum in viā bonā? quanto magis, si talem inimicum, & sic in sua potestate: Certē*

hæc laus Davidis à Saule, maior est quā cū mulieres canerent: *percussit Saül mille, & David decem millia*: Et quamquam in singulis verbis plures Davidis coronæ contineantur, hoc etiam ad eius laudem pertinet, quod ita fauerit Saül: nam licet ab ore Saulis ea verba prodirent, sapientia tamen & ars Davidis, ea in animum Saulis insinuat.

2. Hinc Saül se agnoscit Davidis debitorem, sed referendo beneficio imparē: quid enim Saül reponere poterat dignum meritis, etiam si regnum dedisset, cum omnibus oppidis? Neque enim oppida modo & regnum, verum & vitam ipsam ei donarat David: & vero non habebat alteram vitam quam rependeret: Itaque ipsum Deum, illi pro se, constituit debitorem: unde sic rogat: *Sed Dominus reddat tibi vicissitudinem hanc, pro eo quod hodie operatus es in me*. Vide quid profecerit Davidis mansuetudo, Saulem ipsum fecit.

3. Et quia in odij sui ortu olim dixerat: *Quid ei superest nisi solum regnum*: Id ipse retractat, & futurum regem agnoscit, non tantum, quod id à se meruerit, sed id colligit ex regio spiritu, quo regium facinus edidit, cum pepercit, & vitam dedit: Nam quilibet ulcisci potest, sed vitam dare, nemo nisi qui cum clementiā summā habet potestatem: Ille autem dedit qui legitime potuit, occidere: Et nunc quia scio quod certissime regnaturus sis, & habiturus in

MIAM

mutuâ, regnum Israël, &c. Verum, responde Saül, unde id nosti, & certissime nosti? Ecce penes te sunt exercitus, penes te sunt pecuniæ, arma, civitates, equi, milites: breviter universa vis, apparatus regij: Hic contra desertus, ac nudus, nec civitatem, nec domum, nec familiam habens: unde igitur quæso ista loqueris? Nimirum ex ipsis Davidis moribus, & ex ijs, quæ mihi, & illi hæcenus acciderunt: Neque enim nudus & inermis, atque desertus, & rerum omnium inops, me armatum, tantæque circumvallatum potentia superasset, nisi Deum haberet adiutorem: porro qui Deum habet faventem, is est omnibus potentior: Vides ad quantam Philophiliam, post tot paratas insidias, & tantam furoris insaniam deductus est Saül: Vides quomodo fieri possit, ut inimicus omnem deponat malitiam, immutatusque ad meliorem mentem se recipiat, nimirum si tuâ potestate moderato utaris, neque vindices injuriâ, sed parcas:

4. Et quasi jam ex tunc regni gubernacula sumpsisset David, supplices ad eum preces deferret Saül, non nisi ad Regem deferendas, ut noris, quis sit amborum victor: Certè hic Rex privatum rogat, & qui diademate cinctus est supplicem agit pro filiis suis, & exulem rogat: & quia indignum se agnoscit, cui concedatur quod petebat, ideo Deum interponit, erga quem summam Davidis norat pietatem: unde ait, *jura mihi in Domino, ne deleas semen meum post me, neque auferas nomen meum de domo patris mei*: Hinc conjice virtutem Davidis, quod hostis ab ho-

ste hæc petere ausus sit, & hæc ab eo speret: Quod autem juramentum exigit, non est, quod de Davidis moribus distidat, sed quod reputet apud se, quot malis illum affecisset, & quod se putet indignum, & quod sequestrem Deum ponat: itaque petit ut juret in Domino, se non deleturum semen eius: quod certè suis sceleribus reddiderat obnoxium vindictæ: Res planè admirabilis, hostem suum filiis suis relinquit tutorem; suamque posteritatem ac domum in illius manibus deponit: Vide quanta sit virtutis commendatio, vult illi non solum debere vitam, & regnum, sed etiam suæ posteritatis conservationem, post tot illatas injurias.

5. Hic vide syncerum animum Davidis, & omni amaritudine vacuum mentem: Statim illi annuit quod ab eo petebatur: Si vel minimum excusasset etiam modestiæ causa, recusasse videretur: *Et juravit David Saûli*: Jam ex nunc David agit regem, adeo generosus est animus eius qui parcat, nam condonando sit superior, facit enim alium debitorem: Nec diffidit David id se aliquando facturum, & hanc habiturum potestatem, ut scias quantum sit magnanimitatis in homine mansucto, neque, quod aliqui putant, ignaviæ, & timiditatis esse, agnoscere.

6. Atque ut videas, quantum datæ sibi fidei sit securus Saül, nihil amplius requisivit. *Abiit ergo Saül in domum suam*: secum sanè animo reputans admirabilem Davidis generositatem:

Et

tionem. *Dimitte sicut dimittimus* : Non viderat Christum crucifixum : Non viderat effundi pretiosum illum sanguinem pro inimicis : Non audierat Christum orantem in Cruce , *Pater dimitte illis* , non enim sciunt quid faciunt : Non audierat innumerabiles Christi sermones de refrænantis animi cupiditatibus : Non contigit illi gustare talem hostiam quæ quotidie nobis porrigitur , neque particeps fuerat Dominici sanguinis qui quotidie offertur pro peccatoribus : sed legibus imperfectioribus educatus , neque aliquid tale exigentibus , tamen ad Evangelicæ Philosophiæ fastigium , pervenit animi moderatione : Noli conditionem tuam , & gradum tuum obtendere ; David Rex erat à Deo designatus , & jam unctus : Noli beneficia ; erant innumera quæ fecerat : non iteratas condonationes ; plures fecerat : Non obstinatum inimici animum ; Nihil Saûle obstinatius : Non fractam fidem ; semper recidebat , Saûl ; Noli dicere te non esse securum : Neque potuit unquam esse David , nisi

Saûle mortuo : unde dicitur de Davide postquam in domum suam reversus est Saûl : *Et David, & viri eius ascenderunt ad loca tutiora* : quæ tamen impedire non potuerunt , quo minus Saûl internum Davidem perlequeretur : Memento te non aliâ ratione victorem futurum , & in hac vitâ , & in aliâ : In hac quidem , quia inimicos tuos tibi lucraberis : in aliâ verò , quia in Judicio nullos habebis meliores patronos , quàm hostes tuos tuo beneficio adjutos : Nam etiamsi innumera commiseris peccata , una tibi restabit defensio : *dimitte , quia dimissimus* : Ipse enim iudex dixit , *Remitte , & remittetur vobis : eadem quippe mensurâ quâ mensi fueritis remetiatur vobis* : Neque vero tantum tibi remittetur quod peccaveris , sed etiam mercedem accipies , sed nulla alia datur in aliâ vitâ , quàm gloria cœlestis , ad quam nos perducatur Jesus Christus Dominus noster , qui cum Patre & Spiritu sancto vivit , & regnat in secula.

Amen.



FERIA SEXTA CINERUM

CONCIO SEXTA

DE DILECTIONE INIMICORUM,

Quod injuriarum condonatio non sit actus ignaviae sed fortitudinis:
ubi tractatur Historia Machabæorum.

Diligite inimicos vestros. Matth. 5.

MEMORIÆ proditum est S. Joannem discipulum, quem diligebat Jesus, cum præ senectute multa verba proferre non posset, per singulas collectas dicere solitum, filioli, diligite invicem, cumque eius discipuli conquererentur, quod eadem semper diceret, cum dignam Joanne sententiam pronunciasse dicit S. Hieronymus: Quia præceptum Domini est, & si hoc fiat, sufficit. Idem dico de dilectione inimicorum, de quâ satis dici non potest, quia præceptum Domini est: *Ego autem dico vobis diligite inimicos vestros*: & si hoc fiat sufficit: 1. ad remissionem peccatorum ex Christi ordinatione: 2. ad perfectionem quia est summa charitas: nam si de ipso Deo dicitur Roman. 5. *Commendat autem charitatem suam Deus in*

nobis, quoniam cum adhuc peccatores essemus, secundum tempus Christus pro nobis mortuus est: quanto magis de hominæ: præsertim cum ex D. Thom. 2. 2. q. 27. art. 7. dilectio amici possit habere aliam causam quam Deum, non autem dilectio inimici: Ac licet utraque dilectio esset propter Deum, tamen dilectio inimici fortior ostenderetur, quia hominem ducit ad remotiora, nempe ad dilectionem inimici: Non itaque mirum si sæpius vobis de dilectione inimicorum dicam: sed ut neque ille amor haberi potest sine gratiâ, ita neque de illo differi potest uti oportet sine gratiæ auxilio. *Ave Maria.*

ILLE sine dubio non erravit qui dixit similitudinem, erroris esse matrem: dum alia, pro alijs accipiuntur; eo quod quæ similia sunt, sæpè putantur esse

esse eadem. Id passim in virtutibus accidere videmus : Nam sæpe hominem prodigum, vocamus liberalem : hominem avarum, appellamus bonam æconomum : tardum, & meticulosum, prudentem : hominem ignavum, modestū, & humile : superstitiosum, religiosum, atque devotum. Sed in nullā virtute maior deceptio, quam in iudicio fortitudinis, quia innumeræ sunt actiones in quibus non est vera fortitudo, sed fortitudinis species: quā de re fusiùs tractat, Aristoteles 3. Ethic. cap. 6. 7. & seqq. Qui plurimum non metuit, ut paupertatem, morbum, & plurima quæ à nobis non proveniunt, non est fortis, sed eum quādam similitudine fortem vocamus. In cap. 7. Qui circa res formidolosas modum exuperat, confidendo, non est fortis sed audax: qui autem audax est, arrogans esse videtur, & fortitudinis simulator. Quam multi ex irā plurimum audent, & imperterriti se in pericula cōiiciunt, & in hostes ferūt, uti animalia dum sunt lauciata : est enim irā res impetuosissima ad aggediendā pericula: sed ij pugnares sunt, non fortes, sunt solūsimiles fortibus, quia utrique confidunt, sed non ob easdem causas. Hac occasione, communissimum errorem hodiernā die aggredior, quo creditur, pusillanimitatis esse injuriā modestē perpeti, & patienter ferre: fortitudinis autem esse injuriā reponere; atque ostendo, nō in vindictā, sed in condonandā injuriā, veram fortitudinem consistere: quod facio duab⁹ conclusionibus.

I. est. Nulla fortitudo aut generositas est in repellendā aut vindicandā

injuriā. 1. Quia ad id sufficit solus naturæ impetus, uti patet experientiā: quilibet enim irasci potest. Ita feriæ, ait Aristoteles 3. Ethic. cap. 8. in eum insiliunt à quo vulnus acceperunt, vel ob dolorem, vel ob metum: unde, inquit, cum sunt, in suis latibulis id non faciūt: itaque ad id non opus est aut instructione, aut additione virtutis, aut præmij pollicitatione, aut minis, aut supplicio, aut adhortatione, sed sola natura sufficit: ut scias non esse opus virtutis: ad contrarium verò hoc est ad ignoscendum, opus est totā virtute: Immo nec à virtute natura adjuncta id potest, sed opus est gratiā, unde recte dixit S. Thomas dilectionem inimici non posse habere aliam causam quā Deum: Si nō pro motivo, saltē pro principio: & probatur experientiā ex paucitate: Magnum argumentum raritas: Item ex difficultate quam sentimus, licet exemplis commoveamur: licet pœnæ intententur, & quæ extremæ: licet præmium proponatur, illudque summum: Item ex communi plurimorum confessione, id non possum, illud vires meas superat, quod nemo dixerit te appetitu vindictæ: constat autem fortitudinis obiectum rem esse arduā ac difficilē: Denique quod qui id fecerunt in admiratione sunt, uti Ioseph, Moyses, David, Stephanus, Christus ipse: summum omnium exemplar. *Vix enim pro iusto quis moritur, Christus autem pro impijs mortuus est:*

2. Quia quilibet etiā ignavus hoc facit: nō est igitur op⁹ fortitudinis: Basil. Cōc. 17. quæ est de irā, & odio: Vindictā sūere cuiuslibet irascētis hominis

Kk 2

est, ipsam

est, ipsam vero iracundiam superare, illius potius est, qui virtute præditus est: quale enim spectaculum est, quam venerandum, quantæque admiratione dignum, humanæ etiam naturæ modum ferè excedens; videre hominem, multis convitijs affectum, acceptâ quoque vehementi in genas alapâ, atque innumera alia passum, cum dicto, tum facto, summam ignominie labem irrogantia, neque iracundiâ exarsisse, neque ad vindicandum exurrexisse, sed placide mansueritque pro illo qui offendit orasse?

3. Quia qui erat superior, facit se parem: qui enim alterum offendit alteri debet, qui autem debet, inferior est, nam alteri est obnoxius: igitur is cui debetur, superior est, atque vindicat se, ex superiore parè se facit, & si plus noceat inferiorem: Seneca lib. de Constantia cap. 14. facit se adversarium qui contendit, & ut vincat, par fuit: rectè omnino, nam contentio non est nisi inter pares.

4. Quia non tantum parem se facit, sed inferiorem, quoniam vincitur: aut enim oportet ut vincat, qui offendit, aut qui offenditur: si qui offenditur, hostem facit amicum, hoc autem facit condonando: quod si qui offendit, offensum fecit inimicum, is procul dubio vicit, itaque fecit inferiorem: Seneca lib. 2. de ira cap. 32. Non ut in beneficijs honestum est merita meritis repensare, ita injurias injurijs: Illic vinci turpe est: hinc vincere in humanum verbum est, & quidem pro justo receptum: ultio, & à contumeliâ non differt, nisi ordine: qui dolorem regerit, tantum excusa-

tius peccat: sed ut ostendimus in prioribus Concione, gravius.

5. Quia ultio oritur ex impatientia doloris, ut in eo qui clamat inter corporis cruciatus: Nam, ut ait Seneca, ultio doloris confessio est: Verum ut ait Aristoteles 3. Ethic. cap. 6. Nemo tolerantior est malorū homine forti, mors autē omniū maximè est terribilis: est enim ultimū vitæ, & nihil postea homini mortuo, aut bonū aut malū esse videtur: unde sequitur hominem fortè propriâ dici, qui circa honestâ mortē, & ea omnia quæ repente eveniunt, & ipsam afferunt, interritus est: quod si erga hæc summa, talis esse debet vir fortis, quanto magis circa minora, quales sunt injuriæ, quas nec timere debet futuras, nec præfetes impatienter ferre.

6. Duellum insigne proponit Seneca: est que, vir bonus cum malâ fortunâ compositus, dignum Deo spectaculum: Ita quilibet cum injuriâ compositus: sed huius pugnæ hæc ratio est, quod fortuna feriat: quod vir bonus sustineat: una victoria est, patientia doloris: Scævola manum quod aberrasset, in ignem immisit: victoria non fuisset si ignem aut excussisset, aut extinxisset: in hoc evasit victor, quod ignem patienter tulit, sine voce, sine gemitu, sine ullâ doloris significatione, imotus, & brachio, & vultu, & toto corpore, & animo. Eodem statu vir fortis injuriam tulit: Non est itaque fortem esse, aut generosum injuriam repellere, sed injuriam vincere patientiâ: Ideo rectè Chrysost. homil. 27. in Epistolam ad Rom. quorundam dictum: si me dilexerit diligam; si me dexter quoque non dilexerit

dilexerit oculus, effodiam: vocat frigidum, & imbecilli animi verbum, *phigron ryma*. & addit: Sathanica sunt ista, Publicanorumque & Græcorum pusilli animitati convenientia: Tu ad majora vocatus majoribus quoque legibus obnoxius es:

II. Propositio. Ad fortitudinē pertinet, & ad generositatem, injurias, patienter ferre, & condonare, inimicū diligere, & ei benefacere, qui tibi malē facit: uti docet Evangelium. Probatur Ex sensu sapientum. Et quidem Aristot. lib. 4. Ethicor. cap. 3. agens de viro magnanimo: Non est, inquit, mali sibi illati memor, non est enim magnanimi meminisse, præsertim mala, sed potius despiciere: Nec de hominibus loquitur: Etenim neque de seipso, neque de alio verba faciet, nec ut laudetur ipse, vel ut alij reprehendantur est ipsi curæ: Quod si idem alibi dicit, hominem magnanimum de alijs non obloqui nisi ob contumeliam, quod eam pati turpe sit, sic intellige, non quando injuria facta est, sed quando damnum adhuc pendet, & ad justam eius compensationem necesse est, proba eius qui contumeliam intulit detegere: Tunc enim magnanimus, alioqui in hoc genere parcissimus, non gravatē ita adversarium excipit, quod non facit vindictæ causa, sed justitiæ. Verū quia etiam in vindictā, quādam justitiam agnoscit Aristoteles, intellige non secundū veritatē, sed secundū vulgarem, & comūnē sentiendi modū: Nam qui tantū injuriā repōnit, vulgō non censetur injustus simpliciter, quia in hoc æmuletur justitiam, quod in speciem omnia reducat ad æqualitatem: sed uti diximus quodā nō

esse fortes, sed tantū fortitudinis habere similitudinē, ita justī non sunt justī sed similitudinem habent justitiæ: reverā autem sunt injustī, si se privatā auctoritate vindicent, quia Magistratus auctoritatem usurpant, & jus violant eius qui offendit, a quo nemo reparationem exigere potest privatā auctoritate, sed tantum legitimā, id est secundum leges quæ hanc potestatem uni magistratui concedunt. Ita, ut jam me dixisse aliās memini, Seneca, lib. de Constantiā cap. 14. ait Catonem percussū in os negavisse factum: & subdit, majore animo non agnovit, quā si agnovisset: & Themistius Orat. 5. Laudat Lycurgum, quod ei qui sibi oculum in concione effoderat, ignovisset, & a supplicio liberasset. Noverat scilicet bonum principem, non referendā injuriā, sed bene merendo, iis a quibus laceratus foret, superiorem videri oportere: virtutis quippe hæc victoria est, vindictā verō potestatis. Et vide quantum polleat qui ignoscit, certē quod alicubi dixit Seneca de virtute, eam omnia in suum colorem vertere, id facit fortis patientia, malū omne vertens in bonum: Nam ut ait Epictetus apud Arrianum lib. 3. cap. 20. Quod voles, accipe; & ego efficiam bonum, accipe morbū, mortē, paupertatem, contumeliam, extremū supplicium, omnia hæc emolumentum erunt contactu Mercurialis Virgæ, omnia fient cū ea pretiosa: idē Chrysost. hominem, cum injuriā decertantē patientiā, appellat, theatrū Angelorū: Basilii venerandū spectaculū, omni admiratione dignum, & humanę naturę modū sepe superans.

Kk 3

Probatur

Probat^{ur} 2. Quia cum sint duo actus virtutis, sustinere & aggredi, certe non alterius quam fortitudinis, prior sine dubio est potior, quia difficilior est secundo, & ideo laudabilior : Id præclare ostendit Aristoteles 3. Ethicor. cap. 9. Quia cum circa timores, & audacias verletur fortitudo, non tamen simili modo in utrisque occupatur, sed in timendis rebus magis spectatur : qui enim in his imperturbatus fuerit, & sicut debet se gesserit, is magis est fortis, quam qui in illis quæ fiduciam afferunt : Tolerandis igitur molestis rebus, homines, sicut dictum est, fortes dicuntur, unde etiam molesta res est fortitudo, & merito laudatur : quippe cum molesta sustinere, quam iucundis abstinere, difficilior sit : Et ita bene dixit sustinentiam potius esse actum fortitudinis, cum planè videatur is actus esse laudabilior, qui est operosior, & sustinere longè sit operosius quam aggredi : sicque subactio timoris, quæ sustinentiam spectat, longè sit fortior, quam moderatio audaciæ, quæ spectat aggressionem : unde concluditur pati fortius esse quam agere ; & cum ex malis illud difficilius feratur, quod ab inimico proficiscitur, summum actum fortitudinis esse injurias modeste ferre.

Confirmatur 1. Hæc doctrina ex S. Thoma 3. Ethicorum lectione 18. Quia timor imminet homini, ab aliquo fortiori in ipsum insurgente, audacia autem confurgit ex hoc, quod aliquis aestimat, cum quem invadit, suâ non superare potestatem : difficilius porro est stare contra fortiorem, quam

insurgere in æqualem, vel minorem : igitur difficilior est, & magis arduum sustinere, quam aggredi, & quam insurgere : uti in bello fortius sæpè est hostem irruentem sustinere, neque moveri de gradu, quam in hostem insilire : Porro injuriæ spectandæ sunt ut hostes in acie, quorum impetum fortiter sustinebit vir fortis, nec gradum mutabit : Audi Senecam libro quod in sapientem non cadit injuria cap. 9. Memor esto in primâ acie, alto ordine stare : contumelias, & verba probrosa, & ignominias, & cætera dehonestamenta, velut clamorem hostium feras ; & ut longinqua tela, & saxa, sine vulnere, circa galeas crepitantia : Injuriæ verò & vulnera, alia armis, alia pectori infixâ, non desertus, ne motus quidem gradu sustineas : etiam si premeris, & infestâ vi urgeris, cedere turpe est : assignatum a natura locum tuere : quæris quis sit hic locus : Viri. Certè omnes ab inimicis illatæ offensæ eodem modo ferendæ sunt quo ceteræ adversitates, & omnes fortunæ casus, quos sanè qui patienter ferunt fortes existimamus : hinc idem in consolatione ad Helviam : Nihil æquè apud nos admirationem occupat, quam homo fortiter miser : si vir magnus cecidit, magnus jacuit : Non magis illum putes contemni, quam cum ædium sacrarum ruinæ calcantur, quas religiosi æquè ac stantes adorant.

Confirmatur 2. Quia aggressio est plenè voluntaria, quod non parum diminuit difficultatem, & consequenter laudabilitatem, unde universum valet, quod sigillatim dixit sanctus Chrysost. homil. 10. in primam ad Thessalonicenses,

censes, de sustinentiâ rapinæ, comparatâ ad voluntariam suæ rei erogationem: Raptorem, propter Deum patienter ferre, majus est, quam sponte benefacere: quamobrem? eo quod hoc quidem, animi fructus est, & voluntatis, unde facile fit: Istud verò vis est & violentia: & facilius quis mille talenta sponte dabit, & nihil se passum esse putabit, quam ut tres obolos præter animi sententiam abreptos, mansuete ferat: Itaque istud magni est animi philosophia: Hoc ipse: ex quo fit ut cum injuria fiat invito, si patienter toleretur, major sit virtus, quàm illatio injuriæ, etiamsi ipsa foret licita: cuius tamen contrarium ostendimus:

Confirmatur 3. Quia qui aggreditur concepit malum quasi absens, & ad summum, ut futurum; qui patitur, considerat ut præsens: atqui operosius est niti adversus mala præsentia, quàm adversus futura; igitur sustinentia operosior est quam aggressio, & consequenter laudabilior: proinde non modò condonare injurias, non est animi demissi, & ignavi, sed potius est actus nobilissimus fortitudinis. Certè cum legimus in historiis etiam prophanorum, aliquos gravia passos esse fortiter, & moderate, illos suspicimus, & admiramur: ut Anaxarchum, de quo Nazian. Epist. 64. Cum ei manus, ex imperio Tyranni, in mortariò pistillis ferreis tunderentur, ipse ad carnifices Anaxargi culcum tunditis, non me, quasi Anaxarchus ipse non tunderetur, hoc est anima Philosophi: Epictetus, ut ait eodem loco idem Nazian. cum crus frangeretur, velut in alieno corpore philosophabatur; citiusque crus per-

fractum esse visum est, quam ipsum doloris vim persensisse: Socrates ab Atheniensibus ad mortem damnatus, cōjectus in carcerem, prius quidem de corpore, tanquam de alio carcere, cum discipulis suis diserebat, cumque sugam inire liceret, id facere reculavit: ubi autem cicuta oblata est, perlibenter accepit, perinde ac si lethale poculum, non acciperet, sed propinando amicos ad potandum invitaret: Asopios, & Macedones, & Lacones, dum torquenter, fortiter tolerare solitos, ait Eratoſthenes in ijs quæ scribit de Bonis, & Malis: & ut ait Clemens Alexandr. 4. Stromat. cap. 5. Zeno Eleates dum cogeretur arcanum aliquod enuntiare, quod vulgare non debebat, resistit tormentis: atque ut omnem spei confessionis, tyranno eriperet, linguam suam dentibus abscissam, in eius vultum expuit. Sed quid in illis est adeo magnum præter tormenta, & patientiam? Non suspicimus autem tormenta, quoniam & eadem, & maiora in reis reperiuntur: ut quid autem patientiam admiramur, nisi quia res est ardua, & difficilis, & quæ naturam ipsam superare videatur:

Quamquam non ipsa dolorum patientia laudem meretur, & admirationem, nisi causæ honestæ accesserit: neque enim ad fortitudinem spectatur gravitas supplicij, vel incomodi, quod sustinetur, sed causa, & motivum patiendi: cum non omnis patientia recta sit, & laudabilis, nec ut loquitur Augustinus, libro de Patientiâ cap. 1. vocabulo sit digna virtutis:

I. Enim sunt aliqui qui durissima patiuntur

patiuntur pro explendis suis cupiditatibus, ut pro adipiscendis divitiis, & honoribus, & alijs ludicris affectionibus, in venatione, in hastiludijs, in theatris, & similibus : sic August. ait lib. de Patientiâ cap. 3. Pecuniâ, & gloriâ cupidos, ut ad desiderata perveniant, adeptisque non careant, soles, imbres, glacies, fluctus, & procellosissimas tempestates, aspera, & incerta bellorum, immanium plagarum ictus, & vulnera horrenda, non inevitabili necessitate, sed culpabili voluntate perferre : Rationem reddit cap. 4. Vis enim desideriorum facit tolerantiam laborum, & dolorum, & nemo nisi pro eo quod delectat, sponte suscipit ferre quod cruciat. Verum nemo hanc patientiam laudat, quæ non habet originem à virtute, sed à cupiditate.

2. Etiam sunt nonnulli, uti docet August. loc. cit. cap. 5. qui pro apertis sceleribus, non ut ea puniant, sed ut ea perpetrent, multa gravissima perferunt : Quid de latronibus dicam, qui cum insidiantur viatoribus, noctes perpetiuntur in somnis, & ut transeuntes excipiant innocentes, sub qualibet cæli asperitate, nocentem animum, corpusque defigunt : Quidam verò se invicem torquere perhibentur, ita ut exercitatio contra pœnas, nihil distet à pœnis: non enim tantum fortassis, excruciantur à Iudice, ut à dolentibus veritas exquiratur, quantum à suis socijs, ut à patientibus non prodantur: & tamen in his hominibus miranda potius, quam laudanda patientia, immò nec miranda, nec laudanda, quæ nulla est; sed miranda duritia, neganda patientia: Nam ut S. Doctor pergit dice-

re : Patientia comes est sapientiæ, non famula concupiscentiæ: patientia amica est bonæ conscientiæ, non inimica innocentiae: Non igitur ibi patientia ubi crimen est & scelus.

3. Quam multos legimus pro erroris, & falsitatis defensione, multa gravissima passos fuisse: ut de Donatistis scripsit idem August. qui libentissimè ad mortem currebant; & quos nemo dixerit fuisse fortes, sed induratos, ac furiosos: Nihil autem illic, ut ait S. Pater loco citato, iure laudandum: nihil utiliter imitandum: Tantòque rectius majore supplicio dignum judicaveris animum, quantò magis, vitijs subdit instrumenta virtutum: Unde sic rectè concludit cap. 6. Cum ergo videris quemquam patienter aliquid pati, noli continuo laudare patientiam, quæ non ostendit, nisi causa patiendi: quando illa bona est, tunc ista vera est: quando illa non polluitur cupiditate, tunc à falsitate ista distinguitur: cum verò illa tenetur in crimine, tunc multum huius erratur in nomine. Hinc iudicium facere debemus de ijs qui patienter & modestè servant injurias, qui inimicis non tantum ignoscunt, sed eos diligunt, & benefaciunt persequentibus se, quod nemo faciat nisi Dei causa: Nam uti diximus ex S. Thoma, amor amici, aliam potest habere causam quam Deum, sed inimici dilectio nullam aliam habere potest: itaque, signanter dicere potuit Christus in Evangelio, *Ego autem dico vobis, diligite inimicos vestros*, quasi ipse solus author esse potuerit huius mandati, & solus esse potuerit causa & motivum huius dilectionis: Cum itaque

que

que non desit honestas motivi, & summa sit alioqui in eo difficultas, nemo negare potest esse summum actum fortitudinis:

Scio passim inter homines plurimi fieri præclara in bellis facinora, & in illis ferè omnem fortitudinem reponi: Non ignorò quod notavit Aristoteles sect. 27. problem. 5. Respublicas fortitudinem super omnes virtutes maxime honorare, licet non sit omnium virtutum maxima: cuius rei rationem subdit Philosophus, Quia vel alijs bellum inferunt, vel ab alijs patiuntur: hæc autem virtus perutilis in utramque partem est. Et quidem ratione obiecti, militaris fortitudo primatum obtinere videtur, quia summis periculis se obijcit: Deinde ratione subiecti, Quia in homine militari multæ virtutes desiderantur, temperantia, iustitia, & aliæ quæ iustitiam comitantur: Denique ratione utilitatis, & commodorum, hæc enim virtus, omnia bona, quæ Reipublicam constituunt, & beatam faciunt, conservat: Hinc factum ut jam olim militia, huius virtutis merito prærogativam tulisse videatur conferendæ nobilitatis, uti docet Lactantius lib. 1. Institutionum cap. 18. & apud nos, idem valuit, Miles, quod nobilis: Hoc dictum fuit Heracliti, Marte cæcos Dij honorant, & homines, & Platò 5. de Republ. ait eos qui strenuè se gerentes, obierunt in bello, esse aurei generis: aureum autem genus per Deos esse: Clemens Alexandr. 4. Stromat. cap. 2. ait Græcos veteres, eos præcipuè honorasse, qui in bello obijissent. Rationem hanc affert, Quia qui vitam finit in bello, mortem non timens recessit,

amputatus à corpore, cum prius animo non laborasset, nec emollitus esset, quæ dispositiones solent in morbis, hominibus evenire, discedunt enim effœminati, & vivere cupientes; & ideo puram animam non emittunt, sed veluti notas plumbeas, secum efferunt, cupiditates: nisi pauci aliqui doctrinâ, & virtute roborati: Hinc studium omne quarundam civitatum, & populorum, arma, & bella: & illis solis, qui se fortiter gessissent in bello, magna præmia concessa, cæteris autem denegata: Multa huius rei exempla præfert Aristoteles lib. 7. Politic. cap. 2. Laedæmore, & in Cretâ, ad bellum ferè ordinata est disciplina juventutis, & legum multitudo: summa potentia desertur ijs, qui armis prævalent, apud Scythas, & Persas, & Thracas, & Gallos: Carthaginenses solis militantibus concedunt annulos, & pro numero expeditionum, in quibus militaverunt. In Macedonia lex fuit, ut qui nullum hostem interemisset, capistro cingeretur: Apud Scythas solemnibus diebus circumlatâ pateram accipere ei non licebat, qui hostem nullum occidisset: sed apud Liberos, gentem bellicosam, mos fuit, tot obeliscos circa sepulchrum erigere, quot homines ex hostibus quisque sustulisset: Innumera alia leguntur apud varios, aut legibus, aut moribus constituta, quibus qui strenuè depugnarunt in bellis, & vivi, & mortui, supra reliquos mortales decorantur: Quare rectè dixit Tyrtæus vetus author de gloriâ bellicâ, Neminem valde memorandum vel à pedum velocitate, & cursu, vel à robore corporis, licet in primo superet Thracium Aquilonem, in secundo

Cyclopus magnitudinē: vel à formâ, vel à divitiis, vel à potentia, vel ab eloquentiâ, vincat licet Tithonum formæ elegantia, opibus Midam, Pelopem Tântali filium regno, & suavem Adrastum linguam, neque si omnem gloriâ habeat præter bellicam virtutem: hæc virtus est, hoc optimum inter homines præmium, quod maxime decorat illud habentem: unde Aristoteles 3. Ethic. cap. 6. postquam egit de fortitudine sic concludit: Is igitur homo fortis propriè dicitur, qui circa honestam mortem, & ea omnia quæ repente eveniunt, atque afferunt ipsam, interitus est, cuiusmodi sunt ea, quæ in bello contingunt.

Ego quidem militari fortitudini detrachere nihil velim, sed jam ostendimus plus esse fortitudinis in sustinentiâ quam in aggressionē: Immo nec fortitudo militaris strage hostium metienda est, quâ explosio bombardæ majorem faciet, quam plures milites: sed periculis mortis, seu in illis victor quis existat, seu victus, hoc enim nihil facit ad fortitudinem, sed summorum periculorum contemptus: Nam ex Seneca, si quis magnus cecidit, magnus jacuit, ut non semel à me dictum est: Itaque pluris facimus eum, qui mortem patienter sustinet, quam qui strenuè mortem infligit: Hoc vide in unâ familiâ in qua omnia fuere summa.

De Machabæis loquor quorum fortitudo magna fuit in aggressionē, & in persequentiâ, sed in istâ mirabilior: Quoad aggressionem attinet, Iudas Machabæus in præclaris belli facinoribus nulli Ducum concessit: Audi quid de eo dicat Scriptura 1. Machab. cap. 3.

Dilatavit gloriam populo suo, & induit se lorica sicut gigas, & succinxit se arma bellica sua in præliis, & protegebat castra gladio suo. Similis factus est leoni in operibus suis & sicut catulus leonis rugiens in venatione: Res eius præclare gestæ in trium Regum tempora incidunt, Antiochi Epiphanis, Antiochi Eupatoris, & Demetrii: Et quidem tempore Epiphanis, multa prælia gessit, sed quatuor potissimum: primū, cum Apollonio, quem, ut ait Gorion. lib. 3. cap. 10. cum Iudas vidisset stantē in medio exercitu Macedonum, per medios hostes viam sternens, ad dextram, & ad sinistram fortissimos Macedonē percutiens, ut melior spicas solet metere, ad ipsum pervenit, eique vitam & gladium abstulit, quò deinceps usus est in præliis: Alterum fuit cum Serone, cuius copiæ cum suâ multitudine locos Iudæ exterruissent, ipse eos verbis sic accendit, ut hostium exercitum, partim deleverit, partim fugarit ipso duce occiso: Tantam victoriam ita Antiochi secuta est, & magnus belli apparatus, & trium ducum electio, Ptolemæi, Nicanoris, & Gorgiæ, cum quibus Iudæ pugnandum fuit, sed cum parvâ manu innumeros hostium globos devicit, se per in medios hostium cuneos irruens, unde ingentia retulit spolia, & hoc fuit tertium eius prælium, quo plures hostes confecit. Quarto, contrivit Lysiam cum exercitu 40. milium electorum, & quinque milium equitum: Quid memorem varia eius prælia cum finitimis gentibus, Iudæorum genti perinfectis, quæ omnia feliciter iniit: primum cum Idumæis: secundum cū Beanijs: tertium cum Ammonitis, & eorum ducē

Timor,

Timotheo, quem sapius devicit: quartum cum Galaaditis ultra Jordanem: quintum cum Galilæis gentilibus, Ptolomæensibus: Tyrijs, & Sidonijs: sextum cum Carnaimitis, & oppressa est Carnaim, & non potuit sustinere contra faciem Judæ: septimum cum Ephronitis: Erat autem Epl. on civitas munitissima quæ ei transitum negaverat, quam unius diei, & noctis obsidione cepit, & eradicavit eam, ait textus, & accepit spolia eius, & transivit super interfecos: octavum cum Idumæis, quorum urbes demolitus est, & turres succendit: nonum cum Samaritanis: decimum cum Palestinis maxime Azotijs, quorum aras, & simulachra succendit: Et hæc sunt prælia Judæ Machabæi sub Antiocho Epiphane, cui successit filius, dictus Antiochus Eupator, cuius tempore Judas confligit cum quinque eius ducibus quos superavit.

Primus fuit Gorgias, cui juncti sunt Idumæi infensissimi Judæorum hostes, quos magnâ strage Judas affecit, occisis plusquam viginti millibus: Secundus dux fuit Timotheus, quem Judas adjuvantibus Angelis devicit, occisis viginti millibus hostium, & quingentis, non numerato equitatu: Deinde expugnata Gazara, & Timotheus interfecit: Tertius dux fuit Lyfias, jam alias devictus, qui adversus Judam processit cum 80. millibus peditum, & universo equitatu: In primâ acie processit Machabæus alios adhortans. *Ibant igitur prompti, de cælo habentes adiutorem, & miserantem super eos Dominum: Leonum autem more irruentes in hostes, profraverunt ex eis undecim millia peditum, equites mille sexcentos: universos autem in fugam vertierunt, plures autem ex eis vulnerati, nu-*

di evaserunt: Quartus dux fuit Timotheus, altero primo jam occiso, cuius exercitum constantem centum viginti millibus peditum, & bis mille quingentis equitibus, penitus confregit, interfecit triginta millibus, præter innumeros quos minoribus prælijs confecit: Quintus dux fuit Gorgias qui victus à Judâ, fugâ se proripuit, sed Judas totam Idumæam cepit, eorum civitates subvertit, & ad tributum coegit: Expugnatis Eupatoris ducibus, cum ipse pugnaturus venisset, cum innumero exercitu, & 32. elephantis, Judas cum tantâ fortitudine expugnavit, ut multis in eius exercitu interemptis, cum ad pacem petendâ coegerit:

Nô minora fuere ipsius facinora sub Rege Demetrio, Nam cum Bacchides & Alcimus venissent cum magnis copijs, certaturi cum Judâ, visâ eius constantiâ, non ausi sunt congredi: Demetrius itaque secundum ducem misit Nicanorem cum exercitu, cuius quinque millia occidit Judas: sed cum altero prælio rem tentasset, ad 30. millia Judas peremit, & in fronte exercitus Nicanorem ipsum aggressus, ut ait Gorionides, in duas partes dissecuit, eiusque caput abscissum, & dexteram quam in templum extenderat, misit in Jerusale, & blasphemam linguâ minutatim concisam, avibus dedit edendam: Ultimum Judæ prælium omnium fuit gloriosissimum cum Bacchidem & Alcimum cum exercitu triginta millium, aggressus est cum octingentis tantum militibus, & illorum quindecim millia cōfregit: Sed ut ait S. Amb. lib. 1. Offic. cap. 41. dum fugientes sequitur, à tergo vulnere locū præbuit, ita gloriosorem triumphis

mortem invenit : Certè nihil istà militari fortitudine generosius dici potest.

Sed audeo dicere plus me admirari fortitudinem septem fratrum Machabæorum qui sub Antiocho Epiphane martyrium cum suâ matre subierunt, vel ipsâ Scripturâ iudice quæ dicit Proverb. 16. *Melior est patiens viro fortis, & qui dominatur animo suo, expugnatore urbium*: Siquidem ut ait Ambros. 1. Offic. cap. 41. Illi armati (de Iuda loquitur, Ionatha, & alijs fratribus) isti sine armis vicerunt: sicut invicta septem puerorum cohors, regijs cincta legionibus; defecerunt supplicia, cesserunt tortores, non defecerunt Martyres. Sed enucleatius rem exponamus.

1. Igitur vide inter quos sit certamen: ex unâ parte stant septem pueri, & Mater jam ætate profecta: Nazian. orat. 22. Septem fratres unius animæ vinculo constricti: Cyprian. in exhort. ad Martyres cap. 9. Septem fratres, natalium pariter & virtutum sorte consimiles, septenarium numerum perfectæ consummationis implentes: Nazian. Ibi fortes & magnanimi filij, nobilis Matris, nobiles soboles, alacres veritatis pugiles, sinceri Mosâicæ legis discipuli, exacti patriorum rituum custodes, unum spirantes, unum ad vitam iter, hoc est, mortem pro lege Dei appetitam agoscentes, non minus animis, quam corporibus fratres, mortis causâ inter se æmuli: Illic fortis & strenua mater filiorum simul & Dei amans. Ex alterâ parte Antiochus cum toto exercitu multarum nationum victore, in propriâ sua urbe, quam de suo nomine vocavit Antiochiam. Ambros.

lib. 2. de beatâ vitâ cap. 9. Stetistis inter exercitus Regios, quibus totus fuit orbis terrarum subactus, quos India quoque inextremi maris secreta refugiens declinavit, & solide Rege superbo, sine bellico confictu victoriam reportastis, vicerunt in vobis sola arma pietatis. Iam vide quæ differentia sit inter præliâ Iudæ Machabæi & istorum: ille armatus pugnabat, isti sine armis; ille cinctus militibus, quorum cum illo comune periculû fuit, isti numero septem cum Matre; in exercitu Iudæ plures fugerunt, hostium multitudinem expavescentes, hic nemo aufugit, sed ut ait Nazianz. quemadmodum ortu, ita etiam morte fratres apparuerunt, omnes tanquam unus, & singuli tanquam omnes periculum subierunt.

2. Vide apparatus pugnæ: Nam Antiochus in medium protulit, varia multiplicium tormentorum instrumenta, flagra omnis generis, funes, catenas, catastas, equuleos, rotas luxandis artubus accommotatas, ferreas ungulas, cultros, gladios, ollas ferventes, sartagine, oleum, ignes & incendia, tortores, militem, populum, carnificinam: Pueri ex adverso, legis præcepta, Eleasari instituta, Patrum exempla, Matris exhortationes, Dei conspectum, Angelorum theatrum, religionis sanctitatem, firmum propositum, generis nobilitatem, suam seducationem; Dei promissa, cælum, beatitudinem: Recte dicit Amb. lib. 2. de Iacob. cap. 2. Collige suppliciorum instrumenta proposita: meditationem patientiæ, non terrorem incitæ afferunt, dum videntur.

3. Sicut

3. Sicut in prælijs præcedunt ducū adhortationes, & militum clamores, & tubarum clangor, quibus omnes incēduntur ad pugnam, ita nec in hoc certamine defuerunt: Quid non egit Antiochus ut timeretur? quas minas non adhibuit? sed ubi vidit non succedere minas, immò neque ipsa tormenta, ad preces, & ad promissa descendit: Sed eius minæ neglectæ, & delusa promissa, unde majori irâ accensus est, *Indignē ferens*, ait Scriptura, *se derisum*. Quis hic referat quibus verbis se invicem fratres generosi cohortati sint? Nazianz. Orat. 22. Amplectebantur se mutuò, atque exosculabantur, non minùs latis animis, quàm si jam ad certaminum finem, ventum esset: Eamus ad pericula fratres, clamabant, Eamus, properemus, quamdiu fervet adversum nos tyrannus, ne fortè molliatur, atque ita salutis jacturam faciamus: Nemo nostrum huius vitæ cupidus sit, nemo ignavus, ac timidus: perficiamus, ut cum in nos tyrannus inciderit, de cæteris desperet: periculis ille quidem ordinem imponat, nos sequemur. Nam primus, alijs erit via, postremus, certaminis sigillū: Demus operam, ut quemadmodum ortu, ita etiam morte, fratres appareamus: omnes tanquam unus, & singuli tanquam omnes periculum subeamus: Eleasare sulcipe, Mater sequere. Quæ verò ad tyrannum dixerunt tanta sunt, ait Nazianz orat. 22. & tantum continent sapientiæ & animi magnitudinis, ut aliorum præclara facinora, in unum locum collata præ eorum constantia, & fortitudine perexigua videri possint: ut illorum hæc propria sit laus, quod

ijdem, & ita cruciatus exceperint, & tantam sapientiam exercuerint in responsionibus ad pie secutoris minas, injeclōsque suppliciorum terrores. Sed supra omnes mirabilis fuit mater, filios suos adhortans: sic enim loquitur Scriptura 2. Machab. cap. 7. *Supra modum autem Mater mirabilis, & bonorum memoria digna, quæ &c. singulos illorum hortabatur voce patriâ fortiter, repleta sapientiâ: & fœminæ cogitationi, masculinum animum inferens, dixit ad eos: Nescio qualiter in utero meo apparuisti: neque enim ego spiritum & animam donavi vobis, & vitam, & singulorum membra non ego ipsa compegi: sed erim mundi Creator, qui formavit hominis civitatem, quique omnium invenit originem, & spiritum vobis iterum cum misericordiâ reddet & vitam, sicut nunc vosmetipsos despiciitis propter leges eius. Eodem sensu Cyprianus in exhort. ad Martyres: Deprecata est illa; sed ut decebat Martyrum matrē, ut decebat legis, & Dei memorē, ut decebat filios suos, non delicatē, sed fortiter diligentem: armans itaque eos, & corroborans, & feliciore tū partu filios generans. Sed præcipuè cum natu minimum jam solum superstitem tyrannus emollire promissis conabatur, quem priorum tormentis, & funeribus terrere non potuerat, ostensis ei uberibus quibus cum novem mensibus lactaverat, sic cum affata dicitur 2. Machab. cap. 7. *Fili mi misere mei, quæ te in utero novem mensibus portavi, & lac triennio dedi, & alui, & in etatē istam perduxī. Peto nate, ut aspicias ad cælum & terram, & ad omnia quæ in eū sunt: & intelligas quia ex nibilo fecit illa Deus, & hominum genus: ita fiet ut non timeas**

carnificem istum; sed dignus fratribus tuis es-
sedus particeps, suscipe mortem, ut in illa mi-
seratione, cum fratribus tuis te recipiam: Am-
 brof. lib. 2. de Jacob. cap. 2. Tu solus su-
 peres fili, summa votorum meorum, tu
 postremus claufisti partus meos, tu
 postremus conclude gaudia mea: Mife-
 rere mei, quæ te in utero tot mensium
 curriculo portavi, & aspice in cælum,
 unde spiritum hausisti, ad patrē omni-
 um: aspice ad fratres qui collegam re-
 quirunt, aspice ad matrem, quæ tibi lac
 dedit, redde mercedem pij sanguinis:
 noli à fratribus, noli à matre divelli:
 temporales opus sunt, quas promittit
 Antiochus, temporales honores, per-
 petua corona quæ à Deo omnipotente
 defertur: Vos mihi septem dierum lu-
 mina dedit Dominus: sextum jam di-
 em clausi, & omnium opera, bona val-
 de, debes mihi fili, ut quæ in illis sex
 laboravi, in te requiescam septimo, tan-
 quam à sæculi operibus jam feriata.

4. Sed hæ præludia sunt ad pugnam,
 videamus amborum certamen. Antio-
 chus pugnavit tormentis, pueri forti-
 tudine, & patientiâ: Verum non simul
 omnes aggressus est, sed singulos sigil-
 latim ut priorem supplicij posteriores
 terret: Et hoc cessit illis ad gloriam,
 ut sæpius vincerent, & ille sæpius vin-
 ceretur. S. Leo de Machabæis. Multi-
 plicatæ sunt Martyrum palmæ, & dum
 singuli in omnibus vincunt, præter co-
 ronas proprias, omnes acquisivere
 septem.

Primum supplicium fuit quod nuda-
 tos flagris & tauris singulos crucia-
 vit, gravi sanè iniuriâ nobiles adolef-
 centes, non fervorum modo sed reorū
 pœnâ afficere: Hæcne sunt ea tormēta

quæ tantoperè minabaris? Nos tractas
 more puerorum, cum virgis constantiâ
 nostram probas: aut alia tormenta ex-
 cogita, aut hæc scias à nobis contemni.
 Expectas fortasse ut orationem rete-
 xamus? Immò vero sæpius idem repe-
 temus: Cibis impuris non vescemur:
 Non dabimus manus: citius nostra ve-
 neraberis, quâ ut nos tuis cedamus: 2.
 Machab. 7. *Quid queris, & quid vis discere*
à nobis? parati sumus mori magis quàm pa-
trias Deileges prævaricari: Non tulit ty-
 rannus tantâ loquendi libertatē: Itaq;

2. Jussit loquentibus linguam extra-
 hi & amputari. Ambrosius lib. 2. de Be-
 atâ vitâ cap. 2. Et ille exclamans, victus
 es Antioche qui organū vocis abscin-
 di jubes: confessus es te respondere nō
 posse rationi, majoraque probas lin-
 guæ nostræ flagella, quàm tua verbera:
 Nos enim tua verbera non timemus,
 tu nostræ vocis flagella non potes su-
 stinere, &c. Sed etiam lingua sublata,
 gravius te suo cædens murmure flagel-
 labit: Evadere te putas Antioche, si vo-
 cem eripias? & tacentes Deus audit,
 & magis audit. Ecce aperui os meum, la-
 xans linguam meam: Abscinde linguâ,
 sed non abscondes constantiam, non
 virtutem auferes, non rationem obli-
 terabis, non eripies testimoniū verita-
 tis, non eripies cordis clamorem: si lin-
 gua amputatur, sanguis clamabit, & di-
 cetur tibi, vox sanguinis fratris tui cla-
 mat ad me: audit enim sanguinis vocē,
 qui audit internas cogitationes: quid
 verba damus? loquaciora sunt vulnera:
 & si vulnera tegantur, & si abscondatur
 cicatrix, non absconditur fides: Nec ta-
 men plaudas quod auferendo linguam,
 con-

confessionem laudis eripias : fatis jam Deum sermone laudavimus, nunc passionem laudemus : Primum itaque sacrificium fuit lingua, quod, ut ait Cyprianus in Exhort. ad Mart. Martyri gloriosius contigit, lingua enim, quia prior confessa Deum fuerat, prior ad Deum debuit proficisci. Quod in uno præstitum, in alijs factum est, itaque *tertius linguam postulat cito protulit*. Cyprianus, Nam poenam linguæ explicandæ, jam didicerat à fratre, contemnere.

3. Abscissæ linguæ officium liberæ manus implebant, nec gestum ferre potuit, qui vocem non poterat. Itaque iussit & manus & pedes pueris præscindi: Cyprianus in exhort. ad Mart. Manus quoque amputandas cōstanter extendit, multum beatus genere isto supplicij, cui contigit extensis ad poenam manib⁹ passionis dōnicæ instar imitari.

4. Quod neque lingua nec manus loqui poterant hoc vultus decor & maiestas loquebantur: quid faciat tyrannus? iussit cutem capitis cum capillis extrahi: sed ut ait Ambros. 1. Officiorum cap. 41. Ille corio capitis exutus, speciem mutaverat, virtutem auxerat: Idē lib. 2. de Jacob cap. 2. Cum detraheretur membrana capitis, hæc apud se cogitabat, aufertis quidem membranam, sed habeo galeam spirituales, quam non potestis auferre: Et vero hanc galeam nemo auferre potest, sicut postea docuit Apostolus in Ecclesiā Domini, quia caput viri Christus est, & eius sumus membra: unde sic philosophatur Cyprianus in Exhort. ad Mart. cutē capitis cum capillis detraxit, odio scilicet certo: Nam cum caput viri sit Christus, & caput Christi Deus, qui caput

laniabat in Martyre, Deum & Christū persequabatur in capite: Verum quod integrum restabat in corpore, suā voce non carebat, unde tyranno captata est occasio novi supplicij quod in illā voce agnoscit Ambrosius in 2. lib. Machab. cap. 7. *similiter torquentes*.

5. Itaque, ut ait idem lib. 2. de Jacob cap. 2. Iussit quartum venire ad rotam, ut eius vertigine membris omnib⁹ solveretur. Theophilus Alexandrinus epistola 3. Paschali: frangebantur ossa, & volubili rotā, omnis compago nervorum, atque artuum solvebatur: At ille dum torqueretur immaniter, ait Ambros. loc. cit. dissolvīs (ajebat) corporis membra, sed adjungis gratiam passioni, nec eripis solatium morti: Est enim *vox tonitruī in rota*, quia in bono, & inoffenso vitæ istius cursu, cœleste resultat oraculū: itaq; illud quod legi, nunc manifestius recognosco, quia rota intra rotam currit, nec impeditur: teres enim vita sine ullā offensione, in quavis passione versatur, & intra hanc quoque rota currit: currit lex intra gratiam, & observantia legis intra divinæ curriculum in misericordiā est: nam quō magis volvitur, plus probatur: potius est hic ab impijs adversa tolerare, ut ibi à Domino consolationem invenire possimus. Sed quoniam pro membris jam vulnera loquebantur, ut membra, & vulnera aboleret.

6. Ignem omnibus admoventi iussit: Ambros. lib. 2. de Jacob cap. 2. Quintus cum sisteretur, cæso prius eidem iussit ignes admoventi, subijci, incendi: Manabat è vulneribus cruor, & effusis ulceribus, sanguis effusus ipsos flammarū extinguebat globos: ac ille inter flam-

filiorum agmina, tanquam pia anima, sui membra corporis in filijs offerebat, & per artus proprios videbatur sibi subire tormenta, &c. Cadebant filij tormentis exulcerati: mortui super mortuos adolvebantur, corpora super corpora volutabantur: capita super capita exfecabantur: refertus erat locus cadaveribus filiorum: non fleuit mater, non lamentata est; non oculos cuiusquam pressit, aut ora morientis: non lavit vulnera, sciens gloriosiores esse, si eviscerati, & concreti pariter pulvere, & sanguine viderentur, quales solent de bello redire victores, qualia solent trophæa ex hostibus portare: Non superjacienda velamina, non proseguendas exequias, nisi suo quoque comitatu mortis arbitrata est. Nazianz. orat. 22. Cruoris guttas rapiebat, fragmenta membrorum excipiebat, reliquias adorabat: hunc colligebat, alium porrigebat, alium parabat, omnibus acclamabat.

Qualiter autem ipsa se in proprio Martyrio gesserit, nemo mortalium satis eloqui potest, itaq; uno verbo quasi compendio absolvit Scriptura 2. Mach. cap. 7. *Novissimè autem post filios mater consumpta est*: Neque enim ait Cypr. in exhort. ad Mart. aliud jam decebat, quàm ut quæ Martyres pepererat, & fecerat, in consortio illis gloriæ jungeretur, & quos ad Deum præmiserat, ipsa quoq; sequeretur: alioqui plenum non fuisset sacrificium: unde, ut ait Amb. de Jacob cap. 2. pia mater, supplemento passionis adjuncta est, quæ in talib; filijs integrâ pietatis formâ, & parturivit & peperit:

Quare, ut ait Nazian. orat. 22. ipsa se supra omnia collocans, impetumq; animi cum amore commiscens, pulchri cuiusdam funebris muneris loco, seipsam liberis obtulit, ac prægressos secuta est.

Modum mortis non eodem modo omnes narrant: Refert Senens. lib. 5. Bibliot. fuisse aliquos qui præ gaudij magnitudine mortuam dicerent: ob filiorum triumphum: Gorionides ait expansam super filiorum cadavera, & a Deo deposcentem ut filios sequeretur, sic expirasse: Iosephi liber Græcus ait ipsam, ne virorum quispiam corpus eius attingeret, in extructum se se rogû abjecisse, & ita avolasse post filios: id fortasse significavit Scriptura, cū dixit, *Novissimè autem post filios & mater consumpta est*: Verùm in versione latinâ libri eius de Machabæis, legitur raptatam, nudatam, laceratam, manibus in altum ligatis, uberib; faucibus flagellatâ flammivomæ tandem sartagini addictam: ô mulierè masculis omnibus ad tolerantiam generosior! Idem exclamat, ô viris ipsis ad patientiam viriliorem!

Quid hîc censet, mi Auditor, quid iudicas: si nosti quid sit fortitudo, an tibi infra Judam Machabæum videntur septem pueri Machabæi? an non supra omnes tibi videtur esse Machabæorum mater? an non verum quod dixi, plus esse fortitudinis in tolerando, & patiendo, quàm in aggressionem? Quid igitur ignavos eos putas qui injurias toleranter patiuntur, qui condonant, qui ignoscunt, qui eos a quibus sunt offensus primi requirunt, qui benefaciunt illis quos habent persecutores; uno verbo qui inimicos diligunt?

Tu in eo ponis generositatem, si quis nihil ab alio patitur, si quis injurias reponit : si quis se aliis formidabilem reddat: isti sunt mundi generosi, isti fortes, isti magnanimi : sed Christus aliter judicavit: aliter sanxit, aliter fecit, aliter suos docuit : vide quo potius in judicio stare debeas, an Christi an mundi? cui tandem parere debeas, an mundo an Christo : An putas si se ulcisci esset generosum id Christus prohiberet? Si acrius esset verę fortitudinis, id Christus damneret? an putas si patienter injuriam tolerare, esset ignavię, id ipse nobis pręciperet, id mercede afficeret, id laudaret, id prędicaret, id suaderet, id ipse pręstitisset? Sed inquires, id mihi est impossibile: Cur tandem? quia in hoc meipsum vincere non possum: Vide quomodo ignaviam cogeris fateri, & impotentiam: non igitur parcere est ignavię, non igitur vindicare se est fortitudinis. Hinc agnosce nihil generosius Evangelio, nihil vero Christiano fortius, nihil doctrinę Christi sublimius. Humilitatem docet, quia omnes huius sæculi honores contemnit: suadet paupertatem, quia nullas esse

putat divitas quę sunt temporales, sed tantum æternas: mortem non esse timendam, quia ad meliorem vitam est transitus: non eos esse timendos qui tantum possunt occidere corpus, quia bonum esse hominis non spectat corpus, sed animam: non est huius vitę, sed futurę: eos qui nos persequuntur non ut hostes, sed ut amicos esse aspiciendos, quia nobis plus afferunt emolumenti, quàm damni: plus prodesse inimicum, quàm amicum, meliora enim sunt vulnera quàm oscula, melius est dare quàm accipere, pati, quàm agere, & injuriis affici quàm laudari: unde hæc Christi consilia, Matth. 5. *Si quis te persusserit in dextram maxillam tuam, præbe illi & alteram, & ei qui vult tecum iudicio contendere, & tunicam tuam tollere, dimitte ei & pallium, & quicumque te angariaverit mille passus, vade cum illo, & alia duo*: Horum omnium ratio est, quia quò aliquid est difficilius, eò etiam & perfectius est, & maiorem mercedem meretur profectò in cœlis: quò nos gratia sua deducat JESUS CHRISTUS,

Amen.

FERIA



FERIA SEXTA CINERUM

CONCIO SEPTIMA

DE DILECTIONE INIMICORUM.

Quòd melius famæ consulatur ignoscendo, quàm
se vindicando.

Diligite inimicos vestros. Matth. 5.

CUM multa hætenus circa injuriarum ultionem, contra communem legem mundi ostenderimus: 1. quidem, facilius esse parcere, quàm ulcisci. 2. plus peccare qui refert, quàm qui infert, injuriam. 3. quòd ea sit omnium optima ratio sese ulciscendi. 4. quòd injuriarum condonatio non sit actus ignaviae, sed fortitudinis: ultimum mihi hodie superest ostendendum, injuriarum condonatione, plus famæ & honori satisfieri, quàm vindictâ & ultione: quidquid innumeris mortalibus contrarium videatur, qui passim existimant indecorum esse, & gradu nobilitatis indignum, vel injuriam acceptam condonare, nisi is qui fecit, planè satisfecerit; vel injuriæ irrogatæ vindictam, per publicam potestatem quærere: sed tùm demùm qui offensus est,

integrum suum honorem servare, si sibi ipsi factus judex, privatâ autoritate se ulciscatur: quæ mala persuasio, quia altissimas in hominû animis radices egit, ut illi nos opponamus, non nostris tantùm viribus, sed cælestibus etiam depugnandum est: & ut illas habeamus, opem à Deo accersamus, Ecce Virginis precibus, & intercessione. *Ave Maria.*

AD arcem difficultatis pervenimus circa id quod attinet ad injuriarum aut condonationem, aut vindicationem, cùm jam res illa spectet id quod in rebus humanis putatur esse maximum, honorem scilicet, secundum illud Sapientis Proverb. 22. *Melius est nomen bonum, quàm divitiæ multæ*: cuius qui sunt capacissimi, & qui in vitâ illum propriè spectant, summum ferè in eo collocant, ut injuria in punctum non

Mm 2.

infe-

inferatur, præsertim si habeat aliquid dedecoris, ut est contumelia; idque ex communi hominum etiam sapientum existimatione, & ex eorum iudicio, qui veri honoris, & veri dedecoris sunt arbitri; unde apud multos duellorum iustificatio, atque defensio: idque fuit quod potissimum ab adversario nobis objectum est: adversum quos omnes hoc unum contendo, eum qui parcit, plus famæ & honori suo satisfacere, quam qui ulciscitur.

Probat 1. quia absolute loquendo nullus honor est in se vindicando, & nullum dedecus in parcendo. Prima pars probatur: quia cum honor sit bona de altero existimatio, certum est nullam esse bonam de altero existimationem quod se vindicet. Ratio est; quia nulla potest esse bona existimatio, si non sit de re bona, & honesta, qualis non est vindicta: etenim illa actio non potest esse bona, & honesta quæ iniusta est. Vide autem multiplicem vindictæ iniustitiam. 1. Quod sit contra leges divinas, & humanas: nihil enim frequentius est in Scripturâ, quam prohibitio vindictæ: Matth. 5. *Ego autem dico vobis, diligite inimicos vestros, benefacite his qui oderunt vos, & orate pro persequentibus & calumniantibus vos.* Roman. 12. *Mibi vindicta, & ego retribuam, dicit Dominus.* Item: *non vosmetipsos defendentes, charissimi, sed date locum iræ.* Item: *Si furierit inimicus tuus, ciba illius: si sitit, potum da illi.* Item: *Noli vinci à malo, sed vince in bono malum.* Levitic. 19. *Non quæras ultionem, nec memor eris injuriæ civium tuorum:* & alibi passim præcipitur patientia injuriæ, & prohibetur vindicta: leges autem humanæ id passim prohibent, & puniunt; unde

adversus duella, tot Edicta Regum, & severæ iudicium. & Tribunalium punitiones: & certè meritò, aliqui omnia complerentur, si unicuique liceret per seipsum ius suum repetere: nec sufficit dicere: multa prohiberi legibus propter abusum multorum, qualis est vindicta per seipsum, quæ aliqui speculative licita est, licet practicè in aliquibus sit illicita propter abusum, quo sublatò, omnino licita est etiam practicè; nam veritas de æquitate actionis est practica: itaque illa actio ex natura rei, potest ad praxim licitè redigi; etiam si ex eius praxi, multa & graviora per accidens sequantur incommoda. Non inquam hoc sufficit dicere; quia eiusmodi incommoda per accidens tantum consequentia ex frequenti exercitio, alicuius actionis, quæ aliqui ex naturâ rei videtur licita, sunt causa iustissima, ob quam Respublica eiusmodi actiones gravissimè prohibere possit? Quæ autem leges eiusmodi actiones periculosas prohibent, in universum obligant, etiam quando periculum abesse iudicatur: alioqui periculum quod efficaciter vitare conantur, non evitarent; unoquoque sibi indulgente persuasionem absentia periculi; cum tamen pauci sint, qui pericula omnia prævidere semper, & præcavere quant; quâ de causâ legum adminiculo opus est, quæ communes scientiæ & prudentiæ defectus suppleant. Eæ autem extare, & obligare censendæ sunt, ubicunque puniri solent eæ actiones periculosæ: cum itaque in omni benè ordinatâ Republicâ, eiusmodi actiones puniantur, eæ saltem iure positivo prohi-

prohibita esse censendæ sunt, ita ut nullo casu ad praxim redigi possunt: & proinde cum illud quod contra leges sit, sit illicitum; sequitur ultionem per seipsam esse illicitam, & consequenter non esse bonam, & ita non pertinere ad bonam æstimationem, & consequenter neque ad honorem cum, ut diximus, honor sit bona de alio æstimatio, & ut bona sit, debeat esse de re bonâ, & honesta.

2. In eo est injustitia, quod qui se vindicat, usurpat auctoritatem publicam, quæ ad Magistratum pertinet; nam si non licet alienas fores infringere, ut tua repetas quæ ablata fuerunt, eodem modo non licet illatam tibi injuriam privatam vindictâ ulcisci, aliqui multa injuste fierent, & omnia cædibus complerentur. Neque in contrarium facit, dictum illud commune, Vim vi repellere licet; itaque licet etiam injuriam injuriâ repellere; unde licet se ulcisci.

Nota enim 1. quando dicitur, Vim vi repellere licet, non ita esse accipiendum, ut licitum sit ei qui nos læsit, aut nobis intulit injuriam paræ vim inferre post acceptam injuriâ; hoc enim esset exercere actum justitiæ vindicativæ, qui non est privata, sed publicæ potestatis: sed sic accipiendum est, ut ante acceptam injuriam, licitum sit exercere actionem aliquam alteri violentam, quâ impediatur ne nobis faciat injuriam: unde jus illud vim vi repellendi non respicit injuriam factam, sed faciendam, ut impediatur ne fiat.

Nota 2. ius illud impediendi injuriâ faciendam, non respicere quamcunque actionem injuriæ impeditivam, sed

impeditivam illius per modum defensionis: neque enim quæritur, ut alium lædas, sed ut te tuearis; quod si aliter facere non potes, nisi alium lædas, lædere potes, id usurpando, ut mediū tuæ defensionis.

Nota 3. ius se se defendendi tempore præsentis supponere aggressionem completam, vel certè inchoatam tempore præsentis.

Probat; quia defensio supponit aggressionem, igitur ius se defendendi tempore præsentis, supponit aggressionem tempore præsentis, si non completam, saltem inchoatam; unde ius vim vi repellendi dicit duplicem ordinem, scilicet ad aliquod factum, & ad aliquod faciendum, ita ut illud ius fundetur in aliquo iam facto, & ad aliquid post faciendum ordenetur, per oppositionem scilicet impedimenti quo prohibeatur, ne id quod aliqui fieret, executioni mandetur. Hinc sequitur quod non licet, eum qui percussit, & fugit, occidere: quia cum injuria iam facta sit, non est injuriæ repulsio; sed illatio, seu vindicta, quæ semper prohibita est. Item non licet male tractare eum, qui de nobis detraxit in re alicuius momenti; quia cum injuria jam facta sit, non est amplius iusta sui defensio, sed ultio: & in univerfum non licet factam injuriam ulcisci. Manet itaque probatum quod dixi nullum esse honorem in se vindicando, cum verus honor sit bona de alio existimatio bona autem illa existimatio sit de re bonâ, & laudabili seu honestâ, qualis non est vindicta, quæ & prohibita est, & illicita.

Am. 3. Secunda

Secunda pars, nempe, nullum esse dedecus in parcendo, Probatur 1. ex communi hominum sensu, qui illud existimât esse supra humanam conditionem: etenim quilibet se potest ulcisci, cum ad id sufficiat solius naturæ impetus, uti patet in feris, & in pueris; itaque ad id non est opus, aut adhortatione, aut institutione, aut præmij pollicitatione; sed sola natura sufficit, sine additione virtutis, atque parcere paucorum est, & ad id opus est totâ virtute, unde in ore omnium solet esse commune, id pati non possum, id ferre nequeo, hoc superat vires meas, illud est supra humanam virtutem: itaque se vindicare, infirmitatis est; sed parcere, potestatis & virtutis, eiusque non communis; adeo ut ignavus quisque se ulciscatur, aut si de facto non potest, ulcisci se desideret, cum parcere sit animi exaggerati, & supra mortales evecli, qui nec iræ cedat, nec injuriæ. De Deo sic pronunciat Ecclesia, quod parcendo ostendat omnipotentiam suam: & Sapiens Sapientia 11. *Misereris omnium, quia omnia potes*: cur non de homine id dici potest? cui præsertim magna de seipso victoria referenda, magna de irâ & de sensu naturali, quem in animalibus, in pueris, & in amentibus videmus: igitur nullum est in parcendo dedecus.

2. Probatur; quia uti in alia concione ostendimus, ignoscere injuriam non modò non est ignavia, sed etiam actus est summæ fortitudinis, quæ potiùs in patiendi consistit, quàm in agendo, uti ostendimus ex doctrinâ Philosophi.

At primò multi contrarium opinantur, qui injuriarum tolerantiam vocant ignaviam, & ultionem interpretantur fortitudinem: id ego novi, sed miror te hominum opinione commoveri, quam omnis sapiens contemnet: scio commode id esse malum inter homines, ut se hominum opinione commoveri sinant; unde Antoninus Imperator lib. 4. num. 9. Omnia opinione constant: verum ita remedium subijcit, hoc autem est in tuâ potestate. Tolle igitur cum lubet opinionem, eruntque tibi, tanquam promontorium prætervecto, omnia serena, & sinus fluctibus vacans. Eodem pertinet quod ait Seneca epi. 13. Plura sunt quæ nos terrêt, quàm quæ nos præmât, & sæpius opinione, quàm re laboramus: citò accedimus opinioni: nò coarguimus illa quæ nos in metum adducunt, nec excutimus, sed trepidamus, & vertimus terga; quemadmodum illi quos pulvis, motus fugâ pecorum, exuit caltris, aut quos aliqua fabula, sine autore sparsa conterruit. Nescio quomodo magis vana conturbant; vera enim modum suum habent, quidquid ex incerto venit, conjecturæ & licentiæ paventis animi traditur. Id certè in nostrâ materiâ contingit, nam in hoc vana est opinio, nullo nixa fundamento: itaque contemnenda est ut falsa omninò morum regula.

Secundò, movit te opinor vox opinionis, ut eam reciperes, sed ne noceat verbi invidia, rem premo strictius, & aliquid gravius oppono: multum, inquis, contra nos iudicant, & ignavum putant qui patitur injuriam, fortem qui

qui ulciscitur : itaque primum inglorium esse, & infamia laborare: alium esse in honore: & hoc etiam novi. Sed primo, quoniam illi sunt qui ita iudicant, certe aut vulgus ignarum, aut homines iudicii corrupti, quales plerique in aulis reperiuntur, aut inter milites. Disce ex Gegerio Nazian. orat. 27. quanti facere debebas eiusmodi iudicia, non dissimilia illis qui vertigine correpti sunt, quibus omnia moveri videntur, & sui que deque agitari: an non quibusdam hominibus mel amarum est, nempe morbo laborantibus, maleque affectis; an propterea ita se res habent? fac prius fidem, sanos esse qui ita sentiunt, ac tum demum illis assentiamur; sed vide quam passim male iudicent, ut non admodum eorum iudicio stemus. Non igitur hoc nobis opponas, plerique ita videtur; quid enim mea interest, ait Nazian. loco cit. qui rei veritatem solum curo? hoc enim vel me condemnaverit, vel absolverit; hoc miserum, vel beatum reddiderit: sed quid alijs videatur, nihil ad nos quemadmodum alienum somnium. Secundo: sint aliqui qui sic iudicant, sed illorum perverso iudicio, ipsius Dei iudicium, & sapientium iudicium oppono. Jam vide cuius iudicium cordatis hominibus pluris faciendum, magisque curandum sit, etiam si omnes homines in unum coacti essent. Audi quemadmodum ratiocinetur Nazian. orat. 27. citata: Si tu duos homines, quorum alter esset acutior & sagacior: alter autem imperitior & hebetior esset, de eodem negotio in consilio adhibeas, haud recta mente praeditus videris, si relicto prudentis con-

silio, iudicium imperiti sequereris: neque enim Roboam laudem ex eo consecutus est, quod pro nihilo habitâ Seniorum sententiâ, Iuvenum consiliis paruit: quanto magis id observandum, si Deus, & homines inter se expendantur, ne iudicia hominum potiora ducas quam Dei? Certè iudicium Dei tibi pluris esse debet, quam omnium simul hominum. Ne igitur valdè commovearis paucorum iudicio, qui certè non sapiunt; neque enim sapere dicendi sunt, qui aliter sentiunt, quam Sapientia divina, & qui ab eâ coarguuntur. Audi quid in causa longè inferiori scripserit Seneca in fragmentis de remedio fortuitorum: Male loquuntur de te homines, sed mali: moveret si de me Cato, si Lælius Sapiens, si alter Cato, si duo Scipiones ista loquerentur. Nunc malis displicere, laudari est: non potest ullam auctoritatem habere sententiâ, ubi qui damnandus est, damnat. Male de te loquuntur; moveret si iudicio hoc facerent; nunc morbo faciunt: non de me loquuntur, sed de se. Male de te loquuntur; benè nesciunt loqui: faciunt quod non mereor, sed quod solent: quibusdâ enim canibus sic innatum est, ut non pro feritate, sed pro consuetudine latent. Quanto magis id tibi dicendum est, cum accedit Dei suffragium, quo perversa hominum ingenia corrigenda sunt?

Tertiò: Verù quidquid sit, ais, benè vel malè opinentur homines, immò, benè vel malè sentiant ac iudicent, certè is est communis hominum sensus, & illud est quod inter homines vocamus, aut honorem, aut dedecus.

Ita

Itane verò de rebus omnibus iudicas, & hoc putas esse veritatem? Vide quãtas absurditates contineat hæc regula. 1. Ut quæ falsa sunt, ea pro veris habeantur quantumlibet falsa sint, quasi opinio res ipsas emendet. Igitur falsa numina, veri Dij facti sunt, quia à pluribus credita sunt; igitur quia apud Ægyptios, Crocodili, Feles, Cæpe, & alia pro Diis culta sunt, vera facta sunt numina, & error, quia communis fuit, desijit esse error, & in scientiam, & certitudinem est commutatus. Quid necesse fuit ut lex Evangelica, & Apostolorum prædicatio, nos à tam multis erroribus vindicaret, si eiusmodi errores in veritates transierunt? Quid necesse fuit Apostolis in veritatis confirmationem suum sanguinem fundere, & tot terras sanguine suo tepefacere, cum non jam errores, sed ipsas veritates impugnant; Igitur nationes idololatræ non jam impiæ erant, & divinitatis impugnatrices, sed ipsi Apostoli impij fuerunt, qui credita ab omnib' numina impugnarunt? Igitur & ipse Christus sceleratus fuit & impostor, quia sic à Judæis creditus est: & merito ad mortem damnatus est, quia à pluribus damnatus, & habitus pro reo: nam ut ait Lucas cap. 18. *Exclamavit simul universa turba, dicent. Tolle hunc, & mitte nobis Barabam, qui erat propter seditionem quandam factum in civitate, & homicidium missus in carcerem: 2. Ut injusta habeantur pro iustis, & ita apud quosdam populos, licuit filiis senes parentes interimere, & eorum carnibus vesci, quod existimarent honorabilius esse sic finire, quàm à verminibus comedi in sepulchris, & naturali*

sine dedecere. Eodem modo licuit parentibus filios recenter natos volucribus & feris exponere, aut si debiles essent, aut mutilati, aut si tanto numero essent liberi, ut commodè nutriri non possent: Ita licuit apud Persas matribus concumbere: Athenis cum sororibus inire matrimonia, quoniam sic fieri posse existimabant, & alia sexcenta eiusmodi, quæ non modò, minora mala non sunt, aut etiam bona, quia communia sunt, ut etiam majora sint mala, quia communissima sunt: hæc est enim natura bonorum, & malorum, ut eò majora sint, quò sunt extensiora; quia ad plures se diffundunt. Eiusmodi est ista opinio communis de ultione, quasi non modò licita sit, sed etiam honesta, contra Christi doctrinam, & Evangelij effata: nam si res foret honesta, non modò Christus eam non prohiberet, sed & commendaret, & juberet, quod contra factum videmus. Et in universum loquendo, ita videmus contingere, ut quæ communissima sunt, ea minus vera sint & probata: unde Apostolus vocat prudentiam carnis, mortem, & sapientiam huius Mundi dixit esse inimicam Deo. Ne igitur dicas cõmunem hominum sensum, verum esse honorem, & contrariam hominum opinionem, verum esse dedecus, cum nec verus honor esse possit, neque verum dedecus, nisi sensus sit verus, & opinio vera; illa autem vera non sit, si non fuerit conformis iudicio Dei, quod est prima veritas. Etenim cum iudicia humana per se non sint infallibilia: (alioqui in illis nunquam esset error, quod dici

dici non potest, quoniam contradictoria simul vera esse possent, cum videamus quæ apud alios probantur, apud alios improbari; nam apud Iaponios nemo inter Nobiles, vindictam injuriæ interpretatur actum fortitudinis, sed si alicui Rex imperarit ut seipsum interimat, ignaviæ adscribitur, si aliquis id facere detractarit: cum apud nos contraria judicentur:) hinc sequitur certitudinem judiciorum nostrorum aliunde petendam esse, igitur a primâ judicandi regulâ quæ est prima veritas, quæ in rebus plurimis nobis nota non est, nisi per revelationem, quæ in Evâgelio nobis facta est; in quo legimus laudatam injuriam perpassionem, & Christi doctrinâ, & eius exemplo; & contra, ultionem semper damnatam, & prohibitam: unde iusta est damnatio contrarij sensus: Itaque non jam dedecus est in se non vindicando, non jam verus honor in ultione: sed è contrario verus honor est in patientia injuriæ, & summum dedecus in ultione: Ac licet stulta Mundi sapientia id irrideat, & ignavum vocet, quid id faciat, in glorium ac sine corde ac sensu, illud tamen usurpare mihi licet in hoc negotio, quod dixit Seneca epist. 17. Mihi contingat iste derisus: æquo animo audienda sunt imperitorum convitia, & ad honesta vadenti contemnendus est iste contemptus: & quanto magis id nobis Christianis usurpandum est, post Christi doctrinam, & exempla tam illustria? sed nimirum uti dicitur Ioan. 12. passim homines, dilexerunt gloriam, bonum magis, quam gloriam Dei.

Quarto: Sed si ita est, nobis à comūni hominum cōtū exēdūm ēst, cūm cōtra cōmūnem hominū scēsum vīdēdūm sīt: etenim aut nobis vīdēdūm ēst uti alij solent, aut ab illis dīcedēdūm.

At primo: Quid moraris hujus communis sensus injulitiam, cum ei repugnent omnes Scripturæ, & Christi doctrina? Ne finas itaque te vinci, & abstrahi communi errore, sed potius persuaderi te finas à Christi doctrina: Nonne in omnibus rebus fidei ita te geris, ut non movearis vel sensu, vel consuetudine, vel judicio humano, vel rationibus apparentibus, sed omnia dones authoritatis divinæ, credendo etiam incredibilia? cur non idem facis in ijs quæ ad mores pertinent? Nam hæc non minùs ad fidem pertinent, quàm quæ proponuntur solum credenda intellectu: sed illis alijs præter fidem debetur actio, & praxis vitæque conformitas.

Secundo: Vnde fit ut in rebus plurimis ad vitam pertinentibus, non admodum curemus hominum iudicia, & sensus, in illis autem quæ ad mores, & virtutem pertinent, ea tantum timeamus; nisi quia virtutem erubescimus, & malis nostris affectionibus patrociniū quærimus? Memineris dictum fuisse à Christo Matth. 11. *Et beatus qui non fuerit scandalizatus in me.* Certe nemo Christianus debet Christi Evangelium erubescere; illud autem continet omnem Christi doctrinam, cujus hæc pars est, Matth. 5. *Diligite inimicos vestros, & benefacite his qui oderunt vos: Et Lucæ 6.*

No

Et

Et qui te percutit in maxillam, præbe & alteram: Scilicet ut potius paratus sis secundam injuriam ferre, quam primam ulcisci:

Tertio: Quis nesciat in omnibus ferè rebus diversa esse hominum judicia, itaque in rebus omnibus, nos semper habituros, & adversarios, & faventes; & sic hoc unum sibi supe esse, ut rectè elegat quibus magis consentire velit? Quod si aliquibus hærendum est, cur non illis qui sapiunt, non autem illis qui non sapiunt? secundum illud ad Roman. 12. *Non alta sapientes, sed humilibus consentientes.* At Sapientes judicarunt, virtutis esse ignoscere, atque fortitudinis opus; è contrario autem infirmitatis se vindicare, quidquid contrarium vulgus insanat, cuius iudicium nemo prudens sequatur.

Quarto: Si aliter cum virtute vivere nemo potest quin recedat à communi hominum cœtu; in primis quid moraris, mi Auditor, quin mundum deseris, & longè ab hominum perversorum consuetudine te abstrahis? quin intra petis, ac deserta loca, & te in solitudinem abdis? Vide quo pacto Loth Angeli compulerunt ut à Sodomitæ exiret: Tibi dictum puta, quod solim cœtibus inelamatum fuit Arsenio, Fuge Arseni, fugè sæculum, tibi prospice, curre in solitudinem: Ecce quod ait Sanctus Joannes 1. epist. cap. 5. *Mundus totus in maligno positus est*: Quàm ulti in sæculi fugâ salutem suam repperunt? Usque hodie Parthus tutus ab hoste fugâ est. Neque putes semper indecorum esse fugere: Christus ipse

solus fugit in montem, cum intellexit se à populis rapiendum, ut Rex fieret: & suis Discipulis fugam consuluit, Matth. 10. *Cum persequerentur vos in civitate istâ, fugite in aliam*: Et certè, si ubi pestis grassatur, saluberrimum consilium est in fugâ, cur non idem tibi faciendum est, ut pestimas Mundi leges, & effata pestifera evites, ne te inficiant, & perimant.

Quod si sæculum ipso facto deserre non est animus, id saltem facito moribus, sensu, & doctrinâ: Imitare Apostolos quos ait Christus Joan. 17. remansisse quidem in hoc mundo, sed non fuisse de mundo: *De mundo non sunt, sicut Ego non sum de mundo*: Non rogo ut tollas eos de mundo, sed ut servas eos à malo: Esto sicut Loth habitans in Sodomis de quo scribit sanctus Petrus 2. Epistolâ cap. 2. *aspectu, & auditu iustus erat, habitans apud eos qui de die in diem animam iustam iniquis operibus cruciabantur*: Noli itaque vivere, aut sentire cum mundanis hominibus, sed tuam vitam dirige, secundum Evangelicas leges, & secundum Christi exemplum.

Neque hoc fatis, ut non sis de mundo, sed quia es in mundo & inter mundanos degis, non tantum alijs moribus vivas, sed etiam contrariis, certando cum mundo: & mundi principiis te opponendo, & factis, & doctrinâ: uti perpetua pugna fuit inter Jacob & Esau, & uti semper pugnavit Israël contra vicinas Nationes, donec eas penitus deleteret: & ut dictum est Exodi 17: *Quia manus solij Domini, & bellum Domini erit contra Amalec à generatione*

ratione, in generationem. Quando veniet tempus, ut de adversariis victoriam reportes? *Confidite ego vici mundum,* non armis, sed patientiâ; non debellando, sed parcendo; non perdendo, sed miserando; non ultione, sed indulgentiâ, & condonatione; secundum illud Joannis 12. *Et ego si exaltatus fuero à terrâ, omnia traham ad meipsum: hoc autem dicebat, significans, quâ morte esset moriturus.* Sed quamvis ratio omnis deesset, credis ne te satis excusatum coram Deo, quo minus obediâs præcepto quod statuit tibi, non ulciscendi injuriam quam accepisti, & contumeliâ quæ tibi facta est. Potuit tibi mandata indicare, & iis annexere vitæ iacturam; quidni etiam honoris tui? Nonne eius Dominus est, æquæ ac vitæ tuæ? Agitur, inquis, de honore tuo. Velim id quidem, quandoquidem ita vis, tamen non verum istud est; at agitur etiam de suo; ut ipsi obediatur. Tuusne tanti est, quanti est suus? oportet ne tuum à te servari, suum perdi ab ipso? Est ne illum deperdere, pro causâ tam bonâ eum amittere? credisne posse te eum tueri contra ipsius voluntatem? nonne potest efficere mille viis ut eum perdas? 2. Reg. cap. 1. *Quicumq; glorificaverit me, glorificabo eum, qui autem contempnunt me, erunt ignobiles;* Atqui, etsi amiseris, an non restituere

illum tibi potest? Vitam potest reddere, redditque cum usurâ & lucro iis, qui pro ipso eam amiserunt: cur non potest restituere honorem iis, qui pro ipso illum neglexerint? Attende quam gloriam eos honoravit, qui pro ipsius amore, honorem mundi aspernati sunt. Quo in statu posuit eos qui se abdididerunt ipsius causâ, utque ei magis placerent. Verum si vitæ præsentis dedecus, usque adeo te afficit ac movet, quonam modo poteris sustinere alterius vitæ dedecus, quod æternum est. Idem homines quorum existimatio tibi nunc tam pretiosa est, opinionem mutabunt, atque ij, qui te laudaverint, te vituperaturi sunt: qui de te bene senserint, te contemnent: primum fuerit in tempore, alterum in æternitate futurum est. At quod pluris interrit, est honor aut dedecus, approbatio vel reprobatio, existimatio aut contemptus, quæ quidem expectare debes à Deo, cuius in solo iudicio stabitur, cuius sola cognitio erit communis, cuius sola existimatio erit æterna, tuæque infelicitas vel beatitudo extrema & summa, tuæque ultima, & consummata miseria in inferis, aut felicitas in cælo, quò nos perducatur Pater, Filius & Spiritus sanctus.

Amen.



FERIA SEXTA CINERUM,

CONCIO OCTAVA

DE DILECTIONE INIMICORUM,

In quâ agitur de Duello..

Diligite inimicos vestros.. Matth..5..

IN morbis diutinis, & pertinacibus, ait S. Chrysostomus, non sufficit semel aut bis remedium attulisse, sed opus est multâ & frequenti curatione: eiusmodi est appetitus vindictæ, qui ex omnibus morbis difficillimè curatur, ut nimis frequenti experientia comprobatur: undecunque id proveniat; sive ex amore sui, si ve ex appetitu gloriæ & laudis: seu ex vulgari hominum opinione, seu denique ex malâ institutione, & educatione, & communibus sermonibus, cum id passim laudari audimus, & contrarium aut contemni aut damnari: Quare non sufficit nobis, eâ de re aliquoties differere, sed sæpius res est tentanda, & remedia undecunque adhibenda, præsertim cum ad extremum illud servaverimus, quod est omnium difficillimum, quod priusquam vobis aperiâ, auxilium à cælo pe-

tendum est, certè non meliori interposito, quàm ipsius Virginis. *Ave Maria.*

INTER detestabiles, & abominandos: I effectus, quos inter homines peperit appetitus vindictæ, omnium deterrimus est Duellorum usus; de quo nobis uberiùs, & ex professo differendum est.

1. Quia maximo malo occurrèdum, cuius hæcenus cursum, nec legum civilium autoritas, nec Principum edicta, nec minæ intentatæ, nec supplicia irrogata, nec bonorum proscriptiones, nec exilia, nec pœnæ capitales; nec excommunicationes Pontificum, nec anathemata & fulmina Ecclesiæ, nec sepulturæ privatio, nec mortis periculum, nec certa damnatio, nec Dei timor & reverentia, retardare potuerunt.

2. Quia hic error sæpè apud omnes, sed Maxime apud Nobiles invaluit,

vix

vix aliam nunc superesse rationem sui honoris conservandi, quam Duellum: atque inde licitum esse videri, cum uniusquisque naturale jus habeat sui honoris conservandi, præsertim cum bonorum omnium summum sit honor, ut ait Aristoteles, & faveat Scriptura.

3. Quia hoc malum latissimè vagatur, & admodum paucos non attingit: & quamvis videatur Nobiles tantum spectare, qui ex eo quod ad latus enssem gerunt, ideo sibi licere putant illum in suis dissentimentibus, atque jurgiis disstringere, ad omnes tamen ferè se extendit: Nam præterquam quod illud plerique jam usurpant; non modò milites, & qui arma profitentur; sed etiam togati: non nobiles tantum, sed etiam ignobiles, & quibus armorum tractandorum usus prohibitus est: nunc enim, & opifices, & servi, & famuli, & abjectissimi quique duello decertant, & suas inimicitias, atque rixas ferro dirimunt: ipsæ etiam mulieres, Ecclesiastici, & Deo dicati homines, immò & Religiosi, aut approbatione, aut laudibus, aut consilio, aut assentatione, aut partium favore, duella sovent, defendunt, extollunt, & in suis collaudant: immò ipsi Judices, & Principes postquam aut duellorum reos condemnarunt; aut leges, & edicta tulerunt contra duellantes, postea ipsos duellorum authores, & acceptatores laudant, & approbant: & quos duella refugisse, & recusasse sciunt, eos infamant ac spernunt; accusantque aut timiditatis, aut pusillanimitatis.

4. Quia neque desunt, inter conscientiarum rectores, atque arbitros, qui vel peccatum excusent, vel minuant

offensam, immò qui doctrinâ ipsâ tantum noceant, quantum alij vel exemplo, vel injustâ laude, vel improbâ excusatione: docentes 1. tam licere oblatum sibi duellum acceptare, quam militi non fugere, sed resistere ferro dum eum aliquis aggreditur. 2. Tam posse nobilem illatam sibi injuriam, duelli provocatione repellere, atque ulcisci, si aliter non possit, quam à raptore sua bona ferro repetere.

Quibus rebus ut medear, placet, hodie universam de duellis doctrinam tractare, ut quid in eâ re falsum sit, aut verum dignoscatis: quod dum facio, hoc unum à vobis posulo, Auditores, ut mihi dicenti patientes aures præbeatis, neque huc mentem populari opinione præoccupatam asseratis: sed ut omnia suis momentis, atque ponderibus secundum veram rationem expendatis, secundum illud Christi Domini Joannis 7. *Nolite judicare secundum faciem, sed iustum judicium judicate.*

Dico 1. Duellum in universam loquendo nihil aliud esse, quam unius, aut paucorum, cum unis alijs singulari certamen: unde dicitur Monomachia, seu cum uno solo decertatio, quâcunque tandem de causâ, & quâcunque auctoritate suscipiatur: qui modus pugnandi, originè habuisse à Mantiniæ Græciæ populis, dicitur: verum apud omnes ferè nationes, nimirum usurpatus est, fortasse apud Mantinæos frequentius, & ob suas lites dirimendâ.

Dico 2. Duellum inter duos, vel paucos auctoritate publicâ, ad vindicandam injuriam Patriæ illatam, aut ad eius defensionem susceptum, modò ceteras belli conditiones habeat, esse licitum.

citum, & sæpe cum laude fortitudinis initum fuisse. Ita legimus in Historiâ Bohemicâ, apud Ænæam Sylvium cap. 15. Bohemiâ Sanctissimum Regem Vencelsaum, correptis contra vicinum Regem armis, qui ditionem suam invalerat, ut suorum sanguini parceret, eum ad duellum provocasse, & vicisse, Angelis hostem terrentibus: ita Carolus Andegavensis, & Petrus Aragonius, cum aliter maiora mala impediri non possent, annuente Põtifice ad Burdegalam, duellum condixere: uti refert Antonius 3. p. Histor. tit. 20. cap. 4. §. 80. Ita Cunibertus Rex Longobardorum, perfidum Alachim Ducem, ut humano sanguini parceret, ad duellum vocavit: ut videre est apud Baronium anno 69. Tale fuit certamen Horatorum pro Romanis, & Curiatorum pro Albanis: ita ante hos omnes, Davit cū Goliatho singulari certamine depugnavit uti dicitur, 1. Reg. c. 17.

Probatur cõclusio 1. Quia si bellum inter multos licitum est, cum iustæ belli adsunt causæ; profectò etiam inter paucos: Sola enim differentia multitudinis personarum non variat honestatem: itaque tale duellum habet rationem belli partialis.

2. Probatur, quia hic nulla deest pars honestatis, neque enim violatur, aut chatitas proximi, quoniam iusta est defensio, nec iustitia contra adversarium, ob eandem rationem, nec iustitia erga Rempublicâ cum autoritate publicâ suscipiatur, & ob causam publicâ. Suppono enim nõ inde minui spem victoriæ, & exitus belli, alioqui tale duellum esset illicitum: respectu quidem prouo-

cantis; quia qui autoritate publicâ vindicat, debet esse velut agens respectu puniendi, igitur instar agentis naturalis, debet esse fortior, & quasi certus de victoriâ: sæpè autem in duello par est utriusque conditio, & multa possunt accidere, quibus fortior succumbat, quod non ita facile contingit in belli aliâ: eodẽ modo esset illicitum respectu admittentis; nam qui defendit, debet imitari agentia naturalia, quæ meliõri quo possunt modo se defendunt: atqui inefficax est, atque debilis modus resistendi per unũ, qui facile vincit potest. Verum si Princeps: iustum bellũ gerens, se videat viribus imparem, potest totũ bellum ad duos, aut paucos reducere, si hinc videat oriri sibi spem aliquã victoriæ: Tunc enim prudenter agit, trãsferens ruinam ferẽ certam in spem victoriæ, & in hoc casu poterit offere duellum: quia id non est inducere adversarios ad malum, sed à majori malo auertere, ut est bellum commune: & quia etiam in bello, solet esse anceps victoria, certè potest, vt humano sanguini parcatu totam belli alẽa Princeps ad paucos reducere, modo id faciat prudẽter, & non temerẽ, & cum spe victoriæ.

Dico 3. Duellum inter milites vtriusque factionis in bello susceptum, ex consensu Ducum, spectaculi & voluptatis causa, vel ad roboris, & animi ostentationem, vel ad famæ acquisitionem, ferrẽ sèpè esse illicitũ: ita videmus 2. Reg. cap. 2. cum in conspectu stetit duo exercitus, Davidis, & haredum Saũlis, dictum ab Abner Duce exercitus Ithobeth, ad Ioabum, Ducem exercitus David, surgant pueri, & ludant

coram

coram nobis. Et respondit Ioab Surgant. Quo dicto duodecim paria pugnarunt, & ex parte Benjamin duodecim simul perierunt à duodecim alijs confossi, unde vocatum est nomen loci illius, Ager robustorum, in Gabaon. Et ortum est bellum durū satis in die illa: fuit enim initium conflictus totius exercitus.

Probatur conclusio 1. Quia nefas est ob finem adeò vanum, & ludicrum, medium adeo periculosum, & atrox suspicere.

2. Quia temerè se exponunt periculo mortis, & intersectionis alterius.

3. Quia bellicum exercitium, si sit coniunctum cum mortis periculo, peccatum est mortale, & in eo morientes privantur sepulturâ Ecclesiasticâ, uti patet ex extravag. de Torneamentis.

Dixi ferè semper, quia aliquando in bellis præsertim longioribus, sūt quædam certamina præludia, & velitationes, ad hostium vires in fringendas, aut eorum animos debilitandos, ostendendo suorum militum robur, quia inde victoria speratur: Tunc enim cum sit parziale bellum, non dubium quin sit licitum: Id verò faciunt Duces, tùm ut suorum explorent animos, & vires hostium, tùm ut si minus se viderint paratos, publicum certamen evitent: Id à se sapius factum scribit Iulius Cæsar 2. de bello Gallico, quotidie equestribus prælijs, quid hostis virtute posset, & quid nostri auderent periclitabatur: Idẽ eodemq; consilio factũ à Maximo refert Appianus de bello Hispanico: Idẽ docet Vegetius lib. 3. de re militari cap. 9. Si adversarium in telligit potiorem certamen publicum vitet: Commentator. Publicæ pugnæ opponitur velita-

tio: Simile quid faciunt nostri Duces in velitaribus pugnis: tunc ergo licitum erit duellum: sed si fuerit Gladiatorius ludus, aut ad oblectationem, eodem res illa recidit, quò apud Romanos Gladiatorum paria, quæ res planè illicita est ob rationes allatas, quod & prohibuit Constantinus Imperator L. unicâ Cod. de Gladiatoribus, Cruenta spectacula in otio civili, & domesticâ quiete non placent, quapropter omnino Gladiatores esse prohibemus.

Dico 4. Duellum ad erucendam rei alicuius veritatem, aut alterius partis iustitiam, aut ad sui vel alterius purificationem criminis, susceptum, illicitum esse, & mortale peccatum, quâcunque tandem autoritate suscipiatur, seu publicâ, seu privatâ, nec illud principem posse, aut inducere, aut permittere.

Nota hunc olim morem apud plures inducendum fuisse, quotiescunque obsecura erat, aut criminis, aut alicuius juris probatio, ut actor eum provocaret: aut criminis, aut criminis, aut alicuius juris probatio, ut actor eum provocaret: aut ut reus se, vel alium offerret ad duellum, eâ lege, ut qui vicisset, probasset, vel purgatus esse crederetur: qui succubisset defecisset in probatione, vel criminis convictus putaretur: unde nonnulli duellum appellaverunt Iudicium, eo quod ibi iudicium Dei expectaretur, & certè inter purificationes vulgares computatur. Hinc nulla apud multas nationes frequentior purgatio, usurpata à Longobardis, Germanis, Gallis, Hispanis, & alijs: Et quidem in iururandi locum propter crebra perjuria introducendum fuit coram Ioanne XIII. per Othonem IV. in Roman-

licet injustè accusatus nullum habet Jus, ut per se, & sua autoritate alium occidat, aut aggrediatur: Quia non potest princeps concedere alicui, ut sine peccato alterum occidat, nisi priùs juridicè sit convictus, & damnatus: uti permissio meretricum non facit, ut non peccent, qui fornicantur: Ita in casu proposito principis permissio non excusat ab homicidio: Cùm itaque juri naturæ repugnet innocentem morti exponi, quod hic cōtingit, & juri divino, ut Deus tentetur & juri Ecclesiastico, toto sermè titulo de purg. vul. & capit. Monomach. 2. q. 4. omnis cōsuetudo in contrarium invalida est: Quare meritò Agobardus Ludovicū Imperatorē datā ad eum epistolā omni ratione impellit ut legem Gundebaldi Burgundiorum Regis Ariani, duella ad sui purgationē & veri probationem admittendis, antiquet: Vide Scholiastem epistolæ 108. Ivonis Carnotensis.

Dico 5. Duellum ad terminandam litem, aut criminalem, cut civilem illicitum esse: Probatur 1. Quia Duellum non est aptum medium ad terminandā litem, magis quàm licet occidere: immò illud magis liceret, si actor in judicio innocentem opprimeret: Quia, ut ait Navarrus, per duellum mortis periculo se exponit, & alterum inducit ad peccatum, quod non faceret ipsum occidendo: Atqui privatā autoritate alterum occidere non potest, alioqui magna porta aperiretur homicidijs, & omnia cædibus complerentur, si unicuique liceret eum quem putaret, injustè sibi litem movere, interficere: imò

etiamsi ab eo id factum sciret: hoc enim non esset vim vi repellere, neque esset defensio inculpatæ tutelæ, sed mera aggressio, quæ nulli privato, licita est.

2. Probatur. Quia eiusmodi lites alio modo magis suavi & rationabili terminari possunt, & sine causā aperto periculo exponitur vita utriusque, quorum unus sæpe est innocens.

Dico 6. Non licet Duellū acceptare ad suā vitæ defensionem, ut si aliquis alteri minitetur, se eum interfectorum, nisi duellum admittat, aut si aliquis sciat, alium sibi mortem machinari.

Probatur. Quia Duellum ex condito acceptare, non est vitam suam defendere, sed eam periculo exponere: Illud quidem liceret, vim vi repellere, quando nimirum vis fieret, & violentia irrogaretur, ut si quis stricto gladio, cogat alterū, ensē educere, eum alioqui interfectorum, nisi id faceret: simile enim duellum induit rationem defensionis, cum moderamine inculpatæ tutelæ, & ea defensio contra Invasorem licita est, nō est enim aggressio, sed defensio: immò Nobilis sic ab alio impetitus non tenetur fugere, etiamsi id posset quia id non posset facere sine dedecore, secundum illud Iuriconsultorum effatum, Non posse fieri, quod sine dedecore fieri non potest.

Dico 7. Omne duellum sive oblatum, sive susceptum ob causam privatam, quocunque prætexit, & quacunque autoritate fiat, sive privatā, sive publicā intrinsecè malum est, & peccatum mortale.

Probatur 1. Quia tale Duellum generaliter damnatur in jure. Constantin°

Imperator L. unicâ Cod. de Gladiat. Cruenta spectacula in otio civili, & domesticâ quiete non placent, quapropter omnino gladiatores esse prohibemus: horum autem locum habent nostri gladiatores hoc est Duellistæ: sub Lôthario Imperatore Concilium Valentinum cap. 12. Duellum damnatur, tanquam spectaculum crudelissimum, quo effunditur in pace belli cruor, & homo à latrone cruento, & homicidâ nequissimo interimitur, tam iniquâ, & Christianæ paci tam inimicâ pugna: Tridentinum sess. 25. cap. 19. de Reform. Detestabilis duellorum usus, fabricante Diabolo introductus, ut cruentâ corporum morte, animarum etiam perniciem lucretur ex Christiano orbe penitus exterminetur: Tum subdit graves pœnas, excommunicando 1. Imperatores, Reges, & Dominos temporales, qui in suis terris, locum inter Christianos præbuerint ad duellum: 2. pugnantes in duello: 3. spectantes, & patrinos. 4. consiliunt dantes, & suadentes: 5. pugiles, & patrinos punit, bonorum proscriptio, & perpetuâ infamiâ: 6. Morientes in conspectu privat ecclesiasticâ sepulturâ: quas pœnas Gregor. XIII. & Clemens VIII. ad omnia duella extendunt, quin etiam eos excommunicant, qui alios ad certum tempus, & locum vocant, etiamsi, cum eò pervenerint, non pugnarint. Idem prohibetur in jure canonico cap. Monomicham 2. q. 4. & titulo de Clericis pugnantis in duello, qui est 14. lib. 5. Decretalium, & ibid. titulo 35. qui est de purgat. vulgari. Accedunt plurimæ Pontificum Bullæ: Iulij II. constitutio

9. anno 1508. quæ incipit Regis pacifici. Vbi multas rationes addit. 1. Quia hoc fit insurgente inimico generis humani: 2. Quia hinc mortes repentinæ, & animarum perditiones: nova inter adstantes amicos odia, & altercationes, & ex uno inconvenienti plura oriuntur in animarum, & corporis periculum, & generis humani jacturâ, perniciosum exemplum, & scandalum multorum: 3. Quia docuit Christus Deum non esse tentandum: 4. Quia hominē homini insidiari nefas: 5. Quia Gladiatoria munera, & purgationes vulgares à nostrâ Religione damnantur: 6. Quia eiusmodi cruenta spectacula à Pontificum Canonibus, & Imperialibus Legibus sunt prohibita: Item Leonis X. quæ est 29. & incipit. Quam Deo, & hominibus: Clement. VII. quæ est 11. & incipit. Consuevit Romanus Pontifex: Iulij III. quæ est 56. & incipit. Cum sine: Pij IV. quæ est 25. & incipit. Ea quæ à predecessoribus nostris: Greg. XIII. quæ est 82. & incipit. Ad tollendū. Et Clement. VIII. data anno 1592. & incipit. Illius vires, licet immeriti. Accedunt plurima nostrorum Regum severissima Edicta ad nostra usque tempora, quæ omnia ostendunt, quā grave sit illud crimen, & quam noxium, quod tot defensiones, & graves prohibitiones, tot anathemata, tot pœnæ capitales, & temporales, & spirituales persequuntur, ut nemo sibi blandiri possit, aut excusare, aut aliquid obtendere, præsertim cum addat Pius IV. ex quacunque causâ, quocunque prætextu.

2. Probatur conclusio. Quia seu res spectetur ex parte provocantis, seu ex parte

parte provocati, multipliciter peccatur. Incipiamus à provocante.

In primis enim graviter peccat contra iustitiam & particularem, & communē cōmūne quidē, quōiā usurpat officium sibi non debitum, sed pertinens ad Magistratum, cuius est noxium plēdere, ad hoc enim gladium portat: at provocator neglectā superiori potestate, superiorem, quantum in se est abdicat, & in suā causā factus iudex, ordinem reip. pervertit, qui consistit in subiectione uni Capiti. Eo pertinet quod dicit Cassiod. lib. 1. epist. 30. Si quid est forte, quod pēnam mereatur admissum, in Præfēcti urbis deferatur notitiā, ut culpa legibus, non per præsumptā puniatur injuriā: Quis enim discipet à peccante, qui se per excessum nititur vindicare: Et lib. 3. epist. 24. ad quosdā monomachiæ addictos. Res parva nō vos ducat ad extrēā discrimina: acquiescite iustitiæ, quā mūdus lætatur: cur ad monomachiam recurritis, qui venalem iudicem non habetis? & lib. 4. epist. 10. Fædum est inter jura publica, privatis odiis licentiā dare, nec ad arbitrium proprium iudicandus est inconstitutus fervor animorum: Iniquum quippe nimis est, quod delectat iratum; furentes iustā non sentiunt, quia dū commoti animo in vindictā sæviunt, rerum temperantiā non requirunt: hinc est quod legum reperta est sacra reverentia ut, nihil manu, nihil proprio ageretur impulsu: Quid enim à bellica confusione, pax tranquilla distabit si per viū litigia terminentur?

Deinde injuria fit reip. dum eius

membra imminuuntur, & eius vires; dum languis purior, & generosior educitur: certē paucis annis tot loci occiti, ut satis essent ad exercitum:

Item turbatur pax publica, & silent jura publica: unde Cassiodorus lib. 7. epist. 24. Quid opus est homini linguā, si causam agat manus armata, aut unde pax esse creditur si sub civilitate pugnatur:

Denique domus & familiæ sæpe evērtuntur reciso capite.

Iam iustitia particularis, multis, modis violatur: divina quidem, quoniā in peculiari Dei dominio vita est hominis, quam nemo impetere potest: licet enim magistratus potestatem habeant vitæ ac necis, eam tamen potestatem habent ex Dei commissione, suas illis vires dantis, ut rem ipsius expendant in bonum humanæ communitatis: unde ad libitum sævire non possunt, sed in commeritos: sed ei qui nullā auctoritate est præditus, non licet in rem Dei Propriam insurgere: propterea nec ipse provocator potest esse suæ vitæ prodigus, cum ipse sit res Dei, quam Deo invito vastare non potest, sine scelere, & manifestā in Deum injuriā: Ita nec sine iustā causā invito Domino potest sine icelere seipsum obicere discrimini vastationis ab alio faciendæ: alioqui gravem injuriam facit Deo, qui solus est Dominus humanæ vitæ.

2. Graviter, multisque modis, peccat contra charitatem: Et 1. quidem proximi, cuius eversio major esse non potest nam omnibus simul bonis eum privare conatur; nempe bonis corporis, cum vita ipsa impetatur: omnibus bonis externis, quorum fundamentum est

vita:

vita: Item bonis animæ, rem moraliter æstimando: Nam quis putet hominem, in eo statu lethaliter ab hoste confossum, brevi illo tempore sic mitescere, ut depositis inimicitijs adversariū diligat, & injuriam nunc irrogatam, & adhuc calentem, cum vindictæ æstus magis solet effervesce, benignè condonet, quod tamen necesse est ad salutem? Igitur qui ad duellum provocat, ei author est perpetui, & immedicabilis exitij: 2. Non minus peccat contra propriam charitatem: nam quo quique sibi est conjunctior quàm cæteris, eo arctius ad impendendam sibi benevolentiam, & amorem obstringitur: igitur & naturali, & alio quocunque jure tenetur prudenter desugere gravia vitæ discrimina, quod utique non facit qui alium provocat ad duellum, quantumvis sibi strenuus, & adversario superior videatur, ideòque discrimen evasurus: cum nihil sit frequentius, nihilque etiam justius appareat, quàm ut quis incidat in foveam quam fecit, exemplo illustri Goliath, qui à Davide adhuc adulescente fuit peremptus: Itaque pessimè se odit, qui provocat: & ideò hunc modum procedendi, multi veterum, etiam ex Ethnicis interpretati sunt desperationem: Ita Caius Marius in bello Cimbrico, Teutoni provocanti ad duellum respondit, si adeò mortem cuparet, posse lequeo vitam finire: Idem Augustus Antonio ad duellū provocanti respondit, scilicet, plures ad interitum patere vias: Eodem sensu dixit Statius; Manet ingens copia lethi: ô juvenes servate animos, avidumq; furorem sanguinis adversi. Idem Metellus Sertorio, & Antigonus

Pyrrho provocantibus dedere responsum, ut narrat plutarch. in pyrrho, & Sertorio. Idcirco mihi sæpe venit in mentem dicere eiusmodi hominibus, quod Philo dixit de sui homicidia, libro quod omnis probus sit liber, ah miser! virtus te perdet tua. Denique gravissimè etiam peccat contra suorum, atque familiæ charitatem: Etenim parentibus, & cognatis, uxori, liberis, suisque omnibus, amplam luctus segetem relinquit, sive cadat in duello, seu adversario truncato victor exstat: quandoquidem si cadat parentes filio, uxorem marito, & filios patre privat, præter certam animæ jacuram, & æternum dolorem: si vicerit, ut alter Cains exulare cogitur, & pœnam sibi debitam semper timere; deinde pati bonorum amissionem? odium eorum quorum sanguinem fudit; & expectare se aliquando miserè periturum: qui enim gladio percusserit, gladio peribit, aut certè in suam domum, gladium immiserit, uti Davidi dictum est, *Non recedet gladius de domo tuâ usque in sempiternum.* 2. Reg. cap. 12.

3. Gravior peccatur in duello, ex modo pugnandi, quo ad culmen barbarici, & inhumanitatis perventum est: Certè Longobardi ante cultum Christianum fuere gens effera & immanis, cuius feritati, multi adscribunt renovatum usum duellorum: Illi tamen, ut notat Alciatus lib. de singul. certam. cap. 4. Non pro æstu, ac furore uniuscuiusque; descendebant in arenam, sed tantum assensu judicis, cum aliquid deesset ad integrā protationē institutæ accusationis, & eo necesse erat ad faciendā plenā fidē in re gravissimā: quin etiā necesse

tunc erat,

tunc erat, ut qui rem decidi duello petebat, jurejurando sirmaret, se neque dolo, neque calumniæ causâ eò confutgere, sed necessitate adactum eruendæ veritatis: In ipsâ vero pugnâ scutis solum, & sulcibus res gerebatur, & raro contingebat, aliquem occumbere: At nunc duellū initur, magistratu nō modū non annuente, sed etiam renitente, & gravissima supplicia comminante: Nec pro rebus gravissimis, sed pro nugis, sæpe pro meris suspicionibus, sæpe ex merâ libidine animi impotentis, in suum, & alienum exitium efferati: ad hæc non scutis, & sulcibus res agitur, sed ferro: non ad repellendum, sed ad feriendum duntaxat, & planè ad certā mortem, ut idem dici possit, quod de Gladiatorum lanienâ scripsit Seneca epist. 7. Quidquid ante pugnatum est, misericordia fuit, nunc omissis nugis mira homicidia sunt: nihil habent quo tegantur, ad ictū totis corporibus expositi, nunquam frustra manum mittunt, &c. Non galeâ, non scuto repellitur ferrum, quò munimenta? quò artes? omnia ista moræ mortis sunt, &c. Plagis aguntur in vulnera, & mutuos ictus, nudis, & obvijs corporibus excipiunt: In hunc modum duæ feræ humanis testæ corporibus, altera alterius mortem exquirunt, longè crudeliùs obventuram, quam ijs qui ob atroci crimine torquentur à carnifice, quibus ut Christianæ moriantur, plurima ad sunt subsidia: neque enim defunt qui hortentur, ut piè moriantur, qui compatiuntur, & mortem desceant: immò ipsi etiam tortores id faciunt, & dolentes, & necessitate adacti, ut sit

justitiæ locus, & crimina arceantur: Hic autem omnia contraria, sola adest feritas, & inhumanitas, abest qui morientem juvet, & soletur: Insultat victor, & vulneribus adjicit convitia: & omnia ad desperationem comparata: Nec abest Dæmon qui pœnitendi impotentiam & desperationem inspiret, ut ferè certum videatur miserum hominem damnari.

4. Caput ūde petitur gravitas peccati duellantium plerumq; accersitur ex ipsis pugnantibus: neq; enim illitantū pugnant qui aut læserunt, aut læsi sunt aut re; aut suspicione, sed sceleris applicatione socios sibi adsciscit & adjuutores, qui secundo, & tertio loco pugnent, ne primi quorum res agitur, ad tartara cant incomitati: & quod miserandum est, quibus optimè conveniebat, sæpe qui erant amici, qui proximi, qui prius nullâ ratione dissidebant, nullâ interpositâ injuriâ, vel injuriæ umbrâ, adiguntur sævire in seipsos, & se pro viribus, neci dedere, tantum ut aliquorum furori satisfiat, nec videantur aliorum voluntati defuisse, à quibus secum vocantur ad mortem; quo Dæmonis artificio factum est, ut nemini sua modestia, ac vitæ integritas possit securitatem asferre: quis enim ab alienâ intemperantiâ timere non debeat? quandoquidem supptus ab alio duelli adjutor, non magis defugere potest eiusmodi lanienam, juxta hanc detestabilem corruptelam, quam qui læsi sunt, aut læserunt: Pugnantur itaque non hostes, sed alieno scelere nocentes: quibus Cassiod. l. 4. epist. 24. deponite ferrum, qui non habetis inimicum: pessimè contra parent-

parentes (sic minus latine vocat cognatos) erigitis brachium, pro quibus constat gloriose moriendum.

Quod hætenus a nobis dictum est de provocante, dici etiã potest de provocato, in quo notari possunt eadem nequitie. Nam & Reip. eodem modo injurius est, dum ulurpat auctoritatem sibi non debitam, & Reip. membra imminuit, & reipsã alterum occidere aggreditur, nempe provocantem: 2. In Deum injustus est, cuius bonis vastandis, invito domino se accingit: Injustus quoque est in provocantem, quem vitã privare aggreditur, si possit: Denique facit contra charitatem in eundẽ, in seipsum, & in suos: Nam licet ab alio trahatur ad hæc omnia, debuit tamen iniquæ pertractioni obistere: ac licet sit minus injuriolosus quam alter, non tamen sequi potuit alterius scelus: ac licet alium minus offendant, quia volenti non fit injuria, cum tamen ille non potuerit suo juri cedere, quoad vitam, cuius non est dominus, propterea non minus est homicida.

Nec dicere licet fortitudinis esse provocationem admittere, quia fortitudo non distinguitur nisi actionibus honestis: Est enim virtus, & bonum facit habentem, & opus eius bonum reddit, quod dici non potest de injuriæ privatæ ultione, & de homicidio factio privatã auctoritate, quod hic contingit: Nam, ut ait Dio. Chrysof. orat. 40. Nunquam cedere, & locum dare proximo non est virile, ut aliqui putant, neque magni animi, sed stultum & agreste.

Sed hic insurgit tota ferẽ Nobilitas, & cum totã Nobilitate multi graves, &

Theologi & Iurisperiti, asseruntque licet provocantes graviter peccent, provocatos tamen omni culpã vacare, etiam si duellum acceptent, quia aliter cum honore inter homines vivere non possunt: Etenim si suam vitam tutari licet ab injusto invasore, illatã etiã ipsi necesse, si ita ferat tutelæ moderatæ necessitas: Item si licitum est eadem ratione pudicitiam suam, & suas fortunas conservare, cum eis ab alieno scelere grave imminet periculum, quod aliã ratione vitari non potest: Cur etiã non licebit eodem modo suum honorem tutari. Ad hæc, si vir militaris ab injusto invasore appetitus, non tenetur cum proprii honoris jacturã, sibi fugã consulere, etsi fugere possit, quod qui faceret, vulgò ignavus censeretur, sed potest in gradu perstare, & si ita ferat defensionis necessitas, adversarium occidere, quia non tenetur vitæ eius parcere, cum sui honoris damno, quod fugiendo sanè incurreret; quare qui fuerit ad duellum provocatus, aut aliquã injuriã laceratus, non poterit illud admittere, quandoquidem si defugiat, causatus divinam offensam, & similes causas à viris pijs probandas, infamiã passim apud homines contrahet, censeturque præ timiditate certamen detrectasse, unde sequetur ei grave damnum, quod cogatur à cætu hominum Nobiliũ abesse, aut perpetuo irrideri, quod ei gravius morte futurũ est: prætereã non leve damnum feret à repulsã ab honoribus, & dignitatibus, quæ nõ solent dari ijs, qui habentur pro ignavis, quorum alioqui juxta gradum suum futurus erat particeps.

Nec

Nec refert, dicere & hunc honorem, & hoc dedecus esse imaginarium: Quia ille honor non est imaginarius, cum sit reale iudicium, & testimonium de excellentiâ alicuius, hoc est de fortitudine bellicâ, existens in mentibus Nobilium & Aulicorum: Nam ex Philosopho honor nil aliud est quàm iudicium & testimonium de alterius excellentiâ, quod hic reperitur, idque apud plures.

Nec 2. sufficit dicere illud quidem dedecus esse reale, formaliter, sed non obiectivè, quia motivum, quo Aulici & Nobiles moventur ad tale iudicium formandum de ignaviâ recusantis duellum, est insufficientis ad formandum rationabiliter tale iudicium, sed tantum fingi potest sufficiens ab illis qui imaginantur causam sufficientem, quæ non est sufficiens, cum utroque modo reale esse debeat illud dedecus, ad quod propulsandum exponi possit periculo, & sua, & proximi vita: Ratio verò cur id non sufficiat dicere, est. Quia sequitur verum dedecus viri probi, quem aliquis sceleratum putat, & dicit; motus tantum ad id iudicium ferendum propter causas non sufficientes, igitur etiam si causæ non sufficiant non sequitur non esse verum dedecus, quod consequenter propulsari possit, quare cum id aliter fieri non possit, quàm admissio duello, tunc illud duellum non est illicitum ex naturâ rei ad tale dedecus propulsandum.

Nec 3. sufficit dicere, quod id accidat ex perverso, & depravato hominum sensu: Nam undecunque accidat grave damnum sive in bonis, sive in honore,

illud repellere licet, tunc enim non est alterius aggressio, sed iusta tuitio, quæ unicuique sine seclere conceditur: unde patet licere homini provocato, duellum acceptare in sui honoris defensionem, quod propterea admittit Alcibiades lib. de singulari certamine cap. 3. modò id fiat in agro sequestri, quia alioqui princeps id non patitur fieri in suo agro, ne probasse videretur.

Nec. 4. etiam sufficit, quod aliqui dicunt plures faciendum esse proborum, & sapientum iudicium, qui virtuti, & honori tribuunt recusare oblatum duellum, quam sensum vulgi insipientis, vitio, ac dedecori vertentis eam rejectionem: Nam licet certum sit, & vulgus in eo errare, & nostras actiones dirigendas non ad depravatū vulgi sensum, sed ad leges divinas: tamen lex divina naturalis, concedit hominibus ut se suaque tueatur etiam cum periculo vitæ iniusti invaloris, quod hic accidit reflectu hominis provocati: quod si inde vita provocantis periclitetur, id sibi imputet, sed alter jus habet exitiū sibi imminens avertendi admissio duello: sicut enim cum aliquis iniuste ab aggressore impetitur, licet ex charitate fugere possit, tamē sine culpâ stare potest, seque tueri cum eade grassatoris, ne cum eius incolumitati ex charitate prospicit, honorem suum perdat, ex hominum falso iudicio, quo vertitur dedecori homini Nobili, aut militi, in tali casu fugere, licet id posset facere ex motivo charitatis, quod cum ignoretur, aliter homines interpretantur, & vitio vertunt, quod fortasse à virtute profectum est.

Nec

Nec denique facit, quod aliqui dicunt, non licere exponere periculo bōa superioris ordinis, pro bonis inferioris ordinis, nimirum vitam pro honore, illius præsertim conditionis: Nam præterquam quod multi æstimant honorē pluris esse quam vitam, & mortem præoptandam dedecori, uti patet, & in bello, & in homine Nobili aut Militari, quem alius est aggressus, qui non tenetur fugere, sed certare potest, & vitam amittere, ne honorem perdat: hoc etiam in nostrā materiā locum habet, & semper dici potest iustā sui honoris defensionem potioem esse vitā: & ita bōus pastor, laudatur à Christo in Evangelio, quod vitā pro ovibus exponat: Nam licet ovium vita, immò totius gregis, sit infra vitam pastoris, sui tamen gregis honesta defensio, pluris æstimatur quam vita pastoris: Itaque rectè potest vitam suā dare pro ovibus, multoque magis pro iustā sui honoris defensione, secundum illud Sapientis Proverb. 22. *Melius est nomen bonum quam divitiæ multe.*

Verum contra hunc detestabilem errorem, uti Pontifices duellum appellat bonis omnibus decertandū est: ac præter rationes superiūs allatas quibus ostensum est illicita esse duella, etiam privata, & ut loquitur Pius IV. ex quacunque causā, etiam à legibus non improbata, & quovis prætextu suscepta; ne crederemus ea tantum esse damnata, quæ ad veritatis ostensionem, aut criminum purgationem suscipi solita erant, quoniam erant superstitiosae unde Gregor. XIII. & Clemens VIII. suas prohibitiones extenderunt

ad omnia, & quaecunque duella, respectu quorumcunque sive provocantium, sine provocatorum; sequentes rationes tam severæ prohibitionis subijcio:

1. est, Quia omnis cædes aliter perpetrata, quam ex nutu publicæ auctoritatis, illicita est, ut in iusto bello à Principe indicto, aut in reorum supplicio per administrum publicæ potestatis, aut ad tuitionem suæ vitæ, suorumque bonorum: atqui duellum etiam oblatum non initur ex assensu publicæ auctoritatis: quin potius publica auctoritas; & prohibitione, & pœnis reclamation: igitur duellum illicitum est. Nec dici potest duellum oblatum necessario acceptari ad tuitionem suæ vitæ, aut fortunarum, aut honoris: Nam per provocationem vita proximè non impetitur, nec etiam fortunæ bona, ut per se patet: Neque etiam honor proximè invaditur, quoniam factā tali invasiónē, honor remanet integer, si is qui provocatur, in ipso provocationis puncto generositatem suam prodar, dicendo se quidem duellum non acceptare, tanquam divinā lege prohibitum, sed se esse paratum, ubicunque invadetur, tueri se se, & vim repellere, & & animum prodere, in quo non peccat, quia paratum esse ad defensionem, culpā vacat: Ac licet ea duelli recusatio ob divinam legem servandam, apud vulgares homines, atque improbos, ignominia tribuatur, tamen apud Sapientes, & probos, honori adscribitur, quorum exultatio sanctissima falsæ vulgi opinioni præponderat: cur itaque potius habes rationem
judicii

judicij improborum, quàm proborum: præsertim hoc tempore, cum sanior Nobilitatis portio ab hoc errore revocata sit & jam non ducatur honori eiusmodi acceptatio sed probro. Cum igitur duelli oblatio non proximè tollat honorem, eius recusatio non est honoris amissio: & proinde illius acceptatio non est repellere vim factam honori, sed est vindicare se privatà authoritate de injurià jam irrogatà, & ultrà non pendente, quod illicitum est. Bene id quidem (inquis) sed inde patebo irrisionibus & fannis improborum, qui eiusmodi recusationem interpretabuntur timiditatem, mèque habebunt ludibrio: Quid inde concludis? an propterea tibi licere illud acceptare? Ita sane codè modo tibi licebit inebriari ad eorum derisionem evitandam, quibus summa laus est ingentes calices exsiccare: Item licebit matri fornicariæ factum abigere, ut suum dedecus tegat: & licebit adolescenti modesto fornicari, ne à sodalibus impudentibus, eius modestia irrideatur, & jam pudebit non esse impudentem: ubi itaque non est vera infamia, non potest esse veri honoris tuutio, & consequenter nec in duelli acceptatione.

2. Ratio est, Quia in eà acceptatione, non est mera defensio quæ sola licita est, sed est aggressio, quæ illicita est: Nam ibi tantum est defensio, ubi vis vi repellitur, & ibi tantum habet locum, ubi ab actuali aggressore vis infertur, ut quando aliquis virum nobilem aut Militem invadit, tunc enim quia vim patitur, cogitur aliquid facere, quod ipsi aliàs non licuisset: At provocator

ad duellum, sicut & Injustus accusator, vim non infert, quia non cogit ad pugnam, sed invitat: & calumniator, tantum calumniando aggreditur; calumnia autem non propullatur vi, sed veritatis manifestatione, quæ si non sit possibilis, non licet transgredi ad media inordinata, quæ verè non sunt media; sed patienter ferenda est mors: non aliter quam si innocens, probatur reus per falsos testes: uti igitur falso accusatus, non potest occidere suum accusatorem, ita neque potest tentare, ut per duellum illum interimat: quod enim facere non licet, neque aggredi licet. Et certè si contraria opinio admitteretur, inde plurimæ cedes orirentur, in magnam reip. perniciem: facile enim quilibet, sibi persuaderet se injustè accusari, & aliud remedium sibi non esse ad vitam, honorem, & bona tuenda quàm si accusatorem perimat, quàm ratione magna janua aperiretur homicidijs.

3. Ratio, Quia si liceret acceptare duellum, liceret etiam offere, quando faceret ad tuendum honorem, ut contingit quando quispiam est injuriam passus: sic enim apud Nobiles creditum: sed falsò: cum tunc sit vindicta, non defensio, & omnis vindicta privatà authoritate sit prohibita: Nam repositio injuriæ in puncto cadentis injuriæ priusquam adhærescat, non tam videtur spectare ad vindictam, quæ privato non conceditur, quàm ad depulsionem contumeliæ, & honoris tutelam, cuius unicuique jus est: sed in duello conditò mera est vindicta, & aggressio quæ prohibita est.

Pp

4 Ratio

4. Ratio, Quia unusquisque tenetur ex naturâ rei, bonum proprii honoris, & exultationis, postponere bono communi: nam bonum commune anteponi debet bono privato: Atqui ex acceptatione duellorû permiffâ graviter læderetur bonû commune: hinc enim orirentur innumera homicidia, & innumera jurgia nō nisi multorû mortib⁹ finirentur: Quamvis itaq; verum esset, quod adversarij dicunt ex recusatione duelli, minui Nobilis viri apud homines exultationem, & inde censeri pusillanimum, quod tamen jure fieri non potest, neque debet, teneretur tamen obedire legibus, & principis sæcularis, & Ecclesiæ: sed uti sunt mores nostri, is est ultimus Nobilibus omnib⁹ finis propositus, ut à corruptissimorum hominum sannis, & irrisionibus sint immunes, ad cuius rei conservationem, omnia ad certam vastitatem sunt vocanda: quasi perspicuum non sit, multò plus faciendam esse proborum omnium execrationem, quibus sic obita mors opita mors æterno horrore, hæc, & in aliâ vitâ, semper erit: ipsiusq; Ecclesiæ, quæ ita peremptos privât sepulturâ, ut à quibus boni omnes per æternitatem erunt separati, ab ijs nunc tumultis ipsis secludantur. Quid est quodd sic hominum corruptissimorum iniquis judicijs deferimus, & Dei judicium despiciamus; quàm præclare dixit S. Paulinus epist. 33. Beatam futuram nostram conditionem, si æquè Deo, ut hominibus, vel displicere timeamus, vel, curaremus placere: si tantû præcepta Christi, quantum populi sibi illa vereremur; & si tanti laus, quæ ex Deo est, quanti iste de vulgo plausus

emeretur: Vide Chrysost. in 1. Cor. homil. 12. Verum nihil ille difficultatis habebit qui altos ex legis Christianæ præscripto animos induerit, cui facile erit omnem hominum contemptum despiciere: Audi quid dicat idem Chrysost. homil. 30. ad pop. Ant. Non quid dicant, sed quid nos decet considerare: quod Deo parem facit, non ulcisci, hoc risum existimas: Non est contemptibilem hominû ab irâ non vincici: ab irâ namque teneri, puerilis est sententiæ; at vincere, fortitudinis: sed nimirum opinione omnia facimus, non virtute: quod est ignavum, & molle, id laudamus; quod est forte & generosû, id damnamus: Vide quàm præposterâ ratione agamus: Deus hinc nobis apparet, hinc homines, & ille quidem à nobis despicitur, hi à nobis suspiciuntur: illi omnia debemus, his nihil debemus; & tamen nihil illi concedimus, his autem omnia damus: Inter homines alij sunt quorû iudiciû magni facere debemus, alij quorum iudiciû contemnendum: vide tamen quid agamus: sapientum iudicium negligimus, stultorum & infanientium admiramur, sequimur & veremur: Iterû, inter homines alij in nos potestatem habent, & jus imperandi, alij nullum in nos ius habent: illis nec obedientiam, nec reverentiam præstamus; alijs in omnibus obedimus: illos vereri oportebat istos contemnere; aliter facimus: Reges suis ediclis, Ecclesia suis anathematis, ludices suis sententijs nos terrent; nihil proficiunt: vulgus suis sermonibus nos percellit; & omnia à nobis impetrat: quod seges vetant, & nobis utile est, & nobis

nobis facillimum; quod vulgus impetrat. & contra nos est, & difficilimum, & tamen quod vult à nobis impetrat: certe cum in multis quæ Deus præcipit difficultatem exculemus, cur idem non facimus in iis quæ mundus præcipit, præsertim cum eius imperium etiam nos ad mortem deducat, ad rerum omnium, immò etiam salutis iacturam? Illud etiam ausim dicere quò animi nostri perversitatem noscamus: si Deus tibi præcepisset vindictam, & ut res tuas duello decideres, quàm multi rei difficultatem excusarent? Nunc autem, quia utrumque vetuit sub pœnâ damnationis, quàm multi ultro se obijciunt? Sed vide quo lucro, quoque emolumento: Finge enim quamlibet duelli aleam: nam si victus sis; & vitam & omnia perdideris, cum certâ tuæ salutis iacturâ: si viceris, quid inde reportasti, cum tibi & exitium, & bonorum tuorum iacturam, & supplicij periculum compararis? vide interim tuæ victoriæ vanitatē, cogita tuum sensum in morte, in supplicijs, in æternitate: quàm damnabis tuum consilium, quod nihil tibi profuit, neque coram Deo, neque coram hominibus, nec pro hac vitâ, nec pro alterâ, nec pro te, nec pro tuis, nec in tempore, nec in æternitate: sed quidquid tandem obtendas, & quæ velis, sentias quod libuerit, illud tibi certum esse debet. 1. Duellum omne esse illicitum, & peccatum mortale: 2. solam eius voluntatem esse peccatum mortale: 3. ad illud paratum esse, pessimum esse statum, & damnatione dignū;

4. Nulli Nobili sperandam esse salutem, si hoc sit in statu, eam omnibus qui sic vivūt esse impossibilem, iis præcisam esse omnem spem beatitudinis, nihil prodesse sacramenta, nihil orationes, nihil elemosynas, nihil bona opera, sacrilegas esse confessiones, communionem exitiales: si ad generositatem necessaria sit hæc voluntas, nullū generosum salvari posse: si habere contrariam voluntatem, hoc est esse ignavum, solos ignavos salvari posse: & quod passim creditur à nobilibus, melius est nasci ignobilē, quàm nobilem: quod quàm falsum sit probant innumeri Nobiles melioribus institutis imbuti, qui aliâ mensurâ veram generositatem metiuntur, nempe præclare factis, virtute, & sui ipsius victoriâ: qui vitam suam non negligunt, sed etiâ qui impediunt in rebus maximis: qui mortem non verentur, cum timeri non debet: qui ultro cum opus est sanguinem suum fūdunt, sed in causâ honestâ, & dignâ se, non pro nugis, & iurgiis, de quibus idem dici potest quod de Abnere dicebat David 2. Reg. cap. 3. *Nequaquam ut mori solent ignavi, mortui est Abner manus tuæ ligatæ non sunt, & pedes tui non sunt, compedibus aggravati, sed sicut solent cadere coram filiis iniquitatis, sic corruisti*: Sed si homines de illis tacuerint, habebunt testimonium Dei, quo in gloriâ cœlesti coram Angelis, & omnibus Batis decorabuntur.

Amen.



DOMINICA PRIMA QUADRAGESIMÆ

CONCIO PRIMA

Quædam veritates Christianæ de tentationibus
dæmonum exponuntur..

Jesus ductus est in desertum à Spiritu, ut tentaretur à Diabolo. Matth. 4..

PULCHRUM est quod advertit S. Damaf. lib. 3. de fide orthod. c. 2. Christum tentatum fuisse, & vicisse, ut nobis victoriam pararet, & nostræ naturæ, vincendi adversarium virtutem daret : ut natura olim victa per quas suggestiones victa fuisset, per illas antiquum victorem vinceret : Itaque, uti notavit Gregor. Magnus homil. 16. iisdem tentationibus pulsari Christus voluit, quibus primum hominem diabolus pulsaverat : gulâ, vanâ gloriâ, & avaritiâ : gulâ tentavit, cum ligni vetiti cibum ostendit : vanâ gloriâ, cum dixit, *Eritis sicut dii* : avaritiâ cum dixit, *scientes bonum & malum* : avaritia enim non solum pecuniæ est, sed etiam altitudinis : ita Christus triplici tentatione voluit pulsari : & dum in nostrâ naturâ vicit tentantem, nostræ naturæ dedecus abolevit, atque ostendit victorem vinci posse : & ut ait Origenes, propterea Christus

superavit, & vicit, ut tibi vincendi iter aperiret : sic aquila draconem vincit, & provocat pullos suos, non modo ad volandum, sed etiam ad certandum : & vincendum : Nec est quod timeamus, nam cum hoste jam profligato decertamus, cuius caput jam olim mulier contrivit : *ipsa enim conteret caput tuum* : certè ea quæ pugnantes adjuvat ut vincant, de modo & arte pugnandi loquentes & audientes adjuvabit. *Ave Maria..*

SCRIPTUM est Exodi 17. Moysem debellato Amalecità per Josue sacrificium in gratiarum actionem instituisse : altari magnâ religione composito ; quod appellavit ; Victoriam Dei, seu *Domini exaltatio mea* ; seu Domini vexillum, seu Domini miraculum : Et addidit Moyse, *Quia manus folij Domini*, hoc est, per folium suum juravit Dominus, manum suam super illud extendendo :

endo: *Et bellum Domini erit contra Amalec à generatione, in generationem* : significat nempe nunquam inter Israël & Amalec, pacem intercesse, nec ab initio, nec postea : Nam ab initio quidem grave bellum fuit inter Jacob & Esau, & perduravit inter utriusque posteros: fuit enim Amalec filius Esau: hoc autem bellum tamdiu fuit, quamdiu duravit Amalec, quem exterminavit Israël, per Saül & Samuelem. Figuram habes perpetuæ dissensionis Christi, & Diaboli. Nam fuisse ab initio indicant illa verba: *Inimicitias ponam inter te, & mulierem, inter semen tuum, & semen illius.* Cum autem hæc pugna multiplex fuerit, omnium manifestissima & celebrissima fuit hodierna, in qua Diabolus ita fuit devictus: & erectum altare Victorie Domini : *Quia manus solij Domini, & bellum Domini erit contra Amalec à generatione, in generationem* : Etenim quæ certamina Diabolus Christo intulit, hæc eadem hominibus infert : Itaque sic cum Christus debellavit, ut reliquias voluerit ab hominibus debellari. In cuius rei explicationem sequentes assero veritates in istis propositionibus.

I. Propositio. Unicuique hominum suus adest Dæmon, & suus adversarius: Quis toto corpore non exhorresceret, si sciret, sibi perpetuò hydram, atque draconem imminere ? Porro id probant aliqui ex illo dicto Apostoli, 2. Cor. 12. *Datus est mihi stimulus carnis mee, angelus sathane, qui me colaphizet.* Verum ex contextu patet, & ex Chrysostomi, aliorumque Patrum interpretatione, Apostolum loqui, de homine persecutore. Propterea, eo loco

relieto, adjungo, illud idem videri dixisse antiquus author Hermas in suo Pastore lib. 2. mandato 6. ubi docet cuilibet homini traditos duos spiritus, unum bonum, alterum malum : quod ex eodem authore sumpsit Origenes 3. Periar. c. 2. dixit Didymus apud S. Damasc. lib. 1. Parall. cap. 7. & Cassia. Col. 8. c. 7. Verum Hermæ liber à Gelasio rejectus est ut apocryphus : & Origenistis nulla fides adhibenda : hic verò pessimè censuit de Angelorum custodia, quam explicat per alligationem ad corpora, eorumque amorem. Nihilominus fuit hæc communis, licet occulta Patrum traditio, uti docet S. Gregorius Nyssen. in lib. de Vita Moysis: Occultior, inquit, quædam traditio est, vetus sermo ad nos usque descendit, Angelorum aliquem, in administrum cuique constitutum fuisse : naturæque nostræ corruptorem in omnibus contra annitentem, pravum aliquem, atqui maleficum Dæmonem, ad malè vivendum homines impellentem, ad singulos destinasse. Ex quibus verbis discimus, huius rei originem: nempe cum Dæmon vidisset, ad salutem unicuique hominum destinatum fuisse, unum Angelum à Deo, ipsum ad hominum perniciem, unum è suis satellitibus ad singulos homines ordinasse. Tertullianus lib. de animâ cap. 39. Cui hominum non adhærebit spiritus nequam, ab ipsâ etiam janua nativitatis animam aucupabundus : Idem docet Chrysost. homil. 3. in Epistolam ad Coloss. cum enim singulis hominibus adesse Angelos dixisset : subdit, adest & Dæmon : idem habet Beda A. Cor.

12. Hugo à sancto Victore tract. 2. Sū-
mā cap. 6.

Id aliqui probant ex Jobi 40. *Ece Bebe moth, quem feci tecum* : Ita hūc locum explicat Philippus Presbyter, non quod Deus illum destinavit, sed quia tentationem, quam non jubet, intra suæ providentiæ fines ordinat : uti etiam docent S. Nyssen. S. Gregor Mag. in Moral. & S. Thomas : Equidem Scriptura monet Dæmonem semper esse in insidiis, oportet igitur cum semper nobis adesse : & in cœlo quidem tertiam stellarum partem attraxit, atque dejecit : In Paradiso Evam decepit : quis credidisset occisos septem Saræ maritos ab Asmodæo ? Saul in Regiā obsidetur à Dæmone : Magdalena tam compta, tam formosa septem Dæmones habuit : dum Christi corpus Judæ porrigitur, in ipsum dæmon intravit : dum sedes ad mensam, est in guttore : dum jaces in lecto, est in pectore, in otio, in negotio, domi, & foris, ubique habes præsentem : vide quid in Apocal. 12. scriptum sit : Visus est in cœlo draco rufus, qui mulieri solæ amictæ immincebat, ut partum eius absorberet : Tantæ autem magnitudinis, ut à terrâ in cœlum porrigeretur : atque ex parte, totum corpus æstima, caudâ enim suâ tertiam stellarum partem traxit, atque dejecit in terram : id est, si anima, tam esset sancta, ut sole & vestita : tã constans, & fortis, ut pedibus Lunam premeret : tam ornata virtutib⁹, ut coronata esset stellis : Ille tamen draco aggredi eam auderet, & boni operis partem absorbere. Denique exemplum serpentum lævientium in deserto aptissimum

est : nam Judæi in cubilib⁹, in mensa, in tabernaculis, foris, & ubique serpentes offendebant, qui nunc illorum collo se implicabant, nunc pedibus, & brachiis se innodabant, nunc in alias corporis partes inspiebant, ubiq; venenū infundunt : ita omnib⁹ adest Dæmon.

At non videtur ? Non quidem oculis corporis, sed fidei, & animi. Non vidi eius certamen in cœlo : non vidi eius pugnam cum Michaële : Video tamen in terris effectus rebellionis ipsius : audio oracula ubique terrarum, passim adorari video in templis, in aris, & quam divinitatem affectavit in cœlis, sibi eam in terris sumere : quæ non vidi, colligo ex iis quæ video : Non videtur ventus, eversiones tamen eius apparent : Aer pestilens non videtur, effectus tamen eius videntur dum urbes vacuat, & provincias devastat. Ita ille draco non videtur, sed sentitur in effectibus : quàm multa oliū præstitit in terris : Tempore Noë, octo tantum animæ salvæ sunt, reliquæ omnes naufragio periere : Tempore Abraham, ille unicus ferè repertus est justus & fidelis : In Sodomis solus Loth : Et ut Christus ipse dixit, dū ipse seminat, audet Diabolus de cordibus hominum sanctum semen tollere, uti volucres solent granum jactum in vias, sibi tollere in escam : Ex his omnibus patet quod diximus unicuique suum Dæmonē adesse.

II. **Propositio.** Dæmon unicuique hominum non aliâ adest de causâ, quâ ut noceat : uti enim Deus singulis hominibus Angelos destinavit, ut eis prodessent ; Ita Dæmon ut eosdem perderet, singulis suos Dæmones peculiares destinavit.

Pro-

Probatur 1. ex summâ Dæmonis malitiâ, unde ex suo nomine dicitur Malus, seu *poniros*, hinc cû in oratione Dominicâ petimus nos liberari à malo *apo tu poniru*. ex multorum interpretatione, Dæmonem intelligimus: ita Apostolus Ephes. 6. Dæmones appellat *ta pneumatica tis ponirias*. Spiritualia nequitia, seu spirituales nequitias, & Hebræi vocant Dæmonia *schedin*, Deuteron. 32. & Psal. 105. hoc est prædones, à voce *schadad*, quod est prædari, & vestare: quid enim aliud agunt, quàm ut in Domini hæreditatem grassentur, & eam evertant, & in homines latrocinando evulsant, ac fiant homicidæ, uti dicitur Joan. 8. *Ipse enim est homicida ab initio*, Etenim primos homines morti addixit, non corpora sanciendo, sed homines lædendo per peccatum, unde mors ingressa in hunc mundum: Hinc sanctus Antonius apud sanctum Athanasium: Si quid in huminum pectoribus malæ mentis, & pavoris semel invenerint, quasi latrones qui desertâ obtinent loca, cæptos cumulant timores, & crudeliter imminentes, infelicem puniunt animam. Est autem malitia, siye *poniria*, inclinatio ad aliis nocendum etiam sine causâ, sed ex quâdam in malum propensione, quod peculiare est Dæmoni, quia nihil læsus ab hominibus, sponte suâ inimicus est homo, ut cum vocat Scriptura: unde in unum incumbit ut noceat, nec ulli unquam beneficium offert, nisi ut gravius noceat. Est autem duplex Dæmonum malitia, una est culpa, altera pœnæ: & *poniria* vel nequitiam significat, vel ærumnâ, & cruciatum: utraque in ipsis, & ab ipsis: sunt

enim contaminatissimi ipsi in se, & iisdem criminibus homines inquinare student: item gravissimis suppliciis afficiuntur, quò & homines pertrahere conantur, id enim intendit Dæmon, ut quos ad se beneficiis, & voluptatibus attraxerit, eosdem miserrimè conficiat, & suppliciis atterat. Id ipsum agnoverunt Dæmonum cultores, nam Mercurius Trismegistus in lib. Quòd in solo Deo sit bonitas, ait Dæmones in hominum animis ferere *tu idias ô sperma* suæ vis, & actionis semen: quale verò illud sit, explicat, enumerando scelera, ad quæ impellit: adulteria, cædes, parricidia, sacrilegia, impietates, strangulationes, per præcipitia dejectiones, & mala omnia, quæ opera sunt Dæmonum: Apud Psellum Chaldæus vocat, terrestres feras. Asclepius Trismegisti discipulus *Angelus ponirus* Empedocles appellat detestabiles: Hinc Gentilium iuriæ, afastores, & mali genij, sicarij, & prædones à quibusdam vocati. Et certè sicut Deus suâ naturâ bonus est, unde bonitatis origo: ita Dæmon naturâ quidem bonus, quoniam opus est Dei, sed nequitia pessimus author est mali omnis; ideoq; Chrysost. serm. 11. ait se ex hoc Evangelio discere, quòd curiositas humana, quod veterum labor, quod sapientia humana quærens, & diu quærens non potuit invenire, unde malum, culpa unde, vitiorum vis unde, unde criminum furor, unde corporum bella, unde confictus animæ, unde vitæ tempestas rãta, unde mortis naufragiũ tã crudele, quod nesciret homo, nisi Dei lex Diabolũ prodidisset: Diabolus mali author nequi-

nequitie origo, rerum hostis, &c. ille laqueos tendit, lapsus parat, foveas fodit, aptat ruinas, stimulat corpora, pungit animas, cogitationes suggerit, immittit iras, dat virtutes odio, vitia dat amori, errores facit, discordias nutrit, pacem turbat, affectus dissipat, conscindit unitatem, sapit malum latis, bonum nihil, violat divina, humana tentat, &c. Quia sicut Diabolus impellit ad mala, sic Deus deducit ad bona.

2. Probatur ex maximo Dæmonis in homines odio: unde in Evangelio dicitur Inimicus homo: cuius odij causam refert Gregor. lib. 32. in Iob. cap. 19. Valde, inquit, anhelat scivens, quod cum ipsum ima cruciant, homo ad summa conscendat: in illâ celsitudine subvecta caro permanet, à quâ tantus ipse Spiritus sine fine projectus jacet: sed loca mentium mutavit ordo meritorum.

Hinc nomina ipsius hoc significant, quod vel homines oderit, vel eosdem afficiat injuriâ: Hebræicè dicitur Satan, quod sonat, adversarium, sed qualem describit sanctus Petrus 2. epistol. cap. 5. *Sobrius esote, & vigilate, quia adversarius vestester Diabolus, tanquam leo rugiens, circumquærens, quem devoret*: id enim tantum intendit ut noceat, id quærit omnibus modis, de illâre tantum gaudet: unde illi maximè falluntur, qui ad Dæmonem recurrunt, & ab eo aliquid sperant, cum id unum intendat ut perdat.

2. Dicitur Diabolus, voce græcâ, hoc est Calumniator, & accusator, quia perpetuò Sanctis apud Deum detrahit, & peccatores deposcit ad poenam. Apocal. 12. *Projectus est accusator fratrum nostrorum, qui accusabit illos ante conspectum*

Dei nostri: detrahit Sanctis, ut Iob, negans veras esse illorum virtutes: alios accusat ut Jesum Sacerdotè apud Zachar. capit. 3. *Et Satan stabat à dextris eius, ut adversaretur ei*: qui tibi nunc blanditur, aliquando te accusabit apud Deum, & quantum poterit, persequetur: accusat autem die ac nocte, Apocal. 12. hoc est & in prosperitate, & in adversitate, cuius rei exemplum habemus in Iob, in quem & florentem, & spoliatum invasit insolenter.

3. Dicitur draco, & serpens, quod noceat, Apocal. 9. Hebræicè Abaddon: Græcè à pollutione. Latine verò exterminans, seu disperdens: Hinc nomen Asmodæi, quod significat vastatorem, & perditorem à Schamad, quod est perdere, & vastare, cuius effectus sunt in septem viris Saræ, crudeliter interemptis, postquam eos ad libidinem inflammasset: & ab eò nomine Hebræi illum, appellant latronem, & perditore: ac vide odij magnitudinem.

1. Quia, contra quam sit in alijs pugnis, ubi ambæ partes certant de coronâ, ipse sine spe coronæ pugnat. Nâ in hoc prælio cum homine, solus homo eam sperare potest, non autem ipse Dæmon: cum odio solum incitatus homines appetat, ut non vincendo coronetur, sed ne homines vincendo habeant, quod ipse ne victoriâ quidem adipisci potest. Chrysost. homil. 22. ad Ephes. Eius victoria non est in hoc ut coronetur, sed ut perdat, non enim incumbit, ut deiciat, sed ut simul deiciat: jam est ergo victus, ipse enim jam est dejectus, & est in perditione & in interitu.

2. Quia victoria illi nocet: nam ex hominum

hominum lapsibus uti docet S. Angustinus 20. de Civit. Dei cap. Dæmonum ex igne supplicium adaugetur: ubi triplex illorum destinguit iudicium: primum cum dejecti sunt: secundum dum operantur mala: tertium de quo S. Petrus 2. epist. cap. 2. cum dicuntur reservari in diem iudicii quod pœnarum argumentorum non oritur ex novo demerito, sed est novus effectus veteris demeriti. Cæterum augeri ignem in ijs & pœnas accidentales, vel ipsi exorcismi fidem faciunt, & disertè docet S. Cyprianus, qui ait ab Ecclesia eos terri, & flagellari: eos autem effectus verè fieri, licet ipsi non videantur.

3. Propositio. Cum Dæmon semper adfit hominibus ut varijs modis illis noceat, præcipuè tamen adest ut eos tentet.

Probatur 1. Ex peculiari eius nomine, quo appellatur Tentator, secundum illud Matth. 4. in hodierno Evangelio: *Et accedens Tentator, ait illi*: Itaque prima eius operatio circa homines hæc fuit, ut Evam in Paradiso tentaret; quod semper deinceps fecit, & hoc significatum est in maledictione serpentis, Genes. 2. *Insidiaberis calcaneo eius*.

2. Piobatur. Ex modo quo hominibus nocere potest: cum enim & corpori, & animæ nocere possit, minus ei permittitur in corpus, plus autem ut tentet: quoniam si plus posset in corpus quam in animum, vix nostra possibilis esset defensio, cum nocere possit corpori, nolentibus nobis, animo verò, non nisi volentibus: Deinde, quia parum est ei, ut corpori noceat, modò

animam lædat: unde hodie Christo offert omnia regna mundi, & omnem gloriam eius, modo procidens adoraverit eum: quia si animum eius idololatriâ infecisset, parum erat, quod omnia bona externa ei concederet.

3. Probatur. Ex permissione quam obtinet à Deo, quæ tanta est, ut vocetur Princeps huius mundi, Princeps huius aëris: non quia verè sit dominus, & rerum omnium corporalium sit potens, sed quia potestatem accepit homines tendandi, quod præstat in hoc aëre caliginoso, & quandiu sumus in hac vitâ: Itaque Tolletus regnum eius in eo ponit, quod liberam habeat potestatem homines tentandi, quod præstat quandiu vivunt in hoc mundo.

4. Propositio. Cum Dæmonis tentatio ex varijs capitibus sit metuenda, ex eo tamen est vel maximè, quia arte, & methodo, sic homines tendat, ut etiam si cætera multorum irritamenta decissent, ex hac tamen parte, pauci homines salventur, quod pauci Dæmonem vincant.

1. Pars probatur. Nempè eius tentationem ex varijs capitibus esse metuendam. 1. ob eius fortitudinem, & potestatem: certè ex lobo, nulla est fortitudo quæ comparetur ei: & de eo sub figurâ Behemoth, ita loquitur cap. 40. *Fortitudo eius in lumbis eius, & virtus illius in umbilico ventris eius*. ut nimirum intelligas esse fortissimum, cum ea membra quæ in cæteris animalibus solent esse mollissima ita sint in eo dura, ut in eis putes fortitudinem eius consistere: *Ossa eius velut fistula æris, cartilago illius*

Qq

qua

*quasi lamina ferrea, &c. Ipse est principium
v. a. um Dei. Idem cap. 41. sub figura Levi-
athan : Reputabit quasi paleas ferrum, &
quasi lignum putridum æs, &c. Quasi stipulam
æstimabit malleum, & deridebit vibrantem
bâstem. Vide S. Gregor. in Moral.*

In particulari verò colligitur eius
fortitudo; 1. ex naturâ ipsius, est enim
spiritus : at spiritus ut sunt in vulnera-
biles, ita etiam potentissimi sunt
vide, quid in lobum potuerit, res-
trictâ licet eius potestate : 2. à specie,
est enim invisibilis : unde nemo potest
eum attingere, nemo tela eius evita-
re, cum nemo eum videat ipse autem
norit, quid agat, quoniam est Princeps
tenebrarum : 3. à potentiâ, est enim hu-
ius mundi dominus, ac princeps : 4. à
loco, pugnat enim eminus, ex aëre, à
cælo, in cælestibus, ut ait Apostolus,
5. ab in dolo est enim iniquissimus, &
nequissimus & omnis, mali artifex, quæ
omnia paucis verbis complexus est A-
postolus Ephes. 6. *Quoniam non est nobis
colluctatio adversus carnem, & sanguinem, sed
adversus Principis, & potestates, adversus
mundi Rētores tenebrarum harum, contra
spiritualia nequitie in cælestibus.*

2. Propter instantiam eius, & perti-
naciam in tentando, & aggrediendo :
Instantiam vide in eo, quod dies noc-
tēsq̃ue non quiescat, semper excubans
in insidijs : Itaque Pelusiota ait eum ad
nos decipiendum semper excubare in
insidijs *ἀγριπνεῖνα* Tertull. lib. de Pat.
cap. 7. Pervicacissimus hostis ille, nun-
quam malitiæ suæ otium facit : S. Hie-
ron. in cap. 15. Math. ait nobis semper

insidiari, ut vel levem cogitationum
nostrarum scintillam suis fomitibus
inflamet : & quia vulgò cedinus im-
portunitati, hinc fit ut propter difficul-
tatem constantiæ, & propter animi le-
vitatem, & defatigationem cadamus
animo, & succumbamus : vide quid Sā-
soni acciderit in cap. 16. libri ludicum,
ex importunitate Dalilæ : *cūmq̃ue mo-
lesta esset ei, & per multos dies jugiter adbe-
reret spatium ad quietem non tribuens, dese-
cit anima eius, & ad mortem usque lassata est :
tunc aperiens veritatem rei, &c.* Vnde Sa-
pientis monitum, Eccl. 4. *Pro iustitiâ ago-
nizare pro animâ tuâ, & usque ad mortem,*
&c. Accedit instantiæ Dæmonis, eius-
dem pertinacia, & pervicacia, quæ tan-
ta est, ut repulsus redeat, uti vides in E-
vangelio, ubi quidem dicitur, quod rece-
ssit, sed additur, ad tempus, differens
magis tentationem, ait Hieron. quam
auferens : Tertull. de Patientiâ cap. 7.
Tunc maximè sævit, cum hominem
plenè sentit liberatum : tunc plurimùm
accenditur, cū extinguitur : Cypria-
epist. 6. hoc ipso quod victus est supe-
rantem superare conatur : Itaque Cyril-
lus Alexandrinus Dæmonem Appellat
ex hac pertinaciâ *deinde utipratin* vche-
mentem in oppugnando.

2. Pars probatur, nempe eius ten-
tationem præcipuè esse metuendam,
quòd cum arte, & methodo tentet : Cū
artem & methodum audis, noli aliud
intelligere, quàm plurimas eius versu-
tias & fraudes : itaque prima eius ten-
tatio fuit Evam decipere : unde dicitur
à S. Ignatio Martyre, Epistolâ ad Phi-
lippenſes *ποικίλος, versutus, ἁκίστατος*
malitiæ

malitiæ dux:& à S.Hieron.in Epist.ad Ephes. eius artes multimoda ingenia appellantur: sic eum S. Macarius *poluplokon* vocat varium, vasum, & implicatum, qui habeat *maggana*, *hy trigura*. excogitatas machinas, & fores triplices, *hy poihilim pollin*, & versutiam multam. Triplices fores dixit, quibus intret, quibus alabatur, quibus redeat: Hinc varia nomina ei tribuntur in Scripturâ, cui nomina mille, mille nocendi artes: sed universalissimè dicitur Serpens, Quia *callidior erat omnibus animantibus*: & quod uti notat S.Ephiphanius, serpens sit inter animantes *skliootatos* maximè tortuosus, & varius: speciatim dicitur Genes.49. *Cerafles in semitâ*, què Nicander appellat *dolobenta*, insidiantem, & dolosum; & alibi dicitur *Princeps tenebrarum*, & *Potestas tenebrarum*. Item *spiritualia nequitie in celestibus*: Apud Iobum cap.4. vocatur Tygris, non tantum propter crudelitatem, sed etiam propter varietatem: LXX. Interpretes habent pro Tygride, *mormikoleon*, genus animalis pusillum, sed astutulum ad formicas rapiendas, & devorandas: In compositione naturarum, formicæ, & leonis, S. Gregorius agnoscit varium ingenium: ob multitudinem autem fraudum, & innumeram varietatem, comparatur plurimis animantibus, serpenti, draconi, leoni, ericio, aquilæ, aspidi, basilisco, scorpioni, &c. Vnde apud Iobum. Behemoth appellatur, què vox pluralis est numeri, & significat plura animalia, quia videlicet plurium astus in se comprehendit: Id significatum in cap.12. Apocal. in Dracone ha-

bente capita septem, & cornua decem: immo in singulis capitibus diadema gerit, quia Rex est multorum Basiliscorum. Hinc dicitur Draco, simul bestia marina, & terrestris, immò etiam visus in cælo, Apocal. 17. *Signum magnum in cælo, Draco magnus, & rufus*: Itaque passim Prophethæ, vocant, Thanninim, quam vocem, tum S.Hieronymus, tum sacri Interpretes variè vertunt: alij dracones, alij colubros, alij cetos: nonnulli firenes, ericios, aut lamias: blanditur enim ut firen, nudat mammam, ut lamia prophetica: ut ericius pungit, & lancinat: degludit ut cetus: ut draco, ferocissimè in vadit, & cauda circumligat: ut serpens veneno inficit: Itaque rectè admonet Apostolus Ephes. 6. *Induite vos armaturam Dei, ut possitis stare adversus insidias Diaboli*, Græcè *metodelas*. Quia uti docet S. Chrysost. quâdam arte, & methodo adoritur: unde Hieron. & Ambros. vertunt, versutias: & uti advertit S. Chrysost. nō dixit Apostolus, adversus pugnas, neq; adversus bella; neq; eim propagandâ & capere nobiscū bellū gerit inimic, sed ex insidijs quæ dicuntur *metodelas*: Nā *metodele* in est decipere, & compendiarîâ viâ, ac ratione capere, ac superare, quod quidem fit, & in artibus, & in orationibus, & in luctu, & in factis, in ijs qui nos seducunt. Hæc ille. Ex quibus patet intelligi varias artes fraudes, & industrias, & machinationes Diaboli quibus nos circum venit.

§. Proposito. Cum eius artes sint innumeræ, præcipuas continet hodiernū Evāgelii: Ex innumeris paucas subijcio.

Itaque sicut omnis methodus plura redigit in pauca, ita Dæmon omnia tentationum objecta seu materiam ad tria capita reduxit : & ideò de tribus tantum, Christum Dominum tentavit, de gulâ, de vanâ gloriâ, de avaritiâ cum ambitione : Etenim fingi tantum potest triplex deordinatio : una circa Deum per superbiam : altera circa se per voluptatem : tertia circa proximum per injustitiam, avaritiam, & ambitionem : Item ex S. Thoma, causæ seu materiæ tentationum, sunt incentiva cupiditatum, scilicet carnis oblectatio, spes gloriæ, & aviditas potentia : Est enim triplex in hominibus cupiditas ardentissima, voluptatum, opum, gloriæ, secundum tria bonorum genera, quæ in homine esse possunt, bonorum, inquam, falsorum : nam vera bona Dæmon proponere non potest, uti sunt virtutes, quibus nemo malè utitur : Itaque in deserto proposuit voluptatem in pane gloriæ supra templum, Angelis ad eum sustentandum, si se proiiceret, concurrentibus, in testimonio sanctitatis : opus in monte, cum ostendit omnia regna mundi : Unde in Apocalypsi scædus initum, inter Draconem, bestiam terræ, & bestiam maris : quæ respondent apud Jobum, ijs quæ Dæmonem significant, nempe Satanæ, Behemoth, & Leviathan : Draco in cælo, & superbiorum Deus Satan : Bestia, terræ, & Behemoth, significat delitias, quia ex Job Behemoth *sub umbrâ dormit, in secreto calami & in locis humen-* *tibus*. Leviathan opes significat, de quo

Idem, *concidit eum amici, dividit illum negotiatores* : Et certè Alcazar, per bestiam maris, imperium Romanum significari dicit, in quo totius orbis opes collectæ erant. Illud igitur in universum sciendum est, manifestissimum esse Diabolicam tentationis argumentum, inductionem ad voluptates, vanam gloriæ, & avaritiæ, quarum rerum cupiditates sunt initia omnium vitiorum : Nam Apostolus Joannes. *Quidquid est in mundo, aut concupiscentia oculorum, aut superbia vitæ* : & propterea ad tria oppositâ, Christus homines, & suâ doctrinâ, & exemplo suo induxit.

Unde sequitur, cum qui senserit se ad aliquod horum trium incitari, non debere dubitare, se tentari à Dæmone, & è contrario signum esse boni spiritus, si ab illis deducatur, atque abstrahatur.

2. Sicut ratione rerum, & objectorum, omnia reduxit Dæmon ad tria capita, ita ratione procedendi, triplicem habet tentationis modum, quem in Christi tentatione observavit, dicente Apostolo : *Habemus Pontificem tentatum per omnia* : Vel enim tentat sub humanâ specie, vel sub Angelicâ, vel sub propria speciei, hoc est Diabolicâ, vel apertâ : Etenim sub humanâ specie Christo apparuit in deserto, quasi fortuito occurrisset, & ex communi pietate suaderet, ut famem sublevaret : Deinde cum supra piñaculum templi eum extulit, sub Angelicâ specie apparuit, neque enim debuit sub humanâ : nam si subistâ, non potuisset commodè visus esset alium in aëra sublevare : neq; etiâ polliceri

polliceri Angelos fore præsentes, qui præcipitanti seipsum succurrerent: sed cum eum sub specie Angeli sustulisset, consuluit præcipitum, ut ei qui timere non deberet, Angelo sibi assistente, & mandatum divinum afferente, de succurrendo ipsi, ne caderet: Denique in montis fastigio, sub specie Dæmonis apparuit, cum se adorari postulavit, manifestum crimen suadens, & egregie mentitus, qui omnia sibi tradita diceret, & illa omnia pro adorationis mercede polliceretur: Unde triplex existit tentatio: humana, pseudoangelica & Diabolica.

Et prima quidem est sub specie necessitatis: quæ summa est, cum agitur de necessariis ad vitam, qualis est victus: Nam cum homines voluptarios, delitiis alliciat ad gulam: homines spiritales specie necessitatis ad se pertrahit, uti quotidie passim multos decipit prætextu sanitatis, & conservationis: sed præcipue necessitatis obtentu, cui nemo non se aliquid debere putat: De hac tentatione S. Gregor. illud Job. 18. intelligit, *abscoudita est in terrâ pedica eius, & decipula illius super semitam*: In terrâ pedica absconditur, cum culpa sub terrenis commodis occultatur, inimicus quippe insidians, ostendit humanæ menti in terreno lucro, quid appetat, & occultat peccati laqueum, ut eius animam stringat, quatenus videat, quid est, quod concupiscere valeat, & tamen nequaquam videat, in quo culpæ laqueo pedem ponat: sic etiam decipula ponitur, ut dum esca ostenditur, nequaquam ipsa à transeunte videatur: Quasi

esca quippe in laqueo, est lucrum cum culpâ, & huius mundi prosperitas cum iniquitate: dum itaque à concupiscente lucrum appetitur, quasi pedem mentis, apprehendit decipula quæ non videtur; sæpe ergo proponuntur animo eum culpâ, honores, divitiæ, salus, & vita temporalis, quæ mens infirma, dū quasi escam videt, & decipulam non videt, per escam, quam videns appetit, in culpâ constringitur, quæ non videtur.

2. Tentatio, seu pseudoangelica, fit sub specie boni, quæ summa est, cum agitur contra nos ex divino testimonio: *Mitte te deorsum, Angelis enim suis mandavit de te, ut custodiant te in omnibus viis tuis*: Etenim Satanas se in Angelum lucis aliquando transfiguratur, quâ potissimum ratione bonis, & spiritales aggredi solet, ut ait S. Gregor. lib. 33. in Job. cap. 22. exponens illa verba quæ dicuntur de Leviathan: *Qui revelabit faciem indumenti eius*: aliter (inquit) religiosas hominum mentes, aliter huic mundo deditas trahit: nam pravus mala, quæ desiderant, aperte obijcit, bonis autem, latenter insidians, sub specie sanctitatis illudit: Illis velut familiaribus suis iniquum se manifestius insinuat: illis verò velut extraneis, cuiusdam quasi honestatis prætextu se palliat, ut mala quæ eis publice non valet, testis bonæ actionis velamine subintromittat: Ita & membra eius, sæpe cum aperta nequitia nocere non possunt, bonæ actionis habitum sumunt: iniqui enim si aperte mali essent, à bonis recipi omnino non possent: sed sumunt

sumunt aliquid de visione bonorum, ut dum boni viri in eis recipiunt speciem quam amant, permixtum sumant etiam virus, quod vitant. Ita Gregor. Quin etiam miracula simulat, *ut in errorem inducantur, etiam si fieri potest, eledi*: Itaque rebus sanctis utitur & Christum adoritur testimonio Scripturæ Quot homines decepti sunt hoc sæculo prætextu majoris reformationis: quot specie pænitentiae Eleemofynæ, Orationis, & majoris perfectionis: Ita solet Dæmon, ait S. Ignatius in Regula 4. de dignoscendis spiritibus: cognitis pijs animæ votis, illis primùm obsecundare, sed paulatim illam allicit ad perversa sua desideria: Unde monet in Regulâ 5. ut accuratè excutiantur cogitationes nostræ, circa principium, medium, & finem: nam si hæc tria benè se habeant, bonum ostendunt Angelum, cogitationes illas suggerentem: sed si per discursum mentis, aliquid offertur, vel sequitur, quod ex se malum sit, aut avocet à bono, vel ad minus bonum impellat, quàm anima prius sequi decreverat: vel aliquid suspectum, & ab omnibus non satis probatum, vel si pacem animæ tollat & securitatem, evidens erit indicium, huius rei authorem esse Dæmonem, utpote utilitati nostræ adversantem, & semper singularia sectantem. Sæpe etiam deprehenditur ex caudâ serpentinâ, hoc est ex fine malo, quem semper nobis insinuare studet: nam licet ab initio bonum & virtutem prætexuerit, paulatim tamen quædam insinuat quæ bona non sunt, quæ suspecta sunt, & quæ animi pacem & tranquillitatem tollunt: unde facile depre-

henditur eius deceptio: Itaque licet dæmon obtulerit Christo Angelorum custodiam, & divinum testimonium, quia tamen præcipitum suadebat quæ res adversabatur Scripturæ, quæ vetat tentari Deum, ideò Christus Dæmonem repulit, sub falso prætextu rem malam suadentem.

3. Tentatio, quæ Diabolica dicitur, quod apertè Dæmonem ostendat, non timet apertè malum proponere, exhibitâ ingenti mercede: neque enim Dæmon dissimulavit, quis esset, cum dixit: *hec omnia tibi dabo*: nec magnitudinem sceleris, si cadens adoraveris me. Unde Christus hac tantum vice tractavit ut Dæmonem: *Vade Sathana*. Sic autem facit Dæmon, vel cum sceleratis hominibus, quibus ut ait Gregor. loc. cit. mala quæ desiderant, apertè obijcit: vel in ijs rebus, quas homines tanti faciunt, ut ad eas per summa etiam scelera pervenire non reformident: v.g. in avaritiâ & ambitione: uti advertit S. Cyprianus in opere de operibus Cardinalibus Christi, in capite de Jejunio, & Tentationibus eius. Et in avaritiâ quidem proponit exemplū Judæ proditoris, qui lucrum quærens non dubitavit Christum tradere: usque ad mortem Domini (ait) amor lucri se ingerit, nec vitæ Salvatoris, quæstus desiderium parit. S. Leone sic accinente: Amori pecuniæ vilis est omnis affectio, & anima lucri cupida, etiam pro exiguo perire non metuit: Jam de ambitione Cyprian. loc. cit. Nihil intentatum ambitio prætermittit. Et postea. Invenit tentator ambitiosos aggreditur, & conditione perniciosâ præmissâ, præmia

præmia talia pollicetur, ultra quæ extendi non possit cupiditas: regnorum scilicet Monarchiam, & universitatis dominatum, ut in omnibus mundanis, unus homo quasi Deus habeat potestatem, & uni omnia subiecta sint, & generale veltigal, excellentiæ principali, cuncta persolvant: quid ultra, cupide quæris? quid amplius avare desideras? Hoc sane patet experientiâ: Nam ut opes habeantur & divitiæ; quid non admittunt homines? Certè Dæmon nullam tam turpem obijcere potest cōditionem, quæ non admittatur: sed præcipue ob dominatum: si jus violandum est, aiebat ille, regni causa violandum est: Quot putas homines vivere, quibus si in criminis præmium, offeres regnum, ac sceptrum, quidlibet admitterent? Sed quid ego de regno loquor, cum minima ambitio, idem efficiat? an non passim ab hominibus iura violantur, continentia læditur, nulla ratio honestatis, nulla æquitatis, nulla virtutis, nulla amicitiae, nulla honoris, nulla pudoris habetur? quid minores virtutes commemoro, nulla religionis, nulla fidei, nulla divinæ maiestatis. Non unus Dæmon adoraretur, sed omnes Dæmones adorarentur, *ostendit omnia regna mundi, & gloriam eorum*: In ijs occasionibus, non est quod Dæmon se occultet, aperte agit non dissimulat, non occultat crimina: *Si cadens adoraveris me*. Nam conditione perniciosâ præmissâ, præmia talia pollicetur, ultra quæ extendi non possit cupiditas.

Hic uniusquisque videat quo tandem genere tentationis se Dæmon adoriatur, an humanâ, an pseudo Angelicâ, an

planè Diabolicâ. Certè quælibet peccatrix est, & quacunque vincat Dæmon, hominem perdit. Et quidem minus homines verentur humanam prætextu necessitatis: sed scias necessitatem esse prætextum, immo tentationem voluptatis. Quàm multa sunt ut panis habeatur? quasi Deus non aliud provideat? *Nō enim in solo pane vivit dōs, sed in omni verbo quod procedit de ore Dei*: Verū hæc tētatio passim homines adorat, etiam minimè malos: opifices, rusticos, patris-familias, matres-familias, qui aliorum curam habent, qui præfunt domibus, familijs, communitatibus, regnis, rei publicæ. Quam multa sunt prætextu sanctitatis, necessitatis & vitæ? sed scias nullam esse causam legitimam rei malæ, & res omnes potius esse amittendas quam innocentiam, & sæpe in, eo esse gravissimam Dæmonis tentationem, quâ passim illaqueantur homines inani prætextu. Hoc habet in universum, necessitatem prætendi, ubi voluptas imperat.

Sed gravior tentatio est quæ nos sub specie boni adorat, quâ sumimè solent decipi qui perfectionis sunt amantes, & qui falso zelo abripiuntur: *Quis revelabit faciem indumenti eius?* quia scilicet Angelus Satane se transfiguravit in Angelum lucis. Sed scias non omnia quæ videntur, eadem esse vera: unde monet Apostolus Ioannes Epist. 1. cap. 4. *Charissimi nolite omni spiritui credere, sed probate spiritus si ex Deo sint: rationem reddit, quoniam multi pseudoprophetae exierunt in mundū*: non itaque omnibus fides adhibenda, etiā qui bona offerunt. Scito omnia externa esse æquivoca:

Item

Item, omnia insolita debere esse suspecta : omnia extraordinaria esse periculosa : Denique ea omnia quæ mali aliquid habent admixta esse reiicienda : ita in veteri regulâ, in modo communi, & in priori mandato, & sicut dicit Apostolus ad Galat. 1. *Sunt aliqui qui vos conturbant, & volunt convertere Evangelium Christi. Sed licet nos, aut Angelus de celo evangelizet vobis, præterquam quod evangelizavimus vobis, anathema sit: sicut: prædiximus, & nunc iterum dico: Si quis vobis Evangelizaverit præter id quod accepistis, anathema sit.*

Sed omnium gravissima est tentatio Diabolica, quia ad manifestissimum crimen inducit, ad Diaboli adorationem. Sed vide quo illicio : *ostendit illi omnia regna mundi, & omnem gloriam eorum: Hæc omnia tibi dabo, si cadens adoraveris me.* Insane quid cogitat? Mundum habes (ait Cyprianus) Deum non habes : Mundus transibit : Tu cum eo

qui non stat, cades, transibis, & rues: peremptoria sunt hæc consilia, quæ tibi talia pollicentur, in quibus re necesse est, aut vomitu, aut ruptis interire visceribus: Vide deinde, ut cum eodem Doctore pergam, pretium quod petitur, ut Diabolum adores prostratus, & eum tibi Deum constituas, quem non dubitas seductorem : si consenseris, ut concedas, casus tui te non potes excusare improvidum, cum ipse tibi casum, & ruinam prænominet, & præcipitium exigat, &c. Denique non consideras, quid tibi ex adverso promittit Deus: Regnum Christi non est de hoc mundo: Regnum Cælorum, tibi Deus promittit, ipsum solum adora, ipsi soli mento ut servias, qui repulso tentatore, te quoque gloriâ, & honore post victoriâ coronabit.

Amen.





IN DOMINICA PRIMA QUADRAGESIMÆ.

CONCIO SECUNDA.

Doli & artes Dæmonis in tentando, ex tentationibus quibus
Christum aggressus est, aperiuntur.

*Jesus duñus est in desertum à Spiritu, ut tentaretur à Diabolo,
Matthæi 4. cap. 1.*

DIXIMUS in præcedenti Concione, cum Dæmonis tentatio ex variis capitibus sit metuenda, præcipuè tamen quod cum arte, & methodo tētet. Cum enim eius pugnandi ratio sit spiritalis, maximè pugnat ex arte; Unde Dæmones vocat Apostolus *spiritualia nequitia*, hoc est spiritalis nequitas: quarum quasdam jam supra attulimus, sed quia sunt innumeræ, ne putes si superiores illas vitaveris, te rerum omnium esse securum, ideo in earum enumeratione pergo, ut saltem ex multitudine infensissimum hostem & timere, & cavere discas. Verum prius Virginem salutemus. *Ave Maria.*

I.

IGITUR sic Dæmon in tentando par-
titur objecta, & modum tentationis,

ut tamen non de omnibus simul tentet, sed successivè & tentationis mutando: itaque Christum priùs de gulâ tentavit, postea de vanâ gloriâ, tum de avaritiâ & ambitione: tum ut omnia experiatur, ut si uno prælio non vincat, altero deiciat; tum ut omnibus vitijs implicet; neque enlm mediocriter nocere vult, sed summè. In quem sensum S. Gregorius lib. 15. Moral. cap. 16. illud Jobi interpretatur: *Vadent & venient super eum horribiles*: Sic dicti Dæmones quoniam bonis mentibus pavendi sunt, ac fugiendi: Perverſi itaque mentem etſi alia mala deſerunt, alia occupant: Ita plerumque videas hominem furioſum, aut iracundum, quidquid ira ſuggeſſerit, exequi: ſed ubi furor abſceſſit, mentem eius, luxuria deſtat: cum luxuria

Rr ad

ad tempus intermittitur, elatio protinus quasi de continentia in eius cogitatione subrogatur; atque ut à cæteris timeatur, appetit videri terribilis: sed si potentior assurgat, quasi postposito terrore superbix, remissa locutione blanditur: & cum superbus videri desiderit, duplex effici non pertimescit: in cuius ergo mentem vitia vitij succedunt, rectè de eo dicitur, *Vadent & venient super eum horribiles*: quia quot vitij decedentibus, & succedentibus premittunt, tot malignis spiritibus, eius animus, quasi euntibus, ac redeuntibus vastatur. Hac autem arte utitur Dæmon, ut omnes machinationes adhibeat, & aliquā tandem ratione, perimat ac perdat: Exemplum habes insigne in Jobo, quem omnibus modis aggressus est, uti notat idem S. Greg. præf. in eius lib. cap. 4. & 5. Abstulit substantiam, interfecit filios, percussit corpus, insligavit uxorem, amicos ad consolationem adduxit, sed in asperitatem increpationis excitavit: ut crebrius feriendo, cor attingeret, quod novo vulnerare semper iteraret: Quia enim in sæculo potentem vidit, dæmnis substantiæ eum moveri credidit: quem non concussum ex filiorum morte pulsavit: Videns autem quia ad augmentum divinæ laudis, etiam ex vulnere crevit orbifatis, petivit feriendam salutem corporis: Intuens etiam quia per dolorem corporis pervenire nequiverat ad passionem mentis, insligavit uxorem: civitatem quippe quam expugnare appetivit, nimis munitam vidit, & idcirco exterius tot plagas inferens, quasi foris exercitum admovit, ani-

mus verò uxoris in verbis malæ persuasionis accendens, quasi intus civium corda corruptit: & foris itaque admovit impetum belli; intus venena consilij, ut tanto citius urbem caperet, quanto eam interius, exteriusque turbaret: Nempe omnia tela Dæmon adhibuit: sed in his omnibus manifestus imperterritus; stetit civitas inconcussa: & ut pergit loco citato cap. 5. ubique munitus astitit, undique venientibus gladiis vigilanter obviavit: amissam substantiam tacite despexit, carnem in filij mortuam æquanimiter dolet: in se carnem percussam patienter tolerat: carnem in conjugem malè suadentem, sapienter docet, super hæc amici in asperam correptionem profiliunt, & pro sedando dolore venientes, vim doloris adiungunt: omnia ergo machinamenta tentationum sancto viro vertuntur in augmenta virtutum: per vulnera quippe probatur eius patientia: per verba verò exercetur eius sapientia: ubique fortiter occurrit, quia flagella robore, & verba ratione superavit.

2. Ita Dæmon mutat tentationes, & hominem varijs modis aggreditur ut tamen ordinem servet in tentando: omnis enim methodus servat ordinem, & ille ordo propriæ methodus appellatur. Itaque ut plurimum homines voluptatibus primò adoritur, tum superbix, & vanæ gloriæ, denique opibus, & ambitione: Hunc ordinem videre est in ætatibus: Nam ferè adolescentes & juvenes, voluptatibus tanguntur: viri gloriæ: senes avaritiæ: atque hunc ordinem in Christi tentatione Dæmon servavit: Nam primò tantavit gloriā, cum

cum dixit, *Dic ut lapides isti panes fiant*: Tum appetitu gloriæ, cum perluasit præcipitum è pinaculo Templi, ut speraret se in omnium conspectu ab Angelis fuscipiendum ne caderet: denique avaritia, & ambitione, opibus propositis, dum ostendit ei omnia regna mundi, & gloriam eorum dicens, *Hæc omnia tibi dabo*: atque hunc tentationis ordinem rectè explicat Serapion apud Cassianum collat. 5. cap. 6.

Nota 1. Christum minimè tentatum à Diabolo de luxuriâ, cuius rei multæ causæ afferri possunt: sed ad propositum, unicam afferro ex Cassiano loc. cit. Nec enim (inquit) qui gulam vicerat, poterat fornicatione tentari, quæ ex illius abundantia, ut à radice procedit: Nam ut ait Tertullianus lib. de Iejunijs, Grande monstrum haberetur libido sine gulæ spectâ corpus, una regio est: deniq; pro dispositione membrorum ordo vitiorum est: qui itaque sic ieiunarat, & qui post jejuniū sic gulam domuerat, de carnis luxuriâ vanè fuisset tantatus.

Nota 2. B. Matth. & S. Lucam diverso ordine hæc tentationes narrare: uterque quidem inchoat à tentatione gulæ, Quia ferè tentamur primo de vitijs corporis, & de ijs, quæ in nobis sunt: Et fuit communis SS. PP. Sententia, qui ista vitia minora non superasset, cætera non posse deinceps superare: Sed Matheus secundo loco ponit superbiam tentationem, & tertio loco tentationem avaritiæ: contra quam facit S. Lucas. Quia uti advertit S. I. thomas 3. p. q. 41. art. 4. ad 5. aliquando ab avaritiâ, transitur ad superbiam: ali-

quando à superbia ad avaritiam: Tu itaque vide, si nondum carnales tentationes vicisti, quomodo reliquas graviores vincere possis? Ille autem ordo, eò pertinet, quod Dæmon à minoribus ordiri soleat, ut ad majora progrediat: non statim adulterium proponit, sed amoris initia: non statim homicidium, sed leves iras: non statim defectionem à fide, sed quasdam inceptas libertates: Etenim non statim se prodit totum, sed paulatim se aperit: ad Evâ, cur vobis præcepit Deus ut non comederitis de omni ligno Paradisi: deinde nequaquam moriemini: mendacem facit Deum: tum subdit: Scit enim Deus, quod in quocunque die comederitis ex eo, aperientur oculi vestri: Invidium Deum facit: denique sic concludit: Eritis sicut Dij, scientes bonum, & malum: ad extremum perduxit superbiam, ut cum Deo æqualitatem ambi- rent: Ita in Christi tentatione paulatim processit: Nam in primâ videtur respectisse ad aliquod de se non malū, nempe esurientis corporis refec-tionem, tamen per mediū malum & in ordinatum, nempe per modum insolitum, & extraordinarium: *dic ut lapides isti panes fiant*. In secundâ respexit quidem ad aliquid malum, sed quod videri posset, de se non admodum grave, ut est vana apud homines æstimatio, per medium tamen magis atque evidentiū inordinatum, nempe præcipitum: In tertiâ verò manifestius suam prodidit malitiam, & ad summum malum contra Deum induxit, propter infirmū quoddam motivum, quod solet esse radix, atque origo omnium vitiorum.

Eodem artificio uti advertit S. Gregor. lib. 2. in Iob. cap. 8. Callidā curavit antiquus hostis, non tam iacturā rerum, sancti viri patientiam frangere, quam ipso ordine nunciorum: qui studens prius parva, & post nunciare majora, in extremo filiorum mortem intulit: ne vilia, pater, rei familiaris damna duceret, si illa, jam or batus audiret, & minus peteuteret, rerum amissio, præcognitā morte filiorum: quia videlicet nulla esset hæreditas, filios prius subtraheret, qui servabantur hæredes: sed à minimis incipiens, in ultimum, graviora nuntiavit, ut dum gradatim deteriora cognosceret, in eius corde, doloris locum, omne vulnus inveniret: Hæc ille. Vnde tam sæpe illud Patrum spiritualium consilium, ut ab initio Dæmon repellatur: *Beatus qui tenebit, & Callidet parvulos tuos ad petram*: August. in Psal. 36. Quid sunt parvuli Babylonix, nascentes malæ cupiditates: quando nascitur cupiditas, antequam robur faciat adversus te mala consuetudo: cum parvula est, nequaquam pravæ consuetudinis robur accipiat: cum parvula est, elide illam: hostis major est: occidatur ad petram: brevis hostis est: elidatur ad petram: & majores ad petram occidite: & minores, ad petram elidite.

3. Sic Dæmon ordinat tentationes, ut quamlibet ad extremum perducatur: neque enim exigua hominum ruinā est contentus, sed ex maximo in homines odio, ad majora semper, & ad summā, impellit: Id vide in singulis Christi tentationibus. Nam quoad gulam attingit: Cum Christum tentavit, quoad desiderium, & modum querendi cibi, non potuit ad gravius tentare: Nam ut

advertit S. Basilius, relatus in Catena PP. in Lucam, suavit lapidibus appetitum dare, hoc est permutare desiderium ab alimento naturali, ad existentiam præter naturam: duo dicit Dæmonem Christo suasisse: 1. ut etiam miraculo, gulæ satisfaceret, qui modus plane indebitus est, cum alio modo potuisset: oportebat ergo sublata necessitate, insolitam esse cibi appetentiam, quæ etiam miraculo sibi fieri satis poscebat: 2. Vt gustum, & delicias in re non convenienti quæreretur. Portenta quædam naturæ fuerunt, nonnulli Imperatores, qui contra naturam ipsam, delicias alienissimo tempore, & alienis locis quærerent: Ac de Caligula quidem scripsit Suetonius: Nihil tam viciere concupiscebatur, quam quod posse effici negaretur: Ita Dæmon à naturali alimento Christum provocat ad existentiam præter naturam: unde tentationum dissipator Christus, non repellit famem à naturā: sed tentationem refutat dicens: *Non in solo pane vivit homo, sed in omni verbo, quod procedit de ore Dei*: sumitur ex cap. 8. Deuter. ubi de Manna Sic habent Hæbreæ, super omne, quod egreditur os Domini, vivet homo: Id est quacunque re, quam Deus ordinavit ad vitæ sustentationem, vivi potest: ut per annos 40. Iudæos pavit Mannā, sine pane: sicut itaque in deserto panis non fuit populo necessarius, ita neque Christo ad vescendum opus fuit ut saxa in panes mutaret: & proinde vides gulæ tentationem ad summum fuisse perductam.

Idem dico de tentatione vanæ gloriæ, quā eò perduxit, ut homo speret Angelos

Angelos sibi in præcipitiō ministraturos, ut inde famam sanctitatis aucupetur: hoc est velle, Deum miraculo sibi succurrere ad vanam aurā captandam.

Denique tentationem ambitionis deducit usque ad cupiditatē inexplēbilem rerum omnium: *ostendit enim illi omnia regna mundi, & gloriam eorum*, atque subdit. *Hæc omnia tibi dabo. Vide autem quò usque proferat crimen, nempe usque ad apertam Diaboli adorationem, & ut dependenter ab eo, velit habere omnia: quod significat his verbis. Hæc omnia tibi dabo: si cadens adoraveris me: & Lucæ cap. 4. Tibi dabo potestatem banc universam, & gloriam illorum, quia mihi tradita sunt, & cui volo, do illa: Tu ergo si adoraveris coram me, erunt tua omnia: quæ omnia majora esse non possunt, seu cupiditatem spectes, seu crimen.*

4. Sic Dæmon tentationem suam ad extremum perducit, ut maximè occultet, quod intendit: verè serpens, de quo rectè Tertull. Nusquam torus. Verè lucifuga bestia. Id vide in singulis Christi tentationibus, in quibus licet id videretur intendere, ut ad gulam, ad vanam gloriam, & ad avaritiam induceret, eius tamen præcipuus finis fuit, ut Christi divinitatem exploraret: & quā, si videret, carere, ut tentaret, atque in peccatum induceret. Sic igitur tentavit, ut periclitaretur, & ut agnosceret: Sic periclitatus est, ut tentaret: quod facile per singulas tentationes ostendi potest.

Nam quoad primam attinet, sic accessit animo explorandi divinitatem Christi, ut si ea non esset, ad gulæ peccatum induceret, ita docent SS. Ambr.

Hilarius, & alij multi ex Sanctis Patribus: Si enim solum ad gulā inducere voluisset, non petiisset, ut lapides fierent panes: sed potius panes ipsos obtulisset, & ad vescendum provocasset: hac quippe viā, facilius elurienti persuadere poterat, ut comederet, quā lapides proponendo: sic autem exploravit: *Dic, ut lapides isti panes fiant*, quā ratione opus ab illo exquisivit divinitatis proprium, nempe ut rem unam in aliam solo imperij sui nutu, verbōque converteret: quod non nisi à Deo, vel saltem virtute divinā fieri poterat: unde si Christus, in testimonium, & probationem, quod esset Filius Dei, prout à Dæmone exigebatur, opus illud patrasset, evidenter agnovisset Dæmon quod optabat: ideo non dixit, cum elurias, *dic ut lapides isti panes fiant*, id enim vir sanctus facere poterat: Nec dixit, Filius Dei es, dicitur lapis, panis fiat: neque enim ex hoc, illud colligebatur: Sed usus est conditione, si Filius Dei es, quibus verbis significabat, conversionem lapidum, futuram in testimonium divinitatis: & persuadebat ut faceret: quasi diceret, si tantus es, quantus prædicaris, & quantum Deus de te testari visus est circa Jordanem, ne permittas hanc tantam dignitatem obscurari, aut in inutilem esse panem ex lapide, quò & tibi consulēs, & tuam ostendas divinitatem. Hæc autem probatione potius usus est quā aliā, cuius occasione eluriei usus est secunda illud Matth. 4. *Postea esuriis. & accedens interior, dixit ei, si Filius Dei es, dic ut lapides isti panes fiant.*

Denique, sic explorabat, ut tentaret:

Rr 3

Nam

Nam si Filius Dei non erat, intendebat eum ad manducandum excitare, ut constet ex responsione, *non in solo pane vivit homo*: utrumque enim intendebat, & explorare, & tentare ad peccatum. Sed præcipue primum: quoniam ex unâ parte, vox Patris ad Iordanem, & Ioannis testimonium, *Ecce agnus Dei, ecce qui tollit peccata mundi*: Insuper, nullum in eo peccatum, quod in omnibus deprehendere solitus erat, Deum ostendebant: Aliunde ipsum Ieiunium, efuries, & caro cum cæteris hominibus communis, eum ambiguum reddebant.

Idem planè intendit in secundâ tentatione, in quâ opus supernaturale in testimonium divinitatis postulavit: Idem in tertiâ, licet obscurius: nam licet nullum opus supernaturale flagitarit, quoniam illud obtinere, iam desperaverat; flagitavit potius opus divinitati contrarium, & injuriosum; id fecit solum, ut si verus Deus esset, tanta blasphemîâ, & sibi illatâ provocatus injuriâ, se potius à Dæmone adorari imperaret, atque hoc modo suam divinitatem proderet. Sed Christus omnes Dæmonis artes elusit.

Nam quoad primam, ita illum elusit, uti notat Sanctus Irenæus libro 5. contra Hæreses cap. 21. ut ad illud, *si Filius Dei es*, tacuerit, & hominis confessione eum excæcarit, dicens, *Non in solo pane vivit homo*: Ita in secundâ, sic respondit, ut de suâ divinitate silens, & humanitatem recognoscens, ac secundum illam, ad Deum subjectionem; diceret. *Non tentabis Domium Deum tuum*: In tertiâ verò summâ sapientiâ & autoritate, qualis hominem iustum deceret, Dæmonis temeritatem atque audaciam

perfrexit, dicens, *Vade Satana*, & suam divinitatem abscondit, adjuñgens, *Domium Deum tuum adorabis*, nos docens quomodo oporteat Dæmonis artes eludere.

5. Nec verò tantum in suâ intentione Dæmon obscurus est, & tortuosus, sed in modo tentandi sic aliquando perplexus est & implicatus, ut nonnunquam ita animum illaqueet, ut unum peccatum fugere non possit, quin in aliud incidat: quo sensu B. Gregor. lib. 32. Moral. in lob. cap. 17. illa verba interpretatur, quibus nervi Behemoth perplexi dicuntur: Quia videlicet suggestionum illius argumenta implicatis inventionibus illigantur ut plerisque ita peccare faciant, quatenus si fortasse peccatum fugere appetant, hoc sine alio peccati laqueo non evadant, & culpam faciant, dum vitant: ac nequaquâ se ab unâ valeant solvere, nisi in aliâ consentiant ligari: Tùm subdit exempla in omni hominum conditione, in Conjugatis, in Continentibus, in Pastoribus: In primis, quidam alteri amicus, secretum alteri iurejurando pollicetur: sed is cui juratum est adulterium aperit, & mariti adulteræ homicidium à se commissum: Vide animû perplexum eius qui iuravit si taceat adulterij simul, atque homicidij particeps fieri timet: si loquatur, perjurium veretur: perplexis itaque Behemoth nervis ligatus est: Quia (inquit) ne quamlibet partem declinet, metuit ne à transgressionis contagione liber non sit: Aliud exemplum in Continentibus. Quidâ mundo renuntians, alteri sese voto obedientiæ obstringit: sed incautè Superiorem

rē eligit, qui ea quæ Dei sunt prohibet, quæ mundi sunt, jubet: quid faciat subditus? & obedire trepitat, & nō obedire formidat: ne aut obediens, Deū in suis præceptis deferat; aut rursū nō obediēs Deū in electo Priore contēnat: & aut illicitis obtemperans, hoc quod pro Deo appetit, contra Deum exerceat: aut rursū non obtemperans, eum quem suum judicem quæsierat, suo iudicio supponat. Aperte ergo per in discretionis suæ vitium perplexis nervis astringitur, quia aut obtemperans, aut certē non obtemperans in culpā transgressionis ligatur: Tertium exemplum in Prælati. Quidam præmijs, se regimini Ecclesiæ immiscuit: sed cum imperandi difficultatem sentit, dignitatem abijcere deliberat: Per honoris ergo ambitum, ligatum culpā, hinc inde se conspicit: esse quippe sine reatu criminis neutrum videt, si aut susceptus semel grex deferatur, aut rursū sacra actio sæculariter empta teneatur: Cuius status miseri, hoc in universum subdit remedium: Est tamen quod ad destruendas eius versutias utiliter fiat, ut dum mens inter minora, & maxima peccata, constringitur, si omninō nullus sine peccato evadendi aditus patet, minora semper eligantur: Quia & qui murorum undique ambitu, ne fugiat, clauditur, ibi in fugam præcipitat, ubi brevior murus invenitur: sic Apostolus, dum quosdam in Ecclesiā incontinentes aspiceret, concessit minima, ut majora declinarent, dicens: *Propter fornicationem autem unusquisque uxorem suam habeat*: Et quia tunc solum conjuges in admixtione sine culpā sunt,

cum non pro explendā libidine, sed pro suscipiendā prole miscentur; ut hoc etiā, quod concesserat, sine culpā, quamvis minimā, non esse monstraret, illicō adjunxit, *hoc autem dico, secundum indulgentiam, non secundum imperium*: Non enim est sine vitio quod ignoscitur, & præcipitur: Peccatum profectō vidit, quod posse indulgeri prævidit: sed cum in dubijs constringimur, utiliter minimis subdimur, ne in magnis sine veniā peccemus: itaque plerumque nervorum Behemoth istius perplexitas solvitur, dum ad virtutes maximas, per commissa minora transitur. Sed universalitius quomodo id contingat exponit Richardus à sancto Victore, part. 2. annotatione in Psal. 90. *Qui habitat*, ubi loquitur de septem temptationibus: Perplexā (ait) tentatio est, quando sub uno, eodemque tempore, mens varijs vitijs impetitur, ut vel in uno aliquo labatur: Et sæpē versuta malignitas hos vitiorum congressus cum tanto artificio ordinat, ut animus improvidus, unde uni vitio robustius resistere parat, eo ipso aliud incurrat, atque hanc temptationem omnium perniciosissimam vocat: si enim difficile est, sæpē unum aliquod vitium superare, quàm laboriosum erit plurimum insultus, sub uno impetu sustinere: virum sanè robustum, sed nec minus prudentem dixerim, qui agminis tantopere hostilis, nec viribus frangitur, nec fraudibus circumvenitur, &c. in perplexā enim tentatione, tam nostra virtus exercetur ad fortitudinem, quàm nostra prudentia eruditur ad discretionem: nam sicut magnæ fortitudinis est, multi-

multitudinis impetum fortiter sustinere, ita miræ prudentiæ est, circumfluentis insidias prudenter prævenire: Hæc ille.

Si non eodem, sanè quoquo modo Dæmon in triplici tentatione Christi, multiplices tentationes involuit: Nam in primâ, & de gulâ tentavit, ut comederet, & de superbiâ, ut modo insolito sibi provideret: &c. Quibus omnibus Christus unicâ responsione, providit: ita ut Dæmonem valdè implicarit, sic vicit, ut multum falleret: *viclus est enim Diabolus*, quia nec novit quod explorabat, nec obtinuit quod tentabat: Vide Janfenium in Concord. Evâg. cap. 15. in hæc verba, *Si Filius Dei es, &c.*

6. Ut eo perveniat, perpetuò quærit secretum, ac maximè timet, ne reveletur: Ita Christum adoratus est in deserto, & in solitudine: Et Jesus in Evangelio *Ductus est à spiritu in desertum, ut tentaretur à Diabolo*: Hinc docet S. Ignatius in suis spiritualibus exercitijs, ubi quasdam tradit Regulas ad dignoscendos spiritus, Dæmonem sequi solitum morem nequissimi amatoris, qui puellam aut alicuius viri uxorem volens seducere, nihil magis timet, quam ut verba & consilia sua, aut Patri, aut Marito patefiant, cum sciat hoc pacto de suis conatibus actum esse: Ita cum Dæmon vult aliquem perdere, semper suadet ut suas suggestiones secretas habeat: sciens se vincendum, si detegatur: Hinc factum, ut quandiu credidit se latere, semper redierit, sperans se aliquid tandem obtenturum: sed ubi audivit, *Vade retro Satana, discessit ab eo ad tem-*

pus: Hinc fit ut *Princeps tenebrarum* appelletur, & *negotium perambulans in tenebris*:

7. Sic latendo uniuscuiusque statum explorat, conditionem, dispositionem, opportunitatem: Ita tempus opportunum accepit tentandi Christi de gulâ, ubi illum esurire animadvertit: secundum illud Evangelistæ, *Postea esuriit, & accedens Tentator*. Morem Dei servat, malus eius imitator, qui in gratijs dandis observat suorum electorum dispositionem: De Dæmone illud Job. 18. interpretatur S. Gregor. *Abcondita est in terra pedica eius, & decipula illius super semitam*: Existunt (ait Geger.) qualitates morum, quæ certis vitijs sunt vicinæ: Nam mores asperi, aut crudelitati, aut superbiæ solent esse conjuncti: maxime autem blandi, & quam decet paulò amplius lætiores, nonnunquam luxuriæ, & dissolutioni: Intuetur ergo inimicus generis humani uniuscuiusque mores, cui vitio sint propinqui, & illa opponit ante faciem, ad quæ cognoscit facilius inclinari mentem: ut blandis, ac lætis moribus, sæpe luxuriam, nonnunquam vanam gloriam: asperis vero mentibus, iram, superbiam vel crudelitatem proponat: Ibi ergo decipulam ponit, ubi esse semitam mentis cognoscit, quia ibi periculum deceptionis inserit, ubi viam esse invenit propinquæ cogitationis. Hæc ille. Ac rectè advertit S. Ignat. in suis exercitijs in Regulâ 14. de dignoscendis spiritibus: Dæmonem imitari solere aliquem belli Duce, qui obsessam arcem expugnans, exploratâ prius naturâ, & munitione loci, debiliorem partem aggred-

ditur: sic ille animam circuit, & callide inquit, quarumnam virtutum præstidij, moralium scilicet, aut Theologicarum, ipsa vel munita, aut destituta sit: eaque potissimum parte, machinis omnibus irruit, ac subvertere nos sperat, quam in nobis minùs cæteris firmatam & custoditam esse præviderit: idque nos quotidianis discimus experimentis. Cæterum cum omnes adoriatur, nemo enim sine tentatione vivit;

8. Eos tamen præcipue tentat, qui se virtuti addicunt, ut à iusepto boni operis abducatur: unde dicitur in Evangelio, *Ductus est Jesus à spiritu in desertum, ut tentaretur à Diabolo*, & in fine tanti jejunii, *accedens tentator, dixit ei, &c. dic ut lapides isti panes fiant*: ita nimirum fervor Deo inserviitium Diaboli rabiem excitat ad invidiam ac furorem: In hunc sensum S. Gregor. lib. 4. Moral. cap. 21. exponit verba illa Jobi, *Qui parati sunt suscitare Leviathã*: Omnes enim (ait Gregor.) qui ea quæ mundi sunt, mente calcant, & ea quæ Dei sunt plenâ intentione desiderant, Leviathan cõtra se suscitant, quia eius malitiam, instigatione suæ conversationis inflamment: nam qui eius voluntati subiecti sunt, quasi quieto, ab illo, jure possidentur, & superbus eorum rex, quasi quãdam securitate perfruitur, dum eorum cordibus inconcussa potestate dominatur: sed cū uniuscuiusque spiritus, ad conditoris sui desiderium recalescit, & cum libertatis ingēitæ meminit, & tereri ab hoste servus erubescit: quia idem hostis se considerat despici, quia vias Dei videt apprehendi, dolet contra se captum reniti, & mox zelo accenditur: mox ad

certamen movetur, mox ad tentationes innumeras, contra rebellantē mentem se excitat, atque in omni arte lacerationis instigat, ut tentationum jacula intorquendo confodiat cor, quod dudum quieto jure possidebat: Quasi dormiebat quippe, dum sopitus in pravo corde quiesceret: sed excitatur in provocatione certaminis, cū jus amiserit perversæ dominationis. Itaque scriptum est Ecclesiastici 2. *Fili accedens ad servitutem Dei, sta in iustitiã, & timore, & præpara animam tuam ad tentationem*: quis enim accingi in divino servitio properat: quid aliud quàm se, contra antiqui adversarii certamen parat, ut liber in certamine, idus suscipiat, qui quietus sub tyranno, in captivitate serviebat. Hactenus Gregor. qui lib. 33. Moral. cap. 6. aliam causam huius rei aperit. Ex eo enim quod Dæmon imperfectos suis tentationibus subjugavit, cum id parum existimet, audet etiam viros spirituales aggredi, secundum illud Jobi, *Absorbebit fluvium*, & non mirabitur, & habet fiduciam, quod influat Jordanis in os eius: Quia igitur Behemoth iste, ait Gregor. à mundi origine exortum, vix paucis electis evadentibus, humanum genus in ima defluens, usque ad demptoris tempora, quasi quemdã in re se fluvium traxit, bene nunc dicit, *absorbebit fluvium*, & non mirabitur: Quia vero & post mediatoris adventum, quosdam qui recte vivere negligunt, etiam fideles rapit. recte subiungitur: *& habet fiduciam, quod influat Jordanis in os eius*: ac si aperte diceretur ante redemptorem mundi, mundum, non miratus absorbit, sed quod est gravius, etiam

Ss

post

eius ossa, id est hæc eadem consilia, æris fistulis comparantur: æris quippe fistulæ, amoris aptari cantibus solent, quæ admotæ auribus, dum blandum carmen subtiliter concinunt, interiora mentis, in exteriora delectationis trahunt; & dum dulce est quod auribus sonant, utilitatem cordis in voluptatis fluxum debilitant, cumque auditus ad delectationem trahitur, sensus ab statu suæ fortitudinis enervatur. Hæc ille.

10. Nunc otio, & lentè, nunc assultibus aggreditur. Nam uti murus, qui assidue quatitur, tandem diruitur, ita tam assiduus est ut tandem debellet: novit enim illud Ambrosius in Apol. l. 2. cap. 3. Nemo diu fortis est. Sed periculosius tentat fictâ pace, unde nulla securitas. Augustinus Homil. 46. & 50. facit hostis securos, quos cupit esse captivos: quod petitur à militiâ, in quâ incauti, & securi occupantur: unde monitum Amilij Probi. Nihil in bello cõtemni oportere: nec sine causâ, dici, Matrem timidi flere non solere. Itaque S. Hilarius in Psal. 63. admonemur (inquit) timere insidientem semper hostem, ne incautam securitatem nostram, ipse in speculis positus incurset. Et idè, præclarum est monitum Prosperi lib. 2. de vocat. gent. cap. 28. In præsentis agonis incerto, ubi tota vita tentatio est, & ab insidiant superbiâ, nec ipsa est tuta victoria; mutabilitatis periculo non caretur: Exemplum subiicit D. Petri: Et S. Hieronymus, ad Heliodor. Nolite credere, nolite esse securi; tranquillitas ista, tempestas est. Quare ne confidas, cum fides omnia ex voto suc-

cedere, nihil te adversi sentire: dic enim semper apud te, tranquillitas ista, tempestas est, nulla in mari securitas, cito enim ex tranquillo, fit turbatum: hæc autem vita navigatio est: unde Apostoli templa nostra, instar navium esse voluerunt: Audi Tertullus de Idolatr. cap. ultimo, fides navigat; tuta, si cauta: securâ, si attonita; cæterum inenatabile excussis, profundum est: inextricabile impactis naufragium est: irrespirabile devoratis hypobrechium.

11. Eodem pertinet quod nunc subitis, & repentinis tentationibus adortur imparatos: nunc lentis & mollibus delinimentis longâ assiduitate emollit, ac dissolvit, secundum illud Jobi 14. *Mons cadens defluit, & saxum transfertur de loco suo: lapides excavant aquæ, & alluvione paulatim terra consumitur: & hominem ergo similiter perdes*: Quæ verba sic interpretatur Gregor. 12. Moral. cap. 13. Duo sunt genera tentationum: unum quod in mente etiam iusti hominis per repentinum eventum agitur; quatenus sic subito tentetur, ut hunc inopinato proventu concutiat, & prosternat, calumque suum, non nisi postquam ceciderit, videat: aliud verò quod paulatim venit in mentem, & resistentem animû lenibus suggestionibus inficit, & omnes in eo vires iustitiæ, non nimietate suâ, sed assiduitate consumit: Quia ergo alia est tentatio, quæ iustos plerumque subitâ invasione prosternit, dicatur, *Mons cadens defluit, & saxum transfertur de loco suo*, id est, mens sancta, cuius locus, iustitia fuerat, impulsu subito transfertur ad culpâ: Rursum, quia alia est tentatio, quæ se cordi hominis, leniter

infundit, omnemque duritiam fortitudinis corrumpit, atque consumit; dicitur, *lapides excavant aquæ*, quia scilicet duritiam mentis absorbent assidua & mollia blandimenta libidinis: & lentum, atque subtile vitium corrumpit durum & forte propositum mentis: unde subditur, *alluvione paulatim terra consumitur*: sicut enim influente aquâ paulatim terra consumitur, sic leniter surrepente vitio, mens etiam fortis absorbetur: unde bene subiungitur: *Et homines ergo similiter perdes*: quod explicat per permissionem: Tum subdit exempla utriusque tentationis: Videamus. David ille, quantum mons altus fuerit, qui tanta Dei mysteria, prophetico spiritu valuit contemplari: sed aspiciamus, quàm subito casu defluxit, qui dum in solario deambulans, alienam conjugem concupivit, & abstulit, eiusque virum, cum damno sui exercitus interemit: repentino casu mons cecidit: cum mens illa cælestibus mysteriis assueta, inopinatâ tentatione devicta est, tamque inmani turpitudini subacta: saxum itaque de loco suo translatum est, cum Prophetæ animus à prophetiæ mysterijs exclusus, ad cogitandas turpitudines venit. Videamus etiam qualiter *lapides excavant aquæ*, & *alluvione paulatim terra consumitur*: Salomô quippe immoderato usu, atque assiduitate mulierû, ad hoc perductus est, ut templum idolis fabricaret, & qui prius Deo templum construxerat, assiduitate libidinis, etiam perfidiæ substratus, idolis extruere templum non metuit: atque factum est, ut ab assiduâ carnis petulantia, usque ad mentis perfidiam perveniret. Quid

igitur aliud quam aquæ excavarunt lapidem, & alluvione paulatim terra consumpta est: quia surrepente paulisper infusione peccati, terra cordis illius ad consumptionem defluxit: Hæc ille.

12. Ad tempus deserit, ut confidentiam ingeneret, tum non opinantem & securum fortius invadit: id vides in Christo, nam dicitur recessisse ad tempus: idque docet parabola hominis à dæmone possessi, tum liberati: expulsus enim dæmon vadit, & assumit septem alios spiritus nequiores se, & sunt novissima hominis illius pejora prioribus: unde nunquâ tentatio plus timeri debet quàm cum desit. Augustinus supra: facit hostis securos, quos cupit esse captivos.

His artibus & similibus sic profecit dæmon ut totum ferè mundum subjugarit: O quàm illud mihi dolet, cum audio Christum vocare dæmonem, mundi huius principem: *Venit princeps huius mundi*, & *in me non invenit quidquam*: Item à Tertulliano dici omnitenentem: Cum audio Joannem dicere. *Totus mundus in maligno positus est*. id est, sub maligno, seu dæmone. Immo Apostolus vocat Deum huius sæculi. Quid hoc patimur, Auditores, quid: eius tyrannidem facile serimus: qui justum Dei dominatum ægrè aliquando tulimus? audiamus Christum quâ ratione animos addat ad tam probrosum jugum excutiendum. Joan. 16. *Confidite, ego vici mundum*: & alibi, *Princeps huius mundi jam iudicatus est*, & Luc. 10. *Videbam satanam sicut fulgur de caelo cadentem*: Ecce dedi vobis potestatem calcandi supra serpentes & scorpiones, & supra omnem virtutem inimici, & nihil vobis nocebit.

nocebit. Quin igitur aggredimur magno animo.

Primò, Quia ut ait Apostolus Ephes. 6. *Non est nobis colluctatio adversus carnem, & sanguinem, sed adversus principes & potestates, adversus mundi rectores, tenebrarum harum, contra spiritualia nequitia in cœlestibus:* ut scias mortalium omnium, sive Regum, sive aliorum certamina ridicula esse, cum ferro, & glâdibus igneis, atque tormentis, pugnant in arcibus, & aggeribus è terrâ egestis. Unus Angelus unâ nocte octoginta millia stravit in exercitu Sennacherib: Duo Angeli intra paucas horas quinque urbes, & tot in eis cives in cinerem rede gere: aliæ nobis sunt pugnæ, alia certamina cum dæmonibus: videri non possunt, quia sunt principes tenebrarum: attingi non possunt, quia sunt spiritus: feriri non possunt, neque perimi, non enim constant carne, aut sanguine: Itaque nihil possût in eos humanæ vires, & corporeæ: Sed hæc omnia animos addere debent, quia licet tanti sint illi spiritus, Christus tamen dedit nobis potestatem calcandi super illos, eosque ita abjecit, ut vocet serpentes & scorpiones: serpentes quidem ob manifestam vim nocendi; scorpiones autem ob occultam: sed tamen illud præclarum, quod tu homo carneus, & terrenus, tantum hostem possis debellare.

Secundò. Quia certas cum hoste jam prostrato, secundum illud Roman. 16. *Deus autem pacis conterat satanam sub pedibus vestris velociter, ut nemo de victoriâ desperet.*

Tertiò. Ratione rei de quâ certamè inquit, secundum illud Apostoli, in cœ-

lestibus, id est, ut exponit Chrys. pro cœlestibus: Hoc est, non pro urbe, aut provinciâ, non pro agro, aut castro, aut finibus imperij, sed pro regno cœlorum. Vide num esse possit maius pugnæ premium, quàm ut agatur de regno, eoq; cœlesti, non quod alios lucrari speret, sed ne tu obtineas.

Verùm multi non modò non confidunt cum dæmone, quin potius dæmonem adjuvant, & cum eo sociantur, & arma eius fortiora reddunt, immò ipsimet fiunt dæmonis præliantis iacula: Vide hunc nebulonem cum dæmone arma sua sociantem: jam annos plures dæmon huic virgini bellum indixit: jam sæpè totis viribus conflixit, nec vincere potuit: sed quod dæmon non potuit, unus adolescens hoc potuit.

At non concidamus animo: Ducem habemus Christum, qui nos de cœlo aspicit in terrâ pugnantes. Memento Salaminæ pugnæ, cum Xerxes in edito monte intueretur pugnantes septus multis scribis, quos singulorum præclare facta scribere jubebat, & notare, ut peractâ pugnâ illos pro suis meritis & gloriâ & præmio afficeret: Ita tibi animo propone Christum Dominum de cœlo prospicientem, & in te suos oculos defigentem, ut tua prælia, & tua fortia gesta intueatur, & approbet, & æternis monumentis consignet: certè eius oculi tibi esse debent ingēs quoddam theatrum, & ut ait sanctus Basilus, Deus magnus est spectator: Sic itaq; certare coneris, ut vincas; & sic vincere allabora, ut aliquando coronari merearis in gloriâ cœlesti, ad quam perducat nos Christus Dominus Amen.



FERIA SECUNDA

DOMINICÆ PRIMÆ IN QUADRAGESIMA.

CONCIO PRIMA

DE JEJUNIO FINALI.

Prima causa gravitatis judicij, quòd Filius Dei,
sit Judex.

Cum venerit Filius hominis in Majestate sua. Matth. 25.

VALDE timendum est quod ait sanctus Basil. in procæmio ad Regulas fusiùs disputatas ne maxima hominum pars Deum inadæquatè, & quasi dimidiatè cognoscat: Nolumus, ait, Deum ex mediâ parte cognoscere, neque eius erga nos bonitatem, ad ignaviæ occasionem accipiamus: propterea tonitrua, propterea fulminum terrores, ne bonitas contemnatur: De eo quidem dicitur, quod Solem oriri faciat super iustos & iniustos; sed etiam de eodem dicitur quòd cæcitate percutiat: Dicitur Zachar. 10. imbrem dare: sed etiam dicitur Genes. 19. ignem pluere: illa clementiæ, hæc severitatis: aut per illa ad amandum alliciamur, aut per hæc ad metum assuefaciamus. Eadem de causâ Tertullianus

docet justitiam esse plenitudinem Divinitatis: Cum itaque tam multa sint quæ nobis persuadent Deum bonum esse, ne etiam ignoremus justum esse, Ecclesia hodiernâ die universale iudicium nobis proponit, de quo nemo pro dignitate eloqui potest, nisi peculiari gratiâ Dei adjuvetur, pro quâ obtinendâ ad Judicis Matrem accurramus. *Ave Maria.*

IPso huius sermonis initio admonendos vos esse existimo eius rei, quam dixit S. Gregorius cognomento Thaumaturgus in suâ in Ecclesiasten metaphrasi: Neminem esse qui de iudicio deq; reb⁹ postremis dignè eloqui possit, atque orationem rebus parem efficere; ut ne homines, si minus aliquid dicatur, timorem Dei, vel abijciant, vel minuant.

minuant. S. Basilius Barlahamum martyrem laudaturus obtabat linguam suam periti alicuius pictoris penicillo adjuvari: utinam hic pictorem haberem eximium, qui me penicillo suo adjuvaret, & quæ linguâ representare non possum, coloribus exprimeret. Vel potius, Auditores, me credite pictorem esse: nam quæ dicam, tam absunt à rei veritate, quam abesse solet pictura, ab ipsarum rerum naturâ. Certè si Judicii consideratio, quod S. Basilius appellat formidabile, & nulli hominum tolerabile, vobis terrore non iniiciat, nescio quid vos tandem movere possit, aut à peccato deterrire: Etenim quod est rerum maximarum proprium, nulla est in eo pars, vel minima, nulla circumstantia, quæ non aliquod magnum cõtineat. Quare non placet illud confusè contemplari, sed singulas eius partes, ut nihil omittamus: Ita hodiernâ die, prima tantum verba spectabimus; cum venerit Filius hominis: in quibus verbis continetur, judicii postremi præsidem futurum Christum Dominum: quæ cognitio quanti sit momenti, hinc colligi potest.

1. Quod Christus in sui apud mortales itineris clausulâ hoc postremum voluerit Apostolos monitos esse, ut nunquam eius rei obliviscerentur: unde quasi id omissum foret in mandatis, aut ut esset quasi ultimò commendatum, aut denique ut illis præcipuè inculcatum ostenderet, duos Angelos misit, qui id suo nomine præcipuè docerent, idque doctos à se, & ultimò admonitos, in civitatem remitterent: *Hic Jesus qui assumptus est à vobis in cælum,*

ita veniet quemadmodum vidistis eum euntem in cælum, hoc est pari gloriâ, & majestate.

2. Quod eâ de causâ Spiritum sanctum miserit, ut tantæ rei testis & assertor existeret, secundum illud Joan. 16. *Et cum venerit ille, arguet mundum de peccato, & de Justitiâ, & de judicio.* Quibus verbis significat, quibus de rebus Spiritus sanctus testimonium redditurus esset Filio, atque inter cætera de illa re maxime, quod Filius constitutus esset Judex vivorum, atque mortuorum: quâ de re mundum omnem convinceret: quod certè abundantissimè præstitit.

1. Per Apostolos qui nihil frequentius in suis concionibus inculcarunt, quàm Christum venturum ad homines judicandos, ita Petrus Act. 1. *Et præcepit nobis predicare populo & testificari, quia ipse est, qui constitutus est à Deo, judex vivorum, & mortuorum,* Et Paulus Athenis in Areopago Act. 17. *Statuit diem, in quo judicaturus est orbem, in æquitate, in viro in quo statuit, fidem præbens omnibus, suscitans eum à mortuis:* Et Hebr. 12. *Judicem omnium Deum, & testamenti novi mediatorem Jesum.*

2. Id fecit per evidentes virtutes, & apparitiones, & miracula super baptizatos per factam fidei professionem, cuius extrema capita sunt mortuorum resurrectio, judicium & eius effectus, vel præmium, vel supplicium æternû.

Hæc autem Spiritus sancti convictio seu doctrina de judicio.

Continet 1. contra infideles dari judicium, quoniam, aut animas negarunt esse immortales, & esse alteram vitam, quæ huic mortali succedat: aut Deum humana

humana curare, ut bonos remuneret, & malos puniat: cum tamen iudicium ad Dei providentiam pertineat, quæ est ratio ordinis, cuius est ea quæ perturbata sunt & confusa in ordine debito collocare, atque disponere: videmus autem passim res huius vitæ pessimo ordine fluere: malos impunè vivere: bonos sine mercede: oportet igitur ut illæ iniustitiæ aliquando corrigantur, & in ordinem redigantur: quæ actio opus est iudicij: Quod si est aliquod iudicium, necesse est aliquem, esse huius iudicij præsidem: hæc enim inter se connectuntur; datur itaque aliquod commune hominum tribunal, datur etiam aliquis, qui in eo tribunali sedeat tanquam Iudex.

2. Convictio fuit hanc iudicariam potestatem & auctoritatem ad Deum pertinere, propter eminentem ipsius qualitatem, & summum in creaturas dominium, quod ita ipsi convenit, ut primum Dei nomen in Scripturâ sit nomen Iudicis, Genes. 1. *In principio creavit Deus, Elohim, Iudex, vel ob pluralitatem personarum, Iudices*: Quia Deo propriè convenit munus & opus iudicandi: unde in sacrâ Scripturâ ipsa tribunalia, non tam dicuntur esse hominum tribunalia, quàm Dei: Ita dicitur Salomon sedisse in folio Domini: & vindicta de Amalecitis appellatur à Moysè Exodus 17. *Manus folij Domini*, hoc est, potestas throni eius: Ita dicuntur Iudices Deuter. 1. exercere iudicium Dei: unde ipsos Iudices idem iudicat uti dicitur Psal. 81. *Deus silet in synagoga Deorum: In medio autem Deos dijudicat*, uti igitur appellatur Rex Regum, & Domi-

nus dominantium, ita etiam appellatur Iudicum Iudex.

3. Convictio fuit iudicandi potestatem & officium peculiari quadam ratione convenire Filio, secundum illud Joannis. 5. *Neque enim Pater iudicat quemquam, sed omne iudicium dedit Filio.*

Non tantum 1. Quia munus iudicandi toti Trinitati commune, convenit Filio per quandam attributionem, & appropriationem, quia ipse Sapientia est, quoniam à Patre procedit per viam intellectus: Cum enim ad iustum iudicium tria requirantur (inquit Sanctus Thomas 3. p. q. 59. art. 1.) potestas rectitudo, & sapientia; duo prima sunt veluti prærequisita, tertium verò est quasi propria ratio, à qua iudicandi actus emanat: Quia ergo Filius est Sapientia Patris, ideo iudicandi potestas est illi specialiter attributa: atque illo sensu explicat allata prius verba ex sancto Joanne; *Pater non iudicat quemquam, sed omne iudicium dedit Filio*: dedit utique, generando, (inquit Ambros. lib. 2. de fide cap. 4.) non largiendo: cum enim naturam dedit, sapientiam dedit, & sapientiæ adjunctam iudicandi potestatem: hanc autem intelligi divinam, vel hinc probat Tertull. lib. contra Praxeam. cap. 16. Quia dicitur, omne iudicium traditum Filio: Omnem enim, inquit, dicens potestatem, & omne iudicium, nullam exceptionem temporis permittit, quia omnia non erunt, si non omnis temporis fuerint: at certum est Filium non fuisse semper nisi secundum Divinitatem. Verum tamen licet illud non improbem, potestatem iudicandi peculiari ratione convenire Filio per appro-

appropriationem, nego tamen locum allatum ex Joannē, sic intelligi debere: Quia quæ de unâ personâ per appropriationem tantum dicuntur; de alterâ negari non debent: cum omnia Trinitatis opera externa sint indivisa, & omnibus personis communia.

Neque tantum 2. Quia divinitas in carne judicat, & per carnem iudicium sensibile reddit, quod maxime erat cōveniens suavi Dei providentiæ, & hominum conditioni magis accommodatum, ut homines sensibiles ab homine, cuius facies videri, & vox audiri posset, judicarentur: atque illud soli Filio convenire potest; nam licet judicandi potestas, sit communis toti Trinitati, potestas tamen judicandi sensibiliter, illi tantum personæ convenit, quæ est sensibilis; nulla verò præter Verbum est sensibilis; ut pote quod carne indutum factum est sensibile: atque illud eo magis verum est, quod non tantum in carne iudicium Filius sit effecturus, sed etiam per carnem, tanquam per instrumentum conjunctum: Verum etiā quia Christo ut homini data est potestas judicandi, licet ea potestas data non fuisset, nisi simul fuisset Filius Dei. At sicut in Christo non tantum est sanctitas substantialis, & divinitatis, sed etiam gratia habitualis, & sanctitas creata; & sicut in eodem præter scientiam increatam, est etiam scientia infusa creata; ita præter supremam iudicis auctoritatem quæ divinitatis est propria, in eodem etiam reperitur potestas quædam excellentiæ ad judicandum; secundum illud Ioan. 5. *Et potestatem dedit ei etiam iudiciū facere, quia Filius hominis est*: quod adhuc significatur illis verbis Act. 10. *Con-*

stitutus est à Deo, iudex vivorum & mortuorum. Etenim cum Christus esset hominū caput, debuit habere omne genus potestatis in homines, & consequenter iudiciariam potestatem: præsertim cum ratione unionis debeatur Christi humanitati participatio eminētissima divinarum perfectionum, atque in Christo concurrerint omnes partes iudicis optimi: 1. scientia: 2. rectitudo voluntatis. 3. infallibilis veritas: 4. dominium seu iurisdictio: 5. efficacia voluntatis. Denique Christus meruit modis omnibus exaltari, quibus convenienter, & juxta suam dignitatem, & capacitatem exaltari potuit: ac præsertim eius humilitati, quā ab hominibus voluit injuste judicari, secundum illud Prophetæ Isaia 53. secundum Versionē LXX. Interpr. *In humilitate iudicium eius sublatum est* (nam quia inimicis suis non repugnavit, sed silentio omnia passus est, ideo in humilitate, hoc est propter eius humilitatem, sublatum est iudicium eius, id est, iudicij nō reperit veritatem, sed licet cognitus esset innocens, damnatus est.) eius, inquam, humilitati concedi debuit, ac rependi pro præmio, ut omnes homines judicaret: & rationem subdit Ioannes. *Ut omnes honorificent Filium, sicut honorificant Patrem, &c. Nam potestatem dedit ei iudicium facere, quia Filius hominis est.*

4. Convictio est, consequenter eidem convenire potestatem homines revocandi ad vitam, & sistendi ante tribunal suum, secundum illud hodierni Evangelij: *Et cōgregabuntur ante eum omnes gētes*: Ratio est, Quia debet posse iudex reos compellere, & trahere in iudicium: rei autem sunt homines, obnoxij

Tt

utrā-

utraque sui parte: ad hæc, cum iudicium illud debeat esse sensibile, homines enim iudicandi sunt, illi autem sunt sensibiles, oportuit reos sensibilibus adesse, & suum iudicem sensibilibus audire, & videre, & sententiam accipere sensibili modo secundum rationem hominibus proportionatam: unde Christus Dominus potestatem vivificandi mortuos conjungit potestati eodem iudicandi, illis verbis: *Sicut Pater suscitavit mortuos, & vivificat, sic & Filius, quos vult vivificat. Neque enim Pater iudicat quemquam, sed omne iudicium dedit Filio: Et paulò post. Amen, amen dico vobis, quia venit hora & nunc est quando mortui audient vocem Filij Dei: & qui audiverint vivent. Sicut enim Pater habet vitam in semetipso, sic dedit & Filio habere vitam in semetipso. Id est vivificandi virtutem: & potestatem dedit ei iudicium facere, quia Filius hominū est: In quibus verbis Christus potestatem vivificandi mortuos, colligit ex potestate quam habet iudicandi, tanquam ex fine medium: & postea ex resurrectione, iudicium, tanquam ex medio finem: unde alterum ex altero colligitur, sed diverso modo.*

§. Conviſio ad præcedentes consequens est, eidem etiam convenire potestatem pœnis aut præmijs afficiendi: unde totius iudicij hæc est clausula. *Et ibunt hi in supplicium æternum; iusti autem in vitam æternam.* Hæc enim potestas debet esse in Iudice, ut eius sententia vim aliquam habeat: vel saltem debet posse alijs imperare, ut vel præmia, vel pœnas inferant: Eam Christi potestatem aliqui subtiliter agnoscunt in his verbis, Joan. 5. *Sicut enim Pater suscitavit mor-*

*tuos & vivificat, sic & Filius, quos vult vivificat: allusum voluit ad potestatem iudicis, qui potest condemnare, vel absolvere: quæ duo exprimuntur in veteri Testamento, his verbis, vivificare, & mortificare: Deuter. 32. 1. Reg. 2. Tob. 13. Sapient. 16. quod Joannes in Apocal. cap. 1. appellat habere claves mortis, & inferni: itaque exemplum vivificationis dicunt & ad corpora, & ad animos pertinere: sed quidquid sit, aliquid magis explicatum in eam nostram subiecit Christus loc. citat. *Venit hora in qua omnes qui in monumentis sunt audient vocem Filij Dei: Et procedent qui bona fecerunt in resurrectionem vite, qui vero mala egerunt, in resurrectionem iudicij, hoc est condemnationis, quibus verbis & præmium & pœna indicantur.**

Conviſionis autem hæc redditur ratio, quia princeps huius mundi iam iudicatus est: Ex quo inferri debet, ergo & mundus: nam S. August. tract. 95. sic explicat reprehendendum mundum scilicet per Iudicium, & damnationem Diaboli. *Si enim Deus Angelis peccantibus non pepercit, nec parcat mundo peccanti, quoniam (inquit) cum suo principe iudicatur quem superbum, atque impium imitatur. Vis rationis in eo est, quod ubi est eadem culpa, eadem quoque debet esse damnatio: & sicut mundus habet Dæmonem principem, ac ducem in culpâ, habebit etiam in pœnâ. Alterum præterea Argumentum est à potiori: nam si Angelis, creaturis nobilissimis, Deus non pepercit, multò minùs creaturis longe vilissimis, hominibus scilicet, qui majorum, ac potiorum exemplo*

propterea debuerit: unde August. Ne sibi existimet parci superbia dura mortalium, de superbiorum supplicio terrenda est Angelorum.

Existimo tamen in illis verbis contineri causam cur Christus constitutus sit à Patre, iudex vivorum, & mortuorum: Quia enim Diabolus, qui erat huius mundi princeps, & propter peccatum homines sub suo domino continebat, jam iudicatus est, & damnatus: hoc est, suo dominio atque principatu exutus: (dum enim in Filium Dei sibi non obnoxium dominari voluit, quem in ceteros principatum habebat, amisit:) propterea homines à servitute liberati in sui servatoris, ac liberatoris potestatem venerunt, eiusque iudicio subditi sunt: Christus igitur est princeps, & iudex eorum omnium, qui sub potestate Diaboli tenebantur, quia ipse eos liberavit, atque exemit, siquidem obnoxios fecit, juxta illud ad Coloss. 1. *Eripuit nos de potestate tenebrarum, & transfudit in regnum Filij dilectionis sue*, hoc est dilecti, posito nomine abstracto pro concreto.

Quibus præsuppositis ac præmissis. Affero hinc futuram esse iudicii maximam severitatem, quod iudicium extremum, non à Deo Patre, sed ab eius Filio exercendum sit.

1. Ratio. Quia non habebit homo, quid respondeat, nihil quod conquatur secundum illud Ps. 50. *ut iustificeris in sermonibus tuis, & vincas, cum iudicaris*: id est, iudex semper erit victor si homo condemnaverit eum iniustitiæ, quod tam graviter puniat. Quid enim ex unâ parte excusare poterit? non rerum præceptorum difficultatem, cum ipse iudex

omnia experiri voluerit, etiam quæ difficillima sunt: Hebr. 4. *Non enim habemus Pontificem, qui non possit compati infirmitatibus nostris, tentatum autem per omnia, pro similitudine, absque peccato*: aut quomodo ex alterâ parte prætexet odium iudicis erga se, cum ille sit idem qui pro hominibus mortuus sit? Itaque sublata erit omnis iniustitiæ suspicio, ipso, qui erga homines tam affectus fuerat, atque propensus, condemnationis sententiam pronuntians: unde hominum intolerabilis deprehendetur malitia, quos ac veniâ quidem dignos iudicabit is, qui eos tantum dilexit, ut pro ipsâ morti voluerit.

2. Ratio. Quia sic homines intelliget quid mereantur, cum cum offenderint, qui eos tot tantisque bonis ac beneficijs devinxit: suaque crimina eò majora agnoscent quò sunt conjuncta cum majori ingratitudine.

3. Ratio. Quia uti loquitur per Isaiam Prophetam cap. 59. *Sicut ad vindictam, quasi ad retributionem indignationis hostibus suis, & vicissitudinem inimicis suis: insula vicem reddet: ut intelligas, cum adeo acerbè ab hominibus sit iudicatus, uti dixi ex Isaiâ, cum dixi in humilitate sublatus esse iudicium eius, ita nimis contemptum fuisse, ut in eius condemnatione, nulla fuerit servata forma iudicii: intelligas, inquam, nihil mirum videri debere, si eos non quidem iniuste, sed admodum stricte iudicet. Videbunt in quem transierunt: Item, quod si in viridi ligno hæc sunt, in arido, quid fiet?* Quanta item cum motio futura est, cum videbunt suis oculis impij crucem, & cætera Christi dedecora, quæ contempserant, jam esse victicia,

& insignem factam rerum omnium commutationem : Hoc significant verba S. Matth. cap. 24. *Tunc apparebit signum Filij hominis in celo, & tunc plangent omnes tribus terræ: hoc est ex omnibus tribubus, aliqui:*

4. Ratio. Quia vehementer percellitur increduli cum videbunt in personâ Chrilli, omnia quæ prædixerat evenisse, & ipsi quidem qui nullum futurum judicium crediderant, sed meras nugas, & figmenta illud esse: rerum siquidem experientia, quod minus expectata est, eo magis percellitur.

5. Ratio est. Quia inde convincimur, nihil in tali judicio posse latere, quod fiat à Sapientiâ Dei, eaque manifestata: Nam eius Sapientiæ scientiam nihil fugere potest: neque testibus, neque longâ discussione opus habebit, sed uti dicitur Malachiæ 3. *Accedam ad vos in judicio, & ero testis velox, maleficus, & adulteris, & perjuri. Testem velocem se appellat* (inquit Augustinus 20. de Civit. cap. 26.) Quia sine prolixitate sermonis conscientias convincet, revocans sine morâ in memoriam, unde puniat, & condemnet: nam uti dicitur Sapient. 1. *In cogitationibus impij interrogatio erit, & accusatione conscientia suæ convincetur.*

Hinc 1. arguuntur hypocritæ, qui se satis latere putant, si homines decipiant, de quibus ita pronuntiatur Iobi 15. *Congregatio hypocritæ sterilis, & ignis devorabit tabernacula eorum, qui libenter munera accipiunt.*

2. Occultè peccantes, qui non cogitant de oculo illo qui nunquam sopitur (ait Chrysofost.) nihil de virgâ illâ vi-

gilante: nihil de eo, de quo dicitur Danielis 4. *Eccce vigil, & Sanctus de celo descendit:* Ita ut nihil hominum tenebræ, nihil parietes, nihil antra, nihil speluncæ, nihil abyssi, nihil locorum longinquitas, nihil secretum, nihil nox, nihil solitudo juvare possint, cum nec ipsa cogitatio, nec cordis abscondita, nec animi recessus suam habeant securitatem: dicitur enim de Sapientiâ, libro de ipsâ cap. 7. quod sit *omnia prospiciens, & quod capiat omnes spiritus:* & postea, *Omnia enim mobilibus mobilior est Sapientia: attingit autem ubique propter suam munditiâ, hoc est impermixtionem ab omni materia, potentialitate, & impuritate: est enim purus actus.*

Hinc 3. Suprà omnes, turpibus, & obscænis hominibus, futurum est grave judicium finale: quoniam ut ipse minatur per Prophetam Nahum cap. 3. *Revelabo pudenda tua in facie tua, & ostendam gentibus nuditatem tuam, & regnis ignominiam tuam:* Cum enim ipsa Sapientia, illud judicium efficiat, illud faciet manifestando: quod unicuique maxime reformidat obscænitatis: illud optimè exprimit S. Bern. lib. 5. de Consider. cap. 12. Est & turpium pœna Deus, lux est enim: & quid tam invisum obscænis flagitiosisque reentibus. Profecto *omni qui malè agit, odii lucem:* sed dico, numquid poterunt declinare? Minimè omnino: lucet ubique, etsi non omnibus: denique in tenebris lucet, & tenebræ eam non compingunt: Et videntur ergo ut confundantur, & non vident ne consolentur: At vide gradus huius ignominia in turpitudinum manifestatione.

1. Quo-

1. Quoniam omnibus Angelis, & hominibus patebunt, in quibus quot sunt oculi quos reformidas? Bernardus loc. cit. Non modo à luce, sed in luce videntur, à quo? vel à quibus? ab omni videntur, ut pro multitudine intuentium sit confusio multa: Adverte autem illum creaturarum aspectum, non fore quasi in transitu, uti solet esse in vitâ: Quam multæ matronæ, ut pudoris, ita etiam famæ naufragium fecerunt: sed tandiu durat infamia, quamdiu durat infamia, quamdiu durat cogitatio, quæ in hominibus est adeo mobilis, & multiplex; sæpe dum putas te esse in omnium cogitatione, aut oculis, nemo de te cogitat aut loquitur: verum ille aspectus, cum à luce fiat, & in luce quæ nunquam extinguitur, fiet illa cognitio indelebili impressione. S. Gregor. Nazianz. loquens de Caïno, ubique suam trepidationem circumferente, cum appellat Iustitiæ Divinæ *synu empigon*. animatam, & mobilem columnam: Ita quamlibet creaturam rationalem cogita æternam esse turpitudinis tuæ columnam, scripturam, & argumentum: sed in numerum hominum, & Angelorum, si potes, & hinc æstima confusionem tuam, ut pro multitudine intuentium sit confusio multa: certè major extensivè nulla esse potest.

Secundus gradus confusionis est unicuique à seipso, quoniam unicuique sua nuditas, & turpitudine perpetuò erit obvia: secundum illud, *Revelabo pudenda tua in facie tua*: nec licebit, uti nunc fit, mentem & oculos avertere: sed uti dicitur Threnor. 3. *Ego vir videns paupertatem meam in virgâ indignationis eius*: Bernardus loc. cit. At nullus de tantâ

numerofitate spectantium, molestior oculus, suo cuiusque: Non est aspectus sive in cælo, sive in terrâ: quem tenebrosa conscientia suffugere magis velit, minus possit: Non latent tenebræ vel seipfas: se vident, quæ aliud non vident, opera tenebrarum sequuntur illas: Non est quo se abscondant ab illis, ne in tenebris quidem. Certè quæ sunt ab hominibus turpiter, licet verecundiam habeant, etiam in impudentissimis hominibus, tamen nemo est qui harum rerum turpitudinem satis intelligat: sed cū Deus, uti loquitur Apostolus, *Illuminabit abscondita tenebrarum*, tunc unusquisque vitæ suæ turpitudinem agnoscat, atque exhorrebit: & quoniam ab eâ cogitatione & visione, separari, & cessare non poterit, hinc summum supplicium à se feret, & summam à se confusionem: Nunquid est multorum impudentia ut suas etiam jactent turpitudines secundum illud Isaïæ 3. *Agnitio vultus eorum respondit eis*, nam aperta sunt in eorum facie turpitudinum ipsorum signa & argumenta: & illud aliud, *Quasi Sodoma peccatum suum prædicaverunt*: quâquam 1. non audeas tuarum cogitationum obscenitates revelare, quæ tunc animum tuum mirabiliter cruciabunt: 2. licet tui similitum oculos non reformides, tamè quàm multi sunt, quorum oculos vereris, ita ut mori mallets quàm ab ijs agnosci? Sed tunc erit illud tempus, cum vel teipsum testem, atque iudicem, & exprobratorem ferre non possis. Sunt qui Lucretiam Romanâ sibi manus intulisse dicant, non vitandi criminis causa, sed ulciscendi, cum vel seipsam admitti sceleris ream non ferret:

Tt 3 Ita

Ita se nemo ferre poterit, cum tamen se nemo fugere possit : Nimirum, ut mox aiebat Bernardus, non est aspectus sive in cœlo, sive in terrâ quem tenebrosa conscientia suffugere magis velit, minus possit. De hac confusione intellexit illa verba Luc. 16. *Mendicare erubescō*, S. Chrylogus serm. 126. Confusione futuri iudicii pertimescit, in quo jam non pœnitendi tempus est, sed pœnarum : & ubi reus plus de conscientia, quam de gehennæ erubescit incendio : Eodem modo S. Gregor. exponens illud S. Jobi cap. 6. *Venerunt quoque usque ad me, & pudore cooperiti sunt* : Tunc iniquos pudor cooperit, cum eos in conspectu iudicis testis conscientia addicit : Tunc iudex exterius cernitur, sed accusator interius toleratur : Tunc omnis ante oculos culpa reducitur, & mens, super gehennæ incendia, suo gravius igne cruciatur.

Tertius & summus confusionis gradus est ab oculo divino, quia super omnium oculos erit ille molestissimus per quem cæteri vident, eò usque ut iphius cognitio sit summa turpium hominum pœna : quod sic explicavit Bernardus : est & turpium pœna Deus, lux est enim : Id autem eâ ratione fit : Quia turpitudinis infamatio, eius propria pœna est : nam uti voluptas dolore compensatur, secundum illud Apocal. 18. *Quantum glorificavit se, & in delictis fuit, tantum date illi tormentum & ludum* : Ita turpitudinis pœna propria, est confusio, & infamatio : porro ea infamatio, fit redargutione, & condemnatione, redargutio verò fit solâ manifestatione : omnis autem manifestatio fit per lucem

secundum illud Apostoli, Ephes. 5. *Quia enim in occulto sunt ab ipsis, turpe est & dicere : omnia autem quæ arguuntur, à lumine manifestantur : omne enim quod manifestatur lumen est* : Aut ut Syrus vertit. Omne quod revelat lux est : dixit enim manifestatur activè, pro manifestat, nam vox græca est verbum deponens, quod activam potest habere significationem : Illa autem lux, est ipse Deus : & ita luminosus Dei aspectus, summa est turpitudinis condemnatio : & inde sequitur Deum per seipsum esse turpitudinis pœnam, secundum illud Bernardi, est & turpium pœna Deus, lux est enim : Quod autem Deus seipso est, id infinitè est : propterea est veluti pœna turpitudinis infinita : Quid enim est Deus, ait idem, Non minus pœna perverforum, quam humilium gloria : sensus est : Sicut gloriam beatorum dicimus esse infinitam, quia ipse Deus est ; Ita turpium confusio, est aliquo modo infinita ; quia hæc confusio erit turpium manifestatio, quæ est ipse Deus : Est & turpium pœna Deus, lux est enim : Sicut igitur Deus conjugitur animæ beatæ, sub ratione lucis, seipsum manifestans animæ : unde negant Theologi dari ullam speciem Dei impressam in animâ Beati, sed divinam essentiam fungi munere speciei, nam seipsam sufficienter per se manifestat : Ita essentia eadem divina animæ damnati aliquâ etiam ratione conjungetur sub ratione lucis, non ad gloriam, sed ad confusionem : quia non seipsum illi manifestabit, sed suas illi sordes, & turpitudines demonstrabit : Vide quò illa pœna pertinebit ut ipse Deus sit : finge animo quantumlibet

libet dedecus, & infamiam, nunquam eo pertingere poteris ut aliquid infinitum in eo genere reperias, nisi Deum includas: Certè cætera tormenta incredibilia sunt, ignis, carcer, tenebræ, vincula, vermis nunquam moriens, sed semper mordens, fætor, sulphur, & innumera alia: sed sicut cum in cœlesti beatitudine innumera sint bona, tamen essentialis beatitudo, quæ est ipse Deus, omnia longè superat; ita in pœnis damnatorum cum omnia sint summa, nihil tamen æquare potest summam illam confusionem, quæ Deus ipse est per se ipsum animam puniens: Quis unquam id credidisset, Deum ipsum pœnæ partem existere? Hinc vel saltem existima quantum sit peccatum turpitudinis, cum in iudicio nihil sit gravius plectendum: Nec te decipi sinas adulatorum verbis, quasi hoc peccatum inter cætera levius existat: sed vel ex pœnâ, gravitatem eius æstima: sed sunt impij ac scelerati impostores, qui incautas puellas sic decipiant. Danielis 3. *Sic faciebatur filiabus Israël, & illa timentes loquebantur vobis, sed filia Juda non sustinuit iniquitatem vestram.* Veniet tempus cum Deus non tantum actus tuos revelabit, sed etiam eorum turpitudinem, ita ut, unde laudem captas, hinc summo dedecore afficiaris. Cogita itaque quis tuus sensus sit futurus, dum tibi tot annorum turpitudines, atque obscenitates obtrudentur: Et hac cogitatione erige animum ad confusionem illam præveniendam seriâ & exactâ confessione, ac deinceps omnem quamcunque libidinem compelle: Certè ait Chry-

sostr. In plateâ existens, licet ardeas libidine, non tamen audeas ob hominû pudorem, eam explere: Cur non eadem ratione te contineas ob ipsius Dei, omnia videntis ac cernentis, pudorem: est enim ait Gregor. Naz. *teos mega. teatis.* Deus magnus spectator: oculum eius cogita, lucem eius ubique lucentem, & aliquando te, & tua, tibi & omnibus manifestaturam.

Illud modo superest, ut quoniam nunc iudicem nostrum cognoscimus, cum, dum licet, omni studio placare studeamus, eiusque gratiam modis omnibus nobis demereri: Quin liceat in sacro Eucharistiæ usu ita ipsum obtestari: Quid de te Domine Jesu sentiam ignore, qui me nunc tantâ amoris significatione complectaris, quem tamen severo olim iudicio persequi debes: Ergone poteris eum à te æternum repellere, quem tam suaviter nunc recipis & amplecteris, cui etiam te penitus conjungere, & quasi miscere amas? Quàm dissimilis es ab eo qui futurus es! Siccine erga omnes te immutas? Quod si erga aliquos idem semper, & tui similis exis, quis sit ut te talem mihi futurum non audeam polliceri? Sed tu, mi Auditor, cur nunc non conaris cum omni officiorum genere tibi demereri? ea præsertim efficiendo quæ ipsi inter cætera, gratissima esse cognovisti, ut cæteris timentibus, atque tremantibus erigas caput, ac merearis audire cum omnibus electis. *Venite Benedicti Patri mei,* ut ad gloriæ eius consortium voceris

Amen.

FERIA



FERIA TERTIA

DOMINICÆ PRIMÆ QVADRAGESIMÆ

CONCIO SECVNDA.

DE JUDICIO FINALI.

De Majestate Judicis, seu de primâ eius qualitate.

*Cum intrasset Jesus Hierosolymam, commota est universa civitas
dicens: Quis est hic? Matth. 21.*

HODIERNUM Evangelium duplicem docet Christi Domini ingressum, unum in urbem Jerusalem, unde ipsa commota est, alterum in Templum, unde ipse commotus est. Commotio civitatis, fuit admirationis; commotio Christi Domini fuit iracundiæ, & indignationis. Quod ut intelligatur necesse est ut sciatur, quis Christi Domini fuerit ingressus in urbem Hierusalem, unde civitas sit commota, & quis, Christi ingressus in Templum, unde ipse sit commotus. Quoad primum attinet, describitur triumphalis Christi ingressus comitante multo populo, cum acclamationibus & pœmpâ, ad cujus conspectum commota est universa Civitas, dicens, quis est hic? quæ vox admirationis est:

Quis enim non admiretur hominem pauperem in Asino sedentem, tantam animorum effecisse commotionem, ut populum undequaque traxerit, & ipsi ab omnibus acclamaretur, etiam à pueris: immò cum ingressus esset, tantam in omnibus mutationem effecisse, ut commota sit universa Civitas, quæ se ipsam mirata, & tanti motus causam nesciens, dixerit: *Quis est hic?*

Quoad 2. attinet, scilicet Christi Domini ingressum in Templum, cum in eo invenisset omnia plena mercimonijs, & sacra omnia prophanari, ita zelo correptus est, ut omnes à Templo ejecerit, & animalia, boves, & oves & mensas disturbarit, idq; fecit tantâ autoritate, ut uni

ut uni homini tam ingens hominum turba omnino cesserit. Hac occasione mihi in mentem venit, consequenter ad hesternum discursum vobis hodiernâ die differere, de Christi Domini ad iudicium venientis ingressu: non jam in unam urbem, aut Templum, sed in universum terrarum orbem: Ac de duplici commotione:

1. Totius naturæ præ stupore secundum illud: *Nam virtutes cælorum commovebuntur*, ac nemo crit, qui non dicat, Quis est hic? Si enim Christi humilitas sic commovit homines, quid faciet Majestas? Si cum venit mansuetus, ut ait Evangelista, quid cum veniet iratus? Si sedens in Asino, & super pullum Asinæ sic commovit, ut universa Civitas diceret, quis est hic? quanto magis cum sedebit super sedem Majestatis suæ?

2. De Christi commotione non contra paucos unius Templi violatores, sed adversus omnes peccatores, quod faciet tantâ perturbatione rerum, ut omnis natura fatiscat, Sol lucere non audeat, nec Luna nec Alstra: non ipsa elementa consistere: Quis hominem eo unquam provchendum existimasset? *Quis est hic?* nemo melius dicere poterit quam Mater, ad illam recurramus: AVE MARIA.

QUOD heri à me dictum est post S. Basilium in laude Barlahami Martyris, optare me pictorem qui suam artem linguæ meæ adjungeret, id mihi potius hodiernâ die esset optatissimum, ut illustrem iudicii imaginem vobis proponerem: Ego quidem sic opus meum cum illo partirem: Vellem ille mihi pingeret innumerablem hominum turbam, diversis vultu, ac

gestu, diversis ordinibus, ac sedibus locatam: quod ille non posset: adderem varias illorum cogitationes, diversos animi motus: vellem mihi Dæmones truculentissimos exhiberet, in corporibus horrendis, qui omni conatu in damnatos sævirent: in quibus vellem pingeret, mæstitiam, deformitatem, oris rictum, sparsos crines, & omnia desperationis signa: Ego illi adderem clamores, ejulatus, voces lamentabiles, quid dicerent enarrarem, sed præcipue animi angorem, tristitiam, desperationem. Vellem mihi pingeret sedem augustissimam & thronum excelsum: & vividis coloribus nubes accenderet, fulgetra, corpora beatorum, sed præcipue summam iudicis majestatem: Hic ego plura adjicerem quæ pingi non possunt, & tamen in multis deficerem, quæ dici nequeant. Sed sperarem multorum animos, & illâ picturâ, & mea oratione commovendos. Scimus Dositheum visâ picti iudicii imagine à sæculi vanitatibus conversum fuisse: scimus Bogorim Bulgarorum Regem, visâ iudicii imagine commotum, de Christianâ fide interrogasse, credidisse & conversum fuisse: Scimus Fœlicem Præsidentem Actor. 24. cum audisset Paulum de iudicio loquentem tremefactum fuisse: Scripsit Hieronymus, sibi, quidquid ageret, ubicunq; esset, videri semper illam Angeli vocem audire, Surgite mortui, venite ad iudicium: S: August. lib. 6. Confess. cap. ult. sic de se fatetur: Nil me revocabat à profundiore voluptatum carnalium gurgite, nisi metus mortis, & futuri iudicii tui, qui per varias quidem opiniones, nunquâ tamen recessit de pictore meo. Sed desin-

Vu derio

derio nostro unicus Scripturæ textus satisficere potest, præsertim cum iudicium sic nobis repræsentet, ut non audire narrationem, sed rem ipsamcernere videar: Primum caput dixi, unde formidabile iudicium, petendum à personâ iudicis, quod nimirum non sit Pater, aut Spiritus Sanctus, sed Filius secundum illa verba. *Cum venerit Filius hominis in maiestate suâ*

2. Caput petitur ex conditione eius qui iudicat, in quo tria formidanda sunt, quæ in verbis Scripturæ continentur, Majestas, severitas iracundia: de Majestate tantum hodie dicimus, de quâ sic legimus: *Cum venerit Filius hominis in maiestate suâ: & alibi. Tunc videbunt Filium hominis venientem in nube, cum potestate magnâ & maiestate.* Mox Scripturæ est loqui tenuiter de rebus, & minora polliceri quam exhibeantur: hic autem verba omnia habet sonantia, & quæ divinum quid pollicentur: unde colligere possumus qualia tandem exhibenda sint: Sed quis formidabilem illam maiestatem, divinumque apparatus, uti oportet cogitare, quis exprimere potest? Ego cæ rem oratione meâ æquare nequæ, sequentes conjecturas subijcio.

1. Est. Certum est in Christi Domini humanitate perfectissimam fuisse divinarum perfectionum participationem, in quâ scilicet *inhabitavit omnis plenitudo divinitatis corporaliter*: non tantum quia divinitas ipsa habitavit ratione personalitatis corporaliter, seu ut quidam Patres loquuntur *usquod* substantialiter, sed etiam quia perfectiones habuit creatas summe similes perfectionibus divinis, quæ nulli naturæ decen-

ter convenire potuerunt, nisi illi, quæ substantialiter divinitati erat unita: Ita sapientiam habuit aut infinitam, aut omni finitâ communicatâ maiorem, talem scientiam, talem gratiâ, talem virtutem, talem sanctitatem, talem pulchritudinem: Eodem modo lummam habuit Divinæ Majestatis imitationem: Itaque sicut tanta est, divini vultus Majestas, ut nulla creatura eam naturaliter ferre possit, usque eo ut qui solû intelligere aggrediat, succumbat, secûdum illud Sapientis, *Scrutator Majestatis opprimetur à gloria*: (nam si primus Angelus aulus est suâ intellectione Dei naturam æquare, statim, ut ait quidam, tota divinitatis dextera percussus corruit:) Itâ tanta fuit in Christo homine Majestas, ut nisi radios sui vultus compressisset in terris, eâ solâ quæ in vultu elucebat, homines consumpsisset. Eudoxius Philosophus optavit de propinquo Solem aspicere, & sic mori: intelligebat enim non posse propius videri, quin perimeret: quânto magis id verum de Solis conditore. Propterea fuit inter homines velato vultu, sicut Moyses descendens de monte: partem tantum in transfiguratione detexit, ac nisi nubem opposuisset, Apostolos occidisset: Certe si illa gloria quam in Thabor, tribus tantum, tam brevi tempore, & quidem moriturus exhibuit, tam mirabiles in Petro affectus excitavit, ut à se præ amore, ac timore, ac stupore exisse videretur, nesciens quid diceret; Quid illa gloria, non paucis proponenda, sed omnibus, non brevi duratura, sed semper, non in uno monte, sed in toto mundo apparitura, denique à Christo Domino non morituro, sed

sed victuro triumphaturorque in æternum manifestanda? Quanta erit; Quis eam iustorum præ lætitiâ capere poterit? Quis improborum præ timore sustinere? Tu itaq; cogita, quanta illa die futura sit illius Majestas, cum omnia ad terrorem, & rei dignitatem, ac magnitudinem copiarabit, incredibilis sanè, incomprehensibilis, & ultra omnem sensum, ita ut illam videre, ac sustinere, dicat S. Iohannes Chrysost. homil. 5. in Epistolam ad Roman. *pantón est poterón*, ipsum est omnium terribilissimum.

2. Cum duplex in Scripturâ notetur Christi adventus unus in humilitate, alter in maiestate, quem Talmudistæ per duplicem Christum designant, quorum unum dicunt filium Ioseph, alterum Filium David, & ille insuper qui fuit in humilitate, & obscuritate, ita Christum deprefferit, ut minorem hominem fecerit, & tamen, quot sunt inter homines, miseri & abjecti; (Ego enim ait. *sum vermis, & non homo*, & cum de eo loquitur Isaias, dicit vix eius humilitatem ab hominibus credi potuisse, sic enim loquitur cap. 53. *Quis credidit auditui nostro & brachium Domini cui revelatum est: & ascendit sicut virgultum coram eo LXX.* Interpr. annuntiavimus sicut parvulum, coram eo: & sicut radix de terrâ sitienti: non est species ei, neque decor: & vidimus eum, & non erat aspectus, & desideravimus eum: despectum, & novissimum virorum dolorum, & scientem infirmitatem: & quasi absconditus vultus eius, & despectus, unde nec reputavimus eum, &c. Et nos putavimus eum quasi leprosum, & percussum à Deo, & humiliatum: Huic Prophetiæ adiunge veritatem Evangelicam de Passione: Intelli-

ges nihil abjectius fuisse Christo degere in terris.) Cum, inquam, hæc ita sint, oportet sanè eius secundum adventum gloriosissimū esse secundum illud Is. 24. *Erucescet luna, confundetur Sol, cum regnaverit Dominus exercituum in monte Sion, & in Ierusalem, & in conspectu senum suorum fuerit glorificatus:* Sicut in primo visa est exinanitas divina maiestas, & ostensa quasi sola humanitas, Ita in secundo, tantum apparebit maiestas ut occultari videatur humanitas & sola ostendi divinitas: Itaq; Apocal. 14. dicitur non tam Filius hominis quam similis filio hominis, propter summam eius in iudicio maiestatem: nam ut ait Abbas Ioh. achimus, sicut in eo aliquando divinitatis suæ gloriam occultabat humanitas, ita in iudicio, humanitatis eius abjectio, exinanita à maiestatis gloriâ, & à splendore summæ lucis absorpta videbitur. Vti igitur in primo adventu suam maiestatem exinanivit, ita in secundo suam humilitatem se quasi exinanisse ostendet, & sic ex humilitate primi, collige secundi maiestatem. Eodem spectat.

3. Conjectura. Cum gloria quæ Christo data est responderit eius humiliationi, secundum illud, *Humiliavit semetipsum, &c. propter quod exaltavit illum, &c.* Et cum inter cæteras Christi humiliações, hæc minima non fuerit quod iniquum hominum iudicium subire voluerit, secundum illud Isaiæ 53. ex versione LXX. Interpr. Iudicium eius in humilitate sublatum est. Id est, ut exponit S. Hieronymus, Iudex omnium, iudicii non reperit veritatem, sed absque ullâ culpâ, seditione Iudæorum, & sententiâ Pilati condemnatus est: vel in

V. 2 humilita

humilitate, significat propter humilitatē id est: vel, propter abjectionem, seu quia non resistit, nam coram tondente se os non aperuit, neque se defendit, & cum se non defenderet condemnatus est: Versio communis sic habet *de angustia & de iudicio sublatu est*. Id est, condemnatus est sententiā iudicis, hoc significat iudicium; & præterea vocibus populi concurrentis, & opprimētis hoc significat angustia: Sanē ad hāc humilitationē cōpensandā, necesse fuit ut sumā cum gloriā, & in summā Majestate iudicium exereret: Et sicut coram impijs humiliatus est, necesse fuit ut coram iisdem, & alijs omnibus summē exaltaretur, ut in illis impleatur quod dicitur Sap. 5. *Videntes turbabuntur timore horribili & mirabuntur in subitatione inexpectata salutis*:

4. Si ab humanis exempla petere licet: Repete memoria, quæ scripta sunt in lib. Esther cap. 15. Cum enim Esther non vocata, introisset ad Regem licet uxor, & plus cæteris adamata, ubi tamen apparatus gloriæ Regis vidit, semel, atq; iterum corruit pene ex animis: *Stetit contra Regem* (ait Scriptura) *ubi ille sedebat super solum regni sui, indutus vestibibus regijs, auroq; fulgens, & pretiosis lapidibus: eratq; terribilis aspectu: cumq; eleuasset faciem, & ardentibus oculis furorem peioris indicasset, Regina corruit: postea interrogata causam metus: respondit, Vidi te Domine quasi Angelum Dei, & conturbatum est cor meum præ timore gloriæ tuæ: valde enim mirabilis es domine, & facies tua plena est gratiarum: cumq; loqueretur, rursus corruit, & penē exanimata est: si Regina, si uxor corruit, ac pene exanimata est.*

ob nimiam ingrediendi audacia m, & ad unius hominis & mariti aspectum: Quid tunc miseri & abjecti peccatores, tot criminum conscij, cum videbunt, non purum hominem iratum, sed Deum, oculis, & vultu, & toto apparatu mirabili minas iactantem? Illam commoverunt aurum, lapides, pretiosi, facies angelica, & decor: Quem timorem incutiet divina illa majestas, non auro rutilans, sed flammis, sed igne, ac torrentibus picis atque fulguribus; heu! quis non corruet? quis non exanimabitur? Malach. cap. 3. *Ecce venit dominator Dominus, & quis poterit cogitare diem adventus eius & quis stabit ad videndum eum?* D. Hieronymus, Si cogitare præ potentiā majestatis eius nemo potest, ferre quis poterit? Ipse enim quasi ignis constans, scilicet omnia liquefaciens secundum illud, *Ignis in conspectu eius exardescet, & in circuitu eius tempestas valida*: Cogita puid multis reis evenerit, cum ante iudices suos starent, quorum alij ipso timore colorum capillorum muta verunt, alij sanguinem exsudarunt, alij expirarunt: Cogita quis sensus fuerit Regis Sedecie, qui postquam biennio obsidionem sustinuisset, post famem ingentem urbis, post captam, & vastatam civitatem, post fugam ipsius, & principum, tandē captus est, à suis militibus desertus, in vinculis adductus ad Regem Babylonis in Bבל, qui locutus est cum eo iudicium: Quāto fuit pudor ipsius, cum se reum esse vidit, coram alio Rege, sed captus timor, cum audivit iudicium, quod Rex Babylonis locutus est cum eo: Hujus iudicij verba sic expressit Deus Ezechiel. 21. *Tu autem prophane, impie dux Israel, cuius venit dies in tem-*

in tempore iniquitatis presuita: Hæc dicit Dominus Deus: Aufer cidarim, tolle coronam: nonne hæc est quæ humilem subleuauit, & sublimè humiliabit: Iniquitatē iniquitatē, iniquitatē ponam eā, sed quanta desperatio, cum uidit filios suos coram se interfici, ac deinde cum nihil grauius videre posset, oculos sibi effodi, custodiæ se mancipari, & in seruitutem redigi, quam non nisi miserā morte finiret: Quanto magis in extremo iudicio peccatores torquebuntur: Videntes turbabuntur timore horribili, & mirabuntur, cum nimirum ut ait Propheta, aspicient in quem confixerunt: Tunc enim plangent coram eo omnes tribus terræ; quis luctus? quis clamor? quæ comploratio?

5. Sed humana transcendamus, & à maiestàte angelicâ exemplum sumamus: Nemo est qui ignoret quantus fuerit Daniel, quantum diuinis asseutus, quam sæpe cum Angelis collocatus: scribit tamen ipse cap. 10. sibi semel Angelum apparuisse, at uide quo successu, Ego autem reliquus solus vidi visionem grandem hanc: & non remansit in me fortitudo, sed & species mea immutata est in me, & emarcui, nec habui quidquam uirum. Ed audiui vocem sermonum eius, & audiens jacebam conslernatus super faciem meam, & uultus meus barebat terræ. Quæ consternatio ad vocem unius Angeli, qui uenerat, non vt terneret, sed vt desideris satisfaceret? & sic timuit non quilibet de vulgo, sed sanctus, & Angelorum amicus & familiaris: Quid ergo faciet terror maiestatis illius, quando eum videbunt non amici, non sancti, sed peccatores & rei? Ita ratiocinatur sanctus Chrysostomus homil. 4. de incomprehensibili naturâ Dei: Si vir ille

iustissimus, qui tantum apud Deum ualebat, conspectum nō tulit Angeli; Qui tam longè ab illius uirtute abluunt, quomodo non Angelum sed omnes Angelos, immo Angelorum, Dominum sustinebunt? Quomodo audire poteris vocem loquentis, quo modo respondere, secundum illud Iobi 9. Si uoluerit contendere eum eo, non poterit ei respondere unum pro mille. Sapiens corde est, & fortis robore: quis restitit ei, & pacem habuit? Qui transiit montes, & nescierunt hi quos sub uertit in sinu suo, Qui commouet terram de loco suo, & columnæ eius concutuntur, &c. Si repente interroget, quis respondebit ei? uel quis dicere potest, cur ita facis? Deus, cuius ira nemo resistere potest, & sub quo curuantur qui portant orbem. Quantus sum ego, ut respondeam ei, & loquar uerbis meis cum eo? Qui etiam si habueris, quippiam iustum, non respondebo, sed meum iudicem deprecabor. Et cum inuocantem exaudierit me, non credo quid audierit uocem meam. Intus bine enim conteret me, & multiplicabit uulnera mea etiam sine causâ.

6. Sed quoniam ipso Deo creata omnia longe sunt inferiora, ipsum Christum, uel humiliatum aspice. Cum in horto quæreretur, eadem horâ quâ se potestati tenebrarum permisit, hæc est hōra uestra, & potestas tenebrarum, nihilominus, unicâ uoce, Ego sum, sic trefecit, ut omnes retrorsum abierint: Si tam gravis est humilitas, quid faciet maiestas? Augustinus tract. 2. 12. in Ioan. Quid iudicaturus faciet, qui iudicandus hoc fecit? quid regnaturus poterit, qui moriturus hoc potuit? Gregor. 9. Moral. cap. 21. Quam incomprehensibilis sit, atque inconsiderabilis illa

magnitudo, quā in secundā ostensione venturus est Christus, benè utcunque perpendemus, si primi adventus pondera, sollicitā consideratione pensamus cūm enim moriturus diceret, *quem quaeritis*, & vocem solummodò mitissimæ responſionis ederet, dicens, *Ego sum*, armatos persecutores, suos protinus in terram prostravit: quid ergo facturus est, cūm iudicaturus venerit, qui unā voce hostes suos perculit, & etiam cūm iudicandus venit? Quod est illud iudicium, quod immortalis egerit, qui unā voce non potuit ferri moriturus; Quis eius iram toleret, cuius & ipsa non potuit mansuetudo tolerari? Iobus cap. 9. *Si repenti interroget quis respondebit ei? Deus cuius ira nemo resistere potest, & sub quo curvantur qui portant orbem: nempe ut idem ait, Sapiens corde est, & fortis robore, quis resistit ei, & pacem habuit?*

7. Sed vide aliquod Majestatis Dei vestigium: descensurus enim ad populum ut legem daret, 1. iussit Moyſi ut populum sanctificaret, Exodi 19. *Vade ad populum & sanctifica illos hodie & cras, laventque vestimenta sua.* 2. iussit ut populus à longè staret, nec montem attingeret, sub pœnā capitis: *Constituesque terminos populo per circuitum, & dices ad eos: Cavete ne ascendatis in montem, nec tangatis fines illius: omnis qui tetigerit montem, morte morietur. Manus non tanget eum, sed lapidibus opprimetur aut confodietur caculis: si ve jumentum fuerit, si ve homo, non vivet:* Licet tamen ita essent dispositi, ut procul starent, Deus cum tantā gloriā & maiestate descendit, & ita populum perterruit, ut nollet Deum loquentē audire. Et perterriti, ac pavore concussi, steterunt

procul, dicentes Moyſi: *Loquere tu nobis, & audiemus, non loquatur nobis Dominus, ne forte moriamur:* Audi enim quo apparatu descenderit. Totus autem mons Sinai fumabat: *et quod descendisset Dominus super eum in igne, & ascenderet fumus ex eo, quasi de fornace: eratque omnis mons terribilis: & sonitus buccine paulatim creſcebat in maius & prolixius tendebatur:* Ac licet Moyſes esset sanctissimus, cum que Dominus blandè compellaret, cum tamen dixisset Deo refert sanctus Paulus Hebr. 12. *Extremus sum, tremebundus; ita terribile erat, quod videbatur:* Et tamen Deus descenderat ut amicus, legemque daturus, non autem ut punitorus: & nihilominus sic populum, immò Moyſen Dei amicū terruit, ut vix tantam maiestatem ferre potuerint: Quid igitur futurum credis, cūm veniet non ad docendum, sed ad puniendum, non ad legem dandam, sed ad ferendam, sententiam, non ut pater, sed ut iudex terribilis, quando non filiis & iustis, sed inimicis, & peccatoribus apparebit, cum quantā maiestate veniet, & quem terrore incutiet? Iobus cap. 9. *Qui etiamsi habuero quippiam iustum, non respondebo, sed iudicem meum deprecabor. Et cūm invocantem exaudierit me non credo quod audierit vocem meam. In turbine enim conteret me, & multiplicabit vulnera mea, etiam sine causa.*

8. Sed irati Dei exemplum aliquando capiamus. Visio Isaiæ cap. 6. plena est maiestatis: *Vidi dominum sedentem super solium excelsum, & elevatum, & ea que sub ipso erant replebant templum:* vide dispositionem plenam maiestatis. *Sera phim stabant super illud: sex ale uni, & sex ale alteri, duabus velabant faciem eius, &*

*duabus velabant : Vide Angelorum commotionem : Et clamabant alter ad alterum, & dicebant, Sanctus, Sanctus, Sanctus, Dominus exercituum, plena est terra, gloria eius: Et commota sunt subliminaria eardium à voce clamantis, & domus repleta est fumo, propter incendium ait Hieronymus: vel potius fumus significat nubeculam sive gloriam Domini, quæ dicitur aliquando impleſſe domum Domini. In eâ perturbatione, ſeu oſtentione maiestatis diuinæ, quis fuit ſenſus Prophetæ? recordatus eſt minimæ culpæ: Et dixi, *Ve mihi quia tacui, quia vir pollutus labiis ego ſum, & in medio populi labia polluta habentis ego habito, & Regem Dominum exercituum vidi oculis meis: En quanta maiestas, & commotio aduentus civitatis destructionem. Eodem etiam pertinet viſio Ezechielis in quâ oſtenditur curruſ gloriae Dei, quando venit ad diſperendam civitatem. Qualis igitur erit illa maiestas, cum veniet non ad repræſentandam, ſed ad efficiendam destructionem: non unius civitatis, ſed orbis totius, & omnium populorum, & ad debellandos, iudicandos, & perdendos peccatores. Vide quantum ſenſerit exiguam culpam ſanctiſſimus Prophetæ, quod Oziam irruentem in templum non reprehenderit, vel quod, ſermonibus vulgi non obſlitterit. Quid itaque facient homines inuſti, qui non tantum labia, ſed cor, ſed omnes potentias, ſed animam pollutam, ſædiſſimam, atque turpiſſimam habent?**

Cogita quis ſenſus fuerit Adami poſt peccatum. Vbi audivit vocem Domini Dei deambulantis in paradiso: abscondit ſe, & uxor eius à facie Domini Dei

in medio ligni paradisi: Quid facies, cum audies Deum non tuos calus lugentem, nam hæc vox, Adam ubi es, lugentis eſt & miſerentis, ait Baſil. Scleuciæ, ſed cum audiens tonantem, & fulminantem: Job. 9. Inturbine enim conteret me, & multiplicabit vulnera mea, etiam ſine cauſa.

9. Verum quæ huc uſque dicta ſunt ad ſuſpicionem pertinent, nec rem ſatis explicant: vide igitur qualis in viſione oſtenſus ſit Danieli capit. 7. ſed memento olim omnia oſtenſa eſſe in vultu, itaque minora eſſe vero: *Aspiciebam (ait Danieli) donec throni poſiti ſunt, & Antiquus dierum ſedit, &c. Thronus eius flamma ignis, tote ei ignis accenſus Fluv⁹ igne⁹, rapiduſq; egrediebatur à facie ei: Terribilis planè, ne dicam horribilis maiestas, tota ignea, flammarum globis cinctæ: Thronus eius flammæ ignis: rote eius ignis accenſus facies non ſolum ignea, ſed evibratio dignum: quis queſo illam ſuſtinere poterit, quis illam videat? Hieronymus ita diſcurrit: Thronus eius flammæ ignis, ut peccatores tormentorum magnitudine pertimeſcant: rote eius ignis accenſus, ſive curruſ, ut in Ezechielis, & omnia eius flammæ ſunt, ut lignum, fœnum, ſtipulam, arſura in die iudicii noverimus: Hæc verba conſidera, omnia flammæ ſunt thronus, rota curruſ, terribilis facies. Qualis ergo illa Maiestas: quam terribilis quam formidabilis, igneos evomens globos, non tantum ut videatur longe latè que, ſed ut peccata atque peccatores exurat*

10. Sed ipſam veritatem ab Evangelio repetamus: Cum venerit Filius hominis in Maieſtate ſua, Omnes Angeli eius cum eo, tunc ſedebit ſuper ſedem maiestatis ſue: ubi

hæc ad maiestatem pertinere dicuntur supra cætera.

11. Quod iudex apparebit in corpore glorioso, supra Solis splendorem fulgidus: certè in illà dia augebitur omnium astrorum lumen juxta illud Isaiæ 30. *Erit lux lune, sicut lux solis, & lux solis erit septemplex*: Verùm tantus erit Christi corporis splendor, ut idem Isaias cap. 24. dicat, *Erubescet luna, & confundetur sol, cum regnaverit Dominus exercituum*: Erubescet sol, (inquit Glossa interlinearis) non lucem amittendo, sed in conspectu veræ lucis quæ Christus est, tanquam nihil lucendo: id significat Evangelium, cum ait, Venturum cum potestate & maiestate: Græcum habet *met dinamos, tidony, polla*, cū potestate & magnâ gloria: quâ gloriâ Evangelistæ interpres sæpe reddit claritatem: Nam si iusti tanquam Sol fulgebunt in regno Dei, quantò magis iustorum Dominus: & sicut tribus discipulis gloriosus appareret, tanto splendore facies eius refulsit, ut solem æquaret, quantò magis (ait Origines) ut iam non tribus, nec aliis paucis, sed universis gentibus ante eum congregatis appareat: Certè tantum à suo corpore splendorem emittit, ut totum orbem impleat, vnde sufficienter omnibus gentibus præfens erit. Sic locum illum interpretatur Origines tract. 34. in Mathæum, *sicut fulgur exit ab oriente, & pariet usque in occidentem, ita erit adventus Filij hominis*: Non in aliquo quidem loco apparebit Filius Dei, cum venerit in gloriâ suâ, in altero autem non apparebit: sed secundum comparationem

fulguris exeuntis: sicut enim fulgur egrediens ab oriente, propterea quod omnia implet, apparet usque ad occidentem, sic cum venerit Christus in gloriâ suâ, propterea ubique futurus est, nempe per splendorem, & ipse in conspectu omnium erit ubique, & omnes ubique: erunt in conspectu ipsius Id significatum in dedicatione templi Salomonis 3. Reg. 8. *Impleverat gloria Domini, domum Domini*.

2. Quod veniet comitatus omnibus Angelis: Matth. 25. *Cum venerit filius hominis in maiestate suâ, & omnes Angeli eius cum eo: & infra. Veniet cum virtute multâ, & potestate magnâ*: Significatur enim exercitus Angelorum, cum quo descendet, qui erit innumerabilis, secundum Prophetiam Enoch relatam ab Apostolo Iuda in Epistola suâ: *Ecce venit Dominus in sanctis milibus suis, facere iudicium contra omnes*. Probabile est quod ait Lessius lib. 13. de perfectionibus divinis cap. 22. & innere videntur nonnulli Patres: Angelos apparituros in corporibus splendidis, ut diverso splendore referant suorum ordinum diversitatem: alioqui hæc Christi gloria, & potentia, non posset videri ab impiis, quorum tamen causâ præcipue exhibetur: neque externam eius maiestatem, quam Scriptura vult describere, ille exercitus auget: cum ergo innumerabilis sit Angelorum multitudo, longè latèque supremas aëris regiones undi que per multa leucarum, usque ad cælos ipsos replebunt & immensi exercitus speciem præbent, quod plurimum faciet ad terrorem & maiestatem.

3. Quod

3. Quod cinctus nubibus: secundum illud: *Videbitis Filium hominis venientem in nubibus cæli*, quod passim repetunt Evangelistæ, Matthæus, Marcus, & Lucas: Ita Daniel cap. 7. *Aspicebam in visione noctis: & ecce cum nubibus cæli, quasi Filius hominis veniebat*: Certè cum Angelorum testimonio, venire debeat ut ascendit; & cum ascenderet; *nubes suscepit eum*, ita etiam in nubibus veniet: Item cum gloriam suam tribus discipulis ostendit, non deficit nubes lucida: sic cum se conspicuum omnibus dabit in gloriâ veniet, in nubibus cæli. Erunt autem illæ in suprema, & media parte lucidissimæ: in ima autem ad impiorum terrorè, igne fulgurib⁹, fulminib⁹ & procelâs fœtæ: secundum illud Psal. 49. *Deus manifestè veniet, Deus noster, & non silebit: Ignis in conspectu eius exardescet, & in circuitu eius tempestas valida*: cum autem nubium materia diaphana sit capax omnium colorum, & omnium figurarum mirabilis facient repræsentationes: hinc cometæ innumeri, variæ rerum species horribiles, grandines, fulgera, tonitrua secundum illud Apocal. 4. *Et de throno procedebant fulgura voces, & tonitrua*.

4. Præcedet exercitum illum signum Crucis quasi labarum, vel certo aliquo loco constituetur: Ita enim passim SS. Patres & Doctores locum illum interpretantur. *Tunc parebit signum Filij hominis in cælo*. Quæ apparitio planè erit mirabilis, & magnos motus efficiet, unde subditur: *Et tunc plangent omnes tribus terræ, nempe omnes iniqui, aspectu crucis territi, & perturbati*. Nam 1. se deceptos videbunt qui crucem horrue-

runt & neglexerunt, quibus stultitia fuit, & scandalum: 2. quid non expectabunt, qui sic Dei Filium, despectui habuerunt. *Aspicient in eum, quem confixerunt*: 3. se inexcusabiles sentient, cum eum, qui tâta pro se passus fuerat, offederint: Denique confundentur, qui gloriam voluptates, & delicias, sectati sunt, cum viderint, unicam crucem esse gloriosam, & omnes crucis amatores esse securos

5. Quod sessurus in sede maiestatis suæ, vel ut habet Græcus textus, in throno gloriæ suæ: ex quacunque tandem materia, sedes illa futura sit, certum est, & formam & splendorem dignum fore tanto principe. In summa maiestate, & apparatu sese prodente. De ea meminit Daniel. cap. 7: & Ioannes Apocal. 20. *Et vide thronum magnum, & sedentem super eum a cuius conspectu fugit terra, & cælum, & locus non est inuentus eis*: sunt qui existimant fore Angelos, seu Thronos, aut alios, in modum throni compositos, secundum illud, *qui sedes super Cherubin, manifestare*, unde dicitur in Abocal. cap. 4. quod de throno procederent, fulgura, & voces, & tonitrua: quidquid sit; illa species erit augustissima, cum maximam maiestatis ipsius iudicis partem effectura sit Quod si Salomon adeò fuit magnificus, quid de ipso Christo in summa gloria se exhibente cogitandum est; Certè nemo est qui illius throni magnificentiam, qui qui materiam, aut opus explicet: Sed si Reges, si Iudices sententiam laturi sedent ad terrorem, & ad maiestatem; quid faciet Rex ille Regum, quid ille Iudicium

Xx

Iudex

Iudex, cum omnes mortales, omnes Angelos, & universam creaturam iudicabit. De Rege Assuero iam diximus *Estheris* 15. *Residebat super solium regni sui indutus vestibus regis auroque fulgens, & Pretiosis lapidibus, eratque terribilis aspectus.* Hic mihi non aliam vestem, aut purpuram, quam lucem excogita: apage mihi aurum: apage lapides, quos hominum stupor fecit pretiosos: hæc sunt ornamenta mortalium: Sed quis eorum splendor, quis auri fulgor, quæ pretiosorum lapidum claritas, cum minima lucerna plus fulgeat quam aurum omne, & omnes lapides pretiosissimi. In Christo autem quot erunt soles, quis splendor, quæ fulgura?

6. Quod ante eum, id est, coram eo congregabuntur omnes gentes, scilicet omnes, qui ab initio mundi usque ad finem fuerunt, in corporibus suis, tot Reges, tot Principes, tot Pontifices, tot Duces, tot exercitus, tot sapientes, tot opuli, omnis sexus, omnis ætas, omnes linguæ, omnes omnino nationes, & singuli omnes mortales: Neque solum omnes homines, sed etiam omnes Dæmones, qui propè innumeri sunt, idque in corporibus horrendis, tristitiam & furorē demonstrantibus: tum ut ab impiis videri possint, tum quia pertinet ad Christi gloriam, & impiorum confusionem, ut videantur: tum quia sensibile erit iudicium, itaque oportebit ut rei & qui iudicabuntur, sensibilibiter appareant: uti enim dæmones ab igne sensibili torquebuntur, magnâ ipsorum ignominia, ita in corporibus assumptis sensibiles fient, seu ad tempus seu in illis includantur ut in carcere. Quacunque tandem ratione, cum a-

gat iudicium ut Filius hominis faciet illud sensibile: ad quod requiritur, ut qui iudicabuntur aliqua ratione sensibilibiter repræsententur, & stantur ante iudicem. Mirabile & horrendum planè spectaculum, in sublimi aëre videre in corpore longè gloriosissimo, & fulgentissimo sedentem in magnifico throno iudicem: circumfusus innumeris Angelorum legionibus, maximam hæmilpherij partem vndeque usque ad cælum occupantibus: stipatum ad dexteram immenso beatorum hominum secundum diversos ordines exercitu, & ingenti multitudine: secundum illud Apostoli. *Simul rapiemur obviam Christo in aera*, qui omnes instar solis fulgebunt singuli, secundum maiorem aut minorem gloriam: & infernè in terrâ ad sinistram infinitam multitudinē damnatorum, humi prostratam, gementem, ululantem, vociferantem, quæ superficiem terræ longè latèque occupabit, furentibus in eos dæmonibus, & omnem rabiem suam in miseros illos effundentibus: arcentibus eos Angelis à consuetudine, & coetu iustorum, iuxta illud, *Et separabunt malos de medio iustorum.*

Quis tibi tunc erit sensus, ô peccatorum induratisime, quisquis tandem sis, & cuiuscunque dignitatis aut conditionis, cum hæc omnia, & his omnibus maiora cernes, & propter te, tuique similes fieri videbis: 1. Quàm tibi præterita omnia, præ rebus præsentibus vana esse, videbuntur: præterierint illa omnia, velut somnium, sicut umbra, uti umbræ somnium, sicut narratio, sicut spectrum. Quàm tota mundi pompa tibi inutilis videbitur præ isto con-

sessu:

fessu : Vbi illa omnia quæ olim tanti
 faciebas, ubi illi homines, quos olim
 ut Deos colebas; vel qui te ut alterum
 Deum, colebant? In tanta multitudine
 distingue Reges, Principes, divites, po-
 tentes, sapientes, miseros, beatos. Hic
 videbis Neronem nudum trepidantem,
 solum cum sua potentia : Alexandrum
 inglorum cum suis victoriis : Pom-
 peium & Cæsarem cum suis triumphis,
 Aristotelem, Platonem, Socratem, De-
 mosthenem. Tullium, illos cum sua sa-
 pientia, hos cum sua facundia: 2. Tu
 verò in tanta hominum multitudine,
 in tantò rerum apparatu qualis appa-
 rebis? Imò qualem locum tunc habebis
 quam partem? An in aëre cum Christo,
 an vero cum reprobis pronus in terra?
 an in dextra iudicis, an in sinistra? an
 in corpore glorioso, an verò in horri-
 bili, & deformi? an securus, & gaudens,
 an verò trepidus, & palpitans? vi-
 de qualem vitam duxeris, vide
 quibus te adjunxeris : Quàm erit
 molestum & grave, quàm acerbum, &
 intolerandum iis qui in hac vita aliis
 dignitate aut potestate, aut divitiis, aut
 gloriâ præcelluerunt, se nunc iis esse
 postpositos quos contempserunt. 3.
 Quid non tunc fecisse voluisses, ut in
 tanto theatro & laudem & coronam
 acciperes, quid non passus, ut probra
 & pœnas effugeres: 4. Sed qualem pu-
 tas futurum tunc in tam admirabili re-
 rum specie impiorum hominum sen-
 sum. Audi qualem futurum exprimat
 Sapiens Sapientia. 5. *Videntes turbabun-
 tur timore horribili, & mirabuntur in sub-
 tatione inasperatæ salutis; numerata Verba,
 pondera syllabas: Videntes, ait turba-*

buntur: videbunt enim ipsi suis oculis
 quod credere nunquam voluerunt: Tu
 fabulas, & mera inlomnia, talia vocare
 consueveras; nunc ipsam rerum verita-
 tem tuis ipse oculis usurpabis, quo-
 rum, omnium tu etiâ quantulacun-
 que pars existeris: Non hic profuerit ja-
 ctare verba illa impia & risum moven-
 tia, quæ olim in vitâ usurpabas: quid
 enim dicere audeas in tanto rerum dis-
 crimine, in tantâ mutatione? Tu ne ille,
 hominum audacissimè, qui olim de re-
 bus divinis ludens iocabaris? Vide
 nunc quò tuus ille ludus recidit, quò
 impietas devenerit. Tu elevare solebas
 ista, & imminuere, immò etiam sæpe
 contemnere; Vide nunc & experire
 num vera sint: Tu Deum illum, quia
 non videbas, solitus eras despiciere:
 Vide nunc quem contempnisti, & con-
 tremisce: Hic ille est quem neglexisti,
 qui tui causâ factus fuerat infans, qui
 tui causâ captus, ligatus, spoliatus,
 condemnatus, flagellatus, spinis coro-
 natus, illulus, cruci affixus, & morte
 damnatus: Vide mutationem rerum
 admirandam: pro cruce, in throno se-
 det, pro irrationis amictu, iam est amic-
 tus lumine, ut vestimento: olim flagris
 humeros habuit conscissos, nunc divi-
 na purpura habet ornatos: vide quâ
 coronâ sit insignis, pro spinea: pro ca-
 lamo, alterâ manu mille palmas gestat,
 quibus suos donet: alterâ sceptrum, nō
 iam ut quondam cupressinum, quale
 Deo affingebat Pythagoras, quoniam
 mortis haberet imperium: sed au-
 reum, ut plena potestas indicetur:
 sed vide quò ille tantarum rerum
 aspectus pertinebit: 2. *Videntes tur-
 babuntur timore horribili, quis enim alius*

peccatoris sensus tunc erit, cum tota natura ingenti horrore quatietur; Tunc quippe, ut ait Evangelista, *Virgutes celorum commovebuntur*, hoc est innumerabiles Angelorum exercitus, dum Regem videbunt plenum ira, & indignatione: Tunc iusti omnes admirabili quadam reverentia concutientur. Tunc ut ait Isaias, *Erubescet sol, & confundetur Luna*, ut, sicut interpretatur S. Hieronymus, dolore suo offendant, quæ patiantur impij: Tunc omnia quatiantur elementa: Sed si iusti viæ salvabitur, impius, & peccator ubi parebunt? Et quidem si sola istarum rerum expectatio sic homines commovebit, ut dicat Christus *ascensibus hominibus præ timore*, & *expectatione eorum quæ supervenient universo orbi*, quanta erit peccatorum turbatio cum res ipsæ præsentis erunt! unde significanter dicitur *turbabuntur timore horribili*. Sed hæc pro dignitate nunc cogitare non potes: nam sensus huius vitæ inæquales sunt sensibus quos tunc experieris: sicut enim alterius vitæ gaudia nullum habent in hac vitâ exemplum neque enim oculus vidit, nec auris audivit, nec in cor hominis ascendit quæ præparavit Deus diligentibus se: Item, sicut alterius vitæ tormenta nullum habent in hac vitâ simile: Ita nec illa turbatio, nec iste timor quidquam habent simile, & turbationi, & timori impiorum. Nempe *turbabuntur timore horribili*, hoc est tanto, ut horrorem incutiat: Equidem Chrysost. Homil. 5. in Epist. ad Rom. postquam dixit illum aspectum esse rerum omnium terribilissimum, fateatur, si quis sit sensu ac mente præditus, cum potius optaturum sustinere ge-

hennæ tormentum, quàm coram Deo adverso stare, & irato occurrere. Quid enim facias homo nihili, somnium, ludus, cinis, pulvis, terra, fumus, & vapor ad modicum, parens? quomodo Deum iratum ferre ac sustinere poteris? ubi illa frons, illa securitas, illa oris firmitas, illa audacia, corporis robur, animi constantia? Sanè nescio quo sis animo, & quo sensu, sed fateor me in istâ cogitatione totum animo & corpore contremiscere. Pergit Sapiens, *Et mirabuntur in subitatione in sperata salutis*: Vox Græca, expavescent, & extasim patientur. ex: *fonta*, Quomodo enim unquam putassent tantam futuram fuisse in rebus mutationem, dum videbunt inter damnatos, tot Reges, tot Imperatores, tot Duces, tot Nobiles, tot Magistratus, tot divites, formosas mulieres, homines doctos, eloquentes, Philosophos, & summi ingenij: Et hunc postremum mortaliū omnium, longè latèque gloriâ fulgentem: hoc significant illa verba in subitatione inspiratæ salutis Epi to paradoxo in sotirias in paradoxo, & inopinatione salutis, hoc est in minimè opinatâ, vel in sperata in admirandâ, & quæ præter opinionem acciderit, salute, quam adepti sint iusti, & impij amiserint: Quis enim id sperasset qui credidisset? Tu sanè hominum infelicitissime ac imprudentissime, cui id toties dictum, lectum, inculcatum: Quid enim aliud Scripturæ quid Evangelia, quid Christus, quid Apostoli, quid Doctores frequentius inculcarunt? Tu sanè quem toties Deus, aliorum exemplo docuit rerum vanitatem, & instantiam mortis certitudinem, & horam eius certam, &c.

Tu qui

Tu qui licet scelera & crimina ore tuo
plerumque defendas, corde tamen ar-
guis & condemnas: Tu qui sæpe cog-
ris aliorum laudare virtutem, & scele-
ratorum vitam detestari, cum tamen
vitam degas criminibus plenam: Tu
qui alios punis & castigas, & eadem
committis quæ damnas: Tu quem
Deus toties suis gratiis & motibus re-
luctantem, & contradicentem percellit:
sed incassum omnia, Verum erit illud
tempus cum & videbis, & turbaberis,

& timebis timore horribili, & mirabe-
ris in subitatione insperatæ salutis: vi-
dentes enim turbabuntur & mirabun-
tur. Vide nunc in tuto: turbare ad se-
curitatem, time ut provideas, & mira-
re aut tuam aut aliorum cæcitatem, &
incogitantiam, & dignam tantis rebus
cogitationem suscipe, & dignam istis
cogitationibus vitam aggredere, ut si-
cut Christus loquitur, stare possis ante
Filium hominis, quod ipse præstare
dignetur. Amen.



FERIA SECVNDA, VEL TERTIA

DOMINICÆ PRIMÆ IN QVADRAGESIMA

CONCIO TERTIA

DE IVDICIO FINALI.

In quâ agitur de secundâ qualitate Iudicis,
iustitiâ & severitate.

*Cum venerit Filius hominû in Majestate suâ, & omnes Angeli eius
cum eo, tunc sedebit super sedem Majestatis suæ:*

Matthæi. 25.

ACTVRO mihi de extremo
Iudicio dubium suboritur,
cum multa sint iudicia quæ à
Deo, & ab hominibus exer-
centur, unde fiat ut iudicium extremû
simpliciter appelletur iudicium: Item
cur dicatur etiam Illa Dies: quasi hæc

ultima dies, sola sit dies: Missis cæteris
quæ plura dici possent; Existimo iudi-
cium extremum dici simpliciter iudi-
cium, quoniam cætera iudicia illo uni-
co corriguntur: Nam de se ait Deus Psal.
74. *Cum accepero tempus, ego iustitiam iudi-
cabo:* Itaque iudicia rerum, & hominum,

Xx 3

illo

illo unico iudicio corriguntur, quia ferè illud unicum iudicium verum est, certū alia verò sæpe falsa: & saltem semper dubia: unde negat Paulus hoc tempore esse iudicandum: 1. Corinth. 4. *Nolite ante tempus iudicare, quo adusque veniat Dominus, qui illuminabit abscondita tenebrarū, & manifestabit consilia cordium, & tunc laus erit unicuique à Deo:* Idem iudicium extremum dicitur Dies illa, secundum illud Pauli 2. ad Timot. 4. *Quam reddet mihi Dominus in illa die iustus Iudex:* Et in eādem Epistolā cap. 5. *Potens est depositū meum servare in illum diem:* Sic, inquam, dicitur, quia dies aut magnæ scēlicitatis, aut magnæ calamitatis, in Scripturā dicuntur per antonomasiam, Dies illa: Ita Ioēl 4. *In illa die stillabunt montes dulcedinem.* Et Isaiæ 4. *In illa die erit germē Domini in magnificentiā & gloria.* utrumque autem erit in die iudicii: nam nunquam erit dies maioris calamitatis pro reprobis, & lætitiæ pro iustis, & magnificentiæ pro Ghrīsto Domino, secundum illud, *Cum venerit Filius hominū in maiestate sua.* Quid quòd dies iudicii signatè dicitur Dies illa, quia ob omnibus vitæ diebus respicitur, uti dies Incarnationis: *In illa die erit germen Domini in magnificentiā & gloria:* fuit enim quasi centrum omnium dierum, *In medio annorum notum facies:* quid dicam quòd primus, & ultimus dierum ad iudicium pertineat, ut ait Rupertus, lib. 9. de operibus Spiritus sancti cap. 2. Nam ut in ultimo iudicabuntur, & punientur mali homines: ita in primo, iudicati, & puniti sunt mali Angeli: & hoc sensu exponit illa verba Genes. 1. *divisi lucem à tenebris:* unde ait: Consi-

deremus admirabilem operum Dei dispositionem, qui quasi æditum terribilem posuit timorem, ad cultodiendū in troitum, & exitum operum suorum: omnes itaque dies hunc diem respiciunt: quid igitur magnū si plures dies, in tanto die considerando insumamus: in quo opere eò certius mihi propitiā fore Virgīnē spero, quo didici ex Brocardo in descriptione terræ sanctæ in valle Iosaphat sepultam fuisse Beatam Virgīnem, ut mundo in iudicio periclitanti succurrat: sed ad eam securius nunc recurremus, & sollicitius ipsa nobis aderit de iudicio differentibus. AVE MARIA.

NON sum ignarus me hodiernā diem rem suscipere viribus meis longè majorem: Pictura potest in Naturā res plurimas, sic repræsentare, ut exæquet; sed in quibusdam repræsentandis adeo deficit, ut ridicula planè appareat: quis enim Pictor possit Solem uti est exprimere, quis lucem, quis motum quis maiestatem? Ita oratio potest multa verbis exprimere, plerūque æquare, aliquando superare: sed nonnulla sunt, in quibus, lingua & sermo deficit. Talia sunt omnia divina: Quare Chrysost. homines sumus, ac de Deo non nisi humanā linguā loquimur: Idem puto de extremo iudicio dici posse, cuius magnitudinem, maiestatem, atque terrorem nemo cogitatione, nedum oratione asse qui possit: Ita veniam dabit, Auditores, si rei magnitudinem oratione non attingam, præsertim cū illud quod aggredior de iudicio, sit res omnium maxima, nempe ipsius iudicis qualita-

qualitates, & conditionem vobis exponere : In quo præcipuè hæc formidanda, Majestas, Iustitia, seu æquitas, ac severitas : denique iracundia. De Majestate heri à nobis dictum est, sequitur ut hodie dicamus de Iudicis iustitia, severitate, ac rigore, altero, die dicturi de iracundiâ.

Altera igitur Iudicis qualitas est eius iustitia atque severitas, secundum illud Sapient. 5. *simet scutum inexpugnabile, æquitatem, seu iustitiam.* Sed ut huius rei propositionem illustriorem faciam, veniat in mentem figuræ admirabilis, quæ nobis proposita est in Osee Propheta cap. 1. Eo in loco Deus iubet Prophetæ, uxorem ducere, meretricem & posthulam, nomine Gomer, atque ex eâ suscipere liberos : ut intelligamus, si Deus quidquam profert incommodum, & quod nobis formidinem odiumque inferat, eius ansam causamque à nobis ipsi suppeditari : atque si effervescit iracundiâ, ex eâque vehemens aliqua punitio existit, id ab ipso non fieri nisi coacto peccatis hominum, quæ eum adigant, ac ut ita loquar obligent ad fociandum se acerbitati, iracundiæ & severitati. Prior illius matrimonij anus, filium dedit Osee Prophetæ. *Et dixit Dominus ad eum, voca nomen eius Iezabel, quoniam adhuc modicum, & visitabo sanguinem Iozabel, super domum Iehu.* Historia ita fert, Deus ulus fuerat Iehu eiusque zelo ad idololatram regno Israëlitico delendam, redigendamque in nihilum regiam Achabi domum, neci tradendo Reginam, præcipuam idololatriæ illius populi causam ; ac septuaginta Achabi filios, qui poterant aliquando ad patris

sui sceptrum aspirare. Filij Iehu qui patri successerant, populum Israëliticum exemplo suo ad in famem idololatriæ adduxere, quam Deus captivitate ultus est, à quâ nullus fuit reditus, sed quæ æterna fuit. Verum etsi infelix ille populus in peccato suo periit, Deus tamē ex iis tantummodo vindictam cepit qui authores illius fuerant, effecitque ut domus posteritasque Iehu pænas lucrent sanguines Iezrehelis effusi, hoc est, exitij ac ruinæ Israëlitici populi, quem Iezraelem vocat à nomine urbis, quæ regni caput erat : cuius in rei testimonium, nominat Iezraelem Osee filium, maiorem natu, contestans se intra paucos annos vindicaturum esse solum miseri illius regni sanguinem, in familiâ & stirpe Iehu. Ad quod, animadvertito propositum quod suscipit Deus, puniendi peccata hominum, qui quidem sibi impunitatem promittere non possunt, quasi Deus obliuisceretur ipsorum, neque haberet determinatum tempus ea ulciscendi : quamvis enim id in hac vitâ facere non solet, differatque punctionem, minime tamen ita facit ad longum tempus, sed ad id quod desinit, quod quidem est extremi iudicij dies, de quo sic loquitur. *Ad hoc modicum, & visitabo sanguinem Iezrael super domum Iehu.* Atque ut significaret se hoc oblivioni non dedisse, iussit nomen Iezrahelis filio Osee imponi, ut frequentius illius appellatione eius memoria excitaretur. Sed Prophetæ textum perscrutemur, *Et concepit adhuc, & peperit filiam. & dixit ei, voca nomen eius Absque misericordiâ quia non addâ ultra misereri domui Israel, sed oblivione obliviscar eorum.* Iesus litterę est

Cum

Cum sæpè populus in Deum deliquisset, graviter punitus est, sed non multo post Deus paterno animo ignoscebat: sed cumulatâ populi malitiâ, Deus populû suum ultimâ perditione castigare decrevit, quare cum ita eiecit in exitium, ut inde ampliù non revocaret, neque ipsius curam deinceps egerit: unde ibid. ait, *Et quiescere faciam regnum domui Israël quia scilicet hoc regnum decem tribuû planè extinctum est ad huius rei si, gnificationem vocatur filia Gomur, Absque misericordia: Quia non addam ultra misereri domui Israël* audisti figuram vide veritatem.

Certè cùm Deus huius vitæ tempore semper usus esset cum hominibus indulgentiâ & misericordiâ, tandem eo pervenitur ut in extremo iudicio non nisi iustitiâ utatur erga hominem, secundum illud *Iudicium absque misericordia.*

Quia non addam ultra misereri: Vita itaque qualem filiam pariat Dei iustitia peccatis hominum concitata. *Iudicium absque misericordia:* Quia nimirum in iudicio soli iustitiæ locus relinquetur, & supremi iudicis assessor tantum erit, iustitia & severitas.

Iustitiæ verò in eò, est summa severitas quod nullius personæ sit acceptator secundum illud Sapientiæ. 6. *Non enim subtrahet personam cuiusquam Deus, nec verebitur magnitudinem cuiusquam, quoniâ pusillam, & magnum ipse fecit:* Vnde Apocal. 20. *Et vidi mortuos, magnos & pusillos, statim in conspectu throni, & libri aperti sunt:* cuius rei in eo evidentissima probatio.

1. Quod severius se gerat in eos qui fuerunt potentiores in sæculo,

secundum illud Sapientiæ 6. *Initium durissimum, his qui præsumt fiet: Exiguo enim conceditur misericordia, potentes autem potenter tormenta patientur.*

2. Conjectura petitur ex modo quo magnates tractavit. Quis enim, Auditores, non mirabitur videns severum animadvertendi genus quod Deus adhibuit in maximis Principibus, Regibusque totius terræ potenti primis, con, contemptu coronarum, & sceptrorum, que redegit in pulverem, etiam vsque ad nihilum: Contemplamini omnia amplissima terrarum Imperia, simul collecta in prodigiosâ statuâ: quæ Nabuchodonosori indicata est, sicut memoratur in tertio capite prophetiæ Danielis, cuius ecce eventum: Exiguus lapis è monte direptus devolvitur vsque ad statuæ pedes, eamque ita vehementer collisit, ut in terrâ prostraverit, redegeritque in pulverem: Tunc contrita sunt pariter ferrum, testa, argentum, & aurum, & credas quasi in favillam estiva aræ, que raptæ sunt vento, nullusque locus in ventus est eis: ubi adverte 1. comminationem, vel contemptum: 2. æquali loco omnia esse apud Deum, quia pariter omnia comminuntur: 3. abominationem, quod ea subvertat, sicut idolum: quod antea factitatum fuit in vitolo, quæ Moyses comminuit, & redegit in pulverem.

Iam audi, quid de eorum institutione dicat. Osee 13. *Dabo tibi regem in furore meo, & auferam in indignatione mea: Quo modo loquitur maximo omnium Regum, repræsentato per caput aureum, & qui ex verbis Danielis cap. 4. instar magnæ arboris extitit Magna arbor, & fortis, &*

*fortis, & proceritas eius contingens cælum, &c. sed vide quomodo habita fuit: succidite arborem, & præcidite ramos eius: excutite folia eius, & dispergite fructus eius: &c. donec cognoscant viventes, quoniam dominatur Excelsus in regno hominum; & cuiusq; voluerit, dabit illud: Atque ut significet, quàm de illo existimationem habeat, & humillimum hominem constituet super eum. Sed ecce illius visi effectum Magnus ille princeps ad summum superbix suæ profectus erat, & in admirationem raptus ab propriæ magnitudinis splendore, iterabat sæpius: *Nonne hæc est Babylon magna, quam ego ædificavi in domum regni, in robore fortitudinis meæ & in gloria decoris mei? Cum subito vocem audiit, quæ ferebat: Tibi dicitur, Nabuchodonosor Rex, regnum tuum transibit à te, & ab hominibus ejicient: &c. Proh Deus! quale spectaculum! videre maximum totius orbis principem, turpiter depulsum è regni, & ad animantium gregem dejectum, vivere earum victu, habitare in earum cœtu, brutique animalis vitam degere.**

Nepotis ipsius impietas non minori severitate punita fuit, sententiaque in eum parieti inscripta, *Numera, Pondera, Divide*, satis ostendit, quo ipsius magnitudinem cõtemptum depresserit Deus.

Tacitus præterea pleraque minoris conditionis exempla: eligo tantum duo admodum insignia apud Ezechiel, & si primum jam nuper attigimus habetur cap. 21. ubi Deus irascitur adversus Sedeciam Regem Israël. *Tu autem prophane, impie dux Israël, cuius venit dies in tempore iniquitatis præfuit: Hæc dicit Dominus Deus: aufer cidarum, tolle coronam;*

Nonne hæc est quæ humilem sublevavit, & sublimè humilavit; iniquitatem, iniquitatem, ponam eam: Hoc non factum est, donec veniret, cuius est iudicium: significat coronam regni Iudaici, curvam, & curvam factam fuisset, ita ut nullius capiti conveniret, donec veniat Christus, qui enim Sedecia successerunt, non jure hæreditario, sed violentiâ Reges fuerunt, ut Alexander, Aristobulus, Hircanus, & alij quicunq;, qui se pro regibus gesserunt. Alterum est cap. 29. ubi aggitur Regem Egypti: Ecce ego ad te Pharaon Rex Egypti, Draco magne, qui cubas in medio fluminis tuorum, dicis, &c. Et. ponam frenum in maxillis tuis, &c. Universi pisces tui, squamis tuis adharebunt, & projiciam te in desertum, & omnes pisces fluminis tui: super faciem terræ cades, non colligeris, &c. bestijs terræ, & volatilibus cæli dedi te devorandum: Poteratne cum majori cõtemptu sermo fieri ad Principem, magnitudinem Regem? possetne severius tractari hominis cuiuspiam nihili in solentia & temeritas; Nescio an ponere debeam in numero Principum Sobnam Templo Hierosolymitano præpositum sub Ezechia Rege: certè sunt qui eum pro summo Pontifice habeant, omnesque ut unum è potentissimis inter aulicos illum agnoscunt: eius ambitio conditionem superabat, atque sicut se formidabilem in vitâ præstiterat, voluit sibi gloriam tueri post mortem, opulenti monumenti magnificentiam, regique sepulchri. En quomodo in eum agit Deus Isaia Prophetæ stylo cap. 22. Quid tu hic? aut quasi quis hic? id est quid facis in Templo, o homo nihili: itaque dicitur, quasi quis,

Y y hoc est

hoc est non tam Pastor, aut Sacerdos, quam Pastoris simulachrum: qualis ille de quo Zacharias cap. 11. *h. Pastor, Eldolum!* pergit isaias, *Quia excidisti tibi hic sepulchrum, excidisti in excelso memoriale diligenter, in petrâ tabernaculum tibi: Ecce Dominus asportari te faciet, sicut asportatur gallus gallinaceus, & quasi amicum sic subleuabit te.* Id est aufereris ut capo, alis ac pedibus ligatis in forum, vt vaneat, & te obvolutum, ac sine honore deferet infimus quisque: vel quàm facile tollitur vestis cõplicata: ac paulò post: *Coronans coronabit te tribulatione, quasi pilam mittet te in terrâ latâ, & spatio: ibi morieris: ibi erit cura glorie tue, ignominia domus Domini tui:* Pila significat imperiorum mobilitatem: Quia Deus transire facit regna de gente in gentem: Osee 10. *Quasi spumam super faciem terræ:* Ita Zeno Imperator de regno deiectus dixit, ludibrium Dei est homo.

Sed permittite mihi Auditores, ut mentes vestras sensusque ab hoc loco abducens, vos mecum vi cogitationis præsentes sistam ad magni alicuius Regis iudicium, coram diuinæ Majestatis Throno. Fingite vobis animo Balhafarem ultimum Regem Assyriorum, & Chaldæorum, qui nocte unâ & Regnum & vitam amisit. Eum aspiciat solû, à suis omnibus desertum, sine satellitio corporis, sine cõitatu, sine honore sine apparatu; sine purpura & vesti: deiectis in terram oculis, pulverulentâ cæsarie, fronte obductâ pudore, verecundiâque; vultu depresso, præcordijs ab perturbatione palpitantibus, genibus se collidentibus præ metu, animo penitus confuso formidine, angustiarum æstu,

ac desperatione, quem Deus hac verborum acerbitate affatur. Ita. 14. *Quomodo cecidisti de cælo Lucifer, &c. Veruntamen ad infernum detraberis in profundum laci, &c. Tu audem projectus es de sepulchro tuo quasi stirps inutilis, &c. Tu enim terram tuam disperdidisti, &c. Exprobrat 1. insolentiam in regno, & ignorantiam officij Regij: 2. impietatem in Deum, & sacra: 3. avaritiam, & prædas: 4. crudelitatem 5. delitias, & sordes, atque adulteriam: 6. potestatis abusum in evchendis abjectissimis quibusque, & summis deprimentis: Tum condemnat ut regno privetur, & careat successoribus: *Nô vocabitur in æternum semen pessimorum:* Tum ipsum addicit dedecori sempiternum, dolorem, cruciatibus, vermique non moritur, & flammis æternis: quod facit cum summâ maiestate, & summâ autoritate: Quod si videtur eiusmodi sermo ad paucas tantummodò Principum Regumque personas pertinere, probatio, & argumentum est eorum quæ dixi de iustitiâ Regis nostri, qui quidem ut testetur se in iudicio suo nullius respectum habere, secundum hoc ipsius edictum, Prou. 24. *Cognoscere personam in iudicio non est bonum,* videtur acerbius agere cû ijs, qui cæteris imperaverunt, aut ex ratione muneris sui, aut usurpatione, aut nativitatis dignitate, aut exaggeratione fortunæ: præterquam quod ex ijs quæ dicta sunt de agendi ratione cû primatibus, tanquam ex antecedente certissimo, elicere possumus consequentiam parem huic Nahum Prophetæ, cap. 3. prænuntiantis subversionem vrbis Ninives: *Numquid meliores Alexandriæ populorum, quæ habitat in fluminibus? aqua**

in cin-

in circuitu eius: cuius divitiæ, mare: aquæ, muri eius. Metropolim Ægypti intelligit appellatam prius No, postea verò Alexandriam, quia ab Alexandro instaurata fuit: cæterum à Nabuchodonosore destructa est. *Et tu ergo inebriaberis, Veris despecta, Hu quæres auxilium ab inimico.* Dicere volo, Auditores, eodem illo Prophetæ sensu. Si Principes ac Reges ita severè à Deo tractantur, quid nos expectare debemus, non inquam, qui nihil magnum nisi arrogantiam habemus? Deus castigabit superbiam Principum & Regum: quid in elationem animi nostri acturus est? Sustinere non potuit in maximis quibusque licentiam & solutionis vitæ effrænationem, ac potentissimis edixit, ne proximi cubile attingerent: & tu id libertatis tibi quotidie assumes. *Numquid tu melior es Alexandriæ populorum.* Tam acerbè punivit adulterium Davidis, vanitatem Ezechix, levemque ex opibus suis oblectationis sensum: adeo severè punivit inobedientiam Sæulis, infausta regendi consilia impij Ieroboami; temerariū facin^o Osij qui sacrificare voluit usque ad dies ipsos numerat, trutinæque expedit singula Balthazaris opera, quantuscunque sit Princeps, hæresque maximi terrarum Imperij: Et nos qui terra tantum sumus & cinis, sperare audebimus aliter esse tractandos. Infringit Sceptra, Thronos diruit, aspernatur Coronas, Diademata pedibus proculcat, deridet purpuram, ludibrio habet illustre illud nomen Regis, Principis Monarchæ & dominatoris. *Numquid tu melior es Alexandriæ populorum?* Quid expectare debet mancipium, famulus, subditus, nihili hōo, qui apud

homines cæteros nullum tenens ordinem ac locum, corā Deo ne suum quidem esse retinere possit. Sed quoniam ludicium absque misericordia non tantum significat iustitiā qualemcunque, sed iustitiā cum summā severitate ac rigore, talem cogita futurā Dei iustitiā in extremo ludicio.

1. Quidem in æstimandā defensionē tuā. Itaque nihil proderit prætexere aliquorū exemplū, imbecillitatē tuā, vehementem tentationem, inductionē aliorum, rei levitatem, ignorationem præcepti, præcipitem animi æstū, brevitatē temporis, denegatum otium, expectatam pœnitendi maturitatem, consistendi desiderium, pravitatē in dolis, perversam inclinationem, curruptam institutionem, temeritatē, inconsiderantiam juventutis, bona desideria, sancta proposita bonorum funditionem operum, toleratos labores, largitiones elemosynæ, victus acerbitatē, conversionem animarum, obsequia Deo exhibita, intercessionem B. Virginis, in eius cultu religionem, Sanctorum opem, Dei promissā mysteriorum, fidem, firmitudinem spei, Incarnationem Filij Dei, ineffabile ipsius amatoriumque Sacramentum, Passionem doloribus refertam, effusum Saguinem, eiusque mortem toties defletam & refricatam meditationē. Si anima se id temporis, compererit expertē gratiæ Dei, attendetur ad solam eius iustitiā, absque misericordiā: Etenim unusquisque ex præfeti iustitiā, & statu æstimabitur.

2. In impossibilitate obtinendæ veniæ Deus enim quondam ad preces sepe flexus, tunc erit inflexus, secundū

Yy 2

illud

illud Proverb. 6. *Quia zelus & furor viri non parcat in die vindictæ, nec acquiescet cuiusquam precibus, nec suscipiet pro redemptiõe dona plurima:* Cogita preces Regis Antiochi, quàm humiles, quàm demissæ, quanta pollicebatur, quàm verâ sui accusatione: quia tamen misericordiæ tempus præterierat, audi Scripturam 2. Machab. 9. *Orabat autem hic scelestus Dò, minum, à quo non esset misericordiam consecuturus:* Cogita clamores divitis Epulonis Pater Abrahâ miserere mei, quia crucior in hac flâmâ: Respondet Deus Ierem. 30. *Quid clamas super contritione tua? in sanabilis est dolor tuus: propter multitudinem iniquitatis tuæ, & propter dura peccata tua, feci hæc tibi:* Finge quascunq; lachrymas, nō quales aliquādo sudisti, sed uberrimas, sed calentes, sed veras, non ex fictione, sed ex vero dolore: Cogita summam præteritorum detestationem, non qualem habere soles, cogita propositum certum, & verum, non quale habere cōsuevisti: In his omnibus non est aversus furor eius, sed adhuc manus eius extenta: Absque misericordiâ; Huccine redacta sunt tanta divinæ misericordiæ, & bonitatis testimonia, Incarnatio, Passio, mors, sanguis, tot gratiæ, tot culparum condonationes, tot salutis media, tot Sacramenta? Absque misericordiâ.

3. In ferendâ sententiâ. Nam sicut Deus misericordiâ miseretur, & sapit sapientia, & in telligit intellectu; Ita iudicat iustitiâ: Illius autem proprium ex æquo res iudicare: Cùm hæc igitur actio pertineat ad iustitiâ vindicativam, non mirum si fiat absque misericordiâ. Sed ut melius intelligatur, quid molestum & reformidandum in se contineat

terribilis hæc locutio, Absque misericordiâ.

Cogita 1. Quod si Deus ageret pro summâ Potestate atque Dominio, suâ creaturâ, ad quidlibet abuti posset: imperare omniâ posset, omnia exigere, ad omnia cogere, nullam mercedem dare; quolibet tormento, & pœna afficere: absque ulla creaturæ injuriâ: quoniam ipsa tota quanta est, & jus omne ipsius ad Deū pertinet: Vide quomodo tu tuis rebus utaris sensibilibus, & insensibilibus: Iam si sic Deus tecum ageret, quid sperare posses? Vt enim ait Iob. cap. 9. *In turbine enim conteret me, & multiplicabit vulnera mea etiam sine causâ:* Quanto magis si tecum, iratus, & offensus agat, & pro summo suo jure, quantus esse debet tuus tremor, & quanta trepidatio?

Cogita 2. Si Deus tecum ageret vel tantum secundum magnitudinem maiestatis suæ, certe te solo suæ auctoritatis pondere opprimeret, Nam ex Sapiente Proverb. 25. *Qui scrutator est maiestatis opprimetur à gloria:* ut si quis solem è propinquo vellet intueri, illicò totus incenderetur, atque in favillam redigeretur: Id figuratum in monte Sinai Exodus. 19. ubi prohibitum est, ne quis propius accederet: *quâ tetigerit montem, morte morietur:* Eodem ferè modo. Cum Danielis 3. fornax Babylonica adeò incensa esset ut flamma superaret fornacem cubitis 49. sic erupit, ut incenderit quos reperit ministros ex Chaldeis: Ita nemo posset coram Deo consilire, qui non momento periret, atque hic fuit sensus Iobi, dum diceret cap. 31. *Semper enim quasi timentes super me flusius, timui Deum, & pondus eius terre non potui:* utque cò ut coram tantâ

tantâ majestate, ne innocentia quidem secura sit: unde idem cap. 9. Quantus ergo sum ego, ut respondeam ei, & loquar verbis meis cum eo? Qui etiam si habuero quippiam iustum, non respondebo, sed meum iudicem deprecabor: Scilicet invocantem exaudierit me, non credo quod audierit vocem meam, &c. Etiam si simplex fuero, hoc ipsum ignorabit anima mea, & tacebit me vite mea, &c. Et Si lotus fuero quasi aquis nivis, & fulserint velut mundissime manus mee: tamen sordibus intinges me, & abominabuntur me vestimenta mea: neque enim viro, qui similis mei est, respondebo, nec qui mecum in iudicio ex æquo possit audiri: Hinc Deus ut se hominibus tolerabilem faceret, usus est temperatione: Itaque incarnatio dicta est economia, quæ vox significat usum deflexum à legis rigore, hæc enim Dei humiliatio, rectè vocata est à SS. PP. dispensatio: Quamto igitur magis intolerabilis apparebit Deus peccatori in iudicio, cum non jam utetur condescensu, sed summo suo jure, absque misericordiâ: Hinc fit ut Christus modum iudicii describens dicat: Cum venerit Filius hominis in majestate, & potestate magna: cui si furor, si ira accesserit, quis poterit sustinere? Job. 9. Deus cuius ira nemo resistere potest, & sub quo curvantur qui portant orbem: Quantus ergo, ut respondeam ei, loquar verbis meis cum eo?

Cogita 3. Deum nunquam ita punire in hac vitâ quin aliquem locum det misericordiæ, alioquin quis ferre possit? Tob. 3. Cum iratus fueris, misericordiam facies: Davit Psalm. 76. Numquid in æternum projiciet Deus aut non apponet ut complacitor sit adhuc, aut obliviscetur misereri Deus, aut continebit in ira sua misericor-

dias suas: Quam tamen severa sunt iudicia quæ hic exercuit, Diluvium, everla Pentapolis, Ægyptus punita, Israëlita in deserto castigati? &c. Itaque si ita sævus est in misericordiâ, qualis futurus est, cum nullus erit locus misericordiæ? hinc faciû ut sic orarint sancti, Domine ne in furore tuo arguas me, neque in ira tua corripas me: Atque ut scias eam cogitationem plurimum referre, David duos Psalmos sic inchoat, scilicet sextum, & trigessimum septimum, & huic ultimo hanc adhibet inscriptionem, Psalmus David in recordationem: ut semper meminisset.

Cogita 4. Quoscunque homines sceleratissimos & inquinatissimos, nullos tamen unquam Deus sic tractavit, ut ab eis suam misericordiâ omnino auferret: scimus tamen plurimos fuisse obstinatos, atque induratos, & in statu pessimo: sed modus quo utitur in iudicio, nulli exemplo comparari potest, quia semper alibi miscet misericordiâ, aut implet misericordiâ, sed eo tempore est absque misericordiâ.

Cogita 5. Quod hoc unum peccator iactare solitus erat Deum esse misericordem: Nam quid aliud pro se possit obtendere? an merita, an virtutes, an bonum gratiarum usum? Immo quid excusare? semper ille misericordiam iactabat, Deus misericors est, idque supra omnem cogitationem: sed ecce peperit ira Dei, & q; inde nata est, voca nomen eius, absq; misericordiâ: Certè peccator eâ tãdiu expertus erat; videbat se peccata peccatis addidisse, & inde nihil sibi mali obvenisse, omnia sibi pro voto succedere, sibi omnia de more fluere, oriri solem, germinare terram, maturefcere

segetes, affluere divitias, honores, &c. Id semper futurum sperabat : sed ecce Deo nascitur filia, *Absque misericordia, quia non addam ultra misereri* : ser ti potes huius vocis fulmen, *Non adam ultra misereri* : Erit illud tempus cum nulla tibi supererit misericordia, *quia non addam ultra misereri*. Quod si tibi Deus non fecerit misericordiam (ait in hunc locum Cyrillus) quis faciet ? Nam (inquit) Deo resistente afflictiis, nusquam relinquitur auxilium: si enim clausit contra hominem, quis aperiet ? & ut ait idem Propheta, *Mānum excessam quis avertet* ? aut cœlesti sententiâ condemnati, quis miserebitur ? omnia quippe nutum divinum sequuntur, & quæ Dominus facere voluerit, id citra moram omnimodis perficitur, creaturâ, illi cooperante, & dominantis auctoritatem comitante.

Id mirabiliter expressum in Apocalypsi cap. 20. *Et vidi thronum magnum candidum, & sedentem super eum*, à cuius conspectu fugit terra, & cœlum, & locus non est inventus eis : quibus verbis significatur tantam integritatem futuram iudicis, ut nullus ibi sit favor cœlorum mysticorum, & nulla mysticę terrę commiseratio : Cœlorum nomine intelligitur potestas quam Christus ministræ Ecclesię concessit ad peccata remittenda: Item virtus Sacramentorum & Sanctorum intercessio, qui antea erant advocati, quæ omnia sunt cœlorum illapsu: In die autem iudicii hæc omnia disparebunt: Per terram autem intelligitur illa misericordię commiseratio, quę tangere solet sanguine junctos, ita ut Pater doleat in calamitate filij, & contra: In die autem iudicii illa nihil pro-

derunt, sed tantum occurret persona iudicis, cuiusque thronus: unde impius, nulli erit miserabilis: Nahum 3. *Quis commovebit super te caput, unde quæram consolatorem tibi* ? Verum Deus ita misericors est, ita patiens, & lenitate conditus ! Oportuit profectò eum esse eiusmodi, ad tot facienda propter te, ad tolerandam te tamdiu, & ad pœnas quas merebaris prorogandas: at eius acerbitalis, & iræ mensura, est suæ prorogatio patiētiae. Atque ut hominum omnium inventa superavit invento amicitia, ita superavit acerbitalitate ac iustitiâ nostras cogitationes universas: Cogita tantulum quâ plenum horroris spectaculum fuerit toti Egipto immuni adhuc ac suppliciis divinitus infligtiis, videre illico, aquas Nili conversas in sanguinem, fontes, cisternas, piscinas, urnas, situlas, vasâq; omnia, ubi tenebatur aqua, sanguine solo fluere: atque hinc concludere quis peccatori terror futurus est, cum bonitatem, & clementiam videbit totam in sanguinem, acerbitalitate ultionis, severitatemque esse conversam. Quoniam verò nullam in Deo misericordiam inveniet, cum tamen ille sit fons omnis pietatis, & bonitatis, & misericordiæ, quem Apostolus vocat Patrem misericordiarum, & Deum totius consolationis: Hinc colligere potes, quales erga peccatorem futuræ sint omnes aliæ creaturæ: certè absque misericordiâ. Vis ab insensibilibus incipiam ? quales eas exhibet Evangelium : Sol radios abscondit, Luna non dabit lumen suum nec Astra suum splendorem, nec cœlum suam ordinariam legem servabit in motibus suis: terra quatietur, mare agitat, elementa confundentur, & omnia

nia homines peiterrefacient : Hinc prodigus filius se reum confitens, sic loquitur ad Patrem, *Pater peccavi in cœlum, & coram te*: Dixerat David, *Tibi soli peccavi*: cur prodigus addidit in cœlum? Certè non Deum tantùm, erga se iratũ fensit, sed totos etiam cœli exercitus in se veteret armatos, & omnem etiam creaturam, uti loquitur Scriptura armatam adversus insensatos: Titus Bo-strensis in eum locum: Haud secus firmamenti faciem metuit, atque accusatoris ejuspiam voces. Quid de sensibilibus loquar, & ejusdem naturæ, cùm homo homini futurum sit supplicium. Isa. 13. *Unusquisque ad proximum suum stupebit, facies combustæ vultus eorum*: Hebraicè, facies flammarum vultus eorum: *Eccè dies Domini veniet crudelis, &c.* Signum sanè adventantis ludicij, quod unusquisque etiam in proximis suis nihil aliud videat, nisi quiddam horrendum, & minitantes flammæ. Nec juvabit quod fuerint vitæ nostræ comites, & eorumdem socij periculorum: Hoc vide Matt. 25. in Parabola 10. Virginum: Illæ enim comites erant, sed unis introductis, exclusæ sunt aliæ, ac de istis, primæ nullam deinceps curam habuere: Itaque Chryfost. in Psal. 48. Notæ erant Virgines virginibus, sed nihileas juvit ea familiaritas. Verum quid de familiaribus loquar, tùm nec propinquitas ipsa, vel affinitas juvet: Etenim qualis rerum species tunc futura est, cùm peccator spectantibus parentibus, consanguineis, amicis, & familiaribus, pœnis æternis adjudicabitur nemine non modò succurrente, sed omnibus potius tantæ calamitati

applaudentibus. Veniat in mentē immane illud supplicium de quo Num. 16. Cùm Core, Dathan, & Abiron, subducente se humo, in Infernum vivi descenderunt: Calamitatem sic exaggerat Ioseph. lib. 4. cap. 30. Fuit hic calus eò miserabilior, quod adeò nemo nec propinquorum quidem, aut cognatorum, eos est miseratus, ut totus, quantus erat populus, ante actorum oblitus, lætis acclamationibus Dei sententiam comprobaret: Certè in Scriptura loc, cit. dicitur quod omnes ab eis per circuitum recesserint: post plagam verò subditur, *Omnis Israël, qui stabat per gyrum, fugit ad clamorem pereuntium dicens, Ne forte, Enos terra deglutiat: & illud impletum, quod ait David, Frater non redimit, redimet homo?* Non dabit Deo placionem suam: Quid dicam quòd vel ipsi ferent divinæ lustratiæ vindices, atque Ministri, si vel alius ultor vel carnifex deesset. Impius Sennacherib Hierosolymam obsidens, cùm jam Angeli, qui eius omnem exercitum una nocte fuderat, manum fugisse videretur, uti dicitur Isa. 37. dū in Templo suum Deum adoraret, à filiis suis gladio percussus interiit: vide quos habuerit carnifices, filios suos charissimos: quod expendens Cyrill. Alexand. causam subjicit: Nam divinā sententia, in aliquos latā, undecunque, & omnibus modis, veniunt in pericula, quibus hoc accidit; non sanguinis conjunctionem incolunitatis pignus habentes, non affectum, neque studium filiorum Patribus debitum, sed à quibus servari eos par erat, periclitantes, per eos ipsos in foveam interitus cadunt. Et hæc erit summa dam. atorū mise-

miseria, quòd eorum supplicia pateant amicorum oculis, sed sine ullâ commiseratione: nempe iudicium erit absque misericordia. Neque verò illud mirum quòd hic sensus in parentibus & affinis deficiat, cum nec in ipsis Sanctis sit futurus, in quibus tamen viguit semper pietas & misericordia, de quibus David Psal. 140. *Absorpti sunt, iuncti petrae, iudices eorum*: qui iudices? certè sancti viri, qui perfectè Christum secuti sunt: illi enim cū Apostolis sedebunt super sedes duodecim: porro in affectum iustitiæ absorbebuntur: nihilque in se flexibile, aut aut exorabile relinquent: Bern. serm. 7. in Psal. *Qui habitat*. Absorpti planè sunt in affectum iustitiæ, petrae soliditatem, cui iuncti sunt, imitantes: iuncti (inquit) petrae, quam profectò solam ut sequerentur, cetera omnia reliquerunt: Tunc tunc putes flexibile quippià invenendum in iudicibus iunctis petrae? Itaque S. Ephrem serm. de Vita Relig. Illic misericordissimus ille Abraham, immitis, & immisericors reperietur, & qui pro Sodomis, ut salvarentur, fuerat deprecatus, illic vel pro uno peccatore, non supplicabit: sed ad quid tūc vel ipsi sancti forent misericordes, cum ipse misericordiarum Pater, omnē misericordiā sit oblitus. Absque misericordia.

Quorum verò ista pertinent, mi Auditor, nisi ut non ineptissimè jactes misericordiam Dei, bonitatem eius appelles, prædices patientiam, & longanimitatem extollas: Passim enim mortales circa Dei misericordiam & bonitatem gravissimè aberrant.

1. Quidem quod putent Deū semper usurum erga se misericordiā, cum tamē omnes Scripturæ doceant venturum il-

lud tempus cum solam iustitiam adhibebit, ac respectu tui futurus sit absque misericordiā: secundum illud: *Misericordia, & veritas obviaverunt sibi*, & una alteram terminat: Cum itaque huius vite tempus pertineat ad misericordiam, iustitia futurum respicit, quod est æternum; unde eternitatem inchoat à iudicio: cur ergo Deum respicis inadæquatè, nec tam iustum cogitas, quam misericordem? Quid dicam quod misericordiæ opus magnā ex parte confectū est, Incarnatio, Passio, Mors, Sacramenta, Patientia, iteratæ condonationes, suum corpus traditum, diuturna expectatio, dissimulatio, gratiæ præstitæ: quod superest tempus ad unam iustitiā ferè pertinet, Mors, iudicium, rationis exactio, Pœna.

2. Quod malè interpretentur Dei misericordiā, & bonitatem: neque enim est permissio omnis peccati, neque eorum insula tolerantia, neque omnimoda indulgentia: sed Deus per misericordiam miseris subvenit, hoc est peccatoribus largitur media, pœnitentiam, lachrymas, dolorem, pœnas: per bonitatem in sui amorem trahit, & quæ omnia peccator in contrarium sumit, ac præposterè interpretatur.

3. Quod malè utantur Dei misericordiā: an idcirco bonus est Deus, patiens, & misericors, ut tam bonum Deum offendas? Certè si bonus est, bonum amare oportuit, & omni amore prosequi: Sic enim in reliquis rebus bonitatem sequeris: si bonus est, igitur & hoc unum maximè cavere debuisti, ne bonū Deum offenderes: si bonus est, quidni igitur bonum imitaris, & sicut ille, quia bonus est, tibi bonè facit, ita tu quoque bonè illi;

bene illi? sacrificium id non ipsius bono es facturus, sed tuo lucro: Denique si bonus est, nã tu hominum & improbissimus, ac pessimus, quem suprà omnes bonus Deus tantã severitate castigare & persequi rogatur.

4. Quod ipsã impiẽ abutantur ad peccandum: cùm enim ex naturã suã provocare debeat homines ad redeundum in gratiam cum Deo, quia redeuntes recipit, quoniam est misericors; è contrariò illi ex misericordiã occasionem sumunt recedendi à Deo: Tertull. lib. de Pœnitent. cap. 8. Nemo deterior fiat, eò quod Deus bonus sit, toties remittens, quoties delinquimus. Certè eò usque malum processit, ut existimem, plures ex misericordiã Dei damnari, quẽ salvari: Adde quod Deus occasionem sumat puniendi ex misericordiã: secundum illud Habacuc. *Cùm iratus fueris, misericordiã recordaberis: Bernardus eum locum exponens, ipsa indignatio non aliunde quam de misericordia est: cùm enim Deus recordatur quã misericorditer se gesserit erga homines, & quod illi hæc omnia testimonia neglexerint, indignatur miro modo, & iustè. Qu n tu itaq; bene uteris eius misericordiã Rom. 2. An divitiis bonitatis eius; & patientiæ, & longanimitatis contemnīs? Ignoras quoniam benignitas Dei ad pœnitentiam te adducit? Secundum autem duritiẽ tuam, & impœnitens cor, thesaurizas tibi iram, in die iræ, & revelationis iusti iudicii Dei: Tria ponit: Bonitatem quã sponte suã bene facit: patientiam, quã non statim punit: longanimitatem quã diu expectat, & sustinet, in quibus dives est Deus: In bo-*

nitatem quidem, quia non tantum benefacit ijs qui meriti non sunt, sed etiam ijs, qui malè meriti sunt: In patientia vero quã magna scelera & multa sustinet: In longanimitate, quia plerumque hominem, maximam vitæ partem sustinet, ut uno die det occasionem, se convertendi. Sed si homo ijs abutatur, divitem facit Deum in ira, & vindicta, quia ad peccandum abusus est beneficijs, & instrumentis gratiæ: Cogites itaque Deum, velim, per se quidem bonum, benignum, mitem, atque clementem esse: sed ubi despectus est, fieri iustum, atque severum, in quo etiam bonitatem ostendit: Quia non nisi pœnas neglecti amoris repetit: Equidem ille admodum amari cupit, qui sui amoris præmium proponit beatitudinem: qui nisi ametur gehennam minatur, ut quacunq; occasione te ad suum amorem percellat: Novit ille frigus nostrum, & nos quacunq; ratione ad amorem esse compellendos Tertull. lib. 2. in Marcion. cap. 11. Horremus terribiles minas Creatoris, & vix à malo avellimur: Quid si nihil minaretur? Et infra. Ad omnia tibi occurrit Deus, idè percutiens, sed & sanans: mortificans, sed & vivificans: humilians, sed & sublimans: Tu certè nunc elige quod placeat, aut dextram, aut sinistram, nam utramque non potes effugere, aut ad sinistram à dextra, aut à sinistra, ad dexteram: in una, pœna, in altera remuneratio. Hæc ille: Certè nulla est pœna, major Inferno, nulla remuneratio est major Cœlesti beatitudine, ad quam nos deducat Christus Sponsus Ecclesiæ. Amen.



FERIA SECUNDA VEL TERTIA

DOMINICÆ PRIMÆ QUADRAGESIMÆ.

CONCIO QVARTA

DE IUDICIO FINALI.

De tertia qualitate Iudicis, quæ est Iracundia.

*Cum venerit Filius hominis in Majestate sua, & omnes Angeli
eius cum eo. Matth. 25.*

QVO magis progredior explicando vobis qualitates supremi hominum Angelorumque Iudicis, eo plus operæ & anxietatis nanciscor, meusque animus metu ac terrore majori afficitur. Pergratum esset mihi, si de solâ bonitate & misericordijs Dei loquendum vobis esset, sed cum divinæ perfectiones minimè ad unam reducantur, infinitaq; sit earum omnium mensura, utamur monitione S. Basilij, de quâ jam mentionem fecimus: atque, ut ne dimidiâ tantum parte divinitatem noscamus, nec habeamus satis, eam ut amabilem intelligere, sed etiam ut formidabilem informemus; hanc ob causam pergamus in consideratione terribilis, neque unquam satis reformidati.

Iudicij. Quod si 1. vel sola Iudicis expectatio, tot signis præcedentibus, homines ad ingentem timorem concitabit, secundum illud Lucæ 21. *Arescentibus hominibus præ timore*, quanto magis eos percelleret præsentia? 2. si Maiestas pariet reverentiam? 3. Si severitas ac iustitiæ rigor, non tam timorem afferret, quam consternationem: Certè inflammata Iudicis ira, quid in reorum animis pariet, quem horrorem, & si quid maius, ac vehementius animus humanus cõcipere potest? De hac ergo postremâ Iudicis qualitate nobis dicendum est: sed si priùs vos admonuerim, iram, furorem, tristitiam, & alia eiusmodi nomina, sic de Deo dici, ut licet in Deo perturbationem non significent, quiddam tamen aliquid perturbatione aut commotione maius indicent:

cent: ita enim de Deo dicuntur, metaphoricè quidem propter perturbationem, quæ Deo convenire non potest, ut quoad cætera de eodè propriissimè dicantur, præcipuè quoad effectum: Accedit eo, quod cum Pater omne iudiciū Filio dederit, ac Filius homo sit, ea propriè de illo dici possunt, quatenus eiusmodi commotiones in seipso ad inimicorum terrorem concitabit, secundum illud 1. Reg. cap. 2. *Dominum formidabunt adversarii eius, & super ipsos in cælis tonabit: Dominus iudicabit fines terræ, & dabit imperium Regi suo, & sublimabit cornu Christi sui:* sed ut de Iudicis Iracundiâ rectè dicere, & aliquando Iudicis Iracundiam fugere possimus, utramque gratiam à Iudicis Matre poscamus. **Ave MARIA.**

CVM habendus mihi hodie Sermo sit, ad antecedentis consequentiâ de Iracundiâ summi mortalium Iudicis, quam in extremo generalique de universis hominibus Iuditio ad acerbitatem Iustitiæ, ac exactissimam severitatem adiunget, fatear, Auditores, oportet, sentire me de operis suscepti eventum valde diffidentem laborare. 1. Quia ut ille aiebat, de Deo, etiam vera dicere periculosum est: 2. Quia multum vercor, ne apud quosdâ bonitatis divinæ opinionem imminuâ, cuius tamen natura bonitas, & opus misericordia: Cū enim eius bonitatem sola mali patientiâ æstiment ac metiantur, inde minus bonū Deum esse putant, si quæ sunt mala puniat, atque vindictæ: non satis intelligentes Deum eo ipso malâ punire, quia bonus est: quoniam ut ait Sapiēs, *boni a malum bonū est, & contra mortē vita:*

unde fit ut Deus suâ bonitate malū persequatur: Ita quod ait S. Bernardus lib. 5. de Consid. cap. 12. Nunquā recto, pravōque convenit. Præterquam quod non latis advertunt, cū Deo bonitatem ineptè asserere moliuntur, se ab eo iustitiam, sanctitatem, & multas alias perfectiones auferre, quibus certè careret, si malum non odisset, ac modis omnibus persequeretur: Tertull. lib. 2. cōtra Marcion. cap. 13. Quis boni author, nisi & qui exactor: proinde quis mali extraneus, nisi qui & inimicus: quis inimicus, nisi qui & expugnator; quis expugnator, nisi qui & punitor: sic Deus totus bonus est, dum pro bono, omnia est: Et infra. Vsq̃ue adeo iustitia etiā plenitudo est divinitatis ipsius, exhibens Deū perfectum, & Patrem &, Dominū: Patrem, clementiā Dominum, disciplinā: Patrem potestate blandā; Dominum severā: Patrem diligendum piè, timendū necessariè; diligendum, quia malit misericordiam, quā sacrificium: & timendum, quia nolit peccatum: diligendum, quia malit penitentiam peccatoris, quā mortem: & timendum, quia nolit peccatores, sui jam non penitentes: Ideo lex utrūq; definit, diliges Deū & timeb' Deū aliud obsecutori proposuit, aliud exorbitatori. Et certè amant in inferis punientem, quam in cælis præmiantem quē admodū Sancti non minus Deū aat impios iudicantem, quam peccatores redimentem, & in utroque casu exclamo, *Quia non Deus volens iniquitatem tu es:* Hoc scopulo longè periculoso præternavigato nostra repetamus, ac de supremi Iudicis tertia qualitate hoc

Zz 2 estde

est de eius iracundia, & furore dicamus, si tamen de re tanta ab homine mortali dici possit: Nam si ut, ait Apostolus ad Philipp. 4. *Pax dei exuperat omnem sensum*, quanto magis ira Dei: Si vel placidum mare, solâ aquarum immensitate multos terret, sed ventis exagitatum, & tempestate succussu, intolerabile videtur: eodè modo, cū sola divini ult^{re} majestas scrutatorē opprimat secundū illud, *Scrutator majestatis opprimetur à gloria*; Quis ut ait David Psal. 89. *Quis novit potestatem iræ tue, & præ timore tuo, iram tuam dinumerare?* Licet enim multum timearis, ira tamen tua major est quàm timeant homines, & tamen vide quantum Sancti timeverint, cū dicat Iobus cap. 31. *Semper enim quasi tumentes super me fluxus timui Deum, & pondus eius ferre non potui*: Quod si ille ad se probandum, an posset iram divinam sustinere, se sola cogitatione imparē sensit, quanto magis ipsa experientia; Quæ omnia eo consilio à me dicta sunt, ut nullus sit qui magnitudinem Iræ divinæ oratione meâ metiatur, cū ne cogitatione quidem æquare illam aliquis possit: *Quis enim novit potestatem iræ tue, & præ timore tuo, iram tuam dinumerare?* Per potestatem Iræ divinæ, eius magnitudinē significat, atque effectus: per numerum verò eius multipliciter, ut nē putes uno nomine posse significari. Ego quidē qui nosse non possū, quod nēo novit, hoc tantum assero quod novi, atque sequentes vobis assero Iræ divinæ gradus quibus ad eius magnitudinem, & numerositatem, coniiciendo sēper majora, conscendere poteritis.

primus itaq; divinæ iracundiæ gradus

mihi occurrit indignatio, quæ tunc temporis in Iudice futura est omnium maxima.

Omnium affectuum, & motū quorū, anima rationalis est capax, un^{de} ex violentissimis vehementissimisque est indignatio; præsertim cū habet pro objecto, & termino suo quempia nihil hominē, magnis beneficijs obstrictum sed infidū atque ingrātū. Sicut enim maximi, quæ naturæ motus accidunt, cū se contraria collidunt, & mirabili quādā antiperistasi sese invicem corroborant; Ita ex oppositione odij & amoris, iræ ac misericordiæ, detestationis & molestiæ, gaudij ac tristitiæ, beneficii & offensæ, nascitur in nobis indignatio. Scio quidem S. Basil. homil. de Irâ, comparando indignationem cum iracundiâ dicere, illâ esse tantū mucronem sive aculeum iracundiæ, & quasi levem passionis vaporem: sed hīc non loquor de levī commotione, molestiâq; per brevi quæ oritur in nobis, ex occasione actionis indecoræ, minuscule expectatæ ab homine qui nobis displicet; verū de indignatione formatâ, ac vehēntis iracundiæ æstu; quæ quidem eò magis formidanda est, quò iustior est, magisque fundata in ratione. Ea non pertinet (inquit Aristoteles lib. 2. Rhet. cap. 9.) nisi ad maximos homines, qui iuste indignantur, magna bona & munera in eos conferri qui jis indigni sunt, aut magni meriti viros minimè pro dignitate suâ tractari: unde indignationis nomen profuit. Sed ex omnibus causis incitantisque maximæ indignationis iustissima & vehēntissima reperien-

reperientur in Filio Dei venientis iudicatum homines: Verū est igitur nihil esse posse magis perhorrescendum, iracundiā ludicis illius irā percit.

Prima huius mei iudicii ratio est, quia res universæ reperientur quasi extra locum suum, posita, tractatæque contra uniuscuiusque meritum ac dignitatem: virtus contempta, vitium in honore, impietas error & mendacium in exultatione apud homines; religio, scientia veritalque mundo expulsa: probi, afflicti, despecti, omnium pedibus conculcati; improbi in muneribus & negotijs, in opibus & felicitate: atqui obiectum indignationis est eiusmodi rerū perturbatio, & adeo indigna inversio.

Secunda ratio est, quoniam si indignatio cum vehementior est, motus est coactus, sensusque violentus ei quem afficit, procreatus ē concursu consuetudine duorum affectuum contrariorum; quid dicam de indignatione Dei quæ accenditur ab amore, qui ipsi naturalis est, & ab odio quod eū peccator inducit? Vis est ipsius naturæ illata, se ulcisci: violentia est eius bonitati, punire: sed in pugna ingratitudinum nostrarum cū eius beneficijs, nostræ malitiæ cum eius bonitate criminum nostrorum cū ipsius misericordijs; ferocitatis nostræ cum eius mansuetudine, obstinationis nostræ cū illius patientiā, impœnitentiæ nostræ cum eius longanimitate, nascitur ipsius indignatio. Isa. 42. *Dominus sicut vir fortis egreditur, sicut vir praeliator suscitabit zelum: vociferabitur & clamabit: super inimicos suos confortabitur: Tacui semper, silui, patiens fui: sicut parturiens loquar, dissipabo & absorbebo simul: Quamobrem*

cū loquitur apud Prophetas de iustā iracundiæ suæ causā, & de peccatorum nostrorum magnitudine; comparat se modò cum amasio, qui ab infidā contempus fuit, modò cū sponso zelotypiā capto. propter iniquationem thori: Zelus est ipsius amor: dilectio est zelotypia, ira est furor, indignatio est eius iracundia. Id cogita peccator. Deus affectaverat tui gratiā studium boni & miseratoris nihil est, quintētaverit ut te ad se iamandum astringeret: quousque descendit; non solum ad actiones, sed etiam ad condiciones, suā magnitudine indignas: & post hæc omnia, sibi visus est adigi vitæ tuæ rationibus ad mutandam naturam, atque ad suscipienda propter te aliena à se nomina, & ad affectiones propensionis suæ contrarias, usque adeo ut exultimatus sit appellatusq; crudelis. Job. 30. *Mutatus es mihi in crudelem & in duritie manus tuæ adversaris mihi.* Volebat se nominari abs te misericordem, cū te tandiu toleravisset; eūque coegisti severum fieri: mille beneficijs provocavit te, ut eum patrem tuū vocares, amicum tuum, tuum spōsum; ipsumq; adigis, ut tuus iudex, adversarius tuus, hostis tuus evadat, atque ad quærendum te in exitum, & ad se oblectandum te puniendo. Deuter. 28. *Et sicut ante letatus est Dominus super vos, bene vobis faciens, vosque multiplicans, sic letabitur disperdens vos atque subvertens, ut auferāni de Terra: agendi tecū prima ratio profuebat ab ipsius inclinatione, secunda nascitur ex vi quam eidē intulisti. Michæa 1. Ecce Dominus egredietur de loco suo, & descendet, & calcabus super*

ex. celsa terra: Id est, uti S. Hieronym. exponit, quia Deus morem suum deserit, cum punit ac sævit. Peccator ad id etiam attende: Si perfectè quempia amasses si de eo bñe fuisses meritis modis omnibus quibus potes; tēque demum ingratitudinē remuneraret, oblivione, contemptu, injuriā & offensione, quo usq; tua te indignatio efferret? At quā parum reformidanda est iracundia tua, si eam cum divinā conferas. Proverb. 16. *Indignatio Regis, nuncij mortis.* Si tua infelicitas eō te cōpulisset, ut jure iratum tibi, ac indignatum, Regem aspiceres, quid de tuā vitā sentireis? nunc verò non metuis videns Deum ob malefacta tua in te iracundiā & indignatione affectum. Quis hominum porro ita præficiens sibi & magnanimus est, qui videns cælos instar ceræ colliquefieri coram Dei majestate, Sanctosque & Angelos metu contremiscere, ac præ formidine locum mutare, poterit firmus consistere, & illum sine metu sustinere. Nahum 1. *Ante faciem indignationis eius, quis stabit? & quis resistet in ira furoris eius? Indignatio eius effusa est ut ignis: Spetra dissoluta sunt ab eo: & Isaiæ cap. 63. Et indignatio mea auxiliata est mihi: & cap. 59. Indutus est vestimentis ultionis, & operatus est quasi pallio zeli. Sicut ad vindictam, quasi ad retributionem indignationis hostibus suis, & vicissitudinem inimicis suis: in solis vicem reddet.* Ne illum metire contemptu quem eius nunc habes, quū vides ipsum vel inter matris brachia gestatum, vel affixū cruci: vultum induit longè differentem, dū venit ut Iudex, ab eo quem suscepit veniens ut Salvator: aliter se form-

idabilem facit, quando apparet ut leo, aliter quando est agnus: cum primā vice omnia erant in silentio: Sed cum veniet iterū, *Deus manifestè veniet, Deus noster Non silebit:* Primā vicē, sine strepitu advenit. *Descendit sicut pluvia in vellus, & sicut stillantia stillantia super terrā.* Alterā, venturus est cum strepitu & fragore. *Ignis in conspectu eius exardescet, & in circuitu eius tempestas valida.* Primā, 3. Reg. cap. 19. *In silulo auræ tenuis:* Secundā, sicut loquitur Isaias cap. 30. *In turbine, & in lapide gradatū primā, auditus est flere, querique in cunabulis: secundā, eius verba nihil nisi tonitrua erunt.* 1. Reg. 2. *Dominum formidabunt adversarii eius, & super ipsos in cælis tonabit, Dominus judicabit fines terre:* Hactenus de indignatione, per quam.

Ad 2. Divinæ Iracundiæ gradum transeo, quem appello satisfactionem, quam sic explico. Cum indignatio, sit ingens ægrotudo animi & acris molestia, quia uti diximus ortum capit è duobus affectibus contrariis, qui simul eodem tempore haberi nequeunt, sine labore ac dolore: Inde fit ut pro nostro loquendi more, necessarium sit indignationem Deo molestiam inferre, quæ tantò major sit, quāto indignatio quam concipiet, justior futura est, & major, utpote ipso digna: aliud verò: sicut minimè æquū est, ut ob creaturæ culpam Deus aliquid patiatur illius causā, & delectatione sibi debitā privetur: inde evenit, ut cum indignatio in nobis producat pœnam & molestiā, in illo terminetur ad mirum quoddam genus oblectationis, & ut loquimur vulgo, satisfactionis, quam Propheta Isaias mirabili modo explicat cap. 1.

Heu!

Hec consolabor super hostibus meis, & vindicabor de inimici meis. Quod quidem ita contingit, ut exprimere pergo. Nihil est dubij, quin magnoperè delectetur Deus exercitio& usu bonitatis suæ, seque comunicando creaturis: scilicet creatione, Incarnatione, Eucharistiâ, hoc in sæculo gratiâ, in altero gloriâ. Inde promanant cordium nostrorum illecebrosæ prensationes, suaves cum creaturâ congressus, blanditiæ, & familiaritates. *Et delicia meæ esse cum filiis hominum.* Ratio est, quia proprium boni est seipsum communicare, Deus autem cum sit naturaliter & essentialiter bonus, cujus natura bonitas & opus misericordia, se communicat necessario intra se seipsum infinitè duabus personis divinis per productiones omnino mirabiles; extra verò, creaturis suis, quibuscunque potest modis omnibus, cum gaudio & delectamento magnitudinis suâ digno. Id enim omne quod fit secundum cujusque rei naturam, oblectationem ei affert, quandoquidem delectatio proficiscitur ex convenientiâ. Pariter certum est, non esse in potestate creaturæ, privare Deum oblectatione ipsi debitâ. Vnde accidit ut si malitiâ hominum, delectationem non reperiat benefaciendo ipsis, necesse sit ut eâ reperiat malè ipsis faciendo. Deuter. 18. *Et sicut ante latatus est Dominus super vos, bene vobis faciens, sic latabitur disperdens vos atque subvertens.* Ex quo sequitur ut cum Deus nullum sibi oblectamentum denegat, quia id generis omnia ipsi debita sunt, quod recusatur ipsius bonitati, illud reperiat in iustitiâ suâ, atque ut planè sibi satisfaciatur, largiatur sibi in pu-

nitione peccatoris, oblectamentum omne quod injultè subreptum fuit ipsius bonitati. Ezech. 5. *Complebo furorè meum, & requiescere faciam indignationem meam in eis, & consolabor.* Et certè quidem cum peccator delectationem suâ quæ siverit cum detrimento eius quæ debebatur Deo, malueritque satis cupiditatis suæ facere, quàm Deo suo, quid expectare potest iustius, quàm ut Deus calamitate ipsius lætetur, reperiatque delectationem in eius infelicitate: Quæ ex re duas colligit; Primam, oportere culpas nostras esse magnas, enormiâq; nostra esse peccata, quæ adigant Deum adeò bonum ad oblectationem captandam puniendo nos totâ aternitate: alteram, oportere magnam esse illius iracundiam, cum non solum nullam malorum nostrorum commiserationem habiturus, sed delectationem ibi nasciturus sit. Possum addere tertiam, nempe supplicium oportere magnū esse, quandoquidem non minus esse debet bono quod nobis præparaverat; & delectamentum omne quod sibi pollicebatur benefaciendo nobis, recuperaturus est nos puniendo: Ac tametsi primo aditu hæc cogitatio exhibet Deum crudelē, cum dicatur miseris nostris oblectari, & consolationem ex infortunio nostro trahere; ea tamen actio tam sanctè reperitur in Deo, ut ultionem suam nominet sacrificium. Isaia 34. *Vitima Domini in Bosra, interfusio magna in terrâ Edo.* Jerem. 12. *Congrega eos quasi gregem ad victimam & sanctifica eos in die occisionis* Et Jerem. 46. *Vitima Domini Dei exercituum in terra Aquilonis.* Et Sophon. 10.

Silete

Silete a facie Domini Dei, quia iuxta est dies Domini: quia preparavit Dominus hostiam, sanctificavit vocatos suos. Chaldaeos intelligit, qui dicuntur sanctificari, quia assumuntur ad cultum Dei, & eliguntur quasi Sacerdotes ad eas victimas offerendas. De qua figurâ seu metaphorâ edisco ea quâ sequuntur.

1. Sicut offeruntur Deo in sacrificium, boves & agni ad honorandam placandam-ve ipsius majestatem, ita supplicium improborum Deo gratum esse, quemadmodum Moyses dixit Levitis, postquam neci dedissent gladio ingentem numerum fratrum suorum idololatrarum, Exod. 32. *Consecrasti manus vestras hodie Domino, unusquisque in fratre suo, ut detur vobis benedictio.* Qui enim interfecti fuerant, victimæ sunt reputati iustitiæ divinæ cui immolant fuisse.

2. Actionem illam esse ita sanctam, ut non inferior sit sacrificio. Quemadmodum enim nulla est in Deo qualitas quæ non sit digna peculiari cultu, utq; sacrificium eius independentiâ spectat, titulumque primi esse, sic illius iustitia honoratur pœnâ rei, quiquidem eius est victima, æquè legitima ac ea quæ primo Esse offertur.

3. Supplicium improborum debere horrendum esse, quandoquidem magnum est illud sacrificium quod debet offerri Deo in dedicatione cœli, horribili & stupendâ strage, ac prodigiosâ effusione sanguinis, quod quidem adumbra- tum fuit sacrificio Salomonis, 3. Reg. cap. 8. *Mastravitque Salomon hostias pacificas quas immolavit Domino bovum 22. milia, & ovium centum viginti milia.* Aliudescit victimæ neci dantur sine repug-

nantiâ & absque miseratione, ita peccatores ad carnificinam ducuntur sine illâ retrocedendi potestate, & sine ullius commiseratione: Nahum 3. *Quis commovebit super te caput, unde queram consolatorem tibi?* Imò non exiguius erit mœror, videre improborum cruciatus gratos esse omnibus, ac quemadmodum, in Martyrum tormentis; non fuit minus, videre plurimos qui exultarent se magnum Deo cultum & obsequium deferre, illos òni diritate presequendo: *Venit hora, ut omnis qui interfecit vos arbitretur se obsequium præstare Deo:* Sic magnus improbis cruciatus est futurus, animadvertere tormenta sua tam jucunda fore Deo, quàm sacrificia ipsi accepta fuerint. Sed quis novit potestatem iræ tuæ, & præ timore tuo iram tuam dinumerare? Vide quòvisque progreditur, attingitq; iracundia Dei.

Tertius Gradus qui consistit in maximo Creaturæ contemptu secundum illud 1. Reg. cap. 2. *Qui autem contemnunt me, erunt ignobiles, &c.* Sapient. 4. *Et erunt post hæc decedentes sine honore, & in contumeliâ inter mortuos in perpetuum: quoniam disrumpet illos inflatos sine voce, & commovebit illos à fundamentis, & usque ad supremum desolabuntur. Erunt gementes, & memoria illorum peribit:* Quam tibi hoc grave futurum est qui sic contemptum meruisti: omnia facile tulisses, sed non contemptum: At quàm facile huius vitæ contemptus ferri potest: id æstima ex qualitate honoris, qui ad eò futilis, & vanus: Vide autem plures huius contemptus consequentias, nam ex sese satis æstimari non potest.

1. Est in infamatione publicâ, quæ fit in manifestatione omnium peccatorû, etiam secretissimorum, ex quâ fit ut peccator apud omnes suam æstimationem perdat, nec hoc tantum, sed iudicetur dignus omni dedecore, infamiâ, & contemptu: Nahum 3. *Ecce eggo ad te, dicit Dominus exercituum, & revelabo pudendam tuam in facie tua, & ostendam gentibus nuditatem tuam, & regnis ignominiam tuam, & projiciam super te abominaciones, & contumelias te afficiam, & ponam te in exemplum. Et erit: omnis, qui viderit te, resiliet à te, & dicet: vastata est Ninive: quis commovebit super te caput? unde querâ consolatorem tibi? quibus verbis significantissimè exprimitur infamatio hominis in iudicio, sublatis omnibus titulis, quibus in mundo tegebatur turpitudinem hominum, Principum, divitum, &c. Quæ inde confusio in te orietur, cum te sic tractatum videbis, & in tantâ omnium abominatione ut nemo jam te suum dicat. Et erit? omnis qui viderit te, resiliet à te :*

2. Est in degradatione, & exaustoratione: quâ fiet, ut amittas respectu Dei, & respectu omnium creaturarum, omnes titulos & qualitates: secundum quod supra dictum est Sedecie Regi, ex Ezech. c. 25. *Tu autem prophane, & impie dux Israël, cuius venit dies iniquitatis præfinita, &c. Aufex cidarum, tolle coronam: & eo usque devenies ut jam tibi dicatur quod legitur apud eundem Ezech. 28. Omnes qui viderint te in gentibus, obstupescunt super te: nibili factus es, & non eris in perpetuum: Certè hoc erit omnibus grave, sed præsertim magnatibus, & principibus.*

3. Est in omnimodâ tui oblivione, secundum illud, *Oblivioni datus sum, tag-*

quam mortuus à corde: Item, Quibabitant in sepulchris, quorum non es memor amplius: Itaque ignorari dicuntur secundum illud 1-Cor. 14. Si quis ignorat, ignorabitur: & illud aliud, Nescio vos: unde impij idem sunt apud Deum, quod non ens: Ne tradas Sceptrum tuum ijs qui non sunt: Item, voca Non gentem, Non populum: unde Deus in re nullâ rationem habebit impij: Deleantur de libro viventium, & cum iustis non scribantur Quam grave erit homini superbo, qui semper aliquid esse voluit, & in rebus omnibus sui rationem haberi, se pro nullo haberi: Hinc in rebus omnibus erit præteritio illius, quia inter res non censetur: hoc erit in triplici statu naturæ, gratiæ, & gloriæ: Hoc erit respectu Dei, & Angelorum, & hominum omnium.

4. Non tantum ex negatione fiet talis oblivio & præteritio, sed etiam positivè ex vero contemptu, propter indignitatem positivam rerum omnium quæ in te erunt, ex vero Dei iudicio quod de te feret, considerando te, secundum omnes qualitates, naturales, civiles, morales: ut si in naturâ, aquæ gutta periret, quis hanc jacturam numeraret: ita quilibet reprobis nullo numero est, nullo loco: Et quia iudicium Dei est publicum, illi assentientur omnes intellectus, omnes Angeli, omnes homines, tu ipse: Iam vide quo pertineat ille contemptus: Hinc omni nomine carebit, nisi illo, Lucæ 13. *Nescio vos, unde sitis, discedite à me omnes opperarij iniquitatis, & illud Matth. 25. Servum inutilem eiecit in tenebras exteriores.*

5. In æstimatione creaturæ, secundum

illud Danielis *Appensus es in staterā, & inventus es minus habens*: Cogita nihil tui esse omisſum, ſed poſt exactam diſcuſſionem, omnia tua improbata ſunt: Ezechiel 28. *Nihili ſaluſ es, & non eris in perpetuum.*

6. in reprobatione vitæ tuæ. Ierem.

6. *Argentum reprobū vocate eos, quia Dominus projecit illos*: unde ſequitur. 1. ſeparatio ab alijs, *ſeparabunt malos de medio Juſtorum*: 2. abdicatio creaturæ à Deo quā ſuam eſſe pernegabit: *Quia vos non populus meus, Ego non ero veſter*: 3. reſectio violenta quā à ſe faciet Deus, *diſcedite à me maledicti*: 4. ſocietas quā faciet pœnæ impiorū, ſecundū illud Matth 23. *Colligite primum zizania, & alligate ea in ſacciſculos ad comburendum.*

Quartus Gradus eſt quod non modò non tangetur compaſſione, neq; ſolū in impiorū pœna ſe conſolabitur, ſed etiā exultās irridebit, ac ſubſannabit ſecundū illud Prov. 1. *Ego quoq; in interitu veſtro ridebo, & ſubſannabo*: riſus hilaritatis eſt, ſubſannatio vero amari contemptus: Quantum dolebis quod Deus ex tuo malo conſolationem, & voluptatem capiet: ſed quantum cū irridebit: non tantū quia te omnium irriſioni exponet, dū te riſu dignum exponet ex vita præteritā, ex ſpe improbā, ex deceptione tuā, ex perverſo rerū iudicio: ſed quia tui reſpectu Deus quendā ſenſum cōcipiet irriſioni reſpondentē, ſecundū illud, *Dominus autem irridebit illos*: quod faciet ſummā in creaturam amaritudinem, atque contemptu: uſque adeo ut cantilēas ſuper calamitate tuā ſacturus ſit, ſecundū illud Ierem. 25. *Celeuma quaſi calcantium continetur adver-*

ſus omnes habitatores terræ: Hieronymus canticū vindemiæ: Nā quædam modū ij qui calcant torcular & vindemiam, lætantur quū vidēt vinū abundanter fluere, ita Deus gaudebit, vidēs effluere omni ex parte hoſtiū ſuorū ſanguinē, adeo ut eā oblectatione aninetur ad operam, cū vindemiatorū cantione. Quis tuus erit ſenſus, miſer peccator! quæ cogitatio: quis tibi animus? quū Deus ubi te ad iracundiæ & indignationis ſuæ torcular appoſuerit, pedibus juſtitia ſuæ te proteret confringetque, ac omnibus ex locis expreſſū ſanguinē tuum diſfundet, irridebit miſeriam tuā, tuis illudet pœnis, & cantilenas de infortunio tuo faciet? Iſidorus Clarius celeuma interpretatur Epiniciū triūphale: cuiusmodi reſertur apud Iſaiam. cap. 63. *Quare ergo rubrum eſt indumentum tuum, & veſtimenta tua ſicut calcantium in torculari*: Torcular calcavi ſolus, & de gentibus non eſt vir mecū: calcavi eos in furore meo, & conculcavi eos in ira meā: *Effuſus eſt ſanguis eorum ſuper veſtimenta mea, & omnia indumenta mea inquinavi. Dies enim ultionis in corde meo, annus redemptionis mee venit*: plurimi exiſtimant eſſe Remigium carmen: Euripides in Hecubā, inde tranſfert ad res bellicas, & ad clamorē militum victorum urbe captā: S. Hieronymus ad calcantes vindemiam: quis autem nesciat convitia nautarum, vindemiatorum, & militum poſt victoriā: minimè nunc poteſt joculare verbum ſuſtinere: dedecus contemptusque te de ſtatu mentis deſciunt: Quomodò autē tolerabis contemptum & irriſionē Dei, cuius cogitatio, æſtimatio & iudicium tantopere tibi conducibilia ſunt?

Præ-

Præfertim cum illa irrisio conjuncta sit cum subfannatione, quæ conjunctam habet iram, & amaritudinē: neq; enim irrisio Dei ludicra est, & ad jocum, duntaxat sed seria, & plena iustitiæ: unde S. Basilius ait unicam vocem irridētis, ac subfannantis Dei, minùs tolerabilē esse quàm ullam inferorum pœnam: sic enim solet hostis in summâ potestate victoriæ in hostem debellatū insultare: audi quomodo se gerat Deus, Ierc. 30. *Quid clamas super contritione tua? insanabilis est dolor tuus: propter multitudinem iniquitatis tue, & propter dura peccata tua feci hæc tibi:* Certè cum Deus aliquem honorat, id facit suo modo, hoc est divino: ita cum aliquē despicit, ac ridiculū reddit, sic despiciabilem atq; abjectum reddit, ut nemo se erigere atque attollere possit.

Sed ad extremum usque & ad ultimū gradum proferamus iracundiam Dei. Quid expectatis, Auditores, post Dei iudigationem, post oblectationem ex peccatoris punitigne susceptam, post derisionem & contemptum, nisi ut ira ipsius usque ad furorem accendatur? de quâ re, ut nihil verius, ita nihil horribilius dici potest, quàm quod passim dicunt prophetæ.

1. Enim nôina tribuunt Deo insolita, & naturæ eius contraria: Isaïe 17. *Ecce dies Domini venit crudelis, & indignatione plenus:* Et Ezech. 7. *Non parcet oculus meus super te, & non miserebor, sed vias tuas ponam super te, & scies quia ego Dominus percutiens.* Sanè si in Deo non esset furor, ut quid oraret David Psalm. 6. *Dñe ne in furore tuo arguas me, neque in ira tua corripas me.*

2. Quasi minus irarum concepisset,

quàm vellet, exprimunt illum, sese, magis, ac magis excitantem instar leonis, Ier. 25. *Dominus de excelsis rugiet & de sancto habitaculo suo, dabit vocem suam: rugiens rugiet super decorem suum: celeuma quasi calcantium concinetur adversus omnes habitatores terræ.* Et Ioël. 3. *Dominus de Sion rugiet, & de Ierusalem dabit vocem suam, & movebuntur cæli & terra.*

3. Post iram animo conceptam describunt, quâ ratione adversus hostes suos progreditur, Isa. 42. *Dominus sicut vir fortis egredietur, sicut vir præliator suscitabit zelum, vociferabitur & clamabit, super inimicos suos confortabitur: tacui, semper silui, patiens fui, sicut parturiens loquar, dissipabo, & absorbebo simul: sed vide quo apparatu, & quo comitatu procedentē ostendant, Sap. 5. accipiet armaturam zelus illius, & armabit creaturam ad ultionem inimicorum: &c. Acuet duram iram in lanceâ, & pugnabit cum illo, orbis terrarum contra insensatos.*

Proh Deus! quis belli apparatus, habere creaturas omnes cōtra se armatas, totis viribus suis, rabie ac furore, id habentes propositi, ut ulciscantur iniuriam Creatori suo factam, seque in libertatem restituant; & excutiât iugū, de quo loquitur Apostolus, propter quod, omnis creatura ingemiscit & parturit usque adhuc, cum magno dolore extrēo-que cruciatu. Proh Deus! quis terror, videre cælum disrumpi supra hominū capita, astra universa commoveri, & mutari loco, elementa omnia concuti, & confundi, universos Angelos in acie cogi, intuerique Deum irā elatum in exercitus ita potentis fronte. Eheul unico tantū flatu, aspectuq; obliquo tū

Aaa 2 celsæ

celſe majeſtatis,opus eſt,non modò ad diſſipandam perdendamque, ſed etiam ad redigendam in nihilum,tam egenâ, tam infirmam vilemque creaturam. Iobi 13. *Contra ſelum quod vento rapitur, oſtendis potentiam tuam & ſtipulam ſiccam perſequeris* : Tam facile homo conteritur? quid opus tantis viribus, tantòq; apparatu:Vnus Angelus ſufficit, ut unâ nocte,tot hominum millia,& in Ægypto,& in exercitu Aſſyriorum perderet, quid opus tot exercitibus ut unum hominem perdat? Sed nimirum nihil ſatis eſſe poteſt in Deo irato, ut ſuum dolorem oſtendat,& iram. Nihil unquam facit mediocre : Si hominem dilexit,audi Ioannem : *Sic dilexit mundum,ut Filium ſuum unigenitum daret* : Si opus fuit ut noſtram ſuperbiam ſuâ humilitate compenſaret: *Exinanivit ſemetipſum* : Si mundus ſanguine ipſius redimi debuit, nullam habuit guttam quam non funderet: Eodem modo Si irascendû erit,quaſi miſericordiæ ſuæ oblitus, *Continebit in irâ ſuâ miſericordias ſuas*: quia uti dicitur Proverb. 6. *Zelus & furor viri non parcat in die vindicte, nec acquieſcet cuiuſquam precibus,nec ſuſcipiet pro redemptione dona plurima.*

Quantus autem ex irâ ludicis,timor hominum ſit futurus,& quanta in omnium mortalium animis ſit futura commotio, ſcitè deſcribitur in capit.6. *Et reges terræ, & principes, & tribuni, & divites, & fortes, & omnis ſervus, & liber, abſconderunt ſe in ſpeluncis, & in petris montium: & dicunt montibus & petris: Cadite ſuper nos, & abſcondite nos à facie ſedentis ſuper thronum, & ab ira Agni, quoniam venit dies magnus ira iſſorion, & quis poterit ſtare?* Et tu in tantâ populorum trepidatione,quâ eris mē-

te?quo ſenſu? quâ ſecuritate.Tu Deum vagientem in cunis,tu docentem inter turbas,tu humiliatum inter tormenta,tu in cruce ſuſpenſum,tu in ſacramento occultatum,tu inter tua ſcelera diſſimulantem cōtempſeras:vide nunc mutationem quam ſuſpicari nunquam potuiſſes:audi clamantem,audi vociferantem,audi terrentem:Adam poſt peccatum,non tullit illam vocem; *Adam ubi eſ?* & tamen,ut ait Baſilius Seleuciæ, vox erat miſerantis:quomodò vocem irati Dei ferre poteris? *Deus cui iræ nemo reſiſtere poteſt, & ſub quo curvantur qui portant orbem:Quod ſi iuſtus vix ſalvabitur, impius, & peccator, ubi parebunt?* Equidem unde tanta ſit in peccatore cōfidentia, unde tanta audacia, ſcire non poſſum? Minus etiam novi unde fiat,ut ea credētes Chriſtiani,toto corpore nō contremiſcant: Tunc homuncio totam divinitatis iram ferre poteris? totum impetum,& illum inexplicabilem furorē? Cur hæc non cogitas cū peccati occaſio occurrit, cū titillat voluptas, & libido, cū appetitus vindictæ, cū alia cupiditas? Quod ſi Iob propter ſummam Dei Majeltatem vix credere poterat, Cap.9. ſe in oratione ſupplicē exauditu fuiſſe, *Et cum invocantem exaudierit me, non credo quòd audierit vocem meam: In turbine enim conteret me, & multiplicabit vulnera mea etiam ſine cauſâ*: quantò magis dū ſe iratum, immò quaſi furentem exhibebit,intolerabilis exiſtet?

Sed quò iſta pertinent, mī Auditor, niſi ut Deum timeas:quid enim timeas niſi hoc times, & ſi non times, quis in te ſenſus eſſe poteſt? Vnde igitur tanta in peccatore ſecuritas, unde tanta firmi-

tas

tas, unde tanta dissimulatio? Certè Gregor. Nazian. fatetur se in illis cogitationibus dies noctesque versatum esse: illas sibi medullas eliquasse, exhaustisse sanguinem, robur abstulisse: Ego quidem nescio quo sis sensu, & quâ mente? sed fateor hæc ab animo meo non posse discedere, & quocumque loco & statu, id mihi sic obijci, ut toto corpore, atque animo perhorrescā: Melius nobis fuerat tã amabilem dilexisse: sed quoniam tot amoris illecebræ, tot præstita beneficia, tãta dignitas, nihil apud nos potest, hunc timeamus, qui sic formidabilis: *Confige timore tuo. carnes meas, à judicii enim tui timor.* Sanè si in hac vitâ timueris, & in eadem, timori succedet amor, & post hanc vitam unicus amor restabit: quia *charitas nunquam excidit.* Nunc timeamus, postea amabimus,

& semper amabimus: quia ubi charitas, ibi nullus timor, *charitas enim foras mittit timorem*, & quia amor erit sempiternus, nullus deinceps erit timor, interim itaque & timeamus, ut postea diligamus sic, ut semper amemus Dominum nostrum Iesum Christum: Quod si Apostolus ei dixit anathema, qui non amat Iesum Christum, quanto magis dicendum est ei, qui Iesum Christum nec amat nec timet: quia sic non timet, ut non amet, & sic non amat, ut non timeat: quia uti ille qui timuit, amat, ita qui amare incipit, timere definit: ad hoc metuens, ut amet: in hoc amans ne metuat: felix timendo, sed amando longè felicior, uti, semper amando, felicissimus existet in gloriâ cœlesti, ad quam nos perducit JESUS CHRISTUS. Amen.



FERIA SECUNDA, VEL TERTIA
DOMINICÆ PRIMÆ IN QVADRAGESIMA

CONCIO QVINTA

DE JUDICIO FINALI.

De multiplici divisione, quæ tunc fiet.

Et separabit eos ob invicem, sicut pastor segregat Oves, ab Hædis. Matth. 25.

QVI sublimes Beati Ioannis revelationes interpretati sunt, quarum quot sunt verba, tot sunt sacramenta (ait Hieronymus) docent plerique primam Filij hominis visionem, quæ describitur cap. 1. inter septem candelabra, id est Christi in Ecclesiâ, continere epitomen eorum omnium quæ postea in toto libro dicuntur, in

quo omnis status Ecclesiæ describitur, & quidquid Christus in eâ operabitur, usque ad ultimam æternitatem: unde describitur prima mundi conversio, fidei incrementum; persecutiones Ecclesiæ, eiusdem perfectio, tempora Antichristi, eiusdem prætia, persecutio, & mors; Mundi conflagratio, & innovatio, Resurrectio, iudiciû, sententiâ, duplex status æternus, beatorû, & dånatorû.

Aaa 3

Ita.

Itaque prima illa descriptio continet perfectam Filij hominis descriptionē, vestis ipsius, cinguli, capitis, capillorū, oculorum, oris, manuum, pedum, vocis, & aliarum rerum, ad iolum pertinentium. Cæterum, quoad iudicium attinet, In oculis eius, de quibus sic dicitur, *Oculi eius tanquā flamma ignis*, agnoscunt examinis severitatem, & ludicis terrorem: in ore verò sententiam, *Et de ore eius gladius, utraq̃que parte acutus exibit.* Mirabilis sanè visio, ut gladium non ad latus ferat, non pendente ex humeris, non vibret in manu, sed quasi evolat ex ore. Refert Ioānes Bohemus de Ritu Gētili, Principes Asiæ quo primo die, primum sumebant dicere solitos. In posterum oris mei sermo, gladius meus erit: Ita Christi gladius formidabilis, est eius sententia. Cæterum quando dicitur, esse acutus ex utraque parte, id fit ad significandas nobis duas sententias, unam electorum, alteram reprobatorum; unam beatorum, alteram damnatorum: acutus fuisse etiam dicitur, propterea quod magnas divisiones, separationesque mirificas facturus est, quæ inchoandæ sunt primâ iudicii actione, atque ex sunt divisiones, de quibus hodie loquimur, quandoquidē Evangelium nostrum nobis hanc materiam suppeditat, verum sistamus nos prius Virgini Deiparæ supplices adhibita salutatione consueta. AVE MARIA.

ERGO ad incipiendū; primâ divisio separatioque faciendā, est divortii societatis, hisce verbis comprehensum, *Et separabit eos ab invicem, sicut Pastor*

segregat oves ab hædis, ut nimirum, non simul sint iusti, & impij; vocandi, & rejiciendi: secundum illud, *Exibunt Angeli, & separabunt malos de medio iustorum.* Ad hæc verba rectè intelligenda,

Nota 1. In hac vitâ sēper esse mixtos bonos malos, sic ordinante divinâ providentiâ: ita videas inter pessimos semper aliquem bonum existere: Ita in Sodomis Loth erat, ut ait Sanctus Petrus 2. epist. cap. 2. *aspectu, & auditu iustus* Et contra, inter discipulos Christi unus erat diabolus, dicente Christo Ioann. 6. *Nonne ego vos duodecim elegi, & ex vobis unus diabolus est:* Itaque cum Sanctus Augustinus duas in mundo civitates esse dixisset, unam terrenam quæ constat reprobis; alteram Dei, quam component electi; sic de utraq̃que loquitur lib. 1. de Civitate cap. 35. Perplexæ sunt istæ duæ civitates in hoc sæculo, invicēq; permixtæ, donec ultimo iudicio dirimantur: Id verò est utrisque utile, & proficuum: nā iusti dū malos sustinent, probantur, & se ignorant: secundum illud Augustini adhuc ignoti etiā sibi: & illud Iobi cap. 9. *Etiā si simplex fuero, huc ipsum ignorabit anima mea.* Quid autē mali facerent, si nulli essent boni; ut enim ait Philo, omnis sapiens stultitia est redemptio, mercesque, ne minime quidem duraturi, nisi ille misericordiā, & providentiā impulsus eius prospiceret incolumitati Sed ratione huius mixtionis rectè dixit Sapiēs Eccl. 9. *Omnia in futurū servantur incerta:* quoniam enim in hac vitâ, boni se malis admiscunt, & difficulter discernuntur ideo ut ait Christus Matth. 13. *in consummatione sæculi, exibunt Angeli, & separabunt malos de medio*

Hinc iterum cogita, quale dedecus illis futurum sit, qui ab illâ societate tam honorabili ejicientur. Quàm gravis illa vox futura. Tu inter sanctos, Tu inter Reges, Tu inter Filios, tu inter oves, perditæ, sordide, impie, indigne, homo nihili, & despicatissime: Idque in conspectu tam multorum; in ipso totius orbis theatro. Certè hoc dedecus summum erit omnium: præsertim cum separatio ista fiat, ut discernantur hædi ab ovibus, secundum illud, *Sicut pastor segregat oves ab hædīs*, hoc est ut discernantur Reprobi à Prædestinatis.

Nota 4. Homines in hac vitâ unitos esse conjunctosq; inter se modis plerisque, multisque vinculis, ac nexibus valde diversis, magnoque numero: quod sint ejusdem nationis, ejusdem urbis, domus ejusdē, familiæ ejusdem, ejusdem sobolis & stirpis: similitudine item fortunæ, occupationis, negotiorū, muneris, status: sed longè amplius, affinitate, consanguinitate, necessitudine, amicitia, mutuisque beneficiis. Hæc vincula, huius vitæ vincula sunt, itaque omnia in morte rumpentur: sed si remanerent, hæc separatione omnia rumperentur: Tunc enim nulla eorum ratio haberetur: Multò minùs etiam aliarum conditionū; unde non dicitur separatio pauperum à divitibus: Nobilium ab ignobilibus, doctorum ab ignavis, &c. sed *separabunt malos de medio iustorum*: hoc unum erit discrimen. Itaq; alia discrimina nihili fient: Rex impius fuerit, & servus impius, ambo in unū fasciculū colligentur: uxor impia, maritus pius, aut contrā; dividuntur, idq; in sempiternum, & illud implebi-

tur. *Duo erunt in testō, unus assumetur, & alter relinquetur*: Cogita quis tuus tunc erit senlus, cum à tibi charissimis abstraheris, cum avelleris, cum ejiceris: Certè ex Philosophis, omnis dolor est à divisione, quanto itaque cum dolore à multis dividēris cum quibus aliàs conjunctissimè vixisti: De Levitis dictum est Deuter. 33. *Qui dixit Patri suo, & Matri sue. nescio vos: & fratribus suis, ignoro vos: & nescierunt filios suos*. Sed multo magis id dicitur de Beatis qui Deum unicè spectabant rerum omnium aliarum obliti. Itaque vera amicitia solam virtutē spectare debet, cum ipsa sola stabilis sit.

Secunda Divisio separatioque fiet quoad ordinem in quo quisque statuetur secundum illud Matth. 25. *Et statuet oves quidem à dextris suis: hædos autem à sinistris*.

Nota secundū communem ferè omnium hominum existimationem, dexteram nobiliorem esse, quàm sinistram, quod nunc probare, esset superfluum: Itaq; in hoc loco per dexteram significari prælationem bonorū, supra malos, & reprobos: quacumq; tandem alia re reprobi in hoc mundo alii fuerint antepositi: illa autē prælatio continet.

1. Iudicium comparationis. Quia nulla est prælatio sine aliqua comparatione: illa autem comparatio fiet in compositione, & collatione, vitæ prædestinatorum, & vitæ reproborum: per quam manifestè arguentur impij de pessima sua vita, in conspectu sanctissimæ vitæ Prædestinatorum, iuxta illud Sap. 4. *Condemnat iustus mortuus viros im-*

Bbb

piores,

pios: Nam si minus mali, condemnabunt peiores, dicente Chrillo. Matth. 12. *Viri Ninivitæ surgent in iudicio, cum generatione isrl, & condemnabunt eam, quia pœnitentiam egerunt in prædicatione Ionæ: & ecce plus quàm Ionas hic: Regina Austri surget in iudicio cum generatione isrl, & condemnabit eam, quia venit à finibus terræ audire sapientiam Salomonis: & ecce plus quàm Salomon hic.* Quanto magis iusti impios condemnabunt. Hoc significavit David Psal. 36. *Deducet sicut lumen iustitiam tuam: ut interpretatur Origenes Ait enim Deum in iudicio, ex vita iusti, sanctorum velut meridiem, ut iustificet iudicium suum: non tantum quia manifestabit iustitiam iusti, sed quia ex illius iustitia ponet tanquam meridiem iudicium suum, de iniquo, & iusto: ut nimo conqueri possit, nemo suspicari, quod non rectè iudicet: quod non secundum iustitiam, sed aut amore, aut passione, aut personarum acceptatione: sed ponet iudicij sui æquitatem, velut meridiem, manifestando iustorum vitam, tanquam lucem, opponendo illam vitæ malorum; ut illorum tenebræ magis appareant, dum luci iustorum opponentur: Et hæc manifestatio vocatur iniqui condemnatio, secundum illud. *Viri Ninivitæ surgent in iudicio cum generatione isrl, & condemnabunt eam.* Idem significatur Apocal. 20. *Vidi mortuos magnos, & pusillos, stantes in conspectu throni, & libri aperti sunt, Salus liber apertus est;* uti exponit S. Augustinus 20. de Civit. cap. 14. *Libri (inquit) quos priori loco posuit: intelligendi sunt Sancti, ut in illis ostenderetur, quid Deus fieri iussisset; ille autem, vita cuiusque. Et iudicati sunt mortui, ex iis que**

scripta erant in libris: Quia ut ait S. Gregor. 24. Moral. eandem sequens expositionem. In ostensâ vitæ iustorum, quali in expansione Librorum, legunt bonum perversi, quod ipsi agere noluerunt, atque ex eorum, qui fecerunt, comparatione damnantur. Quomodo verò excusare aliquid poteris in quocunque statu, videns Sanctorum exempla: Pauper enim peccator, videbit pauperes sanctos; dives divites; Rex Reges; Miles Milites; Negotiator Negotiatores; artifex artifices; servus servos; uxoratus uxoratos; solutus solutos: sæcularis sæculares: Religiosus. Religiosos. Immo alij alios condemnabunt, sæcularis Religiosos: Religiosus sæculares: Pauper divites: Dives pauperes: Rex subditos: subditi Regē: Herus servum: servus herum: mulier virum: vir mulierem: etenim illo tempore nihil proderit status, nihil conditio, sed vita antea cta: Quantum autem ea res torquebit malos, significat David Psal. 119. *Sagittæ potentis acutæ cum carbonibus desolatorijs;* quod ita exponit S. Augustinus sagittæ potentis acutæ, verba Dei sunt, quæ transigent corda: Carbones autem vastatorii sunt exempla Sanctorum. Quomodo autem id fiat, id explicat in sequentibus, cum nimirum dicet Deus: Tu, non potuisti, ille potuit: Numquid delicatior eras illo senatore? scæminæ potuerunt, viri non possunt; delicati divites potuerunt, pauperes non possunt; Viri Ninivitæ pœnitentiam egerunt in prædicatione Ionæ, & Iudæi impœnentes manserunt post tot Christi Domini prædicationes, & tot vitæ eius miracula?

Post

Post comparationem, prælatio continet victoriam, hoc est dejectionem illorum, & iustorum exaltationem: hoc est dexteram, & sinistram: de quo differit hoc modo Augustinus Serm. 62. de verbis Domini. Recolite dexteram, & sinistram Iudicis nostri: Recolite ubi stabunt hædi, & ubi oves, & apparebit vobis, ubi dextera, & sinistra: candida, & nigra, luminosa & tenebrosa: pulchra, & deformia: acceptura regnum, & inventura supplicium sempiternum. Minimū quod ea præferentia, invehat, est major æstimatio quā pluris quā tu, alij fient: quod quidē olim in vanitate tibi intolerabile fuit, at quis animi tui dolor meritorque, futurus est, videre te postpositum tot hominibus, quos alias usque adeo spreveristi, ut ne dignareris quidem eos aspicere? Nam inter beatos, quā multi quondam abiectissimi, & despiciatissimi, in vitā, In ingenio, in moribus, & vitijs. Publicani, & meretrices, &. *recumbent cum Abraham in regno cælorum, filij à regni ejicientur foras:* Hic totam vitam insanus fuit, ac stupidus: hic vixit in captivitate, & vinculis, ille in patibulo vitam finivit facinorosus: alter in rotā, alius in flammis: huius nomen fuit in detestatione apud posteros, & id meritis est suis criminibus: Quia tamen pœnitentiam egit, veniam consecutus est, & postea inter beatos collocatus, & quia beatus, tibi præfertur, & ista prælatio, uti summa est illius honoratio, ita est, summus tuus contemptus, & intolerabilis despectus. Matth. 21. *Amen dico vobis quia publicani, & Meretrices præcedent vos in regnum Dei* Hoc etiam continet

ista prælatio, ut sit approbatio vitæ quorundam, & aliorum improbatio, & reiectio, & vitæ eorū condemnatio: Ierem. 6. *Argentum & reprobum vocate eos, quia Dominus proiecit illos.*

Tertia Divisio ac separatio est ratione loci. Apostolus, Paulus hanc mihi notitiam subicit, ad Thessalon. cap. 4. *Nos qui vivimus, qui relinquimur, simul rapiemur cum illis in nubibus obviam Christo in aëra, & sic semper cum Domino erimus.* Sensus est, bonos omnes, seu olim à primis temporibus, seu proximè mortuos, & tamen immediatē post per resurrectionem vivificatos, qui consequenter tunc erunt, viventes, dono agilitatis attollendos in aëra: Malos autem in terrā remansuros, suorum corporum gravitate retentos, prostratos, atque jacentes in pulvere, magno cum timore expectantes iudicium Dei, & fulminandam super se sententiam Iudicis. Tuncque implebitur; illud Malachiæ 4. *Et calcabitis impios, cum fuerint cinis sub plantâ pedum vestrorum, in die quâ ego facio, Dicit Dominus exercituum:* Cùm enim simul boni, & mali è sepulchris sint resurrecturi: & ab Angelis facta fuerit separatio, ne simul sint; Tunc illud Christi Domini implebitur: *Unus assumetur, & alter relinquetur:* Item una assumetur, & altera relinquetur: Cùm enim Christus, veniens in nubib⁹ apparuerit, *Ubi corpus fuerit, illuc cōgregabūtur & aquilæ, simul rapiemur cum illis, in nubibus obviam Christo, in aëra:* cæteris in terra relictis. Quis, ait S. Chry. Hom. 8. in 1. ad Thes. erit eorū animus, cū illos quidē in altū tolli, se verò dimitti viderint: an non quāvis gehennā gravius, hæc possunt

perterrere? Tunc illud implebitur Sap. 5. *Videntes turbabuntur timore horribili, & mirabuntur in subitatione inoperatæ salutis, dicentes intra se, pœnitentiam agentes, & præ angustia spiritus gementes. Hi sunt quos aliquando habuimus in derisum, & in similitudinem improprij. Nos insensati vitam illorum aestimabamus insaniam, & finem illorum sine bonore: Ecce quomodo computati sunt, inter Filios Dei, & inter Sanctos, fors illorum est.*

Ut enim uraris invidia, Bonorum gloria atque majestas apparebit. Tunc stabunt iusti adversus eos qui se angustia verunt. Tunc implebitur quod dicitur Psalm. 30. *Muta fiant labia dolosa, que loquuntur adversus justum iniquitatem.* Cogita quanta te premet invidia, cum te videbis miserum, tam multos vero alios, beatos atque felices. Ideo, ut ait Bernardus serm. 8. in Psalm. 90. prius benedicentur boni, quam maledicentur impij: prius benedicti vocabuntur in regnum, quam maledicti in caminum deiciantur ignis æterni: quò videlicet acrius doleant, videntes quæ amiserint. Quàm tibi dolebit si magnus fuisti in sæculo, videre multos, quos in vitâ contempsisti, fulgere in gloria? si dominus servum suum videat: si dives pauperem; domina ancillam: iudex reum; princeps subditum: Quàm obstupescet mutatas vices? Quis sensus fuit fratrum Ioseph, dum eum viderent regnare in Ægypto, quem servire putabant? Miror (ait Chrysostomus) quomodo non avolarit ab eis anima: quomodo non obstupuerit tota eorum mens: quomodo non reciderint in terram: Quis fuit Animi sensus, cum vidit Mardoche-

um, quem patibulo destinarat, eustr regio vestitum, seque coactum peditem, equum eius deducere, eique famulari? Certè cum se à Mardocheo insalutatam vidisset, sic exarserat ira, ut cum esset prius in regno, diceret tamen suis, Esther 5. *Et cum hæc omnia habeam, nihil me habere puto, quandiu videro Mardocheum Judæum sedentem ante fores regiar: Sed cum vidit mutatas vices, seque Regis mandato coactum, peditem præcedere Mardocheum Judæum in equo regio sedentem; sic animo affectus est, ut eius sensum, cum satis exprimi non possit, paucis his verbis Scriptura exposuerit; Aman vestinavit ire in domum suam lugens: & aperto capite: sed hæc tantum figuram continent eorum quæ accidunt in die iudicij, in illâ rerum tam inopinatâ & prodigiosâ commutatione. In eundem sensum, quam grave fuit diviti Epuloni, quando uti dicitur Lucæ 16. *Elevans oculos suos vidit Abraham & Lazarum in sinu eius: de quare Titus Bostrësis sic philosophatur. Ut Deus Adamo è Paradiso eiecisset, ex adverso Paradisi sedes assignavit, quoreber eius conspectus dolorem instauraret; ita Lazarum in cruciatum augmentum divitis huius aspectu objecit. Eodem modo ut crucientur impij, videbunt gloriam beatorum, quod quantum futurum sit supplicium, pulchrè exponit Chrysologus serm. 22. Quale supplicium est inter æternos cives, de contemptu dolorem, de ignebilitate pœnam, de nuditate opprobrium sustinere, & tunc addici pœnis, quando alij promoventur ad regnum. Et sanctus Chrysostomus. epistol. 5. ad Theodorum lapsus**

lappum. Et si enim fluvius ignem non volveret, neque Angeli assisterent adeo formidabiles; soli autem convocati homines, quorum pars laudata est, & in admiratione habita, pars ablegata in gloriâ, ne gloriâ Dei videat; num illud per se pœna foret, totâ gehennâ acerbior? In hunc sensum nonnulli è Sanctis Patribus interpretantur quod dives epulo, bis postulet Lazari discessionem à sinu Abraham, primò ut ad se veniret; secundo, ut ad fratres divitis iret. De quâ re sic Chrysologus serm. 122. Anse dicit, Mitte ad me: modò dicit; Mitte ad fratres meos: hoc ideo agit infelix, ne videat felicem, & zelo magis incenditur, quàm gehennâ. Est illis grave malum, est illis incendium non ferendum, quos aliquandiu habuere contemptui, videre felices. Sic illud Jobi 6. *venerunt usque ad me, & pudore cooperiti sunt*; de reprobis exponit sanctus Gregorius, qui usque ad perficiendam electorum gloriâ perducuntur, ut ad majora tunc reatus sui supplicia, repulsi videant, quod perdidierunt: ut impleatur quod dicitur Sap. 5. *Videntes turbantur timore horribili, & mirabuntur in substitutione insperatæ salutis*. Illud præterire non possum, cum in damnatis passionibus, & vitia summum sint habitura imperium, in illis exercitura gravem tyrannidem: quis in eo casu explicet eorum iram, rabiem, & furorem; quis invidiam, & livorem; quis extremam desperationem. Nam quomodò tantum contemptum eorum ferat superbia? quomodò aliorum honorem eorum invidia? quare varijs animi motibus agitantur, & varijs affectibus

disrumpentur ac discinduntur.

Cæterum cum separationes de quibus hæcenus egimus, sint quædam dispositiones ad ultiores, & longè majores: licet istæ ultiores ad ultimas judicii actiones pertineant, ut tamen semel de omnibus dicamus de his quæque postremis, paucis tractabimus.

4. Igitur consistit in diversâ tractatione reproborum & prædestinatorum, quæ valde dissimilis erit: & continetur verbis sequentibus, Matth. 25. *Tunc dicet rex his, qui à dextris eius erunt: Venite benedicti Patris mei, possidete paratum vobis regnum à constitutione mundi: Esurivi enim, & dedistis mihi manducare, &c.* Tunc dicet & his, qui à sinistris erunt: *Discedite à me maledicti in ignem æternum, qui paratus est Diabolo, & Angelis eius: Esurivi enim: & non dedistis mihi manducare, &c.* In quibus verbis continetur verus actus judicii, hoc est publica discretio bonorum & malorum, & diversa amborum tractatio.

Agnosco igitur in verbis illis, magis expressam formalemque discretionem, velim dicere, magis manifestam & publicam separationem, quæ futura est proborum & iniquorum; ac tractationem maximè dissimilem, quæ adhibenda est erga utroque.

Primò enim, quod hæcenus clausum, abditumque & incognitum fuerat, aperietur & manifestabitur universis, hoc est, magna dissimilitudo electorum & reproborum: Certè in vitâ, occulto solum Dei judicio discluduntur boni à malis: sed quia occultum est illud judiciû, sæpè homines decipiuntur:

Bbb 3

quia

quia verò Dei iudicium tunc erit manifestum, propterea, quod erat occultum, revelabitur: & ut ait Apostolus 1. Cor. 4. *Dominus illuminabit abscondita tenebrarum, & manifestabit consilia cordium, & tunc laus erit unicuique à Deo.* Nunc iudicare prohibemur, quia nemo de occultis benè iudicat, sed cum ea quæ erant occulta manifestabuntur, non modò non erit temeritatis iudicare, sed erit iustitiæ: Itaque non modò ipse Deus iudicabit, sed omnes etiam creaturæ rationales iudicabunt, quia iudicium Dei iudicantis manifestum in animis singulorum imprimetur, quare fieri non potuerit, ut non sit æquissimum: Tùm quia nemo decipitur, aut errat in ijs quæ sunt evidentiæ: Tum quia ipsūmet Dei iudicium erit in ipsis hominū mentibus insculptum quasi in columnis animatis, & parentibus. Tunc itaque iniqua hominum iudicia, & tam multis modis corrupta corrigentur, & ab unoquoque hominum iudicaberis. Cogita quot iudices sis habiturus, & quot sententijs, atque suffragiis sis cōdemnandus: *Viri enim Nisi vite surgent in iudicio cum generatione ista, & condemnabunt eam.* Inter cæteras ignominias quas Christus pati voluit, hæc fortasse omnium maxima fuit, ut alias animadvertimus, cum à Pilato Præside, cum Barabba homine sceleratissimo compositus est, & omnium adstantium suffragio ei postpositus fuit: Luc. cap. 23. *Exclamavit autem simul universa turba, dicens. Tolle hunc, & dimitte nobis Barabbam:* Vere de Christo ut etiam notavimus, dixit Isaias secundum LXX. cap. 53. *In humilitate sublatum est iudicium eius.* Sed

quam contemnendum fuit illud iudicium: at quod tu cum innoveris hominibus, quorum tu vitam contempseras, collatus, omnium vero iudicio, & quod majus est, incorrupto Dei iudicio postponaris, quàm illud durum, quàm acerbum, quàm ignominiosum! Certè si gloria ex S. Ambrosio, clara est cum laude notitia: è contrario summum dedecus est, clara cum vituperio notitia. Quemadmodum igitur ex Apostolo 2. Cor. 10. *Quem Deus commendat, ille probatus est:* ita ille planè rejectus est quem Deus cōdemnat. Ob eam rationem omnes Sancti, humana iudicia tanto pere neglexerunt, & divinum timeverunt, quia huius vitæ iudicia falsa sunt, temeraria, & nullius momenti: Iudicium autem alterius vitæ, certum est, cōstans, indubitatum, & rei totius, & omnis vitæ decretorium: Itaque Apostolus 1. Cor. 4. *Mihi autem pro minimo est, ut à vobis iudicer, aut ab humano die: sed neque me ipsum iudico. Nihil enim mihi conscius sum: sed non in hoc iustificatus sum: qui autem iudicat me, Dominus est.* Itaque nolite ante tempus iudicare, quoadusque veniat Dominus: qui & illuminabit abscondita tenebrarum, & manifestabit consilia cordium: *& tunc laus erit unicuique à Deo.* Eodem sensu dixit Jerem. cap. 17. *Ego non sum turbatus te Passorem sequens, & diem hominis non desideravi, tu scis:* Et enim ut ait idem Apost. 1. Cor. cap. 3. *Uniuscuiusque opus manifestum erit: Dies enim Domini declarabit, quia in igne revelabitur:* Atque hæc crit prima sententiæ latæ divisio, quæ in eo consistit, ut sit omnimoda nonnullorum approbatio, & omnimoda aliorum reprobatio. Quantum illud est, quod respectu

respectu omnium, honorem perdes, & ælimaberis homo nihili, & reiiciens-
 dus : *argumentum reprobum vocate eos, quia projecit illos Dominus.* Nempe cum execratione, hoc enim significat illa vox, *discedite à me* : sicut alia significat approbationē. *Venite benedīi Patrum ei.*

Secundo, in illa ultimæ sententiæ separatione includitur diversa reproborum, & electorum tractatio : cum illis dicitur *Discedite à me maledīi* : istis verò. *Venite Benedīi.* Veniat in mentem eius rei, quæ scripta est Deuteron. 27. & Josue 8. Cum iussit Dominus mediam partem populi Israël stare in Monte Garizim, atque inde populo benedicere : alteram autem eiusdem populi mediam partem stare super Montem Hebal, atque inde maledictiones duodecim, in legis prævaricatores jacere ad terrorem : Verum quid est ab homine profecta aut benedictio, aut maledictio si cum Dei benedictione, aut maledictione conferatur ? illa enim in efficax est, hæc autem efficax, quæ id operatur quod significat. Cæterum quantum illud te torquet, cum videbis Deum tot hominibus benedicere, & tui nullam rationem habere, sed te præterire : Item quàm illud grave, ac durum, quando te à Deo maledicti audies. Isaia 3. *Popule meus, qui te beatum dicunt, ipsi te decipiunt, & viam gressuum tuorum dissipant. Stat ad iudicandum Dominus, & stat ad iudicandos populos. Dominus ad iudicium venit, cum senibus populi sui & Principibus eius.* Et quasi hæc omnia parva sint.

Quinta, & molestissima separatio, ultimumque divortium electorum superborumque, spectat terminum ultimum ac finem utrorumque, & postre-

um statum, qui utrosque æternum se-
 junget. Continetur autem eiusmodi separatio illis Matthæi verbis cap. 25. *Et ibunt bi in supplicium æternum: iusti autem in vitam æternam.* Quale fuit spectaculum cum Ægyptij in mari rubro conclusi ab Israëlitis : illi aquis suffocati sunt, & submersi; isti vero liberati, immunes per mare transierunt: ac de Ægyptijs quidē dixit Moyses, alloquens Israelitas Exodi 14. *State, & videte magnalia Domini, quæ facturus est hodie : Ægyptios enim quos nunc videtis, nequaquam ultra videbitis usque in sempiternum.* Quale iterum spectaculum fuit cum Abiron & Coré perierunt, & ab ijs reliqui separati sunt. Numer. 16. *Recedite à tabernaculis hominum impiorum, & nolite tangere quæ ad eos pertinent, & ut cessavit loqui, divisa est terra sub pedibus eorum : & aperiens os suum deporavit illos cum tabernaculis suis, & universâ substantiâ eorum.* Descenderuntque vivi in infernum, operiti humo, & perierunt de medio multitudinis. Quale item spectaculum fuit cum Pentapolis incendio periit, cum omnibus habitatoribus suis, unusque Loth cum duabus filiabus suis salvatus est in Segor. Sed quale & quantum erit spectaculum in illa prodigiosa separatione, & divisione omnium hominum qui sæculis omnibus extiterūt, in duas illas tam dissimiles partes, & portiones, cum separabitur filius à patre : uxor à marito : mater à filiâ : frater à fratre : amicus ab amico : servus à domino, homo ab homine, idque, separatione factâ in status adeo dissimiles : Quis id cogitare potest, nec toto corde contremiscere : ut in unâ parte, quidem sint adeo beati : in alia alij adeo miseri : Lazarus in convivio : Epulo

Epulo dives in tantâ egestate, ut cum tantum aquæ guttam pollulet, guttam aquæ non obtineat: Lazarus in sinu Abraham: Epulo in flammis: Ille gaudeat, hic ardeat: ille exultet, hic clamet, & præ dolore clamet: Ille consolatione affluat, hic crucietur: & tamen uterque sit eiusdem parentis filius uterque propinquus?

Atque ut scias separationem illam non futuram ad tempus, neque secun- dum aliquid tantum, sed quoad omnia, *Et ibunt hi in supplicium æternum, iusti autem in vitam æternam.* Molesta quidem fuit locorum divisio: molestior ordinum separatio, molestissima conditio- nem, sed æternitatis divisio æstima- tionem non habet: nam sicut æternitas satis cogitari, & comprehendi non potest, ita nec capi potest, quidquid est in æternitate. Certè si per se aliquid esset exiguum, jam magnum esset, si in æternitate fieret: quantum igitur erit, quod & per se magnum est, in æternitate ex- istit? magnum pondere; majus etiam diuturnitate; sed longè maximum est æternitate. Porro hæc separatio origo erit multarum aliarum separationum, quæ omnes molestissimæ erunt. Nam quid dicam, quot inde odia sint oritura inter eos quos æternum supplicium, & vitæ separabit. Etenim cum innumera fuerint huius vitæ mortalis vincula, sanguinis, affinitatis, conjugij, amicitia, studiorum, similitudinis, beneficiorum, dominationis, subjectionis, aliarumque rerum plurimarum; hæc omnia mors primò diremit; sed si mors ea integra reliquisset; irrevocabili- bus ultimæ sententiæ gladius ea omni-

nò abscinderet: Una Dei charitas Beatos occupabit: unum Dei odium, dam- natos: Tunc illud accidet, quod agnos- cit, & exaggerat B. Augustinus lib. 20. de Civit. Dei cap. 27. & sumpsit ex cap. 3. Malachia, ubi Deus loquitur de die Judicij, atque subdit. Et eligam eos, si- cut eligit homo filium suum, qui servit ei, & convertar, & videbitis quid sit inter justum, & impium: & inter servien- tem Deo, & cum qui nò servit ei: Quia ecce dies venit ardens sicut clibanus, & comburet eos, & erunt omnes alienigenæ, & universi qui faciunt iniqui- tatem, stipula: & succendet eos dies ve- niens, dicit Dominus omnipotens: & non relinquetur in eis radix, neque ramus: & orietur vobis qui timetis no- men meum Sol iustitiæ, & sanitas in pennis eius, & egrediemini, & salietis sicut vituli de vinculis relaxati, & conculcabit iniquos, & erunt cinis sub pedibus vestris, dicit Dominus omni- potens: post quæ verba Prophetæ, ait S. Augustinus. Hæc distantia præmio- rum, atque pœnarum, iustos dirimens ab iniustis, quæ sub isto sole, in huius vitæ vanitate non cernitur: quando sub illo sole iustitiæ, in illius vitæ manifestatione clarebit, tunc profecto erit iudicium quale nunquam fuit.

Ex hæcenus dictis quædam deduca- mus, quæ nobis erunt loco conclusionū.

1. Sit itaque, ut nihili facias huius vitæ discrimina, quæ tam vana sunt, & tam brevia, & tam parum condu- cunt: Sed magni æstima quæ sunt alterius vitæ, quæ tanti sunt momenti, quæ æterna sunt, quæ vera sunt. Hic habes cōtra elationem inagnum reme- dium, & contra aliorum contemptum.

Hinc

Hinc grande pauperibus solatium ex-
oritur : Hinc omnibus certum docu-
mentum, ne externa magni faciamus:
sed ut ait Christus Matth. 13. *Sinite*
utraq; crescere usque ad messem : & ut ait
S. Paulus 1. Cor. 4. *Nolite ante tempus*
judicare, quoadusque veniat Dominus, qui
& illuminabit abscondita tenebrarum, & ma-
nifestabit consilia cordium & tunc laus erit
unicuique à Deo : Sæpè cogita ad quam
manum pertineas, an ad dexteram,
an ad sinistram : utramque amplectere
in Crucifixo, misericordiam, & justiti-
am : sed time sinistram in iudicio,
time maledictionem, time damnatio-
nem. In alijs rebus aut remedium ha-
bere potes, aut solatium, in damnatio-
ne quod remedium ? æterna est : quod
solatium ? umma miseria est,

2. Ut hinc de amicitiarum nostra-
rum qualitate iudices, cùm unam ami-
citiam sequatur æternum divortium;
alteram autem conjunctio, & socie-
tas æterna. Sic ama, ut amare semper
possis. Equidem si in hac vitâ charo-
rum amissio, & separatio nos plerum-
que ita afficit, ac tangit ; licet illud
sciamus nos non illos amittere, sed
præmittere : quàm erit illud acerbum

in die iudicii, cùm erit æterna duorum
separatio ; & cùm pro amore succedet
odium, & aversio pro dilectione ? Non
jam erit uti dixit Sapiens Ecclef. 3. *Tempus amplexandi, & tempus longè fieri*
ab amplexibus : Item non erit *tempus di-*
lectionis, & tempus odij : nec *tempus belli, &*
tempus pacis : sed cùm antea fuerit tem-
pus amplexandi, tempus dilectionis,
& tempus pacis : tunc erit, non jam
tempus, sed separationis, & odij, &
belli æternitas : Quæ enim tempus
habent (habent autem quæ ad vitam
presentem pertinent) suis spatijs tran-
seunt universa sub cælo. Sed quæ ha-
bent æternitatem (habent autem om-
nia quæ ad alteram vitam spectant.)
nunquam transeunt, sed manent, sed
stant, & nunquam finiuntur : Hoc tan-
tum cura, id unum time, hoc solum
magni facias : ac scito te in eo statu bre-
ve post tempus futurum : nam nullo tem-
pore modico, quod tibi ad mortem
usque superest, à te distat æternitas : illa
in manu tuâ est, & in tuâ potestate ; sci-
licet ut illam habeas vel infelicem, at-
que miseram, vel beatam, & bonis om-
nibus cumulatam : quam præstet
nobis Dominus noster Iesus
Christus. Amen.



FERIA SECUNDA, VEL TERTIA

DOMINICÆ PRIMÆ QUADRAGESIMA

CONCIO SEXTA.

DE JUDICIO FINALI.

De secundâ actione Judicis, scilicet Interrogatione,
& Discussionē.

*Cum venerit Filius hominis in Majestate suâ, & omnes Angeli
eius cum eo, tunc sedebit super sedem Majestatis suæ.
Matth. 25.*

LICET dixerimus futuram in supremo Iudice summam in peccatores indignationem, iracundiam, & furorem, non tamen exercebit suum Iudicium, nisi per justitiam, secundum illud Sap. 5. *Sumet scutum in expugnabile aequitatem*: Quæ enim de eius iracundiâ dicta sunt, non significant in tam æquo Iudice futuram perturbationem, sed effectus prodigiosos, & maxime formidabiles, quales à furentibus & summè iracundis dum omnia disperdunt, prodire solent: unde de illo scriptum est Sapient. 12. *Tu autem dominator Virtutis*: Non enim cum impetu effundit suam potentiam, nec agit pro iracundiâ suâ, laxans illi habenas, quid enim faceret creatura, sed mode-

ratur suam virtutem, & potestatem: cætera autem faciunt tantum ad terrorem eum tranquillitate iudicis, *ep epyrkeas*, cum equitate, & cum magnâ reverentiâ. Id est, paritate, disponit nos: Nam non eget impetu, & violentia ut puniat: *subest enim tibi, cum volueris posse*: unde dicitur quod sedeat in sede & throno, *Tunc sedebit super sedem Majestatis suæ*: ne putares iudicium factum fuisse per tumultum, & confusionem: Itaque procedet modo iudiciali, & priusquàm condemnet aut puniat, interrogabit, defensionem audiet, nec nisi convictum condemnabit, secundum illud Ierem. 2. *Judicio contendam vobiscum, & cum filiis vestris disceptabo*: de quâ re nobis hodie agendum est, si prius opem divinam expedierimus precibus de Virginis. *Ave Maria.*

Quan-

QUANDOQUIDEM Sapiens in Ecclesiaste ad exhibendam nobis verè rerum humanarum vanitatem, studet commemorare nobis præcipuos mundi errores, non debuit neque potuit tacitus præterire quod sæpius in iustitiâ humanâ evenit. Unde capit anam ita loquendi cap. 3. *Vidi sub Sole in loco Judicij, impietatem: Et in loco Iustitiæ, iniquitatem.* Ecce prodigiosum confusionis genus, in terrâ videre nequitiam in throno tribunalique Judicij sedere: Chaldaus vertit domum Iudicij, in Iudicij sede ac domicilio, alij in loco ubi iustitiâ debet unicuique jus reddere, ibi triumphare iniustitiam de innocentium oppressione, ac de rei sceleratique lucro: peccati illius enormitas eò major est, quòd injuria oritur ex manu juris, iniustitiaque proficiscitur è iustitiæ throno, unde contrarium expectabatur: Eccli. 20. *Concupiscentia sparonis de- virginabit juvenculam: sic qui facit per vim judicium iniquum:* Cum enim quondam Virgines traderentur Eunuchis asservandæ, ne à quoquam contingerentur, ingens profectò fuit illorum scelus, contra hominum naturæquæ fidem, si quas custodire deberent intactas, easdem uitarent: Ita sanè iustitia Virgo integerrima, tradita Iudici servanda, & custodienda, si ab ipso Iudice per summam impietatem, & intemperantiam, contra hominum, & iustitiæ fidem consupretur, facinus turpissimum existit. Sed quoniam, ut ait idem Sapiens, omnia vicissitudinem & contrarium suum habent; eajustitiæ depravatio tempus respicit quo à suprema iustitiâ corrigatur. Unde fit ut Sapiens sermonem

suum continuans adijciat verba quæ sequuntur: *Et dicti in corde meo, iustum & impium, judicabit Deus:* Id est, quid moramur iustitias hominum, quoniam Deus omnes judicabit quicumque sint: duo ponit extrema, ut omnes intelligas: uti dicitur, à puero usque ad senem; à magno usque ad minimum, à viro usque ad mulierem: Ita ratione morum, iustum, & impium judicabit Deus, quæ verba sic exponit in suâ paraphrasi S. Hieronymus. Postea cum corde meo colloquens intellexi non per partes Deum, & per singulos judicare, sed in futurum tempus reservare judicium, ut omnes pariter judicentur: Pergit Sapiens, *Et tempus omnis rei tunc erit:* Hoc est, & sua tunc erit unicuique rei vicissitudo: seu in illud tempus omnia reservantur: vel eo tempore iusta erit rerum omnium retributio: Quare Deo propriè convenit munus judicandi: Quia verò *Pater non judicat quemquam, sed omne judicium dedit Filio:* hinc fit, ut cum dicitur Christus in suo secundo adventu, sedere super sedem Majestatis suæ, hæc sedes sit sedes Iudicium, seu domus iustitiæ, seu thronus ille eburneus, qui etiam vocatur turris eburnea ob invictam, & insuperabilem æquitatem, secundum quod dicitur in Apocal. cap. 10. *Et vidi thronum magnum, & candidum, & sedentem super eum.*

Porro huius judiciariæ potestatis omne exercitium ad duas potissimum actiones reducit: ad processum Iudiciale, seu reorum discussionem, hoc est, interrogationem, & convictionem: 2. ad sententiæ pronunciationem, eiusque executionem, quæ est totius

Judicij finis, & consummatio: de primâ hodie dicturi sumus, alterâ die de secundâ, nempe de sententiâ.

Quoad 1. igitur attinet: Cùm ante Christi tribunal steterint omnes gentes, secundum illud: *Et congregabuntur ante eum omnes gentes: publice proponentur omnium facta, dicta & cogitata, quæ vel præmio vel poenâ aliquâ digna fuerint, ita ut omnes, & singuli de se, & de quovis alio intelligere possint, quid boni vel mali tot sæculis ab initio mundi, usque ad diem iudicij præstitum fuerit: Id passim tradunt Scripturæ, Danielis 7. *Judicium sedet, & libri aperti sunt:* & Apocal. 20. *Vidi mortuos, magnos, & pusillos, stantes in conspectu throni: & libri aperti sunt, &c. Et iudicati sunt mortui ex his quæ scripta erant in libris secundum opera ipsorum:* Hæc autem librorum apertio seu manifestatio vocatur discussio & examen iudicis, quia in omnibus illam pariet notitiâ, quæ per examen, & multas interrogationes obtineri solet, immò etiam multò majorem: Id autem Deus efficit illuminando mentem cuiusque, tùm circa propria facta, tùm circa aliena, uti docet S. August. 20. de Civit. Dei cap. 14. ut accuset (ait) vel excuset scientia conscientiam, in quo puncta quæ subijcio, iudicium maxime reformidandum exhibent.*

1. Quod Deus nullius peccati obliviscatur, Osee 13. *Colligata est iniquitas Ephraim, absconditum peccatum eius: dolores parturientis venient ei, ipse filius non sapiens:* Comparat peccata nostra cum syngraphâ quam creditores nostri studiose custodiunt, & in sacculo clarè compresam tamen ur, crebroque evenit ut illâ

obligatus adaugens debita, evadat tandem impar solvendo, incidatque extremas in angustias & formidines: dū, quâ imprudentiâ est, mutuatur assidue, nec de solutione cogitat. Deuter. 32. *Nonne hæc condita sunt apud me, & signata in thesauris meis? Mea est ultio, & ego retribuam in tempore, quapropter Dei iustitia culpis nostris datur, usque eò ut quasi thesaurus fiat. Ita loquitur Apostol. Rom. 2. Secundum autem duritiam tuam & impenitentem cor, thesaurizas tibi iram in die iræ, & revelationis iusti iudicij Dei, qui reddet unicuique secundum opera eius. Et Job. 4. Signasti quasi in sacculo delicta mea, & gressus meos dinumerasti:* O Deus! ô quam tunc cognoscemus magno nostro damno, quanti valeant tot culpæ quas nihili pendimus, tot ineptæ cogitationes, tot sermones leviusculi, tot lascivi aspectus, tanta licentia minus honesta, tanta in Dei cultu negligentia, tot ordinarii defectus, tot peccata quotidiana, & ferè continua. Ac sicut corpora nostra pravis humoribus se complentia, progressu temporis & annorum decursum tantam illorum copiam colligunt, ut ea tandem mori. uceffe sit: ita diuivendo, sic offensarum nostrarum numerum augemus, ut demum obruiamur onere culpæ. Quamvis peccata nostra non id enormitatis habent quæ ipsis inest, solus eorum numerus nos perterrefaceret, cum in vitâ tot occasiones sese offerant. Quot enim verba profers uno die, quot unâ hebdomadâ, quot mense uno? magno isto ex numero quot sunt otiosa, inconsiderata, præcipitata, dissoluta, contra charitatem, contra sinceritatem, contra puritatem,

erant, contra innocentiam, contra cæteras virtutes? Proh Deus! quis numerus in tota hominis vitâ, maximèque si longa est, atque mundi negotijs districta. Super his omnibus cogita Deum illa universa collegisse, dinumerasse, relata in codicillos tenere. *Signasti quasi in sacculo delicta mea, & gressus meos dinumerasti.* Spirituales viri recognoscendo res à se gestas aliquot annis ad corrigenda quæ in vitæ cursu irrepunt errata, videre non possunt eorum ingentem numerum, quin percellantur animi formidine, confusique hæreant: Quid igitur futurum est, quando Deus nullâ re omissâ præsidebit illi examini, hocque totum colliget? Culpâ quælibet separatim spectata potest negotium facessere; sed quum universa nostra crimina, unam tantam aciem efficient, simulque collecta sese in capita nostra infundet, quæ animi angustia, qui timor, quæ desperatio: nunquid, ut ait Job. 21. *Lucerna impiorum extinguetur & superveniet eis inundatio, & dolores dividet furor sui?*

2. Quod præter notitiam & recordationem quam habet peccatorum nostrorum, perquisitionem nobiscum acturus est, ita severam atque exactam, ut ea sola ratio futura sit intolerabilis: quare scriptura illam diversis modis exprimit.

1. Nominat manifestationem & patefactionem, æquè plenam dilucidamque ac sol in meridie luceat. 2. Cor. 5. *Omnes nos manifestari oportet ante tribunal Christi*: illa autem manifestatio fiet à Sole iustitiæ, qui tenebras nostras illuminabit, & diem cognitionis efficiet, quia ipse *illuminabit abscondita tenebra-*

rum, & manifestabit consilia cordium, & tunc laus erit unicuique à Deo: vide quid occultum esse poterit si absconditæ tenebræ & cordium consilia revelabuntur: Cogita qualia erunt corpora Beatorum diaphana, in quibus tota humani corporis structura apparebit: ita conscientia fiet diaphana, & ab illo Sole illuminabitur. Certum autem est nullam esse culpam quæ sui vestigium in nobis nõ relinquat: illud Theologi maculam peccati appellant: Tertull. lib. 4. in Marcionem cap. 9. *stigmata delictorum.* S. Basilii *tipus toni martymenon*, formas eorum, quæ nequiter sunt admissa: Ambrosius in Apologia David: *Sunt profecto altè impressa quædam conscientia nostræ ulcera delictorum, & quædam mentium nostrarum, animorumque vibices, quæ animorum nostrorum obducuntur ulceribus.* Habet ergo culpa characteres suos, & apices, quibus proditur; & ita fieri non potest ut in tanto lumine aliqua lateat macula. Heu! quàm deformes apparebunt multorum animi, quam fœdi, quam ulcerosi! quam sibi ipsi anima displicebit, cum se adeo turpem, & fœdam videbit! Thren. 3. *Ego vir videns paupertatem meam in viro à indignationis eius.*

2. Vocatur dissectio anatomica, & ita exprimitur ab Apostolo Paulo qui loquens de verbo Dei Heb. 4. ita loquitur, *Vivus est enim sermo Dei, & efficax, & penetrabilior omni gladio ancipiti, & pertingens usque ad divisionem animæ, ac spiritus, compagum quoque ac medullarum, & discretor cogitationum, intentionum cordis.* Et non est ulla creatura invisibilis in conspectu eius: omnia autem nuda, & aperta sunt oculis eius

clius ad quem nobis sermo: Hæc metaphora petitura sacrificijs, in quibus fiebat dissectio subtilis partium animalis: & sermo est de ludicio, in quo Filius Dei, uti est in Apocalypsi gladium habet in ore suo, utraq; parte acutum, ut oris sui interrogationibus omnem peccatoris statum manifestet, & quæ sunt occultissima demonstret. Sicut igitur dissectiones in lucem proferunt omnes corporis partes, & nos in stuporem trahunt, illâ tot partium minutarum, & occultissimarum distinctione: Ita ille sermo Dei vivus & efficax, cum omnes actiones, & cogitationes, cordis affectiones, & secretas intentiones in lucem proferet, in unâ actione, ut in adulterio, tot species peccatorum distinguens. Quis tuus erit sensus dum fiet tui crebri dissectio, & omnes cogitationes tuæ manifestabuntur; dum cordis tui fiet, & omnes affectiones tuæ ostendentur; dum jecoris; & omnia tua desideria & intentiones tuæ revelabuntur; dum renum; & omnes tuæ turpitudines, & obscæni motus manifestabuntur.

3. Vocatur ludicilis coactio, secundum illud Psal. 7. *Scrutans corda, & renes Deus*: in Cræco est *etazon*, scrutans exactissimè, & diligentissimè inquirens, quod exponens S. Basil. ait dici proprie, cum à ludicibus vi tormentorum veritas à reis exquiritur, ut omnia dilucidè, & aperte proferantur: Hæc porro severitate Deum usurum esse ait, ac inquisitum in corda, & renes, id est in abditas cogitationes, in appetitiones, & in omnes vetitæ libidinis motus, & in omnes vitæ actiones: Cogita quid sic inquirenti Deo, non poterit esse apertum, cum animus volens & nolens

fateri omnia cogetur.

4. Sophonias Propheta cap. 1. Nobis Deum exhibet scrutantem in lucernis, *scrutabor Ierusalem in lucernis*, quam diligentiam Salomon appellat Sap. 3. *episcopin*. Inspectionem, seu visitationem: Nam ubi habemus. *Et in tempore erit respectus illorum*: scilicet iustorum legitur in Cræco, in tempore inspectionis ipsorum *episkopâ auton*. pergit *Fulgebunt*: Id est adhibitâ lucernâ, quæ universum mundum illuminabit, nihil in illis apparebit, quod illos reddat infames, ac pudore afficiat; nihil quod potius non exhibeat gloriosos ac omnino fulgentes. At in impijs fœda omnia apparebunt obscœna, & detestabilia quæ omnibus horrorem; ipsis verò confusionem pariant, & contemptum.

5. Vocatur librorum apertio uti diximus ex Daniel. 7. *judicium sedit, & libri aperti sunt.* & Apocal. 20. *& libri aperti sunt, & judicati sunt mortui ex ijs, quæ scripta erant in libris secundum opera ipsorum*: Cogita te nihil agere quod non scribas in conscientia quæ quoniam æterna est, indelebilem continet Scripturam: uti enim diximus ex Ambrosio in Apologiâ David, habet culpa characteres suos, & apices quibus proditur. Et quoniam ipse scriba es, & solus in tuâ conscientia scribere potes, ideo non poteris inficiari: mirû autè est quam molè uniusquisq; paginarum impleat in vitâ suâ.

Tertium quod in illâ inquisitione erit intolerabile est, quod omnia etiam vetera suscitabit, quorum nullam amplius rationem habebamus, eorum memoriâ quasi deletâ, erga quæ nullo tenebamur conscientia morfu, & quæ credebamus à tempore extincta penitus

tus fuisse. Nunquam lego sine horrore quod Deus præcepit Saûli quoad Amalecitas, quos iussit omnes ab eo interfici gladioque confodi, nulli parcendo neque ætati, nec sexui, neque conditioni, nequidem animalibus rebusq; etiam sensu carentibus, ob peccatum unum quadringentesimo antè anno commissum. Verba Scripturæ aliquid ponderis habent. 1. Reg. cap. 15. *Recenti quæcunque fecit Amalec Israël, quomodo restitit ei in viâ, cum ascenderet de Ægypto. Nunc ergo vade, & percutè Amalec, & demolire universa eius. Non parcas ei, & non concupisças ex rebus ipsius aliquid: Sed interfice à viro usque ad mulierem, & parvulum atque lactentem, bovem & ovem, camelum & asinum.* Eheu! miser peccator quid didurus es, cum perquisitionem illam videbis, ita curiosam, Deusque peccato omnia tua præteritâ è tenebris in lucem proferet: odium istud sic inveteratum; peccatum istud tuâ in adolescentiâ patrâtum, ac penè in infantiâ; peccatum hoc sic tibi usitatum & familiare, & quod adeo parvi facis; restitutionem hanc quam ita cautè diffimulasti, tandiuque prorogasti, cuius vitandæ tot prætextus cepisti, ut ab eius debito te eximeres; testamentum hoc suppressum; chartulam hanc abditam subductamque; testimonium hoc probatum contra veritatem; famam hanc iniquè læsam; exificationem hanc à te everfam contra jus omne, ac veritatem, cui tamen nihil adhibuisti remedij & compensationis; scandalum istud datum, neque unquam ablatum; milleq; alia peccata quorum conscientia nihil moveris.

4. Quod minima etiâ inquirat. Exemplum in Davide, Moysè, Saûle, Iosia,

Ezechia, & alijs multis. *Scrutabor Ierusalem in lucernâ*, unde S. Bernardus serm. 31. in Cant. Quid in Babylone tutum, si in Ierusalem manet scrutinium: *Si iustus vix salvabitur*, ait Petr. 14. *impius & peccator ubi parebunt?* Quid facient tabulæ, quando tremant columnæ istaq; S. Chrys. lib. de Compunct. cap. 4. ait Davidem semper habuisse in animo inustam ludicij memoriam; & in omni actione, in delictijs, in honoribus, id semper animo versasse, uti indicant eius Psalmi: Sciebat enim ait S. Chrysost. non solum homicidij, & contumeliæ, & aliorum criminum, quibus Dei numen violatur, reddendam esse rationem: sed etiam gelotas *he akavologu he estrapelias, he oti microteron*. Risus, & in tempestivi sermonis, & lris scurrilitatis, & rerum minimarum: ut scias nihil tibi leve videri debere, cum omnium ratio debeat reddi: & qui in carcere detinebitur non sic inde exiturum, donec reddat rationem usque ad novissimum quadrantem.

5. Quod non tantum actiones externas examinabit, sed etiam internas cogitationes, & volitiones, atque appetitiones, & desideria ut aperit indicat Apostolus, *Quia ipse illuminabit abscondita tenebrarum, & manifestabit consilia cordium*, unde subdit. *Et tunc laus erit unicuique, à Deo*, adde & vituperium: Itaque patebunt omnes rectæ & pravæ cogitationes, omnia desideria, omnes intentiones, ex quibus eperâ externa prodierunt: Neque tantum istorum substantiam, & entitatem sed circumstantias omnes aperiet, examinabit, ac propalabit: Ita enim loquitur S. Basil. lib. de verâ Virgine.

Virgin. Non confusè, aut summatim, aut indigellè peccata nostra cernentur, sed singula per partes, ut se habent, velut in picturâ noscentur: Exempli causa quomodo ad patrandum quisque adulterium è lecto surrexerit, quibus passibus incedens usus sit, quo motu corporis, lentiore, aut contentiore: quem habitum dum progrediretur assumpsit, & quâ parte domus irrumpēs, uxorem alienam violarit; quo item ordine huic mulier ad nefarium opus se subtravit: Hæc, inquam, omnia velut in tabula per partes diligenter expressa cernentur: nec opus tantum externum, sed & internæ cogitationes. Ubi fiducia tuâ? miser peccator, ubi arcanum tuum? quid profunt tenebræ tuæ? quò evadunt artificia tuâ? quo afficeris pudore, cum vias tuas repetet Deus, tua persequetur vestigia, & detestabilem nequitia tuâ telam filatim retexit? Clanculum & noctis patrocinio cam orsus fueras, inscientibusque mortalibus: Sed magnus ille Deus, qui consilia tua intelligit, qui scit proposita scopû mentis tuâ, cui aperta est improbitas tua, frontem tibi perfundet pudore ignavia tuâ, perfidia tuâ, inventorumque diabolicorum.

6. Non tantum de commissis, sed etiam de omisissis interrogabit. Cum enim duplicis generis data sint præcepta, positiva & negativa, & contra illa peccetur omissione, contra ista, commissione, de omisissis etiam reddenda erit ratio. Certè ad hunc scopulum omnes ferè adhærescunt, qui nihil omissiones æstimant: Et tamen quid ille servus fecerat, qui talentum Domini infoderat, cum tam severè punitus est? Matth. 25.

Et inutilem servum eijcite in tenebras exteriores, ibi erit fletus, & stridor dentium: Quid ficus inventa sine fructu? cui dictum est, Matt. 21. Nunquam ex te fructus nascatur in sempiternum: & arefacta est continuò ficulnea: Quam sæpe contingit, nihil ab aliquo commissum quod scelus sit, qui tamen ob solas omissiones damnabitur: & hoc præsertim in potentioribus continget, cui enim plus est datum ab eo plura exigentur, & quidem meritò, nam non tantum præcepta sunt negativa, sed etiam positiva, & hæc maximam vitæ nostræ partem continent, & plus à servo exigitur quod faciat, quàm quid non agat, præsertim cum præmium potius speçiet id quod egeris, quàm quid non egeris: neque enim merces servo debetur quod nò furatus fuerit, quod non percussit conservum, sed quod hero suo ministraverit, & impenderit obsequia.

7. Quod non tantum de proprijs, sed etiam de alienis rationem inquirat. Atque hoc illos potissimum speçtat, qui vel aliorum curam habent, vel qui alijs præsent, tamen in universum dicitur quod unicuique *Deus mandavit de proximo suo*; & ut notat S. Chrysost. hæc vox, *Nunquid ego sum custos fratris mei?* innumera mala intulit in mundum. Sed præsertim de dato scandalo. Hæc autem peccata licet minus esse nostra videantur, præsertim cum in alio etiam vindicentur, nihilominus etiam de illis ratio, & pœna ab Authoribus exigitur: Ita in Olce Piopheta puniuntur domus Jehu propter inducium Israël in idololatriam, secundum illud, *Adhuc modicum, & visitabo sanguinē Iezabæ*.

Jezabel super domum Jehu: Agedum licentioris vitæ homo, scandalī artifex, peccator; Tūque insolens & dissoluta mulier; quid dicetis Deo cū rationem vos reddere jubebit, tot animarum exemplo vestro perditarū? Fœmina hæc damnata ob commaculatum conjugis sui thorū; puella hæc seducta & dedecore operata; juvenis, hic vitæ solutioris, delinitus illecebris tuis, tuāque causā cruciatus inferorum flāmis, vindictam adversus te inclamat. Quid agunt tabulæ & lascivæ in ædibus tuis? Quid clamitant turpes isti apud te, & ab te sparsi in vulgus libelli? Quid de alijs quibuscque prout tibi lubuerit maledicendi facilitas, quid projecta ad quidlibet loquendum, statucndum, faciendumque licentia, in te à vindice Deo exposculant? Vide quid profeceris sermonibus impijs, turpibus, jocatorijs, mendacibus, perjurijs, aliisque istiusmodi tūm operibus, tūm verbis? Mitto cætera, quorum tibi conscius ipse es, falsam in circulis doctrinam, propositiones erroneas in materiâ fidei, in religionē, in moribus: fraudes in commercio, in fallacibus chirographis, & alia eius alteriusve generis peccata: Daniel. 13. *Sic faciebātis filiius Israel, & illa timentes loquebantur vobis. sed filia Jude non sustinuit iniquitatem vestram:* Multa addi possunt contra Magistratus, & Principes qui multa perperam agi sinunt, aut permittunt, aut dissimulant: contra Parentes qui id faciunt in liberis: Vide exemplum Heli: Item contra dominos qui non curant de domesticis, aut de subditis, &c. Ezechiel. 33. *Et tu fili hominis. speculatorem dedi te domui Israel: audiēs ergo ex ore meo sermonem, annuntiabis eis ex*

me: Si me dicēte ad impium: Impie, morte morieris, nō fueris locutus, ut se custodiat impius à viâ suâ, ipse impius in iniquitate suâ morietur, sanguinem autem eius de manu tuâ requiram.

8. Quod non tantum peccata, sed etiam iustitias iudicet, secundum illud Psal. 74. *Ego iustitias iudicabo.* Et Psal. 9. *Sedisti super thronum qui iudicas iustitiam,* nō tantum quia Deus iusta iudicat, hoc est iustē, sed etiam quia nostras iustitias discutit & examinat quoniam singula ponderat, gravitatem, malitiam, durationem, numerum; At non, ad mendax hominum, sed ad iustum Dei pondus. Immanes pecuniæ summas furaris, & levissimam tantum restituisti. Largiris eleemosynas ex latrociniiis tuis, Isa. 66. *Qui immolat bovem, quasi qui interficiat virum, &c. Qui offert oblationem, quasi qui sanguinem suum offerat, &c.* Opera tua omnia vanitate perdis, putas te Deo satisfacere, faciens preces tuas, crebro ad sacrā communionem accedens, frequentansque Sacramenta. Interea verò plenus es simultatibus, inimicitijs, iniustitiâ, Injurijs, contumelijs, contemptibus, vindictis. Quid notabile unquam pro Deo fecisti? quid, inquam, aggressus es pro ipsius gloria? tua te ducit passio, pertinacia tua, propria tua voluntas. Isaia 65. *Hæc omnia elegerunt in vijs suis, & in abominationibus suis anima eorum delectata est, & cap. 58. Me etenim de die in diem quærant, & scire vias meas volunt, quasi gens, quæ iustitiam fecerit, & iudicium Dei sui non dereliquerit: rogant me iudicia iustitiæ: appropinquare Deo volunt. Quare jejunavimus, & non aspexisti: humilia vimus animas nostras, & nescisti? Ecce in die jejunijs vestri invenitur voluntas vestra, &c. Nonne tale est jejunium quod ele-*

Ddd

gi, &c.

gi, &c. Quàm multi se deceptos vident; quàm multi nihil proderunt orationes, nihil jejunia, nihil austeritates, nihil eleemolynæ: Ita eas actiones inquinat, aut prava intentio, aut vanitas, aut defectus circumstantiæ necessariæ ad virtutem, Isa. 64. *Quasi pannus menstruatus, omnes iustitiæ nostræ.*

9. Quod tibi nolenti non tantum peccata tua manifestabit, sed eorum etiam turpitudinem, & gravitatem: Quàm multi secum dissimulant, sibi que parant, atque indulgent: quàm pauci se norunt, & quàm pauci se judicant, I. Cor. 11. *Quod si nosmetipsos dijudicavimus, non utique iudicemur: dum iudicamur autem, à Domino corripimur: unusquisque suas bonas auget actiones, minuit offensas, & ferè unusquisque sui ipsius pessimus est iudex: sed tunc unusquisque cogetur seipsum velle nosse, & salum de se iudicium emendare.*

10. Quod non tantum tibi sed omnibus manifestabit. Ambros. in Apolog. David: Væ mihi quia latere cupio, & latere non possum: quomodo enim latebo qui inscripta in pectore meo, gero meorum iudicia peccatorum: Porro in tali tui ipsius manifestatione.

Cogita 1. Quot in illâ erunt oculi: certè quotquot homines fuerunt, & Angeli: quot Beati, quot damnati: in quibus Deus tui speciem producet, unde omnia tua perinde illis obijciuntur, ac si ipsi ea perpetrari vidissent, eaque haberent in recenti memoria: obijciuntur enim cum suis circumstantiis, sicut de facto gesta fuerunt; neque solum opera externa, sed etiam internæ cogitationes tuæ, & volitiones, & ut ait Apostolus, quæ abscondisti in tenebris,

& cuncta consilia cordis tui: ita ut omnes simul omnem vitæ tuæ turpitudinem & dedecus uno penitus intuitu pervideant.

2. Quos præsertim oculos inter omnes timebis?

3. Quibus præcipuè de causis: & quâ id tibi durum. Hoc enim summum est dedecus quod esse potest, cum honorem & famam sis amissurus respectu omnium. Ad hæc non tantum Deus factorum tuorum speciem omnibus imprimet; sed unicuique justam tui cognitionem & æstimationem inuret: unde apud omnes, qualis es, justè æstimaberis, & unumquemque iudicem feres. At quàm atrox tibi videbitur, ut qui innumerorum mortalium oculos sefellisti, illis omnibus appareas qualis sis? Certè quilibet in hac vita infamis, parum est infamis: quàm enim pauci sciunt, non urbs tota, nec in urbe omnes, etiam quæ sunt maximè publica & vulgaria: non in unâ provinciâ: non in uno regno: quàm multi homines non audiunt, quàm multi nesciunt, aut scire negligunt: quàm multi non cogitant: quàm multi non curant quàm multi excusant: quàm multi vel charitate, vel iustitiâ defendunt, aut occultant, aut timent: sed ut ait Sapiens, Ecclesiastis 3. *Et tempus omnis rei tunc erit*, Et ut ait Apostolus, *Tunc laus erit unicuique à Deo*: itaque apud omnes, & in omnium cognitione honorem amittes. Iterum quàm hoc atrox, & intolerabile, ut tu qui tantopere dedecus times, ita sis infamis? equidem omnis sapiens, & sensu præditus honorem non tantum pecunijs, sed etiam vitæ prætulit Proverb. 22. *Melius est nomen bonum quàm divitiæ multe*: illum pudorem ait

ait Basil. futurum maiorem, quam sup-
plicium inferorum: Cogita quando pu-
dore aliquando confitearis turpia: Sed
si publicè confiteri oporteret, quid fa-
ceres? Et tamen, *est confusio*, ait Scriptu-
ra Ecclesiastici 4. *adducens gloriam, & gra-
tiam*, quomodo feres illam quæ parit,
vel quæ sequitur dedecus? Quam meli-
us est nunc aliquam confusionem per-
peti, & illas maculas eluere, quæ si re-
manferint, tantum pudorem genera-
bunt: Quid igitur fidis tuis tenebris, &
hominum ignorationi? quasi verò om-
nia sciri aliquando non debeant, *nihil*
enim oportum est quod non reveletur, neque
absconditum quod non sciatur: Liceat tibi
dicere, quod dux fortissimus Bellis-
sarius dicebat legalis Cothorum, uti re-
fert Procop. libro tertio de Bello Got-
hico: veniet aliquando tempus cum
nusquam capita vestra, & ne quidem
inter vepres occultare poteritis, neque
ullus erit evadendi locus: præsertim in
illis moribus, quibus vivimus, ubi tam
multa scelera committuntur, & tamen
in speciem multa bona, & honesta ostē-
duntur: Hic tuæ sordes; hic tua futura,
tua perfidia, tua impietas, tua adulte-
ria apparebunt, & quoniam peccatum
carnis supra reliqua coniunctam habet
infamiam, si cætera deessent, hoc vel
solo nomine fugiendum esset: quis e-
nim oratione possit explicare quis sit
futurus pudor, quæ verecundia: Quo-
tidie nos metus infamiæ à multis de-
terret, cur non ab illo foedo crimine?
Scio multos huius criminis gravitatem
vel minuere vel excusare: hoc vel unū
cogita, quidquid adulter tibi offerat
vel polliceatur, te inde summam om-
nium infamiam manere, quam nec te-

nebræ occultare possint, nec impuden-
tia tollere.

Sed ut priora repetam, hac rerum
omnium factâ manifestatione, non o-
pus erit aliis allegationibus, vel testi-
bus: ipsa quippe conscientia, & lumen
internum, quo quisque videbit sua sce-
lera accusabit ipsum, & simul contra
eū testabitur, & reū peraget, ita ut neq;
interi⁹ neq; exterius audeat negare, se-
cundū illud Apost. Rom. 2. *Inter se invicē*
cogitationibus accusantibus, aut etiam defen-
dentibus, in die cūm judicabit Deus occulta
hominum: & hæc erit prima convictio.
Deinde quia sicut unicuique sua pec-
cata patebunt, etiam toti mundo ma-
nifesta erunt, perinde ac si coram om-
nium oculis patrata essent; ideò sicut
in ijs, quæ iudici & toti mundo noto-
ria sunt, nullus est tergiversandi mo-
dus, ita neque hīc erit: Præsertim quo-
niam unusquisque clarè videbit, om-
nes cognoscere internam accusationem
quā propria conscientia quemque ac-
cusatura est, & condemnatura, quo mo-
do reum convincendi, & omnem ter-
giversationem adimendi, nullus effica-
cior fingi potest; & hæc erit secunda
convictio: Tertiā efficient omnes crea-
turæ rationales contra peccatorem as-
surgentes juxta illud Jobi cap. 10. *In-*
stauras testes tuos contra me: Quartam res
etiam inanimatæ, quia uti dicitur Ha-
bacuc 2. *Lapis de pariete clamabit, & lignū*
quod inter iunduras edificiorū est, respondebit;
quanto magis reliquæ creaturæ, uti
cælum, sol, astra, elementa, quibus om-
nibus peccator abusus est: Quid tū in-
terim inter tot voces, tot testimonia,
tot clamores, nisi quòd te reum confi-
tearis? Jobi 9. *Verè scio quòd ita sit, & quòd*

*non iustificetur homo composuit Deo. Si voluerit contendere cum eo, non poterit ei respondere unum pro mille, &c. Si repente interroget, quis respondebit ei? Quid superesse itaque poterit, nisi ut sententiam proferat: sed de hac re sequenti die. Hoc tu interim provide in præsentī vitā, ut sicut ait David, disponas sermones tuos in iudicio, quod rectè facies, si quod nunc licet, tu tecum instituas privatum iudicium. Te ipsum ergo interroga, conscientiam tuam evolve, considera statum animæ tuæ, circa omnia quæ notavimus futura capita interrogationis iudicialis, circa peccata gravia, & levia, cogitationes, intentiones, omissiones, aliena peccata, tuas iustitias, acquisita merita, factam satisfactionem. Quod si nec tibi ipsi satisfacere potes, quanto minus Deo, omnia videnti, omnia severè examinanti? Jobi 9. *Quantus ergo sum ego, ut respondeam ei, & loquar verbis meis cum**

*eo? Qui etiam si habuero quippiam iustum, non respondebo sed iudicem meum deprecabor. Et cum invocantē exaudierit me, non credo quod audierit vocem meam. In turbine enim conteret me, & multiplicabit vulnera mea, etiam sine causā. Non concedit requiescere spiritum meum, & implet me amaritudinibus. Si fortitudo quaeritur, robustissimus es: si æquitas iudicij, nemo audeat pro me testimonium dicere: Si iustificare me volvero, os meum condemnabit me: si innocentem ostendero, pravam me comprobabit. Etiam si simplex fuero, hoc ipsum ignorabit anima mea, & tenebit me vitæ meæ, quod si hæc de se Jobus dicere potuit, quanto magis nos; & de nostris rebus, & nostro statu iudicium ferre: ut unusquisque nihil de se præsumat, unusquisque semper timeat Proverb. 28. *Beatus homo qui semper est pavidus: Qui verò mentis est durus, corruet in malum: Tu hinc semper time, ut in aliā vitā possis esse securus. Amen.**



FERIA SECUNDA, VEL TERTIA

DOMINICÆ PRIMÆ IN QUADRAGESIMA

CONCIO SEPTIMA

DE JUDICIO FINALI.

De tertiā iudicis actione, nempe Sententiā.

Cum venerit Filius hominis in Majestate suā, & omnes Angeli eius cum eo, tunc sedebit super sedem Majestatis suæ: Matthæi 25.

QUIDQUID hætenus de iudicio a me dictū est, videtur tantum spectasse iudicij præparationem: quod dicendū mihi superest, totam iudicij substantiam

continet, nempe sententiam iudicis, quæ totius huius tanti apparatus clausula est; unde omnis creaturæ aut beatitudo, aut infelicitas dependet. Quod si sola intimatio iudicij tantum homi-

hominibus timorem incutit, immò sola auditio, secundùm illud Psal. 75. *De cælo auditum fecisti judicium, terra tremuit & quievit.* Et Hebr. 10. *Terribilis autè quædam judicij, & signis emulatio: in quem locum S. Anselm. etià timor judicij malis resurgentibus est pœna inenarrabilis, & gravior quàm gehenna: si, inquam, talis est expectatio, & timor, quòtò magis presentia, & consummatio ? Certè si sola pictura judicij Bogarim primum Bulgarorum Regem convertit: si Dositheum juvenem in delictis nutritum abstraxit à sæculo, cur non idem poterunt apud nos verba Christi, quibus judicium nobis expressit? sed quia nihil sperare possumus sine gratià, illam per Virginem exposcamus. Ave Maria.*

NEMO planè est qui de sapientià & justitià Salomonis nò audierit, cuius in judiciis tanta fuit æquitas, ut dicatur in Scripturà sedisse in solio Dñi: Nemo item qui non audierit qualem sibi thronum fecerit, unde æquitatis oracula pronuntiaret: sic enim scribitur 3. Reg. cap. 10. *Fecit etiam Rex Salomon thronum de ebore grandè; quem locum exponens mysticè Rupertus, interpretatur de extremo ludicio: Quis (inquit iste thronus tam gràdis, tam mirabilis, nisi altitudo majestatis, in illo die novissimo magni & tremèdi judicij: gràdis thronus est, quia grande judicium expectamus: Est autè thronus ex ebore, quia judicium ex puritate constabit justitiæ: auro vestitur, quia nimirum aurea divinitatis justitia revelabitur: sex ille habebat gradus, quia sex sententiis judicium perficietur: Esu-
*riivi, & non dedisti mibi manducare: sitivi, &**

non dedisti mibi potum: bosper erum, & non

collegisti me: nudus, & non cooperuisti me: infirmus, & non visitasti me: in carcere, & non venisti ad me: Duæ manus, hinc atq; inde, duo sunt tenores, hinc justitiæ, inde misericordiæ: Duo leones juxta manus singulas, quia utrobique fortis, atque formidabilis erit judicij veritas: Etenim à sinistrâ omnis iniquus condemnabitur: & à dextrâ justus vix salvabitur: Duodecim leiculi super sex gradus stâtes, duodecim sunt Apostoli: ubi vides omnia in judicio esse grandia, magnifica, & formidabilia: sed præsertim duos illos magnos leones, geminâ illam sententiâ, quam exprimit gladius ille bis acutus, de quo dicitur in Apocalypsi: *Et de ore illius gladius bis acutus exibat: Græcè rompaia distomos, quasi dicas, gladius duplicis oris, propter dissimilitudinem utriusque sententiæ, de quâ hodie uberius à nobis dicendum est.*

Factâ itaque plenissimâ judicandorum discussione, post operum omnium, dictorum, & cogitatorum, & volitorum manifestationem; omnibus rebus planè examinatis, subductâ ratione omnium meritum, & demeritorum, reis convictis, & consentientibus, factâ rerum omnium comparatione, expensâ accuratè dati & accepti sumâ, ingenti totius naturæ silentio, & suspensâ omnium hominum, & Angelorum, expectatione, in sumâ creaturarum omnium trepidatione: rebus omnib; ad majestatem compositis, nihil aliud supererit quàm ut Iudex in excelso solio constitutus sententiam ultimâ proferat, quod sumâ autoritate faciet, athuc semel, ut ait Propheta, *cælum & aridam commovens, ultimâ faciens in rebus creatis mutationem.* Et primò quidem ad Electos, qui ad eius

Ddd 3 dexte-

dexterā erunt in sublimi, se convertēs, clarā & distinctā voce, audientibus & videntibus omnibus reprobis, summā Electorum exultatione, incredibili dæmonum mœrore, intolerabili damnatorum pudore, summā Angelorum approbatione, sic pronuntiabit. *Venite benedicti Patris mei, possidete paratum vobis regnum à constitutione mundi*: Hæc sententia sensibili voce proferetur, (aiunt Doctores) tūc ut à reprobis intelligatur, tūc quia iudicium inter homines, sensibili modo fieri convenit, qui solus naturæ humanæ conveniens est: Iudex enim apparebit visibilis, thronus erit visibilis, & iudicandi erunt visibiles, cur non etiam sententia erit sensibilis? Complectitur autem quidquid ad præmium, aut consolationem Iustorum desiderari potest, aut expeti:

primò enim quantum est in tantâ totius creaturæ trepidatione, & commotione, (nam ut ait textus, *Virtutes cælorum commovebuntur*) inibi esse securum, idque iuberi ab ipso Iudice, & verbis tam placidis, & sic amorem & suavitatem spirantibus?

Secundò, Quæntus honos in illâ tam severi Iudicis, post tam exactum, & rigidum examen, approbatione, & in eo theatro, ubi omnium gentium oculi, & aures, coronatione? Quid nō mortales efficere, quid nō pati; quid non dare deberēt ob illū solidū, verū, & adeo, excelsum honorē? Noli mihi loqui ludos Olympicos, & in illis collectam Græciam: Noli triumphos Romanorum, & decretos à Senatu honores: Hæc omnia terreni sunt honores, vitæ miseræ & mortalis: Hic, si unquam, vera gloria, vera laus, verus honor: Nam quæ laus

similis commendationis divinæ? quæ major gloria, quàm ea manifestatio quæ nullum latet, ubi collecti sunt omnes quotquod ab orbe condito fuerunt & iunt, vel Angeli, vel homines quis honor similis, quàm qui ab ipso Deo præstatur; Rectè igitur sensit Apostolus, cum dixit 1. Corinth. 4. *Nolite ante tempus iudicare, quoad usq; veniat Dominus, qui Illuminabit abscondita tenebrarum, & manifestabit consilia cordium, & tunc laus erit unicuique à Deo*:

3. Omnes Beatitudinis partes complectitur: Essentialem, atque præcipuā in conjunctione cum Deo, cum ait, *Venite*: eos enim sic ad se vocat, ut eis se communicet, atque indissolubiliter jungat: Itē, variam & omnis generis, per omnium bonorum quæ optari possunt possessionē: dūm vocat benedictos: Etenim in Scripturis ubertas, & abundantia, benedictionis nomine significatur: Quòd autem dicit *Patris mei*, non terrenā benedictionem significat; sed quæ sit Deo digna: honorem autem, & gradum cum subicit, *possidete regnum*, hic est enim apex magnitudinis, & dignitatis: securitatē demū exprimit, cum ait, *possidete*, ut sciāt se verē futuros illius regni dominos: vox græca peculiarem habet significationem *Klyronomisate*, hæc reditate, seu tanquam hæreditatem, possidete, nimirum ut filij Dei: *si filij & heredes*: Rectè Chryl. in hæc verba: ô quātā gloriæ quātc beatitudinis hæc verba sūt: nō dicit accipite, sed hæreditate; quasi propriā, quasi paternā, quasi vestrā, quæ vobis à principio debebatur: Itē securitas, cum ait, *parati vobis regnum*: hoc ostendens non esse regnū quod invadunt, sed: quod gratiā ipso.

ipforum esset conditum, itaque in eo finem esse universi, & ad hoc esse conditos, hoc regnum ipsis esse debitum: Nam antequam nati sitis, (sunt verba huius Sancti) quia sciebam vos huiusmodi futuros, hæc vobis à me præparata fuere: Idem quoque significat à cōstitutione mundi, ubi indicatur mundum esse conditum propter gloriam Sanctorum, ut ipsi in æternum beati sint in cælo & participes bonorum divinorum: unde Apostolus Paulus, *omnia propter vos*.

Duo postea subiicit, causam allatam à Iudice, & excusationem Iustorum, atque humiliationem: Quoad causam, opera misericordię in eges enumerat sigillatim, potius quam alia opera, ut scias.

1. Nullum opus bonum carere mercede: itaque si pro tecto, pro veste, pro pane, pro aqua frigida, pro visitatione, pro verbo consolationis datur tanta merces; quanto magis pro operibus & maioribus & melioribus, uti sunt pietas, castitas, mortificatio, martyrium, &c.

2. Neminem esse qui ad gloriam aspirare non possit: nam omnes saltem aliquid horum præstare possunt, unde ea sigillatim nominat; præsertim cum meminerit minimorum officiorum. Si enim infirmus eget sanitas, non petit ut sanes, sed saltem ut consoleris: Si qui vincens est eget libertate, non petit ut solvas, sed ut visites: alioqui voluntati tuę committit, ut possis maiora præstare, & maiorem laudem acquirere, sed sufficere ostendit minora, ad tantum mercedem, ut nemo excusare possit si non assequatur.

Quoad Iustorum excusationem, cum dicent, *Domine quando te vidimus esurientem, &c.* His verbis significatur eorum admiratio, cum videant tam exigua opera tantâ mercede compensari, ut sciunt, se gratiam pro gratiâ accipere: unde dicitur Apocal. 5. & 7. *Omnes in faciem suam adorantes procumbent, agentque gratias*, quòd tantum bonum ipsius potissimum meritis, & sanguine, ipsis obveniret. Quis hic exprimat, quo sensu, quo gaudio, & quâ exultatione hæc audient Sancti, quâ gratiarum actione? An putas si non essent immortales vivere possent? *Euge serve bone & fidelis, quia in pauca fuisi fidelis, intra in gaudium Domini tui.* Certè nemo scit nisi qui accipit. Tu quisquis sis, quid tūc fecisse velles, aut passum esse, quid non despexisse?

Sed quanto putas dolore afficiendos qui relictī fuerint? Certè qui harum rerum commemoratione ad sublimia opera non accenditur: nescio quibus tandem rebus tangi possit: quæ enim major potest esse merces, à quâ meliori manu potest accipi, in quo majori theatro, & quâ gloriâ illustrior?

His peractis convertet se Dominus terribili vultu versus sinistram ad impios in terrâ positos, & de iustorū gloriâ per summam invidiam tabescentes, contra quos ultimam sententiam pronuntiabit. Hic est, ô infornate peccator, extrema afflictio tua, finisque iudicii: causa est ob quam factus est omnis ille ingens apparatus, horribile illud est ac intolerabile irati Dei verbum: prodigiosum illud exemplum totius severitatis: resonans illud & obsupectum tonitru, quod Deus brachio iræ incen-

incenso vibrabit in hostium suorum caput : gladius ille est acutus qui exibat de ore iudicis, dicere velim , postrema sententia est, quàm Deus supremâ jurisdictione pronuntiabit adversus miseram animam tuam, divisione , doloris plenissimâ, quæ te separabit æternū ab ipso, à tuo fine, à beatitudine tuâ, à societate sanctorum, à participatione bonorum omnium, te ad pœnam æternam damnando, te tradendo hostibus tuis, qui dæmones sunt, quorum in societate æternū cremaberis. Terribilia sunt horrendaque illa verba, quæ nulum os mortale potest proferre, nisi nimis moliter, nimis demissè, nimis infirmè, & cum imminutione eorum amplitudinis, acerbitatibus & majestatis. *Discedit à me maledicti, in ignem æternum, qui paratus est Diabolo, & Angelis eius.* Ô quæ verba, & quam intolerabilia, Dei ad creaturam suam, Dei facti hominis, hominibus eiusdem cum ipso naturæ, & quos ita dilexerat, ut pro ijs mortuus fuerit! Ô quale tonitruum, ô quale fulmen, & quam perhorrescendum! Quam verè dixit Isaïas cap. 30. *Labia eius repleta sunt indignatione, & lingua eius quasi ignis devorans.* Quæ enim tempestas & quod incendium tolerabilius non est illa voce, de qua David Psal. 67. *Ecce dabit voci sue vocem virtutis, & lob. c. 40. Dominus de turbine dixit, &c. Si habes brachium sicut Deus, & si voce similis Jonas:* Heu, mi Deus! quis poterit impetum illum sustinere, cum ultrix iustitia Dei se instar nubis dirumpens intorquet ore brachioque irritato illa intolerandam sententiam perinde ac fulmen accensū adversus creaturam adco infirmam cu-

iusmodi est homo. *O custos hominum, quare posuisti me contrarium tibi? contra solum quod vento rapitur, ostendit potentiam tuam, & stipulam siccam persequeris:* Quid dicam quæ illam sententiam comitatura sunt, quæ secutura? Sed nihil horribilius dici potest, quàm si exponamus quid eius verba contineant.

1. Itaque in illis continetur actualis creaturæ reprobatio ad actum redacta: Cum enim propriè loquendo, reprobatio sit a deus intellectus, sic à me explicatur per ultimam cogitationē postremamque exsultationem quam Deus habet de peccatore, quæ duobus in capitibus consistit. Primum est, reputare illum omni bono indignum eiusq; incapacem, secundum hæc Matthæi verba cap. 2. *Et inutilem servum, eijcite in tenebras exteriores.* Cogita Deum cognoscere omnia, suo in iudicio non ferri odio, nec invidiâ, nec passione nec ignorantia, sed eo in loco, in eâque actione, ubi esse non potest nisi iustissimus, post examinata atque expensa opera omnia, universa merita, demeritave, culpas omnes & satisfactiones, quod fuisse antea, & quod postea futurus es, quid quid habes tum ab illo tum à teipso, per gratiam suam, tuamque culpam, expensis subductisque omnibus, omnibusque definitis, suscipientem demum postremam quam de te habere potest cogitationem, judicare te omni bonorum genere indignum. Illum eundem, qui rationem habet decies mille hominum qui in hæc vitâ vilissimi & abjectissimi fuere, qui eos non dedignatur, cum in te aliquam æstimationis & prætij causam quærit, te omni bonorū genere

genere quodcunque illud sit, indignum iudicat, idque in æternum, atque hanc esse ultimam, immò unicam cogitationem quam in perpetuum de te habiturus est: Eheu senti de te quicquid volueris, omnes creaturæ te in pretio habent, atque honorent, ora omnia hominum ad te collaudandum solvantur, sola hæc Dei cogitatio est improbatio cæterorum omnium, quæ non potest esse nisi verissima post ipsius iudicium, nempe indignum esse te omni bonorū genere, te nullius esse pretij, te nihili hominem esse, quodque augeri non potest, adeò id ad extremum usque pervadit, te minimè capacem esse, atque omni bono indignum, minimè inquam capacem esse faciendi, indignumque recipiendi, sive consideremus Deum, ut authorem naturæ, vel ut principium boni supernaturalis. Itaque nulla tibi erit in intellectu veritas, nulla cognitio, nisi ad tormentum: nullus item in voluntate metus probus, sed summa perversitas: ne una quidem bona cogitatio in totâ æternitate, ne unum quidem bonum desiderium: neque in Deo ulla cogitatio pro te, quæ ad commodum tuum sit; ne minimus quidem respectus aut aspectus. Et ecce fundamentum æterni dedecoris, quod operturū sit pudore animam damnatam totâ æternitate, *qui me contemnuunt erunt ignobiles*; atque in eâ æstimatione reprobatio propriè consistit: Ierem. 6. *Argentum reprobum vocate eos, quia Dominus proiecit illos*. Id est, tanquam omni bono indignos rejecit, atque reprobavit: unde illa vox. *Discedite à me*: Sic anima respectu Dei, omnia nomina amittet, & eodem

statu erit in eius curâ, & æstimatione, ac non ens: *Voca nomen eius non populus meus*: Quare semper vocabitur nominibus negativis, secundum illud Deut. 32. & Rom. 10. *adducam vos in non gentem, non populum*: Item *qui non est*, secundum illud Iobi 18. *habitent in tabernaculo illius, socij eius qui non est*: & Esther 11. *Ne tradas Domine sceptrum tuum his qui non sunt*: Itaque Deus prorsus nihili faciet peccatorem.

Secundum æstimationis illius caput & reprobationis, est cum nominare maledictum, hoc est odibilem, execrabilem, & dignum omni pœnâ. *Discedite à me maledicti*: Certè ut ait Cyrillus Alexand. Cui Deus maledixit, nescio quis ei benedicere poterit, cum Dei dicere sit efficax, & ab illo pendeat omnis benedictio: Verè cui Deus maledixerit, erit ille maledictus: Et tamen cui rei nō benedixit Deus? animantibus, volucris, piscibus maris, plantis, arboribus, & terræ: Et cum rebus omnibus benedixerit; uni inter omnia peccatori maledicit. *popule meus qui te beatum dicunt, ipsi te decipiunt*: Etenim quàm parum refert, si tibi homines benedicant, cum Deus maledixerit: Immo quia ultima ista est, & summa maledictio, erit nō solum à Deo, sed à rebus omnibus, neque tantum erit respectu unius rei aut alterius, sed respectu omnium rerum; itaque nullus erit tantæ maledictionis aut modus aut mensura. Memento facti Moyſis jam morituri, cum totum Israël in duas partes divisit, sex tribus quæ populo benedicerent in monte Garisim, & sex tribus quæ maledicerent in monte Hebal, ubi Leviticæ excelsâ voce duodecim maledictiones jaculati sunt toto populo respondente,

Ecc

& di.

suspicionem non humanam modo, sed etiam angelicam: quales itaque pœnæ? Denique ob significationem summam odij: *discedite à me maledicti: Quia vos non populus meus*: sicut enim amor Dei omnium bonorum causa exiit: ita odium Dei positivum, omnium malorum: Cogita itaque vermes illos mordaces, igneos fluvios, & sulphureos: tenebras exteriores, & inextricabiles, vincula, carcerem, stridorem dentium, fletum inconsolebilem, sitim inextinguibile, & omnis generis cruciatus intolerandos: Cyprian. serm. de ascens. Continuus erit, & superfluis lacrymarum decursus; incendia corpus nudum allambent: in proprio adipe fixæ libidines ebullient, & inter sartagine flammeas misera corpora cremabuntur: & dic cū Prophetā Isaiā cap. 33. *Quis poterit habitare de vobis cum igne devorante, quis habitabit de vobis, cum ardoribus sempiternis?* Ex pœnis huius vitæ, aliarum facilis est conjectura: si istæ intolerabiles, quales aliæ?

3. Continetur earum pœnarum inevitabilitas, quoniam Dei sententia per se efficax est, nulloque alio modo Deus agit, quàm imperando: itaque nō magis impediri potest executio, quam pronuntiatio, quia seipsam per seipsam exequitur: & proinde peccatorem ac reum efficaciter ponit in eo supplicio, quo anima digna est. Propterea rectè dicitur Filius hominis habere gladium in ore suo utrāque parte acutum, quoniam sententiā suā peccatorem à se dividit, cū sic pronuntiat, *Discedite à me*: Item, *Quia vos non populus meus*: efficaciter cum privat seipso, cūque addit in

ignem æternum, efficaciter ponit in igne, eoque torquet, & in æternum torquet: unde subditur, *Et ibunt hi in supplicium æternum*: ex quo colligitur inevitabilitas pœnarum: Nam sicut quā voce dixit, fiat cælum, eadem factum est cælum; ita quā voce impium condemnat, eadē pœnis alligat, secundum illud Iobi 9. *Deus cuius ira resistere nemo potest*: & illud Sapientis, *indignatio Regis, nuncij mortis*: quæ igitur spes evadendi superesse potest?

4. In illis verbis continetur pœnarū immutabilitas, quoniam ea sententia continet ultimam animæ dispositionē, & ultimum statum. Quādiu in hac vitā persistimus, nullus certus est status, sed semper in aliquā mutatione: qui nunc est in gratiā, cadere potest, de illo enim dicitur *in veritate non stetit*: qui cecidit iterum stare potest: *Nunquid qui dormit, non adjiciet, ut resurgat?* unde Apostolus Paulus: *Nolite ante temptus iudicare: sed ubi ceciderit arbor, ibi manebit, sive ad Austrum, sive ad Aquilonem*; & status qui sequitur iudicium, immutabilis est; Hinc

5. Significatur suppliciorum æternitas atque immortalitas, secundum illud, *Discedite à me maledicti in ignem æternum*, ac ne putes solum ignem futurū æternum, non vero pœnam, rectè subditur uti advertit Sanctus Augustinus, *Et ibunt hi in supplicium æternum*: Ratio est, quia quod semel Deus absolute dicit, id semper operatur; etenim verbum Dei manet in æternum; quare postquā de iudicio disseruit, hæc verba attexit: *Cælum & terra transibunt, verba autem mea non præteribunt*: sicut itaque, ut ait

Sanctus Methodius Martyr, ex eo quod semel dixit Deus, *producat terra herbam virentem*, id singulis annis perfeverat, eâ voce Dei efficaciter semper operante: ita ubi semel dixerit, *discedite a me maledicti in ignem æternum*, quoniam id nullâ parte restringit, æternum erit: porro uti quidquid non est æternum illud quodcunque sit, exiguum est; ita quidquid æternum est, qualecunque sit, magnum est. Bernardus. Non transibit cum tempore, quod transsit tempora.

Sed quis cogitare ac sentire possit, ut par est, de pœnarum æternitate? adhibe omnes numeros, omnes mensuras exhausti, omnes calculorû rationes multiplicata, omnia adijce spatia, cogitatis omnibus utere, universis arenæ marinæ granis, oceani guttis omnibus, unis post alias per multa annorum millia susceptis, sermones universos consume, cunctas collige cogitationes, ingenia omnia conjunge, nunquam ad æternitatis durationem attinges. Reliqua omnia finem aliquem habent, quamvis remotissimus sit, nullum habet æternitas. O Deus! quis cogitare potest, ut expedit æternitatem pœnarum? sine allevamento, sine successione, sine imminutione, sine mediocritate, sine spe, sine misericordiâ, sine ullo præterito. Æternitas in voce, inquit Augustinus, quatuor syllabis constat; In se, sine fine est. Quale durationis monstrum? est semper, & nunquam est; Nihil est in eâ præteritum, neque tamen esse cessat; totum in eâ præsens est, totum in eâ futurum. In nullo est tempore, & continet universæ; cuiuscunque tandem durationis fuerit, semper integra superest; abite anni, fluite sæcula, ad æternitatem per-

tinetis omnia, sed eius minima pars non estis. De ea dicamus quod S. Augustinus de gloriâ dixit: sentire potest, æstimari non potest: sed de illâ quis dicendi finis, cum ipsa finem non habeat.

6. Causam continet, & exprobrationem. *Esurivi enim, & non dedisti mihi manducare: sitivi, & non dedisti mihi potum, &c.* Vide quàm iustè damnentur, nam ut ait S. Chryl. homil. 80. in Matth. Non dixit in carceribus eram, & non liberastis me, aut ægrotus fui, & non medicati estis, sed non visitastis me; nec venistis ad me: sed nec esurienti famem levare difficile, non enim sumptuosam unquam quæsit mensam, sed quæ necessitati sufficeret, quodque majus est non in sublimis cuiusdam sed in humilis habitu servi quæsit: quorum singula ad condemnationem illorum sufficiunt; petitionis scilicet facilitas, & dandi potestas, panis enim petitur; petentis miseria, quia pauper, atque mendicus: retributionis expetenda magnitudo, regnum enim promittitur; terror pœnarum, gehenna enim incutitur; accipientis dignitas, Deus enim pauperum manibus accipit; honoris cumulus, quia tantum descendere dignatus est; ius tribuendi, summa enim iustitia est, de suis cōcedere: Verum ab his omnib⁹ cupiditate habendi retracti sunt, nec pœnarû intentiones timere, cū his qui pauperes non recipiunt, graviora quàm Sodomis sit minatus: & dixerit. *Quod uni ex minimis istis non fecistis mihi non fecistis.* Quod si horum operum omnissio sic punitur, quanto iragis majora scelera, quæ Christus singulis gravi & in-

& Intolerandâ oratione exprobat: Quis eorum hic sensus exprimat confusionis, pudoris, doloris, invidiæ, & despectationis?

Et quoniam Dei verbum per se est efficax, uno temporis momento, Beati in cælum magno triumpho invehentur: In reprobos verò ignis quo mundus universus deflagavit, irruet, eosq; undequâque involuet, & statim maximo hiatu terra sub eorum pedibus usque ad inferos se aperiet, & tota illa hominum damnatorum & Dæmonum multitudo in unum barathrum simul cum igne involvente in modum turbinis præcipitabitur. Totum hoc fiet cum immenso fragore, & strepitu, tùm ignis corripientis, tùm terræ dissultantis, tùm hominum cadentium, & exclamantium. Psal. 139. *Cadent super eos carbonēs, in ignem deijciet eos, in miserijs non subsistent:* & Psal. 10. *Plui super peccatores laqueos: ignis, & sulphur, & spiritus procellarum, pars calicis eorum:* atque inde initium verum habebit damnationis æternitatis, quæ nullum unquam finem habitura est. Cætera persequi non est huius temporis neque discursus, quare hîc finem habeat oratio, nam quis finem æternitatis hîc inveniat?

Quis hic sit vester sensus, Auditores, ignoro: illud tamen scio res easdem, & eadem verba, non eodem modo ab omnibus accipi: Novi tamen hunc sermonem in diversis diversas mutationes effecisse. Quàm enim multi peccatores, ex harum propositione rerum à præteritâ vitâ conversi sunt? Dixit scilicet homo avarus & huic sæculo affixus apud se; quid hîc quæro, quid hîc divitias congreco, cum illa in iudicio, & in

alterâ vitâ nihil profutura sint? Dixit impurus, & voluptuosus; Ita-ne verò ob fugacem, & dedecoris plenissimam voluptatem memet addico sempiternis tormentis? qua frõte iudicem illum iustinebo? Licentioris vitæ homo sibi dixit; quid hic nugaris, quid ludis? quid te ipsum, & alios vanâ cogitatione decipis? quomodò illud aliquando feres, *Eijce derisorem*: Quàm multi hac cogitatione impulsî, huic sæculo abreunntiarunt, cogitantes æternitatem? Quàm multi suo corpori, suæ pulchritudini non pepercerunt? Quàm multi divitias, honores, & dignitates, & nobilitatem, & famam, & hominum peritura ludicia contempserunt, hoc unum cogitantes quod fiet in iudicio? Tu verò qui hîc ades, quâ mente es, quo proposito, quo sèlu, quo voto? Si nulla melior tuam mentem cogitatio percellit, has mecum perpende considerations.

1. Consideratio. Cùm hæc omnia, neque sint fabula, neque somnium, sed eandem habeant veritatem, quàm cæteri fidei nostræ articuli, (nam omnia æqualiter nobis proponuntur in Evangelio) immò cum nulla res enucleatius nobis exposita sit in Evangelio, quàm tota iudicii extremi descriptio, idque apud S. Matth. duobus integris capitibus 24. & 25. idque secundum omnes circumstantias, ita ut dempto solo die iudicii, cætera omnia distinctè sint declarata, quis iudex, quo apparatu, qui iudicandi, quibus præsentibus, quo throno, quâ factâ interrogatione, quo loco erit unusquisque, quæ primo loco proferetur sententia, quæ secundo loco, & quibus utraque verbis concipitur:

Ere 3

Porro

Porro hæc omnia nobis ab ipso Iudice revelata, qui quod erat facturus non potuit ignorare : Nec id populo tantū & plebi ad terrorem, sed Apostolis eum secreto de hac re interrogantibus : Nec ab eo rem tantum simplici enuntiatione efferrēte, sed iuramento etiam confirmante, ut se hominum moribus accommodaret, Matth. 24. *Amē dico vobis, quia non præteribit generatio hæc donec omnia hæc fiant, cælum & terra transibunt, verba autem mea non præteribunt* : Cum, inquam, hæc ita sint, sequitur aut hæ certo nobis tenenda esse, aut fidem deferendam. Sed cum certa sint, atque aliquando futura expectemus ; Est-ne hominis Sapientis tantæ rei periculo, ob res nihili sese exponere ? Vide quidquid est in mundo magnum, delectabile, gloriosum. An illud omne tantæ rei periculo dignum est ? & tam certo, & infallibili ? Multo magis an illa ludicra, & condemnanda quæ vulgò homines detinent ? Itaque vide, si ulla sit in mundo insania, si ullus furor, si hoc non est furere, & insanire : Quotidie homines mors capit, & Iudicio Dei transmittit : nam *statutum est omnibus hominibus semel mori, post hæc autem iudicium* : hoc videmus, hoc audimus, nec contremiscimus : Vide quid secum auferant de ijs quæ in hac vitâ possederunt : certè cum omnia relinquant hæredibus suis, vel creditoribus, argumentum est, nihil illos secum auferre : Vide quid interim in aliâ vitâ putantur, saltem quid tandem expectare debeant, si de illorum maximâ parte sermo sit ; hæc sunt quæ à me audivisti, & multa etiam longè graviora. Tu igitur idem pro te expecta, neque

enim semper vivere poteris : nam *nemo est qui semper vivat, & qui huius rei habeat fiduciam* : Quid scis an te brevi ultima hora occupabit, quod cum factum fuerit, vide quid te in alterâ vitâ maneat : de qua re cogitas, si non de illâ, quæ tanti tua interest ? quid curas, si non hoc curas ? quid tandem times, si non hoc times ? cui rei provides, si non isti, quæ omnia tua & huius vitæ & alterius cōplectitur ? utinam homines saperent, & intelligerent, ac novissima providerent.

2. Consideratio. Cum multa quæ in hac vitâ timeamus, eadem in alterâ vitâ, & maiora etiam vereamur, & majori certitudine, id statue apud te, & iudicia, quid amborū, debeas plus timere, & quid illorum facilius ferre possis. Hic times aliorum Iudicium atque opinionem sinistram : Vide num in eo genere sit aliquid maius in futurâ, quod timere debeas. Hic times dedecus, paupertatem, dolorem, servitutem : sed quæ hæc omnia longè maiora futura sunt in alterâ vitâ : Quod si præsentia vix ferre potes, cū tot consolationibus, tum tot adjumentis externis, cum virtutū auxilio : cū tot gratiarū præsidis, quomodo feres æterna cum hæc omnia deerūt solatia, & nulla aderunt adjumenta.

Neque verò dilectissimi videar vobis durior, atque acerbior, qui tam dura, & metuenda prædicem : 1. Quidem quia hæc non sunt formidabilia, quoniam dicuntur, aut annuntiantur, sed quoniā reipsa sunt, & certò futura sunt : 2. Quia non ideo futura sunt, quia à me dicuntur, sed illa ideo dico, quia vel jam sūt, vel quia reipsa futura sunt : si enim tacerō, esse tamen non desinent, sed eò


crunt

erunt graviora, quia nunquam prævifa, non prævifa, quia nunquam audita, non audita, quia nunquam dicta. Itaque meum quidē propositum est, ut ista timereis, ne aliquando sentiat: nam timere magnoperē utile est: sed sentire, intolerandum: qui autem timere nolunt, volunt sentire, atque experiri. Sed, aiūt nōnulli, hæc nimirum timorem animis incutiūt, nec ferri possunt. Quid ais nimium timorē incutere? quis earum rerū nimius timor esse potest, quæ omnē sēsū superant? Quid iterum, ais, ferri nō posse, cum nondum ob eum timorem, vitam mutaris, & mores? nam si satis timuisses, quomodo fieri potuisset, ut nihil esset in te mutatum? Prædicavit aliquando Ionas Propheta, *Adbuc quadraginta dies, & Ninive subvertetur*: Timuit populus, timuit Rex, quanta morum, & vitæ mutatio? ipse Sardanapalus hominum delitiosissimus, & voluptatum cœnum, in cinere, & cilicio, & jejuniō pœnitentiam egit: Immo & infantes, & animates jejungere cœgit, & edicto suo omnes ad pœnitentiam compulsi: hic sanē fuit legitimus, & rationabilis timor: Ego verō clamādo, monendo, terrendo, nihil omnino proficio. Scio quidem omnem timorem pœnam habere, ut ait Joannes Apostolus, sed novi etiā nullam fieri sine dolore pœnitentiam. Itaque dilectissimi nolite istas cogitationes omittere, quoniam ut ait Isaias cap. 26. secundum LXX. *Intempr Propter timorē tuū Domine in utero accepimus, & doluimus, & peperimus spiritum salutis tue, quem fecimus super terram*: Sed ferē qui

nolunt timere, idē faciunt, quia cum nolint converti, ferre non possunt se quasi necessitate ad bonum compelli. Verū audio Christum mihi dicentem, *compelle eos intrare*: Itaque S. Petrus Chrysost. serm. 10. in Psal. 28. *Attrahite nolentes: nemo dicat, non vult, quia & Abraham ut offerret filium, colligavit, & Loth Angeli, ut subtraherent flammis, extractum manibus sustulerunt: Et Petrum, Dominus, ut iret ad martyrium, quō nolebat, auxilij sui virtute præcinxit, dicens, præcinget te alius, & ducet quō tu non vis: & Pater cœlestis non solum volentes suscipit: sed attrahit & nolentes, dicente filio, Nemo potest venire ad me, nisi Pater, qui misit me, traxerit eum*: Ita Christus non solum iussit servis, ut invitarent ad nuptias, sed etiam ut compellerent intrare: Itaque Origenes homil. 20. in Numer. Sic ergo non solum invitamur à Domino, sed & trahimur, & cogimur ad salutem: Permittite itaque Auditores, ut vos vel blanditijs pelliciam ad salutem, vel violenter compellam, hoc mihi perinde est, modo vobis salutem acquiram. Tu quisquis es, audisti de utraque sententia me differenter: vide ad quam pertinere velis, nam necesse est ut ad alterutrām pertineas, ut aut ad dexteram, aut ad sinistram eas, ut te audias dici, aut benedictum, aut maledictum, ut te capiat, aut supplicium æternum, aut æterna vita, ad quam nos perducatur Dominus noster Iesus Christus Amen.

TOMI PRIMI FINIS.





7-2-2

